



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Ex libris



Thomas Spencer Jerome



---

BR  
65  
T3  
1786

Ex libris



Thomas Spencer Jerome


BR  
65  
T3  
1780



OPERA OMNIA  
SANCTORUM PATRUM

LATINORUM.

VOLUMEN I



**Q. SEPTIMII FLORENTIS  
TERTULLIANI  
OPERA OMNIA.**



---

**TOMVS I.**

---

**WIRCEBURGI,**  
**In Officina Libraria STABELIANA**

---

**MDCCLXXX.**

Ex libris



Thomas Spencer Jerome



---

BR  
65  
T3  
1780



OPERA OMNIA  
SANCTORUM PATRUM

LATINORUM.

VOLUMEN I

Sed revocat a jucundissima hac visione me posteriorum tuorum in me beneficiorum modo succedens memoria ; & ad ulteriora properans narratio mea.

Postea me, ob accepta Romæ beneficia tua, solenni quadam gratiarum actione pro viribus meis compensanda, sollicitum jam satis ; novo titulo debitorem tibi fecisti, auxistiquæ meum gratitudinis tibi exhibendæ, & recolendæ tuæ in me benevolentix, desiderium & votum, —

Cum tuis me litteris in patriam prosequens fecisti ut cœpta Romæ familiaritatis nostræ officia, & missa semel certantis amicitix fundamenta epistolicum commercium continuaret, ne sic obliteret animorum conjunctioni separata utrinque porrectioribus terminis habitatio : —

Cumque non tantum non interrumpi sivistis iter hoc amoris nostri occupatione, quæ tibi cum Musis & amicis aliis plurimis summa est, —

Sed

Sed adeo extare aliquod ex tam multis tuis litterariis monumentis voluisti, tuam de opido Labici eruditissimam, & celebratissimam Dissertationem, quæ meum gerens in fronte nomen tuam erga me amicitiam & reliquo nostro, & postero orbi palam profiteretur.

Tandem iter profectus longum satis, Roma Wirceburgum, nullo urgente negotio, nullo tuo commodo, solo desiderio ductus, me amicum tuum, post elapsum ab ultimo nostro amplexu sexennium, rursus videndi, trahendique in confidentis amicitiae tenero fidelique gremio aliquot hebdomadarum otium, meos ad lares V. Calendas Novembres nuperi anni improvisus adventasti.

Hæc demum insolita amoris & amicitiae testificatio vicerat omnino sicut vulgarem amicitiam, ita meam, meorumque concivium expectationem; ita quidem ut ego rem omni mea gratitudine superiorem per te mihi exhiberi persuasus non de gratiarum actione publice instituenda posthac cogitarem, sed quasi

mei tuique oblitus, rebus humanis ereptus in  
superum Regione nonnisi verum amicitiae idea-  
le exemplar intuerer, quod, ut descriptum sub-  
lunari orbi communicarem ac repraesentarem,  
novo impetu urgeri me sensi.

Interea, cum huic cogitationi mihi adeo  
jucundae post tuum a me discessum immoror,  
& ejus describendae occasionem opportunam  
plus quam alias curiosus circumspicio; cum te  
Romam recta redeuntem, una cum mea, sequi-  
tur amicorum meorum, quibus videre te, &  
nosse licuit, affectio, sequitur communis gen-  
tilium meorum admiratio, sequuntur & vota  
te reclamantia; cum tu pluribus in litteris te  
esse ad me mature rediturum, & teutonicae in-  
terim ad hunc finem addiscendae linguae quoti-  
dianam navare operam, facis fidem, dato in  
iisdem tuis ad me epistolis non uno celeris,  
bonique profectus specimine;

Ecce tempestiva occurrit quam diu praes-  
tolabar, occasio! advertens enim, cum vetu-  
stus & latinus inter Ecclesiasticos scriptores pri-  
mus,

---

mus, Septimius Florens Tertullianus mea opera ex Stabelii Officina in lucem publicam mox præditurus erat, verba mihi pauca ad litteratos, & Patristici studii amatores dicenda esse, tam de hac Tertullianeorum operum recensione nova, quam universim de patrio nostro edendorum noviter SS. Patrum instituto, cujus me authorem, & præsidem publicæ dudum laudant novellæ; —

Perpetuabitur, dixi, Tertulliani beneficio fama rarissimi hujus exempli, imo ipse veræ idealis amicitiae genuina imago, hac maxime ex ratione, quod tu, amicorum optime, Tertulliani recudendi concilio meo, eo ipso die quo ceperam illud, quoque primam huic operi manum admoveram, felici omine supervenisti;

Quodque vanus adeo ego non sum, ut proprii mei ingenii partum quendam, si quos forte adhuc edam, ad conservandam hujus rei memoriam, satis longævum fore putem:

Hoc

Hoc sine *Tibi*, Vir amicissime, qui tantum mihi unus vales, quantum inter litteratos proceres multi, aperta hac patentique epistola, scribo nunc ea, quæ integræ litteratorum reipublicæ, super hoc de nova Ss. Patrum, & in specie de hac Tertulliani Editione, temere dicenda mihi sunt; leget eam enim & *Rēs Publica* litteratorum; quæ dum, cur tibi soli inscripta sit hæc epistola communis alias argumenti, quæret, & rationem in limine ejus leget, & simul, quam illi destinaveram veræ tuo in exemplo exhibendam amicitiae perfectam imaginem intuebitur, admirabitur.

Hæc ergo nunc accipe, vir amicissime, & tuo, & reliquorum litteratorum omnium, publico nomine!

Ut primum docendæ Dogmaticæ, & Polemicæ patria in Universitate sum applicatus, eo curam primam direxi, ut subductis paulatim e manibus Theologiæ Candidatorum, illis scholasticis tractatibus, *Theologia Dogmatico-Polemico-Scholastica* inscriptis, solis eorum eo usque classicis libris, substituerentur ipsa originalia



alia Revelationis documenta, ex quibus, ut ex ipso fonte haurirent dulcius, & securius omnem theologicæ scientiæ copiam.

Quantum ad *Scripturam* S. primum revelationis originale documentum, & theologicæ scientiæ primum fontem attinet, consuluerat jam ante annos ab hinc septendecim immortalis memoriæ Princeps ADAMUS FRIDERICUS, jubens, ut illa a destinato ad id munus proprio Professore secundum litteralem sensum integra explicaretur.

De *Traditionis* documentis ergo mihi maxime curandum fuerat, ut non sola fide illorum scolasticorum tractatum, & ex mutilis, male truncatis, illuc coacervatis textibus Ecclesiasticorum scriptorum, & Conciliorum, discerent & quidem memoriter solum, quid quavis ætate Ecclesia inter fidei dogmata etsi non scriptum in Bibliis, tamen traditum ab Apostolis, recensuerit; sed viso, lectoque propriis oculis, & probe examinato ipsorum originalium documentorum authentico textu, & hoc quidem integro, ipsi judicare possent; discerentque —  
quod

quod mihi penitus inspecta re theologica qualis hucusque erat, summe necessarium videbatur — traditionis hujus præcipuos testes, ipsos scilicet antiquos Ecclesiæ Patres ex proprio cujusvis caractere æstimare, & discernere bene in eo authoritatem testis, & Doctoris:

Hoc ut efficerem, necessarium ante omnia alia esse duxi, tam Conciliorum Ecclesiasticorum acta, quam SS. Patrum opera ob voluminum, in quibus excusa illa, molem, & pretium hætenus nimium rara, & solis Bibliothecis nota, in Enchiridii forma edere, ut emerentur sic a pluribus facilius, & legerentur commodius:

Seposita autem paulisper de Actis Conciliaribus sic noviter recudendis cogitatione, quod non una extaret bonæ frugis & notæ eorum epitome, de SS. Patrum scriptis sic evulgandis solum deliberavi.

Primo autem, ut celeritate operis citius, & efficacius quod in bonum rei theologicæ intenderam, assequer, societatem incundam esse cogitavi inter plures Germaniæ Universitates,

tates, quarum singulæ simul eodem nobiscum tempore operum Patrificorum classem unam ederent.

Communicavi hoc meum Consilium, proposita energice rei utilitate maxima, iis, quæ quavis in Universitate ad promovendum hoc opus salutare voluntatem habere, & authoritatem mihi visi sunt; talem communis negotii distributionem suggerens:

Ut polemica contra Judæos & gentiles pro veritate Religionis Christianæ opera Patrum Græcorum, Wirceburgi;

Ibi opera polemica Patrum Latinorum contra eosdem;

Alibi opera polemica contra varios hæreticos;

Rursus alibi corpus scriptorum historiarum Ecclesiasticarum &c. edenda curarentur.

Homilias, & Commentaria in Biblicos libros, & alia, quæ non ita Theologis, & scopo meo necessaria, omitti plane, vel saltem differri posse judicavi.

Has

Has autem generales leges ad quas hoc negotium dirigendum esset, faciendas a sociis, si qui meo consilio accessuri essent, rogavi:

1. Ut ad recensionem, quæ criticorum iudicio optima haberetur, nova editio pararetur.

2. Ut quoad græcos Patres, originalis textus cum latina versione exprimeretur.

3. Ut omitterentur & commentaria, & scholia, & — nisi aliud circumstantiæ suaserint — lectionum varietates; partim ne moles cresceret in immensum, frustrato sic fine, quem intenderam, partim ut aliena sic ope destituti Patristicorum operum Lectores discant in hoc genere, in intelligendo scilicet vetusto quodam scriptore sibi ipsis sufficere; cum cæterum pro nata speciali indigentia Bibliothecæ publicæ in amplioribus editionibus subsidium præstant:

Hos inter meos cum exteris Universitatibus, quas in communionem negotii hujus trahere conatus sum, tractatus, nostræ Universitatis Bibliopola longam hanc Patrum edendo

rum

um seriem, cum Tomo I. operum Justini Martyris, anno MDCC LXXVII. inchoavit feliciter, sub auspiciis ejusdem magni quondam studiorum nostrorum restauratoris, nunc beatissimæ & immortalis memoriæ Principis ADAMI FRIDERICI, qui huic instituto, quo tantopere delectabatur, maxime favit, id inter alia in ejus bonum jubens, ut Sodalitas nostra Major Academica tantam redimeret quot annis voluminum copiam, quanta honorandis solito xenio ejus membris singulis sufficeret.

Cum interim diu vana apud alias Universitates prece, pro cogenda ad edendos communis simultanea opera Patres, societate institeram, aliis alia causantibus; non adeo sinistro id factum ipse intellexi tandem, advertique, lente quidem & in tempus longius, ordinatius tamen hoc opus processurum, si soli Stahelianæ nostræ Officinæ illud integrum committerem, nec secundum materias unius authoris operam recarem, aut quædam præterirem;

Unde Volumini septimo aliam, latiorēque epigraphen imposui, scilicet: *Opera Ss. Pa-*

*trum græcorum omnia, Volumen VII. Origenis  
Adamantii op. ra omnia Tom. I. &c.*

Nec pœnituit hætenus inchoati hujus operis, & nunc dilatati; imo me apud eruditos potius multam inde gratiam & laudem tulisse per novellas certior factus, & fructum ejus plurimum, meis candidatis inde natum, æstimatum præsertim ex quatuor de re Patristica dissertationibus, quas totidem Ss. Theologiæ Licentiati, authores earum in disputatione sua inaugurali, eruditorum judicio obtulero, maxima dein laude condecorati, intuitus,

Rursus ampliavi consilium meum, vel potius jam ante cœptum negotium maturavi; simul cum græcorum Patrum editione & hanc Patrum Latinorum a Tertulliano nunc inchoatam curans.

Quæ autem in paranda hac Tertulliani nova recensione mihi ratio, quæque œconomia fuerit, vir amicissime, his paucis adhuc intellige!

Hallensem editionem anno MDCC LXX. inceptam, & sexto in Volumine anno MDCC LXXVI. completam exprimi feci:

Postre-

quæ gentiles putant, capimur. Infidelis contra, etiam suspectam habet, vel propter illam sceleratam in nos opinionem gentilium. Cui ergo pulchritudinem tuam nutrias, si fidelis non exigit, si gentilis non credit? quid gestias aut suspecto, aut non desideranti placere?

5. Hæc utique non ad crudam in totum & ferinam habitudinem insinuandam vobis suggeruntur; nec de bono corporis squalorem, sed de pudoris suademus, sed de modo & cardine & iustitia corporis excolendi. Non supergrediendum quam quod simplices & sufficientes munditiæ concupiscunt, ultra quam domino placere. In illum enim delinquant, quæ cutem medicaminibus unguent, genas rubore maculant, oculos fuligine colligunt: displicet illis nimirum plastica Dei, in ipsis redarguunt, reprehendunt artificem omnium. Reprehendunt enim, cum emendant, cum adjiciunt, utique ab adversario artifice fumentes additamenta ista, id est diabolo. Nam quis corpus monstraret mutare nisi qui & hominis spiritum malitia transfiguravit? ille indubitate hujusmodi ingenia concinnavit, ut in nobis quodammodo manus Deo inferret. Quod nascitur, opus Dei est. Ergo quod fingitur, diaboli negocium est. Divino operi, Satanæ ingenia superducere quam scelestum est? Servi nostri ab inimicis nostris nihil mutuantur, milites ab hoste imperatoris sui nihil concupiscunt. De adversario enim ejus in cujus manu sit, aliquid usu postulare, transgressio est. Christianus a malo illo adjuvabitur? nescio an hoc nomen ei perseveret. Erit enim ejus, de cujus doctrinis instrui concupiscit. Quantum autem a vestris disciplinis & professionibus aliena sunt, quam indigna nomine Christiano, faciem fictam gestare, quibus simplicitas omnis indicitur! effigiem mentiri, quibus lingua non licet, appetere, quod datum non sit, quibus alienum abstinentiam in specie exercere, quibus studium pudicitie est?

Credite

Credite benedictæ, quomodo præcepta Dei custoditis, liniamenta non custodientes?

6. Video quasdam & capillum croco vertere, pudet eas etiam nationis suæ, quod non Germanæ aut Gallæ sint procreatæ, ita patriam capillo transferunt, male ac pessime sibi auspicantur flammeo capite; & decorum putant, quod inquinant. Atque & detrimentum crinibus medicaminum vis inurit, & cerebro perniciem, etiam cujuslibet sinceri humoris assiduitas reservat, tum solis animæ simul & siccando capillo exoptabilis ardor. Quis decet cum injuria? quæ cum immunditiis pulchritudo? Crocum capiti suo mulier Christiana ingerit, ut in aram? Quodcunque enim immundo spiritui extremari solet, id nisi probis & necessariis & salubribus usibus adhibeatur, ad quod creatura Dei est prospecta, sacrificium videri potest. Sed enim dominus ait, *quis vestrum potest capillum atrum ex albo facere, aut album ex atro?* Hæ quæ revincunt Deum, Ecce inquiunt, pro albo vel atro flavum facimus, gratiæ faciliorem: quamvis & atrum ex albo conantur facere, quas pœnituit ad senectam usque vizisse. pro temeritate erubescit ætas exoptata votis; furtum confitetur, adolescentia, in qua delinquimus, suspiratur; occasio pravitatis, interpolatur. Absit a sapientiæ filiabus stultitia tanta. Senectus, cum plus occultari studuerit, plus detegitur. Hæc est æternitas nostra, de capitis juventute. Hanc incorruptibilem habemus semper induere ad domum domini, quam acacia pollicetur. Bene properatis ad dominum, bene festinatis excedere de isto iniquissimo seculo, quibus in fine appropinquare deforme est.

7. Quid enim tanta ordinandi capitis onerositas salutem subministrat? Quid crinibus vestris quiescere non licet, modo substrictis, modo fuscitatis, modo elisis. Aliæ gestiunt in cincinnis coërcere, aliæ ut vagi & volucres elabantur, non bona simplicitate, custoditis.



*ibidem loco*: vindicet, & a nostræ parti &c.

§ 9. fol. 568. *loco*: testatur, ex Dei lege; corpori enim &c.

*ibidem fol. 569. loco*: nisi filio puero.

*ibidem loco*: carni deputans, ex utero spiritus &c.

§ 11. fol. 577. *loco*: in quibus, Judæis infidelibus.

*ibidem loco*: ita & si hujus ævi Deus, sed infidelium &c.

*ibidem loco*: ne ultro possum &c.

§ 12. fol. 580. *loco*: ideo quia ostendit &c.

*ibidem fol. 581. loco*: angelum novimus de paradiso, suus filius &c.

*ibidem loco*: quoties probaverim, concessionem ejus &c.

*ibidem loco*: quatinus & ipsa epistola &c.

§ 13. fol. 584. *loco*: legi. Ergo corpus Christi: & potest &c.

*ibidem loco*: licuit delictum latere,

§ 14. fol. 586. *loco*: quidem zelum Dei habeant &c.

§ 16. fol. 591. *loco*: hoc erit eis instinctum &c.

*ibidem fol. 592. loco*: Christum creatori submittat?

§ 17. fol. 593. *loco*: a quo & in terris acta omnibus constat.  
Tertull. Tom. I.

*habet mea*: vindicet: quia nostræ parti &c. *Rigal. vero legit*: & an nostræ &c.

*habet mea*: testatur. Et Dei lege corpori enim dictum est.

*probat Jun. lectionem Ciaconii*: nisi filio vero &c.

*legendum credit Hallensis*: non carni deputans; Ego quidem non opus tali adjunctione patrem, ubi Tertullianus metaphoram scripserat.

*vult Jun. sua interpretationem legi*: in quibus? Judæis &c.

*habet mea*: ita non hujus ævi Deus, sed &c.

*legit Latin. nec ultra. Possum*, &c.

*legit Ciaconius, probatque Jun. idemque.*

*habet mea*: novimus de Paradiso. Sui filius &c.

*habet mea*: qui toties probaverim, concessionem ejus &c.

*legit Latin. quamvis & ipsa &c.*

*legit Ciacon. probantibus Jun. & Hallensi*: legi per Corpus Christi. Ergo Corpus Christi &c.

*habet mea*: liquit &c.

*habet mea*: quod zelum &c.

*legit Latin. dabit eis &c.*

*habet Cod. Woum. leguntque Latin. & Jun. creatoris &c.*

*vult Jun. actas.*

§. 18. fol. 598. loco: quas novus in Prophetis habuisset formas?

*vult Jun. novas: Pamel. vtro in Vaticano Codice legit: quas novimus in Prophetis habuisse formas? sed neutra illi le-  
tio plane probatur, nec hac Vat. Cod. nec nostra Vulgaris, quam & mea habet.*

*ibidem fol. 599. loco: cum adirent ad sancta & psalmis & hymnis Deo canere: docere &c.*

*habet mea: cum adirent ad sancta. Et psalmis, & hymnis Deo canera, docere &c. Hallensis autumat illud: Et: post: sancta: mutari debere in: &c.*

*ibidem fol. 600. loco: an si quo Dñi, ita &c.*

*habet mea: an sicut &c.*

*ibidem loco: si jam diaboli.*

*habet mea: si jam ambo diaboli.*

§. 19. fol. 602. illa parenthefis: nam & supra-- substantia carnis.

*abest in mea, & abesse eam debere etiam Hallen. editor judicat.*

§. 20. fol. 605. loco: quo nec hic Apostolus &c.

*legit Latin. quia nec. alii: quin nec &c.*

*ibidem loco: non enim exaggerat atrocitatem &c.*

*legit Latin. exaggeraret &c.*

*ibidem loco: virtutem collectionis &c.*

*habet mea: subjectionis &c.*

Postrema hæc enim erat, & ex hoc jam titulo mihi præferenda visa: dein magna curatorum ejus nomina, Semleri nempe, & Schüzii, hanc mihi præ aliis commendarant:

Uti autem & hi in recensendo Tertulliano præterant potissimum textu B. Rhenani editionis Basileensis apud Frobenium MDCXXI. conferentes cum eo plures editiones alias, & ex iis excerptas lectionum varietates in calce cujusvis paginae adjicientes; subin ipsum etiam textum corrigentes:

Præter hanc Hallensem, meam semper ad manum habui, quam quavis difficiliore in loco consulerem, Parisiensem nempe editionem cum notis Pamelii, anno MDCVIII. publicatam, ex qua lectionem etiam, si quando ab Hallensi differabat, ad finem tomi hujus annotavi.

Si qui dein occurebant alii æque difficiles loci, ubi cum Hallensi, & mea consenserat, eorum, qui illam curarunt, diligentia sum usus & fide, excerptasque ab illis variationes, iis, quas proprio labore collegeram, inserui.

Adhibui autem hanc, contra, ac proposueram, in hoc scriptore recensendo diligentiam, ideo, quod magni ille inter multos alios Ecclesiasticos scriptores momenti est; quod eum tam ob peculiarem suam latinitatem, quam ob cogitandi, scribendique proprium modum, multis aliis obscuriorem deprehendi; quod nulla adhuc mihi editio ejus satis casta, & perfecta est visa, ita ut & Semlerus ipse fateatur multum adhuc abesse suam recensionem a tali perfectione, ut sine legentium offensione hic suus Tertullianus existat. — Demum ne effectus res plane aliena, quam caro & illustri tuo nomine, vir amicissime! insignire statueram.

Quandoque ipsum etiam Hallensem textum ad editionis meae Parisiensis lectionem emendavi, raro tamen, & non nisi cum maxima circumspectione, tunc scilicet, cum erat minus obscura haec, minus suspecta, sed probabilior, nec tamen inter variantes a Semlero notata; aut cum corrigendum esse mendum apertum, grammatica jubebat: sic fol. 52. loco: *sim vocatus, nec ad sacrificium si, titulus officii, & opera mea expunctio;*

*Etio* ; & fol. 273. loco: *inuri & extendi, mordereque nullum &c.* substitui ex mea, quod nunc sibi legis :

In libro ad Nationes, lacunas quas vides explere mihi non licuit, deest ille in mea, forsan, quia repetita est tantum, nec multum variata editio *Apologetici adversus gentes* : unam editionem Venetam anni 1701. consulere mihi licuit, sed plus ex illa, quam verbum unum integrare non licuit.

Cæterum ab Hallensi editione duobus adhuc in punctis differt hæc novior Wirceburgensis: *primo*, lectionum varietates tantum præcipuas notavi, illorum scilicet locorum, qui ob difficilliores sensum, aut dubiam, suspectamque lectionem, quadam dilucidatione ex hac mea providentia præ aliis indigere mihi sunt visi. Nec illas in cujusvis paginæ calce cifris indicatas, ut in Hallensi, sed ad voluminis finem adjeci; remoram enim & fastidium ne injicerent legenti tales indices notæ ipsi textui immistæ, timui.

*Dein*. & librorum seriem mutavi; in Hallensi plane ad arbitrium editoris ea erat ordinata.

Ego Clarissimi in Hallensi Universitate Professoris NOESSELTII ordinem adoptavi, quem esse Cronologicum, ille in tribus de vera ætate scriptorum Tertulliani libellis Halæ Magdeburgicæ MDCCCLVII. & MDCCCLIX. primum, dein MDCCCLXVIII. secundo publicatis, non quidem cum plena certitudine, nec tamen sine omni probabilitate ostenderat;

Hac tamen cum cautela, quod libros contra Marcionem, non aliis interjectos, prouti NOESSELTII Cronologia exigebat, sed conjunctos una serie, seque immediate excipientes publicaverim:

Demum quorundam adhuc sphalmatum a te, vir amicissime, & omnibus Tertullianæ hujus editionis lectoribus veniam rogo: subterfugere illa, cum potissimum ipsi sensui attenderem, & distentum aliis curis me Typographus urgeret, sollicitam meam cæteroquin diligentiam: culpam, si qua mea fuit, reparavi, admonendo in fine Voluminis, quomodo corrigi illa debeant.


## Errata notabiliora.

*Fal. 13. lin. 33. corrigendum: defossa.*

- 14. - 9-10. *delendum: vel a quibus tranquillum;*
- 50. - 24. *legendum: Invenio.*
- 53. - 22. *legendum: deservisse.*
- 58. - 14. *corrig. ab alio traditum.*
- 64. - 14. *corrig. sacrilegium.*
- 229. - 24. *corrig. ad Hallens. ego & circa &c.*
- 241. - 14. *corrig. magnificatur.*
- 259. - 12. *corrig. preciosissimo &c.*
- 304. - 6. *corrig. pædagogus.*
- 358. - 21. *delendum semel, proximum.*
- 368. - 6. *legendum: sed.*
- 401. - 30. *corrig. perfecerunt.*
- 479. - *penult. corrig. oro te.*
- 480. - 27. *corrig. qui semen odit.*
- 498. - 4. *corrig. ad maledicendum.*
- 523. - 23. *corrig. ex parte.*
- 534. - 23. *corrig. ex isto dicto.*
- 550. - 10. *corrig. de meo spiritu.*
- 577. - 20. *corrig. & auferam sapientiam sapientium.*
- 599. - 31. *corrig. propter hoc relinquet.*
- 601. - 16. *corrig. si nostra est.*
- 619. *Colum. 2. lin. 4. corrig. uti in mea.*

Cætera minora Lector ipse facile corriges.

---









Rationem nunc reddidi tibi, vir amicissime, & toti litterariæ Reipublicæ, quo consilio hoc edendorum Ss. Patrum institutum nostrum fuerit cæptum, quoque modo hucusque gestum:

Liceat id unum addere, me in docenda dogmatica, & Polemica talem adhibere methodum, ut, qui his disciplinis me Magistro operam navant, vel invitos ad ipsa revelationis originaria documenta familiarius tractanda, & penitus examinanda ducam:

Quæ qualisque illa sit, dijudicabis partim ex primis illis Theologiæ revelatæ lineis, a me prope ante quatriennium evulgatis, partim ex Antropologia revelata, altera dogmatices parte, proxime & prelo danda.

Loquar autem, data opera, si Deus velit, uberius de illa, in quadam in universum studium theologicum introductione, quam nunc describendam meditor. —

Simul, quod primario intenderam, singularem tuum erga me favorem quantum potui, prædicavi, imo ipsum tuo in exemplo veræ amicitiae prototypon orbi litterario ostendi. —

Restat,

Restat, ut hanc meæ erga te gratitudinis summæ testificationem publicam, vel potius officii, quod toti humanitati debeo, præstationem, tua modestiâ æqui bonique consulat — ut me in bonum Theologorum studiorum utiliter usque huc laborasse, tuamque inde benevolentiam ulteriorem aliquatenus meruisse, tuo suffragio probes — ut denique, quam ædidi mihi fidem, rursus ad me quam primum redeundo exsolvas.

Interea me quotidie tibi mea vota obviam ferunt; precorque ego Deum, ut mihi, amicis tuis omnibus, litteris, mundo, incolumem te diu fervet. Vale Amicorum optime, iterumque vale.



Q. SEPTIMII FLORENTIS  
TERTULLIANI

AD

MARTYRES,

LIBER.

I.

**I**nter carnis alimenta, benedicti martyres designati, quæ vobis & domina mater ecclesia de uberibus suis, & singuli fratres de opibus suis propriis in carcerem subministrant, capite aliquid & a nobis quod faciat ad spiritum quoque educandum. Carnem enim saginari, & spiritum esurire non prodest. Imo si quod infirmum est, curatur: æque quod infirmius est, negligi non debet. Neque tantus ego sum, ut vos alloquar, veruntamen & gladiatores perfectissimos non tantum magistri & præpositi sui, sed etiam idiotæ & supervacue quique adhortantur de longinquo, ut sæpe de ipso populo dictata suggesta profuerint. In primis ergo, benedicti, nolite contristare spiritum sanctum,

*Tertull. Tom. I.*

A

qui

qui vobiscum introiit carcerem. Si enim non vobiscum nunc introisset, nec vos illic hodie fuissetis. Et ideo date operam, ut illic vobiscum perseveret: ita vos inde perducatur ad dominum. Domus quidem diaboli est & carcer, in qua familiam suam continet. Sed vos ideo in carcerem pervenistis, ut illum etiam in domo sua conculcetis. Jam enim foris congressi conculcaveratis. Non ergo dicat: In meo sunt, tentabo illos vilibus scidiis, affectionibus, aut inter se dissensionibus. Fugiat conspectum vestrum, & in ima sua delitescat, contractus, & torpens, tanquam coluber excantatus aut effumigatus. Nec illi tam beneficit in suo regno, ut vos committat: sed inveniat munitos, & concordia armatos: quia pax vestra bellum est illi. Quam pacem quidam in Ecclesia non habentes, a martyribus in carcere exorate consueverunt. Et ideo eam etiam propterea in vobis habere & fovere & custodire debetis: ut si forte & aliis prestare possitis.

2. Cætera æque animi impedimenta usque ad limen carceris deduxerint vos, quousque & parentes vestri. Exinde segregati estis ab ipso mundo; quanto magis a seculo, rebusque ejus? Nec hoc vos consternet, quod segregati estis a mundo. Si enim recogitemus ipsum magis mundum carcerem esse, existere vos e carcere, quam in carcerem introisse, intelligemus. Majores tenebras habet mundus, quæ hominum præcordia excæcant. Graviores catenas imbuat mundus, quæ ipsas animas hominum constringunt. Pejores immunditias exspirat mundus, libidines hominum. Plures postremo mundus reos continet, scilicet universum hominum genus. Judicia denique non Proconsulis, sed dei sustinet. Quo vos benedicti de carcere in custodiarium si forte translatos existimetis. Habet tenebras, sed lumen estis ipsi: habet vincula, sed vos soluti deo estis. Triste illi  
expi-

expirat, sed vos odor estis suavitatis. Judex expectatur, sed vos estis de iudicibus ipsis iudicaturi. Contristetur illic, qui fructum seculi suspirat. Christianus etiam extra carcerem seculo renuntiavit, in carcere autem etiam carceri. Nihil interest, ubi sitis in seculo, qui extra seculum estis. Et si aliqua amisistis vitæ gaudia, negotiatio est aliquid amittere, ut majora lucreris. Nihil adhuc dico de præmio, ad quod deus martyres invitat. Ipsam interim conversationem seculi & carceris comparemus, si non plus in carcere spiritus acquirit, quam caro amittit, imo & quæ iusta sunt caro non amittit per curam ecclesiæ, agapen fratrum: & insuper quæ semper utilia fidei, spiritus adipiscitur. Non vides alienos deos, non imaginibus eorum incurris, non solennes nationum dies ipsa commixtione participas, non nidoribus spurcis verberaris, non clamoribus spectaculorum, atrocitate, vel furore, vel impudicitia celebrantium caderis: non in loca libidinum publicarum oculi tui impingunt: vacas, a scandalis, a tentationibus, a recordationibus malis, jam & a persecutione. Hoc præstat carcer Christiano, quod eremus Prophetis. Ipse dominus in secessu frequentius agebat, ut liberius oraret, ut seculo cederet: Gloriam denique suam discipulis in solitudine demonstravit. Auferamus carceris nomen, secessum vocemus. Etsi corpus includitur, etsi caro detinetur, omnia spiritui patent. Vagare spiritu, spatium spiritu, & non stadia opaca aut porticus longas præponens tibi, sed illam viam, quæ ad deum ducit. Quotiens eam spiritu deambulaveris, totiens in carcere non eris. Nilul crus sentit in nervo, cum manus in cælo est. Totum hominem animus circumfert, & quo velit, transfert. *Ubi autem erit cor tuum, illic erit & thesaurus tuus.* Ibi ergo sit cor nostrum, ubi volumus habere thesaurum.

3. Sit nunc, benedicti, carcer etiam Christianis molestus? Vocati sumus ad militiam dei vivi, jam tunc, cum in sacramenti verba respondemus. Nemo miles ad bellum cum delitiis venit; nec de cubiculo ad aciem procedit, sed de papilionibus expeditis & substrictis, ubi omnis duritia & inbonitas & insuavitas constitit. Etiam in pace labore & incommodis bellum pati jam ediscunt, in armis deambulando, campum decurrendo, fossam moliendo, testudinem densando, sudore omnia constant, ne corpora atque animi expavecant: De umbra ad solem, de sole ad cœlum, de tunica ad loricam, de silentio ad clamorem, de quiete ad tumultum. Proinde vos, benedicti, quodcumque hoc durum est, ad exercitationem virtutum animi & corporis deputate. Bonum agonem subituri estis, in quo Agonothetes, deus vivus est: Xystarches, spiritus sanctus: corona, æternitatis: brachium, angelicæ substantiæ, politia in cœlis, gloria in secula seculorum. Itaque Epistates vester Christus Jesus, qui vos spiritu unxit, & ad hoc scamma produxit, voluit vos ante diem agonis ad duriores tractationem a liberiore conditione seponere, ut vires corroborarentur in vobis. Nempe enim & athletæ segregantur ad strictiorem disciplinam, ut robori ædificando vacent: continentur a luxuria, a cibus lætioribus, a potu jucundiore. Coguntur, cruciantur, fatigantur: quanto plus in exercitationibus laboraverint, tanto plus de victoria sperant. Et illi, inquit Apostolus, ut coronam corruptibilem consequantur: nos æternam consecuturi. Carcerem nobis pro palæstra interpretemur, ut ad stadium tribunalis, bene exercitati incommodis omnibus, producamur: qui virtus duritia exstruitur, mollitia vero destruitur.

4. Scimus ex dominico præcepto, quod caro in firma sit, spiritus promptus. Non ergo nobis blandimur, quia dominus consensit, carnem infirmam esse.



esse. Propterea enim prædixit spiritum promptum, ut ostenderet, quid cui debeat esse subiectum, scilicet, ut caro serviat spiritui, infirmior fortiori, ut ab eo etiam ipsam fortitudinem assumat. Colloquatur spiritus cum carne de communi salute, nec jam de incommodis carceris, sed ipso agone & prælio cogitans. Timebit forsitan caro gladium gravem, & crucem exelsam, & rabiem bestiarum, & summam ignium poenam, & omne carnificis ingenium in tormentis. Sed spiritus contra ponat sibi & carni, acerba licet ista, a multis tamen æquo animo excepta, imo & ultro appetita, famæ & gloriæ causâ: nec a viris tantum, sed etiam a feminis, ut vos quoque benedictæ sexui vestro respondeatis. Longum est, si enumerem singulos, qui se gladio confecerint, animo suo ducti. De feminis ad manum est Lucretia, quæ vim stupri passa, cultrum sibi adegit in conspectu propinquorum, ut gloriam castitati suæ pareret. Mutius manum suam dexteram in ara cremavit, ut hoc factum ejus fama haberet. Minus fecerunt Philosophi, Heraclitus, qui se bubulo stercore oblitum exussit. Item Empedocles, qui in ignes Aetnæi montis dissilivit. Et Peregrinus, qui non olim se rogo immisit: cum feminae quoque contempserint ignes. Dido, ne post virum dilectissimum nubere cogeretur. Item Asdrubalis uxor, quæ jam ardente Carthagine maritum suum supplicem Scipionis videret, cum filiis suis in incendium patriæ devolvit. Regulus, dux Romanorum, captus a Carthaginensibus, cum se unum pro multis captivis Carthaginensibus compensari novisset, maluit hostibus reddi & in arcæ genus stipatus undique extrinsecus clavis transfixus, tot cruces sensit. Bestias femina libens appetiit, & utique aspides, serpentes tauro vel urso horridiores, quas Cleopatra permisit sibi, ne in manus inimici perveniret. Sed portis metus non tantus est, quantus tormentorum.

Itaque cessit carnificis meretrix Atheniensis, quæ conscia conjurationis, cum propterea torqueretur a tyranno, & non prodidit conjuratos, & novissime linguam suam committam in faciem tyranni expuit, ut nihil agere se scirent tormenta, etsi ultra perseverarent. Nam quod hodie apud Lacedæmonas solennitas maxima est, *διαμαρτυρικ*, id est, flagellatio, non latet. In quo sacro, ante aram nobiles quique adolescentes, flagellis affliguntur, astantibus parentibus & propinquis, & uti perseverarent adhortantibus. Ornamentum enim & gloria deputabitur majore quidem titulo, si anima potius cesserit plagis, quam corpus. Igitur, si tantum terrenæ gloriæ licet de corporis & animi vigore, ut gladium, ignem, crucem, bestias, tormenta contemnant, sub præmio laudis humanæ, possum dicere, modicæ sunt istæ passiones ad consecutionem gloriæ cœlestis & divinæ mercedis. Si tanti vitrum? quanti margaritum? Quis ergo non libentissime tantum pro vero habeat erogare, quantum alii pro falso?

5. Omitto nunc gloriæ causam. Eadem omnia sævitiae & cruciatus certamina, jam apud homines affectatio quoque & morbus quidam animi conculcavit. Quot otiosos affectatio armorum ad gladium locat? Certe ad feras ipsas affectatione descendunt, & de morsibus & de cicatricibus formosiores sibi videntur. Jam & ad ignes quidam se autoraverunt, ut certum spatium in tunica ardente conficerent. Alii inter venatorum taureas scapulis patientissimis inambulaverunt. Hæc, benedicti, non sine causa dominus in seculum admisit; sed ad nos & nunc exhortandos, & in illo die confundendos, si reformidaverimus pati, pro veritate in salutem, quæ alii affectaverunt, pro vanitate, in perditionem.

6. Sed hæc exempla constantiæ omittamus de affectatione venientis. Convertamur ad ipsam conditionis humanæ contemplationem, ut & illa nos instruant, si qua constanter adeunda sint, quæ & invitis evenire consueverunt. Quotiens enim incendia vivos cremaverunt? quotiens feræ & in sylvis suis & in mediis civitatibus elapsæ caveis, homines devoraverunt? quot a latronibus ferro, ab hostibus etiam cruce extincti sunt? torti prius, imo & omni contumelia expuncti? Nemo non etiam hominis causa pati potest, quod in causa dei pati dubitat. Ad hoc quidem vel præsentia nobis tempora documenta sint, quantæ qualesque personæ inopinos, natalibus, & dignitatibus, & corporibus, & ætatibus suis, exitus referunt, hominis causa: aut ab ipso, si contra eum fecerint: aut ab adversariis ejus, si pro eo steterint.

---

Q. SEPTIMI FLORENTIS  
TERTULLIANI

DE

SPECTACULIS,  
LIBER.

I.

**Q**ui status fidei, quæ ratio veritatis, quod præscriptum disciplinæ, inter cetera secularium errorum, etiam spectaculorum voluptates adimat, Dei servi cognoscite, qui cum maxime ad Deum acceditis; recognoscite, qui jam accessisse vos testificati & confessi estis. ne aut ignorando aut dissimulando quis peccet. Tanta est enim vis voluptatum, ut & ignorantiam protelet in occasionem, & conscientiam corrumpat in dissimulationem. Ad utrumque, adhuc forsitan alicui opiniones ethnicorum blandiuntur, quæ in ista causâ adversus nos ita argumentari consueverunt: Nihil obstrepere religioni in animo & conscientia tanta solatia extrinsecus oculorum vel aurium: nec vero Deum offendi oblectatione hominis, qua salvo erga Deum metu & honore, suo in tempore & suo in loco frui, scelus non sit. Atquin hoc cum maxime paramus demonstrare, quemadmodum isthæc non competant veræ religioni & vero obsequio erga Deum verum. Sunt qui existiment Christianum expeditum morti genus ad hanc obstinationem abdicatione voluptatum erudiri, quo facilius vitam contemnant, amputatis quasi retinaculis ejus, ne considerent, quam jam supervacuam sibi fecerint: ut hoc consilio potius & humano prospectu, non divino præscripto

scripto definitum existimetur. Pigebat scilicet etiam perseverantes in tantis voluptatibus propter Deum mori. Quanquam & si ita esset, tam apto consilio, tantæ obstinatio disciplinæ debebat obsequium.

2. Jam vero nemo est, qui non hoc quoque prætendat, omnia a Deo instituta, & homini attributa (sicut prædicamus) & utique bona omnia, ut boni auctoris: inter hæc deputari universa ista, ex quibus spectacula instruuntur, Circum verbi gratia, & leonem, & vires corporis, & vocis suavitates. Igitur neque alienum videri posse, neque inimicum Dei; quod de conditione constet ipsius: neque cultoribus Dei vitandum, quod Dei non sit inimicum, quia nec alienum. Plane & ipsæ exstrukciones locorum, quod saxa, quod cæmenta, quod marmora, quod columnæ Dei res sint, qui ea ad instrumentum terræ dedit: sed & ipsi actus sub cælo Dei transiguntur. Quam sapiens argumentatrix sibi videtur ignorantia humana, præsertim cum aliquid ejusmodi de gaudiis & de fructibus sæculi metuit amittere. Plures denique invenias, quos magis periculum voluptatis, quam vitæ, avocet ab hac secta. Nam mortem etiam stultus ut debitam non extimescit, voluptatem etiam sapiens ut tantam non contemnit, cum alia non sit & stulto & sapienti vitæ gratia, nisi voluptas. Nemo negat, quia nemo ignorat quod ultro natura suggerit, Deum esse universitatis conditorem, eamque universitatem tam bonam, quam homini mancipatam. Sed quia non penitus Deum norunt, nisi naturali jure, non etiam familiari, de longinquo, non de proximo: necesse est ignorent, qualiter administrari aut jubeat aut prohibeat quæ instituit, simul quis sit æmulus ex diverso, adulterandis usibus divinæ conditionis, quia neque voluntatem, neque adversarium noveris ejus, quem minus noveris. Non ergo hoc solum respiciendum est, quo omnia sint instituta,

sed a quo conversa. Ita enim apparebit cujus vi sint instituta, si appareat, cujus non sint. Multum interest inter corruptelam & integritatem, quia multum est inter institutorem & interpolatorem. Ceterum omnes species malorum, quæ etiam ethnici indubitate & prohibent & defendunt, ex operibus Dei constant: Vis homicidium ferro, veneno, magicis devinctionibus perfici. Tam ferrum Dei res est, quam herbæ, quam angeli. Nunquid tamen in hominis necem auctor ista providit? Atquin omnem homicidii speciem uno & principali præcepto interemit; *Nos occides*. Proinde aurum, aes, argentum, ebur, lignum, & quæcunque fabricandis idolis materia captatur, quis in seculo posuit, nisi seculi auctor Deus? Nunquid tamen ut hæc adversus ipsum adorentur? Atquin summa offensio penes illum idololatria est. Quid non Dei est, quod Deum offendit? sed cum offendit, Dei esse desiit, & cum desiit, offendit. Ipse homo omnium flagitiorum actor, non tantum opus Dei, verum etiam imago est: & tamen & corpore & spiritu descivit a suo institutore. Neque enim oculos ad concupiscentias sumpsimus, neque linguam ad maliloquium, & aures ad exceptaculum maliloquii, & gulam ad gulæ crimen, & ventrem ad gulæ satietatem, & genitalia ad excessus impudiciæ, & manus ad vim, & gressus ad vagam vitam, aut spiritus ideo insitus corpori, ut insidiarum, & fraudum, & iniquitatum cogitatorium fieret, non opinor. Nam si omnem malignitatem, & si tantam malitiam excogitatam Deus exactor innocentiae odit, indubitate quæcunque condidit, non in exitum operum constat condidisse quæ damnat, licet eadem opera per ea quæ condidit administrantur, quando hæc sit tota ratio damnationis, perversa administratio conditionis a conditis. Nos igitur qui Domino cognito etiam æmulum ejus inspicimus, qui institutore comperto etiam in-  
terpo-

terpolatorem una deprehendimus, neque mirari, neque dubitare, oportet, quum ipsum hominem opus & imaginem Dei totius universitatis possessorem illa vis interpolatoris & æmulatoris angeli ab initio de integritate dejecerit, universam substantiam ejus pariter cum ipso in perversitatem demutatam adversus institutorem: ut quam doluerat homini concessam, non sibi, in ea ipsa & hominem reum Deo faceret, & suam dominationem conlocaret.

3. Hac conscientia instructi adversus opinionem ethnicorum, convertamur magis ad nostrorum detractatus. Quorundam enim fides aut simplicior, aut scrupulosior, ad hanc abdicationem spectaculorum de scripturis auctoritatem exposcit, & se in incertum constituit, quod non significanter neque nominatim denuntietur servis Dei abstinentia ejusmodi. Plane nusquam invenimus, quemadmodum aperte positum est, *Non occides, non idolum coles, non adulterium, non fraudem admittes*: ita exerte definitum, non in Circumibis, non in theatrum; agonem, munus non spectabis. Sed invenimus ad hanc quoque speciem pertinere illam primam vocem David, *Felix, inquit, qui non abiit in concilium impiorum, & in via peccatorum non stetit, & in cathedra pestium non sedit*. Nam etsi justum illum videtur prædicasse, quod in concilio & in confesso Judæorum de Deo denegando consultantium, non communicavit: late tamen semper scriptura divina dividitur, ubicunque secundum præsentis rei sensum etiam disciplina munitur, ut hic quoque non sit aliena vox a spectaculorum interdictione. Si enim pauculos tunc Judæos impiorum concilium vocavit, quanto magis tantum conventum ethnici populi: ni pii ethnici, minus peccatores, minus hostes Christi, quam tunc Judæi, quo & cetera congruunt. Nam apud spectacula & in via statur. Vias enim vocant cardines balteorum per ambitum, & discrimina popu-

pularium per proclivum. Cathedra quoque nominatur ipse in anfractu ad confessum situs. Itaque e contrario infelix qui in quodcunque concilium impiorum abierit, & in quacunque via peccatorum steterit, & in quacunque cathedra pestium federit. Generaliter dictum intelligamus, cum quid etiam specialiter interpretari capit. Nam & specialiter quædam promuntiata, generaliter sapiunt. Cum Deus Israëlitas admonet disciplinæ vel objurgat, utique ad omnes habet: cum Aegypto & Aethiopiæ exitium comminatur, in omnem gentem peccatricem præjudicat. Sic omnis gens peccatrix vocatur Aegyptus & Aethiopia, a specie ad genus. Quemadmodum etiam de origine spectaculorum omne spectaculum concilium vocat impiorum, a genere ad speciem.

4. Ne quis argumentari nos putet, ad principalem auctoritatem convertar ipsius signaculi nostri. Cum aquam ingressi Christianam fidem in legis suæ verba profitemur, renunciassse nos diabolo & pompæ & angelis ejus ore nostro contestamur. Quid erit summum ac præcipuum, in quo diabolus & pompæ & angeli ejus censeantur, quam idololatria? ex qua omnis immundus & nequam spiritus, ut ita dixerim, quia nec diutius de hoc. Igitur si ex idololatria universam spectaculorum paraturam constare constiterit, indubitate præjudicatum erit etiam ad spectacula pertinere renuntiationis nostræ testimonium in lavacro, quæ diabolo & pompæ & angelis ejus sint mancipata, scilicet per idololatriam. Commemorabimus origines singulorum, quibus incunabulis in seculo adoleverint: exinde titulos quorundam, quibus nominibus nuncupentur, exinde apparatus, quibus superstitionibus instruantur: tum loca, quibus Præsidibus dicentur: tum artes, quibus auctoribus deputentur. Si quid ex his non ad idolum pertinuerit, id neque ad idololatriam, neque ad nostram ejurationem pertinebit.



5. De originibus quidem ut secretioribus & ignotis penes plures nostrorum altius, nec aliunde investigandum fuit, quam de instrumentis ethnicarum litterarum. Exstant auctores multi, qui super ista re commentarios ediderunt. Ab his ludorum origo sic traditur. Lydos ex Asia transvenas in Hetruria confedisse, ut Timæus refert, duce Tyrrheno, qui fratri suo cesserat regni contentione. Igitur in Hetruria inter ceteros ritus superstitionum suarum spectacula quoque religionis nomine instituunt. Inde Romani accersitos artifices mutuantur, tempus, enuntiationem, ut ludi a Lydis vocarentur. Sed etsi Varro ludos a ludo, id est a lusu interpretatur, sicut & Lupercos ludos appellabant, quod ludendo discurrant: tamen eum lulum juvenum & diebus festis, & templis, & religionibus reputat. Nihil jam de causa vocabuli, cum rei causa idololatria sit. Nam & cum promiscue ludi Liberalia vocarentur, honorem Liberi patris manifeste sonabant. Libero enim a rusticis primo fiebant ob beneficium quod ei adscribunt pro demonstrata gratia vini. Exinde ludi Consualia dicti, qui initio Neptunum honorabant. Eundem enim & Consuum vocabant. Dehinc Equiria Marti Romulus dixit: quamquam & Consualia Romulo defendunt, quod ea Conso dicaverit Deo, ut volunt, consilii: ejus scilicet, quo tunc Sabinarum virginum rapinam militibus suis in matrimonia excogitavit. Probum plane consilium, & nunc quoque apud ipsos Romanos justum & licitum, ne dixerim, penes Deum. Facit enim ad originis maculam, ne bonum existimes, quod initium a Malo accepit, ab impudentia, a violentia, ab odio, a fratricida institutore, a filio Martis; & nunc ara Conso illi in Circo de fossa est ad primas metas sub terra, cum inscriptione hujusmodi, CONSUS CONSILIO, MARS DUELLO. LARES COMITIO POTENTES. Sacrificant apud eam nonis Juliis sacerdotes

lotes publici, xii. Kalend. septembres flamen Quirinalis, & virgines. Dehinc idem Romulus Jovi Feretrio ludos instituit in Tarpejo, quos Tarpejos dictos & Capitolinos Piso tradidit. Post hunc Numa Pompilius Marti & Robigini fecit. Nam & Robiginis Deam finxerunt. Dehinc Tullus Hostilius. Dehinc Ancus Martius, & ceteri. Qui quotque per ordinem, & quibus idolis ludos instituerunt, positum est apud Suetonium Tranquillum, vel a quibus Tranquillum, vel a quibus Tranquillus accepit. Sed hæc satis erunt ad originis de idololatria reatum.

6. Accedit ad testimonium antiquitatis subsecuta posteritas, formam originis de titulis hujus quoque temporis præferens, per quos signatum est, cui idolo, & cui superstitioni utriusque generis ludi notarentur, Megalenses & Apollinares, item Cereales & Neptunales, & Latiæ, & Florales in commune celebrantur: reliqui ludorum, de natalibus & solennitatibus regum, & publicis prosperitatibus & municipalibus fastis superstitionis causas originis habent. Inter quos etiam privatorum memoriis legatarie editiones parentant, id quoque secundum institutionis antiquitatem. Nam & a primordio bifariam ludi celebrantur, sacri & funebres, id est diis Nationum & mortuis. Sed de idololatria nihil differt apud nos, sub quo nomine & titulo, dum ad eisdem spiritus perveniat, quibus renuntiamus, licet mortuis, licet diis suis faciant. Proinde mortuis suis ut diis faciant, una conditio partis utriusque est, una idololatria, una renuntiatio nostra adversus idololatriam.

7. Communis igitur origo ludorum utriusque generis, communes & tituli, ut de communibus causis, proinde apparatus communes habeant necesse est de reatu generali idololatriæ conditricis suæ. Sed Circensium paulo pompator suggestus, quibus proprie hoc nomen pompa, præcedit, quorum fit in semet ipsa

ipſa probans, de ſimulacrorum ferie, de imaginum agmine, de curribus, de thenſis, de armamaxis, de ſedibus, de coronis, de exuviis, quanta præterea ſacra, quanta ſacrificia præcedant, intercedant, ſuccedant, quot collegia, quot ſacerdotia, quot officia moveantur, ſciunt homines illius urbis in qua dæmoniorum conventus conſedit. Ea ſi minore cura per provincias pro minoribus viribus adminiſtrantur, tamen omnes ubique Circenſes illuc deputandi, unde & petuntur, inde inquinantur, unde ſumuntur. Nam & rivulus tenuis ex ſuo fonte, & furculus modicus ex ſua fronde, qualitatem originis continet. Viderit ambitio ſive frugalitas ejus quo Deum offendit: qualifcunque pompa Circi, & ſi pauca ſimulacra circumferat, in uno idololatria eſt: & ſi unam thenſam trahat, Jovis tamen plauſtrum eſt: quævis idololatria ſordide inſtructa, vel modice locuples, ſplendida eſt cenſu criminis ſui.

8. Ut & de locis, ſecundum propoſitum exſequar, Circus Soli principaliter conſecratur: cujus ædes medio ſpatio, & effigies de ſtigio ædis emicat, quod non putaverint ſub teſto conſecrandum, quem in aperto habent. Quod ſpectaculum primum a Circe habent. Soli patri ſuo, ut volunt editum adfirmant: ab ea & Circi appellationem argumentantur. Plane venefica eis utique negotium geſſit hoc, nomine quorum ſacerdos erat, dæmoniis & angelis ſcilicet. Quot igitur in habitu loci ipſius idololatrias recognoviſcis? ſingula ornamenta Circi, ſingula templa ſunt. Ova honori Caſtorum adſcribunt, qui illos ovo editos credendo de cygno Jove non erubeſcunt. Delphinos Neptuno vovent, columnas ſeſſias a ſementationibus; meſſias a meſſibus, tutelinas a tutelis fructuum, ſuſtinent. ante has tres aræ, trinis diis parent, magnis, potentibus, valentibus. Eoſdem Samothracas exiſtimant. Obeliſci enormitas, ut Hermateles adfirmat;

Soli

Soli prostituta : scriptura ejus unde & census , de Aegypto superstitionis est. Frigebat dæmonum concilium sine sua matre magna ; ea itaque illic præsidet Euripo. Confus (ut diximus) apud metas sub terra delitescit. Murtias quoque idolum fecit. Murtiam enim deam amoris volunt , cui in illa parte ædem vovere. Animadvertite Christiane , quot nomina immunda possederint Circum. Aliena est tibi religio , quam tot diaboli spiritus occupaverunt , de locis quidem locus est retractandi ad præveniendam quorundam interrogationem. Quid enim , inquis , si alio in tempore Circum adiero , periclitabor de inquinamento ? Nulla est præscriptio de locis. Nam non sola ista conciliabula spectaculorum , sed etiam templa ipsa sine periculo disciplinæ adire servus Dei potest , urgente causa simplici duntaxat , quæ non pertineat ad proprium ejus loci negotium vel officium. Ceterum & plateæ , & forum , & balneæ , & stabula , & ipsæ domus nostræ sine idolis omnino non sunt ; totum seculum satanas & angeli ejus repleverunt. Non tamen quod in seculo sumus , a Deo excidimus , sed si quid de seculi criminibus attigerimus. Proinde si Capitolium , si Serapeum sacrificator & adorator intravero , a Deo excidam : quemadmodum Circum vel theatrum spectator. Loca nos non contaminant per se , sed quæ in locis fiunt , a quibus & ipsa loca contaminari altercati sumus : de contaminatis contaminamur. Propterea autem commemoramus , quibus ejusmodi loca dicuntur , ut eorum demonstramus esse , quæ in his locis fiunt , quibus ipsa loca dicantur.

9. Nunc de artificio quo Circenses exhibentur. Res equestris retro simplex de dorso agebatur , & utique communis usus reus non erat. Sed cum ad ludos coactus est , transiit a Dei munere ad dæmoniorum officia. Itaque Castori & Polluci deputatur hæc species , quibus equos a Mercurio distributos Stesichorus

rus docet. Sed & Neptunus equestris est, quem Græci ἰππιον appellant, De jugo vero quadrigas soli, bigas lunæ sanxerunt. Sed &

*Primus Erichthonius currus & quatuor ausus  
Jungere equos, rapidusque rotis insistere victor.*

Erichthonius Minervæ & Vulcani filius, & quidem de caduca in terram libidine, portentum est dæmonicum, imo diabolus ipse, non coluber. Si vero Trochilus Argivus auctor est currus, primo Junoni id opus suum dedicavit. Si Romæ Romulus quadrigam primus ostendit, puto & ipse inter idola conscriptus, si idem est Quirinus. Talibus auctoribus quadrigæ productæ, merito & aurigis coloribus idololatriam vestierunt, & ab initio duo soli fuerunt, albus & rufus. Albus hyemi, ob nives candidas: rufus æstati, ob solis ruborem voti erant: Sed postea tam voluptate, quam superstitione provecta, rufum alii Marti, alii album Zephyris consecraverunt: Prasinum vero terræ matri vel verno, Venetum cælo & mari, vel autumnino. Cum autem omnis species idololatriæ damnata sit a Deo, utique etiam illa damnatur, quæ elementis mundialibus profanatur.

10. Transeamus ad scenicas res, quarum & originem communem, & titulos pares secundum ipsam ab initio ludorum appellationem & administrationem conjunctam cum re equestri jam ostendimus. Apparatus etiam ex ea parte consortes, quæ ad scenam spectat: tam a templis & aris, & illa infelicitate thuris & sanguinis inter tibias & tubas itur, duobus inquinatissimis arbitris, funerum & sacrorum, designatore & hæuspice. Ita cum de originibus ludorum ad Circenses transimus, inde nunc ad scenicos ludos dirigimus, aoci vitio. Theatrum proprie sacrarium Veneris est. Hoc denique modo id genus operis in seculo evasit.

*Tertul. Tam. I.*

*B*

*Nam*

Nam sæpe censores renascentia cum maxime theatra destruebant, moribus consulentes, quorum scilicet periculum ingens de lascivia providebant, ut iam hinc ethnicis in testimonium cedat sententia ipsorum nobiscum faciens, & nobis in exaggerationem disciplinæ etiam humanæ prærogativa. Itaque Pompejus Magnus solo theatro suo minor, cum illam arcem omnium turpitudinum exstruxisset, veritus quandoque memoriæ suæ censoriam animadversionem, Veneris ædem superposuit, & ad dedicationem edicto populum vocans, non theatrum, sed Veneris templum nuncupavit, cui subjecimus, inquit, gradus spectaculorum: ita damnatum & damnandum opus templi titulo prætexuit, & disciplinam superstitione delusit. sed Veneri & Libero convenit. Duo ista dæmonia conspirata & conjurata inter se sunt, ebrietas & libidinis. Itaque theatrum Veneris, Liberi quoque domus est. Nam & alios ludos scenicos Liberalia proprie vocabant, præter quam Libero devotos, quod sunt Dionysia penes Græcos, etiam a Libero institutos. Et est plane in artibus quoque scenicis Liberi & Veneris patrocinium, quæ privata & propria sunt scenæ, de gestu & corporis fluxu. Nam molliam Veneri & Libero immolabant: illi per sexum, illi per fluxum, dissoluti. Quæ vero voce & modis & organis & lyris transiguntur, Apollines & Musas & Minervas & Mercurios mancipēs habent. oderis Christiane, quorum auctores non potes non odisse. Jam nunc volumus suggerere de artibus, & de his, quorum auctores in nominibus execramur. Scimus nihil esse nomina mortuorum, sicut nec ipsa simulacra eorum. Sed non ignoramus, qui sub istis nominibus institutis simulacris operentur & gaudeant, & divinitatem mentiantur, nequam spiritus scilicet dæmones. Videmus igitur etiam artes eorum honoribus dicat esse, qui nomina incolunt auctorum earum, nec idolo-

idololatria vacare, quarum institutores etiam propterea dii habentur. Imo quod ad artes pertinet, altius præscripsisse debemus, dæmonas ab initio prospicientes sibi inter cetera idololatriæ etiam spectaculorum inquinamenta, quibus hominem a Deo avocarent, & suo honori obligarent, ejusmodi quoque artium ingenia inspirasse. Neque enim ab aliis præoccupatum fuisset, quod ad illos perventurum esset. Nec per alios tunc homines edidissent, quam per ipsos, in quorum nominibus & imaginibus & historiis fallaciam consecrationis sibi negotium acturæ constituerant.

11. Ut ordo peragatur, ineamus etiam agonum retractatum. Origo istis de ludorum propinquitate est. Inde & ipsi sacri vel funebres instituti, aut diis nationum aut mortuis fiunt. Proinde Tituli; Olympia Jovi, quæ sunt Romæ capitolina; Item Herculi Nemæa, Neptuno Isthmia, ceteri mortuorum varii agones. Quid ergo mirum, si apparatus agonum idololatria conspurcat de coronis profanis, de sacerdotibus Præsidibus, de collegiariis ministris, de ipso postremo boum sanguine, ut de loco suppleam, ut de loco communi pro collegio artium Musicarum & Minervalium, & Apollinarium, etiam Martialium, per duellum, per tubam, ut stadio Circum æmulentur, quod utique templum est, & ipsum ejus idoli, cujus solennitates agit. Sed & gymnicas artes Castorum & Herculum & Mercuriorum disciplinæ prodiderunt.

12. Superest illius insignissimi spectaculi acceptissimi recognitio. Munus dictum est ab officio, quoniam officium etiam muneris nomen est. Officium autem mortuis hoc spectaculo facere se veteres arbitrabantur, posteaquam illud humaniore atrocitateemperaverunt. Nam olim quoniam animas defunctorum humano sanguine propitiari creditum erat, captivos vel male ingenio servos mercati in exsequiis

immolabant. Postea placuit impietatem voluptatem adumbrare. Itaque quos paraverant armis, quibus tunc & qualiter poterant eruditos, tantum ut occidi discerent: mox edicto die Inferiarum apud tumulos erogabant. Ita mortem homicidiis consolabantur. Hæc muneris origo, sed paulatim provec̃ti ad tantam gratiam, ad quantam & crudelitatem, quia ferrum voluptati satis non faciebat, nisi & feris humana corpora dissiparentur. Quod ergo mortuis litabatur, utique parentationi deputabatur. Quæ species proinde idololatria est, quoniam & idololatria parentationis est species. Tam hæc quam illa mortuis ministrat. In mortuorum autem idolis dæmonia consistunt, ut & titulos consideremus: licet transierit hoc genus editionis ab honoribus mortuorum ad honores viventium, quæsturas dico & magistratus, & flaminia & sacerdotia: cum tamen nominis dignitas idololatriæ crimine teneatur, necesse est quidquid dignitatis nomine administratur, communicet etiam maculas ejus, a qua habet causas. Idem de apparatibus interpretabimur in ipsorum honorum suggestu deputandis, quod purpuræ, quod fasciæ, quod vittæ, quod coronæ, quod denique conciones & edicta, & pultes pridianæ sine pompa diaboli, sine invitatione dæmonum non sunt. Quid ergo de horrido loco perorem, quem nec perjuria sustinent? pluribus enim & asperioribus numinibus amphitheatrum consecratur, quam capitolium omnium dæmonum templum est. Tot illic immundi spiritus confidunt, quot homines capit. Ut & de artibus concludam, Martem & Dianam utriusque ludi Præfides novimus.

13. Satis, opinor, implevimus ordinem, quot & quibus modis spectacula idololatriam committant, de originibus, de titulis, de apparatibus, de locis. De sacrificiis, quidem certi sumus, nulla ex parte competere nobis ea, qui bis idolis renunciavimus:

Non



Non quod idolum sit aliquid (ut Apostolus ait) sed quod quæ faciunt, dæmoniis faciunt, consistentibus scilicet in consecrationibus idolorum sive mortuorum, sive (ut putant) Deorum. Propterea igitur, quoniam utraque species idolorum conditionis unius est, dum mortui & dii unum sunt, utraque idololatria abstinemus nec minus templa, quam monumenta despuimus: neutram aram novimus, neutram effigiem adoramus: non sacrificamus, non parentamus, sed neque de sacrificio & parentato edimus, quia non possumus cœnam Dei edere, & cœnam dæmoniorum. Si ergo gulam & ventrem ab inquinamentis liberamus, quanto magis augustiora nostra, oculos & aures, ab idolothytis & necrothytis voluptatibus abstinemus, quæ non intestinis transiguntur, sed in ipso spiritu & anima digeruntur: quorum munditia magis ad Deum pertinet, quam intestinorum.

14. Nunc interposito nomine idololatriæ, quod solum subjectum sufficere deberet ad abdicationem spectaculorum, alia jam ratione tractemus ex abundanti: propter eos maxime qui sibi blandiuntur, quod non nominatim abstinencia ista præscripta sit, quasi parum etiam de spectaculis pronuntietur, cum concupiscentiæ seculi damnantur. Nam sicut pecuniæ, vel dignitatis, vel gulæ, vel libidinis, vel gloriæ: ita & voluptatis concupiscentia est. Species autem voluptatis etiam spectacula. Opinor, generaliter nominatæ concupiscentiæ continent in se & voluptates: Aque generaliter intellectæ voluptates specialiter & in spectacula differuntur. Ceterum retulimus supra de locorum conditione, quod non per semetipsa nos inquinant, sed per ea quæ illic geruntur, per quæ simul inquinamentum combiberint, tunc & in alteros respuunt.

15. Viderit ergo, ut diximus, principalis titulus idololatriæ, reliquas ipsarum rerum qualitates contra

dei omnes feramus. Deus præcepit spiritum sanctum, utpote pro naturæ suæ bono tenerum & delicatum, tranquillitate & lenitate, & quiete & pace tractare, non furore, non bile, non ira, non dolore inquietare. Huic quomodo cum spectaculis poterit convenire? Omne enim spectaculum sine concussione spiritus non est. Ubi enim voluptas, ibi & studium, per quod scilicet voluptas sapit. Ubi studium, ibi & æmulatio, per quam studium sapit. Porro & ubi æmulatio, ibi & furor & bilis, & ira & dolor, & cetera ex his quæ cum his non competunt disciplinæ. Nam & si qui modeste & probe spectaculis fruitur, pro dignitatis vel ætatis, vel etiam naturæ suæ conditione: non tamen immobilis animi est sine tacita spiritus passione. Nemo ad voluptatem venit sine adfectu, nemo adfectum sine casibus suis patitur. Ipsi casus incitamenta sunt adfectus. Ceterum si cessat adfectus, nulla est voluptas, & est reus jam ille vanitatis eo conveniens, ubi nihil consequitur. Puto autem etiam vanitas extranea est nobis. Quid quod & ipse se judicat inter eos positus, quorum se similem nolens utique detestatorem confitetur? Nobis satis non est, si ipsi nihil tale faciamus, nisi & talia facientibus non conferamur. Si furem, inquit, videbas, concurrebas cum eo. Utinam ne in seculo quidem simul cum illis moraremur: sed tamen in secularibus separamur, quia seculum Dei est, secularia autem diaboli.

16. Cum ergo furor interdicatur nobis, ab omni spectaculo auferimur, etiam a Circo, ubi proprie furor præsidet. Adspice populum ad spectaculum jam cum furore venientem, jam tumultuosum, jam cæcum, jam de sponsonibus concitatum. Tardus est illi Prætor, semper oculi in urna ejus cum sortibus volutantur. Dehinc ad signum anxii pendent, unius dementiæ una vox est. Cognosce dementiam de vanitate. Misit dicunt, & nuntiant invicem, quod simul ab omnibus visum est. Teneo testimonium cæcitatis,

citatis, non vident missum quid sit, mappam putant: sed est diaboli ab alto præcipitati figura. Ex eo itaque itur in furias & animos & discordias, & quidquid non licet sacerdotibus pacis. Inde maledicta, convicia sine iustitia, odii etiam suffragia sine merito amoris. Quid enim consecuturi suum illic agunt, qui sui non sunt? nisi forte hoc solum, per quod sui non sunt: de aliena infelicitate contristantur, de aliena felicitate lætantur. Quidquid optant, quidquid abominantur, extraneum ab illis est, ita & amor apud illos otiosus, & odium injustum. An fors sit sine causa amare liceat, quam sine causa odisse, Deus certe etiam cum causa prohibet odisse, qui inimicos diligere jubet. Deus etiam cum causa maledicere non finit, qui maledicentes benedicere præcipit. Sed Circo quid amarius, ubi ne principibus quidem aut civibus suis parcant? Si quid horum quibus Circus furit, alicubi competit sanctis, etiam in Circo licebit. Si vero nusquam, ideo nec in Circo.

17. Similiter impudicitiam omnem amoliri jubemur. Hoc igitur modo etiam a theatro separamur, quod est privatum consistorium impuditiæ, ubi nihil probatur, quam quod alibi non probatur. Ita summa gratia ejus de spurcitia plurimum concinnata est, quam Atellanus gesticulator, quam Mimus etiam per mulieres, representat, sexum pudoris exterminans, ut facilius domi quam in scena erubescant; quam denique Pantomimus a pueritia patitur in corpore, ut artifex esse possit. Ipsa etiam prostibula publicæ libidinis hostiæ in scena proferuntur, plus miseræ in præsentia feminarum, quibus solis latebant, perque omnis ætatis, omnis dignitatis ora transducuntur, locus, stipes, elogium, etiam quibus opus non est, prædicatur. Taceo de reliquis, ea quæ in tenebris & in speluncis suis delitescere decebat, ne diem contaminarent. Erubescat senatus, erubescant ordines omnes. Ipsæ illæ pudoris sui interemptrices, de gestibus suis ad lucem & populum expavescentes, semel

anno erubescunt. Quod si nobis omnis impudicitia execranda est, cur liceat audire quæ loqui non licet? Cum etiam scurrilitatem & omne vanum verbum iudicatum a Deo sciamus, cur æque liceat videre, quæ facere flagitium est? Cur quæ ore prolata communicant hominem, ea per oculos & aures admissa non videantur hominem communicare: cum spiritui appareant aures & oculi, nec possit mundus præstari, cuius apparitores inquinantur? Habes igitur & theatri interdictionem, de interdictione impudicitia.

18. Sin & doctrinam secularis litteraturæ, ut stultitiæ apud Deum deputatam, aspernamur, fatis præscribitur nobis & de illis speciebus spectaculorum, quæ seculari litteratura luforiam vel agonisticam scenam dispungunt. Quod si tragœdiæ & comœdiæ scelerum & libidinum actrices, cruentæ & lascivæ, impiæ & prodigæ. Nullius rei aut atrocis, aut vilis commemoratio melior est: quod in facto rejicitur, etiam in dicto non est recipiendum. Quod si & stadium contendas in scripturis nominari, sane obtinebis. Sed quæ in stadio geruntur, indigna conspectui tuo non negabis, pugnos & calces & colaphos & omnem petulantiam manus, & quamcunque humani oris, id est, divinæ imaginis depugnationem. Non probabis usquam vanos cursus & jaculatus & saltus vaniores, nusquam tibi vires aut injuriosæ aut vanæ placebunt, sed nec cura fastitii corporis, ut plasticam Dei supergressa. Et propter otium Græciæ altiles homines oderis. Et palæstricæ diaboli negotium est. Primos homines diabolus elisit. Ipse gestus colubrina vis, est tenax ad occupandum, tortuosa ad obligandum, liquida ad elabendum. Nullus tibi coronarum usus est, quid de coronis voluptates aucuparis.

19. Exspectabimus nunc & Amphitheatri repudium de scripturis. Si sævitiam, si impietatem, si feritatem permissam nobis contendere possumus, eamus in amphitheatrum. Si tales sumus, quales dicimur, de-

lecte-

lectemur sanguine humano. Bonum est cum puniuntur nocentes. Quis hoc nisi nocens negabit? Et tamen innocens de supplicio alterius lætari non potest, cum magis competat innocenti dolere, quod homo par ejus tam nocens factus est, ut tam crudeliter impendatur. Quis autem mihi sponzor est, nocentes semper vel ad bestias, vel ad quodcunque supplicium decerni, ut non innocentia quoque inferatur, aut ultione judicantis, aut infirmitate defendentis, aut instantia quaestionis. Quam melius ergo est nescire cum mali puniuntur, ne sciam & quum boni pereunt, si tamen bonum sapiunt. Certe quidem gladiatores innocentēs in ludum veniunt, ut publicæ voluptatis hostiæ fiant. Etiam qui damnantur in ludum, quale est ut de leviori delicto in homicidas emendatione proficiant. Sed hæc ethnicis respondi. Ceterum absit ut de istius spectaculi aversione diutius discat Christianus: quanquam nemo hæc omnia plenius exprimere potest, nisi qui adhuc spectat malo non implere, quam meminisse.

20. Quam vana igitur, immo desperata argumentatio eorum, qui sine dubio tergiversationem admittendæ voluptatis obtendunt. Nullam ejus abstinentiæ mentionem specialiter in scripturis determinari, quæ directo prohibeat, ejusmodi conventibus interesse servum Dei. Novam proxime defensionem suaviludii cujusdam audivi. Sol, (inquit) imo etiam ipse Deus de cœlo spectat, nec contaminatur. Plane sol & in cloacam radios suos defert nec inquinatur. Utinam autem Deus nulla flagitia hominum spectaret, ut omnes judicium evaderemus. Sed spectat & latrocinia, spectat & falsa, & adulteria, & fraudes, & idololatrias, & spectacula ipsa. Idcirco ergo nos non spectabimus, ne videamur ab illo qui omnia spectat. Compares homo reum & judicem: reum, qui quia videtur, reus est: judicem, qui, quia videt, judex est. Nunquid ergo & extra limites circi furori studemus, &

extra cardines theatri impuditiæ intendimus, & infolentiae extra stadium, & immisericordiae extra amphitheatrum, quod Deus etiam extra cameras, & gradus, & apulias oculos habet. Erramus, nusquam & nunquam excusatur quod Deus damnat. Nusquam & nunquam licet, quod semper & ubique non licet. Hæc est veritatis integritas, & quæ ei debetur disciplinæ plenitudo & æqualitas timoris, & fides obsequii, non immutare sententiam, nec variare iudicium. Non potest aliud esse, quod vere quidem est bonum seu malum. Omnia autem penes veritatem Dei fixa sunt.

21. Ethnici, quos penes nulla est veritatis plenitudo, quia nec doctor veritatis Deus, malum ac bonum pro arbitrio ac libidine interpretantur, alibi bonum quod alibi malum, & alibi malum quod alibi bonum. Sic ergo evenit, ut qui in publico vix necessitate vesicæ tunicam levet, idem in circo aliter non exsultet, nisi totum pudorem in faciem omnium intrentet; & qui filiae virginis ab omni spurco verbo aures tuetur, ipse eam in theatrum ad illas voces gestulationesque deducat; & qui in plateis litem manu agentem aut compescit, aut detestatur, idem in stadio gravioribus pugnis suffragium ferat; & qui ad cadaver hominis communi lege defuncti exhorret, idem in amphitheatro derosa & dissipata, & in suo sanguine squalentia corpora patientissimis oculis desuper incumbat. Imo qui propter homicidæ pœnam probandam ad spectaculum veniat, idem gladiatorem ad homicidium flagellis & virgis compellat invitum; & qui insigniori cuique homicidæ leonem poscit, idem gladiatori atroci petat rudem, & pileum præmium conferat. Illum vero confectum etiam oris spectaculo repetat, libentius recognoscens de proximo, quem voluit occidere de longinquo, tanto durior si noluit.

22. Quid mirum inæquata ista hominum miscentium, & commutantium statum boni & mali per inconstantiam sensus & iudicii varietate? Etenim ipsi auctores

stores & administratores spectaculorum, quadrigarios, scenicos, xyfticos, arenarios illos amentissimos, quibus viri animas, feminæ, aut illi etiam corpora sua substernunt, propter quos in ea committunt, quæ reprehendunt, ex eadem arte quam magnificiunt, deponunt, imo manifeste damnant ignominia & capitis minutione, arcentes curia, rostris, senatu, equite, ceterisque honoribus omnibus simul ac ornamentis quibusdam. Quanta perversitas! Amant quos multant, depretiant quos probant. Artem magnificant, artificem notant. Quale iudicium est, ut ob ea quis offuscetur, per quæ promeretur? Imo quanta confessio est malæ rei, cujus auctores, cum acceptissimi sint, sine nota non sunt!

23. Quum igitur humana recordatio etiam obstrepente gratia voluptatis damnandos eos censeat, ademptis bonis dignitatum in quendam scopulum famositatis, quanto magis divina iustitia in ejusmodi artifices animadvertit? An Deo placebit auriga ille tot animarum inquietator, tot furiarum minister, tot statuum, ut sacerdos coronatus, vel coloratus ut leno, quem curru rapiendum diabolus adversus Heliam exornavit? Placebit & ille, qui vultus suos novacula mutat? infidelis erga faciem suam quam non contentus Saturno & Isidi & Libero proximam facere, insuper contumeliis alaparum sic objicit, quasi de præcepto Domini ludat? Docet scilicet & diabolus verberandam maxillam patienter offerre: Sic & tragædos cothurnis extulit, quia nemo potest adjicere cubitum unum ad staturam suam, mendacem facere vult Christum. Jam vero ipsum opus personarum, quæro an Deo placeat, qui omnem similitudinem vetat fieri, quanto magis imaginis suæ. Non amat falsum auctor veritatis: adulterium est apud illum omne quod fingitur. Proinde vocem, sexus, ætates mentientem, amores, iras, gemitus, lacrymas adseverantem non probabit, qui omnem hypocrisim damnat. Ceterum  
cum

cum in lege præscribit, maledictum esse, qui muliebribus vestiatur, quid de Pantomimo iudicabit, qui etiam muliebribus curatur? Sane & ille artifex pugnorum impunitus ibit? Tales enim cicatrices cæstum, & callos pugnorum, & aurium fungos a Deo cum suo plasmate accepit. Ideo illi oculos Deus plasmavit, ut vapulando deficiant. Taceo de illo, qui hominem leoni prae se opponit, ne parum sit homicida, quam qui eundem postmodum jugulat.

24. Quot adhuc modis perorabimus, nihil ex his quæ spectaculis deputantur, placitum Deo esse aut congruens Dei servis, quod Domino placitum non sit, si omnia propter diabolum instituta, & ex diaboli rebus instructa monstravimus: nihil enim non diaboli est, quicquid Dei non est, vel Deo displicet: hoc erit pompa diaboli, adversus quam in signaculo fidei ejeramus. Quod autem ejeramus, neque factò, neque dictò, neque visu, neque prospectu participare debemus. Ceterum nonne ejeramus & rescindimus signaculum, rescindendo testationem ejus? Nunquid ergo superest ut ab ipsis ethnicis responsum flagitemus? Illi jam nobis renuntient, an liceat Christianis spectaculo uti. Atquin hinc vel maxime intelligunt factum Christianum, de repudio spectaculorum. Itaque negat manifeste, qui per quod agnoscitur, tollit. Quid autem spei superest in hujusmodi homine? nemo in castra hostium transit, nisi projectis armis suis, nisi destitutis signis & sacramentis principis sui, nisi pactus simul perire.

25. An ille recogitabit eo tempore de Deo, positus illic ubi nihil est de Deo? pacem opinor habebit in animo contendens pro auriga, pudicitiam edificet, attonitus in mimos. Imo in omni spectaculo nullum magis scandalum occurret, quam ipse ille mulierum & virorum accuratior cultus: ipsa consensio, ipsa in favoribus aut conspiratio aut dissensio inter se de commercio scintillas libidinum conflabellant. Nemo denique in spectaculo ineundo prius cogitat, nisi videri

&



& videre. Sed tragædo vociferante exclamationes ille alicujus prophetæ retractabit, & inter effeminati histrionis modos Psalmum secum comminiscetur, & cum athletæ agent, ille dicturus est reperiendum non esse? poterit & de misericordia moveri defixus in morsus urforum, & spongas retiariorum. Avertat Deus a suis tantam voluptatis exitiosæ cupiditatem. Quale est enim de ecclesia Dei in diaboli ecclesiam tendere? de cælo (quod ajunt) in cœnum? illas manus quas ad Dominum extuleris, postmodum laudando histrionem fatigare? ex ore quo Amen in sanctum protuleris, gladiatori testimonium reddere, *εις αιωνας αιων αιωνος* alii omnino dicere nisi Deo Christo?

26. Cur ergo non ejusmodi etiam dæmoniis penetrabiles fiant? Nam & exemplum accidit Domino teste, ejus mulieris quæ theatrum adiit, & inde cum dæmonio rediit. Itaque in exorcismo cum oneraretur immundus spiritus, quod ausus esset fidelem adgredi: constanter & justissime quidem (inquit) feci, in meo eam inveni. Constat & alii linteum in somnis ostensum ejus diei noctes, qua tragædum audierat, cum exprobratione nominato tragædo, nec ultra quantum diem eam mulierem in seculo fuisse. Quot utique & alia documenta cesserunt de his qui cum diabolo apud spectacula communicando a Domino exciderunt. *Nemo enim potest duobus dominis servire.* Quid luci cum tenebris? quid vitæ & mortis?

27. Odisse debemus istos conventus & cœtus ethnicorum, vel quod illic nomen Dei blasphematur, illic quotidiani in nos leones expostulantur, inde persecutiones decernuntur, inde tentationes emittuntur. Quid facies in illo suffragiorum impiorum æstuario prehensus, non quasi aliquid illic pati possis ab hominibus, nemo te cognoscit Christianum, sed recoga quid de te fiat in cælo. Dubitas enim illo momento, quo in diaboli ecclesia fueris, omnes angelos prospicere de cælo, & singulos denotare, quis blasphemiam

phemiam dixerit, quis audierit, quis linguam, quis aures diabolo adversus Deum administraverit? Non ergo fugies sedilia hostium Christi, illam cathedram pestilentiarum, ipsumque aërem qui desuper incubat, scelestis vocibus constupratum? Sint dulcia licet & grata & simplicia, etiam honesta quædam. Nemo venenum temperat felle & elleboro, sed conditis pulmentis & bene saporatis, & plurimum dulcibus id mali injicit: ita & diabolus letale quod conficit, rebus Dei gratissimis & acceptissimis imbuat. Omnia illic seu fortia, seu honesta, seu sonora, seu canora, seu subtilia, proinde habe ac si stillicidia mellis de ranunculo venenato: nec tanti gulam facias voluptatis, quanti periculum per suavitatem.

28. Saginentur ejusmodi dulcibus convivæ sui, & loca & tempora & invitator ipsorum est. Nostræ cœnæ, nostræ nuptiæ, nondum sunt, non possumus cum illis discumbere, quia nec illi nobiscum. Vicibus disposita res est. Nunc illi lætantur, nos conflictamur. *Seculum* (inquit) *gaudebit, vos tristes eritis.* Lugeamus ergo dum ethnici gaudent, ut quum lugere cœperint, gaudeamus, ne pariter nunc gaudentes, tunc quoque pariter lugeamus. Delicatus es Christiane, si & in seculo voluptatem concupiscis, immo nimium stultus, si hoc existimas voluptatem. Philosophi quidam hoc nomen quieti & tranquillitati dederunt, in ea gaudent, in ea avocantur, in ea etiam gloriantur. Tu mihi metas & scenas & pulverem & arenas suspiras. Dicas velim. Non possumus vivere sine voluptate, qui mori cum voluptate debebimus? Nam quod est aliud votum nostrum, quam quod & Apostoli, exire de seculo, & recipi apud Dominum? Hic voluptas, ubi & votum.

29. Jam nunc si putas delectamentis exigere spatium hoc, cur tam ingratus es, ut tot & tales voluptates a Deo contributas tibi satis non habeas, neque recognoscas? Quid enim jucundius, quam Dei patris

patris & Domini reconciliatio, quam veritatis revelatio, quam errorum recognitio, quam tantorum retro criminum venia? quæ major voluptas, quam fastidium ipsius voluptatis, quam seculi totius contemptus, quam vera libertas, quam conscientia integra, quam vita sufficiens, quam mortis timor nullus; quod calcas deos Nationum, quod dæmonia expellis, quod medicinas facis, quod revelationes petis, quod Deo vivis? Hæ voluptates, hæc spectacula Christianorum, sancta, perpetua, gratuita: in his tibi ludos Circenses interpretare, cursus seculi intueri, tempora labentia, spatia dinumera, metas consummationis exspecta, societates Ecclesiarum defende, ad signum Dei suscitare, ad tubam angeli erigere, ad martyrii palmas gloriare. Si scenicæ doctrinæ delectant, satis nobis litterarum est, satis versuum est, satis sententiarum, satis etiam canticorum, satis vocum, nec fabulæ, sed veritates, nec strophæ, sed simplicitates. Vis & pugillatus & luctatus? præsto sunt, non parva, sed multa. Adspice impudicitiam dejectam a castitate, perfidiam cæsam a fide, sævitiam a misericordia contusam, petulantiam a modestia obumbratam, & tales sunt apud nos agones, in quibus ipsi coronamur. Vis autem & sanguinis aliquid? habes Christi.

30. Quale autem spectaculum in proximo est adventus Domini jam indubitati, jam superbi, jam triumphantis? Quæ illa exultatio angelorum, quæ gloria resurgentium sanctorum? quale regnum exinde justorum? qualis civitas nova Hierusalem? At enim supersunt alia spectacula, ille ultimus & perpetuus iudicii dies, ille nationibus insperatus, ille derisus, cum tanta seculi vetustas, & tot ejus nativitates uno igni hauriantur. Quæ tunc spectaculi latitudo? quid admirer? quid rideam? ubi gaudeam, ubi exultem, spectans tot ac tantos Reges, qui in cælum recepti nuntiaban-

tiabantur, cum ipso Jove & ipsis suis testibus in imis tenebris congemiscences? item Præsides, persecutores Dominici nominis sævioribus quam ipsi contra Christianos sævierunt, flammis insultantibus, liquefcentes? præterea sapientes illos Philosophos coram discipulis suis una conflagrantibus erubescences, quibus nihil ad Deum pertinere suadebant, quibus animas aut nullas, aut non in pristina corpora redivivas adfirmabant, etiam poetas non ad Rhadamanti, nec ad Minois, sed ad inopinati Christi tribunal palpitantes? Tunc magis tragœdi audiendi, magis scilicet vocales in sua propria calamitate. Tunc histriones cognoscendi solutiores multo per ignem: tunc spectandus auriga in flammea rota totus rubens: tunc xyfici contemplandi non in gymnasiis, sed in igne jaculati, nisi quod nec tunc quidem illos velim visos, ut qui malim ad eos potius conspectum infatiabilem conferre, qui in Dominum desævierunt. Hic est ille (dicam) fabri aut quæstuariæ filius, sabbati destructor, Samarites & dæmonium habens. Hic est quem a Juda redemistis, hic est ille arundine & colaphis diverberatus, sputamentis dedecoratus, felle & aceto potatus. Hic est quem clam discences subripuerunt, ut resurrexisse dicatur, vel hortulanus detraxit, ne lactucæ suæ frequentia commeantium læderentur. Ut talia spectes, ut talibus exsultes, quis tibi Prætor aut Consul, aut Quæstor, aut sacerdos de sua liberalitate præstabit? & tamen hæc jam quodammodo habemus per fidem spiritu imaginante repræsentata. Ceterum qualia illa sunt quæ nec oculus vidit, nec auris audivit, nec in cor hominis ascenderunt? Credo, Circo & utraque cavea & omni stadio gratiora.

Q. SEPTIMII FLORENTIS  
TERTULLIANI

DE

IDOLOLATRIA,

LIBER.

I.

**P**rinzipale crimen generis humani, summus seculi reatus, tota causa iudicii, Idololatria. Nam etsi suam speciem tenet unumquodque delictum, etsi suo quoque nomine iudicio destinatur, in idololatriæ tamen crimine expungitur. Omitte titulos, operas recognosce, Idololatries, idem homicida est. Quæris quem occiderit? si quid ad elogiæ ambitionem facit, non extraneum, nec inimicum, sed seipsum. Quibus insidiis? erroris sui. Quo telo? offensâ Dei. Quot plagis? quotquot Idololatriis. Qui negat Idololatrien perisse, is negabit Idololatrien homicidium fecisse. Proinde adulterium, & stuprum in eodem recognoscas: nam qui falsis deis servit, sine dubio adulter est veritatis, quia omne falsum adulterium est. Sic & in stupro mergitur. Quis enim immundis spiritibus operatus, non conspurcatus & constupratus incedit? Atque adeo scripturæ sanctæ stupri vocabulo utuntur in idololatriæ exprobratione. Fraudis conditio ea est opinor, si quis alienum rapiat, aut alii debitum deneget, & utique erga hominem admissa fraus maximi criminis nomen est. At enim idololatria fraudem Deo facit, honores illi suos denegans, & conferens aliis, ut fraudi etiam contumeliam conjungat. Quod si tam fraus

*Tertull. Tom. I.*

C

quam

quam stuprum atque adulterium mortem adferunt, jam in his æque idololatria de homicidii reatu non liberatur. Post talia crimina, tam exitiosa, tam devoratoria salutis, cetera quoque aliquem ad modum & seorsum proinde disposita, in Idololatria conditionem suam repræsentant. In illa & concupiscentiæ seculi. Quæ enim idololatriæ solennitas sine ambitione cultus & ornatus? In illa lasciviæ & ebrietates, cum plurimum victus & ventris & libidinis causa frequentantur. In illa injustitia. Quid enim injustius ea, quæ justitiæ patrem nescit? In illa etiam vanitas, quum tota ejus ratio vana sit: in illa mendacium, quum tota substantia ejus mendax sit. Ita fit, ut omnia in idololatria, & in omnibus idololatria deprehendatur. Sed & alias quum universa delicta adversus Dominum sapiant, nihil autem quod adversus Dominum sapiat, non dæmonius & immundis spiritibus deputetur, quibus idola mancipantur: sine dubio idololatriam admittit, quicumque delinquit: id enim facit quod ad idolorum mancipēs pertinet.

2. Sed universa nomina criminum discedant in operum suorum proprietates, remaneat Idololatria in eo quod ipsa est: sufficit sibi tam inimicum Deo nomen, tam locuples substantia criminis, quæ tot ramos porrigit, tot venas defundit, ut de hoc cum maxime materia suscepta sit, quot modis nobis præcavenda sit idololatriæ latitudo. Quoniam multifariam servos Dei nec tantum ignorata, sed etiam dissimulata subvertit. Plerique idololatriam simpliciter existimant his solis modis interpretandam. Si quis aut incendat, aut immolet, aut polluceat, aut sacris aliquibus aut sacerdotiis obligetur: quemadmodum si quis existimet adulterium in osculis, & in amplexibus, & in ipsa carnis congressione censendum: aut homicidium in sola sanguinis profusione, & in animæ ereptione reputandum. At enim Dominus quam extensus iste

dispo-

disponat certi sumus, cum adulterium etiam in concupiscentia designat, si oculus quis impeerit libidine, & animam commoverit impudice: cum homicidium etiam in verbo maledicti vel convicii judicat, & in omni impetu iræ, & in negligentia charitatis in fratrem. Sicut Joannes docet homicidam esse qui oderit fratrem. Alioquin in modico consisteret, & diaboli ingenium de malitia, & Dei Domini de disciplina, qua nos adversus diaboli altitudines munit, si in his tantum delictis judicaremur, quæ etiam nationes decreverunt vindicanda. Quomodo abundabit justitia nostra super Scribas & Phariseos, ut Dominus præscripsit, nisi abundantiam adversariæ ejus, id est injustitiæ perspexerimus? Quod si caput injustitiæ idololatria est, prius est uti adversus abundantiam idololatriæ præmuniamur, dum illam non solum in manifestis recognoscimus.

3. Idolum aliquandiu retro non erat. Prius quam hujus monstri artifices ebullissent, sola templa & vacuæ ædes erant, sicut in hodiernum quibusdam locis vetustatis vestigia permanent. Tamen idololatria agebatur, non in isto nomine, sed in isto opere. Nam & hodie extra templum & sine idolo agi potest. At ubi artifices statuarum & imaginum, & omnis generis simulacrorum diabolus seculo intulit, rude illud negotium humanæ calamitatis, & nomen de idolis consequutum est, & profectum. Exinde jam caput facta est idololatriæ ars omnis quæ Idolum quoquomodo edit. Neque enim interest, an plastes effingat, an cælator exsculpat, an Phrygio detexat: quia nec de materia refert, an gypso, an coloribus, an lapide, an ære, an argento, an filo formetur Idolum. Quando enim & sine idolo idololatria fiat: utique cum ad est idolum nihil interest quale sit, qua de materia, qua de effigie, ne qui putet id solum idolum habendum, quod humanæ effigie sit consecratum.

Ad hoc necessaria est vocabuli interpretatio, *ἰδωλόν* Græce formam sonat; ab eo per diminutionem *ἰδωλάριον* deductum, æque apud nos formulam fecit. Igitur omnis forma vel formula idolum se dici exposcit. Inde idololatria omnis circa omne idolum famulatus & servitus. Inde & omnis idoli artifex, ejusdem & unius est criminis: nisi parum idololatriam populus admisit, quia simulacrum vituli, & non hominis sibi consecravit.

4. Idolum tam fieri quam coli Deus prohibet. Quanto præcedit ut fiat quod coli possit, tanto prius est, ne fiat, si coli non licet. Propter hanc causam, ad eradicandam scilicet materiam idololatriæ, lex divina proclamat: *Ne faceritis idolum.* Et conjungens, *Neque similitudinem eorum qua in cælo sunt, & qua in terra, & qua in mari.* Toto mundo ejusmodi artibus interdixit servis *idoli*. Antecesserat prædicens Enoch omnia elementa, omnem mundi sensum, quæ cælo, quæ mari, quæ terra continentur, in idololatriam versuros dæmonas, & spiritus desertorum angelorum, ut pro Deo adversus Dominum consecrarentur. Omnia igitur colit humanus error, præter ipsum omnium conditorem. Eorum imagines idola, imaginum consecratio idololatria. Quicquid idololatria committit, in artificem quemcunque & cujuscunque idoli deputetur necesse est. Denique idem Enoch simul & cultores idoli & fabricatores in comminatione prædamnat. Et rursus: Juro vobis peccatores quod in diem sanguinis perdicionis pœnitentia parata est. Qui servitis lapidibus, & qui imagines facitis aureas, & argenteas, & ligneas, & lapideas, & fictiles, & servitis phantasmatibus, & dæmoniis, & spiritibus infamibus, & omnibus erroribus non secundum scientiam, nullum ab iis invenietis auxilium. Esaias vero, *Testes, ait, vos estis, si est Deus absque me. Et non erant tunc qui fingunt & exsculpunt, omnes vari; qui faciunt*



*ciunt libita sibi, qua illis non proderunt.* Et deinceps tota illa pronuntiatio, qua in artifices, qua in cultores detestatur, cujus clausula est, *Cognoscite quod cinis sit cor illorum, & errant, & nemo animam suam liberare possit* Ubi æque David, *Et tales sunt,* inquit, *qui faciunt ea.* Et quid ego modicæ memoriæ homo? ultra quid suggeram? quid recolam de scripturis? quasi aut non sufficiat vox spiritus sancti, aut ultra deliberandum sit, an maledixerit atque damnaverit Dominus ipsos prius artifices eorum, quorum cultores maledicit & damnat?

5. Plane impensius respondebimus ad excusationes hujusmodi artificum, quos nunquam in domum Dei admitti oportet, si quis eam disciplinam norit. Jam illa objici solita vox: Non habeo aliud quo vivam: districtius reperi potest, Vivere ergo habes. Quid tibi cum Deo est? si tuis legibus. Tum quod & de scripturis audent argumentari: dixisse Apostolum, *ut quisque fuerit inventus, ita & perseveret*: possumus igitur omnes in peccatis perseverare ex ista interpretatione. Nec enim quisquam nostrum non peccator inventus est, cum Christus non alia ex causa descenderit, quam peccatorum liberandorum. Item; eundem præcepisse dicunt secundum suum exemplum, ut manibus unusquisque operetur ad victum. Si hoc præceptum ab omnibus manibus defendatur, credo & fures balnearios manibus suis vivere, & ipsos latrones manibus agere quo vivant. Item falsarios utique non pedibus, sed manibus operari malas litteras. Histriones vero non manibus solis, sed totis membris victum elaborare. Pateat igitur Ecclesia omnibus, qui manibus & suo opere tolerantur, si nulla exceptio est artium, quas Dei disciplina non recipit. Sed ait quidam adversus similitudinis interdictæ propositionem, Cur ergo Moses in eremo simulacrum serpentis ex aere fecit? Seorsum figuræ, quæ dispositioni

alicui arcanæ præstruebantur, non ad erogationem legis, sed ad exemplarium causæ suæ. Alioquin si hæc ut adversarii legis interpretemur, nunquid & nos, quod & Marcionitæ, inconstantiam adscribimus omnipotenti? quem isti hoc modo destruunt ut mutabilem, dum alibi vetat, alibi mandat? Si quis autem dissimulat illam effigiem ærei serpentis, suspensi in modum, figuram designasse Dominicæ crucis, a serpentibus, id est ab angelis diaboli liberationæ nos, dum per semetipsam diabolum, id est, serpentem interfectum suspendit, sive quæ alia figuræ istius expositio dignioribus revelata est, dummodo Apostolus affirmet omnia tunc figurate populo accidisse: bene quod idem Deus qui lege vetuit similitudinem fieri, extraordinario præcepto serpentis similitudinem indixit. Si eundem Deum observas, habes legem ejus, *Ne feceris similitudinem*. Si & præceptum factæ postea similitudinis respicis, & tu imitare Moysen, ne facias adversus legem simulacrum aliquod, nisi & tibi Deus jusserit.

6. Si nulla lex Dei prohibuisset idola fieri a nobis, si nulla vox spiritus sancti fabricatoribus idolorum non minus quam cultoribus comminaretur: de ipso sacramento nostro, interpretaremur nobis adversas esse fidei ejusmodi artes. Quomodo enim renuntiavimus diabolo & angelis ejus, si eos facimus? Quod repudium diximus iis, non dico cum quibus, sed de quibus vivimus? Quam discordiam suscepimus in eos, quibus exhibitionis nostræ gratia obligati sumus? Potest lingua negasse, quod manu confiteris? Verbo destruere, quod facto struis? Unum Deum prædicare, qui tantos efficis? Verum Deum prædicare, qui falsos facis? Facio (ait quidam) sed non colo. quasi ob aliquam causam colere non audeat, nisi ob quam & facere non debeat, scilicet ob Dei offensam utrobique. Imo tu colis, qui facis ut coli possint. Colis

autem

autem non spiritu vilissimi nidoris alicujus, sed tu proprio: nec anima pecudis impensa, sed anima tu illis ingenium tuum immolas, illis sudorem tuum bas, illis prudentiam tuam accendis. Plus es illi quam sacerdos, cum per te habeant sacerdotem. Diligentia tua nomen illorum est. Negas te, quod facis, colere? Sed illi non negant, quibus hanc flagrantiorē & auratiorem & majorem hostiam cedis, salutem tuam.

7. Tota die ad hanc partem zelus fidei perorabit ingemens Christianum ab idolis in Ecclesiam venire de adversaria officina in Domum Dei venire, attollere ad Deum patrem manus matres idolorum, his manibus adorare quæ foris adversus Deum adorantur, eas manus admoveere corpori Domini, quæ dæmoniis corpora conferunt. Nec hoc sufficit. Parum sit, si aliis manibus accipiant, quod contaminant, sed etiam ipsi tradunt aliis quod contaminaverunt. Adlegunt in ordinem Ecclesiasticum artifices idolorum. Præscelus! Semel Judæi Christo manus intulerunt, id quotidie corpus ejus laceffunt. O manus præcidea! Viderint jam an per similitudinem dictum sit, *te manus tua scandalizat, amputa eam.* Quæ magis an putandæ, quam in quibus Domini corpus scandalizatur?

8. Sunt & aliæ complurium artium species, quæ etsi non contingunt idolorum fabricationem, tamen ea sine quibus idola nil possunt, eodem crimine expediunt. Nec enim differt, an exstruas vel exornes si templum, si aram, si ædiculam ejus instruxeris, bracteam expresseris, aut insignia, aut etiam domum fabricaveris. Major est ejusmodi opera, quæ non efigiem confert, sed auctoritatem. Si ita necessitas exhibitionis extenditur, habent & alias species, quæ sine exorbitatione disciplinæ, id est, sine idoli consecratura opem victus præstent. Scit albarius testor

teſta ſarcire, & tectoria inducere, & cisternam liare; & cymatia diſtendere, & multa alia ornamenta præter ſimulacra parietibus incruſtare. Scit & pictor & marmorarius, & ærarius, & quicunque cælator, latitudines ſuas utique multo faciliores. Nam qui ſignum deſcribit, quanto facilius abacum linit? Qui de tilia Martem exſculpit, quanto citius armarium compingit? Nulla ars non alterius artis, aut mater, aut propinqua eſt. Nihil alterius vacat. Tot ſunt artium venæ, quot hominum concupiſcentiæ. Sed de mercedibus & manuſpretiis intereſt. Proinde intereſt & de labore. Minor merces frequentiore actu repenſatur. Quot parietes ſigna deſiderant? Quot templa & ædēs idolis ædificantur? Domus vero, & prætoria & balnea & inſulæ quantæ? Soccus & baxa quotidie deaurantur, Mercurius & Serapis non quotidie. Sufficiat ad quæſtum artificiorum, frequentior eſt omni ſuperſtitione luxuria & ambitio. Lances & ſcyphos facilius ambitio, quam ſuperſtitio deſiderabit. Cornas quoque magis luxuria, quam ſolemnitas erogat. Cum igitur ad hæc artificiorum genera cohortemur, quæ idolum quidem, & quæ idolo cõpetunt, non attingant, ſint autem & hominibus communia ſæpe quæ & idolis, hoc quoque cavere debemus, ne quid ſcientibus nobis ab aliquibus de manibus noſtris in rem idolorum poſtuletur. Quod ſi conceſſerimus, & non remediis tam uſitatis egerimus, non puto nos a contagio idololatriæ vacare, quorum manus non ignorantium in officio vel in honore & uſu dæmoniorumprehenduntur.

9. Animadvertimus inter artes etiam profeſſiones quaſdam obnoxias idololatriæ. De Astrologis ne loquendum quidem eſt. Sed quoniam quidam iſtis diebus provocavit defendens ſibi perfeverantiam profeſſionis iſtius, paucis utar. Non allego quod idola honoret, quorum nomina cælo inſcripſit, quibus omnem

Dei

Dei potestatem addixit: quod propterea homines non putant Deum requirendum, præsumentes stellarum nos immutabili arbitrio agi. Unum propono, angelos esse illos desertores Dei, amatores feminarum, proditores etiam hujus curiositatis, propterea quoque damnatos a Deo. O divina sententia usque ad terram pertinax, cui etiam ignorantes testimonium reddunt. Expelluntur Mathematici sicut angeli eorum. Urbs & Italia interdicitur Mathematicis, sicut cælum angelis eorum. Eadem pœna est exilii discipulis & magistris. Sed Magi & Astrologi ab Oriente venerunt. Scimus Magiæ & Astrologiæ inter se societatem. Primi igitur stellarum interpretes natum Christum annuntiaverunt, primi muneraverunt. Hoc nomine Christum (opinor) sibi obligaverunt. Quid tum? Ideo nunc & Mathematicis patrociniabitur illorum Magorum religio? De Christo scilicet est mathesis hodie, stellas Christi, non Saturni & Martis & cujusque; ex eodem ordine mortuorum observat & prædicat. At enim scientia ista usque ad Evangelium fuit concessa, ut Christo edito nemo exinde nativitatem alicujus de cœlo interpretetur. Nam & thus illud & myrrham & aurum ideo infanti tunc Domino obtulerunt, quasi clausulam sacificationis & gloriæ secularis, quam Christus erat adepturus. Quod igitur iisdem Magis somnium sine dubio ex Dei voluntate suggessit, ut irent in sua, sed alia, non qua venerant, via, id est, ne pristina secta sua incederent: ne illos Herodes persequeretur, qui nec persecutus est, etiam ignorans alia via digressos, quoniam & qua venerant ignorabat. Adeo viam rectam & disciplinam intelligere debemus. Itaque magis præceptum, ut exinde aliter incederent. Sic & alia illa species Magiæ quæ miraculis operatur, etiam adversus Moysen æmulata, patientiam Dei traxit ad Evangelium usque. Nam exinde & Simon Magus jam fidelis, quoniam aliquid adhuc de circulatoria

na secta cogitaret, ut scilicet inter miracula professionis suæ etiam spiritum sanctum per manuum impositionem enundinaret, maledictus ab Apostolis de fide ejectus est: & alter magus qui cum Sergio Paulo, quoniam iisdem adversabatur Apostolis, luminum amissione multatus est. Hoc & Astrologi retulissent credo, si quis in Apostolos incidisset. Attamen cum Magia punitur, cujus est species Astrologia, utique & species in genere damnatur. Post Evangelium nunquam invenias aut sophistas, aut Chaldæos, aut incantatores, aut conjectores, aut Magos, nisi plane punitos. *Ubi sapiens, ubi litterator, ubi conquistor hujus ævi? Nonne insatnavit Deus sapientiam hujus sæculi? Nihil scis Mathematicæ, si nesciebas te futurum Christianum. Sin sciebas, hoc quoque scire debueras, nihil tibi futurum cum ista professione. Ipsa te de periculo suo instrueret, quæ aliorum climacterica præcavit, Non est tibi pars neque fors in ista ratione. Non potest regna cælorum sperare, cujus digitus aut radius abutitur cælo.*

10. Quærendum autem est etiam de ludimagistris, & de ceteris professoribus litterarum. Imo non dubitandum affines illos esse multimodæ idololatriæ. Primum quibus necesse est Deos Nationum prædicare, nomina, genealogias, fabulas ornamenta honorifica quæque eorum enuntiare, tum solennia festaque eorundem observare, ut quibus vectigalia sua suppetant. Quis ludimagister, sine tabula VII. idolorum, quinquatria tamen frequentabit? Ipsam primam novi discipuli stipem Minervæ & honori & nomini consecrat, ut etsi non prophanatus alicui idolo, verbotenus de idolothyto esse dicatur, pro idololatra vitetur. quid minus est inquinamenti eo quod præstat quæstus & nominibus & honoribus idolo nuncupatus? tam Minervæ, quam Saturnalia Saturni, quæ etiam serviliis sub tempore Saturnalium celebrari necesse est.

Etiā

Etiam strenæ captandæ, & septimontium, & brumæ, & caræ cognationis honoraria exigenda omnia, floræ scholæ coronandæ. Flaminicæ & ædiles sacrificant, creatis schola honoratur feriis. Idem fit idoli natali, omnis diaboli pompa frequentatur. Quis hæc competere Christiano existimabit, nisi qui putabit convenire etiam non magistro? Scimus dici posse, Si docere litteras Dei servis non licet, etiam nec discere licebit. Et quomodo quis institueretur ad prudentiam interim humanam, vel ad quemcunque sensum vel actum, cum instrumentum sit ad omnem vitam litteratura? Quomodo repudiamus secularia studia, sine quibus divina non possunt. Videamus igitur necessitatem litteratoriæ eruditionis, respiciamus ex parte eam admitti non posse, ex parte vitari, fideles magis discere quam docere litteras capit. Diversa est enim ratio discendi & docendi. Si fidelis litteras doceat insertas idolorum prædicatione, sine dubio dum docet, commendat: dum tradit, affirmat: dum commemorat, testimonium dicit. Deos ipsos hoc nomine obsignat, cum lex prohibeat (ut diximus) deos pronuntiari, & nomen hoc in vano collocari. Hinc prima diabolo fides ædificatur ab initiis eruditionis, Quære an idololatriam committat, qui de idolis catechizat. At cum fidelis hæc discit; si jam sapit qui sit, neque recipit, neque admittit, multo magis si dudum sapit. Aut ubi cœperit sapere, prius sapiat oportet, quod prius didicit, id est, de Deo & fide: Proinde illa respuet nec recipiet. Et erit tam tutus, quam qui sciens venenum ab ignaro accipit, nec bibit. Huic necessitas ad excusationem deputatur, quia aliter discere non potest. Tanto autem facilius est litteras non docere, quam non discere, quanto & reliqua scholarum de publicis propriis solennitatibus inquinamenta facilius discipulus fidelis non adibit, quam magister non frequentabit.

II. De negotiationibus, si cetera delictorum re cogitemus, in primis cupiditatem radicem omnium malorum, qua quidam irretiti, circa fidem naufragium sunt passi. quamvis & idololatria ab eodem Apostolo dicta sit cupiditas, tum mendacium cupiditatis ministrum. Taceo de perjurio, quando ne jurare quidem liceat. Negotiatio servo Dei apta est? Ceterum si cupiditas abscedat, quæ est causa acquirendi: cessante causa acquirendi, non erit necessitas negotiandi. Sit nunc aliqua iustitia quaestus, secura de cupiditatis & mendacii observatione, in crimen offendere idololatriæ eam opinor, quæ ad ipsam idolorum animam & spiritum pertinet, quæ omne dæmonium saginat. Sane an non illa principalis idololatria? viderint si eadem merces, thura dico & cetera peregrinitatis ad sacrificium idolorum, etiam hominibus ad pigmenta medicinalia, nobis quoque insuper ad solatia, sepulturæ usui sunt. Certe cum pompæ, cum sacerdotia, cum sacrificia idolorum de periculis, de damnis, de incommodis, de cogitationibus, de discursibus negotiationibusve instruuntur, quid aliud quam procurator idolorum demonstraris? Nemo contendat posse hoc modo omnibus negotiationibus controversiam fieri. Graviora delicta quæque pro magnitudine periculi diligentiam extendunt observationis, ut non ab his tantum abscedamus, sed & ab iis per quæ fiunt. Licet enim ab aliis fiat, non interest, si per me. In nullo necessarius esse debeo alii, cum facit quod mihi non licet. Ex hoc quod vetor facere, intelligere debeo curandum mihi esse, ne fiat per me. Denique in alia causa non levioris reatus præjudicium istud observo. Nam quod mihi de stupro interdictum sit, aliis ad eam rem nihil aut operæ aut conscientiae exhibeo. Nam quod ipsam carnem meam a lupanaribus segregavi, agnosco me, neque lenocinium, neque id genus lucrum alterius causa exercere posse. Sic

&amp;



& homicidii interdictio ostendit mihi lanistam quoque ab Ecclesia arceri: nec per se non faciet quod faciendum aliis subministrat. Ecce magis proximum præjudicium. Si publicarum victimarum redemptor ad fidem accedat, permittes ei in eo negotio permanere? Aut si jam fidelis id agere susceperit, retinendum in Ecclesia putabis? Non opinor, nisi si quis & de thurario dissimulabit. scilicet ad alios pervenit procuratio sanguinis, ad alios odorum. Si antequam idola in seculo essent, his mercibus adhuc informis idololatriæ transigebatur, si & nunc fere sine idolo opus idololatriæ incendiis odorum perpetratur, ecquid majoris operæ & erga dæmonia thurarius: nam facilius sine idolo idololatria, quam sine thurarii merce. Ipsius fidei conscientiam perrogemus. Quo ore Christianus thurarius, si per templa transibit, fumantes aras despuet, & exsufflabit, quibus ipse prospexit? Qua constantia exorcizabit alumnos suos: quibus domum suam cellariam præstat? Ille quidem si exclusit dæmonium, non sibi placeat de fide. Neque enim inimicum exclusit. Facile debuit de eo impetrare, quem quotidie pascit. Nulla igitur ars, nulla professio, nulla negotiatio, quæ quid aut instruendis aut formandis idolis administrat, carere poterit titulo idololatriæ: nisi si aliud omnino interpretemur, idololatriam, quam famulatum idolorum colendorum.

12. Male nobis de necessitatibus humanæ exhibitionis supplaudimus, si post fidem obsignatam dicimus: non habeo quo vivam. Jam hic enim plenius illi abruptæ propositioni respondebo: Sero dicitur. Ante enim fuit deliberandum, ex similitudine providentissimi ædificis illius, qui prius sumptus operis cum viribus suis supputat, ne, ubi ceperit, defectus postea erubescat. Sed & nunc habes dicta Domini, & exempla adimentia tibi omnem causationem. Quid enim dicis? Egebo. Sed felices egenos Dominus appellat.

Victum

Victum non habebō: Sed *nolite*, inquit, *cogitare de vi-  
ctu*. Et vestitus habemus exemplum lilia. Substan-  
tia mihi opus erat: Atquin omnia vendenda sunt, &  
egentibus dividenda. Sed filiis & posteritati providen-  
dum: Nemo *aratro manum imponens & retro spectans ap-  
tus* est operi. Sed conditionalis eram: *Nemo duobus  
dominis servire potest*. Si vis Domini discipulus esse,  
crucem tuam tollas, & Dominum sequaris necesse est,  
id est, angustias & cruciatus tuos, vel corpus solum,  
quod in modum crucis est. Parentes, conjuges, li-  
beri propter Deum relinquendi erunt. De artibus &  
negotiationibus, & de professionibus etiam liberorum  
& parentum causa dubitas? Jam tunc demonstratum  
est nobis & pignera, & artificia, & negotia propter  
Dominum derelinquenda, cum Jacobus & Joannes  
vocati a Domino & patrem navemque derelinquunt;  
cum Mattheus de teloneo suscitatur; cum etiam se-  
pelire patrem tardum fuit fidei. Nemo eorum quos  
Dominus allegit, Non habeo, dixit, quo vivam. Fi-  
des famem non timet. Scit etiam famem non minus  
sibi contemnendam propter Deum, quam omne mor-  
tis genus. Didicit non respicere vitam, quanto ma-  
gis victum? Quotusquisque hæc adimplevit? Sed quæ  
penes homines difficilia, penes Deum facilia.

13. Sic tamen nobis de mansuetudine & clementia  
Dei blandiamur, ut non usque ad Idololatriæ adfini-  
tates necessitatibus largiamur: sed omnem adflatum  
ejus vice pestis etiam de longinquo devitemus, non  
his tantum quæ præmisimus, sed in universa serie hu-  
manæ superstitionis, siue deis suis, siue defunctis, si-  
ve regibus mancipatæ, ut ad eosdem spiritus immun-  
dos pertinentis, modo per sacrificia & sacerdotia,  
modo per spectacula, & hoc genus, modo per festos  
dies. Sed de sacrificiis & de sacerdotiis quid loquar?  
De Spectaculis autem & voluptatibus ejusmodi suum  
jam volumen implevimus. Hoc loco retractari oportet

at de festis diebus, & aliis extraordinariis solennitatibus, quas interdum lasciviæ, interdum timiditati nostræ subscribimus, adversus fidei disciplinam communicantes nationibus in idolicis rebus. De hoc quidem primo consistam, an cum ipsis quoque nationibus communicare in hujusmodi servus Dei debeat, sive habitu, sive victu, vel quo alio genere lætitiæ earum. Gaudere cum gaudentibus, & lugere cum lugentibus, de fratribus dictum est ab Apostolo ad unanimitatem cohortante. Ceterum ad hæc nihil communionis est lumini & tenebris, vitæ & morti: aut scindimus quod est scriptum: *Seculum gaudebit, vos vero lugebitis.* Si cum seculo gaudemus, verendum est, ne cum seculo & lugeamus. Seculo autem gaudente lugeamus, & seculo postea lugente gaudebimus. Sic & Lazarus apud inferos in sinu Abrahæ refrigerium consecutus, contra dives in tormento ignis constitutus; alternas malorum & bonorum vices æmula retributione compensant. Sunt quidam dies munerum, quæ apud alios honoris titulum, apud alios mercedis debitum expungunt. Nunc ergo, inquis, recipiam meum, vel rependam alienum. Si hunc morem sibi homines de superstitione consecraverunt, tu extraneus ab omnium eorum vanitate, quid participas idolothyta solennia, quasi tibi quoque præscriptum sit de die, quo minus id quod homini debes, vel tibi ab homine debetur, citra diei observationem luas, vel recipias. Da formam in qua velis agi tecum. Cur enim & lateas, cum ignorantia alterius tuam conscientiam contamines, si non ignoraris quod sis Christianus, tentaris, & contra conscientiam alterius agis, tanquam non Christianus. Enimvero etsi simulaveris, tentatus, addictus es. Certe sive hac, sive illac, reus es confusionis in Deo. *Qui autem confusus super me fuerit penes homines, & ego confundar super illo, inquit, penes patrem meum, qui est in caelis.*

14. Sed enim plerique jam induxerunt animo, ignoscendum esse, si quando, quæ ethnici, faciunt, ne nomen blasphemetur. Porro blasphemia, quæ nobis omnino devitanda est, hæc opinor est. Si quis nostrum ad justam blasphemiam ethnicum deducat, aut fraude, aut injuria, aut contumelia, aliave materia dignæ querelæ, in qua nomen merito percutitur, ut merito irascatur & Dominus. Ceterum si de omni blasphemia dictum est: vestri causa nomen meum blasphematur, perimus universi; cum totus Circus scelestis suffragiis nullo merito nomen laceffit. desinamus, & non blasphemabitur. Imo blasphemetur, dum sumus in observatione non in exorbitatione disciplinæ, dum probamur, non dum reprobamur. O blasphemiam martyrii affinem, quæ tunc me testatur Christianum, cum propter eam detestatur, benedictio est nominis, maledictio custoditæ disciplinæ. *Si hominibus*, inquit, *vellem placere, servus Christi non essem.* Sed idem alibi jubet, omnibus placere curemus. *Quemadmodum ego*, inquit, *omnibus per omnia placeo.* Nimirum Saturnalia & Kalendas Januarias celebrans hominibus placebat? an modestia & patientia, an gravitate, an humanitate, an integritate? Proinde cum dicit, *Omnia omnibus factus sum, ut omnes lucrifaciam*, nunquid idololatriæ idololatre, nunquid ethnicis ethnicus, nunquid secularibus secularis? Sed etsi non prohibet nos conversari cum idololatriæ & adulteris & ceteris criminosis, dicens, *Ceterum de mundo existitis*: non utique eas habenas conversationis immutat, ut quoniam necesse sit & convivere nos & commiscere cum peccatoribus, ideo & cum eis peccare possimus. Ibi est commercium vitæ, quod Apostolus concedit: hic peccare, quod nemo permittit. Licet convivere cum ethnicis, commori non licet. Convivamus cum omnibus: conlætetur ex communione naturæ, non superstitionis. Pares anima sumus, non disci-

disciplina: compossessores mundi, non erroris. Quod si nobis nullum jus est communionis in ejusmodi cum extraneis, quanto scelestius est, hæc inter fratres frequentare. Quis hoc sustinere aut defendere potest? Judæis dies suos fastos exprobrat spiritus sanctus. Sabbata, inquit, vestra & neomenias & ceremonias odit anima mea. Nobis quibus sabbata extranea sunt, & neomeniæ & feriæ a Deo aliquando dilectæ, Saturnalia, & Januariæ, & Brumæ, & Matronales frequentantur, munera commeant, strenæ consonant, lusus, convivium constrepunt. O melior fides nationum in suam sectam: quæ nullam solennitatem Christianorum sibi vindicat, non Dominicum diem, non Pentecosten, etiam si nossent, nobiscum communicassent; timerent enim ne Christiani viderentur. Nos ne ethnici pronuntiemur, non veremur. Si quid & carni indulgendum est, habes. non dicam tuos dies tantum, sed & plures. Nam ethnicis semel annuus dies quisque festus est: tibi octavus quisque dies. excerpe singulas solennitates nationum, & in ordinem texe, Pentecosten implere non poterunt.

15. Sed *luceant*, inquit, *opera vestra*. At nunc lucent tabernæ & januæ nostræ: plures jam invenies ethnicorum fores sine lucernis & laureis quam Christianorum. De ista quoque specie quid videtur? Si idoli honor est, sine dubio idoli honor idololatria est. Si hominis causa est, recogitemus omnem idololatriam in hominis causam esse. Recogitemus omnem idololatriam in homines esse culturam, cum ipsos Deos nationum homines retro fuisse, etiam apud suos constet. Itaque nihil interest, superioris, an hujus seculi vitis superstitio ista præstetur. Idololatria non propter personas quæ opponuntur, sed propter officia ista damnata est, quæ ad dæmones pertinent. Reddenda sunt *Cæsari qua sunt Cæsaris*. bene quod apposuit, & *qua sunt Dei Deo*. Quæ ergo sunt Cæsaris?

scilicet de quibus tunc consultatio movebatur, præstandusne esset census Cæsari, an non. Ideo & monetam ostendi sibi Dominus postulavit, & de imagine, cujus esset, requisivit. Et cum audisset, Cæsaris, *Reddite*, ait, *quæ sunt Cæsaris Cæsari, & quæ sunt Dei Deo*, id est imaginem Cæsaris Cæsari, quæ in nummo est, & imaginem Dei Deo, quæ in homine est: ut Cæsari quidem pecuniam reddas, Deo temetipsum. Alioquin, quid erit Dei, si omnia Cæsaris? Ergo, inquis, honor Dei est, lucernæ pro foribus, & laurus in postibus? non utique quod Dei honor est, sed quod ejus qui pro Deo hujusmodi officiis honoratur, quantum in manifesto est, salva operatione quæ est in occulto, ad dæmonia perveniens. Certi enim esse debemus, si quos latet per ignorantiam litteraturæ secularis, etiam ostiorum Deos apud Romanos, Cardeam a cardinibus appellatam, & Forculum a foribus, & Limentinum a limine, & ipsum Janum a janua: & utique scimus, licet nomina inania atque conficta sint, eum tamen in superstitionem deducuntur; rapere ad se dæmonia, & omnem spiritum immundum per consecrationis obligamentum. Alioquin dæmonia nullum habent nomen singulatim, sed ibi nomen inveniunt, ubi & pignus. Etiam apud Græcos Apollinem *Diæcasor*, & Antelios dæmonas ostiorum præfides legimus. Hæc igitur ab initio prævidens spiritus sanctus, etiam ostia in superstitionem ventura præcecinit per antiquissimum propheten Enoch. Nam & alia ostia in balneis adorari videmus. Si autem eorum sunt quæ in ostiis adorentur, ad eos & lucernæ & laureæ pertinebunt. Idolo feceris quicquid ostio feceris. Hoc in loco ex auctoritate quoque Dei contestor, quia nec tutum est subtrahere quodcumque uni fuerit ostensum, utique omnium causa. Scio fratrem per visionem eadem nocte castigatum graviter, quod januam ejus subito annuntiatis gaudiis publicis servi coronassent. Et ta-  
men

men non ipse coronaverat, aut præceperat, nam ante processerat, & regressus reprehenderat factum: adeo apud Dominum in hujusmodi etiam disciplina familiæ nostræ æstimatur. Igitur quod attineat ad honores regum vel imperatorum, satis præscriptum habemus, in omni obsequio esse nos oportere, secundum Apostoli præceptum, subditos magistratibus & principibus & potestatibus. Sed intra limites disciplinæ, quousque ab idololatria separamur. Propterea enim & illud exemplum trium fratrum præcurrit, qui alias obsequentes erga regem Nabuchodonosor, honorem imaginis ejus constantissime respuerunt, probantes idololatriam esse, quicquid ultra humani honoris modum ad instar divinæ sublimitatis extollitur. Sic & Daniel ceteris Dario subnixus, tamdiu fuit in officio, quamdiu a periculo disciplinæ vacaret. Nam id ne subiret, non magis leones regios timuit, quam illi regios ignes. Accendant igitur quotidie lucernas, quibus lux nulla est, adfigant postibus lauros postmodum arsuras, quibus ignes imminet; illis competunt & testimonia tenebrarum, & auspicia pœnarum. Tu lumen es mundi, & arbor virens semper. Si templis renuntiasti, ne feceris templum januam tuam. Minus dixi: si lupanaribus renuntiasti, ne indueris domi tuæ faciem novi lupanaris.

16. Circa officia vero privatarum & communium solemnitatum, ut togæ puræ, ut sponsalium, ut nuptialium, ut nominalium, nullum putem periculum observari de statu idololatriæ quæ intervenit: causæ enim sunt considerandæ, quibus præstatur officium. Eas mundas esse opinor per semetipsas, quia neque vestitus virilis, neque annulus aut conjunctio maritalis, de alicujus idoli honore descendit. Nullum denique cultum a Deo maledictum invenio, nisi muliebrem in viro. *Maledictus* enim, inquit, *omnis qui muliebribus induitur.* Toga vero etiam ap-

pellatione virilis est. Nuptias quoque celebrari non magis Deus prohibet quam nomen imponi. Sed his accommodantur sacrificia. Si in vocatu nec in sacrificiis sit titulus officii & operæ meæ expunctio, quid tum? si libet. Utinam quidem nec videre possimus quæ facere nobis nefas est. Sed quoniam ita malus circumdedit seculum idololatria, licebit adesse in quibusdam, quæ nos homini non idolo officiosos habent. Plane ad sacerdotium & sacrificium vocatus non ibo (proprium enim idoli officium est) sed neque consilio neque sumptu, aliave opera in ejusmodi fungar. Si propter sacrificium vocatus adstam, ero particeps idololatriæ: si me alia causa conjungit, sacrificanti, ero tantum spectator sacrificii.

17. Ceterum quid facient servi vel liberiiales, item officiales sacrificantibus dominis vel patronis vel praesidibus suis adhaerentes? Sed si merum quis sacrificanti tradiderit, imo si verbo quoque aliquo sacrificio necessario adjuverit, minister habebitur idololatriæ. Hujus regulæ memores etiam magistratibus & potestatibus officium possumus reddere secundum patriarchas & ceteros majores, qui regibus idololatriæ usque ad finem idololatriæ apparuerunt. Hinc proxime disputatio suborta est, an servus Dei alicujus dignitatis aut potestatis administrationem capiat, si ab omni specie idololatriæ intactum se aut gratia aliqua, aut astutia etiam præstare possit: secundum quod & Joseph, & Daniel mundi ab idololatria, & dignitatem & potestatem administraverunt, in ornamento & purpura exstiterunt totius Aegypti sive Babyloniae. Credamus itaque succedere alicui posse, ut in quoquo honore, ut in solo honoris nomine incedat, neque sacrificet, neque sacrificiis auctoritatem suam accommodet, non hostias locet, non curas templorum deleget, non vestigalia eorum procuret, non spectacula edat de suo aut de publico, aut edendis præsit:



præsit: nihil solenne pronuntiet vel edicat, ne juret quidem: jam vero quæ sunt potestatis, neque judicet de capite alicujus vel pudore (feras enim de pecunia) neque damnet neque prædamnet, neminem vinciat, neminem recludat, aut torqueat; si hæc credibile est fieri posse.

18. Jam vero de solo suggestu & apparatu honoris retractandum; proprius habitus uniuscujusque est, tam ad usum quotidianum, quam ad honorem & dignitatem. Igitur purpura illa & aurum cervicis ornamentum eodem more apud Aegyptios & Babylonios insignia erant dignitatis, quo more nunc prætextæ, vel trabæ, vel palmatæ, & coronæ aureæ sacerdotum provincialium, sed non eadem conditione. Tantum enim honoris nomine conferebantur his qui familiaritatem regum merebantur. Unde & purpurati regum vocabantur a purpura, sicut apud nos a toga candida candidati: sed non ut, suggestus ille sacerdotiis quoque aut aliquibus idolorum officiis adstringeretur. Nam si ita esset, utique tantæ sanctitatis & constantiæ viri statim habitus inquinatos recusassent, statimque apparuisset Daniele idolis non deseruisse, nec Belem nec draconem colere, quod multo postea apparuit. Simplex igitur purpura illa, nec jam dignitatis erat, sed ingenuitatis apud Barbaros insignis. Quemadmodum enim & Joseph qui servus fuerat, & Daniel qui per captivitatem statum verterat, civitatem Babyloniam & Aegyptiam sunt consecuti per habitum barbaricæ ingenuitatis: sic penes nos quoque fideles si necesse fuerit, poterit & pueris prætextæ concedi, & puellis stola, nativitatis insignia, non potestatis: generis, non honoris: ordinis, non superstitionis. Ceterum purpura vel cetera insignia dignitatum & potestatum, insertæ dignitati & potestati-  
bus idololatriæ ab initio dicata, habent profanationis suæ maculam: cum præterea ipsis etiam idolis induan-

tur prætextæ, & trabæ & laticlaui; fasces quoque & virgæ præferantur, & merito. Nam dæmonia magistratus sunt seculi, hujus collegii insignia fasces & purpuras gestant. Quid ergo proficies, si suggestur quidem utaris, opera vero ejus non administres? Nemo in immundis mundus videri potest. Tunicam si induas inquinatam per se, poterit forsitan illa non inquinari per te, sed tu per illam mundus esse non poteris. Jam nunc qui de Joseph & Daniel argumentaris, scito non semper comparanda esse vetera & nova, rudia & polita, cœpta & explicita, servilia & liberalia. Nam illi etiam servi conditione erant: tu vero nullius servus, in quantum solius Christi, qui te etiam captivitate seculi liberavit, ex forma Dominica agere debebis. Ille Dominus in humilitate & ignobilitate incessit domicilio incertus: *Nam filius, inquit, hominis non habet ubi caput suum collocet, vestitu incultus, neque enim dixisset, Ecce qui teneris vestiuntur, in domibus regum sunt. Vultu denique & aspectu inglorius*, sicut & Esaias pronuntiaverat. Si potestatem quoque nullam ne in suos quidem exercuit, quibus fordido ministerio functus est: si regem se denique fieri, conscius sui regni, refugit, plenissime dedit formam suis dirigendo omni fastigio & suggestu tam dignitatis quam potestatis. Quis enim magis his usus fuisset quam Dei filius, quales & quanti eum fasces producerent, qualis purpura de humeris ejus floretet, quale aurum de capite radiaret, nisi gloriam seculi alienam & sibi & suis judicasset? Igitur quæ noluit rejecit, quæ rejecit damnavit, quæ damnavit in pompa diaboli deputavit. Non enim damnasset, nisi non sua: alterius autem esse non possent, nisi diaboli, quæ Dei non sunt. Tu si diaboli pompam egerasti, quicquid ex ea attigeris, id scias esse idololatricam; vel hoc te commonefaciat: omnes hujus seculi potestates & dignitates non solum alienas, ve-

rum

ruin & inimicas Dei esse, quod per illas adversus Dei servos supplicia consulta sunt, per illas & pœnæ ad impios paratæ irrogantur. Sed & nativitas & substantia tua molestæ tibi sunt adversus idololatriam. Ad evitandum remedia deesse non possunt; cum etsi defuerint, supersit unicum illud quo felicior factus non in terris magistratus, sed in cælis.

19. Possset in isto capitulo etiam de militia definitum videri, quæ inter dignitatem & potestatem est. At nunc de isto quæritur, an fidelis ad militiam converti possit, & an militia ad fidem admitti etiam caligata vel inferior quæque cui non sit necessitas immolationum vel capitalium judiciorum. Non convenit sacramento divino & humano, signo Christi & signo diaboli, castris lucis & castris tenebrarum: non potest una anima duobus deberi, Deo & Cæsari. Et virgam portavit Moyses; fibulam & Aaron; cingitur loro & Joannes; agmen agit & Jesus Naue; bellavit & populus, si placet ludere. Quomodo autem bellabit, imò quomodo etiam in pace militabit, sine gladio; quem Dominus abstulit? Nam etsi adierant milites ad Joannem, & formam observationis acceperant; si etiam centurio crediderat; omnem postea militem Dominus in Petro exarmando discinxit. nullus habitus licitus est apud nos illicito actui adscriptus.

20. Sed enim cum conversatio divinæ disciplinæ non factis tantum, verum etiam verbis periclitetur, (nam sicut scriptum est, *Ecce homo & facta ejus*, ita: *Ex ore tuo justificaberis*) meminisse debemus etiam in verbis quoque idololatriæ incursum præcavendum, aut de consuetudinis vitio, aut timiditatis. Deos Nationum nominari lex prohibet, non utique ne nomina eorum pronuntiemus, quæ nobis ut dicamus conversatio extorquet. Nam id plerunque dicendum est. In templo Aesculapii illum habes, & vico Isidis habito, & sacerdos Jovis factus est, & multa alia in hunc modum,

dum, quando & hominibus hoc genus nomina inducuntur. Neque enim Saturnum honoro, si ita voca-  
vero eum suo nomine, tam non honoro quam Mar-  
cum, si vocavero Marcum, sed ait: *Nomen alienum*  
*deorum ne commemoraveris, neque audiat de ore tuo.*  
Hoc præcepit, ne Deos vocemus illos. Nam & in  
prima parte legis, *Non sumes, inquit, nomen Domini*  
*Dei tui in vano*, id est, idolo. Cecidit igitur in ido-  
latriam, qui idolum nomine Dei honoraverit.  
Quod si deos dicendum erit, adjiciendum est aliquid,  
quo appareat, quia non ego illos Deos dico. Nam  
& scriptura Deos nominat; sed adjicit *suos*, vel *natio-*  
*num*. Sicut David cum Deos nominasset, ubi ait:  
*Dei autem nationum demonia.* Sed hoc mihi ad sequen-  
tia magis præstructum est: ceterum consuetudinis vi-  
tium est me Hercule dicere, me Dius fidius, acce-  
dente ignorantia quorundam, qui ignorant iurjuran-  
dum esse per Herculem. Porro quid erat dejeratio  
per eos quos ejerasti, quam prævaricatio fidei cum  
idololatria? quis enim per quos dejerat, non honorat.

21. Timiditatis est autem, cum te alius per Deos  
suos obligat juratione vel aliqua testificatione, & tu  
ne intelligaris quiescis. nam æque quiescendo confir-  
mas majestatem eorum, cujus causa videberis obliga-  
tus. Quid refert Deos nationum dicendo Deos, an  
audiendo confirmes? jures per idola, an ab alio adju-  
ratus acquiescas? Cur non agnoscamus versutias fata-  
næ, qui quod ore nostro perficere non potest, id agit,  
ut suorum ore perficiat, per aures inferens nobis ido-  
latriam? Certe quisquis ille est, aut amica aut ini-  
mica congressione adstringit. Si inimica, jam ad pu-  
gnam vocaris, & scis tibi dimicandum esse. Si amica,  
quanto securius in Dominum transferes responsionem  
tuam, ut dissolvas obligationem ejus, per quem te  
Malus honori idolorum, id est, idololatriæ quærebat  
annectere. Omnis patientia ejusmodi idololatria. Ho-  
noras

moras eos, quibus impositis obsequium præstitisti. Scio quendam cui Dominus ignoscat, quum illi in publico per litem dictum esset, Jupiter tibi sit iratus, respondisse, Immo tibi. Quid aliter fecisset ethnicus, qui Jovem deum credidit? etiam si non per eundem retorsisset maledictum, nec per ullum Jovis similem, confirmaverat Jovem Deum, per quem se maledictum indigne tulisse demonstraverat remaledicens. Ad quid enim indigneris per eum quem scis nihil esse? Nam si insanis, jam esse confirmas, & erit idololatriæ professio timoris tui: quanto magis cum per ipsum remaledicis, eodem Jovis honorem facis, quo & ille, qui te provocavit? fidelis autem in ejusmodi ridere debet, non insanire. Imo secundum præceptum, ne per Deum quidem remaledicere, sed plane benedicere per Deum, ut & idola destruas, & Deum prædices, & adimpleas disciplinam.

22. Aequè benedici per Deos Nationum Christo initiatus non sustinebit, ut semper rejiciat immundam benedictionem, & eam sibi in Deum convertens emundet. Benedici per Deos Nationum, maledici est per Deum. Si dederò eleemosynam, vel aliquid præstitero beneficii, & ille mihi Deos suos, vel coloniarum genium, propitios imprecetur, jam oblatio mea vel operatio idolorum honor erit, per quæ benedictionis gratiam compensant. Cur autem non sciat me Dei causa fecisse, ut & Deus potius glorificetur, & demonia non honorentur in eo quod propter Deum feci. Deus videt quoniam propter ipsum feci: pariter videt quoniam propter ipsum fecisse me nolui ostendere, & præceptum ejus Idolothytum quodammodo feci. Multi dicunt, Nemo se debet promulgare: puto autem nec negare: negat enim quicumque dissimulat, in quacunque causa pro ethnico habitus. Et utique omnis negatio idololatria est, sicut omnis idololatria negatio, sive in factis, sive in verbis.

23. Sed est quædam ejusmodi species in facto & in verbo, bis acuta & infesta utrinque, licet tibi blandiatur, quasi vacet in utroque dum factum non videtur, quia dictum non tenetur. pecuniam de ethnicis mutuantes sub pignoribus fiduciati, jurati cavent, & sic negant. Scire volunt scilicet tempus persecutionis, & locum tribunalis, & personam præsidis. Præscribit Christus, non esse jurandum. Scripsi, inquit, sed nihil dixi: lingua, non littera occidit. Hic ergo naturam & conscientiam advoco: naturam, quia nihil potest manus scribere, etiamsi lingua in dictando cessat immobilis & quieta, quod non anima dictaverit, quanquam & ipsi linguæ anima dictaverit, aut a se conceptum, aut ab illo traditum. Jam ne dicatur, alius dictavit, hic conscientiam appello, an quod alius dictavit anima suscipiat, & sive comitante sive residente lingua ad manum transmittat. & bene quod in animo & conscientia delinqui Dominus dixit? Si, inquit, concupiscentia vel malitia in cor hominis ascenderit, pro facto teneris. Cavisti igitur quod in cor tuum plane ascendit, quod neque ignorasse te contendere potest, neque noluisse. Nam cum caveres, scisti: cum scires, utique voluisti, & es tam in facto quam cogitatu, nec potes leviori crimine manus excludere, ut dicas falsum plane effici cavendo quod non facis. Tamen non negavi, quia non juravi. Imo etsi nihil tale fecisses, tamen diceris dejerare si consenseris. Non valet tacita vox in stylo, & mutus in litteris sonus. At enim Zacharias temporali vocis oratione mulctatus, cum animo collocutus linguam irritam transit, manibus suis a corde dictat, & nomen filii sine ore pronuntiat, loquitur in stylo, auditur in cæra manus omni sono clarior, littera omni ore vocalior. Quære an dixerit, qui dixisse compertus est. Dominum oremus ne qua nos ejusmodi contractus necessitas circumferat.

Et

**Et** si ita evenierit, det fratribus operandi copiam, vel nobis abſumpendæ omnis neceſſitatis conſtantiam, ne illæ litteræ negatrices vicariæ oris noſtri in die iudicii adverſus nos proferantur ſignatæ ſignis, non jam advocatorum, ſed angelorum.

24. Inter hos ſcopulos & ſinus, inter hæc vada & freta idololatriæ velificata ſpiritu Dei fides navigat, tuta ſi cauta, ſecura ſi attonita. Ceterum inenatabile excuſſis profundum eſt, inextricabile impactis naufragium eſt, irrefpirabile devoratis hypobrychium in idololatria: quicumque fluctus ejus offocant; omnis vertex ejus ad inferos deforbet. Nemo dicat, quis tam tuto præcavebit? exeundum de ſeculo erit. quaſi non tanti ſit exire, quam idololatren in ſeculo ſtare. Nihil eſſe facilius poteſt, quam cautio idololatriæ, ſi timor ejus in capite ſit. quæcunque neceſſitas minor eſt periculo, tanto comparata. Propterea Spiritus Sanctus conſultantibus tunc Apoſtolis vinculum & jugum nobis relaxavit, ut idololatriæ devitandæ vacaremus. Hæc erit lex noſtra quo expedita, hoc plenius adminiſtranda, propria Chriſtianorum, per quam ab ethnicis agnoſcimur & examinamur: hæc accedentibus ad fidem proponenda, & ingredientibus in fidem inculcanda eſt, ut accedentes deliberent, obſervantes perſeverent, non obſervantes renuntient ſibi. Viderimus enim ſi ſecundum arcæ typum & corvus & milvus & lupus & canis & ſerpens in Eccleſia erit, certe idololatres in arcæ typo non habetur. Nullum animal in idololatren figuratum eſt: quod in Arca non fuit, in Eccleſia non ſit.

---

Q. SEPTIMII FLORENTIS  
TERTULLIANI  
A P O L O G E T I C U S  
ADVERSUS GENTES  
P R O C H R I S T I A N I S.

## I.

**S**i non licet vobis, Romani Imperii antistites, in aperto & edito ipso fere vertice civitatis praesidentibus ad judicandum, palam dispicere, & coram examinare, quid sit liquido in causa Christianorum, si ad hanc solam speciem auctoritas vestra de justitiae diligentia in publico aut timet, aut erubescit inquirere: si denique (quod proxime accidit) domesticis indicibus nimis operata sectae hujus infestatio obstruit viam defensionis, liceat veritati vel occulta via tacitarum litterarum ad aures vestras pervenire. Nihil illa de causa sua deprecatur, quia nec de conditione miratur. scit se peregrinam in terris agere, inter extraneos facile inimicos invenire. Ceterum genus, sedem, spem, gratiam, dignitatem in caelis habere: unum gestit interdum, ne ignorata damnetur. Quid hic deperit legibus in suo regno dominantibus, si audiatur? An hoc magis gloriabitur potestas earum, quo etiam inauditam damnabunt veritatem? Ceterum inauditam si damnent, praeter invidiam iniquitatis, etiam suspicionem merebuntur alicujus conscientiae, nolentes audire, quod auditum damnare non possint. Hanc itaque primam causam apud vos collocamus,  
iniqui-



iniquitatis odii erga nomen Christianorum. Quam iniquitatem idem titulus & onerat & revincit, qui videtur excusare, ignorantia scilicet. Quid enim iniquius, quam ut oderint homines, quod ignorant, etiamsi res mereretur odium? Tunc etenim mereretur cum cognoscitur, an mereatur. Vacante autem meriti noticia, unde odii iustitia defenditur? quæ non de eventu, sed de conscientia probanda est. Cum ergo propterea oderint homines, quia ignorant quale sit quod oderunt, cur non liceat ejusmodi illud esse, quod non debeant odisse? Ita utrumque ex alterutro redarguimus, & ignorare illos, dum oderunt, & injuste odisse dum ignorant. Testimonium ignorantie est, quæ iniquitatem dum excusat, condemnat, cum omnes qui retro oderant, quia ignorabant, quale esset quod oderant, simul ut desinunt ignorare, cessent & odisse. Ex his fiunt Christiani, utique de comperto, & incipiunt odisse quod fuerant, & profiteri quod oderant: & sunt tanti quanti & denotamur. Obsessam vociferantur civitatem, in agris, in castellis, in insulis Christianos; omnem sexum, ætatem, conditionem, etiam dignitatem transgredi ad hoc nomen quasi detrimento mœrent.\* Nec tamen hoc ipso modo ad æstimationem alicujus latentis boni promovent animos; non licet rectius suspicari, non licet propius experiri. Hic tantum humana curiositas torpescit, amant ignorare, cum alii gaudeant cognovisse. Quanto magis hos Anacharsis denotasset imprudentes de prudentibus judicantes, quam immusicos de musicis. Malunt nescire, quia jam oderunt. adeo quod nesciunt, præjudicant id esse, quod si sciant, odisse non poterant; quando si nullum odii debitum deprehendatur, optimum utique sit desinere injuste odisse: si vero de merito constet, non modo nihil odii detrahatur, sed amplius acquiratur ad perseverantiam, etiam iustitiæ ipsius auctoritate. Sed non ideo, inquit, bonum,

num, quia multos convertit. Quanti enim ad malum præformantur, quanti transfugæ in perversum? Quis negat? tamen quod vere malum est, ne ipsi quidem, quos rapit, defendere pro bono audent. Omne malum aut timore aut pudore natura perfudit. Denique malefici gestiunt latere, devitant apparere, trepidant deprehensi, negant accusati, ne torti quidem facile aut semper confitentur: certe damnati moerent: dintherant in semetipsos. mentis malæ impetus vel fato vel astris imputant. nolunt enim suum esse, quia malum agnoscunt. Christianus vero quid simile? neminem pudet, neminem poenitet, nisi plane retro non fuisse. Si denotatur, gloriatur: si accusatur, non defendit; interrogatus vel ultro confitetur; damnatus gratias agit. Quid hoc mali est, quod naturam mali non habet? timorem, pudorem, tergiversationem, poenitentiam, deplorationem? Quid hoc mali est, cujus reus gaudet? cujus accusatio votum est, & poena felicitas? Non potes dementiam dicere, quod revinceris, ignorare.

2. Si certum est denique nos nocentissimos esse, cur a vobis ipsis aliter tractamur, quam pares nostri, id est ceteri nocentes? cum ejusdem noxæ eadem tractatio deberet intervenire. Quodcunque dicimur, cum alii dicuntur, & proprio ore & mercenaria ad-vocatione utuntur ad innocentiae suæ commendationem. Respondendi, altercandi facultas patet, quando nec liceat indefensos & inauditos omnino damnari. Sed Christianis solis nihil permittitur loqui, quod causam purget, quod veritatem defendat, quod judicem non faciat injustum. Sed illud solum expectatur, quod odio publico necessarium est, confessio nominis, non examinatio criminis: quando si de alio nocente cognoscitis, non statim confessio eo nomen homicidæ, vel sacrilegi, vel incesti, vel publici hostis (ut de vestris elogiis loquar) contenti sitis ad pronun-

nuntiandum, nisi & consequentia exigatis, qualitatem facti, numerum, locum, modum, tempus, conscios, socios. De nobis nihil tale, cum æque extorqueri oporteret, quodcumque falso jactatur, quot quisque jam infanticidia degustasset, quot incesta contenebrasset, qui coci, qui canes affuissent. O quanta illius præsidis gloria si eruiisset aliquem, qui centum jam infantes comedisset. Atquin invenimus inquisitionem quoque in nos prohibitam. Plinius enim Secundus cum provinciam regeret, damnatis quibusdam Christianis, quibusdam gradupulsis, ipsa tamen multitudo perturbatus, quid de cætero ageret, consuluit tunc Trajanum imperatorem, allegans præter obstinationem non sacrificandi, nihil aliud se de sacris eorum comperisse, quam cætus antelucanos ad canendum Christo & Deo, & ad conföderandam disciplinam, homicidium, adulterium, fraudem, perfidiam, & cætera scelera prohibentes. Tunc Trajanus rescripsit, hoc genus inquirendos quidem non esse, oblatos vero puniri oportere. O sententiam necessitate confusam! negat inquirendos, ut innocentes, & mandat puniendos, ut nocentes. Parcit & sævit, dissimulat & animadvertit. Quid temetipsum censura circumvenis? si damnas, cur non & inquiris; si non inquiris; cur non & absolvis? Latronibus vestigandis, per universas provincias militaris statio fortitur, in reos majestatis & publicos hostes omnis homo miles est, ad socios, ad conscios usque, inquisitio extenditur. Solum Christianum inquiri non licet, offerri licet, quasi aliud esset actura inquisitio, quam oblatio. Damnatis ergo oblatum, quem nemo voluit requisitum, qui puto jam non ideo meruit pœnam, quia nocens est, sed quia, non requirendus, inventus est. Itaque nec in illo ex forma maiorum judicandorum agitis erga nos, quod ceteris negantibus, adhibetis tormenta ad confitendum, solis

lis Christianis ad negandum; cum si malum esset, nos quidem negaremus, vos vero confiteri tormentis compelleretis. Neque enim ideo putaretis non requirenda quæstionibus scelera, quia certi essetis admitti ea ex nominis confessione, qui hodie de confesso homicida scientes homicidium quod sit, nihilominus ordinem extorquetis admissi: quo perversius, cum præsumatis de sceleribus nostris ex nominis confessione, cogitis tormentis de confessione decedere, ut negantes nomen, pariter utique negemus & scelera, de quibus ex confessione nominis præsumpseratis. Sed opinor non vultis nos perire, quos pessimos creditis, sic enim soletis dicere homicidæ, nega, laniari jubere sacrilegium, si confiteri perseveraverit. Si non ita agitis circa nos nocentes, ergo nos innocentissimos judicatis, cum quasi innocentissimos non vultis in ea confessione perseverare, quam necessitate, non justitia damnam, a vobis sciatis. Vociferatur homo, Christianus sum. quod est dicit; tu vis audire, quod non est. Veritatis extorquendæ præfides de nobis solis mendacium elaboratis audire. Hoc sum, inquit, quod quæris, an sim. Quid me torques in perversum? confiteor, & torques: quid faceres, si negarem? Plane aliis negantibus non facile fidem accommodatis: nobis, si negaverimus, statim creditis. Suspecta fit nobis ista perversitas, ne qua vis lateat in occulto, quæ vos adversus formam, adversus naturam judicandi, contra ipsas quoque leges ministret. Nisi enim fallor, leges malos erui jubent, non abscondi: confessos damnari præscribunt, non absolvi. hoc senatusconsulta, hoc principum mandata definiunt, hoc imperium, cujus ministri estis. Civilis non tyrannica dominatio vestra est. Apud tyrannos enim tormenta etiam pro pœna adhibentur: apud vos soli quæstioni temperatur. vestram illis servate legem usque ad confessionem & si confessione præveniantur,

stantur, vacabunt. sententia opus est, debito pœnæ nocens expungendus est, non eximendus. Denique illum nemo gestit absolvere, non licet hoc velle, ideo nec cogitur quisquam negare. Christianum hominem omnium scelerum reum, deorum, imperatorum, legum, morum, naturæ totius inimicum existimas, & cogis negare, ut absolvas, quem non poteris absolvere, nisi negaverit. Prævaricaris in leges. Vis ergo neget se nocentem, ut eum facias innocentem, & quidem invitum jam, nec de præterito reum. Unde ista perversitas? ut etiam illud non recogitatis, sponte confesso magis credendum esse, quam per vim neganti? vel ne compulsus negare, non ex fide negarit? & absolutus ibidem post tribunal de vestra rideat æmulatione, iterum Christianus. Cum igitur in omnibus in nos aliter disponitis quam in cæteros nocentes, id unum contendendo, ut de eo nomine excludamur (excludimur enim si facimus quæ faciunt non Christiani) intelligere potestis non scelus aliquod in causa esse, sed nomen, quod quædam ratio æmulæ operationis insequitur, hoc primum agens ut homines nolint scire pro certo, quod se nescire pro certo sciunt. Ideo & credunt de nobis quæ non probantur: & nolunt inquire ne probentur non esse, quæ malunt credi esse, ut nomen illius æmulæ rationis inimicum, præsumptis non probatis criminibus de sua sola confessione damnetur. Ideo torquæmur confitentes, & punimur perseverantes, & absolvimur negantes, quia nominis prælium est. Denique quid de tabella recitatis illum Christianum, cur non & homicidam? Si homicida Christianus, cur non & incestus? vel quodcunque aliud nos esse creditis? In nobis solum pudet aut piget ipsis nominibus scelerum pronuntiare? Christianus si nullius criminis reus est; nomen valde infestum si solius nominis crimen est.

3. Quid? quod ita plerique clausis oculis in odium ejus impingunt, ut bonum alicui testimonium ferentes admisceant nominis exprobrationem, Bonus vir Caius Sejus, tantum quod Christianus. Item alius, Ego Lucium sapientem virum repente factum Christianum defero, nemo retractat: ne ideo bonus Caius, & prudens Lucius, quia Christianus: aut ideo Christianus, quia prudens & bonus. Laudant quæ sciunt, vituperant quæ ignorant. & id quod sciunt, eo quod ignorant, corrumpunt. Cum sit justius occulta de manifestis præjudicare, quam manifesta de occultis prædamnare. Alii quos retro ante hoc nomen vagos, viles, improbos noverant, ex ipso denotant, quo laudant. cæcitate odii in suffragium impingunt. Quæ mulier! quam lasciva, quam festiva! Qui juvenis! quam lusus, quam amasus! facti sunt Christiani. Ita nomen emendationi imputatur. Nonnulli etiam de utilitatibus suis cum odio isto paciscuntur contenti injuria, dum ne domi habeant, quod oderunt. Uxorem jam pudicam maritus jam non zelotypus ejecit, filium jam subjectum pater retro patiens abdicavit, servum jam fidelem dominus olim mitis ab oculis relegavit: ut quisque hoc nomine emendatur, offendit. Tanti non est bonum, quanti est odium Christianorum. Nunc igitur, si nominis odium est, quis nominum reatus? Quæ accusatio vocabulorum, nisi si aut barbarum sonat aliqua vox nominis, aut infaustum, aut maledicum, aut impudicum. Christianus vero, quantum interpretatio est, de unctione deducitur. Sed & cum perperam Christianus pronuntiatur a vobis (nam nec nominis certa est notitia penes vos) de suavitate vel benignitate compositum est. Oditur ergo in hominibus innocuis etiam nomen innocuum. At enim secta oditur in nomine utique sui auctoris. Quid novi, si aliqua disciplina de magistro cognomentum sectatoribus

ribus suis inducit? nonne philosophi de auctoribus si-  
muncupantur Platonici, Epicurei, Pythagorici? etiam  
locis conventiculorum & stationum suarum Stoici, Ac-  
demici? Aequè medici ab Erasistrato, & grammatici  
Apistarcho, coci etiam ab Apicio? nec tamen quer-  
quam offendit professio nominis, cum institutio  
transmissa ab institutore. Plane si qui probat mala  
sectam, & ita malum auctorem, is probabit & n-  
men malum dignum odio de reatu sectæ & auctor  
ideoque ante odium nominis competebat prius  
auctore sectam recognoscere, vel auctorem de secta  
At nunc utriusque inquisitione & agnitione neglect  
nomen detinetur, nomen expugnatur, & ignota  
sectam, ignotum & auctorem vox sola prædamna  
quia nominantur, non quia revincuntur.

4. Atque adeo quasi præfatus hæc ad suggillanda  
dii erga nos publici iniquitatem, jam de causâ inn-  
rentiæ consistam, nec tantum refutabo, quæ not  
objiciuntur, sed etiam in ipsos retorquebo, qui ob-  
iunt: ut ex hoc quoque sciant homines in Christi-  
is non esse quæ in se non nesciunt esse, simul  
rubeant accusantes non dico pessimi optimos, si-  
m, ut volunt, compares suos. Respondebimus  
ingula, quæ in occulto admittere dicimur, quæ illi  
alam admittentes invenimus, in quibus scelesti,  
ribus vani, in quibus damnandi, in quibus irride-  
li deputamur. Sed quoniam cum ad omnia occurr  
veritas nostra, postremo legum obstruitur auctori-  
versus eam, ut aut nihil dicatur retractandum el  
ost leges, aut ingratis necessitas obsequii præferat  
eritati: de legibus prius concurram vobiscum ut cu-  
toribus legum. Jam primum cum dure definitis  
endo, non licet esse vos, & hoc sine ullo retracta-  
maniore præscribitis, vim profitemini: & iniqua  
ærcetis dominationem: si ideo negatis licere, qu  
mitis, non quia debuit, non licere. Quod si qu

non debet, ideo non vultis licere, sine dubio id non debet licere quod male fit, & utique hoc ipso præjudicatur licere, quod bene fit. Si bonum invenere esse, quod lex tua prohibuit, nonne ex illo præjudicio prohibere me non potest, quod si malum esset, jure prohiberet? Si lex tua erravit, puto ab homine concepta est. neque enim de cœlo ruit. Miramini hominem aut errare potuisse in lege condenda, aut resipuisse in reprobanda? Nonne & ipsius Lycurgi leges a Lacedæmoniis emendatæ, tantum auctori suo doloris incusserunt, ut in secessu inedia de semetipso judicaret? Nonne & vos quotidie experimentis illuminantibus tenebras antiquitatis totam illam veterem & squalentem silvam legum novis principalium rescriptorum & edictorum securibus truncatis & cæditis? Nonne vanissimas Papias leges quæ ante liberos suscipi cogunt, quam Juliæ matrimonium contrahi, post tantæ auctoritatis senectutem, heri Severus constantissimus principum exclusit? Sed & judicatos retro in partes secari a creditoribus leges erant: consensu tamen publico crudelitas postea erasa est, & in pudoris notam capitis pœna conversa. bonorum adhibita proscriptio, suffundere maluit hominis sanguinem, quam effundere. Quot adhuc vobis repurgandæ leges latent, quas neque annorum numerus, neque conditorum dignitas commendat, sed æquitas sola? & ideo cum iniquæ recognoscuntur, merito damnantur, licet damnent. Quomodo iniquas dicimus? si imo non men puniunt, etiam stultas. si vero facta, cur de solo nomine puniunt facta, quæ in aliis de admissio, non de nomine probata defendunt? incestus sum, cur non requirunt? infanticida, cur non extorquent? in Deos, in Cæsares aliquid committo, cur non audio qui habeo quo purger? nulla lex vetat discuti, quod prohibet admitti: quia neque judex juste ulciscitur nisi cognoscat admissum esse quod non licet: neque  
civis



civis fideliter legi obsequitur, ignorans quale sit quod ulciscitur. Nulla lex sibi soli conscientiam justitiæ suæ debet, sed eis a quibus obsequium expectat. Ceterum suspecta lex est, quæ probari se non vult, improba autem, si non probata dominetur.

5. Ut de origine aliquid retractemus ejusmodi legum, vetus erat decretum, ne qui deus ab imperatore consecraretur, nisi a senatu probatus; ut M. Aemilius de deo suo Alburno. Facit & hoc ad causam nostram, quod apud vos de humano arbitratu divinitas pensatur. Nisi homini deus placuerit, deus non erit, homo jam deo propitius esse debet. Tiberius ergo, cujus tempore nomen Christianum in seculum introivit, annunciatum sibi ex Syria Palæstina quod illic veritatem illius divinitatis revelaverat, detulit ad senatum cum prærogativa suffragii sui. Senatus quia non ipse probaverat, respuit. Cæsar in sententia mansit, comminatus periculum accusatoribus Christianorum. Consulite commentarios vestros. illic reperietis primum Neronem in hanc sectam tum maxime Romæ orientem, Cæsariano gladio ferocisse. sed tali dedicatore damnationis nostræ etiam gloriamur. Qui enim scit illum, intelligere potest, non nisi grande aliquod bonum a Nerone damnatum. Tentaverat & Domitianus, portio Neronis de crudelitate, sed qua & homo, facile cœptum repressit, restituitis etiam quos relegaverat. Tales semper nobis infectores, injusti, impii, turpes: quos & ipsi damnare consuevistis, & a quibus damnatos restituere soliti estis. Ceterum de tot exinde principibus, usque ad hodiernum, divinum humanumque sapientibus; edite aliquem debellatorem Christianorum. At nos e contrario edimus protectorem, si litteræ M. Aurelii gravissimi Imperatoris requirantur, quibus illam Germanicam sitim, Christianorum forte militum precationibus, impetrato imbri, discussam contestatur. Qui

sicut non palam ab ejusmodi hominibus pœnam dimovit, ita alio modo palam dispersit, adjecta etiam accusatoribus damnatione, & quidem tetriore. Quales ergo leges istæ, quas adversus nos soli exercent impii, injusti, turpes, truces, vani, dementes? Quas Trajanus ex parte frustratus est vetando inquiri Christianos: quas nullus Hadrianus, quanquam curiositatum omnium explorator; nullus Vespasianus, quanquam Judæorum debellator, nullus Pius, nullus Verus impressit. Facilius itaque pessimi ab optimis quibusque, ut ab æmulis, quam a suis fociis eradicandi judicarentur.

6. Nunc religiosissimi legum & paternorum institutorum protectores & ultores respondeant velim de sua fide, & honore, & obsequio, erga majorum consulta, si a nullo desciverunt? si in nullo exorbitaverunt? si non necessaria & aptissima quæque disciplina obliteraverunt? Quonam illæ leges abierunt, sumptum & ambitionem comprimentes: quæ centum æra non amplius in cœnam subscribi jubebant? nec amplius quam unam inferri gallinam, & eam non saginatam? quæ patricium, quod decem pondo argenti habuisset, pro magno titulo ambitionis senatu summovebant? quæ theatra stuprandis moribus orientia statim destruebant? quæ dignitatum & honestorum natalium insignia non temere nec impune usurpari sinebant? Video enim & centenarias cœnas, a centenis jam sestertiis dicendas, & in lances (parum est enim si senatorum & non libertinorum vel adhuc flagra rumpentium) argentaria metalla producta. Video & theatra nec singula satis esse, nec nuda. Nam ne vel hieme voluptas impudica frigeret, primi Lacedæmonii penulam ludis excogitaverunt. Video & inter matronas atque prostibulas nullum de habitu discrimen relictum. Circa feminas quidem etiam illa majorum instituta ceciderunt quæ modestiæ, quæ sobrietati patrocini-

**trocinabantur** : cum aurum nulla norat præter unico digito quem sponsus oppignorasset pronubo annulo : cum mulieres usque adeo a vino abstinerentur , ut matronam ob resignatos cellæ vinariæ loculos sui inedia necarint ; sub Romulo vero quæ vinum attigerat , impune a Mæcenio marito trucidata sit. Idcirco & oscula propinquis offerre necessitas erat , ut spiritus judicarentur. Ubi est illa felicitas matrimoniorum de moribus utique prosperata , qua per annos ferme sexcentos ab urbe condita , nulla repudium domus scripsit ? At nunc in feminis præ auro nullum leve est membrum , præ vino nullum liberum est osculum : repudium vero jam & votum est , quasi matrimonii fructus. Etiam circa ipsos Deos vestros quæ prospere decreverant patres vestri , iidem vos obsequentissimi rescidistis. Liberum patrem cum mysteriis suis Consules senatus auctoritate non modo , urbe , sed universa Italia eliminaverunt. Serapidem & Isidem & Harpocratem cum suo cynocephalo , Capitolio prohibitos inferri , id est curia deorum pulsos , Piso & Gabinius consules , non utique Christiani , everfis etiam aris eorum abdicaverunt , turpium & otiosarum superstitionum vitia cohibentes ; his vos restitutis summam majestatem contulistis. Ubi religio ? ubi veneratio majoribus debita a vobis ? habitu , victu , instructu , censu , ipso denique sermone proavis renuntiastis. Laudatis semper antiquitatem , & nove de die vivitis. Per quod ostenditur , dum a bonis majorum institutis deceditis , ea vos retinere & custodire quæ non debuistis , cum quæ debuistis non custodistis. Ipsum adhuc quod videmini fidelissime tueri a patribus traditum , in quo principaliter reos transgressionis Christianos destinatis , studium dico deorum colendorum (de quo maxime erravit antiquitas) licet Serapidi jam Romano aras restruxeritis , licet Baccho jam Italico furias vestras immolaritis , suo lo-

co ostendam proinde despici & negligi & destrui a vobis adversus majorum auctoritatem. Nunc enim ad illam occultorum facinorum infamiam respondebo, ut jam inde ad manifestiora pergam.

7. Dicimur sceleratissimi, de sacramento infanticidii, & pabulo inde; & post convivium incesto, quod everfores luminum canes, lenones scilicet te nebrarum & libidinum impiarum inverecundia procurerent. Dicimur tamen semper, nec vos quod tam diu dicimur eruere curatis. Ergo aut eruite, si creditis, aut nolite credere, qui non eruistis. de vestra vobis dissimulatione præscribitur, non esse, quod nec ipsi audetis eruere. Longe aliud munus carnifici in Christianos imperatis, non ut dicant quæ faciunt, sed ut negent quod sunt. Census istius disciplinæ, ut jam edidimus, a Tiberio est, cum odio sui cœpit veritas simul atque apparuit inimica esse. Tot hostes ejus, quot extranei; & quidem proprii ex æmulatione Judæi, ex concussione milites, ex natura ipsi etiam domesticus nostri. Quotidie obsidemur, quotidie prodimur, in ipsis plurimum cœtibus & congregationibus nostris opprimimur. Quis unquam taliter vagienti infanti supervenit? quis cruenta ut invenerat Cycloperum & Sirenorum ora judici referavit. Quis vel in uxoribus aliqua immunda vestigia deprehendit? quis talia facinora cum invenisset, celavit? aut vendidit ipsos trahens homines? Si semper latemus, quando proditum est, quod admittimus? Imo a quibus prodi potuit? ab ipsis enim reis non utique cum vel ex forma omnium mysteriorum silentii fides debeatur. Samothracia & Eleusinia reticentur; quanto magis talia, quæ prodita interim etiam humanam animadversionem provocabunt, dum divina fervatur. Si ergo non ipsi proditores sui, sequitur ut extranei, & unde extraneis notitia? cum semper etiam piæ initiationes arceant profanos & ab arbitris caveant, nisi si impii minus  
me-

metuunt. Natura famæ omnis nota est. Vestrum est; *Fama malum, quo non aliud velocius ullum.* Cur fama malum? quia velox? quia index? an quia plurimum mendax? quæ ne tunc quidem quum aliquid veri affert, sine mendacii vitio est, detrahens, adjiciens, demutans de veritate. Quid? quod ea illi conditio est, ut non nisi quum mentitur, perseveret, & tamdiu vivit, quamdiu non probat. Siquidem ubi probavit, cessat esse, & quasi officio nunciandi functa, rem tradit: exinde res tenetur, res nominatur. Nec quisquam dicit, (verbi gratia) Hoc Romæ ajunt factum: aut Fama est, illum provinciam sortitum; sed, Sortitus est, ille provinciam, &, Hoc factum est Romæ. Fama nomen incerti, locum non habet, ubi certum est. An vero famæ credat, nisi inconsideratus? quia sapiens non credit incerto. Omnium est æstimare quantacunque illa ambitione diffusa sit, quantacunque asseveratione constructa. Quod ab uno aliquando principe exorta sit, necesse est, exinde in traduces linguarum & aurium serpat: & ita modici seminis vitium cetera rumoris obscurat, ut nemo recogitet num primum illud os mendacium seminaverit, quod sæpe fit aut ingenio æmulationis, aut arbitrio suspicionis, aut non nova, sed ingenita quibusdam mentiendi voluptate. Bene autem quod omnia tempus revelat, testibus etiam vestris proverbii atque sententiis, ex dispositione naturæ, quæ ita ordinavit, ut nihil diu lateat, etiam quod fama non distulit. Merito igitur fama tamdiu conscia est scelerum Christianorum. Hanc indicem adversus nos proferitis, quæ quod aliquando jactavit, tantoque temporis spatio in opinionem corroboravit, usque adhuc probare non valuit.

8. Ut fidem naturæ ipsius appellem adversus eos qui talia credenda esse præsumunt, ecce proponimus horum facinorum mercedem, vitam æternam repro-

mittunt. Credite interim. De hoc enim quæro, an  
& qui credideris, tanti habeas ad eam tali conscien-  
tia pervenire? Veni demerge ferrum in infantem nul-  
lius inimicum, nullius reum, omnium filium, vel si  
alterius officium est, tu modo assiste morienti homi-  
ni antequam vixit: fugientem animam novam exspe-  
cta, excipe rudem sanguinem, eo panem tuum satia,  
vescere libenter. Interêa discumbens dinumera loca,  
ubi mater, vbi soror; nota diligenter, ut quum te-  
nebræ ceciderint caninæ, non erres. Piaculum enim  
admiseris, nisi incestum feceris. Talia initiatus &  
consignatus vivis in ævum. Cupio respondeas, si  
tanti æternitas, aut si non, ideo nec credenda? etiam  
si credideris, nego te velle: etiam si volueris, nego  
te posse. Cur ergo alii possint, si vos non potestis?  
cur non possitis, si alii possunt? Alia nos, opinor,  
natura, Cynopæne aut Sciapodes: alii ordines den-  
tium, alii ad incestam libidinem nervi. Qui ista cre-  
dis de homine, potes & facere. Homo es & ipse,  
quod & Christianus. qui non potes facere, non debes  
credere. homo est enim & Christianus, & quod & tu.  
Sed ignorantibus subjicitur & imponitur. Nihil enim  
tale de Christianis asseverari sciebant, observandum  
utique sibi & omni vigilantia investigandum. Atquin  
volentibus initiari moris est, opinor, prius patrem  
illum sacrorum adire, quæ præparanda sint describere.  
Tum ille: infans tibi necessarius, adhuc tener, qui  
nesciat mortem, qui sub cultrô tuo rideat. Item pa-  
nis, quo sanguinis jurulentiam colligas. Præterea  
candelabra, & lucernæ, & canes aliqui, & offulæ,  
quæ illos ad everfionem luminum extendant. Ante  
omnia cum matre & sorore tua venire debebis. Quid  
si noluerint, vel nullæ fuerint? quid denique singula-  
res Christiani? non erit, opinor, legitimus Christia-  
nus, nisi frater aut filius. quid nunc, & si ista omnia  
ignaris præparantur? certe postea cognoscunt & susti-  
nent

ment & ignoscunt. Timent plerique, qui si proclamant, defendi merebuntur, qui etiam ultro perire malint, quam sub tali conscientia vivere. Age nunc timeant, ut etiam perseverant? Sequitur enim ne ultra ve-  
~~re~~ id te esse, quod si prius scisses, non fuisses.

9. Hæc quo magis refutaverim, a vobis fieri ostendam partim in aperto, partim in occulto, per quod forsitan & de nobis credidistis. Infantes penes Africanam Saturno immolabantur palam usque ad proconsulatum Tiberii, qui ipsos sacerdotes in eisdem arboribus templi sui obumbratricibus scelerum votivis crucibus exposuit, teste militia patriæ nostræ, quæ ad ipsum munus illi proconsuli functa est. Sed & nunc in occulto perseverat hoc sacrum facinus. non soli vos contemnunt Christiani, nec ullum scelus in perpetuum eradicatur, aut mores suos alicui Deus mutat. Cum propriis filiis Saturnus non pepercit, extraneis utique non parcendo, perseverabat, quos quidem ipsi parentes sui offerebant, & libentes exponebant, & infantibus blandiebantur, ne lacrymantes immolarentur: & tamen multum homicidio parricidium differt. Major ætas apud Gallos Mercurio profecatur. Remitto Tauricas fabulas theatris suis. Ecce in illa religiosissima urbe Aeneadarum piorum est Jupiter quidam, quem ludis suis humano proluunt sanguine. sed bestiarum, inquitis. Hoc, opinor, minus quam hominis. An hoc turpius, quod mali hominis? certe tamen de homicidio funditur. O Jovem Christianum, & solum patris filium de crudelitate. Sed quoniam de infanticidio nihil interest, sacro an arbitrio perpetretur (licet parricidium homicidio intersit) convertat ad populum. Quot vultis ex his circumstantibus & in Christianorum sanguinem hiantibus, ex ipsis etiam vobis justissimis & severissimis in nos præsidibus, apud conscientias pulsem, qui natos sibi liberos enecent? siquid & de genere necis differt. utique crudelius in  
 aqua

aqua spiritum extorquetis, aut frigori & fani & canibus exponitis: ferro enim mori ætas quoque mori optavit. Nobis vero homicidio semel interdictum, etiam conceptum utero, dum adhuc sanguis in hominem delibatur, dissolvere non licet. Homicidii finis natio est, prohibere nasci: nec refert natam quis accipiat animam, an nascentem disturbet: homo est, qui est futurus, & fructus omnis jam in semine. De sanguinis pabulo & ejusmodi tragicis ferculis, quod te necubi relatum sit (est apud Herodotum opusculum diffusum brachiis sanguinem, ex alterutro degustantes nationes quasdam fœderi comparasse. Nescio quis sub Catilina tale degustatum est. Ajunt & apud quosdam gentiles Scytharum defunctum quemque a suis comedi. Longe excurro. Hodie isthic Bellonæ factus sanguis de femore proficisso parmula exceptus datur signatis; item illi, qui munere in arena nostrorum jugulorum sanguinem recentem de jugulo currentem exceptum, avida siti comitali morbo indolentes hauserunt, ubi sunt? item illi, qui de apro ferinis obsoniis cœnant? qui de apro, qui de capre petunt? Aper ille quem cruentavit, colluctando interficit. Cervus ille in gladiatoris sanguine jactavit. forum urforum alvei appetuntur cruditantes adhuc visceribus humanis. Ructatur proinde ab homine, ut ro pasta de homine. Hæc qui editis, quantum differitis a conviviiis Christianorum? Minus autem & faciunt, qui libidine fera humanis membris inhiant, quia vivos vorant? minus humano sanguine ad sacrificium consecrantur, quia futurum sanguinem habebunt? non edunt infantes plane, sed magis puberes. Erubescat error vester Christianis, qui ne animalium quidem sanguinem in epulis esculentis habemus, propterea quoque suffocatis & morticinis abstinemus, ne quo sanguine contaminemur, vel intra viscera impulto. Denique inter tentamenta Christianorum hostulos



illos etiam cruore distentos admovetis certissimi scilicet, illicitum esse penes illos; per quod exorbitare eos vultis. Porro quale est, ut quos sanguinem pecoris horrere confiditis, humano inhiare credatis? nisi forte suaviorem eum experti. Quem quidem & ipsum proinde examinatore. Christianorum adhiberi ut fovebatur, ut acerram oportebat. proinde enim probatur sanguinem humanum appetendo, quemadmodum sacrificium respuendo: alioquin negandi si non gustassent, quemadmodum si immolassent. & utique non deesset vobis in auditione custodiarum & damnatione sanguis humanus. Proinde incesti qui magis, quam quos ipse Jupiter docuit? Persas cum suis matribus misceri Ctesias refert: sed & Macedones suspecti, quia quum primum Oedipum tragediam audissent, ridens incesti dolorem, *ἡλαυν* dicebant *τιν' μυστρα*. Jam nunc recogitate quantum liceat erroribus ad incesta miscenda suppeditante materias passivitate luxuria. In primis filios exponitis suscipiendos ab aliqua paterente misericordia extranea vel adoptandos melioribus parentibus emancipatis. Alienati generis nefas est quandoque memoriam dissipari, & semel error impegit, exinde jam tradux proficiet incesti, serpente genere cum scelere. Tunc deinde quocunque in loco domi, peregre, trans freta, comes est ludo: cujus ubique saltus facile possunt alicubi ignavis filios pangere vel ex aliqua feminis portione; ut ita sparsum genus per commercia humana concurrat in memorias suas, neque eas cœtus incesti sanguinis effugiat. Nos ab isto eventu diligentissima & fidelissima castitas sepsit, quantumque ab stupris & ab omni post matrimonium excessu, tantum & ab incestu tuti sumus. Quidam multo securiores totam vim lingua erroris virgine continentia depellunt, senes peti. Hæc in vobis esse si consideraretis, proinde in Christianis non esse perspiceretis. lidem oculi re-

nun-

nuntiaſſent utrumque. ſed cæcitatſ duæ ſpecies facile concurrunt, ut qui non vident quæ ſunt, videre videantur quæ non ſunt. Sic per omnia oſtendam.

10. Nunc de manifeſtioribus dicam. Deos, inquitis, non colitis, & pro imperatoribus ſacrificia non impenditis. Sequitur ut eadem ratione pro aliis non ſacrificemus, quia nec pro nobis ipsis, ſemel deos non colendo. Itaque ſacrilegii & majeſtatis rei convenimur. Summa hæc cauſſa, imo tota eſt: & utique digna cognoſci, ſi non perſumptio aut iniquitas judicet, altera quæ deſperat, altera quæ recuſat veritatem. Deos veſtros colere definimus, ex quo illos non eſſe cognoſcimus. Hoc igitur exigere debetis, uti probemus non eſſe illos deos, & idcirco non colendos, quia tunc demum coli debuiffent, ſi dii fuiſſent. Tunc & Chriſtiani puniendi, ſi quos non colerent, quia putarent non eſſe, conſtaret illos deos eſſe. Sed nobis inquitis, dii ſunt. Appellamus & provocamus a vobis ipsis ad conſcientiam veſtram, illa nos judicet, illa nos condemnet, ſi poterit negare omnes iſtos deos veſtros homines fuiſſe. Sed & ipſa inficias ſi ierit, de ſuis antiquitatum instrumentis revincetur, de quibus eos didicit teſtimonium perhibentibus ad hodiernum, & civitatibus in quibus nati ſunt, & regionibus in quibus aliquid operati veſtigia reliquerunt, in quibus etiam ſepulti demonſtrantur. Nec ego per ſingulos decurram, tot ac tantos, novos, veteres, Barbaros, Græcos, Romanos, peregrinos, captivos, adoptivos, proprios, communes, maſculos, feminas, ruſticos, urbanos, nauticos, militares, otioſum eſt etiam titulos perſequi, ut colligam in compendium, & hoc non quo cognoſcatis, ſed recognoſcatis: certe enim obliſos agitis. Ante Saturnum deus penes vos nemo eſt, ab illo cenſus totius vel potioris vel notioris divinitatis. Itaque quod de origine conſtiterit, id de poſteritate conveniet. Saturnum

turnum itaque quantum litteræ docent, neque Diodorus Græcus, aut Thallus, neque Cassius Severus, aut Cornelius Nepos, neque ullus commentator ejusmodi antiquitatum aliud quam hominem promulgaverunt. Si quantum rerum argumenta, nusquam invenio fideliora, quam apud ipsam Italiam, in qua Saturnus post multas expeditiones, postque Attica hospitium confedit, exceptus a Jano, vel Jane, ut Salii volunt. Mons quem incoluerat Saturnius dictus, civitas quam depalaverat Saturnia usque nunc est. Tota denique Italia, post Oenotriam, Saturnia cognominabatur. Ab ipso primum tabulæ, & imagine signatus numus, & inde ærario præsidet. Tamen si homo Saturnus, utique ex homine, & quia ab homine, non utique de cælo & terra. Sed cujus parentes ignoti erant, facile fuit eorum filium dici, quorum & omnes possumus videri. Quis enim non cælum & terram matrem & patrem venerationis & honoris gratia appellet, vel ex consuetudine humana, qua ignoti, vel ex inopinato apparentes, de cælo supervenisse dicuntur? Proinde Saturno repentino adventu ubique cælitatem contigit dici. Nam & terræ filios vulgus vocat, quorum genus incertum est. Taceo quod ita rudes adhuc homines agebant, ut cujuslibet novi viri aspectu quasi divino commoverentur, quum hodie jam politi, quos ante paucos dies luctu publico mortuos sint confessi, in deos consecrent. Satis jam de Saturno, licet paucis. Etiam Jovem ostendemus tam hominem quam ex homine, & deinceps totum generis examen tam mortale quam seminis sui par.

II. Et quoniam sicut illos homines fuisse non audetis negare, ita post mortem deos factos instituisse asseverare, causas quæ hoc exegerint retractemus. In primis quidem necesse est concedatis esse aliquem sublimiorem Deum, & mancipem quandam divinitatis, qui ex hominibus deos fecerit. nam neque sibi  
illi

illi potuissent sumere divinitatem, quam non habebant, nec alius præstare eam non habentibus, nisi qui proprie possidebat. Caterum si nemo esset qui deos faceret, frustra præsumitis deos factos auferendo factorem. Certe quidem si ipsi se facere potuissent, nunquam homines fuissent, possidentes apud se scilicet melioris conditionis potestatem. Igitur si est qui faciat deos, revertor ad causas examinandas faciendorum ex hominibus deorum, nec ulla invenio, nisi si ministeria & auxilia officiis divinis desideravit ille magnus deus. Primo indignum est ut alicujus opera indigeret, & quidem mortui, quum dignius ab initio Deum aliquem fecisset, qui mortui erat operam desideraturus. Sed nec operæ locum video. Totum enim hoc mundi corpus sive innatum & infectum secundum Pythagoram, sive natum & factum secundum Platonem, semel utique in hac constructione dispositum, & instructum, & ordinatum cum omnis rationis gubernaculo inventum est. Imperfectum non potuit esse quod perfecit omnia. Nihil Saturnum & Saturniam gentem exspectabat. Vani erunt homines, nisi certi sint, a primordio & pluvias de cælo ruisse, & sidera radiasse, & lumina floruisse, & tonitrua mugisse & ipsum Jovem, quæ in manu ejus ponitis fulmina timuisse. Item omnem frugem ante Liberum & Cererem & Minervam, imo ante illum aliquem principem hominem de terra exuberasse, quia nihil continendo & sustinendo homini prospectum post hominem potuit inferri. Denique invenisse dicuntur necessaria ista vitæ, non instituisse: quod autem invenitur, fuit: & quod fuit, non ejus deputabitur, qui invenit, sed ejus qui instituit. Erat enim ante quam inveniretur. Caterum si propterea Liber deus, quod vitem demonstravit, male cum Lucullo actum est, qui primus cerasa ex Ponto Italiæ promulgavit, quod non est propterea consecratus, ut novæ frugis auctor, quia inventor

or & ostensor. Quamobrem si ab initio & instructa  
 certis exercendorum officiorum suorum rationibus  
 dispensata universitas constitit, vacat ex hac parte  
 causa allegandæ humanitatis in divinitatem: quia  
 eas illis stationes & potestates distribuistis tam fue-  
 runt ab initio, quam & fuissent etiam si deos istos  
 non creassetis. Sed convertimini ad causam aliam,  
 spondentes collationem divinitatis meritorum remu-  
 erandorum fuisse rationem. Et hinc concedetis, opi-  
 or, illum deum deificum justitia præcellere, qui nec  
 merere, nec indigne, nec prodige tantum præmium dis-  
 ensarit. Volo igitur merita recensere, an ejusmodi  
 ut illos in cælum extulerint, & non potius in imum  
 tartarum demerferint, quem carcerem pœnarum infer-  
 rum, cum multis, affirmatis. Illuc enim abstrudi so-  
 nt impii, quique in parentes & in sorores incesti,  
 maritarum adulteri, & virginum raptores & puerorum  
 contaminatores, & qui sæviunt, & qui occidunt, &  
 furantur, & qui decipiunt, & quicunque similes  
 sunt alicujus Dei vestri. Quem neminem integrum  
 crimine, aut vitio probare poteritis, nisi hominem  
 reperitis. Atquin ut illos homines fuisse non pote-  
 re negare, etiam istæ notæ accedunt, quæ nec deos  
 ista factos credi permittunt. Si enim talibus vos  
 faciendis præsidetis, si commercium, colloquium,  
 convivium malorum, & turpium probi quique respuitis,  
 cum autem pares deus ille majestatis suæ consortio  
 vivit, quid ergo damnatis, quorum collegas adora-  
 tis? Suggillatio est in cælo vestra justitia. Deos faci-  
 minosissimos quosque, ut placeatis diis vestris,  
 cum est honor consecratio cœqualium. Sed ut  
 tam hujus indignitatis retractatum, probi, & in-  
 i, & boni fuerint. Quot tamen potiores viros  
 inferos reliquistis? aliquem de sapientia Socra-  
 tem, de justitia Aristidem, de militia Themistoclem,  
 de celsitudine Alexandrum, de felicitate Polycratem,  
 et ceteros. *Tom. I.* F de

de copia Cræsum, de eloquentia Demosthenem. Quæ ex illis diis vestris gravior & sapientior Catone? Justior & militarior Scipione? Quis sublimior Pompejo? felicior Sylla? copiosior Crasso? eloquentior Tullio? Quanto dignius istos deos ille assumenda expectasset, præscius utique potiorum. Properavit opinor, & cælum semel clusit, & nunc utique meritis apud inferos mustitantibus erubescit.

12. Cesso jam de istis, ut qui sciam me ex ipsa veritate demonstraturum quid non sint, quum ostendero quid sint. Quantum igitur de diis vestris, nomen solummodo video quorundam veterum mortuorum fabulas audio, & sacra de fabulis recognosco. Quantum autem de simulachris ipsis nihil aliud deprehendimus quam matre sorores esse vasculorum instrumentorumque communium, vel ex iisdem vasculis & instrumentis, quasi fatum consecratione mutantes, licentia istis transfigurante, quidem contumeliosissime, & ipso opere sacrilege, ut revera nobis maxime, qui propter deos ipsos plectimur, solatium poenarum esse possit, quod eadem & ipsi patiuntur ut fiant. Crucibus & stipitibus imponitis Christianos, quod simulachrum non prius argilla deformat cruci & stipiti superstructa? in patibulo primum corpus Dei vestri decatur. Ungulis deraditis latera Christianorum, at deos vestros per omnia membra validius incumbit ascie & runcinæ, & scobinæ. Cervices ponimus: te plumbum & glutinum & gomphos: sine capite dii vestri. Ad bestias impellimur: certe quas Læro, & Cybele, & Cereri applicatis. Ignibus urimur hoc & illi a prima quidem massa. In metalla damnamur: inde censentur dii vestri. In insulas relegamur: inde censentur dii vestri. In insulis aliquis deus vester aut nasci, mori. Si per hæc constat divinitas aliqua, ergo puniuntur consecrantur: & numina erunt dicenda & plicia. Sed plane non sentiunt hæc injurias & contumelia

melias suæ fabricationis dii vestri, sicut nec obsequia. O impiæ voces, o sacrilega convicia, infrendite, inspumate, iidem estis qui Senecam aliquem pluribus & amarioribus de vestra superstitione perorantem reprehendistis. Igitur si statuas & imagines frigidas mortuorum suorum simillimas non adoramus, quas milui & mures & araneæ intelligunt, nonne laudem magis quam pœnam merebatur repudium agniti erroris? Possimus enim videri lædere eos, quos certi sumus omnino non esse? Quod non est, nihil ab eo patitur, qui non est.

13. Sed nobis dei sunt, inquit. Et quo modo vos e contrario impii, & sacrilegi, & irreligiosi erga deos vestros deprehendimini? qui quos pæsุมitis esse, negligatis: quos timetis, destruat: quos etiam vindicatis, illudatis. Recognoscite si mentiar. Primo quia cum alii alios colitis, utique quos non colitis, offenditis: prælatio alterius sine contumelia alterius non potest procedere, quia nec electio sine reprobatione. Jam ergo contemnitis quos reprobatis, quos reprobando offendere non timetis. Nam ut supra præstruximus, status dei cuiusque in senatus æstimatione pendebat. Deus non erat, quem homo consultus noluisse, & nolendo damnasset. Domesticos deos, quos lares dicitis, domestica potestate tractatis pignorando, venditando, demutando, aliquando in cacabulum de Saturno, aliquando in trullam de Minerva, ut quisque contritus atque contusus est, dum diu colitur; ut quisque dominus sanctiorem expertus est domesticam necessitatem. Publicos æque publico jure sedatis, quos in hastario vectigales habetis: sic capitolum, sic olitorium forum petitur, sub eadem voce præconis, sub eadem hasta, sub eadem annotatione questoris, divinitas addicta conducitur. Sed enim agri tributo onusti, viliores: hominum capita stipendio censa, ignobiliora. Nam hæc sunt nota captivita-

tatis. Dii vero qui magis tributarii, magis sancti; imo qui magis sancti, magis tributarii: majestas quaestuararia efficitur. Circuit cauponas religio mendicans, exigitis mercedem pro solo templi, pro aditu sacri: non licet deos nosse gratis, venales sunt. Quid omnino ad honorandos eos facitis, quod non etiam mortuis vestris conferatis? aedes proinde, aras proinde idem habitus & insignia in statuistis. ut aetas, ut ars, ut negotium mortui fuit, ita deus est. quo differt ab epulo Jovis filicernium? a simpulo obba? ab aruspice pollinctor? nam & aruspex mortuis apparet. Sed digne imperatoribus defunctis honorem divinitatis dicatis, quibus & viventibus eum addicatis. accepto ferent dii vestri, imo gratulabuntur, quod pares eis fiant domini sui. sed quum Larentinam publicum scortum, velim saltem Laidem aut Phrynen, inter Junones & Cereres ac Dianas adoratis, cum Simonem Magum statua & inscriptione sancti dei inauguratis, quum de paedagogiis aulicis nescio quem cinædum deum facitis, licet non nobiliores dii veteres, tamen contumeliam a vobis deputabunt hoc, & aliis licuisse, quod solis antiquitas contulit. Nolo & ritus vestros recensere: non dico quales sitis in sacrificando, cum enectis & tabidosa & scabiosa quæque mactatis, cum de optimis & integris supervacua quæque truncatis capitula & ungulas, quæ domi quoque pueris vel canibus destinassetis; quum de decima Herculis nec tertiam partem in aram ejus imponitis. Laudabo magis sapientiam, quod de perduto aliquid eripitis.

14. Sed conversus ad litteras vestras, quibus informamini ad prudentiam, & ad liberalia officia, quanta invenio ludibria? Deos inter se propter Trojanos & Achivos ut gladiatorum paria congressos depugnasse. Venerem humana sagitta sauciatam, quod filium suum Aeneam pene interfectum ab eodem Diomede rapere vellet. Martem tredecim mensibus in vincu-



vinculis pene consumptum. Jovem ne eandem vim a cæteris cœlitibus experiretur, opera ejusdam monstri liberatum, & nunc flentem Sarpedonis cœsum, nunc fœde subantem in sororem sub commemoratione non ita dilectarum jampridem amicarum. Exinde quis non poëta ex auctoritate principis sui dedecorator invenitur deorum? Hic Apollinem Admeto regi pascendis pecoribus addicit, ille Neptuni structorias operas Laomedonti locat. Est & ille de lyricis (Pindarum dico) qui Aesculapium canit avaritiæ merito, quæ medicinam nocenter exercebat, fulmine vindicatum. Malus Jupiter, si fulmen illius est, impius in nepotem, invidus in artificem. Hæc neque vera prodi, neque falsa confingi apud religiosissimos oportebat. Nec Tragici quidem aut Comici parcant, ut non ærumnas vel errores domus alicujus dei præsentur. Taceo de philosophis, Socrate contentus, qui in contumeliam deorum quercum & hircum & canem dejerabat. Sed propterea damnatus est Socrates, quia deos destruebat. Plane olim, id est semper, veritas odio est. Tamen cum pœnitentia sententiæ Athenienses criminatores Socratis postea afflixerint, & imaginem ejus auream in templo collocarint, rescissa damnatio testimonium Socrati reddidit. Sed & Diogenes nescio quid in Herculem ludit, & Romanus Cynicus Varro trecentos Joves sive Jupiteres dicendum, sine capitibus introducit.

15. Cetera lasciviæ ingenia etiam voluptatibus vestris per deorum dedecus operantur. Dispícite Lentulorum & Hostiliorum venustates, utrum mimos an deos vestros, in jocis & strophis rideatis. Mœchum Anubim, & masculum Lunam, & Dianam flagellatam, & Jovis mortui testamentum recitatum, & tres Hercules famelicos irrisos. Sed & histrionum litteræ omnem fœditatem eorum designant. Luget sol filiam jactatum de cœlo lætantibus vobis, & Cybele pasto-

rem suspirat fastidiosum, non erubescit vobis. Et sustinetis Jovis elogia cantari, & Junonem, Venerem, Minervam a pastore judicari. Quid quod imago dei vestri ignominiosissimum caput & famosum vestit? quod corpus impurum & ad istam artem effecminatione productum Minervam aliquam vel Herculem representat? nonne violatur majestas, & divinitas contupratur plaudentibus vobis? Plane religiosiores estis in cavea, ubi super sanguinem humanum, super inquinamenta pœnarum proinde saltant dii vestri, argumenta & historias noxiis ministrantes, nisi quod & ipsos deos vestros sæpe noxii induunt. Vidimus aliquando castratum Atyn illum deum ex Pessunte, & qui vivus ardebat, Herculem induerat. Risimus & inter ludicras meridianorum crudelitates Mercurium mortuos cauterio examinantem. Vidimus & Jovis fratrem gladiatorum cadavera cum malleo deducentem. Singula ista quæque adhuc investigare quis posset, si honorem inquietant divinitatis, si majestatis vestigia obsoletant; de contemptu utique censentur, tam eorum qui ejusmodi factitant, quam eorum quibus factitant. Sed ludrica ista sint. Ceterum si adjiciam quæ non minus conscientie omnium recognoscant, in templis adulteria componi, inter aras lenocinia tractari, in ipsis plerumque ædituorum & sacerdotum tabernaculis, sub iisdem vittis & apicibus & purpuris thure flagrante libidinem expungi: nescio plus ne de vobis dii vestri quam de Christianis querantur. Certe sacrilegi de vestris semper apprehenduntur. Christiani enim templa nec interdium norunt, spoliarent forsitan ea & ipsi, si & ipsi ea adorarent. Quid ergo colunt, qui talia non colunt? Jam quidem intelligi subjacet veritatis esse cultores, qui mendacii non sint: nec errare amplius in eo in quo errasse se recognoscendo cessaverunt. Hoc prius capite, & omnem

omnem hinc sacramenti nostri ordinem haurite, re-  
percussis ante tamen opinionibus falsis.

16. Nam ut quidam, somniaſtis caput aſininum eſſe deum noſtrum, hanc Cornelius Tacitus ſuſpicio- nem ejuſmodi inſeruit. Is enim in quinto Hiſtoriarum ſuarum bellum Judaicum exorſus ab origine gentis, etiam de ipſa tam origine, quam de nomine & reli- gione gentis quæ voluit argumentatus, Judæos re- fert Aegypto expeditos, ſive, ut putavit, extorres, in vaſtis Arabiæ locis aquarum egentiffimis, cum ſiti ma- cerarentur, onagris qui forte de paſtu potum petitori æſtimabantur, indicibus, fontibus uſos: ob eam gra- tiam conſimilis beſtiæ ſuperficiem conſecraſſe. Atque ita inde, opinor, præſumptum, nos quoque ut Ju- daicæ religionis propinquos, eidem ſimulachro ini- tiari. At enim idem Cornelius Tacitus fane ille men- daciorum loquaciſſimus, in eadem hiſtoria refert Cneum Pompejum cum Hieruſalem cepiſſet, propte- rea quæ templum adiſſet ſpeculandis Judaicæ religionis arcanis, nullum illic reperiſſe ſimulachrum. Et uti- que ſi id colebatur quod aliqua effigie repræſentaba- tur, nuſquam magis quam in ſacrario ſuo exhibere- tur, eo magis quia nec verebatur extraneos arbitros quamquam vana cultura. Solis enim ſacerdotibus adire licitum, & conſpectus cæterorum velo oppanſo interdicebatur. Vos tamen non negabitis & jumenta omnia, & totos cantherios cum ſua Hippona coli a vobis. Hoc forſitan improbandum, quod inter cul- tores omnium pecudum, beſtiarumque aſinarij tan- tum ſumus. Sed & qui crucis nos religioſos putat, conſecraneus noſter erit. Cum lignum aliquod pro- pitiat, viderit habitus, dum materiæ qualitas ea- dem ſit; viderit forma dum id ipſum dei corpus ſit, & tamen quanto diſtinguitur a crucis ſtipite Pallas Atti- ca? & Ceres farrea, quæ ſine effigie rudi palo & in- formi ligno proſtant? Pars crucis eſt omne robur,

quod erecta statione defigitur; nos si forte intus  
 & totum Deum colimus. Diximus originem deorum  
 vestrorum a platis de cruce induci. Sed & vici  
 adoratis; cum in tropæis cruces intestina sint tro-  
 rum. Religio Romanorum tota castrensis signa  
 ratur, signa jurat, signa omnibus diis præponit. Quam  
 illi imaginum suggestus insignes, monilia crucum  
 Sipara illa vexillorum & Cantabrorum stoles cruce  
 sunt. Laudo diligentiam, noluisse nudas & in  
 cruces consecrare. Alii plane humanius & vici  
 lius solem credunt deum nostrum. Ad Persas si  
 deputabimur (licet solem non in linteo depictum  
 remus) habentes ipsum ubique in suo clypeo: de  
 inde suspicio, quod innotuerit nos ad orientis  
 nem precari. Sed & plerique vestrum affectu  
 aliquando & cœlestia adorandi ad solis ortum labi  
 bratis. Aequè si diem solis lætitiæ indulgentur  
 longe ratione quam de religione solis secundo  
 eis sumus, qui diem Saturni otio & victui decem  
 exorbitantes & ipsi a Judaico more, quem igno-  
 Sed nova jam Dei nostri in ista civitate proxima  
 tio publicata est; ex quo quidem in frustrandâ  
 mercenarius noxius picturam proposuit cum ejus  
 inscriptione, **DEUS CHRISTIANORUM**  
**KOITHΣ**. Is erat auribus asininis, altero pede  
 gulatus, librum gestans, & togatus. Rissus  
 men & formam. Sed illi debebant adorare statim  
 forme numen, quia & canino & leonino capite  
 mistos, & de capro & de ariete cornutos, & a  
 his hircos, & a cruribus serpentes, & planta ve-  
 go alites deos receperunt. Hæc ex abundantia  
 quid rumoris irrepercussum, quasi de consensu  
 præterissemus. Quæ omnia, conversi jam ad de-  
 strationem religionis nostræ, repurgavimus.

17. Quod colimus nos, deus unus est; qui totam  
 molem istam cum omni instrumento elementorum  
 , corpo-

ignorum, spirituum, verbo, quo iussit, ratione, nihil posuit, virtute, qua potuit; de nihilo expressit in ornamentum maiestatis suae: unde & Graeci in mundo *κοσμον* accommodaverunt. Invisibilis, etsi videatur; incomprehensibilis, etsi per gratiam representetur; inestimabilis, etsi humanis sensibus aestimetur, ideo verus & tantus est. Ceterum non videri communiter, quod comprehendere, quod aestimari potest, minus est & oculis quibus occupatur, & sensibus quibus contaminatur, & sensibus quibus invenitur. Quod vero immensum est, soli sibi notum est: non est quod; deum aestimari facit, dum aestimari non potest. Ita cum vis magnitudinis & notum hominibus est, est & ignotum. Et haec est summa delicti volentium non agnoscere, quem ignorare non possunt. Vultis & corporibus ipsius tot ac talibus quibus continemur, & sustinemur quibus oblectamur, & etiam quibus vivimus: vultis ex animae ipsius testimonio convinci? Quae licet carcere corporis pressa, licet institutionibus pravis circumscripta, licet libidine & concupiscentiis evigorata, licet falsis diis exanimata cum tamen respicit, ut ex crapula, ut ex foetore, ut ex aliqua valetudine, & sanitatem suam patitur deum nominat, hoc solo nomine quia proprio est veri, *deus magnus, deus bonus*. Et quod *deus* deditur tantum vox est. Iudicem quoque contestatur, *Deus vides, & Deo commendo, & Deus mihi reddeat*. O testimonium animae naturaliter Christianae. Quaeque pronuntians haec, non ad Capitolium, sed ad caelum respicit. Novit enim sedem dei vivi; ab eo & inde descendit.

Sed quo plenius & impressus tam ipsi quam actiones ejus & voluntates adiremus; instrumentum adiecit litteraturae, si qui velit de deo inquirere, & invento invenire, & invento credere, & credito vivere. Viros enim iustitia, & innocentia dignos

deum posse & ostendere a primordio in seculum  
 sit spiritus divino inundator, quo prædicarentur  
 unicum esse, qui universa condiderit, qui homines  
 de humo struxerit; hic enim est verus Prometheus  
 qui seculum certis temporum dispositionibus & iustis  
 ordinaverit, exinde quæ signa majestatis suæ judicium  
 ediderit per imbres, per ignes, qui demerendo  
 seipsum disciplinas determinaverit, quas ignoratis & despicitis.  
 Sed & observantibus has præmia destinavit, ut  
 dato ævo isto judicaturus sit suos cultores in vitam  
 æternæ retributionem: profanos in ignem æque perperam  
 & jugem, suscitatis omnibus ab initio defunctis & re-  
 natatis, & recensitis ad utriusque mortis dispositionem.  
 Hæc & nos risimus aliquando. De vestris  
 sunt, non nascuntur Christiani. Quos diximus  
 doctores, prophetae de officio præfandi vocantur.  
 Res eorum itemque virtutes quas ad fidem divina  
 edebant; in thesauris litterarum manent, nec ideo  
 latent. Ptolemæorum eruditissimus, (quem Ptole-  
 phum supernominant) & omnis litteraturæ  
 sumus, cum studio bibliothecarum Pistratum  
 (Pistrator) emularetur, inter cætera memoriarum,  
 aut vetustas, aut curiositas aliqua ad famam per-  
 tineret, ex suggestu Demetrii Phalerei grammatici  
 tunc probatissimi, cui præfecturam mandaverat,  
 libros a Judæis quoque postulavit, proprias scilicet  
 quæ vernaculas litteras, quas soli habebant. Erant  
 enim & ad ipsos semper prophetae peroraverant,  
 licet ad domesticam dei gentem ex patrum  
 Hebræi retro, qui nunc Judæi. igitur & litteræ  
 breves, & eloquium. Sed ne notitia vacaret,  
 quoque Ptolemæo a Judæis subscriptum est,  
 ginta & duplus interpretibus indultis: quos  
 demus quoque philosophus providentiæ vindice  
 gentis communione suspexit. Affirmavit hæc  
 etiam Aristæas, ita in Græcum stylium ex aper-  
 tione

relinquit. Hodie apud Serapeum Ptolemæi bibliotheca, cum ipsis Hebraicis litteris exhibentur. Sed & Judæi palam lætitant, vestigialis libertas vulgo ad fabbatis omnibus; qui audierit, inveniet deum: si etiam studuerit intelligere, cogetur & credere.

19. Primam igitur instrumentis istis auctoritatem vestra antiquitas vendicat. Apud vos quoque religio inest instar, fidem de temporibus asserere. Omnes itaque substantias, omnesque materias, origines, ordines, vestras veterani cujusque styli vestri, gentes etiam plebes & urbes insignes, historiarum canas & memoriarum, ipsas denique effigies litterarum, indices rerum, & (puto adhuc minus dicimus) ipsæ inquam deos vestros, ipsa templa & oracula, & facta vestras interim prophetas scrinium sæculis vincat, in quo videtur thesaurus collocatus totius Judaici sacramenti, & vestri etiam nostri. Si quem audistis interim Moysen, Apolloninacho pariter ætate est; quadringentis pene annis, nam & septem minus, Danaum, & ipsum apud vos vetustissimum, prævenit, mille circiter cladem Priami præcedit. Possem etiam dicere, quingentis annis & Homerum; habens quos sequar. Ceteri quoque prophetae, etsi Moyse postulant, extremisque ætate eorum non retrofiores deprehendantur primis vestris sapientibus & legiferis & historicis. Hæc vestris ordinibus probari possint, non tam difficile est illis exponere, quam enorme, nec arduum, sed inquam longum. Multis instrumentis, cum digitorum & stellarum gesticulis assidendum est. referenda antiquitatum etiam gentium archiva, Aegyptiorum, Chaldeorum, Phœnicum: advocandi etiam munici-  
pij, per quos notitia subministrata est, aliqui Manetho Aegyptius, & Berosus Chaldeus: sed & Iromus Tyrus rex, sectatores quoque eorum Mendaces Ptolemæus, & Menander Ephesus, & Demetrius Phalereus, & rex Juba, & Appion, & Thallus, & qui

qui viros aut probat, aut revincit, Judæus Josephus antiquitatum Judaicarum vernaculus vindex. Quorum etiam censuales conferendi, & quæ quando gesta, ut concatenationes temporum aperiantur, quæ luceant annalium numeri. Peregrinandum historias & litteras orbis. & tamen quasi partem probationis intulimus, quum per quæ probari posset aspersimus. Verum differre præstat, ne vel persequamur festinando, vel diutius evagemur persequendo.

20. Plus jam offerimus pro ista dilatione, statem scripturarum, si non vetustatem, divinitatem, si dubitatur antiquas. nec hoc tardius aliunde discendum; coram sunt quæ docebunt, erudus, & seculum, & exitus. Quicquid agitur, nuntiabatur; quicquid videtur, audiebatur. Quæ terræ vorant urbes, quod insulas maria fraudant, quæ externa atque interna bella dilaniant, quod regna compulstant, quod fames, & lues, & locustæ quæque clades & frequentia pleraque mortificant; quod humiles sublimitate, sublimes humilitate mutantur; quod justitia rarefcit, & iniquitas habet; quod bonarum omnium disciplinarum cura tota; quod etiam officia temporum, & elementorum munia exorbitant; quod & monstris & portentis tyralium forma turbatur, providentiæ scripta sunt. Dum patimur, leguntur; dum recognoscimus, probantur. Idoneum, opinor, testimonium divinitatis veritas divinationis. Hinc igitur apud nos futurum quoque fides tuta est, jam scilicet probatorum quia cum illis, quæ quotidie probantur, prædicantur. Eadem voces sonant, eadem litteræ notant, idem spiritus pulsat, unum tempus est divinationis, præfanti apud homines, si forte distinguitur delinquitur, dum ex futuro præfens, dehinc ex præfenti præteritum deputatur. Quid delinquimus, ad



... futuro quoque credentes, qui jam didicimus aliter  
... duos gradus credere?

... Sed quoniam edidimus antiquissimis Judæorum  
... sectam istam esse suffultam, quam ali-  
... novellam, ut Tiberiani temporis plerique  
... profitentibus nobis quoque, fortasse in hoc  
... de statu ejus retractetur, quasi sub umbraculo  
... religionis, certe licite, aliquid propriæ  
... abscandat, vel quia præter ætatem,  
... neque de vitiis exceptionibus, neque de solennitati-  
... dicum, neque de ipso signaculo corporis, ne-  
... de consortio nominis cum Judæis agimus, quod  
... utique oporteret, si eidem deo manciparemur? Sed  
... jam scit Christum, hominem utique ali-  
... qualem Judæi judicaverunt, quò facilius quis  
... nos hominis cultores existimaverit. Verum neque de  
... Christum erubescimus, quum sub nomine ejus deputari  
... & dari juvat, neque de deo aliter præsumimus.  
Necesse est igitur pauca de Christo, ut deo. Tam-  
tum Judæis erat apud deum gratia, ubi & insignis ju-  
stitia, & fides originalium auctorum, unde illis &  
generis magnitudo, & regni sublimitas floruit, & tan-  
ta felicitas, ut dei vocibus quibus edocebantur, de  
premonendo deo, & non offendendo præmoneren-  
tur. Sed quanta deliquerint, fiducia patrum inflati  
ad delirandum, derivantes a disciplina in profanum  
modum; etsi ipsi non confiterentur, probaret exitus  
hodiernus ipsorum. Dispersi palabundi, & cæli &  
soli sui extorres vagantur per orbem sine homine,  
sine deo rege, quibus nec advenarum jure terram  
partiam saltem vestigio salutare conceditur. Cum  
hoc illis sanctæ voces præminarentur, eadem fere  
semper omnes ingerebant fore, uti sub extimis curri-  
culis seculi ex omni jam gente, & populo, & loco  
cultores sibi adlegeret deus multo fideiores, in quos  
etiam transferret plenior, quidem ob discipline  
aucto-

auctoris capacitatem. (Venit igitur qui ad reformat-  
 dam & illuminandam eam venturus a deo prænunti-  
 abatur Christus ille filius dei). Hujus igitur gratiæ dis-  
 ciplinæque arbiter & magister, illuminator atque de-  
 ductor generis humani filius dei annunciabatur, non  
 quidem ita genitus, ut erubescat de filii nomine, aut  
 de patris femine, non de sororis incesto, nec de stu-  
 pro filiæ, aut conjugis alienæ deum patrem passus est,  
 squamatum, aut cornutum, aut plumatum amatorem,  
 aut in aurum conversum. Jovis enim ista sunt numi-  
 na vestri. Ceterum dei filius nullam de impudicitia  
 habet matrem, etiam quam videtur habere non nu-  
 pserat. Sed prius substantiam edisseram, & ita nati-  
 vitatis qualitas intelligetur. Jam ediximus deum uni-  
 versitatem hanc mundi verbo & ratione & virtute  
 molitum. Apud vestros quoque sapientes λόγος, id  
 est sermonem atque rationem constat artificem videri  
 universitatis. Hunc enim Zeno determinat factitator-  
 rem, qui cuncta in dispositione formaverit, eundem  
 & fatum vocari, & deum & animum Jovis, & neces-  
 sitatem omnium rerum. Hæc Cleanthes in spiritum  
 congerit, quem permeatorem universitatis affirmat:  
 & nos etiam sermoni atque rationi, itemque virtuti,  
 per quæ omnia molitum deum ediximus, propriam  
 substantiam spiritum inscribimus, cui & sermo insit  
 pronuncianti, & ratio adsit disponenti, & virtus præ-  
 sit perficienti. Hunc ex deo prolatum didicimus, &  
 prolatione generatum, & idcirco filium dei & deum  
 dictum ex unitate substantiæ: nam & deus spiritus.  
 Et cum radius ex sole porrigitur, portio ex summa,  
 sed sol erit in radio, quia solis est radius, nec sepa-  
 ratur substantia, sed extenditur. Ita de spiritu spiri-  
 tus, & de deo deus, ut lumen de lumine accensum.  
 Manet integra & indefecta materiæ matrix, etsi plu-  
 res inde traduces qualitatis mutueris: ita & quod de  
 deo profectum est, deus est & dei filius & unus ambo.

Ita.

**Ita** & de spiritu spiritus, & de deo deus modulo alterum non numero, gradu non statu fecit, & a matrice non recessit, sed excessit. Iste igitur dei radius, ut retro semper prædicabatur, delapsus in virginem quandam, & in utero ejus caro figurata, nascitur homo deo mistus. Caro spiritu instructa nutritur, adolescit, affatur, docet, operatur & Christus est. Recipite interim hanc fabulam, similis est vestris, dum ostendimus quomodo Christus probetur. Sciebant & qui penes vos ejusmodi fabulas æmulas ad destructionem veritatis istiusmodi præministraverunt. Sciebant & Judæi venturum esse Christum, scilicet quibus prophetæ loquebantur: nam & nunc adventum ejus expectant, nec alia magis inter nos & illos compulsatio est, quam quod jam venisse non credunt. Duobus enim adventibus ejus significatis, primo, qui jam expunctus est in humilitate conditionis humanæ; secundo, qui concludendo seculo imminet in sublimitate divinitatis exertæ: primum non intelligendo, secundum quem manifestius prædicatum sperant, unum existimaverunt. Ne enim intelligerent pristinum, credituri si intellexissent, & consecuturi salutem, si credidissent, meritum fuit delictum eorum. Ipsi legunt, ita scriptum, multatos se sapientia & intelligentia, & oculorum & aurium fruge. Quem igitur solum hominem modo præsumpserant de humilitate, sequebatur uti magum æstimarent de potestate, cum ille verbo dæmonia de hominibus excuteret, cæcos rehumina- ret, leprosos purgaret, paralyticos restringeret, mortuos denique verbo redderet vitæ, elementa ipsa famularet, compescens procellas & freta ingrediens, ostendens se esse λογος dei, id est, verbum illud primordiale primogenitum, virtute & ratione comitatum, & spiritu fultum, eundem qui verbo omnia & faceret & fecisset. Ad doctrinam vero ejus qua revincebantur magistri primoresque Judæorum, ita ex-  
aspera-

asperabantur, maxime quod ad eum ingens multitudo deflueret, ut postremo oblatum Pontio Pilato, et riam tunc ex parte Romana procuranti, victimarum fragiorum in crucem dedi sibi extorserint. . . Prædicator & ipse ita facturos. Parum hoc, si non, & prophetæ retro. Et tamen suffixus spiritum cum voce sponte dimisit, prævento carnificis officio. Eodem momento dies media orbem signante sole, facta est. Deliquium utique putaverunt, qui id, quod super Christo prædicatum non scierunt; ratione apprehensa, negaverunt; & tamen eum mundi causa relatum in archivis vestris habetis. Tunc Judæi tractum & sepulchro conditum, magna etiam militaria custodiæ diligentia circumfederunt, ne quia prædixerat tertia die resurrecturum se a morte, difficultate furto amoliti cadaver fallerent suspectos. Sed eadem die tertia concussa repente terra, & mole revoluta, quæ obstruxerat sepulchrum, & custodia pavore dejecta, nullis apparentibus discipulis, nihil in sepulchro repertum est, præterquam exuvie sepulchri. Nilominus tamen primores, quorum intererat & Saulus, divulgare, & populum vestigalem & famularum sibi a fide revocare, surseptum a discipulis jactaverunt. Nam nec ille se in vulgus eduxit, ne impatiens rore liberarentur, ut & fides, non mediocri præsentia destinata, difficultate constaret. Cum discipulis autem quibusdam apud Galilæam Judææ regionem ad quadraginta dies egit, docens eos quæ docerent. Deinde ordinatis eis ad officium prædicandi per orbem, cum fulsa nube in cælum est ereptus, multo velocius quam apud vos asseverare de Romulo Proculi solebat. Ea omnia super Christo Pilatus, & ipse jam pro conscientia Christianus Cæsari tum Tiberio nuntiavit. Sed & Cæsares credidissent super Christo, si aut Cæsares non essent seculo necessari, aut si & Christiani potuissent esse Cæsares. Discipuli quoque diffusi per orbem.

## APOLOGETICUS ADVERSUS GENTES.

them, ex præcepto magistri dei paruerunt: qui a Judæis in sequentibus multa perpeffi, utique producia veritatis libenter, Romæ postremo per Neris sævitiam sanguinem Christianum seminauerunt: ad demonstrabimus vobis idoneos testes Christianos illos quos adoratis. Multum est si eos adham, ut credatis Christiani, propter quos non creditis Christianis. Interim hic est ordo nostræ institutionis: hunc edimus & sectæ & nominis censum cuius auctore. Nemo jam infamiam incutiat, nemini iud existimet, quia nec fas est ulli de sua religionem sentire. Ex eo enim quod aliud a se coli dicit, quam colit, negat quod colit, & culturam & honorem interum transfert, & transferendo jam non colit quod egavit. Dicimus, & palam dicimus, & vobis torquentibus lacerati & cruenti vociferamur: Deum cominus per Christum. Illum hominem putate, per quem & in eo se cognosci vult deus & coli. Ut autem Judæis respondeam, & ipsi deum per hominem Moyn colere didicerunt: ut Græcis occurram, Orpheus, Musæus Athenis, Melampus Argis, Trophonius Bæotiæ initiationibus homines obligaverunt. Et ad vos quoque dominatores gentium adspiciam, primo fuit Pompilius Numa, qui Romanos operosissimis superstitionibus oneravit. Licuerit & Christum mentari divinitatem rem propriam; non qui rudes & adhuc feros homines multitudine tot numinum demerendorum attonitos efficiendo ad humanitatem temperaret, quod Numa; sed qui jam expolitos ipsa urbanitate deceptos in agnitionem veritatis occurreret. Quarite ergo si vera est ista divinitas Christiana, qua cognita ad bonum quis reformatur, sentitur ut falsa renunciatur quævis alia contraria contra; imprimis illa omni ratione, quæ delitescens sub simulacris & imaginibus mortuorum, quibusdam signis miraculis & oraculis fidem divinitatis operatur.

22. Atque adeo dicimus, esse substantias quasdam spirituales; nec nomen novum est. Sciunt dæmonas philosophi, Socrate ipso ad dæmonii arbitrium expectante. Quidni? cum & ipsi dæmonium adhæsisse a pueritia dicatur, dehortatorium. plane a bono omnes sciunt poëtæ. Et jam vulgus indoctum in usum maledicti frequentat. Satanam principem hujus mali generis proinde de propria conscientia anima eadem ex sacramento voce pronunciat. Angelos quoque, etiam Plato non negavit. Utriusque nominis testes vel Magi adfunt. Sed quomodo de angelis quibusdam sua sponte corruptis corruptior gens dæmonum evaserit damnata a deo cum generis auctoribus, & cum eo quem diximus principe; apud litteras sanctas ordo cognoscitur. Nunc de operatione eorum satis erit exponere. Operatio eorum est hominis everasio, sic malitia spiritalis a primordio auspicata est in hominis exitium. Itaque corporibus quidem & valetudines infligunt & aliquos casus acerbos; animæ vero repentinos & extraordinarios per vim excessus. Suppetit illis ad utramque substantiam hominis adeundam mira subtilitas & tenuitas sua; multum spiritalibus viribus licet, ut invisibiles & insensibiles in effectum potius quam in actu suo appareant. Si poma, si fruges, nescio quod auræ latens vitium in flore præcipitat, in germine exanimat, in pubertate convulnerat, ac cæca ratione tentatus aer pestilentes haustus suos offendit. Eadem igitur obscuritate contagionis adspiratio dæmonum & angelorum mentis quoque corruptelas agit furoribus & amentis fœdis, aut sævis libidinibus cum erroribus variis: quorum iste potissimus quo deos istos captis & circumscriptis hominum mentibus commendat, ut & sibi pabula propria nidoris & sanguinis procuret simulacris & imaginibus oblatum & quæ illis accuratior pascua est, hominem recogitatu veræ divinitatis avertat præstigiis falsæ divinitatis,

## **APOLOGETICUS ADVERSUS GENTES.**

nis, quas & ipfas, quomodo operentur, expedit. Omnis spiritus ales est. hoc angeli & dæmones. tur momento ubique sunt. Totus orbis illis locus unus est; quid ubique geratur tam facile sciunt, quod annunciant. Velocitas, divinitas creditur; quia instantia ignoratur. Sic & auctores interdum videtur volunt eorum quæ annunciant; & sunt plane malum nonnunquam, bonorum tamen nunquam. In dispositiones etiam dei, & tunc prophetis concionantibus exceperunt, & nunc lectionibus resonantibus dicunt. Ita & hinc fumentes quasdam temporum species, æmulantur divinitatem, dum furantur divinationem. In oraculis autem quo ingenio ambiguitatem temperent in eventus, sciunt Cræsi, sciunt Pyrrhi. Ceterum testudinem decoqui cum carnibus pecudum Pythius, eo modo renunciavit, quo supra diximus momento apud Lydiam fuerat. Habent de incolarum aëris, & de vicinia siderum, & de commercio nubium cœlestes sapere paraturas; ut & pluvias quasdam sentiunt repromittant. Venefici plane & circulas valetudinum. Lædunt enim primo, dehinc remedia præcipiunt ad miraculum nova, sive contraria, post quæ desinunt lædere, & curasse creditur. Quid ergo de ceteris ingeniis vel etiam viribus fallaciæ spiritualis edisseram? phantasmata Castorum aquam cribro gestatam, & navem cingulo promissam, & barbam tactu irrufatam; ut numina lapidederentur, & deus verus non quæreretur.

23. Porro si & Magi Phantasmata edunt, & jactant functorum infamant animas; si pueros in eloquii miraculi elidunt, si multa miracula circulatoriis prestigiis ludunt; si & somnia immittunt habentes seminatorum angelorum & dæmonum assistentem si potestatem, per quos & capræ & mensæ divina consueverunt; quanto magis illa potestas de suo attrito & pro suo negotio studeat totis viribus operari

quod alienæ præstat negotiationi? Aut si eadem & angeli & dæmones operantur quæ & dii vestri; ubi est ergo præcellentia divinitatis, quam utique superiorem omni potestate credendum est? Non ergo dignius præsumetur, ipsos esse qui se deos faciant, cum eadem edant quæ faciant deos credi, quam pares angelis & dæmonibus deos esse? Locorum differentia distinguitur, opinor, ut a templis deos existimetis, quos alibi deos non dicitis; ut aliter dementire videatur, qui sacras turres pervolat, aliter qui tecta vicinæ transilit; & alia vis pronuncietur in eo qui genitalia vel lacertos, alia in eo qui sibi gulam profecat. Compar exitus furoris; & una ratio est instigationis. Sed hætenus verba, jam hinc demonstratio rei ipsius, qua ostendemus unam esse utriusque nominis qualitatem. Edatur hic aliquis sub tribunalibus vestris, quem dæmone agi constet. Jussus a quolibet Christiano loqui spiritus ille, tam se dæmonem confitebitur de vero, quam alibi deum de falso. Aequè producatúr aliquis ex iis qui de deo pati existimantur, qui aris inbalantes numen de nidore concipiunt, qui ructando curantur, qui anhelando præfantur. Ista ipsa virgo celestis pluviarum pollicitatrix, iste ipse Aesculapius medicinarum demonstrator, alia die morituris Socordio & Thanatio & Asclepiodoto vitæ sumministrator, nisi se dæmones confessi fuerint Christiano mentiri non audentes, ibidem illius Christiani procacissimi sanguinem fundite. Quid isto opere manifestius? quid hac probatione fidelius? simplicitas veritatis in medio est; virtus illi sua assistit. nihil suspicari licebit. magia aut aliqua ejusmodi fallacia fieri dicetis? si oculi vestri & aures permiserint vobis. Quid autem inniti potest adversus id quod ostenditur nuda sinceritate? Si altera parti vere Dei sunt, cur sese dæmonia mentiuntur? an ut nobis obsequantur? Jam ergo subjecta est Christiani divinitas vestra, nec utique divinitas deputanda est, quæ



que subdita est homini, & si quid ad dedecus facit, æmulis suis. Si altera parte dæmones sunt vel angeli, cur se alibi pro diis agere respondent? Nam sicut illi qui dii habentur, dæmones se dicere noluerunt, si vere dii essent, scilicet ne de maiestate se deponerent: ita & isti, quos directo dæmones nostis, non audent alibi pro diis agere, si aliqui omnino dii essent, quorum nominibus utuntur. Vererentur enim abuti maiestate superiorum sine dubio, & timendorum: adeo nulla est divinitas ista quam tenetis, quia si esset, neque a dæmoniis affectaretur, neque a diis negaretur. Cum ergo utraque pars concurrat in confessionem, deos esse negans, agnoscite unum genus esse, id est dæmonas: verum, utrobique. Jam Deos quærite; quos enim præsumpseratis, dæmonas esse cognoscitis. Eadem vero opera nostra ab eisdem diis vestris non tantum hoc detegentibus, quod neque ipsi Dii sint, neque ulli alii. Etiam illud in continenti cognoscitis, qui sit vere deus, & an ille, & an unicus, quem Christiani profitemur, & an ita credendus colendusque, ut fides, ut disciplina disposita est Christianorum. Dicent ibidem: ecquis ille Christus cum sua fabula? si homo communis conditionis, si magus, si post mortem de sepulchro a discipulis surreptus, si nunc denique penes inferos, si non in cælis, ocius & inde venturus cum totius mundi motu, cum horrore orbis, cum planctu omnium, sed non Christianorum, ut dei virtus & dei spiritus & sermo & sapientia & ratio & dei filius. Quodcunque ridetis, rideant & illi vobiscum: negent Christum omnem ab ævo animam restituto corpore iudicaturum. Dicant hoc pro tribunali (si forte) Minoën & Radamanthum secundum consensum Platonis & poetarum esse sortitos: suæ salutem ignominie & damnationis notam refutent. Requant se immundos spiritus esse, quod vel ex pabulis eorum sanguine & fumo & putidis rogis pecorum

& impuratissimis linguis ipsorum vatum intelligi debent. Renuant ob malitiam prædamnatos se in eundem iudicii diem cum omnibus cultoribus, & operatoribus suis. Atqui omnis hæc nostra in illos dominatio potestas de nominatione Christi valet, & de commemoratione eorum, quæ sibi a deo per arbitrum Christum imminetia expectant. Christum timentes in Christo, & deum in Christo, subjiciuntur servis dei & Christi. Ita de contactu deque afflatu nostro, contemplatione & repræsentatione ignis illius correpti, etiam de corporibus nostro imperio excedunt inviti & dolentes, & his præsentibus erubescences. Credite illis cum verum de se loquuntur, qui mentientibus creditis. Nemo suum dedecus mentitur, quin potius ad honorem. Magis fides prona est adversus semetipsos confiteri quam pro semetipsis negantes. Hæc denique testimonium deorum vestrorum Christianos facere consueverunt quia plurimum illis credendo, in Christo domino credimus. Ipsi litterarum nostrarum fidem accendunt, ipsi nostræ fidentiam ædificant. Colitis illos quod etiam de sanguine Christianorum. Nollent itaque tam fructuosos, tam officiosos sibi amittere, vel nobis quandoque an Christianis fugentur, si illis sub Christiano volente vobis veritatem probare, mentiri liceret.

24. Omnis ista confessio illorum qua se deos negant esse, quaque non alium deum respondent præter unum, cui nos mancipamur, satis idonea est ad vitandandum crimen læsæ publicæ & maxime Romanæ religionis. Si enim non sunt dei pro certo, nec religio pro certo est: si religio non est, quia nec dii pro certo nec nos pro certo rei sumus læsæ religionis. At contrario in vos exprobratio resultabit, qui mendacius negantes, veram religionem veri dei non modo negando, quin insuper expugnando in verum, committitis crimen veræ irreligiositatis. Nunc ut constaret illos esse, nonne conceditis de æstimatione communis

quem

quam esse sublimiorem & potentiorē velut principem mundi, perfectæ potentie & majestatis? nam & populi que disponunt divinitatem, ut imperium summæ dominationis esse penes unum, officia ejus penes multos velint; ut Plato Jovem magnum in cælo constitutum exercitu describit deorum pariter & dæmonum. Itaque oportere & Procurantes & Præfectos & Præsides pariter suspici. & tamen quod facinus admittit, qui magis ad Cæsarem promerendum & operam & spem suam transfert, nec appellationem dei ut imperatoris in aliquo principum confitetur, quoniam capitale esse judicetur alium præter Cæsarem & dicere & audire? Colat alius deum, alius Jovem, alius ad cælum supplices manus tendat: alius ad aram Fidei, alius, si hoc putatis, nubes numeret orans, alius lacunaria, alius suam animam deo suo voueat, alius hirci. Videte enim ne & hoc ad irreligiositatis elogium concurrat, adimere libertatem religionis, & interdicare optionem divinitatis, ut non liceat mihi colere quem velim, sed cogar colere quem nolim. Neque se ab invito coli volet, ne homo quidem, atque adeo & Aegyptiis permissa est tam vanæ superstitionis potestas, avibus & bestiis consecrandis, & capite damnandis, qui aliquem hujusmodi deum occiderit, unicuique etiam provincie & civitati suus deus est, ut Syriæ, Atargatis, ut Arabiæ Dufares, ut Noricis Salentis, ut Africæ Cœlestis, ut Mauritanie reguli sui. Romanas (ut opinor) provincias edidi, nec tamen Romanos Deos earum, quia Romæ non magis coluntur, quam qui per ipsam quoque Italiam municipali consecratione censentur: Casinensium Delubrum, Narniensium Visidianus, Aesculanorum Antro, Volsiniensium Nortia, Oriculanorum Vesta, Sutrinorum Hostia, Faliscorum in honorem matris Curis, unde accepit cognomen Juno. Sed nos nec arcemur a religionis proprietate. Lædimus Romanos,

manos, nec Romani habemur, quia non Romanum deum colimus. Bene quod omnium deus est, velimus aut nolimus omnes sumus. Sed apud quodvis colere, jus est, præter verum deum; non hic magis omnium sit deus, cujus omnes sumus.

25. Satis mihi quidem videor probasse de fide vera divinitate, cum demonstravi quemadmodum probatio consistat, non modo disputationibus nec argumentationibus, sed ipsorum etiam testimoniis, quos deos creditis, ut nihil jam ad hanc causam sit restitutum: quoniam tamen Romani nominis præsentio occurrit, non omitтам congregationem quam provocat illa præsumptio dicentium Romanos pro merito religiositatis diligentissimæ in tantum sublimatos, ut orbem occuparint, & adeo deos esse præter ceteros floreat, qui illis officium præter ceteros faciant. Scilicet ista merces a Romanis pro gratia expensa est, Sterculius, & Mutianus Larentina provexit imperium. Peregrinos enim non putem extraneæ genti magis fautum voluisse suæ; & patrium solum, in quo nati, adulti, nutriti, sepulti que sunt, transfretanis dedisse. Veneris Cybele si urbem Romanam ut memoriam Trojaneris adamavit, vernaculi sui scilicet adversus hostium arma protecti, si ad ultores transire profuerunt quos sciebat Græciam Phrygiæ debellatricem fuisse? Itaque majestatis suæ in Urbem collatæ gratia documentum nostræ etiam ætati poposuit, cum Marco Aurelio apud Sirmium reipublicæ exempto, decimo sexto Kalendarum Aprilium, Archigallus sanctissimus, die nono Kalend. earundem, quo festum nem impurum, lacertos quoque castrando libatus salute imperatoris Marci jam interempti solita imperia mandavit. O nuncios tardos, o sompniosos diplomata, quorum vitio excessum imperatoris ante Cybele cognovit, næ Deam talem riderentur stiam.

**Mini.** Sed non statim & Jupiter Cretam suam Romae  
facibus illum concuti sineret, oblitus antrum il-  
lud Idæum, & æra Corybantia, & jucundissimum il-  
lus matricis suæ odorem. Nonne omni Capitolio tu-  
mulum suum præposuisset, ut ea potius orbi terra  
occulceret, quæ cineres Jovis textit? Vellet Juno  
Troicam urbem posthabita Samo dilectam ab Aeneas-  
dorum utique genere delcri? Quod si,

*Hic illius arma,*

*Hic curvus fuit, hoc regnum dea gentibus esse*

*Si qua fata sinant, jam tum tenditque foretque:*

miserâ illa conjunx Jovis & soror adversus fata non  
valuit plane,

*Fato stat Jupiter ipse.*

nec tantum tamen honoris Romani dicaverunt fati  
dedantibus sibi Carthaginem adversus destinatum vo-  
cavitque Junonis, quantum prostitutissimæ Lupæ La-  
tæ. Plures deos vestros regnasse certum est.  
Ipsæ si conferendi imperii tenent potestatem, cum  
ipsæ regnarent, a quibus acceperant eam gratiam?  
quæ cohærat Saturnus & Jupiter? aliquem opinor  
sacculum, sed Romæ postea cum indigenis suis:  
omnes si qui non regnarunt, tamen regnabatur ab aliis  
secundum cultoribus suis, ut qui nondum dii habeban-  
tur. Ergo aliorum est regnum dare, quia regnaba-  
tur multo ante quam isti dii inciderentur. Sed quam  
timidum est fastigium Romani nominis religiositatis me-  
ritis deputare, cum post imperium sive adhuc regnum  
omnis jam rebus religio profecerit? nam etsi a Numa  
concepta est curiositas supersticiosa, nondum tamen  
in saculacris aut templis res divina apud Romanos  
constabat; frugi religio & pauperes ritus, & nulla  
Capitolia certantia cælo, sed temeraria de cespite al-

zaria, & vasa adhuc Samia, & nidor ex illis, & de ipse nusquam. nondum enim tunc ingenia Græcorum atque Tuscorum fingendis simulacris urbem inundant. Ergo non ante religiosi Romani, quam magis ideoque non ob hoc magni, quia religiosi. At quomodo ob religionem magni, quibus magnitudo irreligiositate provenit? Ni fallor enim, omnium regnum vel imperium bellis quæritur, & victoria imparetur. Porro bella & victoriæ captis & everfis maximè urbibus constant. id negotium sine deorum injuria non est. Eadem strages mœnium & templorum, pares cædes civium & sacerdotum, nec dissimiles rapinæ sacrarum divitiarum & profanarum. Tot idcirco sacrilegia Romanorum, quot trophæa: tot deorum, quot de gentibus triumphis: tot manubiæ, quot manent adhuc simulacra captivorum deorum. & ab hostibus ergo suis sustinent adorari, & illis imperia sine fine decernunt, quorum magis injurias quam liberationes remunerasse debuerant. Sed qui nihil metuunt, tam impune læduntur, quam frustra columen. Certe non potest fidei convenire, ut religionis ministeris excrevisse videantur, qui ut suggestimus, religionem aut lædendo creverunt, aut crescendo læderunt. Etiam illi quorum regna conflata sunt in imperia, non summam, cum ea amitterent, sine religionis non fuerunt.

26. Videte igitur ne ille regna dispenset, cuius & orbis qui regnatur, & homo ipse qui regnat, ille vices dominationum ipsis temporibus in seculo edimarit, qui ante omne tempus fuit & seculum: tempus temporum fecit, ne ille civitates extollat aut primat, sub quo fuit aliquando sine civitatibus genus hominum. Quid erratis? prior est quibusdam suis sylvestris Roma: ante regnavit, quam tantum ambitum Capitolii extrueretur. Regnaverunt & Babylonii ante pontifices, & Medi ante Quindecim

Ægyptii ante Salios, & Assyrii ante Luper-  
cos, & Amazones ante virgines Vestales: postremo  
Romanæ religiones regna præstant, nunquam re-  
gna Judæa regnasset despectrix communium istarum di-  
nitatum. Cujus & deum victimis, & templum do-  
mantis, & gentem foederibus aliquamdiu Romani hono-  
rantis, nunquam dominaturi ejus, si non ultimo deli-  
cisset in Christum.

127. Satis hæc adversus intentionem læsæ divini-  
tatis, quo non videamur lædere eam quam ostendi-  
mus non esse. Igitur provocati ad sacrificandum,  
obstruimus gradum pro fide conscientiæ nostræ, qua  
certi sumus ad quos ista perveniant officia, sub ima-  
ginum prostitutione, & humanorum nominum conse-  
cratione. Sed quidam dementiam existimant, quod  
cum possimus & sacrificare in præsentī, & illæsi abire  
manente apud animum proposito, obstinationem sa-  
luti præferamus. Datis scilicet consilium quo vobis  
abutamur: sed agnoscimus unde talia suggerantur,  
quis totum hoc agitet, & quomodo nunc astutia sua-  
dendi, nunc duritia sæviendi, ad constantiam nostram  
dejiaciendam operetur. Ille scilicet spiritus dæmonia-  
cus & angelicæ paraturæ, qui noster ob divortium æ-  
mulus, & ob dei gratiam invidus, de mentibus vestris  
adversus nos præliatur, occulta inspiratione, modu-  
latis & subornatis ad omnem quam in primordio exor-  
sumus & judicandi perversitatem & sæviendi iniquita-  
tem. Nam licet subiecta sit nobis tota vis dæmonum  
& ejusmodi spirituum, ut nequam tamen servi metui  
nonnunquam contumaciam miscent, & lædere gestiunt  
quos alias verentur: odium etiam timor inspirat: præ-  
terquam quod desperata conditio eorum ex prædam-  
natione solatium reputat, fruendæ interim maligni-  
tatis de pænæ mora. & tamen apprehensi subiguntur,  
& conditioni suæ succidunt: & quos de longinquo  
oppugnant, de proximo obsecrant. Itaque dum vice  
rebel-

rebellantium ergastulorum, sive carcerum, vel metallorum, vel hoc genus pœnalis servitutis erumpunt adversus nos, in quorum potestate sunt (certi & impares se esse, & hoc magis proditos) ingratis resistimus ut æquales, & repugnamus perseverantes in eo quod oppugnant, & illos nunquam magis detriumphanus, quam quum pro fidei obstinatione damnamur.

28. Quoniam autem facile iniquum videretur, heteros homines invitos urgeri ad sacrificandum (nam & alias divinæ rei faciundæ libens animus indicitur) certe ineptum existimaretur, si quis ab alio cogeretur ad honorem deorum, quos ultro sui causâ placare leberet, ne præ manu esset jure libertatis dicere, Volo mihi Jovem propitium. Tu qui es? me conveniat Janus iratus ex qua velit fronte. Quid tibi necum est? Formati estis ab iisdem utique spiritibus, ut nos pro salute Imperatoris sacrificare cogatis. Et imposita est tam vobis necessitas cogendi, quam nobis obligatio periclitandi. Ventum est igitur ad secundum titulum læsæ augustioris majestatis: siquidem majore formidine & callidiore timiditate Cæsarem observatis, quam ipsum de Olympo Jovem, & merito sciatis. Quis enim? ex viventibus quilibet non omni mortuo potior? Sed nec hoc vos ratione facilius potius quam respectu repræsentanæ potestatis, deo & in isto irreligiosi erga deos vestros deprehimini, qui plus timoris humano dominio dicatis. citius denique apud vos per omnes deos, quam per num genium Cæsaris pejeratur.

29. Constet igitur prius, si isti quibus sacrificatur, autem Imperatori vel cuilibet homini impertiri possint, & ita nos crimini addicite. Si angeli aut dæmones substantia pessimi spiritus beneficium aliquod perantur, si perditî conservant, si damnati liberant, denique (quod conscientia vestra est) mortui vivos sentur, jam utique suas primo statuas, & imagines,  
&



des tuerentur. Quæ (ut opinor) Cæsarum militum subitiis suis salva præstant. Puto autem & hæ ipsæ æreæ de metallis Cæsarum veniunt, & tota templa æreæ Cæsaris constant, multi denique dii habuerunt Cæsarem iratum. Facit ad causam, si & propitius, cum illis aliquid aut liberalitatis aut privilegii, conferret. ita qui sunt in Cæsaris potestate, cujus & illi sunt, quomodo habebunt salutem Cæsaris in potestate? ut eam prestare posse videantur, quam faciunt ipsi a Cæsare consequuntur. Ideo ergo committimus in majestatem imperatorum, quia illos non subducimus rebus suis; quia non ludimus de officio salutis æreæ, qui eam non putamus in manibus esse plumbei. Sed vos religiosi qui eam quæritis ubi non est, petitis a quibus dari non potest, præterito eo in quo est potestate. Insuper eos debellatis qui eam faciunt petere, qui etiam possint impetrare: dum faciunt petere.

7. 30. Nos enim pro salute imperatorum deum invocamus æternum, deum verum, deum vivum, quem & ipsi imperatores propitium sibi præter ceteros petunt. Sciunt quis illis dederit imperium. Sciunt quoque homines, quis & animam. Sentiunt eum deum esse solum, in cujus solius potestate sunt, a quo sunt mundi, post quem primi, ante omnes & super omnes deos. Quidni? cum super omnes homines, qui utique vivunt & mortuis antistant. Recogitant quoque vires imperii sui valeant, & ita deum intellegunt. Adversus quem valere non possunt, per eum vivere se cognoscunt. Cælum denique debellet imperator, cælum captivum triumpho suo invehat, cunctat excubias, cælo vectigalia imponat. Non potest: ideo magnus est, quia cælo minor est. Illius est ipse, cujus & cælum est & omnis creatura. Illa est imperator, unde est & homo antequam imperator, inde potestas illi, unde & spiritus. Illuc sursum

furfum fufpicientes Chriftiani manibus expañis, quæ innocuis, capite nudo, quia non erubescimus, daturæ fine monitore, quia de pectore oramus. Precantes fumus omnes femper pro omnibus imperatoribus vitam illis prolixam, imperium fecurum, domum quietam, exercitus fortes, fenatum fidelem, populum tantum, orbem quietum, & quæcunque hominis & Cæſaris vota funt. Hæc ab alio orare non poſſum, quam quo me ſcio confeſcuturum, quoniam & ipſe eſt. Solus præſtat, & ego ſum cui impetrare debetur, & mulus ejus, qui eum ſolum obſervo, qui propriam diſciplinam ejus occidit, qui ei offero optimam & majorem hoſtiam, quam ipſe mandavit, orationem de carne pudica, de anima innocenti, de ſpiritu ſancto profectam. Non grana thuris unius aſſis, Arabice arboris lacrymas, nec duas meri guttas, nec ſanguinem reprobæ bovis mori optantis, & poſt omnia inquinantem, ta etiam conſcientiam ſpurcam: ut mirer, cum hoſtiæ probantur penes vos a vitioſiſſimis ſacerdotibus, cur præcordia potius victimarum, quam ipſorum ſacriſcantium examinantur? Sic itaque nos ad deum expañſos ungulæ fodiant, cruces ſuſpendant, ignem lambant, gladii guttura detruncant, beſtiæ inſilant, paratus eſt ad omne ſupplicium ipſe habitus orantis Chriſtiani. Hoc agite, boni præſides, extorquetis animam deo ſupplicantem pro Imperatore. Hic eſt crimen, ubi veritas & dei devotio eſt.

31. Adulati nunc ſumus imperatori, & mentis vota, quæ diximus, ad evadendam ſcilicet vim. Plene proficit iſta fallacia. Admittitis enim nos probare quodcunque defendimus. Qui ergo putaveris nos de ſalute Cæſarum curare, inſpice dei vocem, litteras noſtras, quas neque ipſi ſupprimimus, & plerique caſus ad extraneos transferunt. Scito ex illis præceptum eſt nobis, ad redundantiam benignitatis, etiam pro inimicis Deum orare, & perfecutoribus noſtris

his bona precari. Qui magis inimici, & persecutores Christianorum, quam de quorum maiestate conveniunt in crimen? Sed etiam nominatim atque manifeste *Orate*, inquit, *pro regibus, & pro principibus, & magistratibus, ut omnia tranquilla sint vobis.* Cum enim discutitur imperium, concussis etiam ceteris membris ejus: utique & nos (licet extranei a turbis) in aliquo loco casus invenimur.

32. Est & alia major necessitas nobis orandi pro Imperatoribus, etiam pro omni statu imperii rebusque Romanis, qui vim maximam universo orbi imminentem, ipsamque clausulam seculi acerbitates horrendas comminantem, Romani imperii commeatu scimus retardari. Itaque nolumus experiri, & dum precamur differri, Romanæ diuturnitati favemus. Sed & juramus, sicut non per genios Cæsarum, ita per salutem eorum, quæ est augustior omnibus geniis. Nescitis genios dæmonas dici, & inde diminutiva voce dæmonia? Nos iudicium dei suspicimus in imperatoribus qui gentibus illos præfecit. id in eis scimus esse, quod deus voluit: ideoque & saluum volumus esse quod deus voluit, & pro magno id juramento habemus. Ceterum dæmonas, id est genios adjurare consuevimus, ut illos de hominibus exigamus, non dejerare, ut illis honorem divinitatis conferamus.

33. Sed quid ego amplius de religione atque pietate Christiana in imperatorem? quem necesse est suspiciamus, ut eum quem dominus noster elegit: ut merito dixerim, noster est magis Cæsar, ut a nostro deo constitutus. Itaque & in eo plus ego illi operor in salutem: non solum quod eam ab eo postulo, qui potest præstare, aut quod talis postulo, qui merear impetrare, sed etiam quod temperans maiestatem Cæsaris infra deum magis illum commendo deo, cui soli subijcio. Subijcio autem cui non adæquo. Non enim deum imperatorem dicam, vel quia mentiri nescio, vel

vel quia illum deridere non audeo, vel quia nec ipse se deum volet dici. Si homo sit, interest homini deo cedere; satis habet appellari imperator. grande & hoc nomen est, quod a deo traditur. negat illum imperatorem, qui deum dicit: nisi homo sit, non est imperator. Hominem se esse etiam triumphans in illo sublimissimo curru admonetur. Suggestitur enim ei a tergo, respice post te, hominem memento te. Et utique hoc magis gaudet tanta se gloria coruscare, ut illi admonitio conditionis suæ sit necessaria. Minor erat si tunc deus diceretur, quia non vere diceretur. Major est qui revocatur, ne se deum existimet.

34. Augustus imperii formator, ne dominum quidem dici se volebat. & hoc enim Dei est cognomen. Dicam plane imperatorem dominum, sed more communi, sed quando non cogor, ut dominum dei vicem dicam. Ceterum liber sum illi: dominus enim meus unus est, deus omnipotens & æternus, idem qui & ipsius. Qui pater patriæ est, quomodo dominus est? Sed & gratius est nomen pietatis quam potestatis: etiam familiæ magis patres quam domini vocantur. Tanto abest ut imperator deus debeat dici, quod non potest credi non modo turpissima, sed & perniciofa adulatione, tamquam si habens imperatorem alterum appelles: nonne maximam & inexorabilem offensam contrahes ejus quem habuisti, etiam ipsi timendam quem appellasti? Esto religiosus in deum, qui vis illum propitium imperatori. Desine alium deum colere vel credere, atque ita & hunc deum dicere, cui deo opus est. Si non de mendacio erubescit adulatio ejusmodi, hominem deum appellans, timeat saltem de infausto. Maledictum est ante apotheosin deum Cæsarem nuncupare.

35. Propterea igitur publici hostes Christiani, qui imperatoribus neque vanos, neque mentientes, neque temerarios honores dicant, quia veræ religionis homi-

homines etiam solennia eorum conscientia potius quam lascivia celebrant. Grande videlicet officium focos & thoros in publicum educere, vicatim epulari, civitatem tabernæ habitu abolefacere, vino lutumungere, catervatim curfitare ad injurias, ad impudentias, ad libidinis illecebras. Siccine exprimitur publicum gaudium per dedecus publicum? Hæccine solennes dies principum decent, quæ alios dies non decent? Qui observant disciplinam de Cæsaris respectu, i eam propter Cæsarem deferent, & malorum morum licentia pietas erit, occasio luxuriæ religio deputabitur? O nos merito damnandos! cur enim vota gaudia Cæsarium casti & sobrii & probi expungimus? ut die læto non laureis postes obumbramus? nec lurnis diem infringimus? Hæc res est solennitate publica exigente inducere domui tuæ habitum alicuius novi lupanaris. Velim tamen in hac quoque regione secundæ majestatis, de qua in secundum sacrum convenimur Christiani, non celebrando votivum solennia Cæsarium, quo more celebrari nec odestia, nec verecundia, nec pudicitia permittunt, et occasio voluptatis magis quam digna ratio persuasum, fidem & veritatem vestram demonstrare, ne forte isthic deteriores Christianis deprehendantur, qui non nolunt Romanos haberi, sed hostes principum Romanorum. Ipsos Quirites, ipsamque vernaculam plebem colloquor, an alicui Cæsari parco illa lingua Romana? Testis est Tiberis, & horum bestiarum. Jam si pectoribus ad translucendum quandam specularem materiam natura obduxisset, nus non præcordia insculpta apparerent novi ac notissimi Cæsaris scenam congiario dividendo præidentis? iam illa hora qua acclamant,

*De nostris annis tibi Jupiter augeat annos.*

*Tertul. Tom. I.*

H

Hæc

Hæc Christianus tam enunciare non novit, quam de novo Cæsare optare. Sed vulgus, inquis. Ut vulgus, tamen Romani, nec ulli magis depostulatores Christianorum, quam vulgus. Plane ceteri ordines pro auctoritate religiosi ex fide, nihil hosticum de ipso senatu, de equite, de castris, de palatiis ipsis spirant. Unde Cassii, & Nigri & Albini? unde qui inter duas laurus obsident Cæsarem? unde qui faucibus ejus exprimendis palæstricam exercent? unde qui armati palatium irrumpunt, omnibus Sigeriis atque Partheniis audaciores? De Romanis, (nisi fallor,) id est de non Christianis. Atque adeo omnes illi sub ipsa usque impietatis eruptione & sacra faciebant pro salute imperatoris, & genium ejus dejerabant, alii foris, alii intus, & utique publicorum hostium nomen Christianis dabant. Sed & qui nunc scelestarum partium socii aut plausores quotidie revelantur, post vindemiam parricidarum racematio superstes, quam recentissimis & ramosissimis laureis postes præstruebant? quam elatissimis & clarissimis lucernis vestibula enubilabant? quam cultissimis & superbissimis toris forum sibi dividebant? non ut gaudia publica celebrarent, sed ut vota propria jam edicerent, & in alieni solennitate exemplum atque imaginem spei suæ inaugurarent, nomen principis in corde mutant. Eadem officia dependunt & qui astrologos, & aruspices, & augures, & magos de Cæsarum capite consultant quas artes ut, ab angelis desertoribus proditas, & deo interdictas, ne suis quidem causis adhibent Christiani. Cui autem opus est perscrutari super Cæsaris salute, nisi a quo aliquid adversus illam cogitatur vel optatur? aut post illam speratur & sustinetur? non enim ea mente de charis consultitur, qua de dominis. Aliter curiosa est sollicitudo sanguinis, aliter servitutis.

36. Si hæc ita sunt, ut hostes deprehendantur qui Romani vocabantur, cur nos qui hostes existimamur, Romani negamur? non possumus & Romani esse, & hostes non esse, cum hostes repariantur qui Romani habebantur? adeo pietas & religio & fides imperatoribus dedita non in hujusmodi officiis consistit, quibus hostilitas magis ad velamentum sui potest fungi: sed in iis moribus quibus civilitas in imperatorem, non vere quam circa omnes necesse habet exhiberi, æque enim hæc opera bonæ mentis solis imperatoribus debentur a nobis. Nullum bonum sub exceptione personarum administramus, quia nobis præstamus, non ab homine aut laudis, aut præmii expensum speramus, sed a deo exactore & remuneratore indifferentis benignitatis. Iidem sumus imperatoribus qui vicinis nostris. Male enim velle, male facere, male dicere, male cogitare de quoquam ex æquo venimus. Quodcumque non licet in imperatorem, id nec in quenquam, quod in neminem, eo forsitan magis nec in ipsum, qui per deum tantus est.

37. Si inimicos (ut supra diximus) jubemur diligere, quem habemus odisse? item si læsi vicem reddere prohibemur, ne de facto pares simus, quem possumus lædere? Nam de isto ipsi recognoscite. Quoties enim in Christianos desævitis, partim animis opprimitis, partim legibus obsequentes? Quoties etiam perterritis vobis suo jure nos inimicum vulgus invadit pedibus & incendiis? Ipsi Bacchanalium furtis nec portuis parcunt Christianis, quin illos de requie sequestrare, de asylo quodam mortis, jam alios, jam totos avellant, dissecent, distrahant. quid tamen tam conspiratis unquam denotastis, de tam animarum ad mortem usque pro injuria repensatum? quando vel una nox pauculis faculis largiter ultionis posset perari, si malum malo dispungi penes nos liceret. sed absit ut aut igni humano vindicetur divinitas se-

etæ, aut doleat pati in quo probatur. Si enim hostes exertos non tantum vindices occultos agere vellemus deesset nobis vis numerorum & copiarum? Plures nimirum Mauri & Marcomanni, ipsique Parthi, ve quantæcunque unius tamen loci, & suorum finium gentes, quam totius orbis? externi sumus & vestri omnia implevimus, urbes, insulas, castella, municipia, conciliabula, castra ipsa, tribus, decurias, palatium, senatum, forum. Sola vobis relinquimus templa. Possumus dinumerare exercitus vestros: unius provinciæ plures erunt: cui bello non idonei, non prompti fuissimus, etiam impares copiis, qui tam libenter trucidamur? si non apud istam disciplinam magis occidi liceret, quam occidere. Potuimus & inermes nec rebelles, sed tantummodo discordes solius divortii invidia adversus vos dimicasse. Si enim tanta vis hominum in aliquem orbis remoti sinum abruptissemus a vobis, suffudisset pudore utique dominationem vestram tot qualiumcunque amissio civium. immo etiam & ipsa destitutione punisset. proculdubio expavissetis ad solitudinem vestram, ad silentium rerum & stuporem quemdam, quasi mortui orbis; quæsissetis quibus imperaretis. Plures hostes quam cives vobis remansissent. nunc enim pauciores hostes habetis præ multitudine Christianorum pene omnium civitatum, pene omnes cives Christianos habendo. Sed hostes maluistis vocare generis humani. Quis autem vos ab illis occultis & usquequaque vastantibus mentes & valetudines vestras hostibus raperet? a demoniorum incurfibus dico, quæ de vobis sine præmio, sine mercede depellimus. Suffecisset hoc solum nostræ ultioni, quod vacua exinde possessio immundis spiritibus pateretis. Porro nec tanti præsidii compensationem cogitantes, non modo non molestum vobis genus, verum etiam necessarium, hostes iudicare maluistis:



uistis : qui fumus plane non generis humani tamen, sed potius erroris.

38. Proinde nec paulo lenius inter licitas factiones etiam istam deputari oportebat, a qua nihil tale committitur, quale de illicitis factionibus timeri solet. nisi fallor enim, prohibendarum factionum causa de providentia constat modestiæ publicæ ne civitas in partes scinderetur, quæ res facile comitia, concilia, curias, conciones, spectacula etiam æmulis studiorum compulsionibus inquietaret, cum jam & in quætu habere cœpissent venalem & mercenariam homines violentiæ suæ operam. At enim nobis ab omni gloriæ & dignitatis ardore frigentibus nulla est necessitas cœtus, nec ulla magis res aliena, quam publica. Unam omnium rempublicam agnoscimus, mundum. Neque spectaculis vestris in tantum renunciamus, in quantum originibus eorum : quas scimus de superstitione conceptas, cum & ipsis rebus, de quibus trahuntur, prætersumus. Nihil est nobis dictu, visu, auditu, cum insania circi, cum impudicitia theatri, cum atrocitate arenæ, cum vanitate xystræ. Licuit Epicureis aliquam decernere voluptatis veritatem ; pro quo vos offendimus, si alias præsumimus voluptates ? si oblectari novisse nolumus, nostra injuria est, si forte, non vestra. Sed reprobamus quæ placent vobis, nec vos nostra delectant.

39. Edam jam nunc ego ipse negotia Christianæ factionis, ut qui mala refutaverim, bona ostendam. Corpus sumus de conscientia religionis & disciplinæ civilitate & spei fœdere. Coimus in cœtum & congregationem, ut ad deum quasi manu facta, precationibus ambiamus. Hæc vis deo grata est. Oramus etiam pro imperatoribus, pro ministeriis eorum, ac potestatibus seculi, pro rerum quiete, pro morum sanis. Cogimur ad litterarum divinarum commemorationem, si quid præsentium temporum qualitas aut

præmonere cogit, aut recognoscere. Certe fidem sanctis vocibus pascimus, spem erigimus, fiduciam figimus, disciplinam præceptorum nihilominus inculcationibus densamus. ibidem etiam exhortationes, castigationes, & censura divina. nam & judicatur magno cum pondere, ut apud certos de dei conspectu: summumque futuri judicii præjudicium est, si quis ita deliquerit, ut a communicatione orationis & conventus & omnis sancti commercii relegatur. Præsident probati quique seniores, honorem istum non pretio, sed testimonio adepti. neque enim pretio ulla res dei constat. etiam si quod arcæ genus est, non de honoraria summa, quasi redemptæ religionis congregatur: modicam unusquisque stipem menstrua die, vel quum velit, & si modo velit & si modo possit, appomit: nam nemo compellitur, sed sponte confert. Hæc quasi deposita pietatis sunt, nam inde non epulis, nec potaculis, nec ingratis voratrinis dispensatur, sed egenis alendis humanisque, & pueris ac puellis re ac parentibus destitutis, jamque domesticis senibus, item naufragis, & si qui in metallis, & si qui in insulis, vel in custodiis, duntaxat ex causa dei sectæ, alumni confessionis suæ fiunt. Sed ejusmodi vel maxime dilectionis operatio notam nobis inurit penes quosdam. Vide, inquit, ut invicem se diligant. ipsi enim invicem oderunt. & ut pro alterutro mori sint parati. ipsi enim ad occidendum alterutrum paratiores. Sed & quod fratrum appellatione censemur, non alias, opinor, insaniant, quam quod apud ipsos omne sanguinis nomen de affectatione simulatum est. Fratres autem etiam vestri sumus, jure naturæ matris unius, etsi vos parum homines, quia mali fratres. At quanto dignius fratres & dicuntur & habentur, qui unum patrem deum agnoverunt, qui unum spiritum biberunt sanctitatis, qui de uno utero ignorantia ejusdem ad unam lucem expaverunt veritatis. Sed eo fortassis  
 minus

minus legitimi existimamur, quia nulla de nostra fraternitate tragœdia exclamat, vel quia ex substantia familiari fratres sumus, quæ penes vos fere dirimit fraternitatem. Itaque quia animo animaque miscemur, nihil de rei communicatione dubitamus. omnia indiscreta sunt apud nos, præter uxores: in isto loco consortium solvimus, in quo solo ceteri homines consortium exercent. qui non amicorum solummodo matrimonia usurpant, sed & sua amicis patientissime subministrant, ex illa (credo) majorum & sapientissimorum disciplina Græci Socratis & Romani Catonis, qui vxores suas amicis communicaverunt, quas in matrimonium duxerant liberorum causa, & alibi creandorum, nescio quidem an invitas: quid enim de castitate curarent, quam mariti tam facile donaverant? O sapientiæ Atticæ, o Romanæ gravitatis exemplum! Leno est philosophus & censor. quid ergo mirum si tanta charitas convivatur? Nam & cœnulas nostras præterquam sceleris infames, ut prodigas quoque suggillatis. de nobis scilicet Diogenis dictum est, Megarenses obsonant, quasi crastina die morituri, ædificant vero quasi nunquam morituri. Sed stipulam quis in alieno oculo facilius perspicit, quam in suo trabem. Tot tribubus, & curiis, & decuriis ructantibus acescit aër. Saliis cœnaturis creditor erit necessarius. Herculanarum decimarum & polluctorum sumtus tabularii supputabunt: Apaturiis, Dionysiis, mysteriis Atticis, coquorum delectus indicentur. Ad fumum cœnæ Serapiacæ sparteoli excitabuntur. De solo triclinio Christianorum retractatur. Cœna nostra de nomine rationem sui ostendit. Id vocatur quod dilectio penes Græcos est. Quantiscunque sumptibus constet, lucrum est pietatis nomine facere sumptum. siquidem inopes quoque refrigerio isto juvamus, non qua penes vos parasiti affectant, ad gloriam famulandæ libertatis sub auctoramento ventris

inter contumelias saginandi, sed qua penes deum major est contemplatio mediocrium. Si honesta causa est convivii, reliquum ordinem disciplinæ æstimate, qui sit, de religionis officio. nihil vilitatis, nihil immodestiæ admittit, non prius discumbitur quam oratio ad deum prægustetur. editur quantum esurientes capiunt: bibitur quantum pudicis est utile. ita saturantur, ut qui meminerint etiam per noctem adorandum deum sibi esse: ita fabulantur, ut qui sciant dominum audire. Post aquam manualet & lumina ut quisque de scripturis sanctis, vel de proprio ingenio potest, provocatur in medium deo canere: hinc probatur quomodo biberit. Aequè oratio convivium dirimit: inde disceditur non in catervas cætionum, neque in classes discursationum, nec in eruptiones lasciviarum, sed ad eandem curam modestiæ & pudicitæ, ut qui non tam cœnam cœnaverint, quam disciplinam. Hæc coitio Christianorum merito sane illicita, si illicitis par: merito damnanda, si non dissimilis damnandis, si quis de ea queritur eo titulo, quo de factionibus querela est. In cujus perniciem aliquando convenimus? Hoc sumus congregati, quod & dispersi, hoc universi, quod & singuli: neminem lædentes, neminem contristantes. Quum probi, quum boni coeunt, quum pii, quum casti congregantur non est factio dicenda, sed curia.

40. At e contrario illis nomen factionis accommodandum est: qui in odium bonorum & proborum conspirant, qui adversum sanguinem innocentium clamant, prætexentes sane ad odii defensionem, illam quoque vanitatem, quod existiment omnis publicæ cladis, omnis popularis incommodi Christianos esse causam. Si Tiberis ascendit in mœnia, si Nilus non ascendit in arva, si cælum stetit, si terra movit, si fames, si lues, statim Christianos ad leonem. Tantos ad unum? Oro vos, ante Tiberium, id est ante Christi

Christi adventum, quantæ clades orbem & urbem ceciderunt? Legimus Hieran Anaphen, & Delon, & Rhodon. & Con insulas multis cum millibus hominum pessum abiisse. Memorat & Plato majorem Asiæ & Africæ terram Atlantico mari ereptam. Sed & mare Corinthium terræ motus ebibit: & vis undarum Lucaniam Italiæ abscisam in Siciliæ nomen relegavit. Hæc utique non sine injuria incolentium accidere potuerunt. Ubi vero tunc non dicam decorum vestrorum contemptores Christiani, sed ipsi dii vestri, cum totum orbem cataclysmus abolevit? vel ut Plato putavit, campestre solummodo? Posteriores enim illos clade diluvii contestantur ipsæ urbes in quibus nati mortuique sunt, etiam quas condiderunt. Neque enim alias in hodiernum manerent, nisi & ipsæ postumæ cladis illius. Nondum Judæum ab Aegypto examen Palæstina susceperat, nec jam illic Christianæ sectæ origo confederat, quum regiones ac fines ejus Sodomæ & Gomorræ igneus imber exussit. Olet adhuc incendio terra, & si qua illic arborum poma conantur, oculis tenus, ceterum contacta cinerescunt. Sed nec Tuscia atque Campania de Christianis querebatur, quum Volfinios de cælo, Tarpejos de suo monte perfudit ignis. Nemo adhuc Romæ deum verum adorabat, cum Annibal apud Cannas Romanos annulos, cædes suas, modio metiebatur. Omnes dii vestri ab omnibus colebantur, cum ipsum Capitolium Senones occupaverunt. Et bene quod si quid adversi accidit urbibus, eadem clades templorum quæ & mœnium fuerunt: ut jam hoc revincam, non a deis evenire, quia & ipsis evenit. Semper humana gens male de deo meruit. primo quidem ut inofficiosa ejus, quem cum intelligeret ex parte, non solum non requisivit timendum, sed & alios sibi citius commenta est quos coleret: dehinc quod non inquirendo innocentiam magistrum, & nocentiam judicem &

exactorem, omnibus vitiis & criminibus inolevit. **C**eterum si requisisset, sequeretur, ut cognosceret & recognosceret requisitum, & recognitum observaret, & observatum magis propitium experiretur quam iratum. Eundem ergo nunc quoque scire debet iratum, quem & retro semper priusquam Christiani nominarentur. Cujus bonis utebatur ante editis, quam deos sibi fingeret: cur non ab eo etiam mala intelligat evenire, cuius bona esse non sensit? Illius rea est, cuius & ingrata. Et tamen si pristinas clades compareremus, leviora nunc accidunt, ex quo Christianos a deo orbis accepit. Ex eo enim & innocentia seculi iniquitates temperavit, & deprecatores dei esse coeperunt. Denique cum ab imbribus æstiva hyberna suspendunt, & annus in cura est, vos quidem, quotidie pasti statimque pransuri, balneis & cauponis & lupanaribus operati, Aquilicia Jovi immolatis, nudipedalia populo denunciatis, cælum apud Capitolium quæritis, nubila de laquearibus expectatis, aversi ab ipso & deo & cælo. Nos vero jejuniis aridi, & omni continentia expressi, ab omni vitæ fruge dilati, in sacco & cinere volutantes, invidia cælum tundimus, deum tangimus, & cum misericordiam extorserimus, Jupiter honoratur a vobis, Deus negligitur.

41. Vos igitur importuni rebus humanis, vos rei publicorum incommodorum, vos malorum illices semper, apud quos deus spernitur, statux adorantur. Utique enim credibilius haberi debet eum irasci qui negligatur, quam qui coluntur. aut næ illi iniquissimi, si propter Christianos, etiam cultores suos lædunt, quos separare deberent a meritis Christianorum. Hoc, inquit, & in deum vestrum repercutere est, qui & ipse patitur propter profanos etiam cultores suos lædi. Admittite prius dispositiones ejus, & non retorquebitis. qui enim semel æternum iudicium destinavit post seculi finem, non præcipitat discretionem, quæ est condi-

conditio iudicii, ante seculi finem. Aequalis est interim super omne hominum genus, & indulgens, & increpans. communia voluit esse & commoda profanis, & incommoda suis, ut pari consortio omnes & lenitatem ejus & severitatem experiremur. quia hæc ita didicimus apud ipsum, diligimus lenitatem, metui-  
mus severitatem, vos contra utramque despicitis: & sequitur ut omnes seculi plagæ nobis, si forte, in admonitionem, vobis in castigationem a Deo obve-  
niant. Atquin nos nullo modo lædimur: in primis quia nihil nostra refert in hoc ævo, nisi de eo quam celeriter excedere: dehinc, quia si quid adversi infligitur, vestris id meritis deputatur. sed & si aliqua nos quoque perstringunt ut vobis cohærentes, læta-  
mur magis recognitione divinarum prædicationum, confirmantium scilicet fiduciam & fidem spei nostræ. Si vero ab eis quos colitis, omnia vobis mala eveniunt nostri causa, quid colere perseveratis tam in-  
gratos, tam injustos? qui magis vos in dolore Christianorum juvare & asserere debuerant.

42. Sed alio quoque injuriarum titulo postulamus; & infructuosi in negotiis dicimur. quo pacto homines vobiscum degentes, ejusdem victus, habitus, instru-  
ctus, ejusdem ad vitam necessitatis? neque enim Brach-  
manæ, aut Indorum gymnosophistæ sumus, sylvi-  
colæ & exules vitæ. Meminimus gratiam nos debere Deo domino creatori, nullum fructum operum ejus repudiamus. plane temperamus, ne ultra modum aut perperam utamur. Itaque non sine foro, non sine macello, non sine balneis, tabernis, officinis, sta-  
bulis, nundinis vestris, cæterisque commerciis co-  
habitamus in hoc seculo, navigamus & nos vobiscum & militamus, & rusticamur, & mercamur, proinde miscemus artes, opera nostra publicamus vsui vestro. Quomodo infructuosi videamur negotiis vestris, cum quibus, & de quibus vivimus, non scio. Sed si ce-  
rimo-

rimonias tuas non frequento, attamen & illa die homo sum. non lavo sub noctem Saturnalibus, ne & noctem & diem perdam: attamen lavo & debita hora & salubri, quæ mihi & calorem & sanguinem servet. rigere & pallere post lavacrum mortuus possum. Non in publico Liberalibus discumbo, quod bestiariis suprema cœnantibus mos est: attamen ubi ubi de copiis tuis cœno. non emo capiti coronam. quid tua interest, emptis nihilo minus floribus quomodo utar? puto gratus esse liberis, & solutis, & undique vagis. Sed & si in coronam coactis, nos coronam naribus novimus, viderint qui per capillum odorantur. Spectaculis non convenimus: quæ tamen apud illos cœtus venditantur, si desideravero, libentius de propriis locis sumamur. Thura plane non emimus. Si Arabiæ queruntur, scient Sabæi pluris & carioris suas merces Christianis sepeliendis profligari, quam diis fumigandis. Certe, inquitis, templorum vectigalia quotidie decoquunt, stipēs quotusquisque jam jactat. non enim sufficimus & hominibus & Deis vestris mendicantibus opem ferre, nec putamus aliis quam peccantibus impertiendum. Denique porrigat manum Jupiter, & accipiat, cum interim plus nostra misericordia infumit viciatim, quam vestra religio templatim. Sed cætera vectigalia gratias Christianis agent ex fide dependentibus debitum, qua alieno fraudando abstinemus: ut si ineatur quantum vectigalibus pereat fraude & mendacio vestrarum professionum, facile ratio haberi possit, unius speciei querela compensata pro commodo cæterarum rationum.

43. Plane confitebor, quinam, si forte, vere de sterilitate Christianorum conqueri possunt primi erunt lenones, perductores, aquarioli, tum sicarii, venenarii, magi: item arioli, aruspices, mathematici. his infructuosos esse, magnus fructus est: & tamen quodcunque dispendium est rei vestræ per hanc sectam cum aliquo



**aliquo** utique præsidio compensari potest. quantos habetis, non dico qui jam de vobis dæmonia excutiant, non dico jam qui pro vobis quoque vero deo preces sternant, quia forte non creditis, sed a quibus nihil timere possitis.

44. At enim illud detrimentum Reipublicæ tam grande quam verum nemo circumspicit, illam injuriam civitatis nullus expendit, quum tot justi impendimur, quum tot innocentes erogamur. Vestros enim jam contestamur actus, qui quotidie judicandis custodiis præsidetis, qui sententiis elogia dispungitis: tot a vobis nocentes variis criminum elogiis recensentur, quis illic sicarius? quis manticularius? quis sacrilegus, aut corruptor, aut lavantium prædo, idem etiam Christianus adscribitur? aut cum Christiani suo titulo offeruntur, quis ex illis etiam talis, quales tot nocentes. de vestris semper æstuat carcer, de vestris semper metalla suspirant, de vestris semper bestię saginantur, de vestris semper munerarii noxiorum greges pascunt. nemo illic Christianus, nisi hoc tantum, aut si & aliud, jam non Christianus.

45. Nos ergo soli innocentes. Quid mirum si necesse est? Enimvero necesse est. Innocentiam a deo edocti, & perfecte eam novimus, ut a perfecto magistro revelatam, & fideliter custodimus, ut ab in contemptibili dispectore mandatam. vobis autem humana æstimatio innocentiam tradidit, humana item dominatio imperavit, inde nec plenæ, nec adeo timendæ estis disciplinæ ad innocentie veritatem. Quanta est prudentia hominis ad demonstrandum quid vere bonum, quanta auctoritas ad exigendum? tam illa falli facilis, quam ista contemni. Atque adeo quid plenius dictum est non occides? an vero ne irascaris quidem? Quid perfectius, prohibere adulterium, an etiam ab oculorum solitaria concupiscentia arcere? Quid eruditius de maleficio, an & de mali-

maliloquio interdiceret? Quid instructius, injuriam non permittere, an nec vicem injuriæ sinere? dum tamen sciatis ipsas quoque leges vestras quæ videntur ad innocentiam pergere de divina lege ut antiquiore formam mutuatas. Diximus jam de Moïsi ætate. Sed quanta auctoritas legum humanarum? quum illas & evadere homini contingat, & plerumque in admis-  
sis delitescenti, & aliquando contemnere ex involun-  
tate vel necessitate delinquenti, recogitata etiam pro  
brevitate supplicii cujuslibet, non tamen ultra mor-  
tem remansuri? Sic & Epicurus omnem cruciatum  
doloremque depretiat, modicum quidem contempti-  
bilem pronunciando, magnum vero non diuturnum.  
Enim vero nos qui sub deo omnium speculatore dis-  
pungimur, quique æternam ab eo pœnam provide-  
mus, merito soli innocentiae occurrimus, & pro scien-  
tiæ plenitudine, & pro latebrarum difficultate, & pro  
magnitudine cruciatus non diuturni, verum sempiter-  
ni, eum timentes quem timere debebit & ipse, qui  
timentes judicat, deum non proconsulem timentes.

46. Constitimus, ut opinor, adversus omnium cri-  
minum intimationem, quæ Christianorum sanguinem  
flagitat. Ostendimus totum statum nostrum, & quibus  
modis probare possimus ita esse sicut ostendimus, ex  
fide scilicet & antiquitate divinarum litterarum. item ex  
confessione spiritualium potestatum. Quis nos revin-  
cere audebit non arte verborum, sed eadem forma qua  
probationem constituimus de veritate, debet remitti.  
Sed dum unicuique manifestatur veritas nostra, in-  
terim incredulitas dum de bono sectæ hujus obducitur  
(quod usui jam & de commercio innotuit) non utique  
divinum negotium existimat, sed magis philosophiæ ge-  
nus: eadem, inquit, & philosophi monent & profiten-  
tur, innocentiam, justitiam, patientiam, sobrietatem,  
pudicitiam. Cur ergo quibus comparatur de disciplina,  
proinde illis non adequamur ad licentiam impunitatem-  
que

que disciplinæ: vel cur & illi ut pares nostri non urgentur ad officia, quæ nos non obeuntes periclitamur? quis enim philosophum sacrificare, aut dejerare, aut lucernas meridie vanas prostituere compellit? Quinimmo & deos vestros palam destruunt, & superstitiones vestras commentariis quoque accusant, laudantibus vobis. Plerique etiam in principes latrant sustinentibus vobis. Et facilius statuis & salariis remunerantur, quam ad bestias pronuntiantur. Sed merito philosophi enim non Christiani cognominantur. Nomen hoc Philosophorum dæmonia non fugat. quidni? quum secundum deos philosophi dæmonas deputent. Socratis vox est, Si dæmonium permittat. Idem & quum aliquid de veritate sapiebat, deos negans, Aesculapio tamen gallinaceum profecari jam in fine jubebat. Credo ob honorem patris ejus, quia Socratem Apollo sapientissimum omnium cecinit. O Apollinem inconsideratum: sapientiæ testimonium reddidit ei viro, qui negabat deos esse. In quantum odium flagrat veritas, in tantum qui eam ex fide præstat, offendit. Qui autem adulterat & affectat, hoc maxime nomine gratiam pangit apud insectatores veritatis, qua & illufores & contemtores. Mimice philosophi affectant veritatem, & affectando corrumpunt, ut qui gloriam captant. Christiani eam necessario appetunt, & integre præstant, ut qui salutis suæ curant, adeo neque de scientia, neque de disciplina, ut putatis, æquamur. Quid enim Thales ille princeps physicorum sciscitanti Cræso de divinitate certum renunciavit, commeatus deliberandi sæpe frustratus? Deum quilibet opifex Christianus & invenit, & ostendit, & exinde totum quod a Deo quæritur, re quoque assignat: licet Plato affirmet factitatore universitatis, neque inveniri facilem, & inventum enarrari in omnes difficilem. Cæterum si de pudicitia provocemus, lego partem sententiæ Atticæ in Socratem: corruptor adolescen-

lescentium pronuntiatur. Sexum nec femineum mutat Christianus. Novi & Phrynen meretricem Diogenis supra recubantis ardori subantem. Audio & quendam Speusippum de Platonis schola in adulterio periisse. Christianus uxori suæ soli masculus nascitur. Democritus excæcando semetipsum, quod mulieres sine concupiscentia aspicere non posset, & doleret, si non esset potitus, incontinentiam emendatione proficitur. At Christianus salvis oculis feminam videt, animo adversus libidinem cæcus est. Si de probitate defendam, ecce lutulentis pedibus Diogenes superbos Platonis toros alia superbia deculcat: Christianus nec in pauperem superbit. Si de modestia certem, ecce Pythagoras apud Thurios, Zeno apud Prienenfes tyrannidem affectant: Christianus vero nec ædilitatem. Si de animi æquitate congrediar, Lycurgus apocartefin optavit; quod leges ejus Lacones emendassent: Christianus etiam damnatus gratias agit. Si de fide comparem, Anaxagoras depositum hostibus denegavit: Christianus etiam extra fidelis vocatur. Si de simplicitate consistam, Aristoteles familiarem suum Hermiam turpiter loco excedere fecit: Christianus nec inimicum suum lædit. Idem Aristoteles tam turpiter Alexandro regendo potius adulatur, quam Plato Dionysio ventris gratia venditur. Aristippus in purpura sub magna gravitatis superficie nepotatur. & Hippias dum civitati insidias disponit, occiditur. hoc pro suis omni atrocitate dissipatis nemo unquam Christianus tentavit. Sed dicet aliquis, etiam de nostris excedere quosdam a regula disciplinæ, desinunt tum Christiani haberi penes nos, philosophi vero illi cum talibus factis in nomine & in honore sapientiæ apud vos perseverant. Quid adeo simile philosophus & Christianus, Græciæ discipulus & cæli, famæ negociator & vitæ? verborum & factorum operator? & rerum

rerum ædificator & destructor? interpolator erroris, & integrator. veritatis, furator ejus & custos.

47. Antiquior omnibus ni fallor? Adhuc enim mihi proficit antiquitas præstructa divinæ litteraturæ, quo facile credatur thesaurum eam fuisse posteriori cuique sapientiæ. Et si non onus jam voluminis temperarem, etiam excurrerem in hanc quoque probationem. Quis poëtarum, quis sophistarum, qui non de prophetarum fonte potaverit? inde igitur philosophi sitim ingenii sui rigaverunt. nam quia quædam de nostris habent, ea propter nos comparant illis. inde opinor & a quibusdam philosophia legibus quoque ejecta est, a Thebanis dico, a Spartiatis, & Argivis, dum ad nostra conantur, & homines gloriæ (ut diximus) & eloquentiæ solius libidinosi, si quid in sanctis offenderunt digestis, exinde regestum, pro instituto curiositatis ad propria verterunt, neque satis credentes divina esse, quo minus interpolarent, neque satis intelligentes, ut adhuc tunc subnubila, etiam ipsis Judæis obumbrata quorum propria videbantur. Nam & si qua simplicitas erat veritatis, eo magis scrupulositas humana fidem aspernata nutabat, per quod incertum miscuerunt etiam quod invenerant certum. Inventum enim solummodo Deum non ut invenerant, disputaverunt, ut de qualitate & de natura ejus & de sede disceptent. Alii incorporalem asseverant, alii corporalem qua Platonici qua & Stoici: alii ex atomis, alii ex numeris, qua Epicurus & Pythagoras, alii ex igne, qua Heraclito visum est. Et Platonici quidem curantem rerum: contra Epicurei otiosum & inexercitum, & ut ita dixerim, neminem humanis rebus; positum vero extra mundum Stoici, qui figuli modo extrinsecus torqueat molem hanc; intra mundum Platonici, qui gubernatoris exemplo intra illud maneat, quod regat. Sic & de ipso mundo natus innatusve sit, decessurus mansurusve sit, variant. Sic & de

animæ statu, quam alii divinam & æternam, alii dissolubilem contendunt, ut quis sensit, ita & intulit aut reformavit. Nec mirum si vetus instrumentum ingenia philosophorum interverterunt. Ex horum semine & nostram hanc novitiolam paraturam viri quidam suis opinionibus ad philosophicas sententias adulteraverunt, & de una via obliquos multos tramites & inextricabiles sciderunt. Quod ideo fuggessem, ne cui nota varietas sectæ hujus, in hoc quoque nos philosophis adæquare videatur, & ex varietate defensionum judicet veritatem. Expedite autem præscribimus adulteris nostris, illam esse regulam veritatis, quæ veniat a Christo, transmissa per comites ipsius, quibus aliquanto posteriores diversi isti commentatores probabuntur. Omnia adversus veritatem de ipsa veritate constructa sunt, operantibus æmulationem istam spiritibus erroris. Ab iis adulteria hujusmodi salutaris disciplinæ subornata, ab his quædam etiam fabulæ immissæ, quæ de similitudine fidem infirmarent veritatis, vel eam sibi potius evincerent: ut quis. ideo non putet Christianis credendum, quia nec poëtis, nec philosophis; vel ideo magis poëtis & philosophis existimet credendum, quia non Christianis. Itaque & ridemur Deum prædicantes judicaturum. Sic enim & poëtæ & philosophi tribunal apud inferos ponunt. Si gehennam comminemur, quæ est ignis arcani subterraneus ad pœnam thesaurus, proinde decachinnamur. Sic enim & Pyriphlegethon apud mortuos annis est. Et si paradisum nominemus, locum divinæ amœnitatis recipiendis sanctorum spiritibus destinatum, maceria quadam igneæ illius zonæ a notitia orbis communis segregatum, Elysii campi fidem occupaverunt. Unde hæc, oro vos, philosophis aut poëtis tam consimilia? non nisi de nostris sacramentis. si de nostris sacramentis, ut de prioribus, ergo fideliora sunt nostra, magisque credenda, quorum  
imagi-

imagines quoque fidem inveniunt. Si de suis sensibus, ergo sacramenta nostra imagines posteriorum habebuntur, quod rerum forma non sustinet. nunquam enim corpus umbra, aut veritatem imago præcedit.

48. Age jam si qui philosophus affirmet, ut ait Aberius, de sententia Pythagoræ, hominem fieri ex solo, colubram ex muliere, & in eam opinionem omnia argumenta eloquii virtute distorserit, nonne consensum movebit, & fidem infiget etiam ab animabus abstinendi? proptereaque persuasum quis hoc habeat, ne forte bubulam de aliquo proavo suo obmet. At enim Christianus si de hominē hominem, sumque de Cajo Cajum reducem repromittat, illic etiam queritur. lapidibus magis, nec saltem cæstibus populo exigetur? Quasi non quæcunque ratio præest limarum humanarum in corpora reciprocandarum, ea exigat illas in eadem corpora revocari: quia hoc revocari, esse quod fuerant. Nam si non id sunt quod fuerant, id est, humanum & id ipsum corpus intactæ, jam non ipsæ erunt, quæ fuerant. Porro quæ non erunt ipsæ, quomodo redisse dicentur? Aut quid factæ non erunt ipsæ aut manentes ipsæ non erunt aliunde. Multis etiam jocis ex otio opus erit, velimus ad hanc partem lascivire. Quis in quam vitam reformari videretur. Sed de nostra magis de ratione, qui proponimus, multo utique dignius crederetur, hominem ex homine rediturum, quemlibet pro solibet, dum hominem, ut eadem qualitas animæ eandem restauretur conditionem, etsi non effigiem, certe quia ratio restitutionis destinatio judicii est, ne Mario idem ipse qui fuerat exhibebitur, ut boni seu peccatorum meriti judicium a deo referat. Ideoque repræsentabuntur & corpora, quia neque pati quicquam potest anima sola sine stabili materia, id est carne: & sed omnino de judicio Dei pati debent animæ, non sine carne meruerunt, intra quam omnia egerunt.

Sed quomodo, inquis, dissoluta materia exhiberi potest? Considera temetipsum o homo, & fidem rei invenies. Recogita quid fueris, antequam esses, utique nihil: meminisses enim si quid fuisses. Qui ergo nihil fueras priusquam esses, idem nihil factus quum esse desieris: cur non possis esse rursus de nihilo ejusdem ipsius auctoris voluntate, qui te voluit esse de nihilo? Quid novi tibi eveniet? qui non eras, factus es: quum iterum non eris, fies. Redde si potes rationem qua factus es, & tunc require qua fies. Et tamen facilius utique fies, quod fuisti aliquando, quia æque non difficile factus es quod nunquam fuisti aliquando. Dubitabitur credo de dei viribus, qui tantum corpus hoc mundi de eo quod non fuerat, non minus quam de morte vacationis & inanitatis composuit animatum spiritu omnium animarum animatore, signatum & per ipsum humanæ resurrectionis exemplum in testimonium vobis. Lux quotidie interfecta respundet, & tenebræ pari vice decedendo succedunt, sidera defuncta reviviscunt, tempora ubi finiuntur, incipiunt, fructus consumuntur & redeunt; certe semina non nisi corrupta & dissoluta fecundius surgunt, omnia pereundo servantur, omnia de interitu reformantur. Tu homo tantum nomen, si intelligas te, vel de titulo Pythiæ discens, dominus omnium morientium & resurgentium, ad hoc morieris, ut per eas? Ubicunque resolutus fueris, quæcunque te materia destruxerit, hauserit, aboleverit, in nihilum prodegerit, reddet te. Ejus est nihilum ipsum, cujus & totum. Ergo, inquit, semper moriendum erit, & semper resurgendum. Si ita rerum dominus destinasset, ingratis experireris conditionis tuæ legem. At nunc non aliter destinavit, quam prædicavit. Quæ ratio universitatem ex diversitate composuit, ut omnia ex æmulis substantiis sub unitate constarent ex vacuo & solido, ex animali & inanimati, ex com-

prehen-



prehensibili & incomprehensibili, ex luce & tenebris, ex ipsa vita & morte: eadem ævum quoque ita destinata ac distincta conditione conferuit, ut prima hæc pars ab exordio rerum quam incolimus, temporali ætate ad finem defluat: sequens vero quam expectamus, in infinitam æternitatem propagetur. Quum ergo finis & limes medius, qui interhiat, adfuerit, ut etiam mundi ipsius species transferatur æque temporalis, quæ illi dispositioni æternitatis aulæi vice operans est: tunc restituetur omne humanum genus ad expungendum, quod in isto ævo boni seu mali meruit; & exiri dependendum in immensam æternitatis perpetuitatem. Ideoque nec mors jam, nec rursus ac rursus resurrectio, sed erimus iidem qui nunc, nec alii post: Dei quidem cultores apud Deum semper, superinduti substantia propria æternitatis: profani vero & qui non integre ad Deum, in pœna æque jugis ignis, habentis ex ipsa natura ejus, divina scilicet, subministrationem incorruptibilitatis. Noverunt & philosophi diversitatem arcani, & publici ignis: ita longe alius est qui usui humano, alius qui judicio Dei apparet, sive de cælo fulmina stringens, sive de terra per vertices montium eructans. Non enim absumit, quod exurit, sed dum erogat, reparat: adeo manent montes semper ardentes, & qui de cælo tangitur, salvus est, ut nullo jam igni decinerescat. & hoc erit testimonium ignis æterni, hoc exemplum jugis judicii, pœnam nutrientis. Montes uruntur & durant. Quid nocentes & Dei hostes?

49. Hæ sunt, quæ in nobis solis præsumptiones vocantur, in philosophis & poëtis summæ scientiæ, & insignia ingenia. Illi prudentes, nos inepti. Illi honorandi, nos irridendi, immo eo amplius & puniendi. Falsæ nunc sint quæ tuemur, & merito præsumptiones, attamen necessaria: inepta, attamen utilia: siquidem meliores fieri coguntur, qui eis credunt

pro patria, pro agro, pro imperio, pro amicitia pati permissum est, quantum pro Deo non licet. & tamen illis omnibus & statuas defunditis, & imagines inscribitis, & titulos inciditis in æternitatem, quantum de monumentis potestis scilicet, præstatis & ipsi quodammodo mortuis resurrectionem. hanc qui veram a Deo sperat, si pro Deo patiatur, insanus est. Sed hoc agite boni præsides, meliores multo apud populum, si illis Christianos immolaveritis. Cruciate, torquete, dammate, atterite nos. probatio est enim innocentiae nostræ iniquitas vestra. Ideo nos hæc pati deus patitur. nam & proxime ad leonem damnando Christianum potius quam ad leonem, confessi estis labem pudicitiae apud nos atrociorē omni pœna & omni morte reputari, nec quicquam tamen proficit exquisitior quæque crudelitas vestra, illecebra est magis sectæ. plures efficimur quoties metimur a vobis, semen est sanguis Christianorum. Multi apud vos ad tolerantiam doloris & mortis hortantur, ut Cicero in Tusculanis, ut Seneca in Fortuitis, ut Diogenes, ut Pyrrhon, ut Callinicus. Nec tamen tantos inveniunt verba discipulos, quantos Christiani factis docendo. Illa ipsa obstinatio, quam exprobratis, magistra est. Quis enim non contemplatione ejus concutitur, ad requirendum, quid intus in re sit? Quis non ubi requisivit, accedit? ubi accessit, pati exoptat? ut totam dei gratiam redimat, ut omnem veniam ab eo compensatione sanguinis sui expediat? omnia enim huic operi delicta donantur. Inde est quod ibidem sententiis vestris gratias agimus, ut est æmulatio divinæ rei & humanæ, cum damnamur a vobis, a Deo absolvimur.

---



Q. SEPTIMII FLORENTIS  
TERTULLIANUS

A D

N A T I O N E S,  
LIBER PRIMUS.

I.

**T**estimonium ignorantiae vestrae, quae iniquitatem dum defendit, revincit, in promptu est, quod omnes qui vobiscum retro ignorabant, & vobiscum oderant, simul eis contigit scire, desinunt odisse qui desinunt ignorare: immo fiunt & ipsi quod oderant, & incipiunt odisse quod fuerant. Adeo quotidie adolescentem numerum Christianorum ingemitis. Obsessam vociferamini civitatem; in agris, in castellis, in insulis Christianos; omnem sexum, omnem aetatem, omnem denique dignitatem transgredi a vobis, quasi detrimento, doletis: nec tamen hoc ipso ad aestimationem alicujus latentis boni animos promovetis. non licet rectius suspicari, non libet propius experiri. hic tantum curiositas humana torpescit. Amatis ignorare, quod alii gaudeant invenisse. mavultis nescire, quia iam odistis, quasi certe non odituros vos sciatis. Atquin, si nullum erit odii; reperietur optimum utique ab injustitia priora discedere: sin vero causa constiterit, nihil odio detrahetur: quod adeo amplius justitiae scientia cumulabitur. nisi si emendari pudet, aut excusari piget. Scio plane, qua responsione soletis redundantiae nostrae testimonium convenire: non utique eo bonum praedjudicari, quia plerosque con-

vertat, & sibi rapiat, inquitis. novi demutationem mentis in malas partes. quot desertores bonæ vitæ? quot transfugæ in perverſum? Multi bona fide, immo jam plures pro exēmitatibus temporum. Verum, deficit æquatio comparationis iſtius. nam de malo ita conſtat apud omnes, ut ne ipſi quidem rei qui ad malum tranſeunt, & a vobis in perverſa diverſunt, defendere malum pro bono audeant. turpia timori: pudori impia habent: denique geſtiunt latere: devitant apparere, trepidant deprehenſi, negant accuſati: ne torti quidem facile aut ſemper conſitentur, certe damnati mœrent: exprobrant etenim quod erant in ſemetipſos: malæ mentis ab innocentia tranſitum vel fato imputant: adeo nolunt ſuum eſſe, quia malum negare non poſſunt. Chriſtiani vero quid tale conſequuntur? neminem pudet, neminem pœnitet, niſi tantum priſtinorum. ſi denotatur, gloriatur: ſi trahitur, non ſubſiſtit: ſi accuſatur, non defendit. interrogatus, conſitetur: damnatus, gloriatur. Quod hoc malum eſt, in quo mali natura ceſſat?

2. In quo ipſi etiam contra formam judicandorum malorum judicatis. Nam, nocentes quidem perductos, ſi admiſſum negent, tormentis urgetis ad confeſſionem, Chriſtianos vero ſponte confeſſos, tormentis comprimitis ad negationem. Quæ tanta perverſitas, ut confeſſioni repugnetis, tormentorum officia mutetis, gratis reum evadere, invitum compellentes negare? Præſides extorquendæ veritatis de ſollis nobis mendacium exquiritis, ut dicamus nos non eſſe quod ſumus. Opinor, non vultis nos malos eſſe, ideoque geſtitis de iſto nomine excludere! Sane ceteros ad hoc tenditis & carnificatis, ut negent eſſe quod eſſe dicuntur! Atquin illis negantibus non creditis: nobis ſi negaverimus, ſtatim creditis. Si certi eſtis nos nocentiſſimos eſſe, cur etiam in hoc aliter quam nocentes a vobis agimur? Non dico, quod neque

que accusationi, neque recusationi spatium commo-  
detis: soletis & inaccusatos & indefensos non temere  
damnare: sed verbi gratia, si de homicida confutatur,  
non statim confessio eo nomen homicidæ disjuncta  
caussa est aut satiata cognitio. quanquam confessis dif-  
ficile creditis: verum insuper consequentia exigitis;  
quotiens cædem egerit, quibus in locis, quibus spo-  
liis, fociis, receptoribus, ne quid omnino mali ho-  
minis delitescat, aut desit aliquid instruendæ ad sen-  
tentiam veritati. Porro de nobis, quos atrocioribus  
ac pluribus criminibus deputatis, breviora ac leviora  
elogia conficitis. Credo, non vultis oneratos, quos  
omni opere perditos vultis; aut non putatis requi-  
renda quæ nostis. Hoc ergo perversius, si cogitis  
negare, de quibus certissime scitis. Imo, quod ma-  
gis odio vestro competebat, seposita forma judicandi,  
proprio studio non ad negationem certare, ne quos  
odistis liberaretis, sed ad confessionem singulorum sce-  
lerum, quo magis inimicitia satiantur exaggeratio-  
ne posnarum, dum recognoscitur, quot quisque jam  
convivia illa celebrasset, quotiens in tenebris incur-  
sasset incesta. Quid? quod eradicandi generis dif-  
fundendæ erat requisitio, porrigenda quæstio in so-  
cios consciosque. Perducerentur infantarii & coqui  
& ipsi canes promubi, emendata res esset. Etiam  
spectaculis gratia adgregaretur: quanto enim studio in  
caveam conveniretur, depugnaturus aliquo, qui cen-  
tum infantes devorasset? Sed enim, tam horrenda  
tamque monstruosa de nobis deferuntur, utique erui  
debuerunt, ne incredibilia viderentur, & odium in nos  
publicum refrigeret. nam & plerique fidem talium  
temperant, horrentes naturam quærere pabulum feri-  
num, quam concubitus ab humano genere præcludit.

3. Vos igitur, alias diligentissimi, ac pertinacis-  
simi discussores scelerum longe minorum, cum tali-  
bus tam horrendis & omnem impietatem supergressis  
eam

eam diligentiam deferatis, neque confessionem recipiendo judicantibus semper laborandam, neque exquisiptionem digerendo damnatoribus semper consulendam, jam apparet, omne in nos crimen non aliqujus sceleris sed nominis dirigi. Adeo, si de criminum veritate constaret; ipsa criminum nomina damnatis accommodarent, ut ita pronuntiaretur in nos, illum homicidam, vel incestum, vel quodcunque jactamur, duci, suffigi, ad bestias dari placet. Porro, sententiæ vestræ nihil nisi Christianum confessum notant. nullum criminis nomen exstat, nisi nominis crimen est. Hæc etenim est revera ratio totius odii adversus nos. Nomen in causa est, quod quædam occulta vis per vestram ignorantiam oppugnat, ut nolitis scire pro certo, quod vos pro certo nescire certi estis, & ideo nec creditis quæ non probantur, &, ne probentur facile, non vultis inquirere, ut nomen inimicum sub præsumptione criminum puniatur: adeo, ut de nomine inimico recedatur, ideo negare compellimur, dehinc negantes liberamur, tota impunitate præteritorum: jam non cruenti, neque incesti, quia nomen illud amisimus. Sed, dum hæc ratio suo loco ostenditur, vos quam insequimini ad expugnationem nominis, edite: quod nominis crimen? quæ offensa? quæ culpa? Præscribitur enim vobis, non posse crimina objicere, quæ neque institutum dirigit, neque probatio adsignat, neque sententia enumerat. Quod præsidi offeratur, quod de reo inquiretur, quod respondetur vel negatur, quod de consilio recitatur, id reum agnosco. Itaque de nominis merito, si qui reatus est nominum, si qua accusatio vocabulorum, ego arbitror nullam esse vocabulo aut nomini querelam, nisi cum quid aut barbarum sonat, aut infaustum sapit, vel impudicum, vel aliter quam enunciantem delectet. Hæc vocabulorum aut nominum crimina, sicuti verborum atque sermo-

fermonum barbarismus est vitium, & solœcismus, & insulsior figura: Christianum vero nomen, quantum significatio est, de unctione interpretatur: etiam cum corrupte a vobis Christiani pronuntiamur (nam ne nominis quidem ipsius liquido certi estis) sic quoque de suavitate vel bonitate modulatum est. Detinetis igitur in hominibus innoxiiis etiam nomen innoxium nostrum, non incommodum linguæ, non auribus asperum, non homini malum, non patriæ infestum: sed & græcum alijs & sonorum, & interpretatione jucundum. Et utique non gladio, aut cruce, aut bestiis punienda sunt nomina.

4. Sed dicitis, sectam nomine puniri sui auctoris. Primo quidem, sectam de auctoris appellatione notari, utique probum usitatumque jus est: dum Philosophi quoque de auctoribus cognominentur, Pythagorici & Platonici, ut medici Erasistratei, & grammatici Aristarchii. Itaque si ob auctorem malum mala secta, tradux mali nominis plectitur. Adquid temeritate præsumeretur, prius erat cognoscere auctorem, ut cognosceretur secta, quam de secta inspectionem auctoris retinere. At nunc necessario ignorando sectam, qui ignoratis auctorem, aut non recensendo auctorem, quia nec sectam recensetis, in solum nomen impingitis, quasi in illo detinentes sectam & auctorem, quos omnino non nostis. Et tamen philosophis patet libertas transgrediendi a vobis in sectam & auctorem & suum nomen, nec quisquam illis odium movet, cum in mores, ritus, cultus, victusque vestros palam ac publice omnem eloqui amaritudinem elatrent, cum legum contemptu, sine respectu personarum, ut quidam etiam in principes ipsos libertatem suam impune jaculentur. Sed veritatem seculo operosissimam philosophi quidem affectant, possident autem Christiani: ideoque qui possident, magis displicent: quia qui affectat, inludit: qui possidet, defendit:

dit: denique Socrates ex ea parte damnatus est, quia propius tentaverat veritatem, Deos vestros destruendo: quamquam nondum tunc in terris nomen Christianum, tamen veritas semper damnabatur; itaque & sapientem non negabitis, cui etiam Pythius vester testimonium dixerat. Virorum, inquit, omnium Socrates sapientissimus. Vicit Apollinem veritas, ut ipse adversus se pronuntiaret: confessus est enim, se Deum non esse, sed eum quoque sapientissimum affirmans, qui Deos abnuebat: porro apud vos eo minus sapiens, quia Deos abnuens: cum ideo sapiens, quia Deos abnuens. Quo more etiam nobis soletis, bonus vir Lucius Titius, tantum quod Christianus. item alius, Ego miror Cajum Sejum gravem virum factum Christianum. Pro stultitiæ cæcitate laudant quæ sciunt, vituperant quæ nesciunt, & id quod sciunt eo quod nesciunt vitiant. Nemini subvenit, ne ideo bonus quis & prudens, quia Christianus: aut ideo Christianus, quia prudens & bonus: cum sit humanius occulta manifestis adjudicare, quam manifesta de occulto præjudicare? Aliquos retro ante hoc nomen vagos, viles, improbos norant: emendatos repente mirantur; & tamen mirari quam assequi norunt. Alii tanta obstinatione certant, ut cum suis utilitatibus depugnent, quas de commercio istius nominis capere possunt: scio maritum, unum atque alium, anxium retro de uxoris suæ moribus, qui ne mures quidem in cubiculum inrepentes sine gemitu suspicionis sustinebat. comperta causa novæ sedulitatis inusitatae captivitatis, omnem uxori patientiam obtulisse, negasse zelotypum, maluisse lupæ quam Christianæ maritum. ipsi suam licuit in perversum demutare naturam mulieri non permisit in melius reformari. Pater filium de quo queri desierat, exheredavit. Dominus servum, quem præterea necessarium senserat, in ergastulum dedit. Simul quis intellexerit Christianum,



num, mavult nocentem. nam & ipsa per se traducitur disciplina, nec aliunde prodimur, quam de bono nostro: si & mali de suo malo radiant: cur nos soli contra instituta naturæ pessimi de bono denotamur? Quid enim insigne præferimus, nisi primam sapientiam, qua frivola humanæ manus opera non adoramus: abinentiam, qua ab alieno temperamus: pudicitiam, quam nec oculis contaminamus: misericordiam, qua super indigentes flectimur: ipsam veritatem, qua offendimus: ipsam libertatem, pro qua mori novimus? qui vult intelligere qui sint Christiani, istis indicibus utatur necesse est.

5. Quod ergo dicitis, pessimi & probrosissimi avaritia, luxuria, improbitate, non negabimus quosdam: sufficit & hoc ad testimonium nominis nostri, si non omnes, si non plures. Necesse est in corpore, & quantum velis integro aut puro, ut nævus aliquis effruticet, aut verrucula exsurgat, aut lentigo fordescat. Cælum ipsum nulla serenitas tam colata purgat, ut non alicujus nubeculæ flocculo resignetur. Modica macula in fronte, in parte quadam exemplari visa, quo universitas munda est: major boni portio modico malo ad testimonium sui utitur. Cum tamen aliquos de nostris malos probatis, jam hoc ipso Christianos non probatis: quærite, secta cui malitiæ deputatur? Ipsi in colloquio, si quando adversus nos, cur ille, inquitis, fraudator, si abstinentes Christiani? cur immitis, si misericordes? Adeo testimonium redditis, non esse tales Christianos, dum cur tales sint qui dicuntur Christiani, retorquetis. Multum distantiae inter crimen & nomen, inter opinionem & veritatem. Nam & nomina sic sunt instituta, ut fines suos habeant inter dici & esse. Quot denique philosophi dicuntur, nec tamen legem philosophiæ adimplent? Omnes nomen de professionibus gestant: seducant nomen professionis præstantia, qui  
superfi-

superficie vocabuli infamant veritatem. Non statim sunt, qui dicuntur: sed quia non sunt, frustra dicuntur, & fallunt eos qui rem nomini addicunt, cum de re status nominis competat. Et tamen ejusmodi neque congregant, neque participant nobiscum, facti per delicta denuo vestri: quando ne illis quidem misceamur, quos vestra vis atque sævitia ad negandum subegit. Utique enim facilius inter nos inviti desertores disciplinæ, quam voluntarii continerentur. Ceterum sine causâ vocatis Christianos, quos ipsi negant Christiani, qui se negare non norunt.

6. His propositionibus responsionibusque nostris, quas veritas de suo suggerit, quotiens comprimitur & coartatur conscientia vestra, tacitæ ignorantia suæ testis, confugitis æstuantes ad arulam quamdam, id est, legum auctoritatem. Quod utique non plecterent sectam istam, nisi de meritis apud conditores legum constitisset. Quid ergo prohibuit apud executores quoque legum proinde constare, cum de ceteris criminibus quæ similiter legibus arcentur ac puniuntur, nisi prius requiratur, pœna cessat, verbi gratia, homicidam, adulterum lege, discutitur tamen de ordine admissi: & tamen cognitum est omnibus genus facti. Christianum puniunt leges, si quod est factum Christiani, erui debet. nulla lex prohibet inquirere. Atquin pro legibus facit inquisitio. Quomodo enim legem observabis cavendo quod lege prohibetur, adempta diligentia cavendi, per defectum agnoscendi quid observes. Nulla sibi lex debet conscientiam justitiæ suæ, sed eis a quibus captat obsequium. Ceterum suspecta lex est, si probari se non vult. Merito igitur tamdiu justæ in Christianos & reverendæ & observandæ censentur, quamdiu ignoratur quod persequuntur: merito, post agnitionem iniquissimæ repertæ, cum suis machæris & patibulis & leonibus despuuntur: legis injustæ honor nullus est.

Ut

Ut opinor autem dubitatur de iniquitate legum quarundam, cum quotidie novis consultis constitutisque duritias nequitiasque earum temperetis.

Unde ergo, inquitis, tantum de vobis famæ liquit, cujus testimonium suffecerit forsitan conditoribus legum? Quis oro, sponsor aut illis tunc, aut exinde vobis, de fide? Fama est. Nonne hæc est: *fama, malum, quo non aliud velocius ullum?* Cur malum, si vera semper sit, non mendacior plurimum; quæ ne tum quidem cum vera defert, a libidine mendacii cessat, ut non falsa veris intexat, adjiciens, detrahens, varietate confundens. Quid? quod ea conditio illi, ut non nisi cum mentitur perseveret: tamdiu enim vivit, quamdiu non probat quicquam; si quidem approbata cadit, & quasi officio nuntiandi functa decedit; exinde, res tenetur, res nominatur: nec quisquam dicit, verbi gratia: hoc Romæ ajunt factum: aut, Fama est illum provinciam sortitum: sed, Ille provinciam sortitus est: &, hoc factum est Romæ. Nemo famam nominat, nisi incertus, quia nemo sit fama, sed conscientia, certus: nemo famæ credit, nisi stultus, quia sapiens non credit incerto. Fama, quantacumque ambitione diffusa est, ab uno aliquando ore exorta sit necesse est, exinde in traduces quodammodo linguarum & aurium serpit, & modicum originum vitium rumores obscurat: ut nemo recogitet, ne primum illud os mendacia seminaverit, quod sæpe fit aut æmulationis ingenio, aut suspicionis arbitrio, aut etiam nova mentiendi voluptate. Sed bene, quod omnia tempus revelat, testibus sententiis & proverbii vestris, ipsaque natura, quæ ita ordinata est, ut nihil lateat, etiam quod fama non prodidit. Videte qualem prodiciam adversus nos subornastis, quia quod semel detulit tantoque tempore ad fidem corroboravit, usque adhuc probare non potuit. Principe Augusto nomen hoc ortum

## Q. SEPT. FLOR. TERTULLIANI

Tiberio, disciplina ejus inluxit: sub Nerone, natio invaluit, ut jam hinc de persona persecutoreretur, si pius ille princeps, impii Christiani, stus, si castus, injusti & incesti Christiani: si non is publicus, nos publici hostes: quales sumus dator ipse demonstravit, utique æmula sibi puniens: umen permansit erasis omnibus, hoc solum instim Neronianum: justum denique, ut dissimile fui oris. Igitur ætati nostræ nondum anni CCL. Tot ii interea, tot cruces. divinitatem consecutæ, nfantiæ trucidatæ, tot panes cruentati, tot stralucernarum, tot errores nuptiarum: & adhuc stianis sola fama decernit. Habet quidem grande lamentum de vitio ingenii humani, felicius in acertrocibusque mentitur; quanto enim proni ad man, tanto ad mali fidem opportuni estis, facilius que falso malo, quam vero bono creditur. Si n tamen apud vos prudentiæ locum iniquitas relit, ad explorandam famæ fidem utique justitia rebat dispicere, a quibus potuisset fama in vulgus, a in totum orbem dari. Ab ipsis enim Christianis opinor, cum vel ex forma ac lege omnium myorum silentii fides debeatur: quanto magis talium, prodita non evitarent interim humana animadione præsentaneum supplicium. Si ergo non ipsi litores sui, sequitur ut extranei. Oro vos, ex eis unde notitia? cum etiam justa & licita myste omnem arbitrii extraneum caveant? nisi inclitais spernunt. Atquin extraneis tam honorare n confingere magis competit .... domesticorum ositas furata est per rimulas & cavernas. Quid? domestici eos vobis prodant? omnes a nullis is prodimur, quanto magis, si atrocitas tanta sit, justitia indignationis omnem familiaritatis fidem pit, non potuerit continere, quod horruit, s: quod expavit, oculus? Hoc quoque mirum,

fi

si & ille qui tanto impatientiæ jure profiluit, deferre, non & probare gestit, & ille qui audit, & non videre curavit: siquidem par fructus est & delatoris, si quod detulit probet: & auditoris, si quod audit etiam sibi credat. Tunc, inquit, primo delatum & exhibitum est, auditum & inspectum est, atque exinde famæ commendatum. Hoc quidem supercendit omnem admirationem, si semel deprehensum est quod semper admittitur: nisi desivimus jam talia facitare. atquin & idem vocamur, & in iisdem deputamur, & de die redundamus. quod plures, hoc pluribus odiosi: magis increscit odium, increcente materia. proficiente multitudine reorum, quid ita non proficit multitudo nuntiatorum? Quod sciam, & conversatio notior facta est: scitis & dies conventuum nostrorum: itaque & obsidemur & opprimimur, & in ipsis arcanis congregationibus detinemur. Quis unquam tamen semeso puero supervenit, quis in cruentato pane vestigia dentium deprehendit? quis tenebris repentino lumine inruptis immunda aliqua, ne dixerim incesta, indicia recognovit? Si præmio impetramus, ne tales in publicum extrahamur, quare & opprimimur? possumus & omnino non extrahi: quis enim prodicionem criminis alicujus, sine crimine ipso, aut vendit, aut redimit? Sed quid extraneis speculatoribus & indicibus detractem, qui talia objiciatis, quæ non ab ipsis nobis cum maxima vociferatione publicentur, aut statim audita si prius demonstrantur, aut postea reperta si interim celentur? Sine dubio enim initium volentibus mos est prius ad magistrum sacrorum vel patrem adire: tum ille dicet, Infans tibi qui adhuc vagetur necessarius qui imoletur, & panis aliquantum qui in sanguine infringatur: præterea, candelabra quæ canes annexi deturbent, & offulæ quæ eodem canes: sed, & mater aut soror tibi necessaria est. Quid si nullæ erunt? opinor legitimus Christia-

mus esse non poteris? Hæc, oro vos, denunciata ab aliis sustinent prodi? Diversum opus. Non est scire illos: prius fallaciæ negotium perpetratur, ignaris, & dapes, & nuptiæ subjiçuntur. Nihil enim unquam retro de Christianis, mysteriis audierunt. Tamen postea cognoscant necesse est vel aliis quos inducunt præministranda. Cæterum quam vanum est profanos scire quod nesciat sacerdos? Tacent igitur, & accepto ferunt, & nihil tragiæ Thyestæ, vel Oedipodis erumpunt, & non protrahunt ad populum, fide in ministros, & magistris, & de ipsis potiores morsus jam doctis .... rapiunt. Si nihil tale probetur, grande nescio quid æstimari oportet, cujus compensatio tantarum atrocitatum tolerantia constat. Misere atque miserandæ nationes, ecce proponimus vobis disciplinæ nostræ sponsonem. Vitam æternam sectatoribus, & conservatoribus suis spondet, e contrario profanis, & æmulis supplicium æternum æterno igni comminatur: ad utramque causam mortuorum resurrectio prædicatur. Viderimus de fide istorum, dum suo loco digeruntur: interim credite, quemadmodum nos: volo enim scire, si per talia scelera adire parati estis, quemadmodum nos? Veni, si quis es, demerge ferrum in infantem; vel si alterius officium est, tum modo specta morientem animam antequam vixit, certe excipe rudem sanguinem in quo panem tuum saties, vescere libenter: interea discumbens dinumera loca ubi mater aut soror torum preferit: nota diligenter, ut cum tenebræ intruerint, tentantes scilicet diligentiam singulorum, non erres extraneam incurfans: piaculum feceris, nisi incestum. Hæc cum expunxeris, vives in ævum. Cupio respondeas, si tanti facias æternitatem? immo idcirco nec credis, & jam si credideris nego te velle, & jam si velles nego te posse. cur autem alii possint, si vos non potestis? cur non possitis, si alii possunt. Impunita-

punitatem, æternitatem quanto constare vultis. An hæ nobis omni modo redimendæ videntur, an alii ordines dentium Christianorum, & alii specus faucium, & alii ad incesti libidinem nervi. Non opinor: satis enim est nobis sola veritate a vestra positione discerni. Tertium genus dicimur, Cynopenæ aliqui, vel Sciapodes, vel aliqui de subterranea Antipodes.

8. Si qua istic apud vos saltem ratio est, edatis velim. primum & secundum genus, ut ita de tertio constet. Pflameticus quidem putavit tibi se ingenio exploratus si de prima generis: dicitur enim infantes recenti e partu seorsum a commercio hominum alendos tradidisse nutrici, quam & ipsam propterea elinguaverat, ut in totum exules vocis humanæ non auditu formarent loquelam, sed suo promentes, eam primam nationem designarent, cujus sonum natura dictasset: prima Bekkos renunciata est: interpretatio ejus Panis apud Phrygas nomen est: Phryges primi genus exinde habentur. Sed hoc unum erit de vanitatibus vestrarum fabularum non otiose nobis retractandum, quo fidem vestram vanitatibus quam veritatibus deditam demonstrare gestimus. An omnino credibile sit, tali membro defecto, vastato ipsius animæ organo, & utique radicitus cæso, castratis faucibus, quæ etiam extrinsecus periculose vulnerantur, exinde tabo in præcordia refluyente, postremo aliquamdiu cessantibus alimentis, vitam nutrici perduasse. Age nunc, perseveraverit Philomelæ medicamentis . . . . quam & ipsam prudentiores, non linguæ cæde, sed pudoris rubore mutam interpretantur. si ergo vixit, potuit effutire aliquid obtusum, & exarticulatum sonum tinnitumque, sine modulatu labellorum, expanso ore, lingua stupente, de solis faucibus cogi licet: id fors tunc infantes, quia unicum, facilius commentati, paulo modulatus, utpote ligna-

tuli, inventum alicujus interpretationis impegerint. Sint nunc primi Phryges, non tamen tertii Christiani, quantæ enim aliæ gentium series post Phrygas? Verum recogitate, ne quos tertium genus dicitis, principem locum obtineat, siquidem non ulla gens non Christiana; itaque quæcunque gens prima, nihilominus Christiana. Ridicula dementia, novissimos dicitis, & tertios nominatis. Sed de superstitione tertium genus deputamur, non de ratione, ut sint Romani, Judæ, dehinc Christiani. Ubi autem Græci? vel si in Romanorum superstitionibus censentur, quandoquidem etiam deos Græciæ Roma sollicitavit, ubi saltem Aegyptii, & ipsi, quod sciam, privatae curiosæque religionis. Porro, si tam monstruosi qui tertii loci, quales habendi, qui primo & secundo antecedunt.

9. Sed quid ego mirer vana vestra, cum ex forma naturali concorporata & concreta intercessit malitia & stultitia, sub eodem mancipio erroris? Sane, quia non miror, enumerem necesse est, & vos recognoscendo miremini in quantam stultitiam incidatis, qui omnis cladis publicæ vel injuriæ nos causas esse vultis; si Tiberis redundaverit, si Nilus non redundavit, si cælum stetit, si terra movit, .... tiva vastavit, si famis afflixit, statim omnium vox, Christi.... tum. Quasi modicum habeant aut aliud metuere! Quid igitur? Opinor, ut contemptores deorum vestrorum hæc jacula eorum provocamus. Ut supra edidimus ætatis nostræ nondum anni trecenti, quantæ clades ante id spatium supra universum orbem ad singulas urbes & provincias ceciderunt? quanta bella externa & intestina? quot pestes, fames, ignes, hiatus, motusque terrarum seculum digessit? ubi tunc Christiani, cum res Romana tot historias laborum suorum subministravit? ubi tunc Christiani, cum Hierennape, & Delphos, & Rhodos, & Creta insulæ multis cum  
milli-



millibus hominum pessumierunt, vel quam Plato memorat majorem Asiam aut Africam in Atlantico marimersam: cum Vulfinios de cœlo, Tarpejos de suo monte perfudit ignis, cum terræ motu mare Corinthium ereptum est? cum totum orbem cataclysmus abolevit? Ubi tunc non dicam contemptores deorum Christiani, sed ipsi dei vestri, quos clade illa posteriores loca, oppida approbant, in quibus nati, morati, sepulti sunt, etiam quæ condiderunt: non alias enim superfuissent ad hodiernum, nisi postuma cladis illius? Sed relegere & revolvere non curatis testimonia temporum, aliter vobis renuntiata, inprimis ne deos vestros injustissimos pronuntietis, qui propter contemptores etiam cultores suos lædunt: tunc enim vosmetipsos errare probatis, si deos traditis, qui vos a meritis profanorum non discernunt. Quod si, ut unus atque alius.... mus ait, idcirco vobis quoque irascuntur, quoniam de nostra eradicatione negligitis, absolutum est de infirmitate & mediocritate eorum: nam non irascerentur vobis in animadversione cessantibus, si ipsi exsequi possent. Quamquam & alias confitemini istud, si quando illos supplicio nostro videmini ulcisci. Ab aliud a majore defenditur.

10. Pudeat igitur deos ab homine defendi. Effundite jam omnia venena, omnia calumniæ tela infligite huic nomini, non cessabo ultra repellere: at postmodum obtundentur expositione totius nostræ disciplinæ: nunc vero eadem ipsa de nostro corpore vulsa in vos retorquebō, eadem vulnera criminum in vobis defossa monstrabo, quo machæris vestris admentationibusque cadatis. Jam primo, quod in nos generali accusatione dirigitis, divortium ab institutis majorum, considerate etiam atque etiam, ne vobiscum communicemus crimen istud. Ecce enim per omnia vitæ ac disciplinæ corruptam immo deletam in vobis antiquitatem recognosco. De legibus quidem

jam supra dictum est, quod eas novis de die confutis constitutisque obruistis. De reliqua vero conversationis humanæ dispositione palam subjacet, quanto a majoribus mutaveritis, cultu, habitu, apparatu, ipsoque victu, ipsoque sermone; nam pristinum ut rancidum relegatis, exclusa ubique antiquitas in negotiis, in officiis, totam auctoritatem majorum vestra auctoritas dejecit, sane, quod vobis magis probro est, laudatis semper vetustates, & nihilominus recusatis; qua perversitate tant... majorum apud vos permanere probari debuerunt, cum ea quæ probatis recusatis? Sed & ipsum quod videmini a majoribus traditum fidelissime custodire & defendere, vel quo maxime reos nos transgressionis postulatis, de quo totum odium Christiani nominis animatur, deorum culturam, perinde a vobis destrui ac despici ostendam; nisi quod non perinde: nos enim contemptores deorum haberi nulla ratio est, quia nemo contemnit quod sciat omnino non esse. Quod omnino est, id contemni potest, quod nihil est, nihil patitur. Igitur quibus est, ab eis patiatur necesse esse. Quo magis oneramini, credentes esse & contemnentes colentes & despicientes, honorantes, & lacescentes. Licet etiam hinc recognoscere, imprimis, cum alii alios Deos colitis, eos quos non colitis, utique contemnitis; prælatio alterius sine alterius contumelia esse non potest, nec ulla electio non reprobatione componitur. Qui de pluribus suscipit aliquem, eum quem non suscipit despexit. Sed, tot ac tanti ab omnibus coli non possunt. Jam ergo tunc primo contempsistis, non veriti scilicet ita instituere, ut omnes coli non possent. At enim illi sapientissimi ac prudentissimi majores; quorum institutis renuntiare non nostris, maxime in persona deorum vestrorum, ipsi quoque impii deprehenduntur. Mentior, si nunquam censuerat, ac qui Imperator fanum, quod in prælio vovisset, prius

prius dedicasset, quam senatus probasset: ut contigit  
 M. Aemilio, qui voverat Alburno Deo. Utique  
 enim impiissimum, immo contumeliosissimum admis-  
 sum est, in arbitrio & libidine sententiæ humanæ loca-  
 re honorem divinitatis, ut Deus non sit, nisi cui esse  
 permiserit Senatus. Sæpe Censores inconsulto popu-  
 lo adsolverunt, certe Liberum patrem cum sacro suo  
 Consules Senatus auctoritate urbe non solummodo,  
 verum tota Italia eliminaverunt. Ceterum, Serapem  
 & Isidem & Arpocratem & Anubem prohibitos capi-  
 tolio Varro commemorat, eorumque statuas a Senatu  
 dejectas, nonnisi per vim popularium restructas. Sed  
 tamen & Gabinius Consul Kalendis Januariis, cum  
 vix hostias probaret, præ popularium cœtu, quia ni-  
 hil de Serape & Iside constituisset, potiores habuit  
 senatus censuram, quam impetum vulgi, & aras insti-  
 tuti prohibuit. Habetis igitur in maioribus vestris,  
 etsi non nomen, attamen sectam Christianam, quæ  
 Deos negligit. Horum, si vos saltem integrum ho-  
 noribus vestris rei esse læsæ religionis: sed invenio  
 conspirasse a vobis tam superstitionis quam impietatis  
 profectum. Quanto enim irreligiosiores deprehen-  
 demini? Privatos enim Deos, quos Lares & Penates  
 domestica consecratione perhibetis, domestica licen-  
 tia inculcatis, venditando pignerando pro necessitate  
 ac voluntate. Essent quidem tolerabiliora ejusmodi  
 contumaciæ sacrilegia, nisi quod eo jam contumelio-  
 siora, quod modica. Sed aliquo solatio privatorum &  
 domesticorum deorum querelæ juvantur, quod publi-  
 cos turpius contumeliosiusque tractetis. Jam primum,  
 quos in hastarium regeffistis publicanis subd.... tis,  
 omni quinquennio inter vectigalia vestra proscriptos  
 addicitis. Sic Serapeum, sic Capitolium petitur, addici-  
 tur, conducitur.... sub eadem voce præconis, eadem  
 exactione quæstoris. Sed enim agri tributo onusti vi-  
 liores, hominum capita stipendio censa, ignobiliora,

Nam hæ sunt captivitatis notæ pœna, de ivero qui magis tributarii magis sancti, immo qui magis sancti magis tributarii; majestas constituitur in quæstum, negotiatio religione proscribitur, sanctitas locatorem mendicat: exigitis mercedem pro solo templi, pro aditu sacri, pro stipitibus, pro ostiis; venditis totam divinitatem, non licet eam gratis coli; plus denique publicanis, reficitur, quam sacerdotibus. Non suffecerat vectigalium deorum contumelia, de contemptu scilicet æstimanda, nec contenti estis deis honorem non habuisse, nisi etiam quemcunque habetis, depretietis aliqua indignitate. Quid enim omnino ad honorandos eos facitis, quod etiam non mortuis vestris ex æquo præbeatis? exstruitis deis templa æque mortuis templa; exstruitis aras deis, æque mortuis aras eisdem titulis superscriptis litteras; easdem statuis inducitis formas, ut cuique ars aut negotium, aut ætas fuit: senex de Saturno, imberbis de Apolline, virgo de Diana figuratur, & miles in Marte, & Vulcano faber ferri consecratur. Nihil itaque mirum si hostias easdem mortuis, quas & deis cæditis, eodemque odores crematis. Quis istam contumeliam excuset, quæ ut aut mortuos cum deis deputet; regibus quidem etiam sacerdotia adscripta sunt, sacrique apparatus, ut tensæ & currus & solisternia & lectisternia .... tie & ludi. Plane quoniam illis cælum patet, hoc quoque non sine contumelia Deorum. Primo quidem, quod non docuerit alios eis adnumerari, quibus datum sit post mortem Deos fieri: secundum, quod tam libere atque manifeste coram populo pejeraret contemplator Proculus in cælum recepti, nisi contemneret quos dejeraret, quam ipse, quam ii qui ei pejerare permittant: consentiunt enim ipsi nihil esse quod dejerant, immo insuper & præmio afficiunt, quia publica contempserit perjurii vindices. Quamquam perjurii apud vos unusquisque purus est. Immo jam

jam per deos dejerandi periculum evanuit, potiore habita religione per Cæsarem dejerandi, quod & ipsum ad offuscationem pertinet deorum vestrorum, facilius enim per Cæsarem pejerantes punirentur, quam per ullum Jovem. Sed contemptus honestior est, habens quandam superbiæ gloriam, venit enim aliquando etiam de fiducia, vel conscientiae securitate, vel naturali sublimitate animi. Derisus vero quanto lascivior, tanto denotatior ad contumeliæ morsum. Recognoscite igitur quam derisores inveniamini numinum vestrorum, non dico quales sitis in sacrificando, quod enecta & tabida quæque mactatis; de optimis autem & integris, supervacui esui, capitula & ungulas & plumarum setarumque prævulsa, & si quid domi quoque habituri non fuissetis. Omitto quæ vulgæ aut sacrilegæ gulæ videbuntur majorum prope religionem convenire: atquin doctissimi, gravissimi, quatenus gravitas atque prudentia de doctrina proficere credunt, & irreverentissimi erga deos vestros semper existunt, nec eis cessit literatura, quam ut aut vana aut falsa aut turpia de deis inferat. Ab ipso exordiar Homero vestro, ejus unda omnis & omne æquor, cui quantum honorem additis, tantum deis vestris derogastis, magnificando qui de eis lusit. Adhuc meminimus Homeri: ille opinor est, qui divinam majestatem humana conditione tractavit, casibus & passionibus humanis deos imbuens, qui de illis favore diversis gladiatoria quodammodo paria commisit: Venerem fauciat sagitta humana, Martem tredecim mensibus in vinculis detinet fortasse periturum, eadem Jovem pene perpeßum a cœlitum plebe traducit, aut lacrimas ejus super Sarpedonem excutit, aut luxuriantem cum Junone fœdissime inducit, commendato libidinis desiderio per commemorationem amicarum. Exinde quis non poëtarum ex auctoritate principis sui in deos insolens, aut vera prodendo, aut falsa fingendo? Et tragici quidem aut comici pepercerunt,

runt, ut non ærumnas ac pœnas dei præferantur. Taceo de philosophis, quos superbia severitatis & durtia disciplinæ ab omni timore securos, nonnullus etiam afflatus veritatis, adversus deos erigit: denique & Socrates in contumeliam eorum quercum & canem & heram jurat. Nam etsi idcirco damnatus est, cum pœnituerit Athenienses damnationis, discriminares quoque impenderit, restituitur testimonium Socrati, & possum retorquere, probatum esse in illo, quod nunc reprobatum in nobis. Sed & Diogenes nescio quid in Herculem ludit; & Romani stili Diogenes Varro trecentos Joves, seu Juppiteres dicendum est, sine capitibus inducit. Cetera lasciviæ ingenia etiam voluptates vestras per dedecus deorum administrant. Dispicate apud vos Lentulorum, & Hostiorum sacrilegas venustates, utrum mimos an deos vestros in strophis & jocos rideatis; sed & histrionicas literas magna cum voluptate suscipitis, quæ omnem fœditatem designant deorum. Constuprantur coram vobis majestates in corpore impuro. Famosum & diminutum caput imago cujuslibet dei vestit. Luget sol filium fulmine extinctum lætantibus vobis; Cybela pastorem suspirat fastidiosum non erubescen-  
 tibz vobis, & sustinetis Jovis elogia modulari. Plane religiosiores estis in gladiatorum cævea, ubi super sanguinem humanum, super inquinamenta pœnarum, proinde saltant dei vestri argumenta & historias nocentibus erogandis, aut in ipsis Deis nocentes puniuntur. Vidimus sæpe castratum Attin Deum a Pessinunte, & qui vivus cremabatur Herulem induerat. Risimus & meridiani ludi de Deis lusum, quo Dis Pater Jovis frater gladiatorum exsequias cum malleo deducit, quo Mercurius, in calvitio pennatulus, in caduceo ignitulus, corpora exanimata jam mortemve simulantia e cauterio probat. Singula ista, quæque adhuc investigare quis possit, si honorem inquietant divini-

divinitatis, si majestatis fastigium adfolant, de contemptu utique censentur, quam eorum qui ejusmodi factitant, quam eorum qui ita suscipiunt. Quare nescio, ne plus de vobis dei vestri quam de nobis querantur .... ex alia parte adulamini, redimitis si qua delinquitis, & postremo licet vobis in eos quos esse voluistis: nos vero in totum averfamur.

II. Nec tantum in hoc nomine rei desertæ communis religionis, sed superductæ monstruosæ superstitionis. Nam, ut quidam somniasitis, caput asinum esse deum nostrum, hanc Cornelius Tacitus suspicionem fecit. Is enim in quarta historiarum suarum, ubi de bello Judaico digere, ab origine gentis exorsus, & tam de ipsa origine quam de nomine religionis ut voluit argumentatus, Judæos refert in expeditione vastis in locis aquæ inopiæ laborantes; onagris, qui de pastu aquam petitori æstimabantur, indicibus, fontibus usos evasisse, ita ob eam gratiam consimilis bestię superficiem a Judæis coli. Inde opinor præsumptum, nos quoque ut Judaicæ religionis propinquos eidem simulacro initiari. Atenim idem Cornelius Tacitus, sane ille mendaciorum loquacissimus, oblitus affirmationis suæ in posterioribus refert, Pompejum magnum Judæis debellatis captisque Hierosolymis templum adisse, & perscrutatum nihil simulacri reperisse. Ubi ergo is deus fuerit? utique nusquam magis quam in templo tam memorabili, præsertim omnibus præter sacerdotibus clauso, quo non vererentur extraneum. Si quid ego defendam, professus interim confessionem temporalem omnium in vobis ex pari transferendorum? Credatur Deus noster, asinina aliqua persona. Certe negabitis vos eadem habere nobiscum? Sane vos totos asinos colitis & cum sua Epona, & omnia jumenta, & pecora, & bestias, quæ perinde cum suis præsepibus consecratis. Et hoc forsitan crimini datis, quod inter cultores

res omnium tantum asinarum sumus. Sed & qui nos crucis antistites affirmat, consecratus erit noster.

12. Crucis qualitas, signum est de ligno: etiam de materia colitis penes vos cum effigie. Quamquam sicut vestrum humana figura est, ita & nostrum propria; viderint nunc liniamenta, dum una sit qualitas; viderit forma, dum ipsum sit Dei corpus. Quod si de hoc differentia intercedit, quanto distinguitur a crucis stipite Pallas Attica, & Ceres Pharia, quæ sine forma rudi palo & solo staculo ligni informis representatur. Pars crucis, & quidem majus, est omne robur, quod de recta statione defigitur. Sed nobis tota crux imputatur, cum antemna scilicet sua, & cum illo sedilis excessu. Hoc quidem vos incusabiliores, qui mutilum & truncum dicastis lignum, quod alii plenum & structum consecraverunt. Enimvero de reliquo integra est religio vobis integræ crucis, sicut ostendam. Ignoratis autem etiam originem istam deis vestris de isto patibulo provenisse. Nam omne simulacrum, seu ligno, seu lapide desculpitur, seu aere defunditur, seu quacunque alia locupletiore materia producitur, plasticæ manus præcedant necesse est; plastica autem lignum crucis in primo statuit, quoniam ipsi quoque corpori nostro tacita & secreta linea crucis situs est. Quod caput emicat, quod spina dirigitur, quod humerorum obliquatio .... Si statueris hominem manibus expansis, imaginem crucis feceris. Huic igitur exordio, & velut statum in argilla desuper intexta paulatim membra complet. Et corpus struit, & habitum quem placuit argillæ intus cruci ingerit: inde circino & plumbeis modulis præparatio simulacri in marmor, in lutum, vel aes, vel quodcunque placuit deum fieri, transmigratur. A cruce argilla; ab argilla Deus; quodammodo transit crux in deum per argillam. Crucem igitur consecratis, a qua incipitur consecratus. Exempli gratia dictum



etum erit, nempe de olivæ nucleo, & nuce perfici, & grano piperis sub terra temperato arbor exsurgit in ramos, in comam, in speciem sui generis. Eam si transferas, vel de brachiis ejus in aliam subolem utaris, cui deputabitur quod de traduce provenit, non illi grano, aut nuci aut nucleo. Nam cum tertius gradus secundo adscribitur, æque primo secundus, sic tertius redigitur ad primum transmissus per secundum. Nec diutius super isto argumentandum est, quando naturali præscriptione omne omnino genus censum ad originem refert, quantoque genus censetur, tanto origo convenitur in genere. Si igitur in genere deorum crucum originem colitis, hic erit nucleus & granum primordiale, ex quibus apud vos simulacrorum silvæ propagantur. At manifesta jam: victorias ut numina, & quidem augustiora quanto lætiora; veneramini Con....one quid melius extollant, cruces erunt intestina quodammodo tropæorum. Itaque in victoriis & cruces colit castrensis religio, signa adorant, signa dejerant, signa ipsi Jovi præfert. Sed ille imaginum suggestus, & totius auri cultus, monilia crucum sunt. Sic etiam in cantabris atque vexillis, quæ non minore sanctitate militia custodit, si phara illa vestes crucum sunt. Erubescitis, opinor, incultas & nudas cruces colere.

13. Alii plane humanius, solem Christianum Deum æstimant; quod innotuerit ad orientis partem facere nos precationem, vel die solis lætitiâ curare. Quid vos minus facitis? Non plerique affectatione adorandi aliquando etiam cœlestia ad solis initium labra vibratis. Vos certi estis, qui etiam in laterculum septem dierum solem recepistis; & ex diebus ipsum prælegistis, quo die lavacrum subtrahatis, aut in vesperam differatis, aut otium & prandium curetis. Quod quidem facitis exorbitantes & ipsi a vestris ad alienas religiones. Judæi enim festi, sabbata,

&amp;

& cœna pura, & Judaici ritus lucernarum, & jejunia cum azymis, & orationes litorales, quæ utique aliena sunt a diis vestris. Quare, ut ab excessu revertar, qui solem & diem ejus nobis exprobratis, agnoscite vicinitatem, non longe a Saturno & sabbatis vestris sumus.

14. Nova jam de deo nostro fama suggessit. Adeo nuper quidam perditissimus in ista civitate, etiam suæ religionis desertor, solo detrimento cutis judæus, utique magis post bestiarum morsus, ad quas se locando quotidie toto jam corpore decutit, cum incedit picturam in nos proposuit ista proscriptione, ONOCHOETES. Is erat auribus canteriorum, & in toga, cum libro, altero pede unguato; & credidit vulgus Judæo. Quod enim aliud genus seminarium est infamiæ nostræ? Itaque in tota civitate Onochoetes prædicatur. Sed & hoc tamque hesternum, & auctoritate temporis destitutum, & qualitate auctoris infirmum, libenter excipiam studio retorquendi. Videamus igitur, an hic quoque nobiscum deprehendami. Neque enim interest qua forma, dum deforma simulacra curemus. Sunt penes vos & canino capite, & leonino, & de bove, & de ariete & hirco cornuti dii, caprigenæ, vel anguini, & alites planta, fronte & tergo. Quid itaque nostrum unicum denotatis?

15. Plures Onochoetæ penes vos deprehenduntur; si in deis æqualitate concurrimus, sequitur ut sacrificii vel sacri quoque inter nos diversitas nulla sit, ut ex alia specie comparationis satis fiat. Nos infanticidio litamus sive initiamus? Vos, si de memoria abierunt quæ cæde hominis, quæque infanticidiis transigisse, recognoscetis suo ordine: nunc enim differimus pleraque, ne eadem videamur ubique retractare. Interim, ut dixi, ex alia parte non deest adæquatio: nam etsi nos aliter, tamen non aliter vos quoque infanticidæ, qui infantes editos enecantes legibus quidem prohibemini, sed nullæ magis leges tam impune  
tam

tam secure sub omnium conscientia<sup>æ</sup> unius æ.... tabellis eliduntur. Sed nec eo distant, si vos non ritu sacri, neque deo necatis. Atquin in hoc asperius, quod frigore & fame, aut bestiis .... tis, aut longiore in aquis morte demergitis. At & si quo.... dissimilius penes vos sit, eo addicite, quo vestra pignora ex....s, & supplebitur. Immo superacervabitur in vobis quidquid....ratione defecerit. Sed de ea impietatis hostia dicimur... dum ita quoque in vobis recognoscitur, ubi opportunius positum est, non multo secernimur a vestra voracitate; si illa impudica est, nostra vero crudelis, jungimur si forte natura, qua semper sævitia cum impudicitia concordat.

16. Quamquam quid minus, immo quid non amplius facitis? parum scilicet humanis visceribus inhiantis, quia vivos & puberes devoratis? parum humanum sanguinem lambitis, quoniam futurum sanguinem elicitis? parum infante vescimini, quia infantem totum præcoquum perhauritis? Ventum est ad horam lucernarum, & caninum ministerium, & ingenia tenebrarum. Quo in loco metuo ne cedam. Quid enim tale in vobis detinebo? Verum jam laudate consilium incesti verecundi, quod adulteram noctem commenti sumus, ne aut lucem, aut veram noctem contaminaremus, quod etiam luminibus terrenis parcendum existimavimus, quod nostram quoque conscientiam ludimus: quodcunque enim facimus, si volumus suspicamur. Ceterum incesta vestra pro sua libertate & luce omni, & nocte omni, & tota cæli conscientia fruuntur, quodque felicius proveniat cum palam miscatis incesta toto conscio cælo, soli ipsi ignoratis: nos vero etiam in tenebris scelera nostra recognoscere possumus. Plane Persæ, Ctesias edit, tam scientes quam non horrentes cum matribus libere fiunt. Sed & Macedones id quod probaverunt palam est fa-

&itare, siquidem cum primus scenam eorum Oedipus  
 intravit trucidatus oculos, risu ac derisu exceperunt:  
 tragædus consternatus, retracta persona: nunquid,  
 ait, domini, displicui vobis? responderunt Macedo-  
 nes: immo tu quidem pulchre. Aut scriptor vanissi-  
 mus si finxit, aut Oedipus dementissimus si ita fecit;  
 atque exinde alter ad alterum, ΕΑΥΤΗΝ, dicebat,  
 ΕΙΣ ΤΗΝ ΜΗΤΕΡΑ. Sed, una vel alia gens quantula  
 macula totius orbis? nos enim omnem infecimus so-  
 lem, omnem polluimus oceanum! Date igitur ali-  
 quam nationem vacantem ab eis, quæ omne homi-  
 num genus ad incestum trahunt. Si qua gens con-  
 cubitu ipso & ætatis ac sexus necessitate, ne dixerim  
 libidine & luxuria caret, ea erit quæ carebit incesto;  
 si qua ab humana conditione privata quadam natura  
 remota est, ut neque ignorantia, neque errori, ne-  
 que casui opposita sit, ea erit quæ sola Christianis re-  
 spondere constantius possit. Respicite igitur luxuriam  
 inter errores & ventos fluctuantem, si desunt populi,  
 quos ad hoc sceleris incurserint lata vada & aspera erro-  
 ris. Inprimis, cum infantes vestros alienæ misericor-  
 diæ exponitis, aut in adoptionem melioribus parenti-  
 bus, obliviscimini quanta materia incesti subministratur,  
 quanta occasio casibus aperitur? Plane ex aliqua dis-  
 ciplina severiores, aut certo respectu ejusmodi even-  
 tum a libidine temperatis, quocunque loco domi  
 aut peregre, ut non dispersio seminum, & saltus ubi-  
 que luxuriæ nescientibus filios edat, quos aut ipsi  
 postmodum parentes, aut alii.... incurserint, quando  
 etiam ætatum moderatio libidine exclusâ sit. Quot-  
 cunque adulteria, quotcunque stupra, quotcunque  
 publicatæ libidinis.... sive stativo vel ambulatorio  
 titulo, tot sanguinis mixtiones, tot compagine ge-  
 neris, tot inde traduces ad incestum; unde adeo mi-  
 nis & comædis argumentorum venæ fluunt; unde  
 ista quoque, talis ante tragædia, erupit. Fusciano  
 præse-

præfecto urbi, iudicata punitioe reatus, fortuita negligentia comitata ultra januam progressus iter, prætereuntibus tractus domo excidit. Græculus (vel a limine) Græculo more captaverat (intrans.) inde mutatus Asiæ ætate Romam in venalicio refertur. Emit imprudens pater, & utitur Græco. Dehinc, ut vestra, adolescentem dominus in agrum & vincula legat. Illic jam dudum pædagogus & nutrix pœnas dabant. Repræsentatur eis tota caussa, referunt invicem exitus suos. Illi, quod alumnus in pueritia periisset. Ille, se quoque a pueritia perisse. Ceterum, eodem eventu Romæ natum honesta domo. Forsitan & signa quædam retexuerit. Igitur, Dei voluntate, ut tanta seculo macula exprobraretur, spiritus de die concutit: tempora cum ætate respondent, aliquid & oculi de lineamentis recordantur, proprietates non nullæ in corpore recensentur. Dominos, immo jam parentes, tantum prolatae inquisitionis diligentia impellit. Investigatur *venaliciarius*, infeliciter invenitur. Revelato scelere, parentes sibi laqueo medentur. Bona filio male superstiti præfectus adscribit, non ad hereditatem, sed ad stipendium stupri & incesti. Satis erat unum istud exemplum publicæ erubescentiæ ejusmodi scelerum delitescentium in vobis. Nihil semel evenit in rebus humanis; semel plane erui potest. De sacramentis nostræ religionis opinor intentatis. Et sunt paria vestris etiam non sacramentis.

17. De obstinationibus vero, vel præsumptionibus, si qua proponitis, ne istæ quidem ad communionem comparationis absistunt. Prima obstinatio est, quæ secunda ab eis religio constituitur Cæsarianæ majestatis, quod irreligiosi dicamur in Cæsares, neque imagines eorum repropitiando, neque genios dejerando hostes populi nuncupamur. Ita vero sit, cum ex vobis nationibus quotidie Cæsares, & Parthici, &

Medici, & Germanici. Hoc loco Romana gens viderit, in quibus indomitæ & extraneæ nationes. Vos tamen de nostris adversus nostros conspiratis. Agnoscimus sane Romanam in Cæsares fidem. Nulla unquam conjuratio erupit, nullus in senatu, vel in palatiis ipsis sanguinis Cæsaris notam fixit. Nulla in provinciis affectata majestas. Adhuc Syriæ cadaverum odoribus spirant. Adhuc Galliæ Rhodano suo non lavant. Sed omitto vesaniæ crimina, quia nec ista Romanum nomen admittunt. Vanitatis sacrilegia conveniam, & ipsius vernaculæ gentis irreverentiam recognoscam, & festivos libellos, quos statuæ sciunt, & illa obliqua nonnunquam dicta a concilio atque maledicta, quæ circi sonant. Si non armis, saltem lingua semper rebelles estis. Sed aliud opinor est, non jurare per genium Cæsaris. Dubitatur enim de perjuris jure, cum ne per Deos quidem vestros ex fide dejeretis. Sed non dicimus Deum imperatorem, super hoc enim, quod vulgo ajunt, fannam facimus.

18. Immo qui deum Cæsarem dicitis, & deridetis, dicendo quod non est; & male dicitis, quia non vult esse quod dicitis: mavult enim vivere, quam Deus fieri. Reliquum obstinationis in illo capitulo collocatis. Quod neque gladios, neque cruces, neque bestias vestras, non ignem, non tormenta, ob duritatem ac contemptum mortis, animo recusamus. At enim hæc omnia apud priores majoresque vestros non contemni modo, sed etiam magna laude pensari ac virtute didicerunt. Gladius quot & quantos viros voluntarios? piget prosequi. Crucis vero novitatem numerosæ abstrusæ Regulus vester libenter edidavit. Regina Aegypti bestiis suis usa est. Ignem post Carthaginensem feminam Asdrubale marito in extremis patriæ constantiorem docuerat invadere ipsa Dido. Sed & tormenta mulier Attica fatigavit tyranno

ranno negans; postremo, ne cederet corpus & sexus, linguam suam pastam expuit, totum eradicatæ confessionis ministerium. Sed vestris ista ad gloriam, nostris ad duritiam deputatis. Destruite nunc gloriam majorum, quo nos quoque destruatis. Contenti estote detrahare etiam laudi parentum ad præsens ne nobis locum detis. De his forsitan & temporum qualitas robustioris antiquitatis exegerit ingenia duriora, at nunc tranquillitas pacis, & ingenia mitiora, & mentes hominum etiam in extraneos. Ergo, inquit, veteribus vos comparate: nobis necesse est in vobis odio prosequi quod a nobis non probatur; quia nec invenitur in nobis. Respondete igitur ad singulas species. Non eadem voce exempla depono. Si contemptu scilicet mortis gladius de majoribus fabulas fecit, utique non vitæ amore gladio vos ad lanistas auctoritatis, sed mortis nomen militiæ datis. Si feminae alicui de bestiis famosa mors est, medio quotidie pacis sponte libera ad bestias itis. Si crucem, configendi corporis machinam, nullus adhuc ex vobis Regulus pepigit, attamen jam ignis contemptus evasit, ex quo se quidam proxime vestendum incendiarii tunica ad certum usquequaque locum auctoravit. Si flagris mulier insultavit, hoc quoque proxime inter venatorios ordine transcurso remensus est, ut taceam de Laconica gloria.

19. Hucusque, opinor, horrenda obstinationum Christianarum; quæ si vobiscum communicamus; superest deridenda personarum conferamus: quamquam de persuasionibus omnis obstinatio nostra præstruitur: mortuorum enim præsumimus resurrectionem. Spes resurrectionis, fastidium est mortis. Ridete igitur quantumlibet stupidissimas mentes, quæ moriuntur ut vivant: sed quo facilius rideatis, & resolutius decachinnetis, arrepta sponsa, vel interim lingua delete literas interim vestras, quæ similiter asseverant ani-

mas in corpora redituras. Attamen quanto acceptabilior nostra præsumptio est, quæ in eadem corpora redituras defendit? vobis autem quanto vanius traditum est, hominis spiritum in cane, vel mulo, aut pavone rediturum? Item, iudicium annuntiamus a Deo pro cuiusque meritis post interitum destinatum. Id vos Minoi & Radamantho adscribitis, iustiore interim Aristide recusato. Eo iudicio iniquos æterno igni, pios & infantes amæno in loco dicimus perpetuitatem transacturos. Apud vos .... quoque Pyriphlegethontis & Elysii non alia conditio disponitur. Nec Mythici ac Poëtici soli talia canunt, sed & Philosophi de animorum reciprocatione, & iudicii distributione confirmant. Quoniam igitur usque, iniquissimæ Nationes, non agnoscitis, immo insuper execramini vestros, si nihil inter vos diversitas habet, si unum & eidem sumus. Quia non odistis quod estis, date dextras potius, compingite oscula, miscete complexus, cruenti cum cruentis, incesti cum incestis, conjurati cum conjuratis, obstinati & vani cum æqualibus. Pariter deorum numina læsimus, pariter indignationem eorum provocamus. Habetis & vos tertium genus, etsi non de tertio ritu, attamen de tertio sexu. Illud aptius de viro & femina, viris & feminis junctum. Aut nunquid ipso vos collegio offendimus? Solet æqualitas æmulationis materiam subministrare. Sic figulus figulo, faber fabro invidet. Immo jam de fine simulata confessio redigit conscientiam ad veritatem, & ad constantiam veritatis, (nam omnia ista in nobis solis erunt, & a nobis solis revincuntur quibus inlata sunt;) agnitione scilicet diversæ partis, unde scientia instructa & consilium inspirat, & iudicium gubernat. Vestra denique sententia est, ne causam quis iudicet, nisi duobus auditis. Quod in nobis solis negligitis, naturæ vitio satisfacitis, ut quæ in nobis non refutetis, in aliis .... tis, aut quo-



quorum reatum in vobis memineritis, ea in alios jactetis .... opere occupationes eritis, in extraneos casti, in vos metipfos incesti, exerciores foris, subiecti domi. Hæc est iniquitas, ut gnari ab ignaris, absoluti a reis judicemur. Auferte stipulam de oculo vestro, aut trabem de oculo vestro, ut stipulam de alieno extrahatis. Emendate vosmetipfos prius, ut Christianos puniatis: nisi quod emendaveritis non punietis, immo eritis Christiani; immo si fueritis Christiani, eritis emendati. Discite quod in nobis accusetis, & non accusabitis. Recognoscite quid in vobis non accusetis, & accusabitis. Patet etiam hinc vobis, quantum aperire potuerimus, e paucis istis libellulis, erroris inspectio; & veritatis recognitio. Dammate veritatem, sed inspectam si potestis, & probate errorem, sed repertum si putatis. Quod si præscribitur vobis, errorem amare, & odisse veritatem; cur quod amatis & oditis, non noveritis?

---

Q. SEPTIMII FLORENTIS  
TERTULLIANI

AD

## N A T I O N E S,

LIBER SECUNDUS.

I.

Nunc de deis vestris, miserandæ Nationes, congregari vobiscum defensio nostra desiderat, provocans ipsam conscientiam vestram, ad censendum, an vere Dei, ut vultis, an falso, ut scire non vultis. Hæc enim materia est erroris humani, per artificem ejus, ne ignorantia erroris .... quo magis rei sitis. Patent oculi, nec vident; hiant aures, nec audiunt; cor stupet saliens, nescit animus quod agnoscit. Denique, si tantam perversitatem una præscriptione discutere liceret, in expedito esset nuntiatio, cum omnes istos deos ab hominibus institutos, non .... hinc excidere fidem veræ divinitatis, quo nihil utique aliquando cœptum divinum videri jure possit. Sed enim multa sunt, quibus teneritas conscientiæ obduratur in callositatem voluntarii erroris. Ingenti manu veritas obsidetur, at ipsa de sua virtute secura est. quidni? quosunque vult de ipsis adversariis socios protectoresque sibi met assumit, & omnem illam expugnantorum multitudinem prosternit. Adversus hæc igitur nobis negotium est, adversus institutiones majorum, auctoritates receptorum, leges dominantium, argumentationes prudentium; adversus vetustatem, consuetudinem, necessitatem; adversus exempla, prodi-

prodigia, miracula, quæ omnia adulterinam istam divinitatem corroboraverunt. Quare secundum vestros commentarios, quos ex omni theologiæ genere cepistis, gradum conferens, quoniam major in huiusmodi penes vos auctoritas litterarum, quam rerum est, elegi ad compendium Varronis opera, qui rerum divinarum ex omnibus retro digestis commentatus, idoneum se nobis scopum exposuit. Hunc si interrogem, qui insinuatORES deorum? aut philosophos designat, aut populos, aut poëtas. Triplici enim genere deorum censum distinxit: unum esse physicum, quod philosophi retractant; aliud mythicum, quod inter poetas volutetur; tertium gentile, quod populi sibi quique adoptaverunt. Igitur cum philosophi physicum conjecturis concinnarint, poëtæ mythicum de fabulis traxerint, populi gentile ultro præsumpserint, ubinam veritas collocanda? in conjecturis? sed incerta conceptio est; in fabulis? sed fœda relatio est; in adoptionibus? sed passiva & municipalis adoptatio est. Denique apud philosophos incerta, quia varia; apud poetas omnia indigna, quia turpia; apud populos passiva omnia, quia voluntaria. Porro divinitas, si veram retractes, ea definitione est, ut istud neque argumentationibus incertis colligatur: neque fabulis indignis contaminetur, neque adoptionibus passivis judicetur, haberi enim debet, sicut est, certa, integra, communis, quia scilicet omnium. Ceterum, quem Deum credam, quem suspicio æstimavit, quem historia iactavit, quem civitas voluit? Dignius multo neminem credam, quam dubitandum, aut pudendum, aut adoptivum.

2. Sed physicorum auctoritas philosophorum, ut mancipium sapientiæ patrocinator. Sane mera sapientia philosophorum, cujus infirmitatem prima hæc contestatur varietas opinionum, veniens de ignorantia veritatis. Quis autem sapiens, expers veritatis, qui

ipſus ſapientiæ ac veritatis patrem & dominum Deum ignoret. .... divina alias enuntiatio Salomonis, Initium, inquit, ſapientiæ, metus in Deum. Porro timoris origo, notitia eſt; quis enim timebit quod ignorat? Ita qui Deum timuerit, omnium notitiâ & veritatem adſecutus, plenam atque perfectam ſapientiam obtinebit. Hoc autem philoſophiæ non liquido ſucceſſit. Licet enim per curioſitatem omnimodæ literaturæ inſpiciendæ, divinis quoque ſcripturis ut antiquioribus poſſint videri incurſaſſe, & inde nonnulla dempſiſſe, cum tamen .... nt, probant ſeſe aut omnia deſpexiſſe, aut non omnibus .... nam & alias veritatis ſimplicitas per ſcrupuloſitatem .... ve fide nutat; & ita accedente libidine gloriæ ad proprii ingeniî opera muſaſſe, per quod incertum abiit etiam quod invenerant, & facta eſt argumentationum inundatio, de ſtillicidio uno atque alio veritatis; invento enim ſolummodo eo, non ut invenerunt, expoſuerunt, ut de qualitate ejus & de natura, & jam de ſede diſceptent. Platonici quidem, curantem rerum, & arbitrum, & judicem. Epicurei, otioſum & inexercitum, & ut ita dixerim, neminem: poſitum vero extra mundum, Stoici: intra mundum, Platonici. quem non penitus admiferant, neque noſſe potuerunt, neque timere, nec inde ſapere, exorbitantes ſcilicet ab initio ſapientiæ, id eſt, metu in Deum. Extant teſtimonia tam ignoratæ quam dubitatæ inter philoſophos divinitatis. Diogenes conſultus, quid in cœlis agatur? Nunquam, inquit, aſcendi. Item, an Dei eſſent? Neſcio, inquit, niſi ut ſint expedire. Thales Mileſius, Cræſo ſciſcitantî, quid de deis arbitraretur? poſt aliquot deliberandi commeatus, nihil renunciavit. Socrates ipſe deos iſtos quaſi certus negabat. Idem Aſculapio gallinaceum ſecari quaſi certus jubebat. Et ideo cum tam incerta & inconfans deſiniendi de Deo philoſophia deprehenditur, quem potuit .... re  
ejus,

ejus, quem non liquido tenebat, determinare? De mundo .... dicimus. Hunc enim physicum theologiae genus cogunt: q....ta deos tradiderunt, ut Dionysius stoicus trifariam deos dividat; unam vult speciem; quæ in promptu sit, ut solem, lunam.... aliam, quæ non compareat, ut Neptunum: reliquam, quæ de hominibus ad divinitatem transisse dicitur, ut Herculem, Amphiarum. Aequè Arcefilaus trinam formam divinitatis ducit, Olympios, Astra, Titaneos; de Cælo & terra: ex his, Saturno & ope Neptunum, Jovem, & Orcum, & ceteram successionem. Xenocrates Academicus bifariam facit, Olympios & Titanios, qui de cælo & terra. Aegyptiorum plerique quatuor deos credunt, solem & lunam, cælum ac terram. Cum reliquo igni superno deos ortos Democritus suspicatur, cujus instar vult esse naturam Zeno. Unde & Varro ignem mundi animum facit, ut perinde in mundo ignis omnia gubernet, sicut animus in nobis. Atqui vanissime. Nam cum est, inquit in nobis, ipsi sumus; cum exivit, emorimur. Ergo & ignis cum de mundo per fulgura proficiscitur, mundus emoritur.

3. His ita expeditis, videmus physicum istud ad hoc subornatum, ut deos elementa contendat, cum his etiam alios deos natos alleget: Dei enim nonnisi de deis nascerentur, quos quoniam in mythico apud poetas plenius suo loco examinabimus, tamen quod de ipsis interim retractandum est, quod ad præsentem speciem facit, simul & de præsentī specie ad ipsos .... an ostensuri sumus, deos nullo modo videri posse qui de elementis nati dicuntur, ut jam hinc præjudicatum sit, deos elementa non esse, cum qui de elementis nati dicuntur, dei non sunt: æquè demonstrando, orta deos non esse, ad illam agnatorum speciem præstruemus recte non esse defendi, quorum parentes: id est elementa dei non sunt. Scitum, Deum

Deum e Deo nasci, quemadmodum de non Deo non Deum. Igitur, quod elementa contineat mundus iste, ut summaliter tractem de universitate, partibus ejus præministrans; nam quæ conditio ejus, eadem utique erit & elementorum & membrorum, aut ab aliquo institutus sit, necesse est, qua Platonis humanitas: aut a nullo, qua Epicuri duritia. Et si institutus est, habendo initium habebit & finem, ita quod aliquando non fuit ante initium, & quandoque non erit post finem, non capit utique videri Deus, carens substantia divinitatis, id est æternitate, quæ sine initio & fine censetur. Si vero institutus omnino non est, ac propterea Deus habendus: quod ut Deus neque initium, neque finem sui patitur, quomodo quidam assignant elementis, quæ deos volunt, generationem, cum Stoici negent quicquam Deo nasci? Item, quomodo volunt, quos de elementis natos ferunt, deos haberi, cum Deum negent nasci? Itaque quod mundi erit, hoc elementis adscribetur, cælo dico, & terræ, & sideribus, & igni, quæ deos & deorum parentes adversus negatam generationem Dei & nativitatem frustra credi proposuit Varro. Et qui Varro indicaverat animalia esse cælum & astra. Quod si ita est, etiam mortalia sint necesse est, secundum animalis formam: nam etsi immortalem constat animam, ipsi hoc soli licebit, non etiam illi cui adnectitur, id est corpori, nemo autem negabit mortale corpus esse, cum & contingamus ea, & contingamur ab eis, certa corpora ex illis decidere videamus. Ergo si animalia deposita ratione animæ, qua corporum conditio, mortalia, non utique, dii elementa. Et tamen unde animalia Varroni videntur elementa? Quoniam moventur. Ac, ne ex diverso proponatur, multa alia moveri, ut rotas, ut plaustra, ut machinas ceteras, ultro prævenit dicens, eo animalia credita, quod per semetipsa moverentur, nullo extrinsecus apparente mota-

motatore eorum aut minatore, sicut apparet qui rotam compellit, & plaustra volvit, & machinam temperat. Igitur nisi animalia, non mobilia per se. Porro allegans, quid non appareat, ostendit quid quæfisse debuerat, id est, artificem & arbitrum motus; neque enim statim non est, quod quia non videmus, non credimus esse. Immo eo altius investigandum est, quod non videatur, ut quod videatur quale sit scire possimus. Alioquin si tantum ea quæ comparent, ideo esse creduntur quia comparent, quomodo deos etiam eos recipitis, qui non comparent, si autem videntur esse qui non sunt, cur non sint & qui non videntur? Motatorem dico cælestium rerum. Sint ergo & animalia, quia mobilia per se, & jam mobilia per se quia non per alium; tamen illa non statim dei, quia animalia, ita nec ideo quia per se mobilia; aut quid vetat universa animalia, ut mobilia per se, deos haberi? .... lia sane vanitate Aegyptiis licet.

4. Ajunt quidam propterea deos fuisse appellatos, quod *θεῶν* & *περιελάττειν* procurrere ac motari interpretatio est. Sane vocabulum istud non est alicujus majestatis; a cursu enim & motu, non ab divinitatis denominatione formatum est. Sed cum etiam ille unus Deus quem colimus, *θεός* cognominetur, nec tamen aut motus ullus aut cursus ejus appareat, quia nec visibilis cuiquam sit, palam est, ut vocabulum istud .... sumptum propriumque, quia se nativum, divinitatis inventum .... interpretationis ejus astutia, verisimilius est non a cursu & motu *θεῶν* dictos, sed de appellatione veri Dei mutuatum, uti quos æque deos excudissetis, *θεοὶ* cognominaretis. Denique quam ita sit, probatio suppetit, cum etiam universos deos vestros, in quibus nullius cursus aut motus officium denotatur, *θεοὶ* communiter appelletis, itaque si æque *θεοὶ* æque immobiles, disceditur vocabuli interpretatione pariter, & divinitatis opinione, quæ a cursu



cusu & motu modulata rescinditur. Quodsi nomen istud proprium divinitatis, & simplex, nec interpretatorium in illo Deo reprehensum, in cetera quæ deos vultis, docete etiam qualitatis inter illos esse consortium, ut jure, consistat collegium nominis communione substantiæ. Porro Θεός ille jam hoc solo, quod non sit in promptu, vacat a comparatione eorum quæ in promptu sunt & visui & sensui, sed sensui satis quod est testimonii ad diversitatem occulti & manifesti renuntiatio; si elementa palam proposita omnibus? si contra Deus, nemini, quomodo poteris ex ea parte quam non vidisti quæ vides congrédi? Cum ergo non habes conjungere sensu.... ratione, quid vocabulo conjungis, ut conjungas etiam potestate? Ecce enim Zeno quoque materiam mundialem a Deo separat, vel eum per illam, tamquam mel per favos transisse dicit. Itaque materia & deus duo vocabula, duæ res. Pro discrimine vocabulorum etiam res separantur, etiam materiæ conditio vocabulum sequitur. Quodsi materia non est, quia sic & appellatio præscribit, quomodo quæ sunt in materia, id est elementa, Dei habebuntur, cum membra a corpore alig.... esse non possint? Sed quid ego cum argumentationibus physiologicis? S.... ascendere debuit de statu mundi, non in incerta descen.... lo platonica forma quadratum eum angulatumque com.... do circino rotunda ita collegit, quod sine capite solum credi laborat. Sed Epicurus qui dixerat, quæ super nos, nihil ad nos, cum & ipse cælum inspicere desiderat, solis orbem pedalem deprehendit. Adhuc scilicet frugalitas & in cælis agebatur. Denique ut ambitio profecit, etiam sol aciem suam extendit, ita illum orbem majorem Peripatetici denotaverunt. Oro vos, quid sapit conjecturarum libido? Quid probat tanta præsumptione asseverationis otium affectatæ morositatis eloquii artificio adornatum?

Merito



Merito ergo Milesius Thales dum totum cœlum examinat & ambulat oculis, in puteum cecidit....r, multum inrisus Aegyptio illi: In terra, inquit, nihil perspiciebas, cœlum tibi speculandum existimas? Itaque casus ejus per figuram .... s notat, scilicet eos qui stupidam exerceant curiositatem .... naturæ, quam prius in artificem ejus & præsidem, in vacuum .... n dum habituros.

5. Quin ergo ad humaniorem aliquanto .... imur opinionem, quæ de communi omnium sensu & simplici cog .... deducta videatur? Nam & Varro meminit ejus, creditam præterea dicens elementorum divinitatem, quod nihil omnino sine suffragio illorum gigni, ali, provehi possit ad vitæ humanæ & terræ stationem, quando ne ipsa quidem corpora aut animas sufficere licuisset sine elementorum temperamento, quo habitatio ista mundi circulatorum conditionibus fœderata præstatur, nisi quod hominum incolatui denegavit enormitas frigoris aut caloris. Itaque deos credi. Solem, qui dici de suo cumulet, fruges caloribus, p.... & annum stationibus servet: Lunam, solatium noctium, patrocinium mensium gubernaculis. Item sidera signacula quædam temporum ad mutationem notandorum. Ipsum denique cœlum, sub quo omnia; terram, super quam omnia, & quicquid illorum inter se ad commoda humana conspirat. Nec tantum beneficiis fidem divinitatis elementis convenire, sed etiam de diversis quæ tanquam de ira & offensâ eorum incidere soleant, ut fulmina, ut grandines, ut ardores, ut auræ pestilentes: item diluvia: item hiatus motusque terrarum. Et jure credi deos, quorum natura honoranda sit in secundis, metuenda sit in adversis: domina scilicet juvandi & nocendi. Porro, si ita sentiuntur in .... conversatione, non perinde rebus, ipsis quibus juvantur, sive læduntur, aut gratias referunt, aut querelas intendunt; sed his sub quorum

quorum ducatu & potestate operatio rerum decurrit. Nam in voluptatibus vestris non tibiæ aut citharæ coronam ad præmium adjudicatis, sed artifici, qui tibiam & citharam suavitatis temperet vi. Aequè, cum quis valetudine male est, non lanis, nec antidotis, aut malagmatis ipsis gratiam meministis; sed medicis, quorum opera atque prudentia remedia proveniunt. Item in adversis qui ferro fauciantur, non gladium ipsum aut lanceam accusant; sed hostem vel latronem. Et quos .... tegulas aut imbrices arguunt, sed vetustatem: sicut & naufragi non petris & fluctibus imputant, sed procellæ. Merito. Certum enim est, quodcunque est, ei adscribendum, non per quod fit; sed a quo fit, quia is est caput facti, qui & ut fiat, & per quid fiat, instituit. Et sunt in omnibus rebus tres tituli isti, quod est, per quod est, & a quo est; quia prius est, qui quid velit fieri, & quod possit, inveniri. Et ita recte in ceteris agitis, auctorem considerantes. At in physicis contra naturam regula vestra, qua in ceteris sapientiam judicatis, auferendo summum gradum auctoris; & quæ fiunt, non a quo fieri, .... ita credere contingit elementorum potestates & ar .... esse, quæ sunt servitutes & officia. Non in ista investigatione ali .... us artificis intus & domini, servitutis autem non tendimus elementorum, .... operis eorum quas facis potestatis. Sed Dei non serviunt: ea igitur quæ serviunt, Dei non sunt. Aut doceant vulgo fieri ut de licentia passivitatæ libertas approbetur; de libertate, dominatio; de dominatione, divinitas intelligatur. Nam si omnia hæc super nos certis curriculum, legitimis decursibus, propriis spatiis, æquis vicibus sub legis instar constituta volvendis temporibus, & exercendis temporum ducatibus occurrere meminerunt, .... ex ipsa observatione conditionum suarum, & fide operum & instantia .... & cura demutationum,

memoria reciprocatorum, aliquam dominationem sibi præesse persuadeant vobis, cui apparere videatur universa negotiatio mundialis perveniens ad humani generis utilitatem & .... nem? Non enim potest dicere, ea sibi agere ista, ac sibi curare, nec quicquam hominum causa disponere, cum propterea defendas elementis divinitatem, quod ab aliis aut juvari te, aut lædi sentias: nam si sibi præstant, nihil eis debes.

6. Age jam, conceditisne divinitatem non modo non serviliter currere, sed inprimis integre stare, neque minui, neque intercipi, neque corrumpi debere. Ceterum abiit omnis felicitas ejus, si quid patitur unquam. Ecce autem & astra intercidunt, & intercidisse se attestantur. Confitetur & luna quantum amiserit, cum refumit. Jam majora ejus detrimenta soletis in aquæ speculo considerare: ut nihil amplius ullam .... credam quod magi norunt. Ipse etiam sol sæpe defectione tentatus est. Fingite quaslibet rationes cœlestium casuum, non volet Deus aut minor fieri, aut esse desinere. Viderint igitur humanæ doctrinæ patrocina, quæ conjectandi artificio sapientiam mentiuntur & veritatem. Nam alias natura sic est, ut qui melius dixerit, hic verius dixisse videatur: non qui verius, is melius.

7. Ceterum cui res examinabitur, verisimilius utique dicet elementa ista ab aliquo regi, quam ultro .... igitur non deos, quæ sub aliquo. At si in isto erratur, melius est simpliciter, quam ut physici, diligenter. Sed enim si ad mythic .... tes, melius jam in physico mortalitas errat, eis divinitatem adscribendo, quæ super hominem putat situ, & vi, & magnitudine & divinitate sentiri: quod enim super hominem, credas Deo proximum. Ceterum ut ad mythicum transeamus, quod poetis deputatur, nescio an tantum, .... mediocritati nostræ, an tanti de documentis divinitatis conf. .... ut Mopsus Africanus,

*Tertull. Tom. I.*

*M*

*&*

& Bœotus Amphiaraus. Delibanda enim nunc est species ista, cujus suo loco ratio reddetur. Interim, hos certe homines fuisse, vel eo palam est, quod non constanter deos illos; sed heroas appellatis. Quid ergo contendimus? si addicenda mortuis divinitas erat, non utique talibus. Ecce vos, cum eadem licentia præsumptionis sepulcris regum veſtrorum cœlum infamatis, nonne probatos quosque iustitia, virtute, pietate, & omni bono, ejusmodi consecrationis solatio honestatis, contenti pro talibus etiam inrideri pejerantes. At e contrario impios, turpes etiam pristinis humanæ gloriæ præmiis aufertis, decreta eorum & titulos lancinatis, imagines detrahitis, monetam repercutitis. Ille autem conspекtor omnium, comprobator, imo largitor bonorum, tantæ indulgentiæ suæ ordinationem vulgo prostituet, & plus diligentiae atque iustitiæ hominibus licebit in distribuendis divinitatibus sapere? Mundiores erunt regum & principum comites quam summi Dei? Atquin horretis & averſamini, vagos, exules, .... debiles, sordide natos, inhoneste institutos. Contra incestos, adulteros, raptos, parridas etiam legibus exerendis. Ridendum an irascendum sit, tales deos credi, quales homines esse non debeant? sed enim in isto mythico genere, quod poetæ ferunt, quam incerti agitis circa conscientiae pudorem, & pudoris defensionem. Nam quotiens mise...., turpia, vel atrocia deorum exprobramus, allegationem poeti.... e ut fabulosa defenditis? quotiens ultro filetur de ejusmodi poetica; non modo non horretis sed insuper honoratis, utque in necessariis artibus habetis. Denique per hanc initiatricem literaturæ ingenuitatis studia producit. Criminatores deorum poetas eliminari Plato censuit; ipsum Homerum sane coronatum civitate pellendum. At cum excipiat illos & retineatis, cur non credatis, talia retexentibus de deis vestris? Igitur

tur si creditis poetis, cur tales deos colitis? si ideo colitis, quia non creditis poetis, cur laudem mendacibus fertis, nec cavetis ne offendatis eos, quorum detrectatores honoratis? Sane fides a poetis non exigenda. Nonne qui dicitis deos post mortem factos, homines confitemini ante mortem? Quid ergo novi, si qui homines fuerint, humanis aut casibus, aut criminibus, aut fabulis polluantur? Non creditis poetis cum de relationibus eorum etiam sacra quædam disposueritis? Cur rapitur sacerdos Cereris si non tale Ceres passa est? Cur Saturno alieni liberi immolantur, si ille suis pepercit, cur Idææ masculus amputatur, si nullus illi fastidiosior adolescens libidinis frustrata dolore castratus est? Cur Herculeum polluctum mulieres Lanuvinæ non gustant, si non mulierum causa p .... Mentiantur sane poetæ! sed non ideo quod talia gesserint .... homines quas defuerint necquod divinas adscripserint fo .... divinitatis, cum interim vobis credibilis visum est deos fuisse, sed non tales? quam tales, sed non deos.

8. Superest gentile illud genus inter populos deorum, quos libidine sumptos, non pro notitia veritatis, docet privata notitia. Deum ergo existimo ubique notum, ubique præsentem. ubique dominantem, omnibus colendum, omnibus demerendum. At enim cum illi quoque quos totus orbis communiter colit, excidant probationi veræ divinitatis; quanto magis isti, quos ne ipsi quidem municipes sui norunt. Nam quæ idonea auctoritas præcucurrit ejusmodi theologiæ, quam etiam fama destituit. Quanti sunt qui norint visu vel auditu Atargatin Syrorum! Cœlestem Afrorum: Varfutinam Maurorum: Obodan & Dufaren Arabum: Belenum, Norium: vel, quos Varro ponit, Casiniensium Delventinum, Narniensium Visidiavum, Atheniensium Numentinum: Aesculanorum Anchariam, & quam Præverim: Vulfiniensium Nortiam quorum ne nomi-

num. quidem dignitas humanis cognominibus distat. Satis rideo etiam deos decuriones cujusque municipii, quibus honor intra muros suos determinatur. Hæc libertas adoptandorum deorum quousque profecerit, Aegyptiorum superstitiones docent, qui etiam bestias privatas colunt, p.... crocodilos & anguem suum. Parum est, si etiam hominem consecrarunt. Illum dico, quem non jam Aegyptus aut Græcia, verum totus orbis.... Afri jurant; de cujus statu quid conjici potest apud nostras literas ut verisimile videtur positum est. Nam Serapis iste quidam olim Joseph.... fuit de genere sanctorum, junior inter ceteros fratres, sed excelsior.... ab iisdem fratribus per livorem venum in Aegyptum datus, serviebat in familia regis Aegyptiorum Pharaonis: a regina minus pudica desideratus: sed quia non obsequiebatur, e contrario ab eadem delatus, a rege in carcerem datur. Illic somnia quibusdam non perperam interpretatus, vim spiritus sui ostendit. Interea rex quoque somnia terribilia quædam illi, detractis quos convocaverat, voluit exponere. Joseph expedita de carcere edocuit, somnium regi aperit: illos boves septem optimissimos, defluentes, totidem annorum ubertatem significare: posteriores æque septem ineptos, subsequens septem annorum inopiam. Prædicare itaque sæpe de recondendis præsidiis in futuram famem de copia priore. Credidit rex: exitus rerum & prudentem & sanctum semper necessarium probavit. Itaque Pharaon universæ Aegypto & frumentandæ & exinde curandæ eum præfecit. Hunc, Serapidem ex suggestu quo caput ejus ornatum, vocaverunt: cujus suggestus modalis figura, frumentationis memoriam obsignat; & curam frugum super caput ejus fuisse, ipsis spicis, quibus per ambitum notatur, apparet. Propterea & canem, quem apud inferos deputant, sub dextera ejus dicaverunt, quod sub manu ejus compressatus Aegyptiorum, & Fariam adjungunt quam

quam filiam regis Pharaonis derivatio nominis esse demonstrat; nam & tunc Pharaonis, inter cetera honorum & remunerationum, filiam quoque in matrimonium ei dederat. Sed quia & feras & homines colere susceperant, utramque faciem in unum Anubin contulerunt, in quo naturæ conditionisque suæ potius argumenta videri posset consecrasse gens rixosa, suis regibus recontrans, in extraneis dejecta, sane & gula & spurcitia .... etiam servi ipsa.

9. Hæc secundum tripertitam dispositionem .... divinitatis aut notiora, aut insigniora digessimus, ut possit jam videri satis responsum de physico genere, de poetico, de gentibus: & quoniam omnis substitutio, non jam philosophorum, nec poetarum, nec populorum a quibus tradita est, sed dominantium Romanorum quibus occupata est, auctoritatem sibi extruxit, alia jam nobis ineunda est humani erroris latitudo: immo silva cædenda, quæ undique conceptis superstitionum seminibus, vitii pueritatem obumbravit. Sed & Romanorum deos Varro bifariam disposuit, incertos, & electos. Tantam vanitatem! Quid enim erat illis cum incertis, si certos habebant? nisi si Atticos stupores recipere voluerunt: nam & Athenis ara est inscripta: ignotis deis, colit ergo quis quod ignorat? Tum si certos habebant, contenti esse debuerunt, nec electos desiderare. In quo etiam inreligiosiprehenduntur. Si enim Dei, ut bulbi, feliguntur: qui non feliguntur, reprobi pronuntiantur. Nos vero bifariam Romanorum deos recognoscimus, communes, & proprios, id est, quos cum omnibus habent, & quos ipsi sunt commenti. Et numquid hi sunt publici & adventitii dii? hoc enim aræ docent, adventitiorum, ad sanum Carnæ; publicorum, in Palatio. Quare cum communes Dei, quam physico, quam in mythico comprehendantur, ætatum est jam de istis speciebus. De propriis di-

cere .... &... De Romanis stupeamus, tertium illud genus hostilium deorum .... eo quod nulla gens alia tantum sibi superstitionis invenerit .... duas species dirigimus; alios de hominibus assumptos, alios inde conceptos. Igitur quoniam idem illis color & suppetit consecrationis mortuorum, tanquam ob merita vitæ, eandem & nos responsionem opponamus necesse est, neminem ex his quoque tanti fuisse. Patrem diligentem Aeneam crediderunt, militem nunquam gloriosum, lapide debilitatum: quod telum quantum volgare, atque caninum, tanto ignobile vulnus! Sed & proditor patriæ Aeneas invenitur. Tam Aeneas, quam Antenor. Ac si hoc verum nolunt, Aeneas certe patria flagrante dereliquit socios feminae Punicæ subjiaciendus, quæ maritum Hasdrubalem Aeneæ timiditate supplicantem hosti non comitata, raptis secum filiis, formam & patrem sibi habere non in fugam sapit, sed in ignes ardentis Carthagini, ut in amplexus patriæ pereuntis incubuit. Pius Aeneas, ob unicum puerum & decrepitum senem, Priamo & Astyanacte destitutis: atquin Romanis magis detestandus. Qui pro salute principum & domus deorum, adversus liberos & conjuges & omne pignus suum dejerant. Consecrat filium Veneris, & hoc Volcanus sciens patitur, & Juno concedit. Si veredi parentum in cælo sedent, cur non potius Argivi juvenes Dei habiti, quod matrem ne in sacris piaculum committeret, plus quam humano more jugales provexerunt? Cur non magis dea, quæ magis pia, illa filia patris in carcere fame defecti uberibus suis educatrix? Quid aliud Aeneæ gloriosum, nisi quod prælio Laurentino nusquam comparuit? Rursus forsitan solito more quasi desertor e prælio fugerit. Romulus æque post mortem Deus, si quia urbem condidit, Deus; usque in feminas, urbium auctores. Sane Romulus & fratrem interfecit, & alienas virgines dolo rapuit.



rapuit. Ideo Deus, ideo Quirinus est, quia tunc parentibus quiritalum est per illum! Quid Sterculus meruit ad divinitatem? si agros stercoribus juvando diligens fuit, plus fimi Augias conferebat. Si Faunus Pici filius in jus agitabatur mente ictus, curari eum magis quam consecrari decebat. Si Fauni filia pudicitia præcellebat, ut ne conversaretur quidem inter viros, aut barbaria, aut conscientia deformitatis, aut rubore insanix paternæ, quanto dignior Bona dea Penelopa, quæ inter utilissimos amatores diversata, obfessam castitatem tenere protexit? Est & sanctus, propter hospitalitatem a rege Plotio fanum consecutus: potuit & Ulixes de humanissimo Alcinoο unum amplius Deum vobis contulisse. Ad scdiora festino.

10. Non puduit Auctores vestros de Laurentina palam facere. Scortum hæc meritorium fuit, sive dum Romuli nutrix, & ideo lupa, quia scortum; sive dum Herculis amica est, & jam mortui Herculis, id est, jam Dei. Nam ferunt, ædituum ejus solum forte in æde calculis ludentem ut sibi conlusorem, quem non habebat, repræsentaret, una manu Herculis nomine, alia ex sua persona lusum inisse, si ipse vicisset, cœnulam & scortulum ex stipitibus Herculis fumeret: si vero Hercules, id est manus altera, eadem Herculi exhiberet. Vicit manus Herculis. (id quoque potuit duodecim titulis ejus adscribi.) Aedituus cœnam Herculi dependit, scortum Larentinam conducit: cœnat ignis, qui Sol, & ipsius Herculis co .... nia ara consumpsit: Larentina in æde sola dormit .... de lenonio ludo jactitat se somniis Herculi functam: & potuit, dum animo contemplatur, somnio pati. Eam de æde progredientem mane primo quidam adolescens, tertius quod ajunt Hercules concupiscit, ad se .... id dictum sibi ab Hercule, utique .... ceantur. Non enim impune licui .... dem quoque scribit: mox illa prop .... per Herculem fue-

rat infecuta, agrum .... divinitatem & filiabus suis, quas ut ipsas h .... dium a Larentiniana Romanorum numina digni .... sola de tot uxoribus Herculi cara, sola enim dives .... or Cerere quæ mortuo placuit. Tot exemplis & vo .... quis non Deus affirmari potuit? Quis denique Antinoo controversiam divinitatis agitavit, quod decorior Ganymedes, aut carior suo amatori ....? apud vos mortuis cælum; viam ab inferis ad astra subigitis: Pass .... ta ascendunt: ne multum putetis vos præstare regibus vestris.

II. Non contenti eos deos asseverare, qui visi retro, auditi contrectatique sunt, quorum effigies descriptæ, negotia digesta, memoria propagata, umbras nescio quas incorporales, inanimales, & nomina de rebus efflagitant, deosque sanciant, dividentes omnem statum hominis singulis potestatibus ab ipso quidem uteri conceptu, ut si Deus Consevius quidam, qui consationibus concubitalibus præsit; & Fluviona, quæ infantem in utero .... hinc Vitumnus, & Sentinus, per quem viviscat infans & sentiat ....: de hinc Diespiter, qui puerum perducit ad partum. Cum prin .... & Candelifera, quoniam ad candelæ lumina parriebant, & quæ .... us dictæ. Perverse natos .... to Prosæ carmentis esse provin .... & ab Effatu Farmus, & aliis a Jo .... vem ad cavendum sumministrat .... rix & Albana, & una Rucinia. Mirum .... non esse provisos. Exinde & primi cibi sum .... Potina & Eluda, & statuendi infantis Sta .... do, Abeona, & Domiducam, & habent Edeam .... cæ & malam. Item voluntatis, Volunnum, voletam .... Paventinam, Pavoris, Spei, Veniliam: voluptatis, Volupiam .... ntæ, Præstitionem: æque ab actu, Peragenorem: si aliis con, consum: juventam, novorum togatorum: virorum jam; fortuna barbata .... nuptialibus differam. Afferenda est ab afferendis dotibus ordinata .... dor, & Mutunus,

tinus, & Tutunus. Et dea Pertunda, & Subigus, & Prema .... parcite dei impudentes, luctantibus sponsis nemo intervenit .... quorum votum est foris gaudentes erubescunt.

12. Et quonam usque deos .... quia differendum quales deos receperitis, quantum vobis erubescere .... Rideam vanitatem, an exprobrem cæcitatem, est admodum incertum. Nam quot deos, & quos utique producam? Majores, an & minores? veteres, an & novitios? mares, an & feminas? cœlibes, an & le .... artifices, an & inertes? rusticos, an & urbanos? cives, an & peregrinos. Tot enim familiæ, tot nationes, census bona fide quærunt, ut dispici & distingui describique non possint: ut quanto diffusa res est, tanto substringenda nobis erit. Et ideo, qui in ista specie unum tuemur propositum demonstrandi, illos omnes homines fuisse: non quidem ut cognoscatis, nam quasi oblita agitis, compendio ab ipsa dispiciendi ratione summam originem generis illorum retractando .. Origo enim, totius posteritatis. Ea origo deorum vestrorum, Saturno, ut opinor, signatur. Neque enim si Varro antiquissimos deos Jovem, Junonem, & Minervam refert, nobis excidisse debet, omnem patrem filiis antiquiorem, tam Saturnum Jove, quam Cœlum Saturno; de Cœlo enim & Terra Saturnus & tamen Cœli & terræ originem omitto. Erant unde cœlibes diu & orbi, antequam mariti & parentes, Longo scilicet ævo crescendum illis fuit ad tantam proceritatem. Denique, simul cœpit & Cœlo vox inolescere, & ubera terræ labilliscere, faciunt nuptias inter se. Credo, aut Cœlum descendit ad sponsam, aut Terra ascendit ad sponsum! Concepit tamen, Terra de Cœlo, & peperit illa Athos, Athos Saturnum: mira ratione. Utri parentum similis: sed & peperit, certe ante Saturnum neminem procreaverunt, nisi unam postea Opem, exinde de

fabule cessatum est. Nam Saturnus quidem Cœlum castravit dormientem, legimus Cœlum genere masculino: ceterum quomodo pater, nisi masculinus? Sed & unde castrandum, falx illi: hoc f. . l. . . . Nondum enim Vulcanus artifex ferri. Terra vero orbata distulit, etsi adhuc juvenili ætate, alii nubere. Sed nec habebat Cœlam . . . . tamen nisi illam Mare amplectitur, sed olet falsuginem . . . . aquis assueta. Ita Saturnus unicus masculus Cœli atque Terræ. Sed ipse pubescens sorori suæ jungitur. Nondum leges quæ incesta prohiberent, nec quæ parricidium plecterent. Itaque filios virili sexu devorabat: melius ipse quam lupi, si exponeret; timebat scilicet, ne quis illorum de paterna falce didicisset. Nato mox, & abalienato Jove, saxum infantis ementiti deglutivit. Hoc ingenio diu securus, tandem filio quem nondum digesserat, in tenebris adulto, oppressus, regnoque privatus est. Hunc vobis patriarcham deorum, Cœlum & Terra, poetis obstetricantibus, procreaverunt. Sed eleganter quidam sibi videntur physiologice per allegoricam argumentationem de Saturno interpretari tempus esse, & ideo Cœlum & Terram parentes, ut & ipsos origini nullos, & ideo falcatum, quia tempore omnia dirimantur. Et ideo voratorem suorum, quod omnia ex se edita in seipsum consumat. Nominis quoque testimonium compellant: Cronium dictum græce, ut Chronon: æque latini vocabuli a fationibus rationem . . . . nt, qui eum procreatorem conjectantur: per eum seminalia cœli in terram deferri: opem adiungunt, quod opem videndi semina conferant; & quod opere semina evadant. Quæ oro, hujus translationem . . . . ponas. Aut Saturnus fuit, aut tempus. Quomodo Saturnus . . . . quomodo tempus. utrumque enim non potes, corporale in eo . . . . mare. Quid autem prohibuit tempus coli in sua qualitate . . . . hominis, aut fabulam hominis, aut fabulam hominis

in sua specie, non in tempo .... Quid sibi vult intellectio ista, nisi foedas materias mentitis argumentationibus colorare. Saturnum neque ideo qui .. d .... tempus, aut dum eum tempus facis, jam nec hominem vis fuisse. Pla .... s omnino Saturnus in terris humanæ qualitatis apud veteres memorias recensetur. Potest incorporaliter fingi quodvis quod non fuerit omnino: vacat fingendi locus, ubi veritas est. Cum autem Saturnum constat vixisse, frustra demutatis: non conceditur vobis, quem non negabitis fuisse hominem, qui neque deus, neque tempus defendi potest. Exstat apud litteras vestras usquequaque Saturni census: legimus apud Cassium Severum, apud Cornelios, Nepotem & Tacitum, apud Græcos, quoque Diodorum, quive alii antiquitatem canos collegerunt, nec fideliora vestigia, .... quam in ipsa Italia signata sunt. Nam post plurimas terras & Attica hospitia Italiæ, vel, ut tunc vocabatur, Oenotriæ, confedit: exceptus ab Jano, sive Jane, ut si alii vocant: mons quem coluerat Saturnius dictus: urbs, quam depalaverat, Saturnia usque nunc est: tota denique Italia de Saturno vocabatur: tali teste terram, quæ nunc dominatur orbi, etiamsi de origine Saturni dubitatur, de actu tamen constat hominem illum fuisse. Ita si homo Saturnus, proculdubio de ....: immo, quia homo, non utique de cælo atque terra, sed cui parentes ignoti, quibusdam facile fuit illum deorum filium dici: quorum possunt omnes videri. Qui enim non cælum ac terram patrem ac matrem venerationis gratia appellet? An de consuetudine humana, qua ignoti quique ex inopinato apparentes, de cælo advenisse dicuntur? Proinde .... semper eg .... ra pentino, ubique inolevit cœlitem dici. Nam & vulgo generis incertos, terræ filios jactitamus. Nihil allego de statu antiquitatis, qua .... rudes tunc agebantur & oculi, & mentes hominum, & cujuslibet novi viri

viri aspectu, quasi divino commoverentur, ne dum & regis, & quidem primi. Adhuc de Saturno immorabor, quod & cæteris compendium præstruam, satiata primordiornum disputatione: nec prætermittam potiora testimonia divinarum litterarum, quibus fides pro antiquitate superior debetur. Ante enim Sibylla, quam omnis literatura extitit. Illa scilicet Sibylla, veri vera vates, & cujus vocabula dæmoniorum vatibus induistis. Ea senario versu in hunc sensum de Saturni prosapia & rebus ejus exponit: decima, inquit, genitura hominum, ex quo cataclysmum prioribus accidit, regnavit Saturnus, & Titan, & Jambetus, terræ & cœli fortissimi filii. Si qua ergo, vel vestris .... oribus literis vestris superioribus, sed idcirco magis proximis .... in illius ætatis, fides adjacet.

13. Satis de Saturno & prosapia ejus .... um est, homines fuisse. Tenemus compendium, in ceteros originis præscriptionem, ne per singulos evagemur. Qualitas posteritatis a principibus generis ostenditur, mortalia de mortalibus, terrena de terrenis, gradus ad gradus comparantur, nuptiæ, conceptus natales cucurrerunt, patriæ sedes, regna monumenta l .... qui natos non possunt negare, mortuos credant: qui mortuos confitentur, deos non putent. Sed enim manifestis vis sua adfistit: quos a primordio non .... divinitatem, affirmando illos post mortem deos factos, ut Varro, & qui cum eo somniaverunt; hic igitur consisto: .... alle .... in hoc nomen & numen, ut in ordinem senatorium, .... vestra cedatis jam necesse est, aliquem summum dominatorem .... allegendi potestatem, & quasi Cæsarem: neque quisquam aliis præstare potest, qui non ipse dominetur. Ceterum si potuerunt deos sese facere post mortem, a .... deterioris conditionis ab initio esse voluerunt; aut si nemo est qui deos fecerit, quomodo facti dicentur, qui

non

non nisi ab alio fieri potuissent? Ita nullus datur vobis renuendi locus, esse mancipem quendam divinitatis. Perspiciamus itaque causas allegendæ mortalitatis in cœlum. Harum duplicem rationem credo proferetis: aut enim illu .... quis idem præstans facit, ut habeat vel amminicula, vel munimenta, vel etiam ornamenta fastigii sui: aut meritorum necessitas .... s dignis quibusque. Aliud quid suspicari non datur. Nemo .... giendo alicui, aut non sua, aut illius causa facit: sed neque .... petere numini inest tanta & potestas, ut scilicet .... faciat, si tanta humanitas inrogetur, qui egeat opera vel adjumento quorundam, & quidem mortuorum, quo mirum magis, cum alios sibi immortales instituere potuisset. Nec diutius de .... tus conquiret, qui humana divinis comparavit. Sa .... rior opinor est, discuti debet, si Deus remissus .... buta si pristinis viris .... recogitandum. Quod exinde nemo dig .... si capere jam locus non potest. Tantis videlicet .... a meruerit antiquitas. Ergo an meruerit, re .... meruisse, proponat ipsius merita. Si quid in cunabulis .... litatis, valent, ad suffragium divinitatis, in cestorum .... Opem & Saturnum fratres recepistis. Furtivus infans .... ter dignus & tecto & ubere humano, meritoque incre .... tam mala manebant. Adultus denique qualemcumque genitorem, .... licissimum, regem aurei scilicet sæculi, sub quo laboris inopiæ .... æ pax quiescebat: sub quo nulli subigebant arva coloni, .... tellus nullo poscente ferebat. Sed oderat patrem incestum ejus .... castratorem. Ecce autem & ipse cum sorore miscetur, ut huic primum dictum putem: *τὸ πατὴρ τοῦ παιδίου*. Tam pius pater, quam pius filius .... m tunc legibus ageretur, in duos culleos dividi Jovem decuit .... dubitaret, libidine ab incesto corroborata, in leviora, id est, .... & stupra diffundere? de quo poetica sic lussavit. Quomodo .... de fugitivo palam factum solemus & ope-

operam ejus percon . . . abufui nundinare, modo in pretia luxuriæ eum figurando . . . bovem aut pretium bovis pensaverit, & imbrem pergulis . . . aditum pecunia ruperit? modo in fimilitudines actuum ip . . . im, qui rapuit, cycnum; qui cantaverat. Adeo non fabulæ iſtæ ſunt de fa . . . fit an non laſciu . . . na hominum, quos . . . emiſſa jam pridem a fide per incr . . . non eſt nobis extenſius agendum. Si enim & re . . . pibus & proſeminatoribus ſuis morata plebs eadem q . . . natura, alibi auctoritas exigebat ſimilitudinem morum . . . quanto deterior, qui non melior? privato enim titulo Jovem optimum . . . tis, & eſt Virgilii Aequus Jupiter Optimus. Proinde inceſti in ſuos, impudici in extraneos, impii, injuſti, cui nullam inſignem infamiam fabula reliquit . . . Deus fieri non fuit dignus.

14. Sed quoniam alioſ ſeorſum volunt in divinitatem ab hominibus receptos, & diſtingui inter Nativos & Factos ſecundum Dionyſium Stoicum, de iſta quoque ſpecie adiciam. De ipſo quidem Hercule . . . ma reſponſionis, an dignus cœlo & divinitate, ſic enim pro va . . . meritis addicunt divinitatem? Si ob virtutem, quod ſeras conſtan . . . rit, quid tam memorabile? nonne ludo puniti, vel etiam ad . . . arena- riæ vilitatis plurimas in unum, & quidem ſtudioſiores . . . ciunt. Si ob peragratum orbem, quantis ad locupletibus dulcis . . . tas, aut philoſophis famulato- ria mendicitas idem præſtitit? non meminerunt Aſclepiadem Cynicum unica vaccula, cuſus & dorſo vehebatur, & ſi quando ubere alebatur, orbem totum oculis ſubegiffe? Si . . . etiam ad inferos adiit, quis hoc neſciat, viam ad inferos omni . . . as plurimas . . . ſ ille Pompejus . . . qui nec hoſtias al . . . n unum agnulum Byrſæ Cartha . . . re. Quo magis Scipio quam Hercules ob . . . ti deputatur? Adicite potius tituli Hercula . . . rum, uxorum, & fœtas Omfales, & ob decori  
pueri



pueri amissio .... desertam militiam Argonautarum: adicite ad gloriam post turpi .... am, etiam furias ejus: auctorate sagittas, quæ filios & uxorem .... erunt: qui tunc dignius rogo sese inrogasset præ dolore parti .... Qui uxoris ob lasciviam venenis circumventus magis metu .... honesta morte moreretur. Hunc vos de pyra in cælum suble .... a facilitate, qua & alium ignis & divini confectum, qui pauca e .... ingenia commentus, dicebatur mortuos ad vitam recurasse .... filius, tam homo, quam Jovis nepos, Saturni pronepos .... spurius ut incerto patre, ut Argivus Socrates detulit .... repertum, turpius Jove educatum, canino scilicet ubere .... nemo negare potest; fulmine haustus est. Malus Jupiter .... sus est impius in nepotem. invidus in artificem. Sed enim pin .... um ejus non occultavit, cupiditatem & avaritiam lucri .... atam, qua quidem ille vivos ad mortem, non motu .... prævaricatione venalis medicinæ agebat. Dicitur etiam mater ejus eodem casu obisse: merito .... sam m .... bestiam ediderat, isdem quasi scalis ad cælum erupisse. Et tamen Athenienses scient ejusmodi deis sacrificare. Nam Aesculapio & matri inter mortuos parentant, quasi non & ipsi Thesea suum adorent: mer ... deum, qui nisi conservatricem suam in littore peregrino dereliquit, eadem oblivione, immo amentia, quæ patri causâ mortis fuit.

15. Longum foret recensere etiam de illis quos in sidera sepelistis, & audaciter Dei .... tratis. Sic opinor digni de cælo Castores, & Perseus, & Erigona, quemadmodum & Jovis expletus. Sed quid mirandum? etiam canes & scorpiones cancos in cælum transtulistis. Differo de his quos in oraculis .... & testimonium hic divini, qui & tristitiæ deos arbitros esse vultis ..... dius, qui animam corpore viduet, intra muros cludi non permittendo damnastis! Item Cæculus, qui oculos sensu exani .... Orbana, quæ in orbita-

orbitatem femina extinguat, & ipsius Mortis .... Ut cetera transvolem, etiam locorum urbis, vel loca, deos ar .... patrem, & diva Aquis, & Lana, & montium Septemontium .... illi faciunt, qui in iisdem locis aras vel ædes habent, præterea .... in alieno loco aut mercedibus habitant. Taceo Ascensum .... & Levicolam a clivis. Taceo deos Forculum, a foribus, & Cardeam a cardinibus, & liminum Limentinum, sive qui alii inter vicinos ap .... num Janitorum adorantur. Quid enim magnum? cum & habeant in lupanaribus, in culinis, & in imo carcere: in i .... itaque propr .... aliisque Romanorum deis, quibus totius vitæ officia distribuuntur, taliter, ut ceteris deis opus non sit. Immo, cum privatim apud Romanos deputentur, quos supra signavimus, nec facile foris cogniti, quomodo ea omnia quibus illos præesse voluerunt in omni genere humano, & in omni gente proveniunt; ubi prædes eorum, non modo honore, sed ipsa quoque notitia carent. Sed enim quidam fructus & necessaria victui demonstraverunt?

16. Quæso vos, cum dicitis invenisse illos, non confitemini prius fuisse quæ invenirentur. Cur ergo non auctorem potius honoratis, cujus hæc dona sunt: sed auctorem transfertis in repertoires? .... quam invenisset, utique auctori gratias egit, utique illum Deum sensit: .... ministerium institutoris, a quo & ipse institutus est qui invenit .... sum quod invenirentur. Ficum viridem Romæ nemo noverat .... um Cato fenatui intulit, ut quo jam provincia hostilis esset, cui sub .... semper instabat exprimeret. Cerasum Cn. Pompejus de Ponto .... Italiæ provolgavit. Potuerunt mihi novorum apud Romanos pomorum .... ruisse præconium divinitatis. Tam vanum hoc, quam etiam .... commenta deos haberi: quibus si comparerent nostræ ætatis .... o dignius posteris, quam prioribus consecratio competisset .... on in omnibus  
jam

jam artificii antiquitas exolevit, usu quotidiano infuente novitatem: atque adeo quos ob artes sanctifi.... in ipsis artibus & provocatis in æmulis insuperatos.

17. Denique.... toribus suis non negatis omnibus his quos deos antiquitas voluit, posteritas c.... superstitionum.... l...., præsumptio, cui.... beamus: propterea scilicet Romanos totius orbis domi.... se, quod officiis religionum meruerint domina.... cis prævaleant. Nimirum Sterculus.... hoc imperium.... seu Romanorum distin.... tem extraneo potius.... tores & destitutores in.... ti, sepulque sunt. Ita nempe.... oblitus antrum illud Idæum.... dissimum odorem. Nonne omni Capitolio.... ut illa potius terra regnaret,.... posthabita Samo dilecta, & utique Aeneadarum ignibus adoleri.... hic illius arma.

*Hic currus fuit, hoc regnum dea gentibus esse;*

*Si qua fata sinant, jam tunc tenditque fovetur.*

Misera adversus fata non valuit. Nec tamen tantum honoris Romani satis decreverint, ut deditibus Carthaginem sibi, quantum Larentinæ. Si dei isti conferendi in pote.... vit enim Jupiter Cretæ, & Saturnus Italiæ, & Isis Aegypto.... regnaverunt, quibus etiam operati plerique traduntur. Itaque.... mines facit, & dedititius Admeti cives Romanos imper.... lem cultorem suum Cræsum ambiguis fortibus fallendo.... timebat Deum verum constanter prænuntiare regno exc.... potestate regnandi quoque velut in urbes suas tueri.... potuissent. Si Romanis præstitisse valuerunt, cur Athenas a Xerxe Minerva non defendit? vel cur Delfos de manu Pyrrhi Apollo non eruit? Servarint urbem Romanam, qui sua perdidērunt. Si hoc religiositas Romana meruit. Atqui,

*Tertull. Tom. I.*

*N*

*non*

non post summum imperium auctis jam rebus superstitio quæsitæ est? & si a Numa sacra introducta sunt, nondum tamen aut simulacris, aut templis res vestras divina frustabant. Frugi religio & paupertina superstitio, altaria temeraria, & vasa sordida, & nidor.... ex illis, & deus ipse nusquam.... religiosi, quam majores, quia religiosi. Atquin quomodo.... religionem, & deorum profundissimam curam imperium Romanis.... videri possit, quod læsis potius deis auctum est? nisi fallor enim omne regnum vel imperium bellis quæritur, & bellis ampliatur. Porro.... ib. & dei urbis. Nam eadem strages & mœnium & templorum, pares cædes & civium & sacerdotum, eadem rapinæ profanorum & sacrorum. Tot sacrilegia Romanorum, quod trophæa: tot de deis quot de gentibus triumphus. Manent & simulacra captiva, & utique sentientes deos non amant. Sed quia nihil sentiunt, impune læduntur, & qui non læduntur, frustra adorantur. Itaque quorum fastigium.... adultum est, non possunt videri religionis meritis excrevisse.... nis sive lædendo creverunt, Regnum universæ nationes temporibus habuerunt, ut Assyrii, ut Medi, ut Persæ, ut Aegyptii.... aut penes quosdam, & tamen qui amiserunt, non sine religionibus & cultu, & de propitiis deorum mora.... cessit universa pene dominatio. Sors temporum ita volutat.... Quærite quis temporum vices ordinavit. Idem regna dispensat, & nunc penes Romanos eam summam tanquam pecuniam de multis nominibus exactam in unam arcam congregavit. Quid de ea statuerit, sciunt proximi ei.

---

Q. SEPTIMII FLORENTIS  
TERTULLIANI

DE

TESTIMONIO ANIMAE

LIBER

ADVERSUS GENTES.

I.

**M**agna curiositate & majore longe memoria opus est ad studendum, si quis velit ex litteris receptissimis quibusque philosophorum vel poëtarum vel quorumlibet doctrina sapientiæ secularis magistrorum testimonia excerpere Christianæ veritatis; ut æmuli persecutoresque ejus de suo proprio instrumento, & erroris in se, & iniquitatis in nos rei revincantur. Nonnulli quidem, quibus de pristina litteratura & curiositatis labor & memoriæ tenor perseveravit, ad eum modum opuscula penes nos condiderunt, commemorantes & contestificantes in suggillationem & originem & traditionem & sententiarum argumenta, per quæ recognosci possit, nihil nos aut novum aut portentosum suscepisse; de quo non etiam communes & publicæ litteræ ad suffragium nobis patrocinentur, si quid aut erroris ejecimus, aut æquitatis admisimus. Sed ne suis quidem magistris, alias probatissimis atque lectissimis, fidem inclinavit humana de incredulitate duritia, sicubi in argumenta Christianæ defensionis impingunt: tunc vani poëtæ, cum deos humanis passionibus & fabulis designant: tunc philosophi duri, cum veritatis fores

pulsant. Haftenus sapiens & prudens habebitur, qui prope Christianum pronunciarit, cum si quid prudentiae aut sapientiae affectaverit, seu ceremonias despuens, seu seculum revincens, pro Christiano denotetur. Jam igitur nihil nobis erit cum litteris & doctrina perversae felicitatis, cui in falso potius creditur, quam in vero.<sup>4</sup> Viderint si qui de unico & solo deo pronunciaverunt. Imo nihil omnino relatum fit, quod agnoscat Christianus, ne exprobrare possit. Nam & quod relatum est, neque omnes sciunt: neque qui sciunt, constare confidunt. Tanto abest ut nostris litteris annuant homines, ad quas nemo venit nisi jam Christianus. Novum testimonium advoco, imo omni litteratura notius, omni doctrina agitatius, omni editione vulgatus, toto homine majus, id est totum quod est hominis. Consiste in medio anima, seu divina & aeterna res es secundum plures philosophos, eo magis non mentiens. Seu minime divina, quoniam quidem mortalis, ut Epicuro soli videtur, eo magis mentiri non debebis, seu de caelo exciperis, seu de terra conciperis, seu numeris, seu atomis concinnaris, seu cum corpore inceperis, seu post corpus induceris, unde unde & quoquo modo hominem facis animal rationale, sensus & scientiae capacissimum. Sed non eam te advoco, quae scholis formata, bibliothecis exercitata, academiis & porticibus Atticis partam sapientiam ructas. Te simplicem & rudem & impolitam & idioticam compello, qualem habent qui te solam habent, illam ipsam de compito, de trivio, de tetrino totam. Imperitia tua mihi opus est, quoniam aliquantulae peritiae tuae nemo credit. Ea expostulo, quae tecum in hominem infers, quae aut ex te metipsa, aut ex quocunque autore tuo sentire didicisti. Non es, quod sciam, Christiana, fieri enim, non nasci soles Christiana. Tamen nunc a te testimonium flagitant Christiani, ab extranea adversus tuos, ut  
 vel

vel tibi erubescant, quod nos ob ea oderint & irrideant, quæ te nunc consciam detineant.

2. Non placemus, dominum prædicantes hoc nomine unicum, a quo omnia, & sub quo universa. Dic testimonium si ita scis. Nam te quoque palam & tota libertate, qua non licet nobis, domi ac foris audimus ita pronunciare, Quod deus dederit, & Si deus voluerit, ea voce & aliquem esse significas, & omnem illi confiteris potestatem, ad cujus spectas voluntatem, simul & ceteros negas deos esse, dum suis vocabulis nuncupas, Saturnum, Jovem, Martem, Minervam. Nam solum deum confirmas, quem tantum deum nominas, ut & cum illos interdum deos appellas, de alieno & quasi pro mutuo usa videaris. De natura quoque dei quem prædicamus, nec te latet, deus bonus est, deus benefacit, tua vox est. Plane ea dicis, sed homo malus scilicet, contraria propositione oblique & figuraliter exprobrans, ideo malum hominem, quia a deo bono abscesserit. Etiam quod penes deum bonitatis & benignitatis omnis benedictio inter-nos summum sit disciplinæ & conversationis sacramentum, Benedicat te deus, tam facile pronuncias, quam Christiano necesse est. At cum id male dictum convertis in benedictionem Dei, perinde dicto omnem super nos potestatem ejus consistere secundum nos confiteris. Sunt, qui etsi deum non negent, dispectorem plane & arbitrum, & judicem non putent: in quo utique nos maxime rejiciunt, qui ad istam disciplinam metu prædicati judicii transvolamus: sic deum honorantes, dum curis observationis, & molestiis animadversionis absolvunt, cui ne iram quidem adferibunt. Nam si deus (inquiunt) irascitur, corruptibilis & passionalis est. Porro quod patitur, quodque corrumpitur, etiam interitum potest capere, quem deus non capit. At iidem alibi animam divinam & a deo conlatam confitentes, cadunt in testi-

monium ipsius animæ, retorquendum adversus opinionem superiorem. Si enim anima aut divina aut a deo data est, sine dubio datorem suum novit. Et si novit, utique & timet, ut tantum postremo autorem. An non timet, quem magis propitium velit, quam iratum? Unde igitur naturalis timor animæ in deum si deus non novit irasci? Quomodo timetur, qui nescit offendi? Quid timetur, nisi ira? unde ira, nisi ex animadversione? Unde animadversio, nisi de dei judicio? Unde iudicium, nisi de potestate? Cujus potestas summa, nisi dei solius? Hinc ergo tibi anima de conscientia suppetit domi ac foris, nullo irridente vel prohibente prædicare, *deus videt omnia, & deo commendo, & deus reddet & deus inter nos judicabit.* Unde hoc tibi non Christianæ? Atque id plerumque & vitta Cereris redimita, & pallio Saturni coccinata, & deæ Ifidis linteata? In ipsis denique templis deum iudicem imploras, sub Aesculapio stans, Junonem in aëre exorans, Minervæ calceans furvis galeam formis, & neminem de præsentibus deis contestaris; in foro aliunde iudicem appellas, in tuis templis alium deum pateris. O testimonium veritatis, quæ apud ipsa dæmonia testem efficit Christianorum.

3. Enimvero cur dæmonia adfirmamus esse? sane quasi non & probemus, qui ea soli de corporibus exigimus. Aliqui Chryssippi adsentator inludit ea, & esse, & abominationem sustinere, execrationes tuæ respondent. Dæmonium vocas, hominem aut immunditia, aut malitia, aut insolentia, aut quacunque macula, quam nos dæmoniis deputamus, aut ad necessitatem odii opportunam. Satanam denique in omni averseatione & aspernatione & detestatione pronuncias, quem nos dicimus malitiæ angelum, totius sæculi interpolatorem, per quem homo a primordio circumventus, ut præceptum Dei excederet, & propterea in mortem datus, exinde totum genus de suo semine infectum, suæ etiam damna-



damnationis traducem fecit. Sentis igitur perditorem tuum. Et licet soli illum noverint Christiani, vel quaecunque apud dominum secta, & tu tamen eum nosti, dum odisti.

4. Jam nunc quod ad necessariorem sententiam tuam spectet, quantum & ad ipsum statum tuum tendit, affirmamus, te manere post vitæ disjunctionem, & expectare diem judicii, proque meritis aut cruciatui destinari, aut refrigerio, utroque sempiterno. Quibus sustinendis necessario tibi substantiam pristinam, ejusdemque hominis materiam, & memoriam reversuram, quod & nihil mali ac boni sentire possis, sine carnis passionalis facultate, & nulla ratio sit judicii, sine ipsius exhibitione, qui meruit judicii passionem. Ea opinio Christiana etsi honestior multo Pythagorica, quæ te non in bestias transfert; etsi plenior Platonica, quæ tibi etiam dotem corporis reddit; etsi Epicurea gratior, quæ te ab interitu defendit: tamen propter suum nomen soli vanitati & stupori, & ut dicitur, præsumptioni deputatur. Sed non erubescimus, si tecum erit nostra præsumptio. Primo enim cum alicujus defuncti recordaris, misellum vocas eum: non utique quod de bono vitæ ereptum, sed ut pænæ & judicio jam adscriptum. Ceterum alias securos vocas defunctos. Profiteris & vitæ incommodum, & mortis beneficium. Vocas porro securos, si quando extra portam cum obsoniis & matæis tibi potius parentans ad busta recedis, aut a bustis dilutior redis. At ego sobriam tuam sententiam exigo: misellos vocas mortuos, cum de tuo loqueris, cum ab eis longe es. Nam in convivio eorum quasi præsentibus & conrecumbentibus sortem suam exprobrare non possis, debes adulari propter quos lætius vivis. Misellum ergo vocas, qui nihil sentit? quid quod ut sentienti maledicis, cujus memoriam cum alicujus offensæ morsu facis. Terram gravem

imprecaris, & cineri penes inferos tormentum. **Aequè** ex bona parte, cui gratiam debes, ossibus & cineribus ejus refrigerium comprecaris, & ut bene requiescat apud inferos cupis. Si nihil passionis est tibi post mortem, si nulla sensus perseverantia, si denique nihil es ipsa ubi corpus reliquisti: cur mentiris in te, quasi aliquid ultra pati possis? Imo cur in totum times mortem, si nihil est tibi timendum post mortem, qua nec experiundum post mortem? Nam etsi dicere potes, ideo mortem timeri, non ut aliquid minantem, sed ut commodum vitæ amputantem: atquin cum & incommoda longe plura vitæ pariter excedas, & lucratiōe gravioris partis metum diluis, nec jam timenda est amissio bonorum, quæ alter bono, id est incommodorum pace, pensatur. Non est timendum, quod nos liberat ab omni timendo. Si times vita decedere, quia optimam nosti: certe mortem timere non debes, quam malam nescis. At cum times, scis malam. Non scires autem malam, quia nec timeres, si non scires aliquid esse post mortem, quod eam malam faciat, ut timeas. Omittamus nunc naturalem formam timendi mortem. Nemo timeat, quod evadere non potest. Ex altera parte congradior, lætioris spei post mortem. Nam omnibus fere ingenita est famæ post mortem cupido. Longum est retexere Curtios & Regulos, vel Græcos viros, quorum innumera elogia sunt contemptæ mortis propter postumam famam. Quis non hodie memoriæ post mortem frequentandæ ita studet, ut vel litteraturæ operibus, vel simplici laude morum, vel ipsorum sepulchrorum ambitione, nomen suum fervet? Unde anima hodie affectare aliquid, quod velit post mortem, & tantopere præparare, quo sit usura post obitum: si nihil de postero sciret? Sed forsitan de sensu post excessum tui certior es, quam de resurrectione quandoque, cujus nos præsumptores denotamur.

Atquin

**Atquin hoc quoque ab anima prædicatur. Nam si de aliquo jam pridem defuncto tanquam vivo quis requiratur, præ manu occurrit dicere, Abiit jam, & reverti debet.**

5. Hæc testimonia animæ quanto vera, tanto simplicia, quanto simplicia, tanto vulgaria; quanto vulgaria, tanto communia: quanto communia, tanto naturalia, quanto naturalia, tanto divina. non putem cuiquam frivolum & frigidum videri posse, si recogitet naturæ majestatem, ex qua censetur auctoritas animæ. Quantum dederis magistræ, tantum adjudicabis discipulæ. **Magistra natura, anima discipula.** Quicquid aut illa edocuit aut ista perdidicit; a Deo traditum est, magistro scilicet ipsius magistræ. Quid anima possit de principali institutore præsumere, in te est æstimare de ea quæ in te est. Senti illam, quæ ut sentias efficit: recogita in præsagiis vatem, in ominibus augurem, in eventibus prospicem. Mirum si a Deo data homini, novit divinare. Tam mirum, si eum a quo data est, novit. Etiam circumventa ab adversario, meminit sui auctoris, & bonitatis, & decreti ejus, & exitus sui, & adversarii ipsius. Sic mirum, si a Deo data, eadem canit, quæ Deus suis dedit nosse. Sed qui ejusmodi eruptiones animæ non putavit doctrinam esse naturæ & congenitæ & ingenitæ conscientiæ tacita commissa, dicet potius diventalatis in vulgus opinionibus, publicatarum litterarum usum, jam & quasi vitium corroboratum taliter fermocinandi. Certe prior anima, quam littera; & prior sermo, quam liber, & prior sensus, quam stylus; & prior homo ipse, quam philosophus & poëta. Nunquid ergo credendum est, ante litteraturam & divulgationem ejus mutos absque hujusmodi pronunciationibus homines vixisse? Nemo Deum & bonitatem ejus, nemo mortem, nemo inferos loquebatur: mendicabat sermo, opinor, immo nec ullus esse poterat, cessantibus

etiam tunc, sine quibus hodie jam beator, & locupletior, & prudentior esse non potest, si ea quæ tam facilia, tam assidua, tamproxima hodie sunt, in ipsis quodammodo labiis parta, retro non fuerunt, antequam litteræ in seculo germinassent, antequam Mercurius (opinor) natus fuisset. Et unde ordo ipsis litteris contigit, nosse, & in usum loquelæ disseminare, quæ nulla unquam mens conceperat, aut lingua protulerat, aut auris exceperat? At enim eum divinæ scripturæ, quæ penes nos vel Judæos sunt, in quorum oleastro insiti sumus, multo secularibus litteris non modica tantum ætate aliqua antecedant, ut loco suo edocuimus, ad fidem earum demonstrandam: & si hæc eloquia de litteris usurpavit anima, utique de nostris credendum erit, non de vestris: quia potiora sunt ad instruendam animam priora, quam postera, quæ & ipsa a prioribus instrui sustinebant; cum etsi de vestris instructam concedamus, ad originem tamen principalem traditio pertineat, nostrumque omnino sit, quodcunque de nostris sumpsisse & tradidisse contigit vobis. Quod cum ita sit; non multum refert, an a Deo formata sit animæ conscientia, an litteris Dei. Quid igitur vis homo, de humanis sententiis litterarum tuarum exisse hæc in usus communis callositatem?

6. Crede itaque tuis, & de commentariis nostris tanto magis crede divinis, sed de animæ ipsius arbitrio perinde crede naturæ. Elige quam ex his fidelius sororem observes veritatis. Si de tuis litteris dubitas; neque Deus, neque natura mentitur: ut & naturæ & Deo credas; crede animæ, ita fiet, ut & tibi credas. Illa certe est, quam tanti facis, quantum illa te facit; cujus es totus; quæ tibi omnia est; sine qua nec vivere potes nec mori; propter quam Deum negligis: cum enim times fieri Christianus, eam conveni: cur alium colens, Deum nominat? cur, cum  
male-

maledicendos spiritus denotat, dæmonia pronuntiat? cur ad cælum contestatur, & ad terram detestatur? cur alibi servit, alibi vindicem convenit, cur de mortuis judicat? cur verba habet Christianorum, quos ne auditos vivosque vult? cur aut nobis dedit ea verba, aut accepit a nobis? cur aut docuit, aut didicit? Suspectam habere convenientiam prædicationis in tanta disconvenientia conversationis. Vanus es, si huic linguæ soli aut Græcæ, quæ propinquæ inter se habentur, reputabis ejusmodi, ut neges naturæ universitatem. Non Latinis nec Argivis solis anima de cælo cadit. Omnium gentium unus homo nomen est, una anima, varia vox; unus spiritus, varius sonus; propria cuique genti loquela, sed loquelæ materia communis. Deus ubique, & bonitas Dei ubique; dæmonium ubique, & maledictio dæmonii ubique, judicii divini invocatio ubique, mors ubique, & conscientia mortis ubique, & testimonium ubique. Omnis anima suo jure proclamat, quæ nobis ne mutire conceditur. Merito igitur omnis anima rea & testis est; intantum & rea erroris, inquantum testis veritatis; & stabit ante aulas Dei die judicii, nihil habens dicere. Deum prædicabas, & non requirebas; dæmonia abominabaris, & illa adorabas; judicium Dei appellabas, nec esse credebas; inferna supplicia præsumebas, & non præcavebas; Christianum nomen sapiebas, & Christianum persequeris.

---

Q. SEPTIMII FLORENTIS  
TERTULLIANI

DE

## CORONA MILITIS,

LIBER.

I.

**P**roxime factum est, liberalitas præstantissimorum imperatorum, expungebatur in castris. Milites laureati adibant. quidam illic magis dei miles, cæteris constantior fratribus, qui se duobus dominis ferrire posse præsumperant, solus libero capite, coronamento in manu otioso, vulgato jam & ista disciplina Christiano relucebat. Singuli designare, & ludere eminus, infrendere cominus. Murmur Tribuno defertur. & persona jam ex ordine accesserat. Statim Tribunus cur, inquit, tam diversus habitu? Negavit ille cum cæteris, sibi licere. causas expostulatus, Christianus sum, respondit. O militem in deo gloriosum. Suffragia exinde, & res ampliata, & reus ad præfectos. Ibidem gravissimas penulas posuit relevari auspicatus, speculatoriam morosissimam de pedibus absolvit: terræ sancte insistere incipiens, gladium nec dominicæ defensionis necessarium reddidit: laurea & de manu corruit, & nunc rufatus sanguinis sui spe, calceatus de Evangelii paratura, succinctus acutiore verbo dei, totus de Apostolo armatus, & de martyrii candida melius coronatus, donativum Christi in carcere expectat. Exinde sententiæ super illo, nescio an Christianorum, non enim aliæ Ethnicorum, ut de abrupto, & præcipiti,



piti, & mori cupido, qui de habitu interrogatus nomini negotium fecerit, solus scilicet fortis, inter tot fratres commilitones, solus Christianus. Plane superest, ut etiam martyria recusare meditentur, qui prophetias ejusdem spiritus sancti respuerunt. Mussitant denique tam bonam & longam sibi pacem periclitari. Nec dubito quosdam scripturas emigrare, sarcinas expedire, fugæ accingi de civitate in civitatem. Nullam enim aliam Evangelii memoriam curant. Novi & pastores eorum in pace leones, in prælio cervos. Sed de quæstionibus confessionum alibi docebimus. At nunc quatenus & illud opponunt: Ubi autem prohibemur coronari? hanc magis localem substantiam causæ præsentis aggrediar, ut & qui ex solitudine ignorantiae quærunt, instruantur, & qui in defensione delicti contendunt, revincantur; ipsi vel maxime Christiani laureati quibus id solum quæstio est, quasi aut nullum aut incertum saltem haberi posset delictum, quod patiatur quæstionem. Nec nullum autem nec incertum, hinc interim ostendam.

2. Neminem dico fidelium coronam capite nosse alias extra tempus tentationis ejusmodi. Omnes ita observant a catechumenis usque ad confessores, & martyres, vel negatores. Videris unde auctoritas moris, de qua cum maxime quæritur. Porro cum quæritur cur quid observetur, observari interim constat. Ergo nec nullum nec incertum videri potest delictum, quod committitur in observationem suo jam nomine vindicandam, & satis auctoratam consensus patrocínio. Plane, ut ratio quærenda sit, sed salua observatione, nec in destructionem ejus, sed in ædificationem potius, quo magis observes cum fueris etiam de ratione securus. Quale est autem ut tunc quis in quæstionem provocet observationem cum ab ea excidit? & tunc requirat unde habuerit observationem

tionem cum ab ea desit? quando etsi ideo velit videri ad quæstionem vocare, ut ostendat se non deliquisse in observationis destitutione, nihilominus deliquisse eum constet retro in observationis præsumptione. Si enim non deliquit hodie suscepta corona, deliquit aliquando recusata. Et ideo non ad eos erit iste tractatus quibus non competit quæstio, sed ad illos qui studio discendi, non quæstionem deferunt, sed consultationem. Nam & semper quæritur de isto, & laudo fidem quæ ante credidit, observandum esse quam didicit. & facile est statim exigere, ubi scriptum sit, ne coronemur. At enim ubi scriptum est, ut coronemur? Expostulantes enim scripturæ patrocinium in parte diversa, præjudicant suæ quoque parti scripturæ patrocinium adesse debere. Nam si ideo dicetur coronari licere, quia non prohibeat scriptura, æque retorquebitur ideo coronari non licere, quia scriptura non jubeat. Quid faciet disciplina? utrumque recipiet quasi neutrum prohibitum sit? An utrumque rejiciet, quasi neutrum præceptum sit? Sed quod non prohibetur, ultro permissum est; imo prohibetur quod non ultro est permissum.

3. Et quamdiu per hanc lineam serram reciprocabimus habentes observationem inveteratam quæ præveniendo statum fecit? Hanc si nulla scriptura determinavit, certe consuetudo corroboravit, quæ sine dubio de traditione manavit. Quomodo enim usurpari quid potest, si traditum prius non est? Etiam in traditionis obtentu exigenda est, inquis, auctoritas scripta. Ergo quæramus an & traditio nisi scripta non debeat recipi. Plane negabimus recipiendam, si nulla exempla præjudicent aliarum observationum, quas sine ullius scripturæ instrumento solius traditionis titulo, exinde consuetudinis patrocinio vindicamus. Denique ut a baptisinate ingrediar, aquam adituri, ibidem, sed & aliquanto prius in ecclesia sub  
anti-



antistitis manu contestamur, nos renuntiare diabolo & pompæ & angelis ejus. Dehinc ter mergitamus amplius aliquid respondentes quam dominus in Evangelio determinavit. Inde suscepti, lactis & mellis concordiam prægustamus: exque ea die lavacro quotidiano per totam hebdomadam abstinemus. Eucharistiæ sacramentum & in tempore victus, & omnibus mandatum a domino, etiam antelucanis cœtibus, nec de aliorum manu quam præsidentium sumimus. Oblationes pro defunctis, pro natalitiis, annua die facimus. Die dominico jejunium nefas ducimus, vel geniculis adorare. Eadem immunitate a die Paschæ in Pentecosten usque gaudemus. Calicis aut paris etiam nostri, aliquid decuti in terram anxie patimur. Ad omnem progressum atque promotum, ad omnem aditum & exitum, ad vestitum & calceatum, ad lavacra, ad mensas, ad lumina, ad cubilia, ad sedilia, quæcunque nos conversatio exercet, frontem signaculo terimus.

4. Harum & aliarum ejusmodi disciplinarum si legem exoptules scripturarum, nullam invenies; traditio tibi prætendetur auctrix, consuetudo confirmatrix, & fides observatrix. Rationem traditioni & consuetudini & fidei patrocinaturam aut ipse perspicies, aut ab aliquo qui perspexerit disces. Interim nonnullam esse credes cui debeat obsequium. Adjicio unum adhuc exemplum, quatenus & de veteribus docere conveniat. Apud Judæos tam solenne est feminis eorum velamen capitis, ut inde noscantur. Quæro legem. Apostolum differo. Si Rebecca conspecto procul sponso velamen invasit, privatus pudor legem facere non potuit, aut causæ suæ fecerit. Tegantur virgines solæ, & hoc nuptum venientes, nec antequam cognoverint sponso. Si & Susanna in judicio revelata, argumentum velatæ præstat, possum dicere, & hic velamen arbitrii fuit.

Rea

Rea venerat, erubescens de infamia sua, merito abscondens decorem, vel quia timens jam placere. Cæterum in stadio mariti non putem velatam deambulasse, quæ placuit. Fuerit nunc velata semper. In ipsa quoque legem habitu requiro, vel in quacunque alia. Si legem nusquam reperio, sequitur ut traditio consuetudini morem hunc dederit, habiturum quandoque Apostoli auctoritatem ex interpretatione rationis. His igitur exemplis renuntiaturum erit, posse etiam non scriptam traditionem in observatione defendi, confirmatam consuetudine, idonea teste probatæ tunc traditionis ex perseverantia observationis. Consuetudo autem etiam in civilibus rebus pro lege suscipitur, cum deficit lex. nec differt scriptura an ratione consistat, quando & legem ratio commendet. Porro si lex ratione constat, lex erit omne jam quod ratione constiterit, a quocunque productum. An non putas omni fidei licere concipere & constituere, duntaxat quod deo congruat, quod disciplinæ conducatur, quod saluti proficiat, dicente domino: Cur autem non & a vobis ipsis quod iustum est iudicatis? ut non de iudicio tantum sed de omni sententia rerum examinandarum. Dicit & Apostolus, Si quid ignoratis, deus vobis revelabit, solitus & ipse consilium subministrare, cum præceptum domini non habebat, & quædam edicere a semetipso, sed & ipse spiritum dei habens deductorem omnis veritatis. Itaque consilium & dictum ejus divini jam præcepti instar obtinuit, de rationis divinæ patrocínio. Hanc nunc ex postula salvo traditionis respectu quocunque traditore censetur: nec auctorem respicias, sed auctoritatem. Et in primis consuetudinis ipsius, quæ propterea colenda est, ne non sit rationis interpret. Ut si & hanc deus dederit, tunc discas, quod non observanda sit tibi consuetudo.

5. Sed cur major efficitur ratio Christianarum observationum, cum illas etiam natura defendit, quæ prima omnium disciplina est? Ideoque hæc prima præscribet coronam capiti non convenire. Puto autem naturæ dominus deus noster est, qui figuravit hominem: & fructibus rerum appetendis, judicandis, consequendis certos in eo sensus ordinavit, per propria membrorum quodammodo organa. Auditum in auribus fodit, visum in oculis accendit, gustum in ore conclusit, adoratum in naribus ventilavit, contactum in manibus æstimavit. Per hæc exterioris hominis ministeria, interiori homini ministrantis, fructus munerum divinorum ad animam deducuntur a sensibus. Quis igitur fructus ex floribus? Substantia enim propria certe præcipua coronarum, flores agri. Aut odor, inquis, aut color, aut pariter utrumque. Qui erunt sensus coloris, odoris? visus opinor & odoratus. Istos sensus quæ membra sortita sunt? oculi nisi fallor & nares. Utere itaque floribus visu & odoratu, quorum sensuum fructus est. Utere per oculos & nares, quorum sensuum membra sunt. Substantia tibi a deo tradita est, habitus a seculo, quanquam nec habitus extraordinarius, ordinario usui obstreperit. Hoc sint tibi flores, & inserti, & innexi, & in filo, & in scirpo, quod liberi, quod soluti: spectaculi scilicet, & spiraculi res. Coronam si forte fascem existimas florum per seriem comprehensorum, ut plures simul portes, ut omnibus pariter utaris: jam vero & in sinum conde, si tanta munditia est: in lectulum sparge si tanta molitia est: in poculum crede, si tanta innocentia est. Tot modis frui, quot & sentis. Cæterum in capite quis sapor floris? quis coronæ sensus, nisi vinculi tantum? Quo neque color cernitur, neque odor ducitur; nec teneritas commendatur. Tam contra naturam est florem capite sectari, quam cibum aure, quam sonum nare. Omne autem quod contra

naturam est, monstri meretur notam penes omnes, penes nos vero etiam elogium sacrilegii, in deum naturæ dominum & auctorem.

6. Quæris igitur dei legem? habes communem istam in publico mundi, in naturalibus tabulis, ad quas & Apostolus solet provocare, ut cum in velamine feminae, *Nec natura vos*, inquit, *docet*, ut cum ad Romanos, natura facere dicens nationes ea quæ sunt legis, & legem naturalem suggerit & naturam legalem. Sed & in priore epistola, naturalem usum conditionis in non naturalem masculos & feminas inter se demutasse affirmans, ex retributione erroris in vicem pœnæ, utique naturali usui patrocinator. Ipsum deum secundum naturam prius novimus, sed deum appellantes deorum, bonum præsumentes, & iudicem invocantes, quæris, an conditioni ejus fruendæ natura nobis debeat præire, ne illa rapiamur, qua dei æmulus universam conditionem certis usibus homini mancipatam, cum ipso homine corrumpit, unde eam & Apostolus invitam ait vanitati succidisse, vanis primum usibus, tum turpibus & injustis & impiis subversam? Sic itaque & circa voluptates spectaculorum infamata conditio est, ab eis, qui natura quidem dei omnia sentiunt, ex quibus spectacula instruuntur, scientia autem deficiunt. Illud quoque intellige, omnia esse a diabolo mutata. Sed & huic materiæ propter suaviludios nostros Græco quoque stilo satisfacimus.

7. Proinde coronarii isti agnoscant interim naturæ auctoritatem, communis sapientiæ nomine, qua homines, sed propriæ religionis pignora, qua deum naturæ de proximo colentes, atque ita velut ex abundanti cæteras quoque rationes despiciant, quæ nostro privatim capiti coronamenti & quidem omnibus interdunt. Nam & urgemur a communione naturalis disciplinæ, converti ad proprietatem Christianæ totam jam defendendam, per cæteras quoque species  
coro-

coronarum, quæ aliis usibus prospectæ videntur, ut aliis substantiis structæ, ne quia non ex floribus constant, quorum usum natura signavit, ut ipsa hæc laurea militaris, non credantur admittere sectæ interdictionem, quia evaserint naturæ præscriptionem. Video igitur & curiosius & planius agendum ab originibus usque, ad profectus & excessus rei. Literæ ad hoc seculares necessariae. De suis enim instrumentis secularia probari necesse est. Quantulas attigi credo sufficient. Si fuit aliqua Pandora quam primam feminarum memorat Hesiodus, hoc primum caput coronatum est a Charitibus cum ab omnibus muneraretur, unde Pandora. Nobis vero Moyfes Propheticus non poëticus pastor, principem feminam Evam facilius pudenda foliis quam tempora floribus incinctam, describit. Nulla ergo Pandora. Sed & de mendacio erubescenda est coronæ origo. Iam nunc & de veritatibus suis. Certe enim Græcos fuisse constat auctores rei vel illuminatores. Saturnum Pherecydes ante omnes refert coronatum, Jovem Diodorus post devictos Titanas hoc munere a cæteris honoratum: Dat & Priapo tæniās idem: & Ariadnæ fertum ex auro & Indicis gemmis. Vulcani opus, Liberi munus, ac postea sidus. Junoni vitem Callimachus induxit. Ita & Argis signum ejus palmite redimitum subiecto pedibus ejus corio Leonino, insultantem ostentat novercam de exuviis utriusque privigni. Hercules nunc populum capite præfert, nunc oleastrum, nunc apium. Habes tragœdiam Cerberi. Habes Pindarum, atque Callimachum, qui & Apollinem memorat interfecto delphico dracone, lauream induisse (qua supplicem. Erant enim supplices coronarii apud veteres). Liberum, eundem apud Aegyptios Osirin, Harpocraton industria hederatum argumentatur, quod hederæ natura sit cerebrum ab heluco defensare. Sed & alias Liberum principem coronæ plane laureæ in qua ex

Indis triumphavit, etiam vulgus agnoscit, cum dies in illum solennes Magnam appellat coronam. Si & Leonis Aegyptii scripta evolvas prima Isis repertas spicas capite circumtulit, rem magis ventris. Plura quærentibus omnia exhibebit præstantissimus in hac quoque materia commentator Claudius Saturninus. Nam est illius de Coronis liber, & origines, & causas & species, & solennitates earum ita edifferens, ut nullam gratiam floris, nullam lætitiā frondis, nullum cespitem, aut palmitem, non alicujus capiti invenias consecratum: quo satis instruamur quam alienum judicare debeamus coronati capitis institutionem, ab eis prolatam, & in eorum deinceps honorem dispensatam, quos seculum deos credidit. Si enim mendacium divinitatis diabolus operatur, in hac etiam specie, a primordio mendax, sine dubio & eos ipse profexerat, in quibus in mendacium divinitatis ageretur. Quale igitur habendum est apud homines veri dei, quod a candidatis diaboli introductum, & ipsis a primordio dicatum est, quodque jam tunc idololatriæ initiabatur ab idolis & idolis adhuc vivis? non quasi aliquid sit idolum, sed quoniam quæ idolis alii faciunt, ad dæmones pertinent. Porro si quæ alii idolis faciunt ad dæmones pertinent, quanto magis quod ipsa sibi idola fecerunt cum adviverent? Ipsi scilicet sibi procuraverunt dæmones, per eos in quibus esurierunt ante quod procuraverunt.

8. Tene interim hanc fidem, dum incursum questionis excutio. Jam enim audio dici, & alia multa ab eis prolata, quos seculum deos credidit: tamen in nostris hodie usibus, & in pristinorum sanctorum, & in dei rebus, & in ipso Christo deprehendi, non alias scilicet hominem sancto quam per communia ista instrumenta exhibitionis humanæ. Plane ita sit, ne antiquius adhuc in originem disceptabo. Primus Mercurius literas enarraverit, necessarias confitebor &

commercijs rerum, & nostris erga deum studiis. Sed & si nervos idem in sonum strinxit, non negabo, & hoc ingenium cum sanctis fecisse & deo ministrasse, audiens David. Primus medelas Aesculapius exploraverit: memini & Esaiam Ezechiae languenti aliquid medicinale mandasse. Scit & Paulus stomacho vinum modicum prodesse. Sed & Minerva prima molita sit navem: Videbo navigantem Jonam & Apostolos. Plus est quod & Christus vestietur: habebit etiam penulam Paulus. Si & uniuscujusque suppellectilis & singulorum vasculorum aliquem ex diis seculi auctorem nominant; agnoscant necesse est & recumbentem in lectulo Christum, & cum peluem discipulorum pedibus offert, & cum aquam ex urceo ingeri, & cum linteo circumstringitur, propria Osiridis veste. Hujusmodi quaestioni sic ubique respondeo, admittens quidem utensilium communionem, sed provocans eam ad rationalium & irrationalium distinctionem, quia passivitas fallit obumbrans corruptelam conditionis, qua subjecta est vanitati. Dicimus enim ea demum & nostris & superiorum usibus, & dei rebus, & ipsi Christo competisse, quæ meras utilitates, & certa subsidia, & honesta solatia necessariis vitæ humanæ procurant: ut ab ipso deo inspirata credantur priore prospectore, & instructore, & oblectatore, si forte hominis sui. Quæ vero hunc ordinem excesserint, ea non convenire usibus nostris, præsertim quæ propter ea scilicet nec apud seculum, nec in dei rebus, nec in conversationibus Christi recognosci est.

9. Quis denique Patriarches, quis Prophetes, quis Levites, aut sacerdos, aut Archon, quis vel postea Apostolus, aut Evangelizator, aut Episcopus invenitur coronatus? Puto nec ipsum dei templum, nec arca testamenti, nec tabernaculum martyrii, nec altare, nec candelabrum: quibus utique & in prima dedicationis solennitate, & in secunda restitutionis gratula-

tione competisset coronari, si dignum deo esset. Atquin si figuræ nostræ fuerunt, nos enim sumus & templa dei, & altaria, & luminaria, & vasa, hoc quoque figurate portendebant homines dei coronari non oportere. Imagini veritas respondere debet. Si forsitan oppones ipsum Christum coronatum, ad hoc breviter interim audies: Sic & tu coronare, & licitum est. Tamen nec illam impietatis contumeliosæ coronam populus conscivit. Romanorum militum commentum fuit, ex usu rei secularis, quem populus dei nec publicæ unquam lætitiæ, ingenitæ luxuriæ nomine admisit; facilius cum tympanis & tibiis & psalteriis revertens de captivitate Babylonæ, quam cum coronis: & post cibum & potum exurgens ad ludendum sine coronis. Nam neque lætitiæ descriptio, neque luxuriæ denotatio, de coronæ decore aut dedecore tacuisset: adeo & Esaias: *Quoniam, inquit, cum tympanis, & tibiis, & psalteriis bibunt vinum*: dicturus esset etiam cum coronis, si unquam hic usus fuisset & in dei rebus.

10. Ita cum idcirco proponis deorum secularium ornamenta etiam apud deum deprehendi, ut inter hæc coronam quoque capitis communi usui vindices, ipse tibi jam præscribes non habendum in communione usus apud nos, quod non inveniat in rebus dei. Quid enim tam indignum deo, quam quod dignum idolo? Quid autem tam dignum idolo, quam quod & mortuo? Nam & mortuorum est ita coronari: vel quoniam & ipsi idola statim fiunt & habitu & cultu consecrationis, quæ apud nos secunda idololatria est. Igitur qui sensu careant, illorum erit perinde uti ea re, cujus careant sensu, atque si abuti ea vellent, si sensu non carerent. Nulla vero distantia est abutendi, cum veritas cessat utendi, cessante natura sentiendi; Qua vult quis abutatur, cum non habeat qua utatur? nobis autem abuti apud Apostolum



lum non licet, facilius non uti docentem, nisi quod nec abutuntur, qui nihil sentiunt: sed vacat totum, & est ipsum quoque opus mortuum, quantum in idolis: vivum plane quantum in dæmoniis, ad quæ pertinet superstitio. *Idola nationum*, inquit David, *argentum & aurum. Oculos habent, nec vident: nares nec odorantur: manus, nec contrectant.* Per hæc enim floribus frui est. Quod si tales edicit futuros, qui idola fabricantur, tales jam sunt qui secundum idolorum ornatum quid utuntur. *Omnia munda mundis*, ita & immunda omnia immundis: nihil autem immundius idolis. Cæterum substantiæ munda ut dei res, & hac sua conditione communes usui: sed ipsius usus administratio interest. Nam & ego mihi gallinaceum mactō, non minus quam Aesculapio Socrates: & si me odor alicujus loci offenderit, Arabiæ aliquid incendo, sed non eodem ritu, nec eodem habitu, nec eodem apparatu, quo agitur apud idola. Si enim verbo nudo conditio polluitur, ut Apostolus docet: *Si quis autem dixerit, hoc idolothytum est, non contigeris*, multo magis cum habitu & ritu & apparatu idolothytorum contaminatur. Ita & corona idolothytum efficitur. Hoc enim ritu & habitu & apparatu idolis immolatur auctoribus suis, quorum eo vel maxime proprius est usus ne in communionem possit admitti, quod in dei rebus non invenitur. Propterea Apostolus inquit: *Fugite idololatriam.* Omnem utique & totam. Recogita silvam & quantæ latitant spinæ. Nihil dandum idolo, sic nec sumendum ab idolo. Si in idolio recumbere alienum est a fide, quid in idoli habitu videri? Quæ communio Christo & Beliae? & ideo, fugite. Longum enim divortium mandat ab idololatria, in nullo proxime agendum. Draco etiam terrenus de longinquo homines spiritu absorbet. Altius Johannes: *Filioli*, inquit, *custodite vos ab idolis*: non jam ab idololatria quasi ab officio, sed ab idolis, id est, ab

ipsa effigie eorum. Indignum enim ut imago dei vivi imago idoli & mortui fiat. Usque adhuc proprietatem istius habitus & ex originis censu, & ex superstitionis usu idolis vindicamus, ex eo præterea, quod dum in rebus dei non refertur, magis magisque imago illorum deputatur, in quorum & antiquitatibus & solennitatibus & officiis convenitur. Ipsæ denique fores, ipsæ hostiæ, & aræ, ipsi ministri & sacerdotes eorum coronantur. Habes omnium collegiorum sacerdotalium coronas apud Claudium. Sed & illam interstruximus distinctionem differentiae rationalium & irrationalium, eis occurrentem qui communionem in omnibus de quorundam exemplorum occasione defendunt. Ad hanc itaque partem causas jam ipsas coronarias inspicere superest, ut dum ostendimus extraneas, imo & contrarias disciplinæ, nullam earum rationis patrocinio fultam probemus, quod posset habitus ejusmodi usus quoque communioni vindicari: etsi sunt quidam, quorum exempla nobis obsecantur.

II. Etenim ut ipsam causam coronæ militaris aggrediar, puto prius conquirendum, an in totum Christianis militia conveniat. Quale est alioquin de accidentibus retractare, cum a præcedentibus culpa sit? Credimusne humanum sacramentum divino superduci licere, & in alium dominum respondere post Christum & egerare patrem ac matrem, & omnem proximum, quos & lex honorari & post deum diligere præcipit, quos & Evangelium solo Christo pluris non faciens, sic quoque honoravit? Licebit in gladio conversari, domino pronuntiante gladio periturum, qui gladio fuerit usus? Et prælio operabitur filius pacis, cui nec litigare conveniet? Et vincula & carcerem, & tormenta, & supplicia administrabit, nec suarum ultor injuriarum? Jam stationes aut alii magis faciet quam Christo? aut & dominico die quando nec Christo? Et excubabit pro templis quibus renuntiavit? & cœnabit

nabit illic ubi Apostolo non placet? Et quos interdiu exorcismis fugavit, noctibus defensabit, incumbens & requiescens super pilum quo perfoſſum est latus Christi? vexillum quoque portabit æmulum Christi? & signum postulabit a principe, qui jam a deo accipit? mortuus etiam tuba inquietabitur æneatoris, qui excitari a tuba angeli exspectat? Et cremabitur ex disciplina castrenſi Christianus cui cremare non licuit, cui Christus merita ignis indulſit? Quanta alia in delictis circumspecti possunt castrenſium munium, transgressioni interpretanda? Ipsum de castris lucis in castra tenebrarum nomen deferre, transgressio est. Plane si quos militia præventos fides posterior invenit, alia conditio est, ut illorum quos Joannes admittebat ad lavacrum, ut Centurionum fidelissimorum, quem Christus probat, & quem Petrus catechizat, dum tamen suscepta fide atque signata aut deferendum statim sit, ut a multis actum: aut omnibus modis cavillandum, ne quid adversus deum committatur, quæ nec ex militia permittuntur: aut novissime perpetiendum pro deo, quod æque fides pagana condixit. Nec enim delictorum impunitatem, aut martyriorum immunitatem militia promittet. Nusquam Christianus aliud est. Unum Evangelium, & idem Jesus, negaturus omnem negatorem & confessurus omnem confessorem Dei: & salvam facturum animam pro nomine ejus amisſam, perditurus autem de contrario adversus nomen ejus lucri habitam. Apud hunc tam miles est paganus fidelis, quam paganus est miles fidelis. Non admittit status fidei, allegationem necessitatis. Nulla est necessitas delinquendi, quibus una est necessitas non delinquendi. Nam & ad sacrificandum & directo negandum necessitate quis premitur tormentorum sive poenarum, tamen nec illi necessitati disciplina connivet, quia potior est necessitas timendæ negationis & obeundi martyrii quam evadendæ passionis & implendi officii. Ce-

terum subvertit totam substantiam sacramenti caussatio ejusmodi, ut etiam voluntariis delictis fibulam laxet. Nam & voluntas poterat necessitas contendere, habens scilicet unde cogatur. Vel ipsam præstruxerim & cæteras officialium coronarum causas, quibus familiarissima est advocatio necessitatis: cum idcirco aut officia fugienda sint, ne in delictis incidamus: aut & martyria toleranda sint, ut officia rumpamus. De prima specie quæstionis etiam militiæ ipsius illicitæ plura non faciam, ut secunda reddatur, ne si omni ope expulero militiam, frustra jam de corona militari provocarim. Puta denique licere militiam usque ad causam coronæ.

12. Sed & de corona prius dicam. Laurea ista Apollini vel Libero sacra est. Illi ut deo telorum, huic ut deo triumphorum. Sic docet Claudius, cum & myrto ait milites redimiri solere. Veneris enim myrtum matris Aeneadarum etiam amiculæ Martis per Iliam & Romulos Romani. Sed & ego Venerem non credo ex hac parte cum Marte Romanam, qua pellicis dolor est. Cum & olea militia coronatur, ad Minervam est idololatria, armorum æque deam. sed & paci cum Neptuno initæ ex hac arbore coronatam. In his erit ferti militaris superstitio ubique polluta, & polluens omnia, quæ jam polluantur & causis. Ecce annua votorum nuncupatio quid videtur? Prima in principiis, secunda in Capitoliis. Accipe post loca & verba: Hunc tibi Juppiter bovem cornibus auro decoratis vovemus esse futurum. Cujus sententiæ vox est? utique negationis. Etiam si tacet illic Christianus ore, coronatus capite respondit. Eadem Laurea in donativi dispensatione denuntiatur. Plane non gratuita idololatria, aliquibus aureis venditans Christum, ut argenteis Judas. Hoc erit: *Non potestis deo servire & mammonæ.* Mammonæ manum tradere, & ab eo abstinere: hoc est, *Reddite qua sunt Cesaris Cesari,*

*fari, & quæ dei deo.* Nec hominem deo reddere & denarium Cæsari auferre. Triumphus laurea foliis struitur, an cadaveribus? lamnis ornatur an bustis? unguentis delibuitur, an lacrymis conjugum & matrum? fortasse quorundam & Christianorum, & apud Barbaros enim Christus. Qui hanc portaverit in capite causam, nonne & ipse oppugnavit? Est & alia militia regiarum familiarum. Nam & Castrenses appellantur, munificæ & ipsæ solennium Cæsareanorum. Sed & tu proinde miles ac servus alterius es: & si duorum, dei & Cæsaris, certe tunc non Cæsaris cum te deo debes, etiam in communibus credo potiori.

13. Coronant & publicos ordines laureis publicæ causæ, magistratus vero insuper aureis ut Athenis, ut Romæ. Superferuntur etiam illis Hetruscæ. Hoc vocabulum est coronarum, quas gemmis & foliis ex auro quercinis ob Jovem insignes ad deducendas thessas cum palmatis togis sumunt. Sunt & provinciales aureæ, imaginum jam non virorum capita majora quærentes. Sed tui ordinis & tui magistratus, & ipsum curiæ nomen. Ecclesia est Christi. illius es, conscriptus in libris vitæ. illic purpuræ tuæ sanguis domini, & clavus latus in cruce ipsius. illic securis ad caudicem arboris posita. illic virgæ ex radice Jesse. Viderint & publici equi cum coronis suis. Dominus tuus, ubi secundum scripturam Hierusalem ingredi voluit, nec asinum habuit privatum. Isti in curribus, & isti in equis, nos autem in nomine domini dei nostri invocabimus. Ab ipso incolatu Babylonis illius in Apocalypsi Joannis submovemur, nedum a suggestu. Coronatur & vulgus nunc ex principalium prosperitatum exultatione, nunc ex municipalium solennitatum proprietate: & est omnis publicæ lætitiæ luxuria captatrix. Sed tu peregrinus es mundi hujus, civis supernæ Hierusalem. *Noster*, inquit, *municipatus in cælis*. Habes tuos census, tuos fastos, nihil tibi cum gau-

gaudiis seculi, imo contrarium debes. *Seculum enim gaudebit, vos vero lugebitis.* Et puto, felices, ait, Ingentes non coronatos. Coronant & nuptiæ sponsores: ideo non nubamus ethnicis, ne nos ad idololatriam usque deducant, a qua apud illos nuptiæ incipiunt. Habes legem a patriarchis quidem, habes Apostolum *in domino* nubere jubentem. Coronat & libertas secularis. Sed tu jam redemptus es a Christo, & quidem magno. Servum alienum, quomodo seculum manumittet? Et si libertas videtur, sed & servitus videbatur. Omnia imaginaria in seculo, & nihil veri. Nam & tunc liber hominis eras redemptus a Christo, & nunc servus es Christi, licet manumissus ab homine. Si veram putes seculi libertatem, ut & corona consignes, redisti in servitutem hominis, quam putas libertatem: amisisti libertatem Christi, quam putas servitutem. Nunquid & agonisticæ causæ disputabuntur, quas statim tituli sui damnant? & sacras & funebres scilicet. hoc enim superest ut Olympius Jupiter, & Nemæus Hercules, & misellus Archemorus, & Antinous infelix in Christiano coronentur: ut ipse spectaculum fiat, quod spectare debet. Universas (ut arbitror) causas enumeravimus, nec ulla nobiscum est; omnes alienæ, profanæ, illicitæ, semel jam in sacramenti testatione ejeratæ. Hæ enim erant pompæ diaboli & angelorum ejus, officia seculi, honores, solennitates, popularitates, falsa vota, humana servitia, laudes vanæ, gloriæ turpes: & in omnibus istis idololatria in solo quoque censu coronarum, quibus omnia ista redimita sunt. Præfabitur quidem Claudius etiam cælum sideribus apud Homeri carmina coronatum, certe a deo, certe homini: igitur & homo ipse a deo coronandus est. Ceterum a seculo coronantur & lupanaria, & latrinæ, & pistrina, & carcer, & ludus, & ipsa amphitheatra, & ipsa spoliaria, ipsæque libitinæ. Quam sacer sanctus, quamque honestus

Itus ac mundus sit habitus iste, noli de uno poëtico cœlo, sed de totius mundi commerciis æstimare. At enim Christianus nec januam suam laureis infamabit, si norit quantos deos etiam ostiis diabolus affinxerit, Janum a janua, Limentinum a limine, Forculum & Cardam, a foribus & cardinibus, & apud Græcos Thyraum Apollinem, & Antelios dæmones.

14 Tanto abest ut capiti suo manus inferat idololatricæ, imò jam dixerim Christo, siquidem viri caput Christus est, tam liberum quam & Christus, ne velamento quidem obnoxium, nedum obligamento. Porro & quod obnoxium est velamento, caput feminæ, jam hoc ipso occupatum, non vacat etiam obligamento. Habet humilitatis suæ farcinam. si nudo capite videri non debet propter angelos, multo magis coronato: fortasse tunc illos coronato scandalizaverit. Quid enim est in capite feminæ corona, quam formæ lena, quam summa lasciviæ nota, extrema negatio verecundiæ, conflatio illecebræ? Propterea nec ornabitur operosius mulier ex Apostoli prospectu, ut nec crinium artificio coronetur. Qui tamen & viri caput est, & feminæ facies, vir ecclesiæ Christus Jesus, quale oro te, sertum pro utroque sexu subiit? ex spinis opinor & tribulis, in figuram delictorum, quæ nobis protulit terra carnis, abstulit autem virtus crucis omnem aculeum mortis in dominici capitis tolerantia obtundens. Certe præter figuram contumelia in promptu est, & turpitudine, & dedecoratio, & his implexa sævitia, quæ tunc domini tempora & fœdaverunt & lancinaverunt: uti tu nunc laurea & myrto, & olea, & illustri aliqua fronde, & quod magis usui est, centenariis quoque rosis, de horto Misdæ lectis, & utrisque liliis, & omnibus violis coroneris, etiam gemmis forsitan & auro: ut & illam Christi coronam æmuleris quæ postea ei obvenit: quia & favos post fella gustavit, nec ante rex gloriæ a cœlesti-

lestibus salutatus est, quam rex Judæorum proscriptus in crucem, *minoratus primo a patre modicum quid citra angelos*, & ita gloria & honore coronatus. Si ob hæc caput ei tuum debes, tale si potes ei repende, quale suum pro tuo obtulit: aut nec floribus coroneris, si spinis non potes: quia non floribus potes.

15. Serva deo rem suam intaminatam. Ille eam si volet, coronabit. Imo & vult. Denique invitat, *Qui vicerit, inquit, dabo ei coronam vita.* Esto & tu fidelis, ad mortem: decerta & tu bonum agonem, *cujus coronam & Apostolus repositam sibi merito confidit.* Accipit & angelus victoriæ coronam procedens in candido equo, ut vinceret. Et alius Iridis ambitu ornatur cœlesti præto. Sedent & Presbyteri coronati, eodemque auro & ipse filius hominis supra nubem micat. Si tales imagines in visione, quales veritates in repræsentatione? Illas aspice, illas odorare. Quid caput strophio aut dracontario damnas, diademati destinatum? Nam & reges nos deo & patri suo fecit Christus Jesus. Quid tibi cum flore morituro? Habes florem ex virga Jesse, super quem tota divini spiritus gratia requievit florem incorruptum, immarcescibilem, sempiternum: quem & bonus miles eligendo, in cœlesti ordinatione, dignatione profecit. Erubescite commilitones ejus, jam non ab ipso judicandi, sed ab aliquo Mithræ milite: qui cum initia-  
tur in spelæo in castris vere tenebrarum, coronam interposito gladio sibi oblatam quasi mimum martyrii, dehinc capiti suo accommodatam, monetur obvia manu a capite depellere, & in humerum, si forte, transferre, dicens Mithram esse coronam suam. Atque exinde nunquam coronatur, idque in signum habet ad probationem sui, sicubi tentatus fuerit de sacramento: statimque creditur Mithræ miles, si dejecerit coronam, si eam in deo suo esse dixerit. Agnoscamus ingenia diaboli idcirco quædam de divinis affectantis, ut nos de suorum fide confundat & judicet.



Q. SEPTIMII FLORENTIS  
TERTULLIANI

DE

HABITU MULIEBRI

LIBER.

I.

**S**i tanta in terris moraretur fides, quanta merces ejus expectatur in cœlis, nulla omnino vestrum, forores dilectissimæ, ex quo deum vivum cognovisset, & de sua, id est de feminæ conditione didicisset, lætiores habitum, ne dicam gloriosiores appetisset, ut non magis in fordibus ageret, & squalorem potius affectaret, ipsam se circumferens Evam lugentem & pœnitentem; quo plenius id quod de Eva trahit (ignominiam dico primi delicti & invidiam perditionis humanæ) omni satisfactionis habitu expiaret. *In doloribus & anxietatibus paris mulier, & ad virum tuum conversio tua; & ille dominabitur tui, & Evam te esse nescis?* Vivit sententia dei super sexum istum, in hoc seculo: vivat & reatus necesse est. Tu es diaboli janua, tu es arboris illius resignatrix, tu es divinæ legis prima desertrix, tu es quæ eum suasisti, quem diabolus aggredi non valuit. Tu imaginem dei, hominem, tam facile elisisti: propter tuum meritum, id est mortem, etiam filius dei mori habuit: & adornari tibi in mente est, super pelliceas tuas tunicas? Age nunc, si ab initio rerum & Milesii oves tonderent, & Seres arbores nerent, & Tyrii tingerent, & Phryges insuerent, & Babylonii intexerent, &  
Marga-

Margaritæ canderent, & ceraunia coruscarent, si ipsum quoque aurum jam de terra cum cupiditate prodisset; si jam & speculo tantum mentiri liceret: & hæc Eva concupiit, de paradiso expulsa, jam mortua opinor. Ergo nec nunc appetere debet, aut nosse, (si cupit reviviscere,) quæ nec habuerat nec noverat, quando vivebat. Ideo omnia ista damnatæ & mortuæ mulieris impedimenta sunt, quasi ad pompam funeris constituta.

2. Nam & illi qui ea constituerunt, damnati in pœnam mortis deputantur: illi scilicet angeli, qui ad filias hominum de cœlo ruerunt, ut hæc quoque ignominia feminæ accedat. Nam cum & materias quasdam bene occultas, & artes plerasque non bene revelatas, seculo multo magis imperito prodidissent (siquidem & metallorum opera nudaverant, & herbarum ingenia traduxerant, & incantationum vires provalgaverant, & omnem curiositatem, usque ad stellarum interpretationem, designaverant) proprie & quasi peculiariter feminis instrumentum istud muliebris gloriæ contulerunt: lumina lapillorum, quibus monilia variantur: & circulos ex auro, quibus brachia artantur: & medicamenta ex fuco, quibus lanæ colorantur: & illum ipsum nigrum pulverem, quo oculorum exordia producuntur. Hæc qualia sint, interim jam ex doctorum suorum qualitate & conditione pronunciari potest, quod nihil ad integritatem peccatores, nihil ad castitatem adamatōres, nihil ad timorem dei desertores spiritus, aut monstrare potuerunt aut præstare. Si doctrinæ dicendæ sunt: mali magistri male docuerint necesse est. Si mercedes pro libidine: nullius rei turpis merces decora est. Quid autem tanti fuit ista monstrare sicut conferre? utrumne mulieres, sine materiis splendoris, & sine ingeniis decoris, placere non possent hominibus, quæ adhuc incultæ & incompositæ & (ut ita dixerim) crudæ ac rudes, an-  
gelos

gelos moverant? An ne sordidi, & per gratuitum usum contumeliosi amatores viderentur, si nihil feminis in connubium allectis contulissent? Sed hæc non capit æstimare, nihil plus desiderare poterant, quæ angelos possidebant, magno scilicet nupserant. Enimvero, qui utique interdum cogitabant, unde cecidissent, & post libidinum vaporata momenta cælum suspirabant, illud ipsum bonum feminarum naturalis decoris, ut causam mali, sic remuneraverunt, ne eis profuisset felicitas sua, sed ut deVectum de simplicitate & sinceritate una cum ipsis in offensam dei pervenirent. Certe erant, omnem & gloriam & ambitionem & affectationem, per carnem placendi, deo displicere. Hi sunt nempe angeli quos judicaturi sumus, hi sunt angeli quibus in lavacro renunciamus, hæc sunt utique, per quæ ab homine judicari meruerunt. Quid ergo facient apud iudices suos, res eorum? quod est commercium damnaturis cum damnandis? opinor, quod Christo & Belie. Qua constantia tribunal illud ascendimus, decreturi adversus eos, quorum munera appetimus? Nam & vobis eadem tunc substantia angelica reposita, idem sexus qui & viris, eandem judicandi dignationem pollicetur; nisi ergo hic jam præjudicaverimus, res eorum prædammando, quas in illis tunc damnaturi sumus; illi potius nos judicabunt atque damnabunt.

3. Scio scripturam Enoch, quæ hunc ordinem angelis dedit, non recipi a quibusdam, quia nec in armarium Judaicum admittitur. Opinor non putaverunt, illam ante cataclysmum editam, post eum casum orbis, omnium rerum abolitorem, saluam esse potuisse. Si ista ratio est, recordentur, pronepotem ipsius Enoch fuisse superstitem cataclysmi Noë, qui utique domestico nomine & hæreditaria traditione audierat & meminerat, de proavi sui penes deum gratia, & de omnibus prædicatis ejus: cum Enoch filio suo Matu-

salæ nihil aliud mandaverit, quam ut notitiam eorum posteris suis traderet. Igitur sine dubio potuit Noë in prædicationis delegatione successisse, vel quia & alias non tacuisset tam de dei conservatoris sui dispositione, quam de ipsa domus suæ gloria. Hoc si non tam expedite haberet, illud quoque assertionem scripturæ illius tueretur. Perinde potuit abolefactam eam violentia cataclysmi, in spiritu rursus reformare: quemadmodum & Hierosolymis Babylonia expugnatione deletis, omne instrumentum Judaicæ litteraturæ per Esdram constat restauratum. Sed cum Enoch eadem scriptura etiam de domino prædicarit, a nobis quidem nihil omnino rejiciendum est, quod pertinet ad nos. Et legimus, *omnem scripturam adificationi habilem, divinitus inspirari*, a Judæis postea jam videri propterea rejectam, sicut & cætera fere quæ Christum sonant. Nec utique mirum hoc, si scripturas aliquas non receperunt de eo locutas, quem & ipsum coram loquentem non erant recepturi. Eo accedit, quod Enoch apud Judam Apostolum testimonium possidet.

4. Nulla nunc muliebri pompæ nota inusta sit prædamnationis, de exitu auctorum. Nihil angelis illis imputetur, præter repudium cœli, & matrimonium carnis. Rerum ipsarum qualitates examinemus, ut consilia quoque concupiscentiæ earum deprehendamus. Habitus feminae duplicem speciem circumfert, cultum & ornatum. Cultum dicimus, quem mundum muliebrem vocant: ornatum, quem immundum muliebræ convenit dici. Ille in auro, & argento, & gemmis, & vestibus deputatur: ista in cura capilli, & cutis, & earum partium corporis, quæ oculos trahunt. Alteri ambitionis crimen intendimus, alteri prostitutionis: ut jam hinc prospicias, Dei ancilla, quid ex his disciplinæ tuæ conveniat, quæ de diversis institutis censearis, scilicet humilitatis, & castitatis.

5. Aurum & argentum principes materiæ cultus secularis, adfint, necesse est; unde sunt; terra scilicet, plane gloriosior, quoniam in maledictorum metallorum feralibus officinis pænali opera deplorata, nomen terræ in igni reliquit, atque exinde de tormentis in ornamenta, de suppliciis in delitias, de ignominiiis in honores, metalli refuga mutatur. Sed & ferri & æris & aliarum vilissimarum materiarum par conditio est, & terreni generis, & metallici operis: quo nihilo generosior judi ari possit auri & argenti substantia penes naturam. Quod si de qualitate usus, gloria est auro & argento: atquin magis ferro, & æri: quorum ita disposita est utensilitas, ut & proprias operas plures & necessariores exhibeant rebus humanis, & nihilominus auri & argenti de sua vice accommodent justioribus causis. Nam & annuli ferro fiunt, quædam esui & potui vascula ex ære, adhuc servat memoria antiquitatis. Viderit, si etiam ad spurca instrumenta auri & argenti demens copia deservit. Certe nec ager auri opere paratur, nec navis argenti vigore contextitur. Nullus bidens aurum demergit in terram; nullus clavus argentum intimat tabulis. Taceo totius vitæ necessitates ferro & æri innixas: cum illæ ipsæ divites materiæ, & de metallis refodiendæ, & in quocunque usu producendæ, sine ferri & æris operario vigere non possint. Jam igitur æstimandum est, unde obueniat tanta dignitas auro & argento, cum & consanguineis, quantum ad genus, & potioribus, quantum ad utensilitatem, materiis præferantur.

6. Sed & lapillos istos, qui cum auro superbiam jungunt, quid aliud interpreter quam lapillos & calculos, ejusdem terræ minutalia: nec tamen aut fundamentis demandandis, aut parietibus moliendis, aut fastigiis sustinendis, aut tectis densandis, necessaria? Solum hunc mulierum stuporem ædificare noverunt: quia

tarde teruntur, ut niteant, & subdole substruuntur, ut floreat, & anxie forantur, ut pendeant, & auro lenocinium mutuū præstant. Sed si quid de mari Britannico aut Indico ambitio piscatur: conchæ genus est, non dico conchylio aut ostreo, sed nec peloride gratius de sapore. Ad hoc enim conchas noverim maris poma. Quod si concha illa aliquid intrinsecus postulat, vitium ejus magis debet esse, quam gloria. Et licet margaritum vocetur, non aliud tamen intelligendum, quam conchæ illius aliqua dura & rotunda verruca. Aiunt & de frontibus draconum gemmas erui, sicut & in piscium cerebris lapidositas quædam est. Hoc quoque deerit Christianæ, ut de serpente cultior fiat. Sic calcabit diaboli caput, dum de capite ejus, cervicibus suis aut ipsi capiti ornamenta fruit?

7. Hæc omnia de raritate & peregrinitate sola gratiam possident. Denique intra terminos suos patrios, non tanti habentur. Semper abundantia contumeliosa in semetipsa est. Apud Barbaros quosdam, quia vernaculum est aurum & copiosum, auro victos in ergastulis habent: & divitiis malos onerant, tanto locupletiores, quanto nocentiores. Aliquando revera inventum est, quomodo & aurum non ametur. Gemmarum quoque nobilitatem vidimus Romæ de fastidio Parthorum & Medorum cæterorumque gentilium suorum, coram matronis erubescens, nisi quod nec ad ostensionem fere habentur. Latent in cingulis smaragdi, & cylindros vaginæ suæ solus gladius sub sinu novit; & peronibus uniones emergere de luto cupiunt. Denique tam gemmatum habent, quod gemmatum esse non debet, si non comparet: aut ideo comparet, ut neglectum quoque ostendatur.

8. Proinde & vestium de coloribus honorem servi etiam eorum terunt. Sed & parietes Tyrii & Hyacinthinis & illis regiis velis, quæ vos operose resoluta

luta transfiguratis, pro pictura abutuntur. Villior est apud illos purpura, quam rubrica. Quis enim est vestium honor justus de adulterio colorum injustorum? Non placet deo, quod non ipse produxit, nisi si non potuit purpureas & ærinas oves nasci jubere. Si potuit, ergo jam noluit; quod Deus noluit utique non licet fingi. Non ergo natura optima sunt ista, quæ a deo non sunt, autore naturæ, sic a diabolo esse intelliguntur, ab interpolatore naturæ. Alterius enim esse non possunt, si dei non sunt: quia æmuli sint, necesse est, quæ dei non sunt, alius autem præter diabolum & angelos ejus, æmulus dei non est. Cæterum si materiæ ex deo sunt, non statim & hujusmodi fructus illarum; nam & omnes istæ prophanæ spectaculorum secularium voluptates, sicut de ipsis suum volumen edidimus, ipsa etiam idololatria ex rebus dei constat: non tamen ideo Circi furoribus aut harenæ atrocitatibus, aut scenæ turpitudinibus, Christianum affici oportet, quia deus & equum, & pantheram, & vocem homini dedit: nec ideo idololatriam impune faciet Christianus, quia dei conditio est & thus, & merum, & ignis qui vescitur, & animalia quæ victimæ fiunt, cum & ipsa materia, quæ adoratur, dei sit. Sic ergo & circa actum materialium census a deo descendens, propterea excusatus, deo extraneum ut reum scilicet gloriæ secularis.

9. Nam ut quæque rerum, per singulas quasque terras & unamquamque regionem materiis a deo distributa sunt, invicem sibi peregrina, apud externos mutuo raro, apud vos, jure, si utique vel appetuntur, vel negliguntur, quia non tantus est in illis fervor gloriæ, inter domesticos frigidæ. Sed enim ex possessionum distributione, quam deus, ut voluit, ordinavit, raritas & peregrinitas apud extraneos semper gratiam inveniens, de simplici causa non habendi, quæ deus alibi collocavit, concupiscentiam concitat

habendi. Ex hac vitium aliud extenditur, immoderate habendi: quod, & si forte habendum sit, modus tamen debetur. Hæc erat ambitio, unde & nomen ejus interpretandum est, quod concupiscentia apud animum ambiente nascatur, ad gloriæ votum; grande scilicet votum, quod ut diximus, non natura, nec veritas, sed vitiosa animi passio concupiscentia commendavit: & alia vitia ambitionis & gloriæ; sic & pretia rebus inflammavit, ut se quoque accenderet. Non tanto major fit concupiscentia, quanto magno fecit, quod concupiit. Brevissimis loculis patrimonium grande profertur. Uno lino decies sestertium inferitur. Saltus & insulas tenera cervix fert, graciles aurium cutes calendarium expendunt, & in sinistra per singulos digitos de faccis singulis ludit. Hæ sunt vires ambitionis, tantarum usurarum substantiam uno & muliebri corpusculo bajulare.

---



Q. SEPTIMII FLORENTIS

TERTULLIANI

DE

CULTU FEMINARUM

LIBER.

I.

**A**ncillæ Dei vivi, conservæ & sorores meæ, quo jure deutor vobiscum, postremissimus omnium? qui de meo jure conservitii & fraternitatis, audeo ad vos verba ista facere, non utique affectationi, sed affectioni procurans, in causâ vestræ salutis. Ea fasus nec feminarum modo, sed etiam virorum, in exhibitione præcipue pudicitie statuta est. Nam cum omnes *templum dei* simus, illato in nos & consecrato spiritu sancto: ejus templi ædituus & antistes pudicitia est, quæ nihil immundum nec profanum inferri sinat, ne deus ille, qui inhabitat, inquinatam sedem, offensus derelinquat. Sed modo non de pudicitia, cui indicendæ & exigendæ sufficiunt instantia ubique divina præcepta, verum de pertinentibus ad eandem, id est qualiter vos incedere oporteat. Plæræque enim (quod ipsum mihi, reprehendendo in omnibus reprehendere deus permittat) aut ignorantes simpliciter, aut dissimulantes audacter, ita ingrediuntur, quasi pudicitia in sola carnis integritate, & stupri aversione consistat, nec quicquam extrinsecus opus sit, de cultus dico & ornatus dispositione. Sed enim perseverant in pristinis studiis formæ & nitoris, eandem sui circumferentes, quam feminae nationum, a

quibus abest conscientia veræ pudicitiae: quia nihil verum in his, quæ deum nesciunt præsidem & magistrum veritatis. Nam & si qua in gentilibus pudicitia credi potest, usque adeo eam imperfectam & inconditam constat, licet animo aliquatenus tenax sui agat; in habitus tamen licentia sese dissolvat propter veritatem gentilium, solatium appetendo cuius rei devitat effectum. Quota denique est, quæ nec placere quidem extraneis concupiscat, quæ non velit idcirco se expingere, ut neget appetitum. Quanquam & hoc gentili pudicitiae familiare sit, non delinquere. Attamen velle, vel etiam nolle, attamen non denegare, mirum: quia perversa sunt omnia, quæ a deo non sunt. Videant igitur, quæ totum bonum non obtinendo, facile & quod obtinent malo permiscant. Vos ab illis, ut in ceteris, incessu quoque devertere necessarium est: quoniam perfectæ esse debetis, sicut pater vester qui est in cœlis.

2. Perfectæ autem, id est Christianæ pudicæ appetitionem sui non tantum non appetendam, sed etiam execrandam vobis sciatis: primo, quod non de integra conscientia venit studium placendi per decorem, quem naturaliter invitatore libidinis scimus, quid igitur in te excitat malum istud? quid invitas, cuius te profiteris extraneam? tum quod tentationibus viam aperire non debemus, quæ nonnumquam (quod deus a suis abigat) instando perficiunt, certe vel spiritu scandalum permovent. Debemus quidem ita sancte & tota fidei substantia incedere, ut confessæ & securæ simus de conscientia nostra, optantes perseverare id in nobis, non tamen præsumere. Nam, qui præsumit, minus veretur, minus præcavet, plus periclitatur. Timor, fundamentum salutis est; præsumptio, impedimentum timoris. Utilius ergo, si speremus nos posse delinquere: sperando enim timebimus, timendo cavebimus, cavendo salvi erimus: contra si præsuma-

præsumamus, neque timendo, neque cavendo, difficile salvi erimus. Qui securus agit, non est sollicitus, non possidet tutam & firmam securitatem. At qui sollicitus est, is vere poterit esse securus. Et de suis quidem servis dominus pro misericordia sua curet: etiam præsumere illis de bono suo feliciter liceat. Quid autem alteri periculo sumus? quid alteri concupiscentiam importamus? quam si dominus ampliando legem a facto stupri non discernit in pœna, nescio an impune habeat, qui alicui fuerit causa perditionis. Perit enim ille simul in tua forma, si concupierit, & admittit jam in animo, quod concupivit, & facta es tu gladius illi, ut etsi a culpa vaces, ab invidia non liberaberis. Ut cum in alicujus agro latrocinium gestum est, crimen quidem dominum non constringit, dum res tamen ejus ignominia notatur, ipse quoque infamia aspergitur. Expingamus nos, ut alteri pereant? ubi est ergo, *diliges proximum tuum sicut te ipsum? Nolite vestra curare, sed alterius.* Nulla enunciatio spiritus sancti, ad præsentem tantum materiam & non ad omnem utilitatis occasionem dirigi & suscipi potest. Cum igitur & nostra & aliorum causa versetur in studio periculosissimi decoris, jam non tantum confictæ & elaboratæ libidinis suggestum recusandum a vobis sciatis, sed etiam naturalis speciositatis obliterandum, dissimulatione & incuria, ut proinde oculorum incursum molestum. Nam etsi accusandus decor non est, ut felicitas corporis, ut divinæ plasticæ accessio, ut animæ aliqua vestitus bona: timendum tamen est, vel propter injuriam & violentiam spectatorum, quæ etiam pater fidei Abraham in uxoris suæ specie pertimuit: & sororem mentitus Saram, salutem contumelia redemit.

3. Nunc non sit timenda dignitas formæ, ut nec possidentibus gravis, nec appetentibus exitiosa, nec conjunctis periculosa, nec exposita temptationibus non

circumdata scandalis existimetur: sufficit, quod angelis dei non est necessaria. Nam ubi pudicitia, ibi vacua pulchritudo, quia proprius & fructus pulchritudinis corporis, luxuria; nisi si quis alias esse decorem arbitratur. Illæ sibi formositatem & datam extendant & non datam conquirant, quæ quod ab illa flagitur, sibi quoque præstare se putant, cum alteri præstant? Dicit aliquis, quid ergo non est exclusa luxuria admissa castitate? laude formæ sola frui, & de bono corporis gloriari licet. Viderit, quem juvat de carne gloriari. Nobis autem nullum gloriæ studium, quia gloria exaltationis ingenium est. Porro exaltatio non congruit professoribus humilitatis ex præceptis dei. Dein si omnis gloria vana & stuporata, quanto magis quæ in carne? nobis duntaxat. Nam etsi gloriandum est, in spiritus bono, non in carnis placere velle debemus, quia spiritualium sectatores sumus; in quibus operamur, in illis & gaudemus, de his gloriam capimus, de quibus salutem speramus. Plane gloriabitur Christianus in carne, sed cum propter Christum lacerata duraverit, ut & spiritus in ea coronetur, non ut oculos & suspiria adolescentium post se trahat. Ita quod ex omni parte in vobis vacat, merito & non habentes fastidiatis, & habentes negligatis. Sancta femina sit naturaliter speciosa, non adeo sit occasione. Certe si fuerit, non ignorare, sed etiam impedire se debet.

4 Quasi gentilibus dicam: Gentiles communio-  
num præceptis alloquens vos, solis maritis vestris placere debetis. In tantum autem placebitis eis, in quantum alteris placere non curaveritis. Securæ estote, benedictæ; uxor nulla deformis est, marito suo satis placuit cum electa est, seu moribus seu forma commendata. Neque vestrum putent si temperaverint a compositione sui, odium & aversionem maritorum prosequitur. Omnis maritus castitatis exactor est, formam vero fidelis non expectat, quia non iisdem bonis,  
quæ

quæ gentiles putant, capimur. Infidelis contra, etiam suspectam habet, vel propter illam sceleratam in nos opinionem gentilium. Cui ergo pulchritudinem tuam nutrias, si fidelis non exigit, si gentilis non credit? quid gestias aut suspecto, aut non desideranti placere? Hæc utique non ad crudam in totum & feminam habitudinem insinuandam vobis suggeruntur; nec de bono corporis squalorem, sed de pudoris suademus, sed de modo & cardine & iustitia corporis excolendi. Non supergrediendum ultra quam quod simplices & sufficientes munditiæ concupiscunt, ultra quam domino placere. In illum enim delinquant, quæ cutem medicaminibus unguent, genas rubore maculant, oculos fuligine colligunt: displicet illis nimirum plastica dei, in ipsis redarguunt, reprehendunt artificem omnium. Reprehendunt enim, cum emendant, cum adjiciunt, utique ab adversario artifice fumentes additamenta ista, id est diabolo. Nam quis corpus monstraret mutare nisi qui & hominis spiritum malitia transfiguravit? ille indubitate hujusmodi ingenia concinnavit, ut in nobis quodammodo manus deo inferret. Quod nascitur, opus dei est. Ergo quod fingitur, diaboli negotium est. Divino operi, Satanæ ingenia superducere quam scelestum est? Servi nostri ab inimicis nostris nihil mutantur, milites ab hoste imperatoris sui nihil concupiscunt. De adversario enim ejus in cujus manu sit, aliquid usui postulare, transgressio est. Christianus a malo illo adjuvabitur? nescio an hoc nomen ei perseveret. Erit enim ejus, de cujus doctrinis instrui concupiscit. Quaptum autem a vestris disciplinis & professionibus aliena sunt, quam indigna nomine Christiano, faciem fictam gestare, quibus simplicitas omnis indicitur! effigiem mentiri, quibus lingua non licet, appetere, quod datum non sit, quibus alienum abstinentiam in specie exercere, quibus studium puritatis est?

Credite

Credite benedictæ, quomodo præcepta dei custodietis, liniamenta non custodientes?

6. Video quasdam & capillum croco vertere, pudet eas etiam nationis suæ, quod non Germanæ aut Gallæ sint procreatæ, ita patriam capillo transferunt, male ac pessime sibi auspicantur flammeo capite; & decorum putant, quod inquinant. Atque & detrimentum crinibus medicaminum vis inurit, & cerebro perniciem, etiam cujuslibet sinceri humoris assiduitas referuat, tum solis animando simul & siccando capillo exoptabilis ardor. Quis decor cum injuria? quæ cum immunditiis pulchritudo? Crocum capiti suo mulier Christiana ingerit, ut in aram? Quodcunque enim immundo spiritui excremari solet, id nisi probis & necessariis & salubribus usibus adhibeatur, ad quod creatura dei est prospecta, sacrificium videri potest. Sed enim dominus ait, *quis vestrum potest capillum atrum ex albo ficere, aut album ex atro?* Hæ quæ revincunt deum, Ecce inquiunt, pro albo vel atro flavum facimus, gratiæ faciliorem: quamvis & atrum ex albo conantur facere, quas poenituit ad senectam usque vixisse. pro temeritate erubescit ætas exoptata votis; furtum confitetur, adolescentia, in qua delinquimus, suspiratur; occasio pravitatis, interpolatur. Absit a sapientiæ filiabus stultitia tanta. Senectus, cum plus occultari studuerit, plus detegetur. Hæc est æternitas nostra, de capitis juventute. Hanc incorruptibilem habemus semper induere ad domum domini, quam acacia pollicetur. Bene properatis ad dominum, bene festinatis excedere de isto iniquissimo seculo, quibus in fine appropinquare deformis est.

7. Quid enim tanta ordinandi capitis onerositas salutem subministrat? Quid crinibus vestris quiescere non licet, modo substrictis, modo suscitatis, modo elisis. Aliæ gestiunt in cincinnis coërcere, aliæ ut vagi & volucres elabantur, non bona simplicitate, custoditis.

stoditis. Præterea nescio quas enormitates subtilium atque textilium capillamentorum, nunc in galeri modum quasi vaginam capitis & operculum verticis, nunc in ceruicem retro suggestum. Mirum quod contra domini præcepta contenditur. Ad mensuram neminem sibi adjicere posse pronunciatum est. Vos plane adjicitis ad pondus collyridas quasdam, vel scutorum umbilicos cervicibus astruendo. Si non pudet enormitatis, pudeat inquinamenti ne exuvias alieni capitis forsitan immundi, forsitan nocentis & gehennæ destinati, sancto & Christiano capiti suppare. Imo hanc ornatus servitutem a libero capite propellite. Frustra laboratis ornatae videri, frustra peritissimos quosque structores capillaturæ adhibetis. Deus vos velari jubet, credo ne quarundam capita videantur. Atque utinam miserrimus ego in illo die Christianæ exultationis, vel inter calcanea vestra caput elevem, videre, an cum cerussa, & purpurisso; & croco, & in illo ambitu capitis resurgatis, an taliter expectam angeli in nebula sublevent obviam Christo. Si nunc bona & dei sunt, tunc quoque occurrent resurgentibus corporibus, & sua loca agnoscent. Sed non potest resurgere, nisi caro, & spiritus solus ac purus; damnata sunt igitur, quæ in carne & spiritu non resurgunt, quia dei non sunt. Damnatis hodie abstinete. Hodie vos deus tales videat, quales tunc videbit.

8. Videlicet nunc & vir & sexu æmulus, feminas a suis depello. An & nobis quædam respectu obediendæ gravitatis propter metum debitum domino detrahuntur? Siquidem & viris propter feminas, & feminis propter viros vitio naturæ ingenita est placendi voluntas; propriasque præstigias formæ, & hic sexus sibi agnoscit, barbam acrius cædere, intervellere, circum dare capillum, disponere, etiam colorare canitiem, primam quamque subducere totius corporis laciniam, pigmento quoque muliebri distinguere, cætera

tera pulveris cujusdam asperitudine levigare, tum speculum omni occasione consulere, anxie inspicere, cum tamen cognito deo adempta placendi voluntate, per luxuriæ vacationem, omnia illa ut ociosa, ut hostilia pudicitiae, recusantur. Nam ubi deus, ibi pudicitia, ibi gravitas, adjutrix & focia ejus. Quo ergo pacto pudicitiam sine instrumento ejus, id est sine gravitate tractabimus? quomodo autem gravitatem administrandæ pudicitiae adhibemus? nisi & in facie & in cultu & in totius hominis contemplatione severitas circumferatur?

9. Quamobrem erga vestitum quoque & reliqua compositionis vestrae impedimenta, proinde vobis curanda est amputatio, & decussio redundantioris nitoris. Nam quid prodest, faciem quidem frugi & expeditam, & simplicitate condignam, divinæ disciplinæ exhibere, cætera vero corporis, laciniosis pomparum & deliciarum ineptiis occupare? Hæ pompæ, quam de proximo curent luxuriæ negotium, & obstrepant pudicitiae disciplinis, dinoscere in facili est, quod gratiam decoris cultus societate profituant: adeo, si desint, irritam & ingratam reddunt, velut exornatam & naufragam. Contra si forma defecit, adminiculum nitoris quasi de suo gratiam supplet. Aetates denique requietas jam, & in portum modestiæ subductas, splendor & dignitas cultus avocant, & severitatem appetitionibus inquietant, compensantibus scilicet habitus irritamento pro frigore ætatis. Ergo, benedictæ, primo quidem ut lenones & prostitute vestitus & cultus ne in vos admiseritis; tum si quas vel divitiarum suarum vel natalium, vel retro dignitatum ratio, compellit, ita pompaticas progredi: ut sapientiam consecutæ, temperare saltem ab hujusmodi curate, ne totis habenis licentiam usurpetis prætextu necessitatis. Quomodo etenim humilitatem, quam Christiani profitemur, implere



plere poterimus, non repastinantes divitiarum vestrarum vel elegantiarum usum; quæ ad gloriam faciunt? gloria autem exaltare non humiliare consuevit. Non enim utemur nostris? quis autem prohibet uti. Secundum Apostolum tamen, qui nos *uti* monet *mundo isto, quasi non abutamur. Præterit enim*, inquit, *habitus hujus mundi. Et qui emunt, inquit, sic agent, quasi non possidentes.* Cur ita? quoniam præmiserat, dicens: *Tempus in collecto est.* Si ergo uxores quoque ipsas sic habendas demonstrat, tanquam non habeantur, propter angustias temporum: quid de vanis his instrumentis earum? Non enim & ita multi faciunt, & se *spadonatus assignant, & propter regnum dei*, tam fortem & utique permissam voluptatem sponte ponentes? quidam ipsam dei creaturam sibi interdiciunt, abstinentes vino, & animalibus exulantes, quorum fructus nulli periculo aut sollicitudini adjacent; sed humilitatem animæ suæ in victus quoque castigatione deo immolant. Satis igitur usæ estis divitiis atque deliciis, satis dotum vestrarum fructum cæcidistis. Unde notitia salutarium disciplinarum. Nos sumus, in quos decurrerunt fines seculorum. Nos destinati a deo ante mundum, in æstimationem temporum, tanquam castigando & castrando (ut ita dixerim) seculo erudimur a domino. Nos sumus, circumcisio omnium, & spiritalis, & carnalis nam spiritu & carne secularia circumcidimus.

10. Nimirum enim deus demonstravit succis herbarum & concharum alveis incoquere lanas. Exciderat illi, cum universa nasci juberet, purpureas & coccineas oves mandare. Deus & ipsarum vestium officinas commentus, quod leves & exiles, solo precio graves essent. Deus & auri tanta opera produxit, contemplandis & distinguendis lapillis: scrupulosa deus auribus vulnera intulit, & tanti habuit vexationem operis sui, & cruciatus infantiae tunc primum dolentis, ut ex illis ad ferrum nati corporis cicatricibus, grana nescio quæ pende-

penderent, quæ plane Parthi per omnia quæque fra, bullarum vice inferunt. Quanquam & aurum ipsum, cujus vos gloria occupat, cuidam genti ad vincla servire referunt Gentilium litteræ. Adeo non veritate bona sunt, sed raritate: per angelos autem peccatores demonstrata sunt, & ipsas materias prodiderunt: & operositas cum raritate commissa, preciositatem & ex ea libidinem possidendæ preciositatis feminarum; quod idem angeli, qui & materias ejusmodi & illecebras detexerunt, aurum dico & argentum illustrium & opera eorum tradiderunt, etiam calliblepharum vellerumque tincturas inter cetera docuerunt, damnati a deo sunt, ut Enoch refert: Quomodo placebimus deo, gaudentes rebus illorum, qui iram & animadversionem provocaverunt? Nunc deus ista prospexerit, deus permiserit: nullam de conchylio vestem Esaias increpet, nullas lunulas reprobet, nullum botronatum retundat: tamen non ut gentiles, ita nos quoque nobis adulemur, institutorem deum solummodo existimantes, non etiam dispectorem institutorum suorum. Quanto enim melius & cautius egerimus, si præsumamus, omnia quidem a deo provisâ tunc, & seculo posita, uti nunc esset, in quibus disciplina servorum ejus probaretur? ut per licentiam utendi, continentiae experientia procederet. Nonne sapientes patresfamiliae de industria quædam servis suis offerunt atque permittunt, ut experiantur, an æqualiter permissis utantur, si probe, si modeste? Quanto autem laudabilior, qui abstinerit in totum, qui timuerit etiam indulgentiam domini? Sic igitur & Apostolus: *omnia*, inquit, *licent, sed non omnia adificant*, quanto facilius illicita timebit, qui licita verebitur?

II. Quæ autem vobis causa est structius prodeundi, cum remotæ sitis ab his, quæ ad aliud indigent. Nam nec templa circuitis, nec spectacula postulatis, nec festos dies gentilium nostis. Propter ipsum  
sum

sum enim conventus, & mutuum videre ac videri, omnes pompæ in publicum proferuntur, aut ut luxuria negotietur, aut gloria insolescat. Vobis autem nulla procedendi causa, non tetrica: aut imbecillis aliquis ex fratribus visitandus, aut sacrificium offertur, aut dei verbum administratur, quamvis horum gravitatis & sanctitatis negotium, & si cui opus non sit habitu extraordinario & composito & soluto. Ac si necessitas amicitiarum officiorumque gentilium vos vocat, cur non vestris armis indutæ proceditis? tanto magis, quanto ad extraneas fidei? ut sit inter ancillas diaboli & dei discrimen: ut exemplo sitis illis, ut ædificentur in vobis: ut (quomodo ait Apostolus) *magnificetur deus in corpore vestro*: magnificatur autem, si per pudicitiam; utique & per habitum, pudicitiae competentem. Sed enim dicitur a quibusdam, ne *blasphemetur nomen* in nobis, si quid de pristino habitu & cultu detrahamus. Non auferamus ergo nobis & vitia pristina; simus & moribus iisdem, si & superficie eadem: & tunc vere non blasphemabunt nationes. Grandis blasphemia, si qua dicatur: ex quo facta est Christiana, pauperius incedit. Timebit pauperior videri, ex quo locupletior facta est, & sordidior, ex quo mundior: secundum gentilium, an secundum Dei placitum incedere Christianos oportet?

12. Optemus tantummodo ne iustæ blasphemationis causæ simus. Quanto autem blasphemabile est, si, quæ sacerdotes pudicitiae dicimini, impudicarum ritu procedatis cultæ, aut expictæ. Aut quid minus habent infelicissimæ illæ impudicarum libidinum victimæ? quas si quæ leges a matronis & matronalibus decoramentis coercebant, jam certe seculi improbitas cotidie insurgens, honestissimis quibusque feminis, usque ad errorem dinoscendi cœquavit. Quamquam lenocinia formæ nunquam non prostitato corpori conjuncta, & debita, etiam scripturæ suggerunt. Il-

la civitas valida, quæ super montes septem & plurimas aquas præsidet, cum prostitutæ appellationem a domino meruisset, quali habitu appellationis suæ comparata est? Sedet certe in purpura cum coccino, & auro, & lapide precioso. Quam maledicta sunt, sine quibus non potuit maledicta & prostituta describi? Thamar illa, quia se expinxerat & ornaveratur, idcirco Judæ suspicioni visa est quæstui federe, adeo quia sub velamento latebat, habitus qualitate quæstuariam mentiente, & fecit, ut quæstuariam, & voluit, & compellavit & pactus est. Unde addiscimus adversus congressus etiam & suspensiones impudicas, providendum omni modo esse: quid enim castæ mentis integritas in alterius suspensione maculatur? quid speratur in me, quod averfor? cur non mores meos habitus pronunciat, ne spiritus per aures ab impudentia vulneretur? liceat videri pudicam, certe impudicam non licet.

13. Aliqua forsan dicam: non est mihi necessarium hominibus probari, nec enim humanum testimonium requiro. *Deus conspexitor cordis est.* Scimus omnes: cum tamen, quid idem per Apostolum dixerit, recordemur: *Probum vestrum coram hominibus appareat.* Ad quid? nisi malitia ad vos accessum omnino non habeat, & ut malis & exemplo & testimonio sitis: aut quid est, *luceant opera vestra*? Aut quid nos dominus *lumen terræ* vocavit? quid *civitati supra montem constituta* comparavit, si non relucemus inter tenebrosos, & extamus inter demersos? Si lucernam tuam sub modium abstruseris, in tenebris relictæ a multis incurseris necesse est. Hæc sunt quæ nos luminaria mundi faciunt, bona scilicet nostra. Bonum autem, dumtaxat verum & plenum, non amat tenebras, sed gaudet videri & ipsa denotatione sui exultat. Pudicitia christianæ satis non est esse, verum & videri. Tanta enim debet esse plenitudo ejus, ut emanet ab  
animo

animo in habitum, & eructet a conscientia in superficiem, ut & foris inspiciat, quasi supellectilem suam, ut conveniat fidei continendæ in perpetuum. Discutiendæ enim sunt delitiæ, quarum mollitia & fluxu fidei virtus effeminari potest. Cæterum nescio an manus spatulio circumdari solita, in duritia catenæ stupescere sustineat. Nescio an crus de periscelio in nervum se patiatur artari. Timeo cervicem ne margaritarum & smaragdorum laqueis occupata, locum spatæ non det. Quare, benediçtæ, meditemur duriora, & non sentiemus: relinquamus lætiora, & non desiderabimus. Stemus expeditæ ad omnem vim, nihil habentes quod relinquere timeamus. Retinacula ista sunt spei nostræ, projiciamus ornamenta terrena, si cœlestia optamus. Ne dilexeritis aurum, in quo prima delicta populi Israël denotantur. Odisse debetis, quod Judæos perdidit, quod dereliquentes deum adoraverunt: jam tunc aurum ignis est esca. Cæterum tempora Christianorum semper & nunc vel maxime, non auro, sed ferro transiguntur. Stolæ martyriorum præparantur, angelis bajulis sustinentur. Proдите vos jam medicamentis & ornamentis extructæ Apostolorum, fumentes de simplicitate candorem, de pudicitia ruborem, depictæ oculos verecundia, & spiritus taciturnitate, inferentes in aures sermonem Dei, annectentes cervicibus jugum Christi. Caput maritis subjicite, & satis ornata eritis. Manus lanis occupate, pedes domi figite, & plus quam in auro placebunt. Vestite vos serico probitatis, byssino sanctitatis, purpura pudiciæ. Taliter pigmentatæ Deum habebitis amatorem.

---

Q. SEPTIMII FLORENTIS  
TERTULLIANI

DE

## FUGA IN PERSECUTIONE

LIBER.

I.

Quæfisti proxime, Fabi frater, fugiendum nec ne sit in persecutione, quod nescio quid annuncietur. Ibidem ego oblocutus aliquid, pro loco ac tempore, & quarundam personarum importunitate, semitractatam materiam abstuli mecum, plenius eam de stilo nunc renunciaturus, utpote quam ei tua consultatio commendarat, & conditio temporum suo jam nomine injunxerat. Quanto enim frequentiores imminet persecutiones, tanto examinatio procuranda est, quomodo eas excipere fides debeat. Procuranda autem examinatio penes vos, si forte paracletum non recipiendo, deductorem omnis veritatis, merito adhuc etiam aliis quæstionibus obnoxii estis. Igitur consultationi tuæ ordinem quoque induimus, animadvertentes ante determinari oportere de statu ipsius persecutionis, utrum a deo obveniat, an a diabolo, quo facilius de obitu ejus constare possit. Omnis enim rei inspectio, autore cognito, planior. Satis est quidem perscribere nihil fieri sine Dei voluntate, sed non statim hac sententia cæteris retractavimus. Locum dabimus, ne a præsentis articulo avocemur. Si quis responderit, ergo & malum a Deo & delictum a Deo, nihil jam in diabolo, nihil etiam in nobis ipsis.

De



De persecutione nunc quæritur. Circa hanc interim dixerim, nihil fieri, sine Dei voluntate, respiciens eam in primis dignam Deo esse, & ut (ita dixerim) necessariam ad probationem scilicet servorum ejus, five reprobationem. Quis est enim exitus persecutionis? quis effectus alius, nisi probatio & reprobatio fidei? qua suos utique dominus examinavit? Hoc domini judicium est, persecutio, per quam quis aut probatus aut reprobatus judicatur. Porro judicium soli Deo competit. Hæc pala illa, quæ & nunc dominicam aream purgat, ecclesiam scilicet, confusum acervum fidelium eventilans, & discernens frumentum martyrum & paleas negatorum. Hæ etiam scalæ, quas somniat Jacob, aliis ascensum in superiora, aliis descensum ad inferiora demonstrantes. Sic & agonem intelligi capit persecutionem. A quo certamen edicitur, nisi a quo corona & præmia proponuntur? legis edictum agonis istius in Apocalypsi, quibus præmiis ad victoriam invitet, vel maxime illos, qui proprie vicerint, in persecutione, vincendo luctati revera non adversus carnem & sanguinem, sed adversus spiritalia nequitie, ita agnosces ad eundem agonotheam pertinere certaminis arbitrium, qui invitat ad præmium. Totum quod agitur in persecutione, gloria Dei est, probantis & reprobandis, imponentis & deponentis. Quod autem ad gloriam Dei pertinet, utique ex voluntate illius eveniet. Sed quando Deus magis creditur, nisi cum magis timetur? nisi in tempore persecutionis? ecclesia in attonito est, tunc & fides in expeditione sollicitior & disciplinator in jeuniis, & stationibus, & orationibus, & humilitate, in alterutra diligentia, & dilectione, in sanctitate, & sobrietate. Non enim vacatur nisi timori & spei, Adeo & ex hoc ipso ostenditur nobis, non posse diabolo deputari eam, quæ meliores efficit Dei servos.

2. Si, quod iniquitas a Deo non est, sed a diabolo, persecutio autem ex iniquitate consistit (quid enim iniquius, quam veri Dei antistites, omnes sectatores veritatis, nocentissimorum more tractari?) ideo videtur persecutio a diabolo evenire, a quo iniquitas agitur: ex qua constat persecutio: Scire debemus, quatinus nec persecutio potest sine iniquitate diaboli, nec probatio fidei sine persecutione, propter probationem fidei, necessariam iniquitatem; non patrocinium præstare persecutioni, sed ministerium. Præcedere enim Dei voluntatem circa fidei probationem, quæ est ratio persecutionis, sequi autem diaboli iniquitatem ad instrumentum persecutionis, quæ ratio est probationis. Nam & alias inquantum justitiæ iniquitas æmula est, in tantum materia est ad testimonia ejus, cujus est æmula, ut sic justitia iniquitate perficiatur, quomodo virtus in infirmitate perficitur. Nam *infirma mundi electa sunt a Deo, ut confundantur fortia, & stulta ejus, ut confundatur sapientia.* Ita & iniquitas adhibetur, ut *justitia probetur confundens iniquitatem.* Igitur quod ministerium: non est arbitrii, sed servitii. Arbitrium enim domini persecutio, propter fidei probationem. Ita eam per diabolum, si forte, non a diabolo; evenire credimus. Nihil Satanæ in servos Dei vivi licebit, nisi permiserit dominus, ut aut ipsum destruat per fidem electorum, in tentationem victricem: aut homines ejus fuisse traducat, qui defecerint ad illum. Habes exemplum Job, cui diabolus nullam potuit incutere tentationem, nisi a deo accepisset potestatem, nec in substantiam quidem ejus, nisi dominus ecce, dixisset, *omnia quæ sunt ei, in manu tua do, in ipsum autem ne extenderis manum.* Denique nec extendit, nisi postea quam & hoc postulanti dominus *Ecce dixisset, Trado tibi illum, tantum animam ejus custodi.* Sic & in Apostolos facultatem tentationis postulavit, non habens eam nisi ex permisso. Siqui-

dem



dominus in Evangelio ad Petrum: *Ecce, inquit, posuit Satanæ ut cerneret vos velut frumentum, ubi ego rogavi pro te, ne deficeret fides tua, id est, ne totum diabolo permitteretur, ut fides periclitaretur. Quis ostenditur, utrumque apud Deum esse, & concussionem fidei & protectionem, cum utrumque ab eo petitur, concussio a diabolo, protectio a filio. Et utique cum filius Dei protectionem fidei habet in sua potestate, quam a patre postulat, a quo omnem accipit potestatem in cælis & in terris, quale est, ut concussionem fidei diabolus in manu sua habeat? Sed in legitima oratione, cum dicimus ad patrem: *Ne nos inducas in tentationem* (quæ autem major tentatio quam persecutio?) ab eo illam proſitemur accidere, a quo veniam ejus deprecamur. Hoc est enim quod sequitur: *Sed erue nos a maligno*, id est, ne nos induxeris in tentationem, permittendo nos maligno. Tunc enim eruihur diaboli manibus, cum illi non tradimur in tentationem. Nec in porcorum gregem diaboli legio habuit potestatem, nisi eam de Deo impetrasset. Tantam potestatem, ut in oves Dei habeat. Possum dicere porcorum quoque setas tunc numeratas apud Deum fuisse, ne dum capillos sanctorum. Habere videtur diabolus propriam jam potestatem, si forte, in eos qui ad Deum non pertinent, semel in *stilla fitula* & in *pulverem area* & in *salivam nationibus* deputatis a Deo, ac per hoc diabolo expositis in *vacuam* quodammodo possessionem. Cæterum in domesticos Dei nihil illi licet ex propria potestate, quia quando liceat, id est, ex quibus causis, exempla in scripturis signata demonstrant. Aut enim ex causa probationis conceditur ei jus tentationis, provocato vel provocanti, ut in superioribus. Aut ex causa reprobationis traditur ei peccator, quasi carnis in poenam, ut Saul, & *abscessit inquit, spiritus domini a Saule, & concutiebatur eum spiritus nequam a do-**

*mino, & suffocabat eum.* Aut ex causa cohabitationis, ut Apostolus refert datum sibi *sudem Angelum Satanae ut colaphizetur*: nec hanc speciem permitti diabolo, in sanctos humiliandos per carnis vexationem, simul ut & virtus tolerantiae scilicet in infirmitate perfici possit. Nam & ipse Apostolus Phygelum & Hermogenem tradidit Satanae *uti emendentur, ne blasphement.* Vides jam & a servis Dei facilius diabolus accipere potestatem, tanto abest, ut eam ex proprietate possideat.

3. Cum ergo & haec exempla magis in persecutionibus eveniant, siquidem magis tunc probamur vel reprobamur, & magis tunc humiliamur, vel emendamus; ab eo permittatur vel imperetur necesse est, catholice fieri haec, a quo & ex parte, scilicet ab illo qui dicit, *Ego sum qui facio pacem & condo mala*, id est bellum. Hoc est enim contrarium paci. Nostrae autem paci quod est bellum, quam persecutio? si persecutionis vel maxime exitus, aut vitam auferunt, aut mortem, aut plagam, aut sanationem: habes autorem ejusdem, *Ego percutiam & sanabo, ego vivificabo & mortificabo.* Uram, inquit, illos sicut uritur aurum: & probabo, inquit, illos sicut probatur argentum. Cum enim exurimur persecutionis ardore, tunc probamur de fidei tenore. Haec erunt ignea jacula diaboli, per quae fidei ustio & conflatio administratur ex Dei tamen voluntate. De isto quis dubitare possit ignoro, nisi plane frivola & frigida fides, deprehendens eos, qui timide conveniunt in ecclesiam. Dicitis enim, inquis, quoniam incondite convenimus, & simul convenimus & complures concurrimus in ecclesiam, querimus a nationibus, & timemus ne turbentur nationes. Annon scitis quod Deus omnium sit dominus? & si velit Deus, tunc persecutionem patieris. Si vero noluerit, silebunt nationes. Credas utique, si tamen in eum Deum credis, *sine cujus voluntate nec passer*  
*unius*

## DE FUGA IN PERSECUTIONE.

*unius assis cadit in terram.* Nos autem puto in passeribus antistamus.

4. Igitur si constat a quo persecutio eveniat, possumus jam consultationem tuam inducere, & determinare ex hoc ipso prætractatu, fugiendum in persecutione non esse. Si enim persecutio a Deo evenit, nullo modo fugiendum erit, quod a Deo evenit: cut duplex ratio dependit quia nec debeat devitari neque evadi possit, quod a Deo evenit: non de devitari, quia bonum; necesse est enim bonum omne, quod Deo visum est. Et nunquid ideo in nesi sic positum est *¶ vidit Deus quia bonum est.* quod ignoraret bonum esse, nisi vidisset, sed ut sono portenderet, bonum esse quod Deo visum. Multa quidem sunt, quæ a Deo eveniant, & alicui malo eveniant. Imo bonum est ideo, quia a Deo evenit, ut divinum & rationale. Quid enim divinum non rationale, non bonum? Quid bonum, non divinum? Si autem sensui cuiusque videtur, non sensus hominis præjudicat statui rerum, sed status sensus. Status enim uniuscujusque certum quid est, sed sensui legem, ita sentiendi statum sicuti est. Si autem statu quidem bonum, quod a Deo venit, (nihil est a Deo non bonum, quia divinum, quia rationale sensui vero malum videtur, erit status in toto, sensus in vitio. Statu optima res pudicitia, & veritas, & justitia, quæ a multorum sensu displicent. Nunquid in statu sensui addicitur? Ita & persecutio statu bonum est, quia divina & rationalis dispositio, sensui eorum vero, quorum malo venit, displicet. Vides, etiam illud malum rationale apud Deum habere, cum quod persecutio evertitur de salute, sicut & illud bonum ratione contingere, cum quis ex persecutione pergit in salutem? nisi si irrationaliter quis aut perit a domino, aut salvus est: is non poterit persecutionem malum dicere, quæ etiam in malis par bonum est.

est, dum ratione administratur. Ita si bonum persecutio quoquo modo, quia de statu constat, merito definimus, quod bonum est vitari non oportere; quia delictum sit, quod bonum est recusare, eo amplius, quod Deo visum est. Jam vero nec posse vitari, quia a Deo evenit, cujus voluntas non poterit evadi. Igitur, qui putant fugiendum, aut malum exprobrant Deo, si persecutionem uti malum fugiunt. Bonum enim nemo devitat. Aut fortiores se Deo existimant, qui putant se evadere posse, si Deus tale aliquid voluerit evenire.

5. Sed quod meum est, inquit, fugio, ne per-eam, si negavero. Illius est, si voluerit etiam fugientem me reducere in medium. Hoc mihi prius responde, certus es te negaturum, si non fugeris, an incertus? si enim certus, jam negasti, quia præsumendo te negaturum, id despopondisti de quo præsumpsisti, & vane jam fugis ne neges, qui si negaturus es, jam negasti. Si vero incertus es, cur non ex æqualitate incerti metus inter utrumque eventum, etiam confiteri te posse præsumis, & salvum magis fieri, quo minus fugias, sicut negaturum te præsumis ut fugias? Jam nunc aut in nobis est utrumque, aut totum in Deo. Si in nobis est confiteri aut negare, cur non id præsumimus, quod est melius, id est confessuros nos? nisi si vis confiteri, pati non vis. Nolle autem confiteri negare est. Si vero in Deo totum est, cur non totum relinquimus arbitrio ejus? agnoscen-tes virtutem & potestatem, quod possit nos sicut fugientes educere in medium, ita & non fugientes, imo & in medio populo conversantes obumbrare. Quale est ut ad fugiendum, Deo honorem reddas, qui possit te etiam fugientem producere in medium, ad contestandum autem inhonores illum, desperans potentiam protectionis ab illo? Quare non magis ex hac parte constantiæ & fiduciæ in Deum, dicis, Ego, quod meum est,



facio, non discedo. Deus si voluerit, ipse me proteget. Hoc potius nostrum est, stare sub Dei arbitrio, quam fugere sub nostro. Rutilius sanctissimus martyr cum totiens fugisset persecutionem de loco in locum, etiam periculum (ut putabat) nummis redemisset, post totam securitatem, quam sibi prospexerat, ex inopinato apprehensus & praesidi oblatus, tormentis dissipatus, credo pro fugae castigatione, dehinc ignibus datus, passionem quam vitarat, misericordiae Dei retulit. Quid aliud voluit dominus nobis demonstrare hoc documento, quam fugiendum non esse, quia nihil fuga prodest si Deus nolit?

6. Imo, inquit, quia praecceptum adimplevit, fugiens de civitate in civitatem. Sic enim voluit quidam, sed & ipse fugitivus, argumentari, & qui proinde nolunt intelligere sensum domini illius pronuntiationis, ut eam ad velamentum timiditatis suae utantur, cum & personas suas habuerit & tempora & causas. *Cum coeperint*, inquit, *persequi vos, fugite de civitate in civitatem.* Hoc in personas proprie Apostolorum & in tempora & in causas eorum pertinere defendimus, sicut subsequentes sensus probabunt, qui non nisi in Apostolos competunt: *In viam nationum ne ieritis, & in civitatem Samaritanorum ne introieritis, sed ite potius ad oves perditas domus Israelis.* Nobis autem & via nationum patet, in qua & inventi sumus, & usque in finem incedimus: & nulla civitas excepta est, quo per totum orbem praedicamus: sed nec cura nobis Israelis iuncta est extra ordinem, nisi qua & omnibus gentibus praedicare debemus. Etiam si apprehendamus, non in concilia eorum perducemur, nec in synagogis illorum flagellabimur, sed Romanis utique potestatibus & tribunalibus obijciemur. Sic igitur & fugae praecceptum, Apostolorum conditio desiderabat, quoniam primo praedicandum erat *ad oves perditas domus Israelis.* Ut ergo perficeretur praedicatio, apud quos priores eam perfici oportet

oportebat, uti panem ante filii quam canes fumerent, ideo illis fugere tunc ad tempus præcepit, non propter elidendum periculum proprio nomine persecutionis. Atquin persecutiones eos passuros prædicabat & tolerandas docebat, sed propter profectum annunciationis, ne statim oppressis Evangelii quoque disseminatio perimeretur. Neque enim quasi tacite in aliquam civitatem transfugiendum erat, sed quasi ubique annunciaturis, & ex hoc ubique persecutiones subituris, donec replerent doctrina sua. Denique *non consummabitis*, inquit, *civitates Israël*. Adeo intra terminos Judææ præceptum fugæ continebatur. Nobis autem nulla Judææ præfinitio competit, prædicationis, in omnem jam carnem effuso spiritu sancto. Itaque Paulus & Apostoli ipsi, memores præcepti dominici, contestantur illud apud Israël, quem jam doctrina sua impleverant, *Vobis oportuit in primis sermonem Dei tradi, sed quoniam repulistis eum, nec dignos vos æterna vita existimastis ecce convertimus nos ad nationes*, atque exinde conversi & ipsi sicut antecessores instituerant, & in viam nationum abierunt & in civitates Samaritanorum introierunt, ut in *totam* scilicet *terram* exiret sonus eorum, & in terminos orbis voces eorum. Si ergo cessavit exceptio viæ nationum, & introitus in civitates Samaritanorum, cur non cessaverit & fugæ præceptum pariter emissum? Denique ex quo saturato Israël Apostoli in nationes transierunt, nec fugerunt, de civitate in civitatem, nec pati dubitaverunt. Atquin & Paulus qui se per murum concesserat expediri de persecutione, qua ad hoc tempus erat præcepti, idem jam in clausula officii, & in consummatione præcepti discipulis magnopere deprecantibus, ne se Hierosolyma committeret passurus illic quæ Agabus prophetaverat, sollicitudini eorum non subscripsit, sed e contrario *quid*, inquit, *facitis lachrymantes & conturbantes cor meum?* *Ego enim non modo vin-*



cula pati optaverim, sed etiam mori Hierosolymis pro nomine domini mei Jesu Christi. Atque ita omnes ajerunt, fiat voluntas domini. Quæ erat voluntas domini? utique non fugiendi jam persecutionem. Cæterum poterant & priorem domini voluntatem proposuisse, qua fugere mandaverat, qui illum persecutionem vitasse maluerant. Igitur cum etiam sub Apostolis ipsis temporale fuerit fugæ præceptum, sicut & reliquorum præscriptorum: non potest apud nos perseverare, quod apud doctores nostros concessavit, etsi non proprie ad illos fuisset emissum. Aut si perseverare illud dominus voluit, deliquerunt Apostoli; qui non usque in finem fugere curaverunt.

7. Videamus nunc an & cætera domini edicta congruant perpetuo fugæ præcepto: primo quidem si a Deo persecutio est, quale est ut idem fugiendam eam mandet, qui & infert? quam si evadi vellet, melius non immitteret, ne voluntatem suam alia voluntate prævaricari videretur. Aut pati enim nos voluit persecutionem, aut fugere. Si fugere, quomodo pati? si pati, quomodo fugere? Jam vero quanta inæqualitas sententiarum jubentis fugere, & invitantis ad passionem contrariam fugæ. *Qui confessus fuerit me, & ego confitebor illum coram patre meo.* Quomodo confitebitur fugiens, quomodo fugiet confitens? *Qui mei confusus fuerit, & ego confundar ejus coram patre.* Si devito passionem, confundo confessionem, felices qui persecutionem passi fuerint causa nominis mei. Infelices ergo, qui fugiendo ex præcepto non erunt passi. *Qui sustinuerit in finem, iste salvabitur?* Quid ergo me jubens fugere, vis in finem sustinere? Tanta diversitas sententiarum, si non congruit divinæ gravitati, apparet ex his quoque præceptum fugæ suam tunc habuisse rationem, quam ostendimus. Sed infirmitatem, inquit, quorundam prospiciens dominus, pro sua humanitate nihilominus & portum fugæ demonstravit.

Non

Non enim idoneus erat etiam sine fuga, tam turpi & indigno & servili praesidio, salvos facere in persecutione, quos sciret infirmos. Atquin non fovet, sed recusat semper infirmos, primum docens non fugiendos esse persecutores, sed potius non timendos. *Nolite timere eos qui corpus occidere possunt, anima autem nihil valent facere, sed timete eum, qui & corpus & animam perdere potest in gehennam.* Atque exinde quæ timidis praefinit? *qui pluris fecerit animam suam, quam me, non est me dignus. Et qui non tollit crucem suam, & sequitur me, non potest esse meus discipulus.* Postremo in Apocalypsi non fugam timidis offert, sed inter cæteros reprobos particulam in stagnum sulphuris & ignis quod est mors secunda.

8. Refugit & ipse vim interdum, sed eadem ratione, qua Apostolis fugere præceperat, donec scilicet doctrinam suam impleret, qua consummata, non dico stetit, sed nec auxilium a patre angelorum exercituum desideravit, increpito etiam Petri gladio. Professus quidem & ipse est animam anxiam usque ad mortem, & carnem infirmam, ut tibi ostenderet primo in se utramque substantiam humanam fuisse; ex proprietate anxietatis animæ & imbecillitatis carnis, ne aliam, ut quidam nunc induxerunt, aut carnem aut animam Christi interpretareris. Dehinc ut demonstratis conditionibus earum, scires illas nihil valere per semetipsas sine spiritu: & ideo præponit *spiritus promptus*, ut utramque conditionem substantiæ utriusque respiciens intelligas in te esse etiam fortitudinem spiritus, quomodo & infirmitatem carnis: ac jam hinc scias quid unde facias, & quid cui subicias, infirmum scilicet forti, ne ut nunc facis, de carnis quidem infirmitate causseris, de spiritus autem firmitate dissimules. Postulavit & ipse a patre, si fieri posset, transiret ab illo calix passionis. Postula & tu, sed stans ut ille; sed postulans tantum, sed subjungens & reliqua:



qua: *Verum non quod ego velo, sed quod tu*, fugiens autem quomodo hoc postulabis, ipse tibi præstans calicis translationem, nec quod pater vult, facies, sed quod tu?

9. Omnia Apostoli secundum deum utique docuerunt, omnia evangelizare voluerunt. Ubi illos ostendis præceptum fugiendi de civitate in civitatem restaurasse, quia nec potuissent tale quid constituere tam contrarium exemplis suis ut fugam mandarent; qui cum maxime de vinculis vel insulis, quibus ob confessionem non ob fugam nominis continebantur, ad ecclesias scribebant. Infirmos sustinere jubet Paulus, utique enim non fugientes. (Quomodo enim sustinebantur absentes?) an patientia dicet sustinendos, sicubi per infirmitatem fidei suæ offenderint? sic & pusillanimes consolari, non tamen in fugam mitti. Sed cum admonet, *ne locum malo demus*, non fugæ suggerit consilium, sed iracundiæ docet temperamentum, & si *redimendum tempus* dicit, *quia dies nequam sunt*, non per fugam, sed per sapientiam conversationis lucrari nos vult commeatum. Cæterum qui lucere nos jubet velut filios lucis, non jubet fugam abscondi ut filios tenebrarum; stare immobiles præcipit, utique nec fuga mobiles; & accinctos, in fugam, an in occursum evangelii? arma quoque demonstrat, quæ fugituris non essent necessaria? inter quæ & *clypeum*, quo *pessitis tela diaboli*, *extinguere*, resistentes sine dubio & excipientes omnem vim illius. Proinde & Johannes pro fratribus quoque animas ponendas docet, nedum pro domino. Hoc a fugientibus non potest adimpleri. Denique memor Apocalypsis suæ in qua timidorum exitum audierat, de suo sensu admonet & ipse timorem reiciendum, *Timor*, inquit, *non est in dilectione*. Sed enim *perfecta dilectio foras mittit timorem*, quia timor supplicamentum habet, utique ignem stagni. Qui autem timet, non est perfe-

perfectus, in dilectione Dei scilicet. Porro quis fugiet persecutionem, nisi qui timebit? Quis timebit, nisi qui non amavit? Spiritum vero si consulas, quid magis sermone illo spiritus probat? Nam quod omnes pene ad martyrium exhortatur, non ad fugam, ut & illius commemoremur: Publicaris, inquit, bonum tibi est. Qui enim non publicatur in hominibus, publicatur in domino. Ne confundaris, iustitia te producit in medium. Quid confunderis laudem ferens? potestas sit, cum conspiceris ab hominibus. Sic & alibi: nolite in lectulis, nec in aborsibus, & febribus mollibus optare exire, sed in martyriis, uti glorificetur qui est passus pro vobis.

10. Sed omissis quidam divinis exhortationibus, illum magis Græcum versiculum secularis sententiæ sibi adhibent,

*Qui fugiebat, rursus praliabitur,*

Ut & rursus forsitan fugiat. Et quando vincet, qui cum fugerit, victus est? Bonum militem Christo imperatori suo præstat, qui tam plene ab Apostolo armatus, ut tuba persecutionis audita, diem deserit persecutionis. Respondebo & ego de seculo aliquid,

*Uſque adeone mori miserum est?*

Moriatur quoquo modo aut victus aut victor. Nam & si negando ceciderit cum tormentis, tamen præliatus. Malo miserandum, quam erubescendum. Pulchrior est miles in pugna prælio amissus, quam in fuga salvus. Times hominem Christiane? quem timeri oportet ab angelis, si quidem angelos iudicaturus es: quem timeri oportet a dæmoniis, siquidem & in dæmonas accepisti potestatem: quem timeri oportet ab universo mundo, siquidem & in te mundus iudicatur. Christum indutus es, siquidem in Christum tinctus es: qui fugis diabolum depreciaſti Christum, qui in te est. Fugitivum cum diabolo te reddidisti; sed dominum fugiens, exprobras omnibus fugitivis suis vanitatem

con-

consilii. Fugerat & quidam animosus Prophetes dominum, trajecerat ab Joppe Tarsum, quasi & a Deo transfretaret, sed illum non dico in mari & in terra, verum & in utero etiam bestię invenit, in quo nec mori per triduum potuit, nec vel sic Deum evadere: quanto melius Dei servus, qui sive inimicus Dei imminet non fugit eum, sed potius contemnit, confidens scilicet de tutela domini: sive Deum reformidat, quanto magis sub oculis ejus astitit, dicens: Dominus est, potens est: omnia illius sunt: ubi fuero, in manu ejus sum: faciat quod vult: non discedo, & si perire me volet, ipse me perdat, dum me ego servo illi. Malo invidiam ei facere per voluntatem ipsius pereundo, quam bilem per meam evadendo.

II. Hoc sentire & facere omnem servum Dei oportet, etiam minoris loci, ut majoris fieri possit, si quem gradus in persecutionis tolerantia ascenderit. Sed cum ipsi auctores, id est, ipsi diaconi presbyteri & episcopi fugiunt, quomodo laicus intelligere poterit, qua ratione dictum, *Fugite de civitate in civitatem?* Itaque cum duces fugiunt, quis de gregario sustinebit ad gradum in acie figendum suadere? Certe quidem *bonus pastor animam pro pecoribus ponit*: ut Moyses non domino adhuc Christo revelato, etiam in se figurato ait: *Si perdis hunc populum, inquit, & me pariter cum eo disperde.* Cæterum Christo confirmante figuras suas, *malus pastor est, qui viso lupo fugit, & pecora diripienda derelinquit*: projicietur de villa pastor hujusmodi: detinebuntur illi missionis suę mercedes in compensationem, imo & de priore peculio ejus exigetur detrimēti dominici restitutio. Etenim *qui habet, dabitur ei: ab eo autem qui non habet, etiam quod videtur habere, auferetur.* Sic Zacharias comminatur: *Exurge romphæa in pastores, & evellite oves, & superducam manum*  
*Tertull. Tom. I. R. meam*

*meam in pastores.* In quos & Ezechiel & Hieremias iisdem minis perorant, quod non tantum de pecoribus improbe vescantur pascentes potius semetipfos, verum & dispersum gregem faciant, & in prædam esse omnibus bestiis agri, dum non est pastor illis. Quod nunquam magis fit quam cum in persecutione destituitur ecclesia a clero. Si & spiritum quis agnoverit, audiet fugitivos denotantem. Porro si eos, qui gregi præfunt fugere, cum lupi irruunt, nec decet, imo nec licet: qui enim talem pastorem malum pronunciavit, utique damnavit (omne autem quod damnatur, illicitum factum est sine dubio) ideo præpositos ecclesiæ in persecutione fugere non oportebit. Cæterum si grex fugere deberet, non deberet præpositus gregis stare, sine causa staturus ad tutelam gregis: quam grex non desideraret, ex licentia fugæ scilicet.

12. Quod pertineat frater ad tuum problema, habes sententiæ nostræ responsionem & exhortationem. Porro qui quærit, an persecutio fugienda sit, sequentem quoque quæstionem jam prospiciat necesse est: an si fugienda non est, redimenda certe sit. Ultro igitur & de hoc tibi suggeram, definiens persecutionem quam constat non esse fugiendam, proinde nec redimendam. Precium interest. Cæterum sicut fuga redemptio gratuita est, ita redemptio nummaria fuga est, certe & huius timiditatis consilium est: quod times, redimis, ergo fugis: pedibus stetisti, cucurristi nummis, hoc ipsum quod stetisti, ex redemptione fugisti. Ut autem redimas hominem tuum nummis, quam ex sanguine suo redemit Christus, quam indignum Deo & dispositione ejus, qui *filio suo non pepercit* pro te, ut *fieret maledictum pro nobis*, quia *maledictus, qui pependerit in ligno*: qui *tanquam ovis ad victimam ductus est*, & *tanquam agnus*

*nus ante tendentem, sic non aperuit os: sed posuit dorsum suum in flagella, maxillas autem in palmas, & faciem non avertit a sputaminibus, & inter iniquos deputatus est, & traditus est in mortem; mortem autem crucis.* Totum hoc, ut nos a peccatis lucraretur. Sol cessit diem emptionis nostræ: apud inferos emancipatio nostra est, & stipulatio nostra in cœlis: *sublevata sunt porta semperiterna, ut introiret rex gloria,* Dominus virtutum, hominem de terris, imo ab inferis, mercatus in cœlos. Quis est nunc qui adversus illum reluctatur, imo de precio & mercedem ejus tam magno compratam, perciosissimo scilicet sanguine, commaculat? Jam ergo melius fugere, quam fieri viliores, si non tanto sibi constabit homo, quanti constitit domino. Et dominus quidem illum redemit ab angelis munditenebris potestatibus, a spiritalibus nequitiae, a tenebris hujus ævi, a judicio æterno, a morte perpetua. Tu autem pro eo pacisceris cum delatore, vel milite, vel furunculo aliquo præside, sub tunica & sinu (quod ajunt) ut furtivo, quem coram toto mundo Christus emit, imo & manumisit. Hunc ergo liberum pretio æstimabis, & precio possidebis, nisi eodem, quanto (ut diximus) domino constitit sanguine suo scilicet? Ut quid ergo de homine Christum redimis, in homine in quo Christus est? Non aliter & Simon facere tentavit, cum pecuniam Apostolis obtulit pro spiritu Christi. Audiet ergo & iste qui se redimens, Christi spiritum redemit: *Pecunia tua tecum sit in interitum: quoniam gratiam Dei, precio consequendam putasti.* Quis tamen abnegatorem spernatur? Quid enim dicit ille concussor? Da mihi pecuniam, certe ne eum tradat: siquidem non aliud venditat, quam quod præstaturus est præmio tuo, cum das, utique ne tradaris voluisti: non traditus autem, traduci habebas. Ergo dum nolendo tradi non vis traduci, nolendo ne-

gasti, quod te esse traduci noluisse. Imo inquis, dum nolo traduci quod sum, confessus id esse quod nolo traduci: id est, Christianum. Potes itaque te martyrem vindicare, constanter ostendisse Christum. Redimens, non ostendi? Apud unum si forte confessus es, ergo & apud plures nolendo confiteri, negasti. Ipsa salus iudicabit hominem excidisse, dum evadit. Excidit ergo qui maluit evasisse. Negatio est etiam martyrii recusatio. Christianus pecunia salvus est: & in hoc nummos habet ne patiatur, dum adversus Deum erit dives. At enim Christus sanguine fuit dives pro illo, *felices itaque pauperes, quia illorum est*, inquit, *regnum caelorum*, qui animam solam in confiscato habent. Si non possumus Deo servire & mammonæ, possumus & a Deo redimi & a mammona. Quis enim magis serviet mammonæ, quam quem mammonas redemit? Postremo quo exemplo uteris in redemptionem traditionis? Apostoli tractantes persecutionibus agitati, quando se pecunia liberaverunt? quæ illis utique non deerat ex prædiorum precii ad pedes eorum depositis, certe multis locupletibus credentibus viris ac feminis, qui his etiam refrigeria subministrabant. Quando Onesiphorus aut Aquila aut Stephanus hoc modo eis in persecutione succurrerunt? Paulus quidem, cum Felix præses pecunias accepturum se pro eo a discipulis sperasset, de quo & ipse in secreto tractavit cum ipso, neque ipse pro se, neque discipuli pro eo numeraverunt: illi utique discipuli qui flentes, quod neque Hierosolymam tendere perseveraret, & persecutiones prædicatas illic non præcaveret, postremo, inquit, *Fiat voluntas Dei*. Quæ ista voluntas? utique ut pateretur pro nomine domini, non ut redimeretur. Oportet enim quomodo Christus animam suam posuit pro nobis, ita fieri pro eo & a nobis: nec tantum pro ipso, imo etiam

pro

pro fratribus propter ipsum. Quod Johannes docens, non & pro fratribus numerandum, sed moriendum potius pronuntiavit. Nihil interest, si quem Christianum redimere non debeas, aut emere, & adeo voluntas Dei sic est. Aspice regnorum & imperiorum utique a Deo dispositum statum, in cujus manu cor regit. Tanta quotidie ærario augendo prospiciuntur remedia censuum, vestigalium, collationum, stipendiorum: nec unquam usque adhuc ex Christianis tale aliquid prospectum est, sub aliqua redemptione capitis & sectæ redigendis, cum tantæ multitudinis nemini ignotæ fructus ingens meti posset. Sanguine empti, sanguine numerati, nullum nummum pro capite debemus: quia caput nostrum Christus est. Non decet Christum pecunia constare. quomodo & martyria fieri possent in gloriam domini, si tributo licentiam sectæ compensaremus? Itaque qui eam præmio paciscitur, dispositioni divinæ adversatur. Cum igitur nihil nobis Cæsar indixerit in hunc modum stipendiariæ sectæ, sed nec indici umquam tale quid possit, antichristo, jam instante, & in sanguinem, non in pecunias hiante Christianorum, quomodo mihi proponere potest scripturam esse, *Reddite quæ sunt Cæsaris Cæsari*? Miles me vel delator vel inimicus concutit, nihil Cæsari exigens, imo contra faciens, cum Christianum, legibus humanis reum, mercede dimittit. Alius est denarius quem Cæsari debeo, qui ad eum pertinet, de quo tunc agebatur, tributarius a tributariis scilicet, non a liberis debitus. Aut quomodo reddam quæ sunt Dei Deo, utique proinde imaginem & monetam ipsius inscriptam nomine ejus: id est, hominem Christianum? Quid autem Deo debeo, sicut denarium Cæsari, nisi sanguinem, quem pro me filius fudit ipsius? Quod si Deo quidem hominem & sanguinem meum debeo, cum vero in eo sum tempore, ut quod Deo debeo exponat;

stulet: utique fraudem Deo facio, id agens, ne quod debeo solvam. Bene observavi præceptum, Cæsari reddens quæ sunt Cæsaris, Deo vero quæ sunt Dei abnegans.

13. Sed & omni petenti me dabo in caussa elemosynæ, non in concussuræ. Petenti inquit. Porro qui incutit, non petit: qui comminatur, si non acceperit, non postulat, sed extorquet. Non elemosynam expectat, qui non miserandus, sed timendus venit. Dabo igitur misericordiæ non timiditatis meæ nomine, ubi qui accepit, Deum honorat, & benedictionem mihi reddit: non ubi amplius se benefactum præstitisse, credit, & prædam suam aspiciens dicit: de reatu est. Pascam & inimicum. Sed inimicitia, alios habent titulos; non tamen dixit traditorem, aut persecutorem, aut concussorem: nam huic quanto magis carbones acervabo super caput, si non me redemero? Proinde inquit, *Qui tibi tunicam sustulerit, vel etiam pallium concede*, ad eum pertinet, qui rem, non qui fidem meam eripere quæsierit, concedam & pallium non mananti traditionem. Si minatus fuerit, etiam tunicam reposcam. Omnium jam nunc dominicarum sui sunt, & causæ & regulæ termini, non in infinitum, nec ad omnia spectant. Atque adeo qui omni petenti dari jubet, ipse signum petentibus non dat: alioquin si omnibus passim petentibus dandum putas, tu mihi videris, non dico vinum febricitanti, sed etiam venenum aut gladium mortem desideranti daturus. *Facite autem vobis amicos de Mammona*, quomodo intelligendum sit, parabola præmissa te doceat, ad populum Judaicum dicta, qui commissam sibi rationem domini cum male administrasset, deberet de Mammonæ hominibus, quod nos eramus, amicos sibi potius prospicere, quam inimicos: & relevare nos a debitis peccato-



catorum, quibus Deo detinebamur, si nobis id dominica ratione conferrent: ut cum cœpisset ab hujus deficere gratia, ad nostram fidem refugientes reciperentur in tabernacula æterna. Quamvis nunc puta aliam interpretationem parabolæ & sententiæ istius, dum scias verisimile non esse, ut concussores nostri in amicitiam redacti per Mammonam, recipiant tunc nos in tabernacula æterna. Sed quid non timiditas persuadebit, quasi & fugere scriptura permittat, & redimere præcipiat. Parum denique est, si unus aut alius ita eruitur. Massaliter totæ ecclesiæ tributum sibi irrogaverunt. Nescio dolendum an erubescendum sit, cum in matricibus beneficiariorum & curioforum, inter tabernarios & lanios, & fures balnearum, & aleones & lenones, Christiani quoque vectigales continentur. Hanc episcopatus formam Apostoli providentius condiderunt, ut regno suo securi frui possent, sub obtentu procurandi? scilicet enim talem pacem Christus ad patrem regrediens mandavit a militibus per Saturnalia redimendam.

14. Sed quomodo colligemus, inquis, quomodo dominica solennia celebrabimus? utique quomodo & Apostoli; fide, non pecunia tuti: quæ fides si montem transferre potest, multo magis militem. Esto sapientia, non præmio cautus. Neque enim statim & a populo eris tutus, si officia militaria redemeris. Una ergo tibi & fides & sapientia ad tutelam opus est, quibus non adhibitis, & redemptionem tuam potes perdere; adhibitis, haud redemptionem desiderare. Postremo si colligere interdum non potes, habes noctem, luce Christi luminosa adversus eam. Non potes discurrere per singulos, sit tibi & in tribus ecclesia: melius est turbas tuas aliquan-

do non videas, quam addicas. Serva Christo virginem sponsam: nemo quæstum de ea faciat. Hæc tibi frater dura forsitan & intolerabilia videntur: sed recita Deum dixisse, *Qui capit, capiat*: id est, qui non capit, discedat. non potest, qui pati timet, ejus esse, qui passus est. At qui pati non timet, iste perfectus erit in dilectione, utique Dei: *Perfecta enim dilectio foras mittit timorem*: & ideo *multi vocati, pauci electi*. Non quæritur qui latam viam sequi paratus sit, sed qui angustam. Et ideo paracletus necessarius, deductor omnium veritatum, exhortator omnium tolerantiarum: Quem qui receperunt, neque fugere persecutionem neque redimere noverunt, habentes ipsum qui pro nobis erit, sicut locuturus in interrogatione, ita juvaturus in passione.

---



---

Q. SEPTIMII FLORENTIS  
TERTULLIANI  
CONTRA GNOSTICOS

SCORPIACUM.

I.

**M**agnum de modico malum scorpionum terra suppurat, tot venena quot ingenia; tot perniciēs quot & species; tot dolores quot & colores Nicander scribit & pingit; & tamen unus omnium violentiæ gestus, de cauda nocere: quæ cauda erit, quodcunque de posthumo corporis propagatur, & verberat, perinde ut Scorpii series illa nodorum, venenata intrinsecus venula subtilis, arcuato impetu insurgens, hamatile spiculum in summo tormenti ratione restringens. Unde & bellicam machinam, retractu tela vegetantem, de scorpio nominant. Id spiculum & fistula est patula tenuitate, id vulnus & virus, qua figit, effundit. Familiare periculi tempus æstas, Austro & Africo sævitia velificat in remediis naturalium plurimum, aliquid & magia circumligat, medicina cum ferro & poculo occurrit. Nam & præbunt quidam festinando tutelam, sed concubitus exhaurit, & denuo sitiunt. Nobis fides præsidium, si non & ipsa percutitur, diffidentia signandi statim & adjurandi & ungendi bestiæ calcem. Hoc denique modo etiam ethnicis sæpe subvenimus, donati a Deo ea potestate, quam Apostolus dedicavit, cum morsum viperæ spreuit. Quid ergo promittit stylus iste? si fides de suo

R. 5

tuta

tuta sit, ut & alias de suo, tuta sit, cum suos scorpiones patitur. Acerba mediocritas & isti, & genus varium, & uno modo armantur, & certo tempore subornantur, nec alio quam ardoris. Hoc apud Christianos persecutio est. Cum igitur fides æstuat, & Ecclesia exurit de figura rubi, tunc Gnostici erumpunt, tunc Valentiniani proserpunt, tunc omnes martyriorum refragatores ebulliunt calentes & ipsi offendere, figere, occidere. Nam quod sciant multos simplices ac rudes, tum infirmos, plerosque vero, in ventum & si placuerit Christianos, nunquam magis adeundos sapiunt, quam cum aditus animæ formido laxavit, præsertim si aliqua jam atrocitas fidem martyrum coronavit. Itaque primo trahentes adhuc caudam, de adfectibus adplicant, aut quasi in vacuum flagellant. Hæcine pati homines innocentes, ut putes fratrem, aut de melioribus ethnicum; sicine, tractari sectam nemini molestam. Dehinc adigunt; perire homines sine causa. Perire enim, & sine causa, prima fixura: exinde jam cadunt. Sed nesciunt simplices animæ, quid quomodo scriptum sit, ubi & quando & coram quibus confitendum, nisi quod nec simplicitas ista, sed vanitas, imo dementia pro Deo mori, ut qui me salvum faciat, si is occidit, quis salvum facere debeat? Semel Christus pro nobis obiit, semel occisus est; ne occideremur. Si vicem repetit, num & ille salutem de mea nece expectat? An Deus hominum sanguinem flagitat? maxime, si taurorum & hircorum recusat? Certe peccatoris penitentiam mavult quam mortem. Et quomodo non peccatorum desiderat mortem? Hæc, & si qua alia adinventæ hæreticorum venenorum, quem non vel in scrupulum figant, si non in exitium: vel in bilem, si non in mortem? At tu, si fides vigilat, ibidem scorpio pro solea anathema indidit, & relinquit in suo sopore morientem. Cæterum, si plagam satiaverit, intonat virus & propestat in viscera, statim

statim omnes pristini sensus retorpescent, sanguis animi gelascit, caro spiritus exolescit, nausea nominis inacrescit. Jam & ipsa mens sibi, quo vocat, quærit, ut quæ ita semel infirmitate quoque percussa sauciatam fidem vel in hæresim vel in seculum exspuat: & in præsentiarum est medius ardor, ipsa canicula persecutionis ab isto scilicet cynocephalo. Alios ignis, alios gladius, alios bestię Christianos probaverunt: alii fustibus interim & ungulis insuper degustato martyrio, in carcere esuriunt, nos ipsius lepores destinata venatio de longinquo obsidemur, & hæretici ex more grassantur. Itaque tempus admonuit adversus nostrates bestiolas nostrate scorpiacum stylo temperare, qui legeris, biberis; nec amarum potio, si *eloquia domini dulcia super mella & favos, inde pigmenta sunt*: si *lacte & melle promissio Dei* manat, hoc sapiunt, quæ illuc faciunt. *Va autem, qui dulce in amarum, & lumen in tenebras convertunt.* Perinde enim & qui martyriis refragantur, salutem perditionem interpretantes; tam dulce in amarum, quam lucem in tenebras reformant, atque ita miserriam hanc vitam illi beatissimæ prævertendo, tam amarum pro dulci quam tenebras pro luce, supponunt.

2. Sed nondum de bono martyrii, nisi debite primum: nec ante de utilitate ejus, quam de necessitate discendum. Auctoritas divina præcedit, an tale quid voluerit atque mandaverit Deus, ut qui negant bonum, non suadeantur ad commodum, nisi cum subacti fuerint. Ad officium hæreticos compelli, nos inlici dignum est. Duritia vincenda est, non suadenda. Et utique satis optimum præjudicabitur, quod probabitur a Deo constitutum atque præceptum. Sustineant Evangelia paulisper, dum radicem eorum ex primo legem, dum inde elicio Dei voluntatem, unde & ipsum recognosco, *Ego sum inquit, Deus, Deus qui*

te eduxi de terra Aegypti. Non erunt tibi alii prater me, Non facies tibi simulachrum eorum, quæ in cælo, & quæ in terra deorsum, & quæ in mari infra terram. Non adorabis ea, neque servies eis. Ego enim dominus Deus tuus. Item in eadem Exodo, ipsi vidistis quod de cælo locutus ad vos sim. Non facietis inibi Deos argenteos & Deos aureos. Non facietis vobis secundum hæc. Et in Deuteronomio: Audi Israël, dominus Deus tuus unus est, & diliges dominum Deum tuum ex toto corde tuo, & totis viribus tuis, & ex tota anima tua. Et rursus: Ne obliviscaris domini Dei tui qui te eduxit de terra Aegypti & domum servitutis. Dominum Deum tuum timebis, & illi famulaberis soli, & illi adglutinaberis, & in nomine ejus dejerabis. Non ibitis post Deos aliorum, & Deos nationum, quæ circum vos: quia & Deus amulator dominus Deus tuus in te, & ne iratus indignetur & exterminet te, & facis terra. Sed & proponens benedictiones & maledictiones. Benedictiones, inquit, si audieritis præcepta domini Dei vestri quacunque ego præcipio vobis hodie, ne erraveritis de via, quam mandavi vobis, ut abeuntes serviatis Diis aliis, quos non scitis. De quibus omnifariam extirpandis, perditione perdetis omnia loca in quibus servierunt nationes Diis suis, quas vos possidebitis hereditate, super montes & colles, & arbores densas quasque, effodietis arvas eorum, evertetis & comminuetis stacula eorum, & excidetis lucos eorum, & sculptilia ipsorum Deorum concremabitis igni, & disperdetis nomen eorum de loco illa. Adhuc ingerit cum introissent terram promissionis, & exterminassent nationes ejus: Cave tibi, ne sequaris eas postea quam exterminata fuerint a facie tua ne requisieris Deos illarum dicens. Quemadmodum faciunt nationes Diis suis: ut & ego ita faciam. Sed & si ipse propheta inquit, exsurrexerit in te, aut somnium somnians, & dederit tibi signum vel ostentum & venerit, & dixerit, eamus & serviamus Diis aliis, quos non scitis: ne audiatis saxmenem propheta aut somniatoris illius, quia tentat vos

domi

dominus Deus vester, an ex toto corde vestro, & ex tota anima vestra, timeatis Deum. Post Deum vestrum abibitis, & hunc timebitis, & praecepta ejus custodietis, & vocem ejus audietis, & illi servietis, & illi adjiciemini. Prophetes autem & somniator ille morietur: locutus est enim ad seducendum te a domino Deo tuo. Sed & alio capitulo. Si autem rogaverit te frater tuus ex patre vel matre, aut filius tuus, aut filia tua, aut mulier qua in gremio tuo est, aut amicus qui anima tua par est, clam dicens, Eamus & serviamus Diis aliis, quos non scis, nec patres tui, ex Diis nationum, qua circum te proxime sunt aut longe; ne velis ire cum illa, & ne audieris eum. Non pascet oculus tuus super eum. Nec desiderabis nec salvabis eum, adnuncians adnunciabis de eo. Manus tua erunt in eum imprimis ad occidendum, & manus populi tui in novissimis, & lapidabitis illum, & morietur, quoniam quasivit avertere te a domino Deo tuo. Subjicit etiam de civitatibus, si quam ex his constitisset suasu iniquorum hominum transisse ad Deos alios, ut interficerentur omnes incolentes eam, & devotamenta fierent universa ejus, & colligerentur omnia spolia ejus in omnes exitus ejus, & igni cremarentur cum omnibus vasis suis, & cum omni populo in conspectu domini Dei; & non erit habitabilis, inquit, in aeternum, non reaedificabitur amplius, nec adhaerebit quidquam manibus tuis ex devotamento ejus, ut avertatur dominus ab indignatione ira sua. Maledictionum quoque ordinem ab idolorum execratione commisit: maledictus homo qui fecerit sculptile aut fusile aspernatum opus manuum artificis & collocaverit illud in abscondito. In Levitico vero: Non sequimini, inquit, idola, & Deos fusiles non facietis vobis. Ego dominus Deus vester. Et alibi: Filii Israel famuli pueri mei. Hi sunt, quos eduxi de terra Aegypti. Ego dominus Deus vester. Non facietis vobis manu facta nec sculptile staculum statuetis vobis. Nec lapidem scopum ponetis in terra vestra. Ego dominus Deus vester. Et haec quidem prima per Moysen Dei scita sunt ad omnes

omnes utique pertinentia, quoscumque dominus Deus Israhëlis, perinde de Aegypto superstitioniffimi seculi, & de domo humanæ servitutis eduxerit. Sed & deinceps omne os prophetarum ejusdem Dei vocibus sonat, eandem legem suam eorundem præceptorum instauratione cumulantis, nec aliud primum tam principaliter denunciantis, quam ab omni factura atque cultura idolorum cavere; ut per David: *Dii nationum argentum & aurum, oculos habent & non vident: aures habent, nec audiunt: nares habent, nec odorantur: os, nec loquuntur: manus nec contrahunt: pedes, nec ingrediuntur. Similes erunt illis, qui faciunt, & qui fidunt in illis.*

3. Nec putem disceptandum, an digne Deus prohibeat nomen & honorem suum mendacio addici. An digne, quos ab errore superstitionis avulserit, rursus in Aegyptum regredi nolit: an digne a se non patiatursibi abfistere, quos sibi adlegit. Ita nec illud expectabit retractari a nobis, an observari voluerit disciplinam, quam voluit instituere, & an merito ulciscatur desertam, quam voluit observatam, quando frustra instituisse, si observari eam noluisse, & frustra observari voluisse, si vindicare noluisse. Sequitur enim, ut has definitiones Dei adversus superstitiones, tam evictas quam etiam vindicatas probem, quoniam ex his tota martyriorum ratio constabit. Aberat apud Deum in monte Moyses, cum populus, tam necessariæ absentia ejus impatiens, Deos sibi producere quærit, quos potius ipse perdiderit. Urgetur Aaron, jubet in aures fœminarum suarum in ignem conferri. Amissuri enim erant in iudicium sibi, vera ornamenta aurium, Dei voces. Sapiens ignis effigiem vituli defundit illis, fugillans illic cor habentes, vbi & thesaurum; apud Aegyptum scilicet, inter cætera animalia bovis etiam cujusdam consecratricem. Itaque tria millia hominum a parentibus & proximis cæsa, quia tam proximum parentem Deum offenderant, transgressionis

&



& primordia & merita dedicaverunt, in *Arithmis*, cum divertisset Israel apud *Sethim* abeunt libidinum ad filias Moab, invitantur ad idola ut spiritu fornicarentur. Edunt denique de pollutis eorum: dehinc & adorant Deos gentis, & Beelphegor initiantur. Ob hanc quoque idololatriam, mœchiæ sororem, viginti tria millia domesticis obtruncata gladiis divini iræ litaverunt. Defuncto Jesu Nave, derelinquunt Deum patrum suorum, & serviunt idolis Baalim & Astartis, & iratus dominus tradidit eos in manibus diripientium, & diripiebantur ab illis & venundabantur inimicis, nec poterant omnino subsistere a facie inimicorum suorum; quocumque processerant, manus erat super illos in mala, & compressati sunt valde, postquam instituit super illos Deus Critas, quos Censores intelligimus, sed nec istis obaudire perseveraverunt; ut quis Critarum obierat, illi ad delinquendum supra quam patres eorum abeundo post Deos aliorum, & serviendo, & orando eos. Itaque dominus iratus, quoniam, quidem, ait, transgressa est gens ista pactum meum, quod disposui patribus eorum, & non obaudierunt voci meæ: & ego non advertam ad auferendum virum a facie eorum, ex nationibus, quas reliquit decedens Jesus. Atque ita per omnes pene annales Critarum, & deinceps Regum, reservatis gentium circumcolarum viribus, bello & captivitate & iugo Allophy-lorum iram dispensavit Israël, quotienscunque ab illo maxime in idololatria exorbitaverunt.

4. Hanc igitur si a primordio constat, & prohibitam de tot tantisque præceptis, & nunquam impune commissam de tot tantisque documentis, nec ullum tam superbum crimen apud Deum deputari, quam hujusmodi transgressionem: ultro intelligere debemus divinarum & denunciationum & executionum intentionem, jam tunc martyriis patrocinatam non modo non dubitandis, verum etiam sustinendis, quibus scilicet

licet locum fecerat prohibendo idololatriam. Aliter enim martyria non evenirent, & utique auctoritatem suam præstruxerat, volens ea evenire, quibus locum fecerat. Nunc enim de Dei voluntate & compungimur, ingeminat scorpius plagam, hanc negans hanc accusans voluntatem, ut aut alium Deum insinuet, cujus hæc non sit voluntas: aut nostrum nihilominus destruat, cujus talis sit voluntas: aut omnino neget voluntatem Dei, si ipsum negare non poterit. Nos autem de Deo alibi dimicantes, & de reliquo corpore hæreticæ cujusque doctrinæ, nunc in unam speciem confessionis certas præducimus lineas; non alterius Dei quam Israëlitis eam defendentes voluntatem, quæ martyriis locum fecerit; tam ex præceptis prohibitæ semper, quam ex judiciis punitæ idololatriæ. Si enim præceptum observando vim patior, hoc erit quodammodo observandi præceptum, ut id patiar, per quod potero observare præceptum; vim scilicet, quæcunque mihi imminet caventi ab idololatria. Et utique qui imponit præceptum, extorquet obsequium: non potuit ergo noluisse ea evenire, per quæ constabit obsequium. Præscribitur mihi, ne quem alium Deum dicam, ne vel dicendo non minus lingua quam manu Deum fingam: neque alium adorem, aut quo modo venerer, præter unicum illum, qui ita mandat, quem & jubeor time-re, ne ab eo deferar, & de omni substantia diligere, ut pro eo moriar. Huic sacramento militans ab hostibus provocor: par sum illis si illis manus dederò, hoc defendendo depugno in acie, vulneror, concidor, occidor. Quis hunc militi suo exitum voluit, nisi qui tali eum sacramento consignavit?

5. Habes igitur Dei mei voluntatem: occursum est hæc plagæ. In alium ictum consideremus de voluntatis qualitate. Longum est, ut Deum meum bonum ostendam, quod jam a nobis didicerunt Marcionitæ.

Deum

Deum interim sufficit dici, ut necesse sit bonum credi: malum enim Deum quis præsumferit; constare in utroque non poterit: aut Deum negare debet, quem malum existimarit: aut bonum dicere, quem Deum pronuntiarit. Bona igitur erit & voluntas ejus qui nisi bonus, non erit Deus. Probabit hoc etiam ipsius rei bonitas, quam Deus voluit; martyrii dico. Quia non nisi bonus, voluit bonum. Bonum contendo martyrium apud eundem Deum, a quo prohibetur & punitur idololatria. Obnititur enim & adversatur idololatriæ martyrium, malo autem obniti & adversari nisi bonum non potest, non quasi negemus esse æmulationem, tam malorum inter se, quam & bonorum. Sed alia conditio est hujus tituli. Martyrium enim non de communi aliqua militia certat cum idololatria, sed de sua gratia. Liberat enim ab idololatria. Quod a malo liberat, quis non bonum pronuntiabit? quid aliud est adversatio idololatriæ atque martyrii quam mortis & vitæ, in tantum vita martyrio deputabitur, quantum morti idololatria. Vitam qui malum dixerit: habet mortem, quam bonum dicat. Est & hæc perveritas hominum, salutaria excutere, exitiosa suscipere, periculosa quæque medicamina vitare, mori denique citius, quam curari desiderare. Nam & medicinæ præsidium plures, qui refugiant; plures stulti, plures timidi, & male verecundi. Et est plane quasi sævitia medicina de scalpello deque cauterio, de sinapis incendio, non tamen secari, inuri & extendi, morderique idcirco malum, quia dolores utiles adfert. Nec quia tantummodo contristat, recusabitur; sed quia necessario contristat, adhibebitur. Horrorem operis fructus excusat. Ululans denique ille, & gemens & mugiens inter manus medici, postmodum easdem mercede cumulabit, & artifices optimas prædicabit, & sævas jam negabit. Et si martyria desæviunt, sed in salutem: licebit & Deo in vitam æternam per ignes

& gladios & acerba quæque curare. Sed medicum quodque miraberis etiam in illo, quod ferme pares adhibet qualitates medelarum adversus qualitates querelarum, cum quasi de perverso auxiliatur; per ea subveniens, per quæ laboratur. Nam & calores caloribus amplius onerando compescit, & ardores siti potius macerando restringit, & fellis excessus amaris quibusque potionibus colligit, & sanguinis fluxus defusa insuper venula revocat. Deum vero & quidem zeloten culpandum existimabis, si voluit certasse cum causa, & injuriæ æmulando prodesse, mortem morte dissolvere, occisionem occisione dispargere, tormentis tormenta discutere, supplicia suppliciiis evaporare, vitam auferendo conferre, carnem lædendo juvare, animam eripiendo servare: perversitas quam putas, ratio est, quod sævitiam existimas, gratia est. Ita Deo de momentaneis æterna meditante; magnifica bono tuo Deum tuum: incidisti in manus ejus, sed feliciter incidisti. Incidit & ille in ægritudines tuas. Homo semper medico prior negotium facit. Denique sibimet ipse periculum mortis attraxit: acceperat a domino suo ut a medico, satis utilem disciplinam secundum legem vivendi, ut omnia quidem ederet, ab una solummodo arbuscula temperaret, quam ipse medicus importunam interim norat. Audiit ille, quem maluit, & abstinentiam rupit; edit illicitum, & transgressione saturatus in mortem eruptavit, dignissimus bona fide in totum perisse qui voluit. Sed dominus sustentato fervore delicti, donec tempore medicina temperatur, paulatim remedia composuit, omnes fidei disciplinas & ipsas æmulas vitio, verbum mortis verbo vitæ rescindentes, auditum transgressionis auditu devotionis limantes: ita & cum mori præcipit medicus ille, veternum mortis excludit. Quid gravatur pati nunc homo ex remedio, quod non est tunc gravatus pati ex vitio? Displicet occidi in salutem, cui non displicuit occidi

cidi in perditionem? Nauseabit ad antidotum, qui  
hiavit ad venenum?

6. Sed & certaminis nomine Deus nobis martyria  
proponit, per quæ cum adversario experiremur,  
ut a quo libenter homo elisus est, eum jam constan-  
ter elidat: hic quoque liberalitas magis quam acerbi-  
tas Dei præest. Evulsum enim hominem de diaboli  
gula per fidem, jam & inculcatorem ejus voluit effi-  
cere per virtutem: ne solummodo evasisset, verum  
etiam devicisset inimicum. Amavit, quæ voca-  
verat in salutem, invitare ad gloriam: ut qui  
gaudeamus liberati, exultemus etiam coronati. Ago-  
nas istos, contentiosa solennia & superstitiosa cer-  
tamina Græcarum & religionum & voluptatum,  
quanta gratia seculum celebret, etiam Africæ liquuit.  
Adhuc Carthaginem singulæ civitates gratulando in-  
quietant, donatam Pythico agone, post stadii sene-  
ctutem. Itaque ab ævo dignissimum creditum est studio-  
rum experimentum, committere artes, corporum &  
vocum præstantiam expendere, præmio indice, spe-  
ctaculo iudice, sententia voluptate: quæ nulla sunt  
prælia, nonnulla sunt vulnera, pugni quassant, cal-  
ces arietant, cæstus dilaniant, flagella dilacerant:  
nemo tamen agonis præsidem fuggillaverit, quod ho-  
mines violentiæ objectat. Injuriarum actiones extra  
stadium: sed quantum livoris illi & cruores & vibices  
negotiantur intendis, coronas scilicet, & gloriam, &  
dotem, privilegia publica, stipendia civica, imagines,  
statuas & qualem potest præstare seculum de fama æter-  
nitate, de memoria resurrectionem. Pyctes ipse non  
queritur, dolere se non vult; corona premit vulne-  
ra, palma sanguinem obscurat; plus victoriatum est  
quam injuriatum. Hunc tu læsum existimabis, quem  
vides lætum? Sed nec victus ipse de agonotheta ca-  
sum suum exprobrabit. Deum dedecebit artes & dis-  
ciplinas suas educere in medium, in hoc seculi spa-

tium, in spectaculum hominibus & angelis, & universis potestatibus? Carnem atque animam probare de constantia atque tolerantia? dare huic palmam, huic honorem, illi civitatem, illi stipendium, etiam quosdam reprobare, & castigatos cum ignominia summovere? Nimirum præscribes Deo, quibus temporibus, aut modis, aut locis de familia sua judicet, quasi non & præjudicare judici congruat. Qui si non certaminis nomine in martyria fidem exposuisset, sed proprii profectus; nonne oportebat illam habere aliquem spei cumulum, cui studium suum cogeret, votumque suspenderet, quo eniteretur ascendere, quum terrena quoque officia in gradu æstuent? Aut quomodo multæ mansiones apud patrem, si non pro varietate meritorum? quomodo & stella a stella distabit in gloria, nisi pro diversitate radiorum? Porro, & si fidei propterea congruebat sublimitati & claritati aliqua prolatio; tale quid esse oportuerat illud emolumentum, quod magno constaret labore, cruciatu, tormento, morte. Sed respice compensationem, cum caro & anima dependitur, quibus in homine nihil cærius est; alterum manus Dei, alterum adflatus; ipsa dependi in profectu quorum est profectus, ipsa erogari quæ lucrificant; eadem pretia quæ & merces. Prospexerat & alias Deus imbecillitates conditionis humanæ, adversarii insidias, rerum fallacias, seculi retia, etiam post lavacrum periclitaturam fidem, perituros plebsque rursus, post salutem; qui vestitum obsoletaissent nuptialem, qui faculis oleum non præparassent, qui requirendi per montes & saltus, & humeris essent reportandi. Posuit igitur secunda solatia, & extrema præsidia, dimicationem martyrii, & lavacrum sanguinis exinde securum. De cujus felicitate David: *Beati quorum dimissa sunt delicta, & quorum operta sunt iniquitates. Beatus vir cui non reputaverit Deus delictum.* Proprie enim martyribus nihil jam reputari potest, quibus

quibus in lavacro ipsa vita deponitur. Sic *dilectio operit multitudinem delictorum*, quæ Deum scilicet diligens, *ex totis viribus suis*, quibus in martyrio decertat: *ex tota anima sua*, quam pro Deo ponit, hominem martyrem excudit. Hæc tu remedia, consilia, judicia, spectacula, etiam Dei atrocitatem judicabis. Sanguinem hominis Deus concupiscit? Et tamen aures dicere, si & homo regnum Dei, si homo certam salutem, si & homo secundam regenerationem: nulli compensatio invidiosa est, in qua aut gratiæ, aut injuriæ communis est ratio.

7. Incutiat adhuc scorpium homicidam Deum ventilans; horrebo plane spurcum blasphemiae adflatum de hæretico ore fœtentem: sed & talem Deum de fiducia rationis amplectar, qua ratione etiam ipse se plus quam homicidam pronunciavit ex sophiæ suæ persona, voce Salomonis: *Sophia*, inquit, *jugulavit filios suos*. Sophia sapientia est. Sapienter utique jugulavit dum in vitam, & rationaliter, dum in gloriam. O parricidii ingenium, o sceleris artificium, o argumentum crudelitatis, quæ idcirco occidit, ne moriatur quem occiderit. Et ideo quid sequitur? *Sophia in exitibus canitur hymnis*: Cantatur enim & exitus martyrum. *Sophia in plateis de constantia agit*, bene enim filios suos jugulat. Super summos autem muros confisa dicit quum quis secundum Eſaiam hic exclamat, *Ego Dei sum, & hic vociferatur, In nomine Jacobi & alius inscribit, in nomine Israël*. O bonam matrem, opto & ipse in filios ejus redigi, ut ab ea occidar. Opto occidi, ut filius fiam. Solum autem jugulat filios suos, an & torquet? Audio enim & alibi dicentem Deum: *Uram illos sicuti uritur aurum, & probabo illos sicuti probatur argentum*. Utique per tormenta ignium, & suppliciorum, per martyria, fidei examinatoria. Scit & apostolus qualem Deum adscripserit, quum scribit: *Si Deus filio suo non pepercit, sed pro nobis*

*bis tradidit illum, quomodo & non cum illo omnia condonavit nobis?* Vides quomodo etiam proprium suum filium primogenitum, & unigenitum, sophia divina jugulaverit: utique victurum, immo & ceteros in vitam redacturum. Possum dicere cum sophia Dei, Christus est qui se tradidit pro delictis nostris, jam & semetipsam sophia trucidavit. Verba non solum sapient, sed & sensu. Nec auribus tantummodo audienda sunt, sed & mentibus. Crudelem Deum, qui non intelligit, credit. Quanquam & non intelligenti posita sententia est, quæ temeritatem cohibeat aliter intelligendi. *Quis enim, inquit, agnovit sensum Dei? aut quis illi consiliarius fuit, qui eum instruat, aut viam intelligentia quis demonstravit illi?* Sed enim Scytharum Dianam, aut Gallorum Mercurium, aut Afrorum Saturnum, hominum victima placari apud seculum licuit. Et Latio in hodiernum Jovi media in urbe humanus sanguis ingustatur. Nec quisquam retractat, aut non rationem præsumit aliquam, aut inæstimabilem Dei sui voluntatem. Si noster quoque Deus propriæ hostiæ nomine martyria sibi deposulasset, quis illi exprobrasset funestam religionem, & lugubres ritus, & aram rogi, & pollinctorem sacerdotem, & non beatum amplius reputasset, quem Deus comedisset?

8. Unum igitur gradum insistimus, & in hoc solum provocamus, an præcepta sint a Deo martyria: ut credas ratione præcepta, si præcepta cognoveris, quia nihil Deus non ratione præceperit. Siquidem *honorata est apud illum mors religiosorum ipsius*, ut canit David, non opinor ista communis & omnium debitum. Atquin ista etiam ignominiosa est ex elogio transgressionis & merito damnationis, sed illa quæ in ipso auditur ex testimonio religionis, & prælio confessionis, pro justitia & sacramento, sicut Esaias, *Vide, inquit, quomodo perit justus, & nemo*

exci-



excipit corde, & viri iusti auferuntur, & nemo animadvertit? a facie enim iniustitia perit iustus, & erit honor sepultura ejus. Habes hic quoque & prædicationem, & remunerationem martyriorum. A primordio enim iustitia vim patitur: statim ut coli Deus cæpit, invdiam religio sortita est. Qui Deo placuerat, occiditur, & quidem a fratre, quo proclivius impietas alienum sanguinem infectaretur, a suo auspicata infectata est. Denique non modo iustorum, verum etiam & prophetarum. David exagitur, Helias fugatur, Hieremias lapidatur, Esaias secatur, Zacharias inter altare & ædem trucidatur; perennes cruoris sui maculas filicibus adsignans. Ipse clausula legis & prophetarum, nec propheta, sed angelus dictus, contumeliosa cæde truncatur in puellæ salticæ lucar. Et utique qui spiritu Dei agebantur, ab ipso in martyria dirigebantur, etiam patiendo, quæ & prædicassent. Proinde & trina fraternitas quum dedicatio imaginis regię urbem urgeret officio, non ignoraverunt quid fides, quæ sola in illis captiva non fuerat, exigeret; moriendum scilicet adversus idololatriam. Meminerant enim & Hieremiæ scribentis ad eos, quibus illa captivitas imminabat: *Et nunc videbitis Deos Babylo-  
niorum aureos & argenteos & ligneos portari super humeros  
ostentantes nationibus timorem. Cavete igitur ne & vos con-  
similes sitis Allophylis & timore capiamini, dum aspicitis tur-  
bas adorantes retro eos & ante: sed dicite in animo vestro, te  
domine adorare debemus.* Itaque dixerunt a Deo concepta fiducia, quando vigore animi conditionales minas regis excutiant: *Non habemus necessitates respondendi huic tuo  
imperio. Est enim Deus noster, quem colimus, potens eruere  
nos de fornace ignis, & ex manibus tuis, & tunc manifestum  
fiet tibi, quod neque idolo tuo famulabimur, nec imaginem tuam  
auream, quam statuisti, adorabimus.* O martyrium & sine passione perfectum! satis passi, satis exusti sunt, quos propterea Deus texit, ne potestatem ejus men-

titi viderentur. Nam & Daniele nullius præter Dei supplicem, & idcirco a Chaldæis delatum ac depostulatum, statim utique conclusa & usitata feritas leonum devorasset, si Darii digna præsumptio de Deo falli debuisset. Cæterum pati oportebat omnem Dei prædicatorem atque cultorem, qui ad idololatriam provocatus negasset obsequium, secundum illius quoque rationis statum, quia & præsentibus tunc, & posteris deinceps commendari veritatem oportebat, pro qua fidem diceret passio ipsorum defensorum ejus, quia nemo voluisset occidi, nisi compos veritatis. Talia a primordio & præcepta & exempla debitricem martyrii fidem ostendunt.

9. Superest, (ne antiquitas suum forte habuerit sacramentum,) novitatem Christianam recensere, quasi & de Deo aliam, ac proinde disciplina quoque æmulam, cujus sophia filios suos jugulare non norit. Plane alia in Christo & divinitas & voluntas, & schola, & martyria aut nulla in totum, aut aliter intelligenda mandarit, qui neminem ad hujusmodi discrimen hortetur, qui pro eo passis nihil repromittat, quia pati eos nolit. Et ideo præceptorum principia deducens, *Beati*, inquit, *qui persecutionem patiuntur ob justitiam, quoniam illorum est regnum cælorum*. Hoc quidem absolute ad omnes, dehinc proprie ad Apostolos ipsos, *Beati eritis cum vos dedecoraverint, & persecuti fuerint, & dixerint adversus vos omnia mala propter me: Gaudete & exultate, quoniam merces vestra pluri- ma in cælo*. Sic enim faciebant & prophetis patres eorum: ut etiam prophetaret, quod & ipsi occidi haberent ad exemplum prophetarum. Quamquam & si omnem hanc persecutionem conditionabilem in solos tunc Apostolos destinasset, utique per illos cum toto sacramento, cum propagine nominis, cum traduce spiritus sancti, in nos quoque spectasset etiam persecutionis obeundæ disciplina; ut in hæreditarios discipulos & apostolici semi-

feminis frutices. Nam & rursus ad Apostolos dirigit: *Ecce ego mitto vos tamquam oves in medio luporum; & cavete ab hominibus, tradent enim vos in confectus, & in synagogis suis flagellabunt vos, & ad præfides & reges perducemini mei causa, in testimonium illis & nationibus & cætera.* Cum autem subjicit; *Tradet autem frater fratrem; & pater filium in mortem, & insurgent filii in parentes, & mortificabunt eos:* manifeste iniquitatem istam in cæteros pronunciavit, quam in Apostolis non invenimus. Nemo enim eorum aut fratrem aut patrem passus est traditorem, quod plerique jam nostri; dehinc ad Apostolos revocat: *Et eritis odio omnibus propter nomen meum.* Quanto magis nos, quos a parentibus quoque tradi oportet? Ita ipsa hac permissione nunc ad Apostolos, nunc ad omnes disponendo, eundem in universos nominis exitum effundit in quibus confederit nomen cum odii sui lege. *Qui autem sustinuerit usque in finem, iste salvus fiet.* Quid sustinendo, nisi persecutionem, nisi traditionem, nisi occisionem? Nec enim aliud est sustinere in finem, quam pati finem. Et ideo *non est discipulus super magistrum.* Statim sequitur, *nec servus super dominum suum:* quia cum magister & dominus ipse perpeffus sit persecutionem, & traditionem & occisionem: multo magis servi & discipuli eandem expendere debebunt: ne quasi superiores, exempti de iniquitate, videantur, quando hoc ipsum sufficere eis ad gloriam debeat, æquari passionibus domini & magistri: ad quarum tolerantiam ædificans monet, *non eos timendos, qui solum corpus occidant, animam autem interficere non valeant, sed illi potius metum consecrandum, qui & corpus & animam occidere & perdere possit in gehennam.* Quinam hi solius corporis interemptores, nisi præfides & reges supra dicti, homines opinor? Quis etiam animæ dominator, nisi Deus solus? Quis iste, nisi ignium cominator; nisi is, sine cujus volunta-

te nec passerum alter in terram cadit, id est, nec altera ex duabus substantiis, hominis, caro aut anima. Quia & *capillorum* apud eum *regeſtus* est *numerus*. *Nolite ergo metuer*e cum super dicit, *multis passeribus antiſtatis*, non frustra, id est, non sine emolumento casuros in terram repromittit, si magis ab hominibus quam a Deo occidi eligamus. *Omnis igitur qui in me confessus fuerit coram hominibus, & ego confitebor in illo coram patre meo, qui in cælis est. Et omnis, qui negaverit me coram hominibus, & ego negabo illum coram patre meo qui in cælis est.* Manifesta (ut opinor) est & definitio & ratio, tam confessionis, quam negationis, etsi dispositio diversa est. Qui se christianum confitetur, Christi esse testatur: qui Christi est, in Christo sit necesse est. Si in Christo est, in Christo utique confitetur, cum se christianum confitetur. Hoc enim non potest esse, nisi sit in Christo. Porro in Christo confitendo, Christum quoque confitetur, qui sit in Christo, dum & ipse in illo est, utpote christianus. Nam & si diem dixeris, lucis rem ostendisti quæ diem præstat, licet non dixeris lucem. Ita, etsi non directo pronuntiavit, qui me confessus fuerit, non est diversus actus quotidianæ confessionis a sensu dominicæ pronuntiationis. Quod enim est cum se confitetur, id est christianum: etiam id, per quod est, confitetur, id est Christum. Proinde qui se negavit christianum, in Christo negavit, negando se in Christo esse, dum negat se christianum: & Christum autem in se negando, dum se in Christo negat, Christum quoque negabit. Ita & qui in Christo negaverit, Christum negabit. Et qui in Christo confessus fuerit, Christum confitebitur. Suffecisset igitur & si de confitendo tantummodo dominus pronuntiasset; ex forma enim confessionis contrario quoque ejus præjudicaretur, id est negationi, perinde negatione negationem rependi a domino, quemadmodum confessione confessionem. Et  
ideo

ideo cum in forma confessionis etiam negationis conditio intelligatur, apparet non ad alium modum negationis pertinere, quod de ea aliter dominus pronuntiavit, quam de confessione dicendo: qui me negaverit, non qui in me. Prospexerat enim & hanc vim plerumque in expugnatione nominis subsecuturam, ut qui se christianum negasset, ipsum quoque Christum compelleretur blasphemando negare. Sicut non olim pro auspice cum in tota fide quorundam conclusum, hoc modo horruimus. Itaque frustra erit dicere: etsi me negavero christianum, non negabor a Christo, non enim ipsum negavi. Ex illa enim negatione tantumdem tenebitur, qua se christianum negando, Christum in se negans, etiam ipsum negavit. Plus est. autem quod & confusione confusionem comminatur, *qui me confusus fuerit coram hominibus, & ego confundar eum coram patre meo qui in cælis est.* Sciebat enim a confusione vel maxime formari negationem; mentis statum in fronte consistere, priorem esse pudoris quam corporis plagam.

10. Qui vero non hic, id est, non intra hunc ambitum terræ, nec per hunc comitatum vitæ, nec apud homines hujus naturæ communis confessionem putant constitutam, quanta præsumtio est adversus omnem ordinem rerum in terris istis, & in vita ista, & sub humanis potestatibus experiundarum? Nimirum cum animæ de corporibus exceßerint, & per singula tabulata cælorum de recepto dispici cœperint, & interrogari arcana illa hæreticorum sacramenta, tunc confitendum apud veras potestates & veros homines, Teletos scil. & Abascantos, & Aginetos Valentini: nostrates enim inquirunt, nec ipsi eadem jurgiis constantes homines probabit, quos *stibidium situla & pulverem: areæ & sputamen & locustas* deputavit, etiam irrationalibus jumentis adæquavit, plane ita scriptum, non tamen idcirco aliud hominis genus intelligendum præter

ter nos: quod quia constat esse comparatione; potuit inducere salva & proprietate generis & singularitate. Neque enim si vita vitiata est, ut despectui judicata despectis compararetur: statim natura sublata est, ut alia in nomine ejus deputaretur. Atquin servatur natura, etsi suffunditur vita: nec alios novit Christus homines, quam de quibus dicit, *Quem me ajunt esse homines? Et, quomodo vultis ut faciant vobis homines, & vos ita facite illis.* Vide an servaverit genus a quibus & testimonium sui expectet & in quos justitiæ vicem mandat. Illos autem cœlestes homines, si exoptulem mihi ostendi, facilius Aratus Persea & Cephea & Erigonen, & Ariadnen inter sidera delineabit. Quis autem prohibuit dominum illic etiam confessionem hominum faciendam determinare, ubi suam futuram aperte pronunciavit? Ut ita esset positum, *qui in me confessus fuerit coram hominibus in cœlis, & ego in illum confitebor coram patre meo qui in cœlis est*: eripere me debuit ex isto terrenæ confessionis errore, quam suscipi noluisse, si cœlestem, præcepisset, quia nullos alios homines noveram præter incolas terræ, ne ipso quidem adhuc tunc in cœlis homine conspecto. Quæ porro fides rerum, ut post excessum ad superna sublatus, illic prober quo non nisi jam probatus imponeretur: illic de receptu examinerer, quo nisi admitendus pervenire non possem. Christiano cœlum ante patet quam via: quia nulla via in cœlum nisi cui patet cœlum: quod qui attigerit, intrabit. Quas mihi potestates janitrices adfirmas juxta Romanam superstitionem, Cardum quendam & Forculum & Limentinum? quas a cancellis ordinas potestates? Si unquam legisti apud David, *Auferte portas principes vestras, & subleventur portæ aternæ, & intrabit Rex gloriæ.* Si item audisti apud Amos: *Qui ascensum suum adificat in cœlos, & profusionem suam fundat in terras*: scito & ascensum

cenſum illum exinde complanatum veſtigiis domini, & introitum exinde reſeratum viribus Chriſti, nec ullam moram aut quæſtionem in limine chriſtianis occuſuram, qui non diſcoſci habeant illic, ſed agnoſci: nec interrogari, ſed admitti. Nam etſi adhuc clauſum putas cœlum, memento claves ejus hic dominum Petro, & per eum eccleſiæ reliquiſſe, quas hic unusquiſque, interrogatus atque confeſſus, feret ſecum. Sed adſeverat diabolus illic conſitendum, ut ſuadeat hic negandum. Pulchra videlicet documenta præmittam, bonas mecum claves feram, timorem eorum, qui ſolum corpus occidunt, animæ autem nihil faciunt: commendatus ero hujus præcepti deſertione, honeſte in cœleſtibus ſtabo, qui in terrenis ſtare non potui, ſuſtinebo majores poteſtates, qui minoribus ceſſi: merebor denique admitti, jam excluſus. Suppetit adhuc dicere, ſi in cœleſtibus conſitendum, vel negandum eſt, næ ubi alterum, ibidem utrumque. Aemula enim quæque concurrunt. Etiam perfecutionem in cœlis agitari oportebit, quæ confeſſionis negationiſve materia eſt. Quid itaque ceſſas, audaciſſime hæretice, totum ordinem chriſtianæ concuſſionis in ſuperna transferre, & inprimis ipſum nominis odium illic collocare, ubi ad patris dexteram præſidet Chriſtus: illic conſtituas & Synagogas Judæorum, fontes perfecutionum, apud quas Apoſtoli flagella perpeſſi ſunt, & populos nationum cum ſuo quidem circo, ubi facile conclamant, uſque quo genus tertium. Sed & fratres noſtros, & patres & filios, & ſocrus & nurus & domeſticos noſtros ibidem exlibere debetis, per quos traditio diſpoſita eſt: item reges & præſides & armatas poteſtates, apud quas cauſa pugnanda eſt. Erit certe etiam carcer in cœlo, carens ſole, aut ingratis luminofus, & vincula fortaiſſe de Zonis, & eculeus axis ipſe qui torquet: tum ſi lapidandus chriſtianus, grandines ad-  
erunt:

erunt, si urendus, fulmina præ manu sunt; si trucidandus, orionis armati munus operabitur: si bestiis finiendus, urfas septentrio emittet, Zodiacus tauros & leones. Hæc qui sustinuerit in finem, iste erit salvus. Ergone & finis in cœlis & passio, & occisio & prima confessio? Et ubi caro, omnibus istis necessaria? ubi corpus, quod solum ab hominibus habet occidi? Hæc nobis etiam ludicrum in modum certa ratio mandavit, nec ullus obicem præscriptionis istius extrudet, ut non omnem ordinem persecutionis, omnem ejus causæ firmam paraturam illuc transferre cogatur, ubi confessioni forum dederit. Siquidem confessio a persecutione deducitur, & persecutio in confessione finitur: nec possunt non una sequi, & aditum & exitum, id est, initium, finemque disponunt. Porro & odium nominis hic erit, & persecutio hic erumpit, & traditio hic producit, & interrogatio hic compellit, & carnificina hic desævitur; & totum hunc ordinem in terris confessio vel negatio expungit. Igitur si cætera hic, nec confessio alibi: si confessio alibi, nec cætera hic. Enimvero non alibi cætera, itaque nec confessio in cœlo. Aut si aliam volunt esse rationem interrogationis & confessionis cœlestis, utique & ordinem suum illi struere debebunt, alium longe, & ab ista dispositione diversum, quæ scripturis notatur, & possumus dicere: viderint dum hic ordo terrenæ interrogationis & confessionis ex materia decurrens persecutionis & discordiæ publicæ in nomen, salvus sit suæ fidei, ita credendum sit, sicut & scribitur, ita intelligendum sit, sicuti auditur. Hic omnem ordinem sustines, ipso domino non aliam regionem mundi destinante. Quid enim post confessionis & negationis terminum subjungit, *Ne putaveris venisse me, uti pacem mittam in terram, non veni, sed ut macharam; certe in terram; veni enim dividere hominem adversus patrem suum, & filiam adversus matrem suam, & socrum adversus nurum suam,*



*suam, & inimici homini domestici sui. Sic enim efficitur, ut tradat frater fratrem in mortem, & pater filium, & insurgant filii in parentes, & p̄ari eos faciant. Et qui sustinuerit in finem, hic salvus erit. Adeo totus hic ordo dominicæ machææ, non in cælum missæ, sed in terras, illic constituit etiam confessionem, quæ in finem sustinendo passura est mortem.*

II. Eadem igitur forma cætera quoque ad martyrii statum pertinere defendimus. *Qui plaris, inquit fecerit etiam animam suam quam me, non est me dignus, id est, qui maluerit vivere me negando, quam mori confitendo. Qui animam suam invenerit, perdet illam, qui vero perdiderit illam mei causa, inveniet illam.* Proinde enim invenit ille qui negarit lucrificando vitam, sed perdet in gehennam, qui se putat negando lucrificare eam. Perdet autem eam ad præsens, qui confessus occiditur, sed inventurus eam in vitam æternam. Ipsi denique præsides cum cohortantur negationi, *serva animam tuam*, dicunt, &, *Noli animam tuam perdere.* Quomodo loqueretur Christus, nisi quomodo tractaretur Christianus? Sed quum prohibet meditari responsionem ad tribunal, famulos suos instruit, Spiritum sanctum responsurum repromittit. Et cum in carcere fratrem vult visitari, confessoris imperat curam; & cum Deum vindictam facturum electorum suorum adfirmat, passiones consolatur illorum: etiam in parabola feminis post cespitem arefacti, persecutionum figurat ardorem. Hæc si non ita accipiuntur, quemadmodum pronunciantur, sine dubio præterquam sonant, sapiunt, & aliud in vocibus erit, aliud in sensibus; ut allegoriæ, ut parabolæ, ut ænigmata. Quemcunque igitur conceperint ventum argumentationis scorpionum isti, quocunque se acumine impeerint, una jam linea est, ad ipsas res provocabuntur, an secundum scripturas transigantur. Si quidem tunc aliud significabitur in scripturis, si  
non

non id ipsum reperiatur in rebus. Quod enim scriptum est, hoc evenire oportebit. Porro tunc eveniet quod & scriptum, si non aliter eveniet. *Ecce autem & odio habemur ab omnibus hominibus nominis causa, quomodo & scriptum est, & tradimur etiam a proximis, quomodo & scriptum est, & perducimur ad potestates, & interrogamur, & torquemur, & confitemur, & trucidamur, quomodo & scriptum est.* Sic dominus edixit: si aliter edixit hæc, cur non aliter eveniunt, quam edixit, id est, quemadmodum edixit? Atquin non aliter eveniunt quam edixit: & sicut edixit, ita eveniunt. Nam nec licuisset aliter evenire, quam edixit: nec ipse aliter edixisset, quam evenire voluisset. Ita non aliud significabunt scripturæ istæ, quam in rebus recognoscitur. At si nondum aguntur illa, quæ prædicantur, quomodo hæc quæ prædicata non sunt? Non sunt enim hæc prædicata, quæ aguntur, si alia sunt quæ prædicantur, & non hæc, quæ aguntur. At nunc quia ipsa sunt in rebus, quæ in vocibus aliter dicta creduntur: quid fieret si aliter acta invenirentur? Sed hæc erit perversitas fidei, probata non credere, non probata præsumere. Cui perversitati illud quoque opponam, ut, si hæc, quæ sic aguntur quemadmodum scripta sunt, non erunt ipsa quæ prædicantur, illa quæ non debeant sic agi, quemadmodum scripta sunt, ne & ipsa horum exemplo periclitentur excludi; si quidem aliud in vocibus, aliud in rebus est; & relinquitur nec prædicata videri cum evenerint, si aliter prædicantur quam evenire habent. Et quomodo credentur quæ non erunt prædicata, quomodo eveniunt? Ita hæretici quæ prædicantur, non ut probata sunt credendo, ea quæ nec prædicata sunt credunt.

12. Quis nunc medullas scripturarum magis nosset, quam ipsa Christi schola? quos & sibi discipulos dominus adoptavit, omnia utique edocendos, & nobis

bis magistros ordinavit, omnia utique docturos. Cui potius figuram vocis suæ declarasset, quam cui effigiem gloriæ suæ revelavit, Petro, Jacobo, Joanni, & postea Paulo, quem paradisi quoque compotem fecit ante martirium. An & illi aliter, quam sentiunt, scribunt, fallaciæ magistri, non veritatis? Petrus quidem ad Ponticos, *quanta enim, inquit, gloria, si non ut delinquentes puniamini, sustinetis. Hæc enim gratia est, in hoc & vocati estis, quoniam & Christus passus est pro nobis, relinquens vobis exemplum semetipsum, uti adsequamini vestigia ipsius.* Et rursus, *Dilecti ne expauescatis unctionem qua agitur in vobis in tentationem, quasi novum accidat vobis: etenim secundum quod communicatis passionibus Christi, gaudete, uti & in revelatione gloria ejus gaudeatis exultantes: si dedecoramini nomine Christi, beati estis, quoniam gloria & Dei spiritus requiescet in vobis, dum ne quis vestrum patiat, ut homicida, aut fur, aut maleficus, aut alieni speculator. Si autem ut christianus, ne erubescat, glorificet autem dominum in nomine isto.* Joannes vero ut etiam pro fratribus nostris animas ponamus hortatur, negans *timorem esse in dilectione. perfecta enim dilectio foras abjicit timorem, quoniam timor pœnam habet & qui timet, non est perfectus dilectione.* Quem timorem intelligi præstat, nisi negationis auctorem? quam dilectionem perfectam adfirmat, nisi fugatricem timoris & animatricem confessionis? quam pœnam timore puniat, nisi quam negator relaturus est, cum corpore & anima occidendus in gehennam? Quodsi pro fratribus, quanto magis pro domino moriendum docet? satis de Apocalypsi quoque sua instructus hæc suadere: mandaverat etenim spiritus ad angelum ecclesiæ Smyrnæorum: *Ecce diabolus ex numero tuo conjicit in carcerem, ut tentemini diebus decem. Esto fidelis ad mortem usque, & dabo tibi vitam coronam.* Item ad Pergamenorum, de Antipa, fidelissimo martyre, interfecto in habitatione satanæ. Item ad Phi-

ladelphenorum, quod a tentatione ultima liberaretur, qui domini nomen non negarat. Exinde victori cuique promittit, nunc arborem vitæ, & mortis veniam secundæ: nunc latens manna cum calculo candido, & nomine ignoto: nunc ferreæ virgæ potestatem, & stellæ matutinæ claritatem: nunc albam vestiri, nec deleri de libro vitæ: & columnam fieri in Dei templo in nomine Dei & domini, & Hierusalem cœlestis inscriptam: nunc residere cum domino in throno ejus, quod aliquando Zebedæi filiis negabatur. Quinam isti tam beati victores, nisi proptie martyres? Illorum etenim victoriæ, quorum & pugnæ, eorum vero pugnæ, quorum & sanguis. Sed & interim sub altari martyrum animæ placidum quiescunt, & fiducia ultionis candidam claritatis usurpant, donec & alii consortium illarum gloriæ impleant. Nam & rursus innumera multitudo albat & palmis victoriæ insignes revelantur, scilicet de Antichristo triumphales, sicut unus ex presbyteris. *Hi sunt, ait, qui veniunt ex illa pressura magna, & laverunt vestimentum suum, & candidaverunt ipsum in sanguine agni:* vestitus enim animæ caro. Sordes quidem baptisinate abluuntur, maculæ vero martyrio candidantur. Quia & Esaias ex rufo & coccino niveum & laneum repro-mittit. Magna etiam Babylon cum describitur ebria sanctorum cruore: sine dubio ebrietas ejus martyriorum poculis ministratur, quorum formido quid relatura sit æque ostenditur. Inter omnes enim reprobos, immo ante omnes timidus autem, inquit, dehinc cæteris, particula in stagno ignis & sulphuris; sic timor ejus in epistola ejus quem dilectio foras abjicit habet pœnam.

13. Paulus vero Apostolus de persecutore, qui primus Ecclesiæ sanguinem fudit, postea gladium stylo mutans & convertens machæram in aratrum, lupus rapax Benjamin, dehinc adferens ipse etiam escam

cam secundum Jacob, qualiter martyria jam & sibi optabilia commendat, cum de Theſſalonicenſibus gaudens, uti, inquit, *glorietur in vobis in Eccleſiis Dei pro tolerantia veſtra & fide, in omnibus perſecutionibus & preſſuris quibus ſuſtinetis oſtentamen juſti judicii Dei, ut digni habeamini regno ejus pro quo & patimini.* Sicut & ad Romanos, *Non ſolum autem verum etiam exultantes in preſſuris, certe quod preſſura, tolerantiam perficit, tolerantia vero probationem, probatio autem ſpem, ſpes vero non confundit.* Et rursus, *quod ſi filii & hæredes, hæredes quidem Dei, cohæredes vero Chriſti Si quidem compatimur, uti & cum illo glorificemur.* Reputo enim paſſiones hujus temporis non eſſe dignas ad gloriam, quæ in nos habeat revelari. Et ideo poſtmodum, *Quis, inquit, ſeparabit nos a dilectione Chriſti? preſſura, an anguſtia, an fames, an nuditas, an periculum, an machara? ſecundum quod ſcriptum eſt: Tui cauſa mortificamur tota die, deputati ſumus, ut pecora jugulationis: ſed in omnibus iſtis ſupervincimus pro eo qui nos dilexit.* Perſuaſum enim habemus, quod neque mors, neque vita, neque virtus, neque ſublimitas, neque profunditas, neque alia conditio poterit nos a dilectione Dei ſeparare, quæ eſt in Chriſto Jeſu domino noſtro. Sed & Corinthiis paſſiones ſuas enumerans, patiendum utique præſignivit: *In laboribus abundantius, in carceribus plurimum, in mortibus ſæpius, a Judæis quinquies quadragenas citra unam accepi, ter virgis caſus, ſemel lapidatus & reliqua.* Quæ ſi magis incommoda quam martyria videbantur, tamen rursus propter quod, inquit, *boni duco in infirmitatibus, in injuriis, in neceſſitatibus, in perſecutionibus, in anguſtiis pro Chriſto.* Etiam in ſuperioribus, *qui in omnibus tribulemur, ſed non coanguſtemur: & indigeamus, ſed non perindigeamus: quoniam perſecutionibus agitemur, ſed non derelinquamur: qui dejiciamur, ſed non cecedamus, ſemper mortificationem Chriſti in corpore noſtro circumferentes.* Sed & ſi, inquit, ex-

*terior homo noster vitiatur, caro scilicet, vi persecutio-  
num: sed interior renovatur die & die, anima scilicet  
spe promissionum. Nam quod ad præsens temporale  
& leve pressuræ nostræ, per supergressum insuper per  
æternum pondus gloriæ perficit nobis, non intuen-  
tibus quæ videntur, sed quæ non videntur. Quæ  
enim videntur temporalia, de incommodis dicens:  
quæ vero non videntur, æterna, de præmiis spon-  
dens. Thessalonicensibus vero de vinculis, scri-  
bens, utique beatos adfirmavit, quibus donatum es-  
set non tantum credere in Christum, sed etiam pati pro ip-  
so: Eundem, inquit, agonem habentes quem in me vidi-  
stis, & nunc auditis. Nam etsi labor super sacrificium,  
gaudeo, & congaudeo omnibus vobis, perinde & vos gaude-  
te & congaudete mihi. Vides quam martyrii definiat  
felicitatem, cui de gaudio mutuo acquirit solennita-  
tem, ut proximus denique voti sui factus est: qualiter  
de prospectu ejus exultat dicens Timotheo: Ego enim  
jam labor, & tempus deversionis insistit. Agonem bonum  
decertavi, cursum consummavi, fidem custodivi: superest  
corona, quam mihi dominus illa die reddet, scilicet passio-  
nis. Satis & ipse supra allocutus, Fidelis sermo. Si  
enim commortui sumus Christo, & convivemus: si sufferi-  
mus, & coregnabimus: si negaverimus & ille nos negabit:  
si non credimus, ille fidelis est, negare se non potest. Ne  
ergo confundaris martyrium domini nostri, neque me vin-  
ctum ejus; quia prædixerat, Non enim dedit nobis Deus  
spiritum timiditatis, sed virtutis & dilectionis & sana  
mentis. Virtute enim patimur ex dilectione in Deum,  
& sana mente, cum ob innocentiam patimur. Sed  
& sic ubi tolerantiam præcipit, quibus magis eam  
quam passionibus prospicit, sic ubi ab idololatria di-  
vellit, quid ei magis quam martyria prævellit?*

14. Plane monet Romanos omnibus potestatibus  
subjici, quia non sit *potestas nisi a Deo*, quia non *sine  
caussa gladium gestet*, & quia *ministra sit Dei*, sed & ul-  
trix,

*trix, inquit, in iram ei qui malum fecerit. Nam & præmiserat, Principes enim non sunt timori bono operi, sed malo. Vis autem non timere potestatem, fac bonum, & laudem ab ea referes. Dei ergo ministra est tibi in bonum. Si vero malum facias, time.* Ita non in occasione frustrandi martyrii jubet te subjici potestatibus, sed in provocatione bene vivendi, etiam sub illarum respectu quasi adjutricum justitiæ, quasi ministrarum divini judicii, hic etiam de nocentibus præjudicantis. Dehinc & exequitur quomodo velit te subjici potestatibus, reddere jubens, *cui tributum, tributum: cui vestigal, vestigal*, id est, *qua sunt Cæsaris, Cæsari, & qua Dei Deo*. Solus autem homo Dei condixerat, scilicet Petrus, regem quidem honorandum, ut tamen tunc rex honoretur, cum suis rebus insistit, cum a divinis honoribus longe est: quia & pater & mater diligentur cum deo, non comparabuntur. Cæterum super Deum diligere nec animam licebit.

15. Num ergo & Apostolorum literæ nobiles? & nos usquequaque simplices animæ & solummodo columbæ libenter errantes? credo vivendi cupiditate. Ita vero sit, ut recedant a literis suis sensus; quæ tamen passos Apostolos scimus, manifesta doctrina est, hanc intelligo solam acta decurrens, nihil quæro: carceres illic, & vincula, & flagella, & saxa, & gladii, & impetus Judæorum, & cætus nationum, & tribunorum elogia, & regum auditoria, & proconsulum tribunalia, & Cæsaris nomen, interpretem non habent: quod Petrus cæditur, quod Stephanus opprimitur, quod Jacobus immolatur, quod Paulus distrahitur, ipsorum sanguine scripta sunt: et si fidem commentari voluerit hæreticus, instrumenta imperii loquentur, ut lapides Hierusalem. Vitas Cæsarum legimus: orientem fidem Romæ primus Nero cruentavit. Tunc Petrus ab altero cingitur, cum cruci adstringitur. Tunc Paulus civitatis Romanæ consequitur na-

tivitatem, cum illic martyrii renascitur generositate. Hæc ubicunque jam legero, pati disco; nec mea interest, quos sequar martyrii magistros, sensusne an exitus Apostolorum, nisi quod & sensus in exitibus recognosco. Nihil enim passi fuissent, quod non prius patiendum esse sensissent: cum vincula Paulo Agabus gestu quoque prophetasset, discipuli flentes & orantes ne se Hierosolyma committeret, frustra oraverunt. Ille enim quod semper docuerat, animatus, *quid fletis*, inquit, *& contristatis cor meum?* *At ego non modo vincula Hierosolymis pati optaverim, verum etiam mori pro nomine domini mei Jesu Christi.* Atque ita cesserunt, dicendo: *fiat voluntas domini*: fidentes scilicet, passiones ad voluntatem Dei pertinere, non enim dehortationis consilio, sed dilectionis retinere tentaverunt, ut Apostolum desiderantes, non ut martirium dissuadentes. Quodsi jam tunc Prodicus aut Valentinus adfisteret, suggerens non in terris esse conandum apud homines, quod nec Deus humanum sanguinem sitiatur, nec Christus vicem passionis, quasi & ipse de ea salutem consecuturus exposcat: statim audisset a servo Dei, quod audierat diabolus a domino: *Recede satanas: scandalum mihi es. Scriptum est, dominum Deum tuum adorabis, & illi soli servies*, Sed & nunc audire debebit, quatenus multo post venena ista suffudit, nulli infirmorum facile nocitura, si quis hanc nostram ex fide præbiberit, vel etiam superbiberit potionem.

---



Q. SEPTIMII FLORENTIS  
TERTULLIANI

A D V E R S U S.

M A R C I O N E M

L I B E R P R I M U S.

I.

**S**i quid retro gestum est nobis adversus Marcionem, jam hinc viderit. Novam rem aggredimur ex veteri. Primum opusculum, quasi properatum, pleniore postea compositione rescideram. Hanc quoque nondum exemplariis suffectam, fraude tunc fratris, dehinc apostatæ, amisi, qui forte descripserat quædam mendosissime, & exhibuit frequentiæ. Emendationis necessitas facta est. Innovationis ejus occasio, aliquid adjicere persuasit. Ita stilus iste nunc de secundo tertius, & de tertio jam hinc primus, hunc opusculi sui exitum necessario præfatur, ne quenquam varietas ejus, in disperso reperta, confundat. Pontus igitur, qui Euxinus, natura negatur, nomine illuditur. Cæterum hospitalem Pontum nec de situ æstimes: ita ab humanioribus fretis nostris, quasi quodam barbariæ suæ pudore secessit: gentes ferocissimæ inhabitant, si tamen habitatur in plaustro. Sedes incerta, vita cruda, libido promiscua, & plurimum nuda, etiam cum abscondunt; suspensis de jugo pharetris indicibus, ne quis intercedat. Ita nec armis suis erubescunt. Parentum cadavera, cum pecudibus, cæsa convivio convorant. Qui non ita decesserint, ut escatiles fuerint, maledicta mors est. Nec fœminæ

sexu mitigantur secundum pudorem, ubera excludunt, pensum securibus faciunt, malunt militare quam nubere. Duritia de cœlo quoque. Dies nunquam patens, sol nunquam libens, unus aër, nebula: totus annus hybernum, omne quod flaverit Aquilo est. Liquores ignibus redeunt, amnes glacie negantur, montes pruina exaggerantur. Omnia torpent, omnia rigent: nihil illic nisi feritas calet, illa scilicet, quæ fabulas scenis dedit, de sacrificiis Taurorum, & amoribus Colchorum, & crucibus Caulcaforum.

Sed nihil tam barbarum ac triste apud Pontum, quam quod illic *Marcion* natus est, Scythia tetrior, Hamaxobio instabilior, Massageta inhumanior, Amazonia audacior, nubilo obscurior, hyeme frigidior, gelu fragilior, Istro fallacior, Caucaſo abruptior. Quid ni? Penes quem verus Prometheus Deus omnipotens blasphemiiis lancinatur. Jam & bestiis illius barbariæ importanior Marcion. Quis enim tam castrator carnis Castor, quam qui nuptias abstulit? Quis tam commesor mus Ponticus, quam qui evangelia corrofit? Næ tu Euxine probabiliorē feram philosophis edidisti, quam Christianis. Nam ille canicula Diogenes hominem invenire cupiebat, lucernam meridie circumferens: Marcion Deum, quem invenerat, extincto lumine fidei suæ, amisit. Non negabunt discipuli ejus, primam illius fidem nobiscum fuisse, ipsius literis testibus, ut hinc jam destinari possit hæreticus, qui deserto, quod prius fuerat, id postea sibi elegerit, quod retro non erat. In tantum enim *hæresis* deputabitur, quod postea inducitur: in quantum *veritas* habebitur, quod retro & a primordio traditum est. Sed *alius libellus* hunc gradum sustinebit *adversus hæreticos*, etiam sine retractatu doctrinarum revincendos, quod hoc sint de præscriptione novitatis. Nunc quatenus admittenda congressio est, interdum

terdum ne *compendium præscriptionis ubique advocatum*, diffidentiae deputetur, regulam adversarii prius prætexam, ne cui lateat, in qua *principalis quaestio* dimittitur est.

2. Duos Ponticus Deos affert, tanquam duas Symplegadas naufragii fui: quem negare non potuit, id est creatorem, id est nostrum: & quem probare non poterit, id est suum: passus infelix hujus præsumptionis instinctum, de simplici capitulo dominicæ pronuntiationis, in homines non in Deos disponentis exempla illa bonæ & malæ arboris, quod neque bona malos, neque mala bonos proferat fructus, id est, neque mens vel fides bona, malas edat operas, neque mala bonas. Languens enim (quod & nunc multi, & maxime hæretici) circa mali quaestionem, Unde malum? & obtusis sensibus, ipsa enormitate-curiositatis, inveniens creatorem pronuntiantem: Ego sum qui condo mala, quanto ipsum præsumpserat mali autorem, & ex aliis argumentis quæ ita persuadent perverso cuique, tanto in creatorem interpretatus, malam arborem malos fructus condentem, scilicet mala, alium Deum præsumpsit esse debere, in partem bonæ arboris bonos fructus. Et ita in CHRISTO quasi aliam inveniens dispositionem, solius & puræ benignitatis, ut diversæ a creatore, facile novam & hospitam argumentatus est divinitatem in CHRISTO suo revelatam, modicoque exinde fermento totam fidei massam hæretico acrore decepit. Habuit & *Cerdonem* quendam, informatorem scandalii hujus, quo facilius duos Deos cæci perspexisse se existimaverunt. Unum enim non integre viderant. Lippientibus etiam singularis lucerna numerosa est. Alterum igitur Deum, quem confiteri cogeatur, de malo infamando, destruxit. Alterum, quem commentari connitebatur, de bono præferendo, con-

struxit. Has naturas quibus disposuerit articulis, per ipsas responsiones nostras ostendimus.

3. Principalis itaque & exinde tota congressio de numero, an duos Deos liceat induci, si forte poëtica & pictoria licentia, & tertia jam hæretica. Sed veritas Christiana destricte pronunciavit, Deus si non unus est, non est. Quia dignius credimus non esse, quodcunque non ita fuerit, ut esse debbit. Deum autem ut scias unum esse debere, quære quid sit Deus, & non aliter invenies. Quantum humana conditio de Deo definire potest, id definitio quod & omnium conscientia agnoscet, *Deum* summum esse magnum, in æternitate constitutum, innatum, infectum, sine initio, sine fine. Hunc enim statum æternitati censendum, quæ summum magnum, Deum efficiat, dum hoc est in Deo ipsa; atque ita & cætera, ut sit Deus summum magnum, & forma, & ratione, & vi, & potestate. Cum de isto conveniat apud omnes (nemo enim negabit Deum, summum magnum quid esse, nisi qui poterit Deum, imum, modicum quid, e contrario pronunciare, ut Deum neget, auferendo quod dei est), quæ erit jam conditio ipsius summi magni? nempe, ut nihil illi adæquetur, id est, ut non sit aliud summum magnum: quia si fuerit, adæquabitur: & si adæquabitur, non erit jam summum magnum, eversa conditione, & ut ita dixerim, lege, quæ summo magno nihil finit adæquari. Ergo unicum sit necesse est, quod fuerit summum magnum, par non habendo, ne non sit summum magnum. Ergo non aliter erit, quam per quod habet esse, id est unicum omnino. Proinde Deus cum summum magnum sit, recte veritas nostra pronunciavit, Deus si non unus est, non est. Non quasi dubitemus esse Deum, dicendo si non unus; non est, sed, quia quem confidimus esse, iidem definiamus esse. Quod si non est, Deus non est, & summum scilicet magnum.

gnum. Porro summum magnum, unicum sit necesse est. Ergo & Deus unicus erit, non aliter Deus, nisi summum magnum. Nec aliter summum magnum, nisi parem non habens. Nec aliter parem non habens, nisi unicus fuerit. Certe quemcumque alium Deum induxeris, non alia poteris eum forma tueri Deum, quam ut & illi proprium divinitatis adscripseris; sicut æternum, ita & summum magnum. Duo ergo summa magna quomodo consistent, cum hoc sit summum magnum, par non habere? Par autem non habere, uni competat, in duobus esse nullo modo possit?

4. Sed argumentabitur quilibet, posse & duo summa magna consistere, distincta atque disjuncta in suis finibus, & utique advocabit exemplum: Regna terrarum tanta numero, & tamen summa magna in suis quibusque regionibus, & putabit ubique humana divinis conferenda. Jam ergo si huic argumentationi locus dabitur, quid prohibet non dico & tertium & quartum Deum inducere, verum tot jam numero, quot & gentium reges? De Deo agitur, cujus hoc principaliter proprium est, nullius exempli capere comparisonem. Hoc natura ipsa, si non aliquis Esaias, vel ipse per Esaiam Deus, concionabitur. Cui me similabit? Divinis forsitan comparabuntur humana: Deo nostra? Aliud enim Deus, aliud quæ Dei. Denique, qui exemplo uteris regis, quasi summi magni, vide ne jam non possis eo uti. Rex enim etsi summum magnum est in suo folio usque ad Deum, tamen infra Deum. Comparatus autem ad Deum, excidet jam de summo magno translatio in Deum. Hoc si ita, quomodo uteris ejus rei exemplo ad Dei comparisonem, quæ dum ad comparisonem accedit, amittitur? Quid nunc, si nec inter reges plurifarum videri potest summum magnum, sed unicum & singulare, apud eum scilicet, qui rex regum ob summam magnitudinis & subjectionem cæterorum graduum, quasi

quasi culmen dominationis excipitur? Sed etiam alterius formæ reges, qui singulares in unione imperii præfunt, si in minutalibus, ut ita dixerim, regnis undique conferantur in examinationem, qua constet, quis eorum præcellat in substantiis & viribus regni, in unum necesse est summitas magnitudinis eliquetur; omnibus gradatim per comparationis exitum de magnitudinis summa expressis & exclusis. Adeo, etsi in disperso multifarium videtur summum magnum, suis viribus, & sua natura, & suo statu, unicum est. Proinde, cum duo Dii conferuntur, ut duo reges & duo summa magna, in alterum concedat necesse est unio summi magni, ex sententia comparationis, quia summum ex victoria sua constat, superato æmulo alio magno, non tamen summo; atque ex defectione æmuli solitudinem quandam de singularitate præstantiæ suæ possidens, unicum est. Ineluctabilis iste complexus in hoc sententiam constringit, aut negandum, Deum esse summum magnum, quod nemo patietur sapiens, aut nulli alii communicandum.

5. Aut quæ ratio duo summa magna composuit? Primo enim exigam, cur non plura, si duo? quando locupletiolem oporteret credi substantiam divinitatis, si competeret ei numerus. Honestior & liberalior Valentinus, qui simul ausus est duos concipere Bythium & Sigen, tum, usque ad XXX æonum fœtus, tanquam Aeoneiæ scrofæ, examen divinitatis effudit. Quæcunque ratio plura summa magna non patitur admitti, eadem nec duo, ut ipsa plura, post unum. Post unum enim, numerus. Quæ potuit duo admittere, eadem potuit, & plura. Post duo enim multitudo, unione jam excessa. Denique apud nos vis rationis istius ipso termino plures Deos credi non finit, quod nec duos illa regula, unum Deum sistens, qua Deum id esse oporteat, cui nihil adæquetur, ut summo magno: unicum autem sit, cui nihil adæquetur.

Jam

Jam nunc duo summa magna, duo paria, cui operæ precio, cui emolumento deputarentur? quid interfuit numeri, cum duo paria non differant uno? Una enim res est, quæ eadem in duobus est; Etiam, si plura essent paria, tantundem omnia unum fuissent, nullo inter se differendo, qua paria. Porro, si neutrum ex duobus altero distat, jam ut ambo summa magna, qua Dei ambo, neutrum plus altero præstat, nullam rationem numeri sui ostendunt, præstantiam non habentes. Numerus autem divinitatis summa ratione constare deberet, vel quoniam & cultura ejus in anceps deduceretur. Ecce enim duos intuens Deos, tam pares, quam duo summa magna, quid facerem, si ambos colerem? Vererer, ne abundantia officii superstitio potius quam religio existimaretur, quia duos tam pares, & in altero ambos, possem in uno demereri: hoc ipsum testimonio præstans parilitati & unitati eorum, dum alterum in altero venerarer, dum in uno mihi duo sunt. Si alterum colerem, æque recogitarem, ne suffundere viderer numeri vanitatem, sine differentia supervacui, hoc est, ut tutius censerem, neutrum colendum, quam alterum cum scrupulo colendum, aut ambos vane.

6. Sic adhuc videmur disputare, quasi Marcion duos pares constituat. Nam dum defendimus, Deum summum magnum unicum credi oportere, excludentes ab eo parilitatem, tanquam de duobus paribus, de his retractavimus; nihilominus tamen, docendo, pares esse non posse, secundum summi magni formam, satis confirmavimus, duos esse non posse. Alioqui certi, Marcionem dispares Deos constituere, alterum judicem, ferum, bellipotentem: alterum mitem, placidum, & tantummodo bonum atque optimum. Dispiciamus æque & hanc partem, an diversitas saltem duos capiat, si parilitas capere non potuit. Porro & hic eadem regula summi magni patro-

patrociniabitur nobis, utpote quæ totum statum vindicet divinitatis. Conveniens enim, & quodammodo injecta manu detinens adversarii sensum, non negantis creatorem Deum, iustissime præscribo illi, diversitati locum non esse inter eos, qui ex æquo Deos confessus, non potest facere diversos. Non, quia non & homines licet sub eadem appellatione diversissimos esse, sed quia Deus non erit dicendus, quia nec credendus, nisi summum magnum. Cum ergo summum magnum cogatur agnoscere, quem Deum non negat, non potest admitti, ut summo magno aliquam adscribat diminutionem, qua subjiçiatur alii summo magno. Desinit enim, si subjiçiatur. Non est autem Dei, desinere de statu suo, id est de summo magno. Nam & in illo Deo potiore, periclitari poterit summum magnum, si deprecari capit in creatore. Ita cum duo Dii pronunciantur duo summa magna, necesse est neutrum altero aut majus sit aut minus, neutrum altero aut sublimius aut dejectius. Nega Deum, quem dicis deteriorem. Nega summum magnum, quem credis minorem. Deum vero confessus utrumque, duo summa magna confessus es. Nihil alteri adimes, aut alteri adscribes. Agnoscens divinitatem, negasti diversitatem.

7. Tentabis ad hæc de nomine Dei concutere retractatum, ut passivo, & in alios quoque permissio, quia scriptum sit: *Deus Deorum stetit in ecclesia Deorum*, in medio autem Deos dijudicavit: Et, ego dixi, *vos Dii estis*. Nec tamen idcirco eis competat possessio summi magni, quia Dei cognominentur, ita nec creatori. Respondebo & stulto, qui nec hoc recogitaverit, ne tantundem & in Deum Marcionis possit retorqueri, ut & illum Deum dictum, nec ideo tamen summum magnum probatum, sicut nec angeli aut homines creatoris. Si communio nominum conditionibus præjudicat, quanti nequam servi regum nominibus



nibus insultant, Alexandri & Darii & Olōfernis? Nec tamen ideo regibus, id quod sunt, detrahatur; nam & ipsa idola gentium Dei vulgo, sed Deus nemo ea re, qua Deus dicitur. Ita ego non nomini Dei, nec sono nec notæ nominis hujus summum magnum in creatore defendo, sed ipsi substantiæ, cui nomen hoc contigit; hanc inveniens solam innatam, infestam, solam æternam, & universitatis conditricem, non nomini, sed statui: nec appellationi, sed conditioni ejus, summum magnum & adscribo & vendico. Et ideo, quia Deus jam vocari obtinuit substantia, cui adscribo, nomini me adscribere putas, quia necesse est per nomen ostendam, cui adscribam substantiæ; scilicet, qua constat, qui Deus dicitur, & summum magnum ex substantia, non ex nomine deputatur. Denique hoc & Marcion suo Deo vendicans, secundum statum, non secundum vocabulum vendicat. Id ergo summum magnum, quod Deo abscribimus ex substantiæ lege, non ex nominis forte, contendimus ex pari esse debere in duobus, qui ea substantia constant, qua Deus dicitur; quia in quantum Dii vocantur, id est summa magna, substantiæ scilicet merito, innatæ & æternæ, ac per hoc magnæ summæ: in tantum non possit summum magnum minus & deterius alio summo magno haberi. Si summi magni felicitas & sublimitas & integritas stabit in Deo Marcionis, stabit æque & in nostro. Si non & in nostro, æque nec in Marcionis. Ergo nec paria erunt duo summa magna, quia prohibet disposita jam regula summi magni, comparisonem non sustinentis; nec disparia, quia & alia summi magni regula occurrit, diminutionem non admittens. Hæsiisti Marcion in medio Ponti tui æstu, utrimque te fluctus involvunt veritatis, nec pares nec dispares Deos sistere potes. Duo enim non sunt; quod pertineat proprie ad numeri retractatum. Quanquam tota materia de duobus Diis dimi-

cetur

cetur, his interim lineis eam clausimus, intra quas de singularibus jam proprietatibus congregiemur.

8. Primo, supercilio stuporem suum ædificant Marcionitæ, quod novum Deum præferant, quasi nos veteris Dei pudeat. Instantur & pueri novis calceis, sed a vetere Pædagogi calceati mox vanam gloriam vapulabunt. Novum igitur audiens Deum, in vetere mundo, & in vetere ævo, & sub vetere Deo ignotum, inauditum, quem tantis retro seculis neminem, & ipsum ignorantia antiquum, quidam JESUS CHRISTUS, & ille in veteribus nominibus novus, revelaverit, nec alius antehac: ago gratias huic gloriæ eorum, maximo adjutorio ejus hinc jam hæresim probaturus, novæ scilicet divinitatis professionem. Hæc erit novitas, quæ etiam ethnicis Deos peperit, novo semper ac novo titulo consecrationis cujusque. Quis Deus novus, nisi falsus? Ne Saturnum quidem tanta hodie antiquitas Deum probabit, quia & illum novitas aliquando produxerit, cum primum consecravit. At enim viva & germana divinitas, nec de novitate, nec de vetustate, sed de sua veritate censetur. Non habet tempus æternitas. Omne enim tempus ipsa est. Quod facit, pati non potest. caret ætate, quod non licet nasci. Deus si est vetus, non erit: si est novus, non fuit. Novitas initium testificatur: vetustas finem comminatur. Deus autem tam alienus ab initio & fine est, quam a tempore, arbitro & metatore initii & finis.

9. Scio quidem quo sensu *novum* Deum jactitent, agnitione utique. Sed & ipsam novitatis cognitionem, percutientem rudes animas, ipsamque naturalem novitatis gratiositatem volui repercutere: & hinc jam de ignoto Deo provocare; utique enim, quem agnitione novum opponunt, ignotum ante agnitionem demonstrant. Age igitur ad lineas rursus  
&

& in gradum. Persuade, Deum ignotum esse potuisse. Invenio plane ignotis Deis aras prostitutas, sed Attica idololatria est. Item incertis Deis, sed superstitione Romana est. Porro incerti Dei minus noti, ut minus certi, & proinde ignoti, qua minus certi. Quem titulum incidemus ex duobus Deo Marcionis? Utrumque opinor, & nunc incerto & retro ignoto. Sicut enim ignotum eum fecit Deus notus creator, ita & incertum Deus certus. Sed non evagabor, uti dicam, Deus si ignotus fuit, latuitque, illum regio latebrarum obumbravit, nova utique & ipsa & ignota; & similiter nunc quoque incerta, certe immensa aliqua & major indubitato eo, quem abscondit. Sed breviter proponam, & plenissime exequar, præscribens Deum ignorari nec potuisse, nomine magnitudinis; nec debuisse, nomine benignitatis, præsertim in utroque prælatiorem nostro creatore. Sed quoniam animadverto, in quibusdam ad formam creatoris provocari oportere omnis Dei novi & retro ignoti probationem, hoc ipsum ratione fieri a nobis, prius commendare debebo, quo constantius utar rationis editæ patrocinio. Ante omnia quidem quale est, ut, qui Deum agnoscis creatorem, & priorem de notitia confiteris, non iisdem modis & alium scias tibi examinandum, quibus jam in alio didicisti Deum nosse? Omnis res anterior posteriori normam præministravit. Duo nunc Dei proponuntur, ignotus & notus. De noto vacat quæstio: esse eum constat, quia notus non fuisset, nisi esset. De ignoto instat altercatio: potest enim, & non esse, quia si esset, notus fuisset. Quod ergo quæritur, quamdiu ignoratur, in incerto est, quamdiu quæritur: & potest non esse, quamdiu in incerto est. Habes Deum certum qua notum, & incertum qua ignotum. Si ita est, ecquid tibi videtur iusta ratione defendi, ut ad normam & formam & regulam

certorum probentur incerta? Cæterum, si ad hanc causam & ipsam adhuc incertam, etiam argumenta de incertis adhibeantur, series implicabitur quæstionum, ex ipsorum quoque argumentorum æque incertorum retractu periclitantium de fide per incertum, & ibitur in illas jam indeterminabiles quæstiones, quas Apostolus non amat: sin de certis & indubitatis, & absolutis regulæ partibus, incertis & dubiis & inexpeditis præjudicabunt plane, in quibus diversitas status invenitur. Fortasse an non provocentur incerta ad formam certorum, ut liberata a reliqua comparationis provocatione per diversitatem status principalis? Cum vero duo Dii proponuntur, communis est illis status principalis. Quid enim Deus est? ambo sunt innati, infecti, æterni. Hic erit status principalis. Cætera viderit Marcion, si in diversitate disposuit. Posteriora enim sunt in retractatu, immo nec admittentur, si de principali statu constet. Porro constat, quia Dii ambo: & ita de quorum statu constat communem esse, cum sub eo ad probationem devocantur si incerta sunt, ad eorum certorum formam provocanda erunt, cum quibus de communione status principalis censentur, ut proinde & de probatione communicent. Hinc itaque constantissime dirigam, Deum non esse, qui sit hodie incertus, quia retro ignotus: quando, quem constat esse, ex hoc ipso constat, quod nunquam fuerit ignotus, ideo nec incertus.

10. Siquidem a primordio rerum conditor earum cum ipsis pariter compertus est, ipsis ad hoc prolatis, ut Deus cognosceretur. Nec enim si aliquanto posterior Moyses primus videtur in templo literarum suarum Deum mundi dedicasse, idcirco a Pentateucho natales agnitionis supputabuntur, cum totus Moyse stilus noticiam creatoris non instituat, sed a primordio enarret a paradiso & Adam, non ab

Aegy-

Aegypto & Moyse recensendam. Denique major popularitas generis humani, ne nominis quidem Moyfi compotes, nedum instrumenti, Deum Moyfi tamen norunt: etiam tanta idololatria dominationem obumbrante, seorsum tamen illum quasi proprio nomine Deum perhibent, & Deum Deorum, &: si Deus dederit, &: quod Deo placet, &: Deo commendo. Vide an noverint, quem omnia posse testantur. Nec hoc ullis Moyfi libris debent. Ante anima, quam prophetia. Animæ enim a primordio conscientia Dei dos est: eadem nec alia & in Aegyptiis & in Syris & in Ponticis. Judæorum enim Deum, dicunt & animæ Deum. Noli barbare hæretice priorem Abraham constituere, quam mundum. Etsi unius familiæ Deus fuisset creator, tamen posterior tuo non erat, etiam Ponticis ante eum notus. Accipe igitur ab antecessore formam, a certo incertus a cognito incognitus. Nunquam Deus latebit, nunquam Deus deerit: semper intelligetur, semper audietur, etiam videbitur, quomodo volet. Habet Deus testimonia totum hoc quod sumus & in quo sumus. Sic probatur & Deus & unus, dum non ignoratur, alio adhuc probari laborante.

II. Et merito, inquiunt: Quis enim non tam suis notus est, quam extraneis? Nemo. Teneo & hanc vocem. Quale est enim, ut aliquid extraneum Deo sit, cui nihil extraneum esset, si quis esset? quia Dei hoc est, omnia illius esse, & omnia ad illum pertinere; vel ne statim audiret a nobis, quid ergo illi cum extraneis? Quod plenius suo loco audiet. At nunc satis est, nullum probari, cujus nihil probatur. Sicut enim creator, ex hoc & Deus, & indubitatus Deus, quia omnia ipsius, & nihil extraneum illi: ita & alius idcirco non Deus, quia omnia non ejus, ideoque & extranea. Denique si universitas creatoris est, jam nec locum video Dei alterius: plena & occupata sunt

omnia suo autore. Si vacat aliquid spatii alicujus divinitati in creaturis, plane falsæ vacabit. Patet mendacio veritas. Tanta vis idolorum, cur non recipiat alicubi Deum Marcionis? Igitur ex forma hoc, & creatoris, expostulo, Deum ex operibus cognosci debuisse alicujus proprii sui mundi & hominis & seculi: Quando etiam error orbis propterea Deos præsumpsit, quos homines interdum confitetur, quoniam ab unoquoque prospectum videtur utilitatibus & commodis vitæ: ita & hoc ex forma Dei creditum est divinum esse, instituere vel demonstrare, quid aptum & necessarium sit rebus humanis. Adeo inde autoritas accommodata, si falsæ divinitati, unde præcesserat veræ; unam saltem cicerculam Deus Marcionis propriam protulisse debuerat, ut novus aliquis Triptolemus prædicaretur. Aut exhibe rationem Deo dignam, cur nihil condiderit, si est? quia condidisset, si fuisset, illo scilicet præjudicio, quo & nostrum Deum non alias manifestum est esse, quam quia totum condidit hoc. Semel enim præscriptio stabit, non posse illos & Deum confiteri creatorem, & eum, quem volunt æque Deum credi, non ad ejus formam probare, quem & ipsi & omnes Deum: ut quando hoc ipso nemo creatorem Deum dubitet, quia totum hoc condidit, hoc ipso nemo debeat credere Deum & illum, qui nihil condidit, nisi ratio forte proferatur. Duplex ista videatur necesse est, ut aut noluerit condere quid, aut non potuerit. Tertium cessat; sed non potuisse, indignum Deo est. Noluisse, an dignum, volo inquirere. Dic mihi Marcion, voluit Deus tuus cognosci se, quocumque in tempore, an non? alio proposito & descendit & prædicavit & passus resurrexit, quam uti cognosceretur? Et sine dubio, si cognitus est, voluit; nihil enim circa eum fieret, nisi voluisset. Quid ergo tantopere noticiam sui procuravit, ut in dedecore

core carnis exhiberetur, & quidem majore, si falsa. Nam hoc turpius, si & mentitus est substantiam corporis, qui & maledictum in se creatoris admisit, ligno suspensus. Quanto honestius per aliqua propriae molitionis indicia cognitionem sui præstruxisset, maxime adversus eum cognosci habens, apud quem ex operibus ab initio cognitus non erat. Nam & quale est, ut creator quidem ignorans esse alium super se Deum, ut volunt Marcionitæ, qui solum se etiam jurans asseverabat, tantis operibus noticiam sui armaverit, quam potuerat non ita curasse, secundum singularitatis suæ præsumptionem: ille autem sublimior, sciens inferiorem Deum tam instructum, nullam sibi prospexerit agnoscendo paraturam. Quando etiam insigniora & superbiora opera debuisset condidisse, ut & Deus ex operibus cognosceretur secundum creatorem, ut ex honestioribus potior & generosior creatore!

12. Cæterum & si esse eum possemus confiteri, sine causa esse eum deberemus argumentari. Sine causa enim esset, qui rem non haberet, quia res omnis causa est, ut sit aliquis, cujus res sit. Porro, in quantum nihil oportet esse sine causa, id est sine re, quia si sine causa sit, perinde est atque si non sit, non habens rei causam res ipsa: in tantum Deum dignius credam non esse, quam esse sine causa. Sine causa est enim, qui rem non habendo, non habet causam. Deus autem sine causa, id est sine re, esse non debet. Ita quoties ostendo, eum sine causa esse tanquam sit, hoc constituo, non esse illum: quia si fuisset, omnino sine causa non fuisset. Sic & ipsam fidem dico illum sine causa ab homine captare, aliter solito Deum credere, ex operum autoritate formatum, quia nihil tale prospexit, per quod homo Deum didicit. Nam & si credunt plerique in illum, non statim ratione credunt, non habentes

Dei pignus, opera ejus Deo digna. Itaque hoc nomine cessationis & defectionis operum, & impudentiæ & malignitatis affinis est. Impudentiæ, qua fidem non debitam sibi captat, cui præstruendæ nihil prospexit: malignitatis, qua plures incredulitatis reos fecit, nihil fidei procurando.

13. Cum Deum hoc gradu expellimus, cui nulla conditio tam propria & Deo digna, quam creatoris testimonium præsignaverit, narem contrahentes impudentissimi Marcionitæ, convertuntur ad destructionem operum creatoris. Nimirum, inquit, grande opus & dignum Deo, mundus. Numquid ergo creator minime Deus? Plane Deus. Ergo nec mundus Deo indignus: nihil etenim Deus indignum se fecit. Etsi mundum homini, non sibi fecit: etsi omne opus inferius est suo artifice; Et tamen, si quale quid fecisse indignum est Deo, quanto indignius Deo est, nihil eum omnino fecisse, vel indignum, quo posset etiam digniorum autor sperari? Ut ergo aliquid & de isto hujus mundi indigno loquar, cui & apud Græcos ornamentum & cultus, non sordium nomen est: indignas videlicet substantias ipsi illi sapientiæ professores, de quorum ingeniis omnis hæresis animatur, Deos pronunciaverunt, ut *Thales* aquam, ut *Heraclitus* ignem, ut *Anaximenes* aërem, ut *Anaximander* universa coelestia, ut *Strato* cælum & terram, ut *Zeno* aërem & ætherem, ut *Plato* sydera, quod genus Deorum igneum appellat. Cum de mundo, considerando scilicet & magnitudinem, & vim & potestatem, & honorem & decorem, opem, fidem, legem singulorum elementorum, quæ omnibus gignendis, alendis, conficiendis, reficiendisque conspirant; ut plerique Physicorum formidaverint, initium ac finem mundo constare, ne substantiæ ejus, tantæ scilicet, minus Dii haberentur: quos colunt & Persarum *Magi*, & Aegyptiorum *Hierophante*, & Indorum



dorum *Gymnosophista*. Ipsa quoque vulgaris superstitionis communis idololatriæ, cum in simulacris de nominibus & fabulis veterum mortuorum pudet, ad interpretationem naturalium refugit, & dedecus suum ingenio obumbrat, figurans *Jovem* in substantiam fervidam, & *Junonem* ejus in aëream, secundum sonum Græcorum vocabulorum, item *Vestam* in ignem & *Camenas* in aquas, & *Magnam matrem* in terram, feminalia demessam, lacertis aratam, lavacris rigatam. Sic & *Osiris*, quod semper sepelitur & in vivo quæritur, & cum gaudio invenitur, reciprocarum frugum, & vividorum elementorum, & recidivi anni fidem argumentantur: sicut aridæ & ardentis naturæ sacramenta leones *Mithræ* philosophantur. Et superiores quidem situ aut statu substantias, sufficit, facilius Deos habitas, quam Deo indignas. Ad humilia deficiam. Unus opinor, de sæpibus flosculus, non dico de pratis, una cujuslibet maris conchula, non dico de rubro, una tetraonis pennula, taceo de pavo, fordidum artificem pronuntiabit tibi creatorem?

14. At cum & animalia irrides minutiora, quæ maximus artifex de industria ingeniis aut viribus ampliavit sic magnitudinem in mediocritate probari docens, quemadmodum virtutem in infirmitate secundum Apostolum, imitare, si potes, apis ædificia, formicæ stabula, aranæ retia, bombycis stamina: sustine, si potes, illas ipsas lectuli & tegetis tuæ bestias, cantharidis venena, muscæ spicula, culicis & tubam & lanceam; qualia erunt majora, cum tam modicis aut juvaris aut læderis, ut nec in modicis despicias creatorem? postremo te tibi circumfer, intus ac foris considera hominem, placebit tibi vel hoc opus Dei nostri, quod tuus dominus, ille Deus melior, adamavit, propter quem in hæc paupertina elementa de tertio cœlo descendere laboravit, cujus

caussa in hac cellula creatoris etiam, crucifixus est. Sed ille quidem usque nunc nec aquam reprobat creatoris, qua suos abluit; nec oleum, quo suos ungit; nec mellis & lactis societatem, qua suos sustentat; nec panem, quo ipsum corpus suum representat, etiam in sacramentis propriis egens mendacitatibus creatoris. At tu *super magistrum discipulus*, servus super dominum, sublimius illo sapis, destruere quæ ille desiderat. Volo inspicere, si ex fide; false ut non & ipse, quæ destruis, appetas. Adversus cælo, & libertatem cæli in habitationibus captivum. Despicias terram plane inimicæ jam tuæ carnis materiem; & omnes medullas ejus victui extorques? Improbas & mare, sed usque ad copias ejus, quas ætiores cibum deputas. Rosam tibi si obtuleris non fastidies creatorem. Hypocrita, muta apertere si probes te Marcionitam, id est repudiatorem creatoris; nam hæc apud vos pro martyrio affectum debuisse, si vobis mundus displiceret. In quamque materiam resolveris, substantia creatoris utitur. Quanta obstinatio duritiæ tuæ! Deprecias, in quibus & vivis & moreris.

15. Post hæc, vel ante hæc, cum dixeris, & illi conditionem suam, & suum mundum, & suum cælum: de cælo quidem illo tertio videbimus, si ad *Apostolum vestrum* discutiendum pervenerimus. Interim quæcunque substantia est, cum suo utique Deo apparuisse debuerat. At nunc quale est, ut dominus a. XII Tiberii Cæsaris revelatus sit, substantia vero ad XV jam Severi imperatoris nulla omnino computata sit, quæ frivolis creatoris præcellens, utique latere defisset, non latente jam domino suo & autore. Et ideo si ipsa non potuit manifestari in hoc mundo, quomodo dominus paruit ejus, in hoc mundo? Si dominum cepit hic mundus, cur substantiam capere non potuit, nisi domino fortasse majorem? Jam  
nunc

nunc de loco quæstio est, pertinens & ad mundum illum superiorem, & ad ipsum Deum ejus. Ecce enim si & ille habet mundum suum, infra se, super creatorem, in loco utique fecit eum, cujus spatium vacabat inter pedes suos & caput creatoris. Ergo & Deus ipse in loco erat, & mundum in loco faciebat. Et erit jam locus ille major, & Deo & mundo. Nichil enim non majus est id, quod capit, eo quod capitur. Et videndum, ne qua adhuc illic vacent subficiva, in quibus & tertius aliquis stipare Deus se cum mundo suo possit. Ergo jam incipe Deos computare. Erit enim & locus Deus, non tantum qua Deo major, sed & qua innatus & infectus, ac per hoc æternus, & Deo par, in quo semper Deus fuerit. Dehinc, si & ille mundum ex aliqua materia subjacente molitus est, innata & infecta & contemporali Deo, quemadmodum de creatore Marcion sentit, redigis & hoc ad majestatem loci, qui & Deum & materiam, duos Deos, clusit. Et materia enim Deus, secundum formam divinitatis innata scilicet & infecta, & æterna. Aut si de nihilo molitus est mundum, hoc & de creatore sentire cogetur, cui materiam subjicit in substantia mundi. Sed ex materia & ille fecisse debet, eadem ratione occurrente illi quoque Deo, quæ opponeretur creatori, ut æque Deo. Atque ita tres interim mihi Deos numera Marcionis, factorem, & Locum, & Materiam. Proinde & creatorem in loco facit, utique eadem conditione censendo, & materiam ei subjicit, utique innatam & infectam, & hoc nomine æternam, ut domino. Amplius, & Malum materiæ deputans, innatum innatæ, infectum infectæ, & æternum æternæ, quartum jam hinc Deum fecit. Habes igitur in superioribus tres substantias divinitatis, in inferioribus quatuor. His cum accedunt & sui CHRISTI, alter qui apparuit sub Tiberio, alter qui a crea-

tore promittitur, manifestam jam fraudem Marcion patitur ab eis, qui duos illum Deos inferre præsumunt, cum novem assignet licet nesciens.

16. Non comparante igitur mundo alio, sicut nec Deo ejus, consequens est, ut duas species rerum, visibilia & invisibilia duobus autoribus Deis dividant, & ita suo Deo invisibilia defendant. Quis autem poterit inducere in animum, nisi spiritus hæreticus, ejus esse invisibilia, qui nihil visibile præmiserit, quam ejus, qui visibilia operatus, invisibilium quoque fidem fecerit: cum justius multo sit, aliquibus exemplariis annuere, quam nullis? Videbimus & Apostolus cui autori invisibilia deputet, cum & illum exploraverimus. Nunc enim communibus plurimum sensibus, & argumentationibus justis, secutura scripturarum quoque advocationi fidem sternimus, confirmantes diversitatem hanc visibilium & invisibilium adeo creatori deputandam, sicuti tota operatio ejus ex diversitatibus constat, ex corporalibus & incorporalibus, ex animalibus & inanimalibus, ex vocalibus & mutis, ex mobilibus & stativis, ex genitalibus & sterilibus, ex aridis & succidis, ex calidis & frigidis. Sic & hominem ipsum diversitas temperavit, tam in corpore quam in sensu. Alia membra fortia, alia infirma: alia honesta, alia inhonesta: alia gemina, alia unica: alia comparia, alia disparia. Proinde & in sensu nunc lætitia, nunc anxietas: nunc amor, nunc odium: nunc ira, nunc lenitas. Quod si ita est, ut æmula inter se conditionis universitas ista modulata sit, jam igitur & visibilibus invisibilia debentur, non alteri autori deputanda, quam cui & æmula eorum, ipsum creatorem diversum notantia, jubentem, quæ prohibuit, & prohibentem, quæ jussit; percutientem & sanantem. Cur in hac sola specie uniformem eum capiunt, visibilium solummodo conditorem, quem proinde credendum sit, & visibilia

billā & invisibilia condidisse, quemadmodum & vitam & mortem, & mala & pacem? Et utique, si illa invisibilia majora sunt visibilibus creaturis suo loco magnis, sic quoque congruit ejus esse majora, cujus & magnā, quia nec magna nedum majora ei compellant, cujus nec modica comparent.

17 His compressi, erumpunt dicere: *Sufficit unicuique hoc opus Deo nostro, quod hominem liberavit summa & precipua bonitate sua*, & omnibus locustis anteponenda. O Deum majorem! cujus tam magnum opus non potuit inveniri, quam in homine Dei minoris. Enimvero prius est, ut probes eum esse, per quæ Deum probari oportet, per opera, tunc deinde, per beneficia. Primo enim quæritur an sit, & ita, qualis sit. Alterum de operibus, alterum de beneficiis Dei dinoscitur. Cæterum non quia liberasse dicitur hominem, ideo esse eum constat; sed si esse constiterit, tunc & liberasse dicitur, ut & an liberaverit constet, quia potuerit & esse, & non liberasse. Quomodo ergo quia liberasse dicitur, etiam esse credetur, cum potuerit & esse, & non liberasse? nunc in isto articulo, ab ignoti Dei quæstione deducta, satis constitit, tam nihil illum condidisse, quam debuisse condidisse, uti cognosceretur ex operibus, quia si fuisset, cognosci debuisset, & utique a primordio rerum; Deum enim non decuisse latuisse. Regrediar, necesse est, ad originem quæstionis Dei ignoti, ut cæteros quoque ramulos ejus excutiam. Primo enim quæri oportebit, qui postea se protulerit in notitiam, cur postea, & non a primordio rerum? quibus utique necessarius, qua Deus, & quidem melior, quo necessarius, latere non debuit. Non enim potest dici, non fuisse aut materiam aut causam cognoscendi Deum, cum & homo a primordio esset in seculo, cui nunc subvenit; & malicia creatoris, adversus quam, ut bonus, subvenit. Igitur aut ignoravit & causam

causam & materiam suæ revelationis necessariæ; aut dubitavit, aut non potuit, aut noluit. Omnia hæc Deo indigna, maxime optimo. Sed & hunc locum alibi implebimus exprobratione feræ revelationis, sicut nunc sola demonstratione.

18. Procefferit age jam in notitiam quando voluit, quando potuit, quando hora fatalis advenit: fortasse enim Anabibazon ei obstabat, aut aliquæ maleficæ, aut *Saturnus quadratus*, aut *Mars trigonus*. Nam & *Mathematici* plurimum Marcionitæ, nec hoc erubescences, de ipsis etiam stellis vivere creatoris. Tractandum & hic de revelationis qualitate, an digne cognitus sit, ut constet an vere, & ita credatur esse, quem digne constiterit revelatum. Digna enim Deo, probabunt Deum. Nos definimus Deum primo natura cognoscendum, deinde doctrina recognoscendum. Natura, ex operibus, doctrina, ex prædicationibus. Sed cui nulla natura est, naturalia instrumenta non suppetunt. Ergo vel prædicationibus revelationem sui debuerat operari, maxime adversus eum revelandus, qui & conditionis & prædicationis operibus tot ac tantis, vix tamen, hominem fide impleverat. Quomodo itaque revelatus est, si per humanam conjecturam negas Deum alias cognosci posse, quam per semetipsum: nec tantum ad formam provocans creatoris, verum & ad conditionem, tam divinæ magnitudinis quam humanæ mediocritatis: ne major Deo homo videri possit, qui eum non ultro volentem cognosci, suis viribus quodammodo in publicum agnitionis extraxerit: cum humana mediocritas facilius Deos fingere sibi norit, secundum totius ævi experimenta, quam verum sectari, quem natura jam intelligunt. Alioquin, si hic homo Deum commentabitur, quomodo Romulus *Consum* & Tatius *Cloacina*, & Hostilius *Pavorem*, & Metellus *Alburnum*, & quidam ante hoc tempus *Antinoum*, hoc aliis licebit:

cebit: nos Marcionem nauclerum novimus, non regem nec imperatorem.

19. Imo, *inquiunt Marcionitæ*, Deus noster, etsi non ab initio, etsi non per conditionem, sed per semetipsum, revelatus est in CHRISTO JESU. Dabitur, & in CHRISTUM, liber de omni statu ejus. Distingui enim materias oportet, quo plenius & ordinatius retractentur. Interim satis erit, ad præsentem gradum ita occurrere, ut ostendam, CHRISTUM JESUM non alterius Dei circumlatorem, quam creatoris. Et quidem paucis. Anno XV Tiberii CHRISTUS JESUS de cœlo manare dignatus est, spiritus salutaris; Marcionis salutis, qui ita voluit; Quoto quidem anno Antonini Majoris, de Ponto suo exhalaverit aura canicularis, non curavi investigare; de quo tamen constat, Antoninianus hæreticus est, sub Pio impius. A Tiberio autem usque ad Antoninum anni fere CXV & dimidium anni, cum dimidio mensis: tantumdem temporis ponunt inter CHRISTUM & Marcionem. Cum igitur sub Antonino primus Marcion hunc Deum induxerit, sicut probavimus, statim, qui sapis, plana res est; præjudicant tempora, quod sub Antonino primum processit, sub Tiberio non processisse, id est Deum Antonini, imperii Tiberiani non fuisse: atque ita non a CHRISTO revelatum, quem constat a Marcione primo prædicatum. Hoc nunc ut probem constare, quod superest, ab ipsis adversariis fumam. Separatio legis & evangelii, proprium & *principale opus est Marcionis*: nec poterunt negare discipuli ejus, quod in summo instrumento habent, quo denique initiantur & indicantur in hanc hæresin. Nam hæ sunt *Antitheses Marcionis*, id est contrariæ oppositiones, quæ conantur discordiam cum lege committere, ut ex diversitate sententiarum utriusque instrumenti, diversitatem quoque argumententur Deorum. Igitur cum

ea separatio legis & Evangelii ipsa sit, quæ alium Deum Evangelii insinuaverit, adversus Deum legis, apparet, ante eam separationem Deum in notitia non fuisse, qui ab argumento separationis innotuit; atque ita non a CHRISTO revelatum, qui fuit ante separationem, sed a Marcione commentatum, qui instituit separationem adversus Evangelii legisque pacem, quam retro illæsam & inconcussam, ab apparentia CHRISTI usque ad audaciam Marcionis, illa utique ratio servavit, quæ non alium Deum & legis & Evangelii tuebatur, præter creatorem, adversus quem tanto post tempore separatio a Pontico immissa est.

20. Huic expeditissimæ probationi defensio quoque a nobis necessaria est, aduersus obstreperitacula diversæ partis. Ajunt enim, Marcionem non tam innovasse regulam, separatione legis & Evangelii, quam retro adulteratam recurasse. O CHRISTE, patientissime domine, qui tot annis interversionem prædicationis tuæ sustinuisi, donec tibi Marcion subveniret! Nam & ipsum Petrum cæterosque, columnas Apostolatus, a Paulo reprehensos, opponunt, quod non recto pede incederent ad Evangelii veritatem, ab illo certe Paulo, qui adhuc in gratia rudis, trepidans denique, ne in vacuum cucurrisset aut curreret, tunc primum cum antecessoribus Apostolis conferebat. Igitur si ferventer adhuc, ut Neophytus, adversus Judæismum aliquid in conversatione reprehendendum existimavit, passivum scilicet convictum, *postmodum & ipse usu omnibus omnia futurus*, ut omnes lucraretur, Judæis quasi Judæus, & eis qui sub lege tanquam in lege: tu illam solius conversationis, placituræ postea accusatori suo reprehensionem, suspectam vis haberi etiam de prædicationis erga Deum prævaricatione? Atquin de prædicationis unitate, quod supra legimus, dexteras junxerant, & ipsa officii distributione de Evangelii societate condixerant: sicut & alibi, Sive ego, inquit,



quit, five illi, sic prædicamus. Sed & si quosdam *falsos fratres irrepsisse* descripsit, qui vellent Galatas *ad aliud Evangelium transferre*, ipse demonstrat, adulterium illud Evangelii non ad alterius Dei & CHRISTI fidem transferendam, sed ad disciplinam legis conservandam habuisse intentionem; deprehendens scilicet illos circumcisionem vindicantes & observantes tempora, & dies, & menses, & annos Judaicarum cærimoniarum, quas jam exclusas agnovisse debuerant, secundum innovatam dispositionem creatoris, olim de hoc prædicantis per prophetas suos, ut per Esaiam: *Vetera transferunt*, inquit, *ecce nova, quæ ego nunc facio*. Et alibi: *Et disponam testamentum, non quale disposui ad patres vestros, cum illos eduxissem de terra Aegypti*. Sic & per Hieremiam: *Renovate vobis novamen novum, & circumcidimini Deo vestro, & circumcidimini præputia cordis vestri*. Hanc ergo circumcisionem jam sistens Apostolus, & hoc novamen, illas quoque vetustates cærimoniarum dissuadebat, de quibus idem conditor earum quandoque cessaturis profitebatur, per Osee: *Et avertam omnes jucunditates ejus, & dies festos ejus, & Neomenias, & sabbata, & omnes cærimonias ejus*. Sic enim per Esaiam: *Neomenias vestras & sabbata & diem magnum non sustineo, ferias & jejunium, & dies festos vestros, edit anima mea*. Quodsi & creator omnia, hæc jam pridem recusaverat, & Apostolus ea jam recusanda pronunciabat, ipsa Apostoli sententia consentanea decretis creatoris, probat non alium Deum ab Apostolo prædicatum, quam quos decreta cupiebat jam agnosci; falsos & apostolos & fratres notans in hac causa, qui Evangelium CHRISTI creatoris transferrent, a novitate prænunciata a creatore, ad vetustatem, recusatam a creatore.

21. Cæterum, si qua novum Deum prædicans, veteris Dei legem cupiebat excludere, quare de Deo quidem novo nihil præscribit, sed de vetere lege solummodo,

lummōdo, nisi quoniam fide manente in creatorem, sola lex ejus concessare debebat? ut & *Psalmus* ille præcinuerat: *Disrumpamus vincula a nobis eorum, & abjiciamus eorum jugum a nobis: Ex quo scilicet tumultuata sunt gentes, & populi meditati sunt inania. Astiterunt reges terræ & magistratus circumvenerunt in unum, adversus dominum & adversus CHRISTUM ejus.* Et utique, si alius Deus prædicaretur a Paulo, nulla disceptatio esset, servandæ legis, nec ne; non pertinentis scilicet ad dominum novum, & æmulum legis. Ipsa enim Dei novitas atque diversitas abstulisset non modo quæstionem veteris & alienæ legis, verum omnem ejus mentionem. Sed hic erat totus status quæstionis, quod cum idem Deus legis in CHRISTO prædicaretur, legi ejus derogaretur. Stabat igitur fides semper in creatore & CHRISTO ejus, sed conversatio & disciplina nutabat. Nam & alii de idolothyto edendo, alii de mulierum velamento, alii de nuptiis vel repudiis, nonnulli & de spe resurrectionis disceptabant; de Deo nemo. Nam fuisset hæc quoque quæstio disceptata, & ipsa apud Apostolum inveniretur, vel quanto principalis. Quod si post Apostolorum tempora adulterium veritas passa est circa Dei regulam, ergo jam *Apostolica traditio* nihil passa est in tempore suo circa Dei regulam. Et non alia agnoscenda erit traditio Apostolorum, quam quæ hodie apud ipsorum ecclesias editur. Nullam autem *Apostolici census ecclesiam* invenias, quæ non in creatore christianæ sit. Aut si hæ erunt a primordio corruptæ, quæ erunt integræ? nimirum adversariæ creatoris? Exhibe ergo aliquam ex tuis Apostolici census, & obduxeris. Igitur, cum omnibus modis constet, alium Deum in regula sacramenti istius non fuisse a CHRISTO usque ad Marcionem, quam creatorem, satis jam & probatio nostra munita est, qua ostendimus notitiam Dei hæretici ex Evangelii & legis separatione

paratione cepisse, & definitio superior instructa est, non esse credendum Deum, quem homo de suis sensibus composuerit, nisi plane *προφητεας*, id est non de suis sensibus. Quod si Marcion poterit dici, debet etiam probari. Nihil retractare oportebat. Hoc enim cuneo veritatis omnis extruditur hæresis, cum CHRISTUS non alterius Dei quam creatoris circumlator ostenditur.

22. Sed quomodo funditus evertetur Antichristus, nisi cæteris quoque injectionibus ejus elidendis locus detur, relaxata præscriptionum defensione? Accedamus igitur jam hinc ad ipsam Dei personam, vel potius umbram & phantasma, secundum CHRISTUM ipsius; per idque examinetur, per quod creatori præfertur. Et utique erunt regulæ certæ ad examinandam Dei bonitatem. Sed prius est, ut inveniam illam & apprehendam, & ita ad regulas perducam. Cum enim circumspicio tempora, nunquam est a primordio materiarum, & in introitu causarum, cum quibus debuerat inveniri, exinde agens, quæ agi habuit. Erat enim jam mors, & aculeus mortis *delictum*, & ipsa malitia creatoris, adversus quam subvenire deberet alterius Dei bonitas, primæ huic regulæ divinæ bonitatis occurrens, si se naturalem probaret, statim succurrens, ut causa cœpit. Omnia enim in Deo *naturalia* & ingenta esse debebunt, ut sint æterna, secundum statum ipsius; ne obvenientia & extranea reputentur, ac per hoc temporalia & æternitatis aliena; ita & bonitas perennis & jugis exigitur in Deo, quæ in thesauris naturalium proprietatum reposita & parata, antecederet causas & materias suas, & primam quamque susciperet, non despiceret & destitueret, si antecederat. Denique & hic non minus quæram, cur non a primordio operata sit bonitas ejus, quam de ipso quæsimus, cur non a primordio sit revelatus? Quid ni? Qui per bonitatem

nitatem revelari haberet, si qui fuisset. Non posse quid, Deo non licet, nedum naturalibus suis fungi: quæ si continentur, quo minus currant, naturalia non erunt. Et otium enim sui natura non novit. Hinc censetur, si agatur. Sic nec noluisse videbitur exercere bonitatem interim naturæ nomine. Natura enim se non potest nolle, quæ se ita dirigit, ut si cessaverit, non sit. Sed cessavit aliquando in Deo Marcionis de opere bonitas. Ergo non fuit naturalis bonitas, quæ potuit aliquando cessasse, quod naturalibus non licet. Et si non erit naturalis, jam nec æterna credenda, nec Deo par, quia non æterna, dum non naturalis: quæ denique nullam sui perpetuitatem aut de præterito constituat, aut de futuro repromittat. Nam & a primordio non fuit, & in finem, sine dubio, non erit. Potest enim & non esse quandoque, sicut non fuit aliquando. Igitur cum constet, in primordio cessasse bonitatem Dei illius, non enim a primordio liberavit hominem, & voluntate potius eam, quam infirmitate cessasse; jam voluntas suppressæ bonitatis finis invenietur malignitatis. Quid enim tam malignum, quam nolle prodesse, cum possis? quam utilitate cruciari, quam injuriam finire: totum denique creatoris elogium in illum rescribetur, qui sævitias ejus bonitatis suæ mora juvit. Nam in cujus manu est quid, ne fiat, ejus jam deputatur, cum jam fit. Homo damnatur in mortem, ob unius arbusculæ delibationem, & exinde profiliunt delicta cum pœnis, & pereunt jam omnes, qui paradisi nullum cespitem norunt. Et hoc melior aliqui Deus aut nescit aut sustinet? Si, ut ex hoc melior inveniretur, quanto creator deterior haberetur, fatis & in isto consilio malitiosus, qui & illum voluit pneratum operationibus ejus admittis, seculum in vexatione detinuit. Quid de tali medico judicabis qui nutriat morbum mora præsidii, & periculum extendat.

tendat dilatione remedii, quo preciosius aut famosius curet? Talis & in Deum Marcionis dicenda sententia est, mali permissorem. injuriæ fautorem, gratiæ lenocinatorem, benignitatis prævaricatorem, quam non statim causæ suæ exhibuit, plane, si natura bonus, exhibiturus, & non accessione; si ingenio optimus, & non disciplina; si ab ævo Deus, & non a Tiberio, imo (quod verius) a Cerdone & Marcione. Tiberio nunc Deus ille præstiterit, ut imperio ejus divīna bonitas in terris dedicaretur.

23. Aliam illi regulam prætendo, sicut naturalia, ita rationalia esse in Deo omnia. Exigo rationem bonitatis: quia nec aliud quid bonum haberi liceat, quod non rationaliter bonum sit, nedum ut ipsa bonitas irrationalis deprehendatur. Facilius malum, cui rationis aliquid affuerit. pro bono habebitur, quam ut bonum ratione desertum non pro malo judicetur. Nego rationalem bonitatem Dei Marcionis, jam hoc primo, quod in salutem processerit hominis alieni. Scio dicturos, atquin hanc esse principalem & perfectam bonitatem, cum sine ullo debito familiaritatis in extraneos voluntaria & libera effunditur, secundum quam inimicos quoque nostros, & hoc nomine jam extraneos, diligere jubeamur. Cum ergo non a primordio hominem respexit, a primordio extraneum, cessando præjudicavit, cum extraneo nihil sibi esse. Cæterum disciplinam diligendi extraneum vel inimicum, antecessit præceptum diligendi proximum tanquam teipsum. Quod etsi ex lege *creatoris*, & tu quoque illud excipere debebis, ut a CHRISTO non destructum, sed potius extructum. Nam quo magis proximum diligas, diligere juberis inimicum & extraneum. Exaggeratio est debitæ bonitatis, exactio indebitæ. Antecedit autem debita indebitam, ut principalis, ut dignior ministra & comite sua, id est indebita. Prior igitur cum prima bonitatis ratio sit, in rem suam exhiberi ex justitia; se-

cunda autem, in alienam, ex redundantia justitiæ super Scribarum & Phariseorum, quale est secundam ei rationem referri, cui deficit prima, non habentis proprium hominem, ac per hoc quoque exigua? Porro exigua, quæ suum non habuit, quomodo in alienum redundavit? Exhibe re principalem rationem, & tunc vindica sequentem. Nulla res sine ordine rationalis potest vindicari, tanto abest, ut ratio ipsa in aliquo ordinem amittat. Sit nunc & a secundo gradu incipiens ratio bonitatis, in extraneum scilicet: nec secundus illi gradus ratione constabit alio modo destructus. Tunc enim rationalis habebitur vel secunda in extraneum bonitas, si sine injuria ejus operetur, cujus est res. Quamcunque bonitatem justitia prima efficit rationalem. Sic & in principali gradu rationalis erit, cum in rem suam exhibetur, si justa sit. Sic & in extraneum rationalis videri poterit, si non sit injusta. Cæterum qualis bonitas, quæ per injuriam constat, & quidem pro extraneo? fortasse enim pro domestico aliquatenus rationalis habeatur bonitas injuriosa. Pro extraneo vero, cui nec proba legitime deberetur, qua ratione tam injusta rationalis defendetur? Quid enim injustius, quid iniquius & improbius, quam ita alieno benefacere servo, ut domino eripiat, ut alii vindicetur, ut adversus caput domini subornetur? Et quidem, quod indignius, in ipsa adhuc domo domini, de ipsius adhuc horreis vivens, sub ipsius adhuc plagis tremens? Talis assertor etiam damnaretur in seculo, nedum plagiator. Non aliter Deus Marcionis inrumpens in alienum mundum, eripiens Deo hominem, patri filium, educatori alumnum, domino famulum, ut eum efficiat Deo impium, patri irreligiosum, educatori ingratum, domino nequam. Oro te, si rationalis bonitas talem facit, qualem faceret irrationalis? Non putem impudentior rem, quam qui in aliena aqua alii Deo tinguitur, ad  
alienum

alienum cœlum alii Deo expanditur, in aliena terra alii Deo sternitur, super alienum panem alii Deo gratiarum actionibus fungitur, de alienis bonis, ob alium Deum nomine eleemosynæ & dilectionis, operatur. Quis iste Deus tam bonus, ut homo ab illo malus fiat, tam propitius, ut alium illi Deum & dominum quidem faciat iratum?

24. Sed Deus sicut æternus & rationalis, ita opinor & perfectus in omnibus. *Eritis enim perfecti quemadmodum pater vester, qui in cœlis est.* Exhibe perfectam quoque bonitatem ejus. Et si de imperfecta satis constat, quæ neque naturalis invenitur, neque rationalis: nunc & alio ordine traducetur, nec jam imperfecta, imo & defecta, exigua & exhausta, minor numero materiarum suarum, quæ non in omnibus exhibetur. Non enim omnes salvi fiunt, sed pauciores omnibus & Judæis & Christianis creatoris. Pluribus vero pereuntibus, quomodo perfecta defenditur bonitas, ex majore parte cessatrix, paucis aliqua, pluribus nulla, cedens perditioni, partiaria exitii? Quod si plures salvi non erunt, erit jam non bonitas, sed malitia perfectior. Sicut enim bonitatis operatio est, quæ facit salvos, ita malignitatis, quæ non facit salvos. Magis autem non faciens salvos, (dum paucos facit,) perfectior erit in non juvando, quam juvando. Non poteris & in creatorem referre bonitatem, in omnes defectionem? Quem enim judicem tenes, dispensatorem si forte bonitatis ostendis intelligendum, non profusorem, quod tuo vindicas, usque adeo hac sola eum præfers bonitate creatori, quam si solam profitetur & totam, nulli deesse debuerat. Sed nolo jam de parte majore pereuntium imperfectum bonitatis arguere Deum Marcionis: sufficit, ipsos, quos salvos facit, imperfectæ salutis inventos imperfectam bonitatem ejus ostendere: scilicet animatenus salvos, carne deperditos, quæ

apud illum non refurgit. Unde hæc dimidiatio salutis, nisi ex defectione bonitatis? Quid erat perfectæ bonitatis, quam totum hominem redigere in salutem? Totum damnatum a creatore, totum a Deo optimo allectum? Quod si jam & caro tinguitur apud illum, & caro de nuptiis tollitur, & caro confessione nominis desævitur; sed & si carni delicta reputantur: præcedit animæ reatus, & culpæ principatus animæ potius adscribendus, cui caro ministri nomine occurrit. Carens denique anima caro hætenus peccat. Ita & in hoc injusta bonitas, & sic quoque imperfecta, innocentiorē substantiam relinquens in exitium obsequio, non arbitrio delinquentem: cujus CHRISTUS etsi non induit veritatem, ut tuæ hæresi visum est, imaginem tamen ejus subire dignatus est. Ipsum quod mentitus est illam, aliquid ei debuit debuisse. Quid est autem homo aliud quam caro? Siquidem nomen hominis, materia corporalis, non animalis, ab autore sortita est. *Et fecit hominem Deus*, inquit, *limum de terra*, non animam; anima enim de afflatu. *Et factus est homo in animam vivam*. Quis? utique qui de limo. *Et posuit Deus hominem in paradiso*; quod finxit, non quod flavit. Qui caro nunc, non qui anima. Itaque, si ita est, quo ore contendes perfectum bonitatis titulum, quæ non jam a partitione speciali hominis liberandi defecit, sed a proprietate generali? Si plena est gratia, & solida misericordia, quæ soli animæ salutaris est, plus præstat hæc vita, qua toti & integri fruimur. Cæterum ex parte resurgere, multari erit, non liberari. Erat & illud perfectæ bonitatis, ut homo liberatus in fidem Dei optimi, statim eximeretur de domicilio atque dominatu Dei sævi. At nunc & febricitas o Marcionita, & cæteros tribulos & spinas dolor carnis tuæ tibi edit, nec fulminibus tantum, aut bellis, & pestibus, aliisque plagis creatoris, sed



& scorpiis ejus objectus. In quo te putas liberatum de regno ejus cujus te muscæ adhuc calcant? Si de futuro erutus es, cur non & de præsentī, ut perfecte sis? Alia est nostra conditio, apud autorem, apud judicem, apud offensum principem generis. Tu tantummodo bonum Deum præfers; non potes autem perfecte bonum ostendere, a quo non perfecte liberaris.

25. Quod attinet ad bonitatis quæstionem, his lineis deduximus eam minime Deo adæquari, ut neque ingenitam, neque rationalem, neque perfectam; sed & improbam & injustam, & ipso jam bonitatis nomine indignam; quod scilicet in quantum Deo congruat, in tantum Deum non esse conveniat, qui de tali bonitate etiam præferatur, nec de tali modo, verum & sola. Jam enim & hoc discuti par est, an Deus de sola bonitate censendus sit, negatis cæteris appendicibus, sensibus & affectibus, quos Marcionitæ quidem a Deo suo abigunt in creatorem, nos vero & agnoscimus in creatore, ut Deo dignos. Et ex hoc quoque negabimus Deum, in quo non omnia, quæ Deo digna sint, consent. Si aliquem de *Epicuri* schola Deum affectavit CHRISTI nomine titolare, ut quod beatum & incorruptibile sit, neque sibi neque alii molestias præstet, hanc enim sententiam ruminans Marcion, removit ab illo severitates & judiciarias vires, aut in totum immobilem & stupentem Deum concepisse debuerat; et quid illi cum CHRISTO, molesto & Judæis per doctrinam, & sibi per sensum? aut & de cæteris motibus cum agnovisse; et quid illi cum Epicuro, nec sibi nec Christianis necessario? Ecce enim hoc ipso, quod retro quietus, qui nec notitiam sui aliquo interim opere curaverit, post tantum ævi senserit in hominis salutem, utique per voluntatem, nonne concussibilis tunc fuit novæ voluntatī, ut & cæteris motibus videatur obnoxius? Quæ autem voluntas sine concupiscentiæ stimulo est? Sed & cura abcedet vo-

luntati. Quis enim vult quid, & concupiscet, & non curavit? Igitur cum & voluit, & concupiit in hominis salutem, jam & sibi & aliis negotium fecit, Epicuro nolente, consiliario Marcione. Nam & adversarium sibi constituit, ipsum illud, adversus quod & voluit & concupiit & curavit, sive delictum, sive mortem; imprimis ipsum arbitrum eorum, & dominum, hominis creatorem. Porro nihil sine æmulatione decurreret, quod sine adversario non erit. Denique volens & concupiscens, & curans hominem liberare, hoc ipso jam æmulatur, & eum a quo liberat, adversus eum scilicet sibi liberaturus, & ea de quibus liberat, in alia liberaturus. Proinde enim æmulationi occurrant necesse est officiales suæ in ea quæ æmulatur, ira, discordia, odium, dedignatio, indignatio. bilis, nolentia, offensa. Hæc omnia si æmulationi assistunt, æmulationi autem liberando homini. procurat, liberatio autem hominis operatio bonitatis est, non poterit ea bonitas sine suis dotibus, id est sine sensibus & affectibus, per quos administratur, adversus creatorem, ne sic quoque irrationalis præscribatur, si careat & sensibus & affectibus debitis. Hæc multo plenius defendemus in causa creatoris, in qua & exprobrantur.

26. At hic sufficit perversissimum Deum ostendi in ipso præconio solitariae bonitatis, qua nolunt ei adscribere ejusmodi motus animi, quos in creatore reprehendunt. Si enim neque æmulatur, neque irascitur, neque damnat, neque vexat, utpote qui nec judicem præstat, non invenio, quomodo illi disciplinarum ratio consistat, & quidem plenior. Quale est enim, ut præcepta constituat, non exsecuturus? ut delicta probibeat, non vindicaturus? quia non judicaturus, extraneus scilicet ab omnibus sensibus severitatis & animadversionis. Cur enim prohibet admitti, quod non defendit admissum? cum multo rectius non prohibuisset, quod defensurus non esset, quam

quam ut non defenderet, quod prohibuisset: imo & permisisse directo debuit, sine causa prohibiturus, non ut defensus. Nam & nunc tacite permillum est, quod sine ultione prohibetur: et utique non aliud prohibet admitti, quam quod non amat fieri. Stupidissimus ergo, qui non offenditur facto, quod non amat fieri, quando offensa comes sit frustratæ voluntatis. Aut si offenditur, debet irasci: si irascitur, debet ulcisci. Nam & ultio fructus est iræ, & ira debitum offensæ, & offensa, ut dixi, comes frustratæ voluntatis. Sed non ulciscitur; ergo nec offenditur. Sed non offenditur; ergo nec læditur voluntas ejus, cum sit, quod fieri noluit & sit jam delictum secundum voluntatem ejus, quia non fit adversus voluntatem, quod non lædit voluntatem. Aut si hoc erit divinæ virtutis sive bonitatis, nolle quidem fieri, & prohibere fieri, non moveri tamen, si fiat, dicimus, jam motum esse illum, qui noluit; ut vane non moveri ad factum, qui motus sit ad non faciendum, quando noluit fieri. Nolendo enim, prohibuit: non enim & judicavit, nolendo fieri, & idcirco, prohibendo? Non faciendum enim judicavit, & prohibendum pronunciavit. Ergo & ille jam judicat; si indignum est, Deum judicare, aut si eatenus dignum est Deum judicare, qua tantummodo nolit & prohibeat, non etiam defendat admissum: atqui nihil Deo tam indignum, quam non exsequi, quod noluit & prohibuit admitti. Primo, quod qualicunque sententiæ suæ & legi debeat vindictam in auctoritatem & obsequii necessitatem. Secundo, quia æmulum sit necesse est, quod noluit admitti, & nolendo prohibuit; malo autem parcere Deum indignius sit, quam animadvertere; et quidem Deo optimo, qui non alias plene bonus sit, nisi mali æmulus, uti boni amore et

odio mali exerceat : ut boni tutelam expugnatione mali impleat.

27. Sed iudicat plane malum nolendo, & damnat prohibendo : dimittit autem non vindicando, & absolvit non puniendo. O Deum veritatis prævaricatorem! sententiæ suæ circumscriptorem! timet damnare, quod damnat, timet odisse, quod non amat, factum finit, quod fieri non finit; mavult ostendere quid nolit, quam probare. Hoc erit bonitas imaginaria, disciplina, phantasma, & ipsa transfunctoria præcepta; secura delicta. Audite peccatores, quique nondum hoc estis, ut esse possitis! Deus melior inventus est, qui nec offenditur, nec irascitur, nec ulciscitur, cui nullus ignis coquitur in gehenna, cui nullus dentium frendor horret in exterioribus tenebris; bonus tantum est. Denique prohibet delinquere, sed literis solis. In vobis est, si velitis illi obsequium subsignare, ut honorem Deo habuisse videamini: timorem enim non vult. Atque adeo præ se ferunt Marcionitæ, quod Deum suum omnino non timeant: malus autem, inquiunt, timebitur, bonus autem diligetur. Stulte, quem dominum appellas, negas timendum? cum hoc nomen potestatis sit etiam timendæ? At quomodo diliges, nisi timeas non diligere? Plane nec pater tuus est, in quem competat & amor propter pietatem, & timor propter potestatem: nec legitimus dominus, ut diligas propter humanitatem, & timeas propter disciplinam. Sic denique plagiarii diliguntur, non etiam timentur. Non enim timebitur, nisi iusta & ordinaria dominatio: diligere autem potest etiam adultera. Solicitatione enim constat, non autoritate: & adulatione, non potestate. Quid denique adulantius, quam delicta non exsequi? Age itaque, qui Deum non times quasi bonum, quid non in omnem libidinem ebullis; summum, quod sciam, fructum vitæ omni-

omnibus, qui Deum non timent? Quid non frequentas tam solemnes voluptates circi furentis, & cavæ sævientis, & scenæ lascivientis? Quid non & in persecutionibus statim oblata acerra animam negatione lucraris? Absit, inquis, absit. Ergo jam times delictum, & timendo probasti illum timeri, qui prohibet delictum! Aliud est, si eadem Dei tui perversitate, quem non times, observas, qua & ille, quod non vindicat, prohibet. Multo adhuc vanius, cum interrogati quid fiet peccatori cuique die illorum, respondent, abjici illum quasi ab oculis. Nonne & hoc iudicio agitur? judicatur enim abjiciendus & utique iudicio damnationis: nisi si in salutem abjiciatur peccator, ut & hoc Deo optimo competat. Et quid erit abjici, nisi amittere id, quod erat consecuturus, si non abjiceretur, id est salutem? Ergo salutis in detrimentum abjicietur: & hoc decerni non poterit nisi ab irato, & offenso, & exsecutore delicti, id est iudice.

28. Exitus autem illi abjecto quis? ab igne, inquiunt, creatoris deprehendetur. Adeone nullum habet elementum, vel in hanc causam provisum, quo peccatores suos vel sine sævitia releget, ne illos dedat creatori? Quid tunc creator? Credo sulphuratiorem eis gehennam præparavit, ut blasphemis suis scilicet: nisi quod Deus zelotes fortasse an desertoribus adversarii sui parcat? O Deum usquequaque perversum, ubique irrationalem, in omnibus vanum, atque ita neminem! Cujus non statum, non conditionem, non naturam, non ullum ordinem video consistere, jam nec ipsum fidei ejus sacramentum. Cui enim rei baptisma quoque apud eum exigitur, si remissio delictorum est? Quomodo videbitur delicta dimittere, qui non videbitur retinere? Quia retineret, si judicaret. Si absolutio mortis est, quomodo absol-  
veret

veret a morte, qui non devinxit ad mortem? devinxisset enim, si a primordio damnasset. Si regeneratio est hominis, quomodo regenerat, qui non generavit? Iteratio enim non competit ei, a quo quid nec semel factum est. Si consecutio est spiritus sancti, quomodo spiritum attribuet, qui animam non prius contulit? quia fuffectura est quodammodo spiritus anima. Signat igitur hominem, nunquam apud se resignatum: lavat hominem, nunquam apud se coinquinatum: & in hoc totum salutis sacramentum, carnem mergit exsortem salutis? Nec rusticus terram rigabit fructum non relaturam, nisi tam vanus, ut Deus Marcionis proinde, cum tantam, sive farcinam sive gloriam, infirmissimæ aut indignissimæ carni imponit sanctitatem. Quid dicam autem de disciplinæ vanitate, qua sanctificat substantiam sanctam? Quid autem onerat infirmam, aut exornat indignam? Quid non salute remunerat, quam onerat vel exornat? Quid fraudat mercedem operis, non rependens carni salutem? Quid & honorem sanctitatis in illa mori patitur?

29. Non tinguatur apud illum caro, nisi virgo, nisi vidua, nisi cœlebs, nisi divortio baptismata; quasi non etiam spadonibus ex nuptiis nata. Sine dubio ex damnatione conjugii institutio ista constabit. Videamus, an justa, non quasi destructuri felicitatem sanctitatis, ut aliqui *Nicolaitæ* assertores libidinis atque luxuriæ, sed qui sanctitatem, sine nuptiarum damnatione noverimus, & sectemur, & præferamus, non ut malo bonum, sed ut bono melius, non enim projicimus, sed deponimus nuptias: nec præscribimus, sed suademus sanctitatem, servantes, & bonum, & melius pro viribus cujusque sectando; tunc denique conjugium exerte defendentes, cum inimice accusatur spurcitie nomine in destructionem creatoris, qui proinde conjugium

gium pro rei honestate benedixit, in crementum generis humani, quemadmodum & universum conditionis in integros & bonos usus. Non ideo autem & cibi damnabuntur, quia operosius exquisiti, in gulam committunt, ut nec vestitus ideo accusabuntur, quia preciosius comparati, in ambitionem tumescunt. Sic nec matrimonii res ideo despiciuntur, quia intemperantius diffusæ in luxuriam inardescunt. Multum differt inter causam et culpam, inter statum et excessum. Ita hujusmodi non institutio, sed exorbitatio repobanda est, secundum censuram institutoris ipsius, cujus est, tam, *Crescite et multiplicamini*, quam &, *Non adulterabis, & uxorem proximi tui non concupisces*, morte punientis, & incestam sacrilegam atque monstruosam in masculos & in pecudes libidinum insaniam. Sed et si nubendi jam modus ponitur, quem quidem apud nos spiritalis ratio, Paracletus autore, defendit, unum in fide matrimonium præscribens: ejusdem erit modum figere, qui modum aliquando diffuderat: is colliget, qui sparsit: is cædet sylvam, qui plantavit: is metet segetem, qui seminavit: is dicet, *superest, ut & qui uxores habent, sic sint, quasi non habeant*; cujus & retro fuit, *Crescite & multiplicamini*: ejusdem finis, cujus & initium. Non tamen accusanda cæditur sylva, nec ut Jamnar' la secatur seges, sed ut tempori suo parens. Nec & connubii res non ut mala securem & falcem admittit sanctitatis, sed ut matura defungi; ut ipsi sanctitati reservata, cui cædendo præstet esse. Unde jam dicam Deum Marcionis, cum matrimonium ut malum & impudiciæ negotium reprobatur, adversus ipsam facere sanctitatem, cui videtur studere. Materiam enim ejus eradit. Quia si nuptiæ non erunt, sanctitas nulla est. Vacat enim abstinentiæ testimonium, cum licentia eripitur; quoniam ita quædam in diversis probantur. Sicut & *virtus in infirmitate perficitur*, sic et abstinentia nubendi

in

in facultate dinoscitur. Quis denique abstinens dicitur sublato eo, a quo abstinendum est? Quæ temperantia gulæ in fame? quæ ambitionis repudiatio in egestate? quæ libidinis infrenatio in castratione? Jam vero sementem generis humani compescere totum, nescio an hoc quoque optimo Deo congruat. Quomodo enim saluum hominem volet, quem vetat nasci, de quo nascitur, auferendo? quomodo habebit, in quo bonitatem suam signet, quem esse non patitur? Quomodo diligit, cujus originem non amat? Timet forsitan redundantiam sobolis, ne laboret, plures liberando, ne multos faciat hæreticos, ne generosiores habeat Marcionitas ex Marcionitis. Non erit humanior duritia Pharaonis nascentium enecatrix; nam ille animas adimit, hic non dat. Ille auferat a vita, hic non admittit in vitam. Nihil apud ambos de homicidio differt; sub utroque homo interficitur, sub altero jam editus, sub altero edendus. Gratus esses, o Dee hæretice, si isses in dispositionem creatoris, quod marem & fœminam miscuit; utique enim & Marcion tuus ex nuptiis natus est. Satis hæc de Deo Marcionis, quem & definitiones unicæ divinitatis, & conditiones statuum ejus, omnino non esse confirmant; sed & totius opusculi series in hoc utique succedit. Proinde, si cui minus quid videmur egisse, speret reservatum suo tempori, sicut & ipsarum scripturarum examinationem, quibus Marcion utitur.



## LIBER SECUNDUS.

1. **O**ccasio reformandi opusculi hujus, cui quid acciderit, primo libello præfati sumus, hoc quoque contulit nobis, uti duobus diis adversus Marcionem retractandis, suum cuique titulum & volumen distingue-



distingeremus pro materiæ divisione: alterum Deum definientes omnino non esse, alterum defendentes digne Deum esse; quatenus ita Pontico placuit alterum inducere, alterum excludere. Non enim poterat ædificare mendacium, sine demolitione veritatis; aliud subruere necesse habuit, ut quod vellet exstrueret. Sic ædificat, qui propria paratura caret. Oportuerat autem in hoc solum disceptasse, quod nemo sit Deus ille qui creatori superducitur, ut falso Deo depulso, regulis certis & unicam & perfectam præscribentibus divinitatem, nihil jam quæreretur in Deum verum: quem quanto constaret esse, sic quoque dum alium esse non constat, tanto qualemcumque sine controversia haberi deceret, adorandum potius, quam iudicandum, & demerendum magis, quam retractandum, vel quam timendum ob severitatem. Quid enim amplius homini necessarium, quam cura in Deum verum, in quem (ut ita dixerim) inciderat, quia alius Deus non erat?

2. At nunc negotium patitur Deus omnipotens, dominus, & conditor universitatis. Ideo tantum opinor, quia a primordio notus est, quia nunquam latuit, quia semper illuxit, etiam ante Romulum ipsum, nedum ante Tiberium, nisi quod solis hæreticis cognitus non est, qui ei negotium faciunt: propterea alium Deum existimantes præsumendum, quia quem constat esse, reprehendere magis possunt, quam negare, de arbitrio sensus sui pensitantes Deum aliqui, proinde atque si cæcus vel fluitantibus oculis, ideo alium solem præsumere velit mitiorem & salubriorem quia, quem videat, non videt. Unicus sol est, o homo, qui mundum hunc temperat; & quando non putas, optimus & utilis, & cum tibi acrior & infestior, vel etiam sordidior atque corruptior, rationi tamen suæ par est. Eam tu si perspicere non vales, jam nec illius alterius solis, si qui fuisset, radios sustinere

stinere potuisses, utique majoris. Nam qui in inferiore Deum caecutis, quid in sublimiorem? Quin potius infirmitati tuæ parcis, nec in periculum extendis? habens Deum certum, & indubitatum, & hoc ipso satis visum, cum id primum conspexeris, eum esse, quem non scias, nisi ex parte qua voluit ipse. Sed Deum quidem ut sciens, non negas; ut nesciens, retractas: imo & accusas, quasi sciens; quem si scires, non accusares, imo nec retractares; reddens nomen illi, negas substantiam nominis, id est magnitudinem qua Deus dicitur; non tantam eam agnoscens, quantam si homo omnifariam nosse potuisset, magnitudo non esset. Jesaias jam tum Apostolus prospiciens hæretica corda, *Quis inquit, cognovit sensum domini, aut quis consiliarius ejus fuit? aut ad quem consultavit, aut viam intellectus & scientia quis demonstravit ei?* Cui & Apostolus condicet. *O profundum divitiarum & sophia Dei, ut ininvestigabilia judicia ejus, utique Dei judicis: & ininvestigabiles via ejus, utique intellectus & scientiæ, quas ei nemo monstravit; nisi forte isti censores divinitatis dicentes, Sic non debuit Deus: & sic magis debuit: quasi cognoscat aliquis, quæ sint in Deo, nisi spiritus Dei. Mundi autem habentes spiritum, non agnoscentes in sapientia Dei, per sapientiam Deum: consultiores sibi met videntur Deo. Quoniam sicut sapientia mundi stultitia est penes Deum, ita sapientia Dei stultitia est penes mundum. Sed nos scimus stultum Dei, sapientius hominibus, & invalidum Dei, validius hominibus. Et ita Deus tunc maxime magnus, cum homini pusillus, & tunc maxime optimus, cum homini non bonus. Et tunc maxime unus, cum homini duo aut plures. Quod si a primordio homo animalis, non recipiens quæ sunt spiritus, stultitiam existimavit Dei legem, ut quam observare neglexit, ideoque non habendo fidem, etiam quod videbatur habere, ademptum est illi, paradisi grãtia*

gratia, & familiaritas Dei, per quam omnia Dei cognovisset, si obedisset: quid mirum, si redhibitus materiæ suæ, & in ergastulum terræ laborandæ relegatus, in ipso opere pronus & devexus ad terram, usurpatum ex illa spiritum mundi universo generi suo tradidit, duntaxat animali & hæretico, non recipienti, quæ sunt Dei? Aut quis dubitabit, ipsum illud Adæ delictum hæresin pronunciare, quod per electionem suæ potius, quam divinæ sententiæ admisit? nisi quod Adam nunquam figulo suo dixit, non prudenter definxisti me: confessus est seductionem, non occultavit seductricem: rudis admodum hæreticus fuit. Non obaudiit; non tamen blasphemavit creatorem, nec reprehendit autorem, quem a primordio sui & bonum & optimum invenerat, & ipse si forte judicem fecerat a primordio.

3. Igitur oportebit ineuntes examinationem in Deum notum, si quæritur in qua conditione sit notus, ab operibus ejus incipere, quæ priora sunt homine; ut statim cum ipso comperta bonitas ejus, & exinde constituta atque præscripta, aliquem sensum suggerat nobis intelligendi, qualiter sequens rerum ordinatio evaserit. Possunt autem discipuli Marcionis recognoscentes bonitatem Dei nostri, dignam quoque Deo agnoscere per eosdem titulos, per quos indignam ostendimus in Deo illorum. Jam hoc ipsum quod materia est agnitionis suæ, non apud alium invenit sed de suo sibi fecit. Prima denique bonitas creatoris, qua se Deus noluit in æternum latere, id est non esse aliquid, cui Deus cognosceretur. Quid enim tam bonum, quam notitia & fructus Dei? nam etsi nondum apparebat, hoc bonum esse, quia nondum erat quicquam, cui appareret, sed Deus præsciebat, quid boni appariturum esset: & ideo in suam summam commisit bonitatem apparituri boni negotiatricem, non utique repentinam nec obventitiæ,

bonitatis, nec provocatitiæ animationis, quasi exinde censendam, quo cœpit operari. Si enim ipsa constituit initium, exinde quo cœpit operari, non habuit initium ipsa cum fecit. Initio autem facto, ab ea etiam ratio temporum nata est; utpote quibus distinguendis & notandis sydera & luminaria cœlestia disposita sunt. *Erunt enim, inquit, in tempora, & menses, & annos.* Ergo nec tempus habuit ante tempus, quæ fecit tempus, sicut nec initium ante initium quæ constituit initium. Atque ita carens & ordine initii, & modo temporis, de immensa & interminabili ætate censebitur; nec poterit repentina vel obventitia & provocatitia reputari, non habens unde reputetur, id est aliquam temporis speciem, sed æterna & Deo ingenta, & perpetua præsumenda, ac per hoc Deo digna; suffundens jam hinc bonitatem Dei Marcionis, non dico initiis & temporibus, sed ipsa malitia creatoris posteriorem, si tamen malitia potuit a bonitate committi.

4. Igitur cum cognoscendo Deo hominem prospexisset bonitas Dei ipsius, etiam hoc præconio suo addidit, quod prius domicilium homini commentata est, aliquam postmodum molem maximam, postmodum & majorem, ut in magna tanquam in minore prodideret atque proficeret, & ita de bono Dei, id est de magno ad optimum quoque ejus, id est ad majus habitaculum promoveretur. Adhibet operi bono optimum etiam ministrum, sermonem suum. *Fructavit, inquit, cor meum sermonem optimum.* Agnoscat hinc primum fructum optimum, utique optimæ arboris, Marcion; imperitissimus rusticus quidem in malam, bonam inseruit: sed non valebit blasphemix furculus, arescet culti suo artifice, & ita se bonæ arboris natura testabitur. Aspice ad summam, qualia sermo fructificaverit. *Et dixit Deus, fiat: & factum est, & vidit Deus quia bonum, non quasi nesciens bonum, nisi* vide.

videret, sed quia bonum, ideo videns, honorans, & consignans, & dispungens bonitatem operum, digitatione conspectus. Sic & benedicebat, quæ benedicebat, ut tibi totus Deus commendaretur, bonus & dicere & facere. Maledicere adhuc sermo non norat, quia nec malefacere. Videbimus causas quæ hoc quoque a Deo exegerunt. Interim mundus ex bonis omnibus constitit, fatis præmonstrans, quantum boni pararetur illi, cui præparabatur hoc totum. Quis denique dignus incolere Dei opera, quam ipsius mago & similitudo? Eam quoque bonitas, & quilem operantior operata est, non imperiali verbo, sed familiari manu, etiam verbo blandiente præmisso: *Faciamus hominem ad imaginem & similitudinem nostram*: bonitas dixit, bonitas finxit de limo, in tantam substantiam carnis ex una materia tot qualitativis exructam. Bonitas inflavit in animam non mortuam, sed vivam, bonitas præfecit universis fruendis atque regnandis, etiam cognominandis; bonitas amplius delicias adjecit homini, ut quamquam totius orbis possidens in amœnioribus moraretur. translatus in paradysum, jam tunc de mundo in ecclesiam. Eadem bonitas & adiutorium prospexit, ne quid non boni: *Non est enim, inquit, bonum, solum esse hominem*. Sciebat illi sexum Mariæ, & deinceps ecclesiæ, profuturum. Sed & quam arguis *legem*, quam in controversias torques, bonitas erogavit, consulens homini, quo Deo adhereret; ne non tam liber quam abjectus videretur, æquandus famulis suis, cæteris animalibus, solutis a Deo & ex fastidio liberis; sed ut solus homo gloriaretur, quod solus dignus fuisset, qui legem a Deo *sumeret*, utque animal rationale intellectus & scientiæ capax, ipsa quoque libertate rationali contineretur, ei subiectus, qui subjecerat illi omnia. Cujus legis observandæ consilium bonitas pariter adscripsit: *Qua dicitur: Non edideris, morte moriemini*, Benignis-

sine enim demonstravit exitum transgressionis, ne ignorantia periculi negligentiam juvaret obsequi. Porro, si legis imponendæ ratio præcessit, sequeretur etiam observandæ: ut pœna transgressioni adscriberetur, quam tamen evenire noluit, qui ante prædixit. Agnosce igitur bonitatem Dei nostri interim, vel hucusque ex operibus bonis, ex benedictionibus bonis, ex indulgentiis, ex providentiis, ex legibus, & præmunitionibus bonis & benignis.

5. Jam hinc ad quæstiones omnes, canes, quos foras Apostolus expellit, latrantes in Deum veritatis. Hæc sunt argumentationum ossa, quæ obroditis: Si Deus bonus, & præsciens futuri, & avertendi mali potens, cur hominem & quidem imaginem & similitudinem suam, immo & substantiam suam, per animæ scilicet censum, passus est labi de obsequio legis in mortem, circumventum a diabolo? Si enim & bonus, qui evenire tale quid nollit, & præsciens, qui eventurum non ignoraret, & potens qui depellere valeret: nullo modo evenisset, quod sub his tribus conditionibus divinæ majestatis evenire non posset. Quod si evenit, absolutum est e contrario, Deum neque bonum credendum, neque præscium, neque potentem. Siquidem in quantum nihil tale evenisset, si talis Deus, id est bonus & præsciens & potens: in tantum ideo evenit, quia non talis Deus. Ad hæc prius est istas species in creatore defendere, quæ in dubium vocantur, bonitatem dico & præscientiam & potentiam. Nec immorabor huic articulo, præeunte definitione etiam ipsius CHRISTI, ex operibus ineundæ probationis. Opera creatoris utrumque testantur, & bonitatem ejus, qua bona, sicut ostendimus; & potentiam, qua tanta, & quidem ex nihilo. Nam & si ex aliqua materia, ut quidam volunt; hoc ipso tamen ex nihilo, dum non id fuerunt, quod sunt. Postremo vel sic magna, dum bona, vel sic Deus potens,  
dum

dum omnia ipsius, unde & omnipotens. De præscientia vero quid dicam, quæ tantos habet testes, quantos fecit prophetas? Quanquam quis præscientiæ titulus in omnium autore, qua universa utique disponendo præsciit & præsciendo disposuit? certe ipsam transgressionem, quam nisi præscisset, nec cautionem ejus delegasset sub metu mortis. Igitur si & fuerunt in Deo istæ facultates, præ quibus nihil mali evenire homini aut potuisset aut debuisset, & nihilominus evenit: videamus & hominis conditionem, ne per illam potius eveniret, quod per Deum evenire non potuit. Liberum, & sui arbitrii & suæ potestatis, invenio hominem a Deo institutum, nullam magis imaginem & similitudinem Dei in illo animadvertens, quam ejusmodi status formam. Neque enim facie & corporalibus lineis tam variis in genere humano ad uniformem Deum expressus est, sed in ea substantia, quam ab ipso Deo traxit, id est animam, ad formam Dei spondentis, & arbitrii sui libertate, & potestate signatus est. Hunc statum ejus confirmavit etiam ipsa lex, tunc a Deo posita. Non enim poneretur lex ei, qui non haberet obsequium debitum legi in sua potestate: nec rursus comminatio mortis transgressioni adscriberetur, si non & contemptus legis in arbitrii libertatem homini deputeretur. Sic & in posteris legibus creatoris invenias, proponentis ante hominem, bonum & malum, vitam & mortem. Sed nec alias totum ordinem disciplinæ per præcepta dispositum, avocante Deo & minante, exhortante, nisi & ad obsequium & ad contemptum, libero & voluntario homini.

6. Sed quoniam ex hoc jam intelligimus, eos fruantes liberam hominis potestatem arbitrii sui, ut quod ei evenit, non Deo sed ipsi debeat exprobari; ne & tu hinc jam opponas, non ita illum institui debuisse, si libertas & potestas arbitrii exitiosa futura es-

fet: hoc quoque prius defendam, ita institui debuif-  
 fe, quo fortius commendem, & ita institutum & dig-  
 ne Deo institutum; potiore ostensa ea causa, quæ ita  
 fecit institui. Bonitas Dei & ratio ejus huic quo-  
 que instituto patrocinantur in omnibus conspirantes  
 apud Deum nostrum. Nec ratio enim sine bonitate ra-  
 tio est, nec bonitas sine ratione bonitas, nisi forte penes  
 Deum Marcionis, irrationaliter bonum, sicut ostendi-  
 mus. Oportebat Deum cognosci bonum; hoc utique  
 & rationale. Oportebat dignum aliquid esse, quod Deum  
 cognosceret. Quid tam dignum prospici posset, quam  
 imago Dei & similitudo? Et hoc bonum, sine dubio, &  
 rationale. Oportebat igitur imaginem & similitudinem  
 Dei liberi arbitrii & suæ potestatis institui, in qua  
 hoc ipsum imago & similitudo Dei deputeretur, arbi-  
 trii scilicet libertas & potestas: in quam rem ea sub-  
 stantia homini accommodata est, quæ hujus status ef-  
 fet, afflatus Dei, utique liberi & suæ potestatis. Sed  
 & alias, quale erat, ut totius mundi possidens homo,  
 non in primis animi sui possessione regnaret, aliorum  
 dominus, sui famulus? Habes igitur & bonitatem  
 Dei agnoscere ex dignatione, & rationem ex dispo-  
 sitione. Sola nunc bonitas deputetur, quæ tantum  
 homini largita sit, id est arbitrii libertatem. Aliud  
 sibi ratio defendat in ejusmodi institutionem. Nam  
 bonus natura Deus solus. Qui enim, quod est, si-  
 ne initio habet, non institutione habet illud, sed  
 natura. Homo autem, qui totus ex institutione  
 est, habens initium, cum initio sortitus est formam  
 qua esset: atque ita non natura in bonum dispositus  
 est, sed institutione, non suum habens bonus esse,  
 quia non natura in bonum dispositus est, sed institu-  
 tione, secundum institutorem bonum, scilicet bono-  
 rum conditorem. Ut ergo bonum jam suum haberet  
 homo, emancipatum sibi a Deo, & fieret proprie-  
 tas jam boni in homine, & quodammodo natura, de  
 institu-



institutione adscripta est illi, quasi libripens emancipati a Deo boni, libertas & potestas arbitrii: quæ efficeret, bonum ut proprium jam sponte præstari ab homine, quoniam & hoc ratio bonitatis exigeret voluntarie exercendæ, ex libertate scilicet arbitrii, non favente institutioni, non serviente: ut ita demum bonus consisteret homo, si secundum institutionem quidem, sed ex voluntate, jam bonus inveniretur, quasi de proprietate naturæ: proinde ut & contra malum. Nam & illud utique Deus providebat, ut fortior homo prætenderet, liber scilicet & suæ potestatis, quia si caperet hoc jure, ut bonum quoque non voluntate obiret sed necessitate, usurpabilis etiam malo futurus esset ex infirmitate servitii, proinde & malo sicut bono famulus. Tota ergo libertas arbitrii in utramque partem concessa est illi, ut sui dominus constanter, occurreret, & bono sponte servando, & malo sponte vitando. Quoniam & alias positum hominem sub judicio Dei oportebat, justum illud efficere de arbitrii sui meritis, liberi scilicet. Cæterum nec boni nec mali merces jure pensaretur ei, qui aut bonus aut malus necessitate fuisset inventus, non voluntate. In hoc & lex constituta est, non excludens sed probans libertatem de obsequio sponte præstando, vel transgressione sponte commitenda, ita in utrumque exitum libertas patuit arbitrii. Igitur si & bonitas & ratio Dei invenitur circa libertatem arbitrii concessam homini, non oportet omiſsa primâ definitione bonitatis atque rationis, quæ ante omnem tractatum constituenda est, post factis præjudicare, non ita Deum instituere debuisse, qui aliter quam Deum deceret evasit; sed dispecto, quia ita debuerit instituere, salvo eo quod dispectum est, cætera explorare. Cæterum facile est, offendentes statim in hominis ruinam, antequam conditionem ejus inspexerint, in autorem referre quod accidit, quia nec

authoris examinata sit ratio. Denique & bonitas Dei a primordio operum perspecta persuadebit nihil a Deo mali evenire potuisse: Et libertas hominis recogitata se potius ream ostendit, quod ipsa commisit.

7. Hac definitione omnia Deo salva sunt, & natura bonitatis, & ratio dispositionis, & præscientiæ & potentiæ copia. Exigere tamen a Deo debes & gravitatem summam, & fidem præcipuam in omni institutione ejus, ut definas quærere, an Deo nolente potuerit quid evenire. Tenens enim gravitatem & fidem Dei boni, sed rationabilibus institutionibus ejus vindicandas, nec illud miraberis, quod Deus non intercesserit adversus ea, quæ noluit evenire, ut conservaret ea, quæ voluit. Si enim semel homini permiserat arbitrii libertatem & potestatem, & digne permiserat, sicut ostendimus, utique fruendas eas ex ipsa institutionis autoritate permiserat, fruendas autem quantum in ipso, secundum ipsum, id est secundum Deum, id est in bonum. Quis enim adversus se permittet aliquid? Quantum vero in homine, secundum motus libertatis ipsius. Quis enim non hoc præstat ei, cui quid semel frui præstat, ut pro animo & arbitrio suo fruatur? Igitur consequens erat, uti Deus secederet a libertate semel concessa homini, id est contineret in ipso & præscientiam & præpotentiam suam, per quas intercessisse potuisset, quo minus homo male libertate sua frui aggressus in periculum laberetur. Si enim intercessisset, rescidisset arbitrii libertatem, quam ratione & bonitate permiserat. Denique puta intercessisse, puta rescidisse illum arbitrii libertatem, dum revocat ab arbore, dum ipsum circumscriptorem colubrum a congressu fœminæ arceat, nonne exclamaret Marcion, O dominum futilem, instabilem, infidelem, rescindentem quæ instituit? Cur permiserat liberum arbitrium, si intercedit? cur intercedit, si permisit? Eligat ubi semet ipsum erroris  
notet,

notet, in institutione an in rescissione. Nonne tunc magis deceptus ex inpræscientia futuri videretur, cum obstitisset, & quod, quasi ignorans, quomodo evasurum esset, indulserat, quis non diceret? Sed & si præscierat male hominem institutione sua usurum, quid tam dignum Deo, quam gravitas, quam fides institutionum qualiumcunque? Vidisset homo, si non bene depunxisset, quod bene acceperat, ipse legi reus fuisset, cui obsequi noluisse, non ut legislator ipse fraudem legi suæ faceret, non sinendo præscriptum ejus impleri. Hæc dignissime peroraturus in creatorem, si libero arbitrio hominis ex providentia & potentia, quas exigit, obstitisset, nunc tibi insusurra pro creatore & gravitatem & patientiam & fidem, institutionibus suis functo, ut & rationalibus & bonis.

8. Neque enim ad vivendum solummodo produxerat hominem, ut non ad recte vivendum, in respectu scilicet Dei legisque ejus. Igitur vivere quidem illi ipse præstiterat, facto in animam vivam. Recte vero vivere demandarat, admonito in legis obsequium. Ita non in mortem institutum hominem probat, qui nunc cupit in vitam restitutum, *malens peccatoris penitentiam, quam mortem*. Igitur sicut Deus homini vitæ statum induxit, ita homo sibi mortis statum attraxit. Et hoc non per infirmitatem sicuti nec per ignorantiam, ne quid auctori imputaretur. Nam & si angelus qui seduxit, sed liber & suæ potestatis, qui seductus est, sed imago & similitudo Dei, fortior angelo, sed afflatus Dei generosior spiritu materiali, quo angeli constiterunt. *Qui facit, inquit, spiritus angelos, & apparitores flammam ignis*. Quia nec universitatem homini subjecisset infirmo dominandi, & non potiori angelis, quibus nihil tale subjecit: sic nec legis pondus imposuisset, si gravis lex invalido sustinendi: nec quem excusabilem sciret nomine imbecilli-

tatis, cum definitione mortis convenisset. Postremo non libertate nec potestate arbitrii fecisset infirmum, sed potius defectione earum. Atque adeo eundem hominem, eandem substantiam animæ, eundem Adæ statum, eadem arbitrii libertas & potestas, victorem efficit hodie de eodem diabolo, cum secundum obsequium legum ejus administratur.

9. Quoquo tamen, inquis, modo substantia creatoris delicti capax invenitur, cum afflatus Dei, id est anima in homine deliquit. Nec potest non ad originalem summam referri corruptio portionis. Ad hoc interpretanda erit qualitas animæ. In primis tenendum quod Græca scriptura signavit, afflatum nominans, non *spiritum*. Quidam enim de Græco interpretantes, non recogitata differentia, nec curata proprietate verborum, pro *afflatu* spiritum ponunt, & dant hæreticis occasionem, spiritum Dei delicto infundendi, id est ipsum Deum: & usurpata jam quæstio est. Intellige itaque, afflatum minorem spiritum esse, & si de spiritu accidit, ut aurulam ejus, non tamen spiritum. Nam & aura vento rarior: etsi de vento aura, non tamen ventus aura. Capit etiam imaginem spiritus dicere flatum. Nam & ideo homo imago Dei, id est spiritus: Deus enim spiritus. Imago ergo spiritus, afflatus. Porro imago veritati non usquequaque adæquabitur. Aliud est enim secundum veritatem esse, aliud ipsam veritatem esse. Sic & afflatus cum imago sit spiritus, non potest ita imaginem Dei comparare, ut quia veritas, id est spiritus, id est Deus, sine delicto est, ideo & afflatus, id est imago, non debuerit admisisse delictum. In hoc erit imago minor veritate, & afflatus spiritu inferior, habens illas utique lineas Dei, qua immortalis anima, qua libera & sui arbitrii, qua præscia plerumque, qua rationalis, capax intellectus & scientiæ, tamen & in his imago, & non usque ad ipsam vim divinitatis.

Sic

Sic nec usque ad integritatem a delicto, quia hoc soli Deo cedit, id est veritati, & hoc solum imagini non licet. Sicut enim imago cum omnes lineas exprimat veritatis, vi tamen ipsa caret, non habens motum: ita & anima, imago spiritus, solam vim ejus exprimere non valuit, id est, non delinquendi felicitatem. Cæterum non esset anima, sed spiritus; nec homo, qui animam sortitus est, sed Deus. Et alias autem non omne quod Dei erit, Deus habebitur, ut exoptules Deum & afflatum, id est vacuum a delicto quia Dei sit afflatus. Nec tu enim si in tibiam flaveris, hominem tibiam feceris, quamquam de anima tua flaveris, sicut & Deus de spiritu suo. Denique cum manifeste scriptura dicat, fuisse Deum in faciem hominis, & factum hominem in animam vivam, non in spiritum vivificantem, separavit eam a conditione factoris. Opus enim aliud sit necesse est ab artifice, id est inferius artifice. Nec urceus enim factus a figulo, ipse erit figulus, ita nec afflatus, factus a spiritu, ideo erit spiritus, ipsum, quod anima; vocitatus est flatus. Vide etiam, ne de afflatus conditione transierit in aliquam diminutiorem qualitatem. Ergo, inquis, dedisti animæ infirmitatem supra negatam. Plane cum illam exigis Deo parem, id est delicti immunem, dico infirmam. Cum vero ad angelum provocatur, fortiorem defendam necesse est dominum universitatis, cui jam angeli administrant; qui etiam angelos judicaturus est, si in Dei lege constiterit, quod in primordio noluit. Hoc ipsum ergo potuit afflatus Dei admittere; potuit, sed non debuit. Potuisse enim, habuit per substantiæ exilitatem, qua afflatus, non spiritus; non debuisse autem, per arbitrii potestatem, qua liber, non servus, assistente amplius demonstratione non delinquendi, sub comminatione moriendi, qua substrueretur substantiæ exilitas, & regeretur sententiæ libertas. Itaque non per illud jam videri potest ani-

ma

ma deliquisse, quod illi cum Deo affine est, id est per afflatum; sed per illud, quod substantiæ accessit, id est per liberum arbitrium, a Deo quidem rationaliter attributum, ab homine vero, qua voluit, agitatum. Quod si ita se habet, omnis jam Dei dispositio de mali exprobratione purgatur. Libertas enim arbitrii non ei culpam suam respuet, a quo data est, sed a quo non ut debuit administrata est. Quod denique malum describes creatori? Si delictum hominis: non erit Dei, quod est hominis, nec idem habendus est delicti autor, qui invenitur interdictor, imo & condemnator. Si mors malum, nec mors comminatori suo, sed contemptori faciet invidiam, ut auctori. Contemnendo enim eam fecit, non utique futuram, si non contempsisset.

10. Sed & si non ab homine in diabolum transcriberis mali elogium, ut instinctorem delicti, uti sic quoque in creatorem dirigas culpam, ut in autorem diaboli, qui fecit angelos spiritus: ergo quod factus a Deo est, id est angelus, id erit ejus, qui fecit. Quod autem factus a Deo non est, id est diabolus, id est delator, superest, ut ipse sese fecerit, deferendo de Deo, & quidem falsum; primo, quod Deus illos ex omni ligno edere vetuisset, dehinc, quasi morituri non essent, si edissent, tertio, quasi Deus illis invidisset divinitatem. Unde igitur malitia mendacii & fallaciæ in homines, & infamiæ in Deum? a Deo utique non, qui & angelum ex forma operum bonorum instituit bonum. Denique sapientissimus omnium editur, antequam diabolus, nisi malum est sapientia. Et si evolvas Ezechielis prophetiam, facile animadvertes tam institutione bonum angelum illum, quam sponte corruptum: in personam enim principis Sor, ad diabolum pronunciatur, Et factus est sermo domini ad me dicens: Fili hominis fume planctum super principem Sor, & dices: Hæc dicit dominus, Tu es resignaculum similitudinis, qui scilicet

cet integritatem imaginis & similitudinis resignaveris, corona decoris (hoc ut eminentissimo angelorum, ut archangelo, ut sapientissimo omnium) in deliciis paradisi Dei tui natus es. Illic enim, ubi Deus secunda animalium figuræ formatione angelos fecerat, lapidem optimum indutus es; Sardium, Topazium, Smaragdum, Carbunculum, Sapphirum, Jaspin, Lyncurium, Achaten, Amethystum, Chrysolithum, Beryllum, Onychinum, & auro replesti horrea tua & thesauros tuos. Ex qua die conditus es, cum Cherubim posui te in monte sancto Dei, fuisti in medio lapidum igneorum, fuisti invituperabilis in diebus tuis, ex qua die conditus es, donec inventæ sunt læsuræ tuæ: de multitudine negotiationis tuæ promas tuas replesti, & deliquisti, & cætera; quæ ad fugillationem angeli, non ad illius principis proprie pertinere manifestum est, eo quod nemo hominum in paradiso Dei natus sit, ne ipse quidem Adam, translatus potius illuc: nec cum Cherubim positus in monte sancto Dei, id est in sublimitate cœlesti, de qua Satanian dominus quoque decidisse testatur: nec inter lapides igneos demoratus, inter gemmantes syderum ardentium radios, unde etiam quasi fulgur dejectus est Satanas. Sed ipse autor delicti in persona peccatoris viri denotabatur, retro quidem invituperabilis a die conditionis suæ, a deo in bonum conditus, ut a bono conditore invituperabilium conditionum, & excultus omni gloria angelica, & apud Deum constitutus, qua bonus apud bonum: postea vero a semetipso translatus in malum. Ex quo enim, inquit, apparuerunt læsuræ tuæ, illi eas reputans, quibus scilicet læsit hominem ejectum a Dei obsequio; & ex illo deliquit, ex quo delictum seminavit, atque ita exinde negotiationis, id est malitiæ suæ multitudinem exercuit, delictorum scilicet & censuum, non minus & ipse liberi arbitrii institu-

institutus, ut spiritus. Nihil enim Deus proximum sibi non libertate ejusmodi ordinasset. Quem tamen & prædaminando testatus est; ab institutionis forma, libidine propria conceptæ ultro malitiæ exorbitasse, & contumacium operationibus ejus admetiendo rationem bonitatis suæ egit: eodem consilio differens extinctionem diaboli, quo hominis restitutionem. Certamini enim dedit spatium, ut & homo eadem arbitrii libertate elideret inimicum, qua succuberat illi, probans suam, non Dei, culpam: & ita salutem digne per victoriam recuperaret, & diabolus amarius puniretur, ab eo, quem eliserat ante, devictus: & Deus tanto magis bonus inveniretur, sustinens hominem gloriosorem in paradysum ad licentiam decerpendæ arboris vitæ jam de vita regressurum.

II. Igitur usque ad delictum hominis Deus a primordio tantum bonus; exinde judex & severus, & quod Marcionitæ volunt, sævus: statim mulier in doloribus parere, & viro servire damnatur. Sed quæ ante sine ulla contristatione per benedictionem incrementum generis audierat, crescite tantum & multiplicamini: sed quæ in adjutorium mascululo, non in servitium fuerat destinata. Statim & terra maledicatur, sed ante benedicta. Statim tribuli & spinæ, sed ante fœnum, & herbæ, & arborum fructuosa. Statim sudor & labor panis, sed ante ex omni ligno victus immunis, & alimenta secunda. Exinde homo ad terram, sed ante de terra. Exinde ad mortem, sed ante ad vitam. Exinde in scortis vestibus, sed ante sine scrupulo nudus. Ita prior bonitas Dei secundam naturam, severitas posterior secundum causam. Illa ingenua, hæc accidens. Illa propria, hæc accommodata. Illa edita, hæc adhibita. Nec natura enim inoperatam debuit continuisse bonitatem, nec causa dissimulatam evasisse severitatem. Alteram sibi, alteram rei Deus præstitit. Incipe nunc etiam  
judicis



judicis statum, ut adfinem mali, arguere, qui idcirco alium Deum somniaſti, ſolummodo bonum, quia non poteſ judicem: quanquam & illum ut judicem oſtendimus. Aut ſi non judicem, certe perverſum ac vanum diſciplinæ non vindicandæ, id eſt, non judicandæ conſtitutorem. Non reprobas autem Deum judicem, qui non judicem Deum probas. Ipſam ſine dubio juſtitiam accuſare debebis, quæ judicem præſtat; aut & eam in ſpecies malitiæ deputare, id eſt injuſtitiam in titulos bonitatis adſcribere. Nunc enim juſtitia malum, ſi injuſtitia bonum. Porro cum cogeris injuſtitiam de peſſimis pronunciare, eodem jugo urgeris juſtitiam de optimis cenſere. Nihil enim æmulum mali non bonum, ſicut & boni æmulum nihil non malum. Igitur quanto malum injuſtitia, tanto bonum juſtitia. Nec ſpecies ſolummodo, ſed tutela reputanda bonitatis: quia bonitas, niſi juſtitia regatur, ut juſta ſit, non erit bonitas, ſi injuſta ſit. Nihil enim bonum, quod injuſtum, bonum autem omne, quod juſtum.

12. Ita ſi ſocietas & conſpiratio bonitatis atque juſtitie, ſeparatione earum non poteſ carere; quo ore conſtitues diverſitatem duorum Deorum, in ſeparatione ſeorſum deputans Deum bonum, & ſeorſum Deum juſtum? Illic conſiſtit bonum ubi & juſtum. A primordio denique creator tam bonus, quam & juſtus. Pariter utrumque proceſſit, bonitas ejus operata eſt mundum: juſtitia modulata eſt. Quæ etiam tum mundum judicavit ex bonis faciendum, quia cum bonitatis conſilio judicavit; juſtitie opus eſt, quod inter lucem & tenebras ſeparatio pronuntiata eſt, inter diem & noctem, inter cælum & terram, inter aquam ſuperiorem & inferiorem, inter maris cætum & aridæ mœlem, inter luminaria majora & minora, diurna atque nocturna: inter marem & ſæminam, & inter arborem agnitionis mortis, & vi-  
tæ,

tæ, inter orbem & paradifum, inter aquiæna & ter-  
 rigena animalia. Omnia ut bonitas concepit, ita ju-  
 ftitia diftinxit, totum hoc judicato difpofitum & or-  
 dinatum eft. Omnis fitus, habitus elementorum,  
 effectus, motus, ftatus, ortus, occafus fingulorum,  
 judicia funt creatoris, ne putes eum exinde judicem  
 definiendum, quo malum cœpit, atque ita juftitiam  
 de cauffa mali offufces. His enim modis oftendimus,  
 eam cum auétricè omnium bonitate prodiffe, ut &  
 ipfam ingenitam Deo & naturalem nec obventitiam  
 deputandam, quæ in domino inventa fit arbitratrice  
 operum ejus.

13. At enim ut malum pofttea erupit, atque inde  
 jam cœpit bonitas Dei cum adverfario agere, aliud  
 quoque negotium eadem illa juftitia Dei nafta eft jam  
 fecundum adverfionem dirigendæ bonitatis, ut feponi-  
 ta libertate ejus, qua & ultro Deus bonus pro meritis  
 cujufque penfetur, dignis offeratur, indignis dene-  
 getur, ingratis auferatur, proinde omnibus æmulis  
 vindicetur. Ita omne hoc juftitiæ opus procuratio  
 bonitatis eft, quod judicando damnat, quod damnan-  
 do punit, quod, ut dicitis, fœvit, utique bono,  
 non malo, proficit. Denique timor judicii ad bo-  
 num, non ad malum confert. Non enim fufficiebat,  
 bonum per femetipfum commendari, jam fub adver-  
 fario laborans. Nam & fi commendabile per femet-  
 ipfum, non tamen & confervabile; quia expugnabile  
 jam per adverfarium, nifi vis aliqua præeffet timendi,  
 quæ bonum etiam nolentes appetere, & custodire  
 compelleret. Cæterum tot illecebris mali expugnan-  
 tibus bonum, quis illud appeteret, quod impune con-  
 temneret? Quis custodiret, quod fine periculo amit-  
 teret? Legis mali viam latam & multo frequentio-  
 rem; nonne omnes illaberentur, fi nihil in illa timeretur?  
 Horremus terribiles minas creatoris, & vix a malo  
 avellimur. Quid, fi nihil minaretur? Hanc juftitiam  
 malum

malum dices, quæ malo non favet? Hanc bonum negabis, quæ bono prospicit? Qualem oportet Deum, vel qualem malles, expediret? sub quo delicta gauderent, cui diabolus illuderet: illum bonum judicares Deum, qui hominem posset magis malum facere securitate delicti? Quis boni autor, nisi qui & exactor? Proinde quis mali extraneus, nisi qui & inimicus? Quis inimicus, nisi qui & expugnator? Quis expugnator, nisi qui & punitor? Sic totus Deus bonus est, dum pro bono omnia est. Sic denique omnipotens, quia & juvandi & lædendi potens. Minus est, tantummodo prodesse, quia non aliud quid possit, quam prodesse: de ejusmodi qua fiducia bonum sperem, si hoc solum potest? quomodo innocentiae mercedem fester, si non & nocentiae speciem? diffidam necesse est, ne nec alteram partem remuneretur, qui utramque non valuit, Usque adeo justitia etiam plenitudo est divinitatis ipsius, exhibens Deum perfectum, & patrem & dominum: patrem clementia; dominum disciplina: patrem, potestate blanda; dominum, severa: patrem, diligendum pie; dominum, timendum necessarie. Diligendum, quia malit misericordiam, quam sacrificium; & timendum, quia nolit peccatum; diligendum, quia malit pœnitentiam peccatoris quam mortem; & timendum, quia nolit peccatores sui jam non pœnitentes. Ideo lex utrumque definit, diliges Deum & timebis Deum. Aliud obsecutori proposuit, aliud exorbitatori.

14. Ad omnia tibi occurrit Deus, idem percutiens, sed & sanans; mortificans, sed & vivificans, humilians, sed & sublimans. Condens mala, sed & pacem faciens, ut etiam & hic respondeam hæreticis. Ecce enim, inquirunt, ipse se conditorem profitetur malorum, dicens; Ego sum qui condo mala. Amplexi enim vocabuli communionem, duas malorum species in ambiguitate turbantem, quia mala dicuntur & de-

icta & supplicia; passim volunt eum conditorem intelligi malorum, ut malitiæ autor renunciatur. Nos autem adhibita distinctione utriusque formæ, separatim malis, delictis; & malis, suppliciis, malis culpæ, & malis pœnæ, suum cuique parti defendimus autorem. Malorum quidem peccati & culpæ, diabolus; malorum vero supplicii & pœnæ, Deum creatorem: ut illa pars malitiæ deputetur; ista justitiæ, mala condentis judicia, adversus mala delicti. De his ergo creator proficitur malis, quæ congruunt judici. Quæ quidem illis mala sunt, quibus rependuntur. Cæterum suo nomine bona, qua justa, & bonorum defensoria, & delictorum inimica, atque in hoc ordine, Deo digna. Aut, proba ea injusta, ut probes malitiæ deputanda, id est injustitiæ mala: quia, si justitiæ erunt, jam mala non erunt, sed bona, malis tantummodo mala, quibus etiam directo bona pro malis damnantur. Constitue igitur, injuste hominem divinæ legis voluntarium contemptorem id retulisse, quo noluit caruisse: injuste malitiam ævi illius imbribus, dehinc & ignibus cæsam: injuste Aegyptum fœdissimam, superstitionem, amplius hospitis populi conflictatricem, decemplici castigatione percussam. Indurat cor Pharaonis, & meruerat in exitium subministrari, qui jam negaverat Deum, qui jam legatos ejus toties superbus excusserat, qui jam populo laborem operis adiecerat: postremo, qua Aegyptius, olim Deo reus fuerat gentilis idololatriæ, Ibin & Crocodilum citius colens, quam Deum vivum. Impedit & ipsum populum, sed ingratum. Immisit & pueris urfos, sed irreverentibus in prophetam.

15. Justitiam ergo primo judicis dispice, cujus si ratio constiterit, tunc & severitas & per quæ severitas decurrit, rationi & justitiæ reputabuntur. Ac ne pluribus immoremur, asserite causas cæteras quoque, ut sententias condemnetis: excusate delicta, ut judicia

cia reprobetis. Nolite reprehendere judicem, sed revincite malum judicem. Nam & patrum delicta de filiis exigebat: duritia populi talia remedia compulerat, ut vel posteritatis suis prospicientes legi divinæ obedirent. Quis enim non magis filiorum salutem, quam suam curet? Sed & si benedictio patrum semini quoque eorum destinabatur, sine ullo adhuc merito ejus, cur non & reatus patrum in filios quoque redundaret? Sicut gratia, ita & offensa: ut per totum genus & gratia decurreret, & offensa, salvo eo quod postea decerni habebat, non dicturos acidam uvam patres manducasse, & filiorum dentes obstupuisse; id est non sumpturum patrem delictum filii, nec filium delictum patris, sed unumquemque delicti sui reum futurum: ut post duritiam populi, duritia legis edomita, justitia jam non genus, sed personas judicaret: quanquam si Evangelium veritatis accipias ad quos pertineat sententia reddentis in filios patrum delicta, cognosces, ad illos scilicet, qui hanc ultro sibi sententiam fuerant irrogaturi, sanguis illius super capita nostra & filiorum nostrorum. Hoc itaque omnis providentia Dei censuit, quod jam audierat.

16. Bona igitur & severitas, quia justa, si bonus judex, id est justus. Item cætera bona, per quæ opus bonum currit bonæ severitatis, sive ira, sive æmulatio, sive sævitia. Debita enim omnia hæc sunt severitati, sicut severitas debitum est justitiæ. Vindicanda erit procacitas ætatis verecundiam debentis. Atque ita non poterunt judici exprobari, quæ judici accedunt, carentia & ipsa culpa sicut judex. Quid enim, si medicum quidem dicas esse debere, ferra-  
menta vero ejus accuses, quod secant & inurant & amputent, & constrictent; quando sine instrumento artis medicus esse non possit? Sed accusa male secantem, importune amputantem, temere inurentem, atque ita ferra-  
menta quoque ejus ut mala mi-

nisteria reprehende. Proinde est enim, cum Deum quidem judicem admittis, eos vero motus & sensus, per quos judicat, destruis. Deum nos a prophetis & a Christo, non a philosophis, nec ab Epicuro erudimur; qui credimus Deum etiam in terris egisse, & humani habitus humilitatem suscepisse ex causa humanæ salutis, longe sumus a sententia eorum, qui nolunt Deum curare quicquam.

Inde venit ad hæreticos quoque definitio ejusmodi, si Deus irascitur & æmulatur, & extollitur, & exacerbatur, ergo & corrumpetur, ergo & morietur. Bene autem, quod Christianorum est, etiam mortuum Deum credere, & tamen viventem in ævo ævorum. Stultissimi, qui de humanis divina præjudicant, ut, quoniam in homine corruptoriæ conditionis habentur hujusmodi passiones, idcirco & in Deo ejusdem status existimentur. Discerne substantias, & suos eis distribue sensus, tam diversos, quam substantiæ exigunt, licet vocabulis communicare videantur. Nam & dexteram, & oculos, & pedes Dei legimus, nec ideo tamen humanis comparabuntur, quia de appellatione fociantur. Quanta erit diversitas divini corporis & humani sub eisdem nominibus membrorum; tanta erit & animi divini, & humani differentia, sub eisdem licet vocabulis sensuum, quos tam corruptorios efficit in homine corruptibilitas substantiæ humanæ, quam incorruptorios in Deo efficit incorruptibilitas substantiæ divinæ. Certe Deum confiteris creatorem? Certe, inquis. Quomodo ergo in Deo humanum aliquid existimas, & non divinum omne? Quem Deum non negas, confiteris non humanum. Siquidem Deum confitendo præjudicasti utique, illum ab omni humanarum conditionum qualitate diversum. Porro, cum pariter agnoscas, hominem a Deo inflatum in animam vivam, non Deum ab homine, satis perversum est, ut in Deo potius humana constituas, quam  
in

in homine divina, & hominis imagine Deum imbuas potius, quam Dei hominem. Et hæc ergo imago censenda est Dei in homine, quod eosdem motus & sensus habeat humanus animus, quos & Deus; licet non tales, quales Deus. Pro substantia enim & status eorum, & exitus distant. Denique contrarios eorum sensus, lenitatem dico, patientiam, misericordiam, ipsamque matricem earum bonitatem, cur divina præsumitis? Nec tamen perfecte ea obtinemus, quia solus Deus perfectus. Ita & illas species prædico, & exasperationes, non tam feliciter patimur; quia solus Deus de incorruptibilitatis proprietate felix. Irascetur enim, sed non exacerbabitur, sed non periclitabitur; movebitur, sed non evertetur. Omnia necesse est adhibeat propter omnia; tot sensus, quot & causas; et iram propter scelestos, & bilem propter ingratos, & æmulationem propter superbos, & quicquid non expedit malis. Sic & misericordiam propter errantes; & patientiam propter non-resipiscentes, & præstantiam propter merentes, & quicquid bonis opus est. Quæ omnia patitur suo more, quo eum pati condecet, propter quem homo eadem patitur æque suo more.

17. Hæc ita dispecta totum ordinem Dei iudicis operarium, & (ut dignius dixerim) protectorem catholicæ & summæ illius bonitatis ostendunt, quam semotam a judiciariis sensibus, & in suo statu puram nolunt Marcionitæ in eodem Deo agnoscere, pluentem super bonos & malos, & solem suum oriri facientem super justos & injustos, quod alius Deus omnino non præstat. Nam, & si hoc quoque testimonium christi in creatorem, *Marcion de Evangelio eradere ausus est*, sed ipse mundus inscriptus est, & omni a conscientia legitur: & erit hæc ipsa patientia creatoris in iudicium Marcionis; illa patientia quæ expectat pœnitentiam potius peccatoris, quam mortem, & mavult misericordiam, quam sacrificium; avertens

jam destinatum exitium Ninivitis, & largiens spatium vitæ Ezechiae lachrymis, & restituens statum regni Babylonis tyranno pœnitentia functo. Illam dico misericordiam, quæ & filium Saulis moriturum ex devotione populo concessit & David delicta in domum Uriæ confessum venia liberavit: & ipsum Israël toties restituit, quoties judicavit: toties refovit, quoties & increpuit. Non solum igitur judicem aspiciens convertere & ad optimi exempla, notans, cum ulciscitur, considera cum indulget; repende austeritati lenitatem: cum utrumque conveneris in creatore, invenies in eo & illud, propter quod alterum Deum credis. Veni denique ad inspectionem doctrinarum, disciplinarum, præceptorum, consiliorumque ejus. Dices forsitan, hæc etiam humanis legibus determinari. Sed ante Lycurgos & Solonas omnes, Moyses & Deus. Nulla posteritas non a primordiis accipit. Tamen non a tuo Deo didicit creator meus præscribere: Non occides, non adulterabis, non furaberis, non falsum testimonium dices, alienum non concupisces; honora patrem & matrem, & diliges proximum proximum tuum ut teipsum. Ad hæc innocentiae, pudicitiae, & justitiae, & pietatis, principalia consulta accedunt etiam humanitatis præscripta, cum septimo quoque anno servitia libertate solvuntur: cum eodem tempore agro parcitur, egenis cedendo locum: bovi etiam terenti vincula oris remittuntur ad fructum præsentis laboris; quo facilius in pecudibus præmeditata humanitas in hominum refrigeria erudiretur.

18. Sed quæ potius legis bona defendam, quam quæ hæresis concupiit? Ut talionis definitionem, oculum pro oculo, dentem pro dente, & livorem pro livore repententis. Non enim injuriæ mutuo exercendæ licentiam sapit, sed in totum cohibendæ violentiæ prospicit, ut quia durissimo & infideli in Deum populo longum vel etiam incredibile videretur, a Deo



Deo expectare defensam, edicendam postea per prophetam: Mihi defensam, & ego defendam dicit dominus: Interim commissio injuriæ, metu vicis statim occurruræ, repastinaretur: & licentia retributionis prohibitio esset provocationis; ut sic improbitas astuta cessaret, dum secunda permilla, prima terretur: & prima deterrita, nec secunda committitur, quæ & alias faciliior timor talionis, per eundem saporem passionis. Nihil amarius, quam id ipsum pati, quod feceris aliis. Et si lex aliquid cibus detrahit, & immunda pronunciat animalia, quæ aliquando benedicta sunt: consilium exercendæ continentiæ intellige, & frenos impositos illi gulæ agnosce, quæ cum panem ederet angelorum, cucumeres & pepones Aegyptiorum desiderabat. Agnosce simul & comitibus gulæ, libidini scilicet atque luxuriæ, prospectum, quæ fere ventris castigatione frigescent. Manducaverat enim populus & biberat, & surrexerat ludere: proinde ut & pecuniæ ardor restingeretur ex parte, quæ de victus necessitate causatur, preciosorum ciborum ambitio detracta est. Postremo, ut facilius homo ad jejunandum Deo formaretur, paucis & non gloriosis escis assuefactus, & nihil de lautioribus esuriturus. Reprehendendus sane creator, quod cibos potius populo suo abstulit, quam ingratoribus Marcionitis. Sacrificiorum quoque onera, & operationum & oblationum negotiosas scrupulositates nemo reprehendat; quasi Deus talia sibi proprie desideraverit, qui tam manifeste exclamat: Quo mihi multitudinem sacrificiorum vestrorum? Et quis exquisivit ista de manibus vestris? Sed illam Dei industriam sentiat, quæ populum primum in idololatriam & transgressionem ejusmodi officiis religioni suæ voluit adstringere, quibus superstitio seculi agebatur, ut ab ea avocaret illos, sibi jubens fieri, quasi desideranti, ne simulacris faciendis delinqueret.

19. Sed & in ipsis commerciis vitæ & conversationis humanæ, domi ac foris, adusque curam vasculorum, omnifariam distinxit; ut istis legalibus disciplinis occurrentibus ubique, ne ulli momento vacarent a Dei respectu. Quid enim faceret beatum hominem, quam in lege domini voluntas ejus, & in lege domini meditabitur die ac nocte? Quam legem non duritia promulgavit auctoris, sed ratio summæ benignitatis, populi potius duritiam edomantis, & rudem obsequio fidem operosis officiis dedolantis; ut nihil de arcanis attingam significantiis, legis spiritalis scilicet & propheticæ, & in omnibus pene argumentis figuratæ. Sufficit enim in præsentî, si simpliciter hominem Deo obligabat, ut nemo eam reprobare debeat, nisi cui non placet Deo deservire. Ad hoc beneficium, non onus legis, adjuvandum, etiam prophetas eadem bonitas Dei ordinavit, docentes Deo digna, auferre nequitias de anima, discere benefacere, exquirere judicium, judicare pupillo, & justificare viduam, diligere quæstiones, fugere improborum contactum, dimittere conflictam integram, dissipare scripturam injustam, infringere panem esurienti, & tectum non habentem inducere in domum tuam, nudum si videris, contingere, & domesticos feminis tui non despicere; compescere linguam a malo, & labia, ne loquantur dolium, declinare a malo & facere bonum, quærere pacem & sectari eam: irasci & non delinquere, id est in ira non perseverare, sive sævire: non abire in concilium impiorum, nec stare in via peccatorum, nec in cathedra pestilentium sedere, sed ubi? Vide quam bonum & jucundum habitare fratres in unum, meditantés die ac nocte in lege domini. Quia bonum scilicet fidere in dominum, quam fidere in hominem: & sperare in dominum, quam sperare in hominem. Qualis enim apud Deum merces homini? & erit tanquam lignum quod plantatum est juxta exitus aquarum quod

quod fructum suum dabit in tempore suo : & folium ejus non decidet, & omnia quaecunque faciet, prosperabuntur illi. Innocens autem & purus corde, qui non accepit in vanum nomen Dei, & non juravit ad proximum suum in dolo; iste accipiet benedictionem a domino, & misericordiam a Deo salutificatore suo. Oculi enim domini super timentes eum, sperantes in misericordiam ipsius, ad deliberandas animas eorum demorte, utique æterna, & nutricandos eos in fame, utique vitæ æternæ. Multæ enim pressuræ justorum; & ex omnibus liberavit eos dominus. Honorabilis mors in conspectu domini sanctorum ejus. Dominus custodit omnia ossa eorum, & non comminuetur. Redemit dominus animas servorum suorum. Pauca ista de tantis scripturis creatoris intulimus, & nihil puto jam ad testimonium Dei optimi deesse, quod fatis & præcepta bonitatis & promissa consignant.

20. Sed enim sepia isti, quorum figura, illud quoque pisculentum de cibis lex recusavit, ut translationem sui sentiunt, tenebras hinc blasphemias intervomunt, atque ita intentionem uniuscujusque jam proximam dispargunt, jactando & asseverando ea, quæ relucens bonitatem creatoris infuscent. Sed & per istas caligines sequemur nequitiam, & in lucem extrahemus ingenia tenebrarum, objicientis creatori vel maxime fraudem illam & rapinam auri & argenti, mandata ab illo Hebræis in Aegyptios: Age infelicissime hæretice, te ipsam expostulo arbitrum, cognosce in utramque gentem prius, & ita de autore præcepti judicabis. Reposcut Aegyptii de Hebræis vasa aurea & argentea; contra Hebræi mutuas petitiones instituunt, allegantes sibi quoque, eorundem patrum nomine, ex eodem scripturæ instrumento, mercedes restitui oportere illius operariæ servitutis, pro lateribus deductis, pro civitatibus & villis ædificatis. Quid judicabis, optimi Dei elector?

Hebræos fraudem agnoscere debere, an Aegyptios compensationem? Nam & ajunt, ita actum per legatos. utrimque, Aegyptiorum quidem repetentium vasa, Judæorum vero reposcentium operas suas: & tamen has justitia renunciaverunt sibi Aegyptii? Hodie adversus Marcionitas amplius allegant Hebræi, negantes compensationi satis esse quantumvis illud auri & argenti, si sexcentorum millium operæ per tot annos vel singulis nummis diurnis æstimentur. Quæ autem pars major, repetentium vasa, an incolentium villas & urbes? Querela ergo major Aegyptiorum, an gratia Hebræorum? Ut solo injuriarum judicio Hebræi Aegyptios reprecuerent, liberi homines in ergastulum subacti; ut solas scapulas suas scribæ eorum apud subsellia sua ostenderent, flagellorum contumeliosa atrocitate laceratas: non paucis lancibus & scyphis, pauciorum utique divitum ubique, sed totis & ipsorum facultatibus, & popularium omnium collationibus satisfaciendum Hebræis pronunciaffet. Igitur, si bona Hebræorum causa, bona jam & causa, id est mandatum, creatoris, qui & Aegyptios gratos fecit nescientes, & suum populum in tempore expeditionis angusto, aliquo solatio tacitæ compensationis expunxit. Plane minus exigi jussit. Hebræis etiam filios Aegyptii restituere debuerant.

21. Sic & in cæteris contrarietates præceptorum ei exprobras, ut mobili & instabili, prohibentis sabbatis operari, & jubentis arcam circumferri per dies octo, id est etiam sabbato, in expugnatione civitatis Hiericho. Nec sabbati enim inspicias legem, opera humana, non divina, prohibentem. Siquidem sex, inquit, diebus operare, & facies omnia opera tua. Septima autem die sabbata domino Deo tuo; non facies in ea omne opus: quod utique tuum. Consequens enim est, ut ea opera sabbato auferret, quæ sex diebus supra indixerat, tua scilicet, id est humana

na & quotidiana. Arcam vero circumferre, neque quotidianum opus videri potest, neque humanum; sed & rarum & sacrosanctum, & ex ipso tunc Dei præcepto utique divinum. Quod & ipse quid significaret edissererem, ni nimis longum esset figuras argumentorum omnium creatoris expandere, quas forsitan nec admittis. Sed plus est, si de absolutis revincamini simplicitate veritatis, non curiositate. Sicut & nunc certa distinctio est sabbati humana non divina opera prohibentis. Ideoque, qui sabbatis lignatum ierat, morti datus est; suum enim opus fecerat, lege interdictum. Qui vero arcam sabbatis circumtuleraut, impune gesserunt; non suum enim opus sed Dei, ex præcepto scilicet ipsius amministraverant.

22. Proinde & similitudinem vetans fieri omnium, quæ in cælo & in terra & in aquis, ostendit & causas; idololatriæ scilicet, quæ substantiam cohibentes; subijcit enim, non adorabitis ea neque servietis illis. Serpentis autem ænei effigies postea præcepta Moysi a domino non ad idololatriæ titulum pertinebat, sed ad remediandos eos, qui a serpentibus infestabantur. Et taceo de figura remedii. Sic & Cherubin & Seraphin aurea, in arcæ figuratum exemplum, certe simplex ornamentum, accommodata suggestui, longe diversas habendo causas ab idololatriæ conditione, ob quam similitudo prohibetur: non videntur similitudinum prohibitarum legi refragari; non in eo similitudinis statu deprehensa, ob quem similitudo prohibetur. Diximus de sacrificiorum rationali institutione, avocanti scilicet ab idolis ad Deum officia ea, quæ si rursus ejecerat, dicens, quo mihi multitudinem sacrificiorum vestrorum: hoc ipsum voluit intelligi, quod non sibi ea proprie exegisset. Non enim bibam inquit, sanguinem taurorum; quia & alibi ait, Deus æternus non esuriet nec sitiet. Nam & si ad oblationes

nes Abel advertit, & holocausta Noe odoratus est libenter, quæ jucunditas sive viscerum vervecinorum, sive nidoris ardentium victimarum? Sed animus simplex & Deum metuens, offerentium ea, quæ a Deo habebant & pabuli & suavis olentiae, gratiae apud Deum deputabatur; non, quæ fiebant, exigentis, sed illud, propter quod fiebant; ob honorem scilicet Dei. Si cliens diviti aut regi nihil desideranti tamen aliquid vilissimi munusculi obtulerit, quantitas & qualitas muneris infuscabit divitem & regem, an delectabit titulus officii? At si cliens ei munera, ultro, vel etiam dicto ordine suo, offerat, & sollemnia regis observet, non ex fide tamen, nec corde puro, nec plena circa cætera quoque obsequia, nonne consequens, ut rex ille vel dives exclamet; quo mihi multitudinem munerum tuorum? Plenus sum. Et solennitates & dies festos & vestra sabbata dicendo, quæ secundum libidinem suam, non secundum religionem Dei celebrando sua jam, non Dei, fecerant: conditionalem idcirco & rationalem demonstravit recusationem eorum, quæ administranda præscripserat.

23. Si vero etiam circa personas levem vultis intelligi, cum reprobat aliquando probatos; aut improvidum, cum probat quandoque reprobandos, quasi judicia sua aut damnet præterita, aut ignoret futura: atquin nihil tam bono & judici convenit, quam pro præsentibus meritis & rejicere, & adlegere. Eligitur Saul, sed nondum despector prophetæ Samuelis. Rejicitur Salomon, sed jam a mulieribus alienis possessus, & idolis Moabitarum & Sidoniorum mancipatus. Quid faceret creator, ne a Marcionitis reprehenderetur? Bene adhuc agentes prædamnaret jam propter futura delicta? Sed Dei boni non erat, nondum merentes prædamnare. Proinde peccantes nunc non recusaret propter pristina benefacta? Sed justis iudicis non  
erat,

erat, rescissis jam bonis pristinis scelera donare. Aut quis hominum sine delicto, ut eum Deus semper eligeret, quem nunquam posset recusare? Vel quis item sine aliquo bono opere, ut eum Deus semper recusaret, quem nunquam posset eligere? Exhibe bonum semper, & non recusabitur: exhibe malum, & nunquam eligetur. Cæterum, si idem homo, ut in utroque pro temporibus, in utroque dispungetur a Deo, & bono & iudice, qui non levitate aut improvidentia sententias vertit, sed censura gravissima & providentissima merita temporis cujusque dispensat.

24. Sic & pœnitentiam apud Deum prave interpretaris, quasi proinde mobilitate vel improvidentia, imo jam ex delicti recordatione, pœniteat, quoniam quidem dixerit, pœnituit quod regem fecerim Saul; præscribens scilicet, pœnitentiam confessionem sapere mali operis alicujus vel erroris. Porro non semper. Evenit enim in bonis factis pœnitentiæ confessio, ad invidiam & exprobrationem ejus, qui beneficii ingratus extiterit; sicut & tunc circa personam Saulis honorandam annuntiatur a creatore; qui non deliquerat cum Saulem assumit in regnum, & sancto spiritu augeat, optimum enim adhuc, qualis, inquit, non erat in filiis Israël, dignissime adlegerat. Sed nec ignoraverat ita eventurum. Nemo enim te sustinebit improvidentiam adscribentem Deo, ei, quem Deum non negans, confiteris & providum. Hæc enim illi propria, divinitas constat. Sed malum factum Saulis (ut dixi) onerabat pœnitentiæ suæ professione, quam vacante delicto circa Saulis adlectionem, consequens est, invidiosam potius intelligi, non criminofam. Ecce, inquis, criminofam eam animadverto, circa Ninivitas, dicente scriptura Jonæ: Et pœnituit dominum de malitia, quam dixerat, facturum se illis, nec fecit. Sicut & ipse Jonas ad Deum, Propterea  
: præve-





dices, si malitiam justitiæ nomine excusas, quia justè exitium destinarat in Ninivitas, sic quoque culpandus est, qui justitiæ utique non pœnitendæ pœnitentiam gessit. Imo nec justitiæ, inquam, pœnitebit Deum, & superest jam agnoscere, quid sit pœnitentia Dei. Non enim, si hominem ex recordatione plurimum delicti, interdum & ex alicujus boni operis ingratia pœnitet, ideo & Deum proinde. In quantum enim Deus nec malum admittit, nec bonum damnat, in tantum nec pœnitentiæ boni aut mali apud eum locus est. Nam & hoc tibi eadem scriptura determinat, dicente Samuele Sauli, Discidit dominus regnum Israël de manu tua hodie, & dabit illud proximo tuo, optimo super te, & scindetur Israël in duas partes, & non convertetur, neque pœnitentiam aget, quia non sicut homo est ad pœnitendum. Hæc itaque definitio in omnibus aliam formam divinæ pœnitentiæ statuit, quæ neque ex improvidentia, neque ex levitate, neque ex ulla boni aut mali operis damnatione reputetur, sicut humana. Quis ergo erit mos pœnitentiæ divinæ? jam relucet, si non ad humanas conditiones eam referas. Nihil enim aliud intelligetur, quam simplex conversio sententiæ prioris, quæ etiam sine reprehensione ejus possit admitti, etiam in homine, nedum in Deo, cujus omnis sententia caret culpa. Nam & in græco sono, pœnitentiæ nomen, non ex delicti confessione, sed ex animi demutatione compositum est, quam apud Deum, pro rerum variantium sese occurfu, fieri ostendimus.

25. Jam nunc, ut omnia ejusmodi expediam, ad cæteras pusillitates & infirmitates & incongruentias (ut putatis) interpretandas purgandasque, pertendam. Inclamat Deus, Adam ubi es? Scilicet ignorans ubi esset? &, causato nuditatis pudore, an de arbore gustasset, interrogat, scilicet incertus? Imo nec incertus admissi, nec ignorans lo-

di. Enimvero oportebat conscientia peccati delitescentem, evocatum prodire in conspectum domini, non sola nominis inclamatione, sed cum aliqua jam tunc admissi fugillatione. Nec enim simplici modo, id est interrogatorio sono legendum est, Adam ubi es? ed impresso & incusso & imputativo, Adam, ubi es? Id est in perditione es, id est, jam hic non es, ut & increpandi & dolendi exitus vox sit. Cæterum, qui totum orbem comprehendit manu velut pîdum, cujus cælum thronus, & terra scabellum: nimirum hujus oculos aliqua paradisi portio evaserat, quo minus illi ubicunque Adam ante evocationem viseretur, tam latens, quam de interdicta fruge sumens? Speculatorem vineæ vel horti tui, lupus aut furunculus non latet: Deum puto, de sublimioribus oculatiorem, aliquid subjecti præterire non posse. Stulte, qui tantum argumentum divinæ majestatis & humanæ instructionis, naso agis. Interrogat Deus, quasi incertus, ut & hic liberi arbitrii probans hominem in causâ aut negationis, aut confessionis, ut daret ei locum sponte confitendi delictum, & hoc nomine relevandi; sicut de Cain sciscitatur, ubinam frater ejus, quasi non jam vociferatum a terra sanguinem Abelis audisset; sed, ut & ille haberet potestatem ex eadem arbitrii potestate, sponte negandi delicti, & hoc nomine gravandi: atque ita nobis conderentur exempla confitendorum potius delictorum, quam negandorum; ut jam tunc initiaretur evangelica doctrina, Ex ore tuo justificaberis, & ex ore tuo damnaberis. Nam etsi Adam propter statum legis deditus morti est, sed spes ei salva est, dicente domino: Ecce Adam factus est tanquam unus ex nobis, de futura scilicet adlectione hominis in divinitatem. Denique quid sequitur? Et nunc; ne quando extendat manum & sumat de ligno vitæ & vivat in ævum. Interponens enim & nunc præsentis temporis verbum, temporalem, & ad præsens dilationem vitæ fecisse se ostendit.

ostendit. Ideoque nec maledixit ipsum Adam nec Evam, ut restitutionis candidatos, ut confessione re-levatos. Cain vero & maledixit, & cupidum morte luere delictum, mori interim vetuit, ut præter admissum, etiam negationis ejus oneratum. Hæc erit ignorantia Dei nostri, quæ ideo simulabatur, ne delinquens homo, quid sibi agendum sit, ignoret. Sed ad Sodomam & Gomorram descendens, Videbo, ait, si secundum clamorem pervenientem ad me consumantur, si vero non, ut agnoscam. Et hic videlicet ex ignorantia incertus, & scire cupidus? An hic sonus pronuntiationis necessarius, non dubitativum, sed comminativum exprimens sensum, sub sciscitationis obtentu? Quod si descensum quoque Dei irrides, quasi aliter non potuerit perficere judicium, nisi descendisset, vide ne tuum æque Deum pulses. Nam & ille descendit, ut, quod vellet, efficeret.

26. Sed & jurat Deus: numquid forte per Deum Marcionis? Imo, inquit, multo vanius, quod per semetipsum. Quid vellet, (ut) faceret, si alius Deus non erat in conscientia ejus, hoc cum maxime jurantis, alium absque se omnino non esse? Igitur pejerantem deprehendis, an vane dejerantem? Sed non potest videri pejerasse, qui alium esse non scivit, ut dicitis. Quod enim scit, hoc dejerans vero, non pejeravit. Sed nec vane dejerat, alium Deum non esse. Tunc enim vane dejeraret, si non fuissent, qui alios Deos crederent, tunc quidem simulachrorum cultores; nunc vero & hæretici. Jurat igitur per semetipsum, ut vel juranti Deo credas, alium Deum omnino non esse. Hoc ut Deus faceret, tu quoque Marcion coegisti. Jam tunc enim providebaris. Proinde si & in promissionibus aut comminationibus jurat, fidem in primordiis arduam extorquens, nihil Deo indignum est, quod efficit Deo credere. Satis

& tunc pusillus Deus, in ipsa etiam ferocia sua, cum ob vituli consecrationem efferatus in populum, de famulo suo postulat Moyse, sine me, & indignatus ira, disperdam illos, & faciam te in nationem magnam. Unde meliorem soletis affirmare Moysen Deo suo, deprecatorem, imo & prohibitorum iræ. Non facies enim istud, aut & me una cum eis impende. Miserandi vos quoque cum populo, qui Christum non agnoscitis, in persona Moyfi figuratum, patris deprecatorem, & oblatorem animæ suæ pro populi salute. Sed sufficit, si & Moyfi proprie donatus est populus ad præsens, quod ut famulus postulare posset a domino, id dominus a se postulavit. Ad hoc enim famulo dixit, Sine me, & disperdam illos, ut ille postulando & semetipsum offerendo non fineret: atque ita disceres, quantum liceat fidei & Prophetæ apud Deum.

27. Jam nunc, ut & cætera compendio absolvam, quæcunque adhuc ut pusilla & infirma, & indigna colligitis ad destructionem creatoris, simplici & certa ratione proponam. Deum non potuisse humanos congressus inire, nisi humanos & sensus & affectus suscepisset, per quos vim majestatis suæ, intolerabilem utique humanæ mediocritati, humilitate temperaret, sibi quidem indigna, homini autem necessaria, & ita jam Deo digna: quia nihil tam dignum Deo, quam salus hominis. De isto pluribus retractarem, si cum ethnicis agerem, quanquam & cum hæreticis non multo congressio stet. Quatenus & ipsi Deum in figura & in reliquo ordine humanæ conditionis deversatum jam credidistis: non exigetis utique, diutius persuaderi, Deum conformasse semet ipsum humanitati, sed de vestra fide revincimini. Si enim Deus, & quidem sublimior, tanta humilitate fastigium majestatis suæ stravit, ut etiam morti subjeceret, & morti crucis: cur non putetis nostro quoque Deo

Deo aliquas pusillitates congruisse, tolerabiliore tamen judaicis contumeliis & patibulis & sepulchris? An hæc sunt pusillitates, quæ jam hinc præjudicare debebunt, Christum humanis passionibus objectum, ejus Dei esse, cujus humanitates exprobrantur a vobis? Nam & profitemur, Christum semper egisse in Dei patris nomine, ipsum ab initio conversatum, ipsum congressum cum Patriarchis & Prophetis filium creatoris, sermonem ejus, quem, ex semetipso proferendo, filium fecit, ut exinde omni dispositioni suæ voluntatique præfecit; diminuens illum modico citra angelos, sicut apud eum scriptum est. Quæ diminutione in hæc quoque dispositus est a patre, quæ ut humana reprehenditis, ediscens, jam inde a primordio, jam inde hominem, quod erat futurus in fine. Ille est, qui descendit, ille, qui interrogat, ille, qui postulat, ille, qui jurat. Cæterum quia patrem nemini visum, etiam commune testabitur Evangelium, dicente Christo: Nemo cognovit patrem nisi filius. Ipse enim & veteri testamento pronuntiavit: Deum nemo videbit, & vivet, patrem invisibilem determinans, in cujus autoritate & nomine ipse erat Deus, qui videbatur Dei filius. Sed & penes nos Christus in persona Christi accipitur, quia & hoc modo noster est. Igitur quæcunque exigitis Deo digna, habebuntur in patre invisibili, incongressibilique & placido, & (ut ita dixerim) philosophorum Deo. Quæcunque autem, ut indigna, reprehenditis, deputabuntur in filio, & visis, & auditis, & congressis, arbitro patris & ministro, miscente in semetipso hominem & Deum, in virtutibus Deum, in pusillitatibus hominem, ut tantum homini conferat, quantum Deo detrahit: totum denique Dei mei, penes vos, dedecus, sacramentum est humanæ salutis. Conversabatur Deus, ut homo divina agere doceretur. Ex æquo agebat Deus cum homine, ut homo ex æquo agere

-cum Deo posset. Deus pusillus inventus est, ut homo maximus fieret. Qui talem Deum dedignaris, nescio an ex fide credas, Deum crucifixum. Quanta itaque perversitas vestra erga utrumque ordinem creatoris? Judicem eum designatis, & severitatem judicis secundum merita causarum congruentem, pro saevitia exprobratis. Deum optimum exigitis, & lenitatem ejus benignitati congruentem, pro captu mediocritatis humanæ dejectius conversatam, ut pusillitatem depreciaſtis. Nec magnus vobis placet, nec modicus; nec judex, nec amicus. Quid si non eadem & in vestro deprehendantur? Judicem quidem & illum esse jam ostendimus, in libello suo: & de judice necessarie severum, & de' severo sicut saevum, si tamen saevum.

28. Nunc & de pusillitatibus, & malignitatibus, cæterisque notis & ipse adversus Marcionem *Antirheses* æmulas faciam. Si ignoravit Deus meus, esse alium super se, etiam tuus omnino non scivit, esse alium infra se. Quod enim ait Heraclitus ille tenebrosus, eadem via sursum & deorsum. Denique, si non ignorasset, & ab initio ei occurrisset. Delictum & mortem, & ipsum autorem delicti diabolum, & omnem malum, quem Deus meus passus est esse, hoc & tuus, qui illum pati passus est. Mutavit sententias suas Deus noster, proinde qua & vester; qui enim genus humanum tam sero respexit, eam sententiam mutavit, qua tanto ævo non respexit. Pœnituit mali in aliquo Deum nostrum, sed & vestrum. Eo enim, quod tandem animadvertit ad hominis salutem, pœnitentiam dissimulationis pristinae fecit, debitam malo facto. Porro, malum factum deputabitur negligentia salutis humanæ, non nisi per pœnitentiam emendata apud Deum vestrum. Mandavit fraudem Deus noster, sed auri & argenti. Quanto autem homo preciosior auro & argento, tanto fraudulentior Deus

Deus vester, qui hominem domino & factori suo eripit. Oculum pro oculo reposcit Deus noster, sed & vester vicem prohibens, iterabilem magis injuriam facit. Quis enim non rursus percutiet, non reperiussus? Nescit Deus noster, quales adlegeret; ergo nec vester. Judam traditorem non adlegisset, si præscisset. Si & mentitum alicubi dicis creatorem, longe majus mendacium est in tuo Christo, cujus corpus non fuit verum. Multos sævitia Dei mei absumpsit, tuus quoque Deus, quos salvos non facit, utique in exitium disponit. Deus meus aliquem jussit occidi, tuus semetipsum voluit interfici, non minus homicida in semetipsum, quam in eo, a quo vellet occidi. Multos autem occidisse Deum ejus, probabo Marcioni. Nam fecit homicidam, utique periturum, nisi si populus nihil deliquit in Christum. Sed expedita virtus veritatis, paucis amat. Multa mendacio erunt necessaria.

29. Cæterum ipsas quoque *Antitheses* Marcionis cominus cæcidissem, si operosiore destructione earum egeret defensio creatoris, tam boni quam & judicis, secundum utriusque partis exempla congruentia Deo, ut ostendimus. Quod si utraque pars bonitatis atque justitiæ dignam plenitudinem divinitatis efficiunt, omnia potentis compendio: interim possum *Antitheses* retudisse, gestientes ex qualitatibus ingeniorum sive legum sive virtutum discernere, atque ita alienare Christum a creatore, ut optimum a iudice, & mitem a fero, & salutarem ab exitioso. Magis enim eos conjungunt, quos in eis diversitatibus ponunt, quæ Deo congruunt. Aufer titulum Marcionis, & intentionem atque propositum operis ipsius, & nihil aliud præstare, quam demonstrationem ejusdem Dei optimi & judicis, quia hæc duo in solum Deum competunt. Nam & ipsum studium, in eis exemplis opponendi Christum creatori, ad unitatem magis spectat. Adeo-

enim ipsa & una erat substantia, divinitatibus bona & severa, & eisdem exemplis & in similibus argumentis, ut bonitatem suam voluerit ostendere, in quibus præmiserat severitatem. Quia nec mirum erat, diversitas temporalis, si postea Deus mitior pro rebus edomitis, qui retro austerior pro indomitis. Ita per Antitheses facilius ostendi potest ordo creatoris a Christo reformatus, quo & repercussus & redditus potius quam exclusus; præsertim Deum tuum ab omni motu amariore secernas, utique & ab æmulatione creatoris scilicet. Nam si ita est, quomodo eum Antitheses singulas species creatoris æmulatum demonstrant? Agnoscam igitur & in hoc per illas Deum meum zelotem, qui res suas arbusiores in primordiis, bona ut rationali æmulatione maturitatis præcuraverit suo jure; cujus Antitheses etiam ipse mundus ejus agnoscet, ex contrarietatibus elementorum, summa tamen ratione modulatus. Quam ob rem inconsiderantissime Marcion, alium Deum lucis ostendisse debueras, alium vero tenebrarum, quo facilius alium bonitatis, alium severitatis persuasisses. Cæterum ejus erit Antithesis, cujus est & in mundo.



### LIBER TERTIUS.

I. **S**ecundum vestigia pristini operis, quod amissum reformare perseveramus, jam hinc ordo de Christo; licet ex abundanti, post decursam defensionem unicæ divinitatis. Satis etenim præjudicatum est, Christum non alterius Dei intelligendum, quam creatoris; cum determinatum est, alium Deum non credendum, præter creatorem, quem adeo Christus prædicaverit & deinceps Apostoli non alterius Christum annuntiaverint, quam ejus Dei quem Christus prædicavit, id est creatoris: ut nulla mentio alterius Dei  
atque



atque ita nec alterius Christi agitata sit ante scandalum Marcionis. Facillime hoc probatur apostolicarum & hæreticarum ecclesiarum recensu: illic scilicet pronuntiandam regulæ interversionem, ubi posteritas invenitur. Quod etiam primo libello intexui. Sed & nunc congressio ista seorsum in Christum examinatura, eo utique proficiet, ut dum Christum probamus creatoris, sic quoque Deus excludatur Marcionis. Decet veritatem totis viribus uti suis, non ut laborantem; cæterum in præscriptionum compendiis vincit. Sed decretum est, ut gestientem ubique adversario occurrere, in tantum furenti, ut facilius præsumpserit, eum venisse Christum, qui nunquam sit annunciat, quam eum, qui semper sit prædicatus.

2. Hinc denique gradum consero, an debuerit tam subito venisse? Primo, quia & ipse Dei sui filius. Hoc enim ordinis fuerit, ut ante pater filium profiteretur, quam patrem filius: & ante pater de filio testaretur, quam filius de patre. Dehinc, & quam missus, præter filii nomen. Proinde enim præcessisse debuerat mittentis patrociniū in testimonium missi, quia nemo veniens ex alterius autoritate, ipse eam sibi ex sua affirmatione defendit; sed ab ipsa defensionem potius expectat, præeunte suggestu ejus, qui autoritatem præstat. Cæterum nec filius agnoscetur, quem nunquam pater nuncupavit: nec missus credetur, quem nunquam mandator designavit. Nuncupaturus pater, & designaturus mandator, si fuisset. Suspectum habebitur omne, quod exorbitavit a regula; rerumque principalis gradus non sinit posterius agnosci patrem post filium, & mandatorem post mandatum, & Deum post Christum. Nihil origine sua prius est in agnitione, quia nec in dispositione; subito filius & subito missus & subito Christus? Atqui nihil putem a Deo subitum, quia nihil a Deo non dispositum. Si autem dispositum, cur & non præ-

dicatum, ut probari posset & dispositum ex prædicatione, & divinum ex dispositione? Et utique tantum opus, quod scilicet humanæ salutis parabatur, vel eatenus subitum non fuisset, quæ per fidem profuturum. In quantum enim credi habebat, ut prodesset, in tantum paraturam desiderabat, ut credi posset, substructam fundamentis dispositionis & prædicationis; quo ordine fides informata, merito & homini indiceretur a Deo, & Deo exhiberetur ab homine; ex agnitione debens credere, quia posset, quæ scilicet credere didicisset ex prædicatione.

3. Non fuit, inquis, ordo ejusmodi necessarius, quia statim se & filium & missum, & Dei Christum, rebus ipsis esset probaturus, per documenta virtutum. At ego negabo solam hanc illi speciem ad testimonium competisse, quam & ipse postmodum exauktoravit. Siquidem edicens, multos venturos, & signa facturos, & virtutes magnas edituros, aversionem etiam electorum, nec ideo tamen admittendos, temerariam signorum & virtutum fidem ostendit, ut etiam apud pseudochristos facillimarum. Aut quale est, si inde se voluit probari, & intelligi, & recipi, ex virtutibus dico, unde cæteros noluit æque & ipsos tam subito venturos, quam a nullo autore prædicatos? Sed quia prior eis venit, & prior virtutum documenta signavit, idcirco quasi locum in balneis, ita fidem occupavit, posteris quibusque præripuit. Vide ne & ipse in conditione posteriorum deprehendatur, posterior inventus creatore ante jam cognito, & proinde virtutes ante operato, & non aliter præfato, non esse aliis credendum, post eum scilicet. Igitur si priorem venisse, & priorem de posteris pronuntiasse hoc fidem cludet, prædamnatus erit & ipse jam ab eo, quo posterior est agnitus, & solius erit autoritas creatoris, hoc in posteros constituendi, qui nullo posterior esse potuit. Jam nunc, cum probaturus  
sim

sim creatorem easdem virtutes, quas solas ad fidem Christo tuo vendicas, interdum per famulos suos retro edidisse, interdum per Christum suum edendas destinasse, possum & ex hoc merito præscribere, tanto magis Christum non ex solis virtutibus credendum fuisse, quanto illum non alterius, quam creatoris interpretari potuissent, ut respondentibus virtutibus creatoris, & editis per famulos suos, & in Christum suum repromissis. Quanquam etsi alia documenta invenirentur in tuo Christo, nova scilicet, facilius crederemus etiam nova ejusdem esse, cujus & vetera, quam cujus tantummodo nova, egentia experimentis fidei victricis vetustatis: ut sic quoque prædicatus venire debuerit, tam prædicationibus propriis, extruentibus ei fidem, quam & virtutibus, præsertim adversus Christum creatoris venturum, & signis & prophetis propriis munitum, ut æmulus Christi per omnes diversitatum species reluceret. Sed quomodo a Deo nunquam prædicato Christus ejus prædicaretur? Hoc est ergo quod exigit, nec Deum, nec Christum tuum credi, quia & Deus ignotus esse non debuit, & Christus agnosci per Deum debuit.

4. Dedignatus opinor est imitari ordinem Dei nostri, ut displicentis, ut cum maxime revincendi: novus nove venire voluit, filius ante patris professionem, & missus ante mandatoris auctoritatem, ut & ipse fidem monstruosissimam induceret, qua ante crederetur, Christum venisse, quam sciretur fuisse. Competit mihi etiam illud retractare, cur non post Christum venerit. Nam cum intueor dominum ejus, tanto ævo patientissimum acerbissimi creatoris, annunciantis interea in homines Christum suum, quacunque id ratione fecit, tam revelationem quam intercessionem suam differens, eadem ratione dico illum patientiam debuisse creatori, in Christo quoque suo dispositiones suas exsecuturo, ut perfecta & expleta omni ope-

ratione æmuli Dei & æmuli Christi, tunc & ipse proprias dispositiones superduceret. Caterum pœnitentia tantæ patientiæ fecit, quod non in finem rerum creatoris perseveraverit. Vane sustinuit prædicari Christum ejus, quem non sustinuit exhiberi. Aut si ne causa intercidit temporis alieni decursum, aut si ne causa tam diu non intercidit. Quid illum detinuit, quidve turbavit? Atquin in utrumque commisit, post creatorem quidem tam tarde revelatus, ante Christum vero ejus tam propere. Alterum vero jam dudum debuerat traduxisse, alterum nondum: ne illum quidem tam diu sævientem sustinuisse: istum vero adhuc quiescentem inquietasse, circa ambos excidens ab optimi Dei titulo: certe varius & ipse & incertus, tepidus scilicet in creatorem, & calidus in Christum, & vanus utrobique. Non magis enim compescuit creatorem, quam obstitit Christo. Manet & creator, qualis omnino est: veniet & Christus, qualis & scribitur. Quid venit post creatorem, quem emendare non valuit? Quid ante Christum ejus revelatus est, quem revocare non potuerit? Aut si emendavit creatorem, post illum revelatus est; ut emendanda præcederent: ergo & Christum ejus æque emendaturus, expectasse debuerat, proinde & illius posterior emendator futurus, sicut creatoris. Aliud est si & ipse post illum rursus adveniet, ut primo quidem adventu processerit adversus creatorem, legem & prophetas destruens ejus: secundo vero præcedat adversus Christum, regnum redarguens ejus. Tunc ergo conclusurus ordinem suum, tunc si forte credendus est: aut si jam hinc perfecta res est ejus, vane ergo venturus est, nihil scilicet peracturus.

5. His præluferim, quasi de gradu primo adhuc, & quasi de longinquo. Sed & hinc jam ad certum & cominus dimicaturus, video aliquas etiam nunc lineas præducendas, ad quas erit dimicandum, ad scriptu-

ras scilicet creatoris. Secundum eas enim probaturus, Christum creatoris fuisse, ut postea Christo suo adimpletas, necesse habeo ipsarum quoque scripturarum formam, & (ut ita dixerim) naturam demandare, ne tunc in controversiam deductæ, cum adhibentur ad causas, & sua & causarum defensione commixtæ, obtundant lectoris intentionem. Duas itaque causas prophetici eloquii adlego, agnoscendas abhinc adversariis nostris. Unam, qua futura interdum pro jam transactis enunciantur, nam & Divinitati competit, quæcunque decreverit, ut perfecta reputare, quia non sit apud illam differentia temporis, apud quam uniformem statum temporis dirigit æternitas ipsa. Et divinationi prophetiæ magis familiare est, id quod prospiciat, dum prospicit, jam visum atque ita jam expunctum, id est omni modo futurum demonstrare: Sicut per Esaiam, Dorsum meum posui in flagella, maxillas autem meas in palmas, faciem meam vero non averti a sputatoribus. Sive enim Christus jam tunc in semetipsum secundum nos, sive propheta de semetipso secundum Judæos, pronunciabat, nondum tamen factum pro jam transacto sonabat. Alia species erit, qua pleraque figurate portenduntur per ænigmata, & allegorias, & parabolas, aliter intelligenda, quam scripta sunt. Nam & montes legimus destillaturos dulcorem, non tamen ut sapam de petris, aut defrutum de rupibus speres. Et terram audimus lacte & melle manantem, non tamen ut de glebis credas, te unquam placetas & famias coacturum: quia nec statim aquilicem & agricolam se Deus repromisit, dicens: Ponam flumina in regione sitienti, & in solitudine cedrum & buxum. Sicut & prædicans de nationum conversione, Benedicent me bestię agri, sirenes, & filię passerum. Non utique ab hirundinum pullis, & vulpeculis, & illis monstruosis fabulosisque cantricibus fausta omina relaturus est. Et quid ego de isto genere amplius? Cum etiam hæretico-

reticorum Apostolus ipsam legem indulgentem bubus terentibus os liberum, non de bubus, sed de nobis interpretetur: & petram, potui subministrando comitem Christum adleget fuisse: docens proinde ad Galatas, duo argumenta filiorum Abrahamæ allegorice cucurrisse: & suggerens Ephesiis, quod in primordiis de homine prædicatum est, relicturo patrem & matrem, & futuris duobus in unam carnem, id se in Christum & ecclesiam agnoscere.

6. Si satis constat de istis interim duabus proprietatibus judaicæ literaturæ, memento, lector, constituisse; ut, cum tale quid adhibuerimus, non retractetur de forma scripturæ, sed de statu causæ. Cum igitur hæretica dementia eum Christum venisse præsumeret, qui nunquam fuerat annuntiatus, sequebatur, ut eum Christum nondum venisse contenderet, qui semper fuerat prædicatus: atque ita coacta est cum judaico errore sociari, & ab eo argumentationem sibi struere, quasi Judæi certi & ipsi, alium fuisse qui venit, non modo respuerint eum ut extraneum, verum & interfecerint eum ut adversarium, agnituri sine dubio, & omni officio religionis persecuturi, si ipsorum fuisset. Scilicet nauclero illi non quidem Rhodia lex, sed Pontica caverat, errare Judæos in Christum solum non licere; quando, etsi nihil tale prædicatum in illos inveniretur, vel sola utique humana conditio deceptui obnoxia persuassisset, Judæos errare potuisse quia homines: nec statim præjudicium sumendum de sententia eorum quos credibile fuerat errasse. Porro, cum & prædicatum sit, non agnituros eos Christum, ideoque etiam perempturos, jam ergo ipse erit & ignoratus & interemptus ab illis, in quem ita admissuri prænotabantur. Hoc si probari exigis, non eas scripturas evolvam, quæ interemptibilem Christum edicentes, utique & ignorabilem affirmant: nisi enim ignoratus nihil scilicet pa-  
ti

ti posset. Sed reservatis eis ad causam passionum,  
 eas prædicationes in præsentī sufficiet adhibere, quæ  
 interim ignorabilem probent Christum. Et hoc bre-  
 viter, dum ostendunt omnem vim intellectus ademptam  
 populo a creatore; Auferam, inquit, sapientiam sapien-  
 tium illorum, & prudentiam prudentium eorum abscon-  
 dam: & aure audietis, & non audietis, & oculis videbi-  
 tis, & non videbitis: Incrassatum est enim cor populi  
 hujus, & auribus graviter audierunt, & oculos con-  
 cluserunt, ne quando auribus audiant, & oculis vi-  
 deant, & convertantur, & sanem illos. Hanc enim  
 obtusionem salutarium sensum meruerant, labiis  
 diligentes Deum, corde autem longe absistentes ab  
 eo. Igitur si Christus quidem annunciabatur a creato-  
 re solidante tonitruum, & concludente spiritum, &  
 annunciante in homines Christum suum secundum  
 prophetam: si omnis spes Judæorum, ne dicam etiam  
 gentium, in Christi revelationem destinabatur, sine  
 dubio id demonstrabantur non agnitori & non intelle-  
 cturi, ablatis & intelligentiæ viribus sapientia atque  
 prudentia, quod annunciabatur, id est Christus, er-  
 raturis in eum principalibus sapientibus eorum; id est  
 scribis: & prudentibus, id est Phariseis, pariter &  
 populo auribus audituro, & non audituro, utique  
 Christum docentem: & oculis visuro, & non visuro,  
 utique Christum signa facientem: secundum quod &  
 alibi, Et quis cæcus, nisi pueri mei? Et quis surdus,  
 nisi qui dominatur eorum? Sed & cum exprobrat per  
 eundem Esaïam, filios generavi & exaltavi, at illi  
 me rejecerunt, agnovit bos possessorem suum, &  
 asinus præsepe domini sui, Israël autem me non cog-  
 novit, & populus me non intellexit. Nos quidem  
 certi, Christum semper in prophetis locutum, spiri-  
 tum scilicet creatoris, sicut Propheta testatur, persona  
 spiritus nostri, Christum dominum, qui ab initio vica-  
 rius patris, in Dei nomine & auditus sit & visus: scimus  
 ipsius

ipsius voces ejusmodi fuisse jam tunc Israël exprobrantis, quæ in illum commissuri prædicabantur, Dereliquistis dominum, & in iram provocastis sanctum. Israël vero si non in Christum, sed in ipsum potius Deum volueris referre omnem judaicæ ignorantie de pristino reputationem, nolens etiam retro sermonem & spiritum, id est Christum creatoris, despectum ab eis & non agnitum; sic quoque revinceris. Non negans enim filium & spiritum & substantiam creatoris esse Christum ejus, concedas necesse est, eos, qui patrem non agnoverint, nec filiam agnoscere potuisse, per ejusdem substantiæ conditionem; cujus si plenitudo intellecta non est, multo magis portio, certe qua plenitudinis confors. His ita dispectis jam apparet, quomodo & respuerint Judæi Christum, & interemerint, non ut extraneum Christum intelligentes, sed ut suum non agnoscentes: qui enim extraneum intelligere potuissent, de quo nihil unquam fuerat annunciatum, cum intelligere non potuissent, de quo semper fuerat prædicatum? Id enim intelligi vel non intelligi capit, quod habendo substantiam prædicationis, habebit & materiam vel agnitionis vel erroris. Quod vero materia caret, non admittit sapientiæ eventum. Et adeo non qua alterius Dei Christum averfati persecutique sunt, sed qua solummodo hominem, quem planum in signis, & æmulum in doctrinis existimabant, ut & ipsum hominem, qua suum, id est Judæum, sed Judæismi exorbitatorem & destructorem, deduxerint in judicium, & suo jure punierint; alienum scilicet non judicaturi. Tanto abest, ut alienum Christum intellexisse videantur, qui nec hominem ejus ut alienum judicaverunt.

7. Discat nunc hæreticus ex abundanti, cum ipso licebit Judæo, rationem quoque errorum ejus, a quo ducatum mutuatus, in hac argumentatione, cæcus a cæco in eandem decedit foveam. Duos dicimus Christi



Christi habitus a prophetis demonstratos, totidem adventus ejus prænотasse: unum in humilitate, utique primum; cum tanquam ovis ad victimam deduci habebat, & tanquam agnus ante tondentem sine voce, ita non aperiens os, ne adspectu quidem honestus: Annunciavimus enim, inquit, de illo sicut puerulus, sicut radix in terra sitienti, & non est species ejus neque gloria, & vidimus eum, & non habebat speciem neque decorem: sed species ejus inhonorata, deficiens citra filios hominum, homo in plaga, & sciens ferre infirmitatem, ut positus a patre in lapidem offensionis & petram scandali, minoratus ab eo modicum citra angelos, vermem se pronuncians, & non hominem: ignominiam hominis, & nullificamen populi. Quæ ignobilitatis argumenta primo adventui competunt, sicut sublimitatis, secundo; cum fiet jam non lapis offensionis nec petra scandali, sed lapis summus angularis, post reprobationem assumptus, & sublimatus in consummationem templi, ecclesiæ scilicet: Et petra sane illa apud Danielem de monte præcisa, quæ imaginem secularium regnorum comminuet & conteret. De quo adventu idem propheta: Et ecce cum nubibus cæli tanquam filius hominis veniens venit usque ad veterem dierum, & aderat in conspectu ejus: et qui assisteabant, adduxerunt illum, & data est ei potestas regia: & omnes nationes terræ secundum genera, & omnis gloria famulabunda, & potestas ejus usque in ævum, quæ non auferetur: & regnum ejus, quod non vitiabitur. Tunc scilicet habiturus & speciem honorabilem, & decorem indeficientem super filios hominum: Tempestivus enim, inquit, decore citra filios hominum, effusa est gratia in labiis tuis; propterea benedixit te Deus in ævum, accingere enses super fœdus tuum, potens tempestivitate tua & pulchritudine tua: cum & pater posteaquam diminuit eum modicum quid citra angelos, gloria & honore coronabit

coronabit illum & subiciet omnia pedibus ejus. Tunc & cognoscent eum, qui compugerunt, & cædent pedora sua tribus ad tribum, utique quod retro non agnoverunt eum in humilitate conditionis humanæ: Et homo est, inquit Hieremias, & quis cognoscet illum? Quia & nativitatem ejus Esaias, quis, inquit, enarrabit? Sic & apud Zachariam in persona Jesu, imo & in ipso nominis sacramento, verus summus sacerdos patris, Christus Jesus, duplici habitu in duos adventus deliniatur, primo sordidis indutus, id est carnis passibilis & mortalis indignitate, cum & diabolus adversabatur ei, autor scilicet traditoris, ne dicam etiam post baptismum tentator. Dehinc despoliatus pristinas sordes, & exornatus podere & mitra & cidari munda, id est secundi adventus gloria & honore. Si enim & duorum hircorum, qui jejuniis offerebantur, faciam interpretationem, nonne & illi utrumque ordinem Christi figurant, Pares quidem atque consimiles propter eundem domini conspectum, quia non in alia venturus est forma, ut qui agnosci habeat a quibus & læsus est. Alter autem eorum circumdatus coccineis, maledictus & consputus, & convulsus, & compunctus, a populo extra civitatem abjiciebatur in perditionem, manifestis notatus insignibus dominicæ passionis. Alter vero pro delictis oblatus, & sacerdotibus templi in pabulum datus, secundæ representationis argumenta signabat, qua delictis omnibus expiatis, sacerdotes templi spiritalis, id est ecclesiæ, dominicæ gratiæ quasi *visceratione* quadam fruerentur, jejunantibus cæteris a salute. Igitur quoniam primus adventus & plurimum figuris obscuratus, & omni inhonestate prostratus canebatur; secundus vero & manifestus & Deo condignus, idcirco, quem facile & intelligere & credere potuerunt, eum solum intuentes, id est secundum, non immerito decepti sunt circa obscuriorem, certe indigniorem, id est primum: atque ita in hodiernum

diernum negant venisse Christum suum, quia non in sublimitate venerit, dum ignorant, etiam in humilitate fuisse venturum.

8. Desinat nunc hæreticus, a Judæo, aspis (quod ajunt) a vipera mutuari venenum: evomat jam hinc proprii ingenii virus, phantasma vindicans Christum, nisi quod & ista sententia alios habebit autores, præcoquos & abortivos quodammodo Marcionitas, quos Apostolus Joannes Antichristos pronuntiavit, negantes Christum in carne venisse, & tamen non ut alterius Dei jus constituerent, quia & de isto notati fuissent, sed quoniam incredibile præsumperant, Deum carnem. Quo magis Antichristus Marcion sibi eam rapuit præsumptionem, aptior scilicet ad renuendam corporalem substantiam Christi; qui ipsum Deum ejus nec autorem carnis induxerat, nec resuscitatore, optimum videlicet, & in isto, & diversissimum a mendaciis & fallaciis creatoris. Et ideo Christus ejus ne mentiretur, ne falleret, & hoc modo creatoris forsitan deputeretur, non erat quod videbatur, & quod erat mentiebatur, caro nec caro, homo nec homo. Proinde Deus, Christus, nec Deus. Cur enim non etiam Dei phantasma portaverit? An credam ei de interiore substantia, qui sit de exteriori frustratus? Quomodo verax habebitur in occulto, tam fallax repertus in aperto? Quomodo autem in semetipso veritatem spiritus fallacia carnis confundens, negatam ab Apostolo, lucis, id est veritatis, & fallaciæ, id est tenebrarum commisit communicationem? Jam nunc cum mendacium deprehenditur christus, caro: sequitur, ut & omnia, quæ per carnem Christi gesta sunt, mendacio gesta sunt, congressus, contactus, convictus, ipsæ quoque virtutes. Si enim tangendo aliquem liberavit a vitio, vel tactus ab aliquo, quod corporaliter actum est: non potest vere actum credi, sine corporis ipsius veritate. Nihil solidum ab inani, nihil ple-

sum a vacuo perfici licuit. Putativus habitus, putativus actus, imaginarius operator, imaginariæ operæ. Sic nec passionēs Christi ejus fidem merebuntur. Nihil enim passus est, qui non vere est passus. Vere autem pati phantasma non potuit. Eversum est igitur totum Dei opus. Totum Christiani nominis & pondus & fructus, mors Christi negatur, quam tam impressē Apostolus demandat, utique veram, summum eam fundamentum Evangelii constituens, & salutis nostræ & prædicationis suæ. Tradidi enim, inquit, vobis in primis, quod Christus mortuus sit pro peccatis nostris, & quod sepultus sit, & quod resurrexit tertia die. Porro, si caro ejus negatur, quomodo mors ejus asseveratur, quæ propria carnis est passio, per mortem devertentis in terram, de qua est sumpta secundum legem sui autoris? Negata vero morte, dum caro negatur, nec de resurrectione constabit. Eadem enim ratione non resurrexit, qua mortuus non est, non habendo substantiam scilicet carnis, cujus sicut & mors, ita & resurrectio est. Proinde resurrectione Christi infirmata, etiam nostra subversa est. Nec ea enim valebit, propter quam Christus venit, si Christus non valebit. Nam sicut illi, qui dicebant resurrectionem mortuorum non esse, revincuntur ab Apostolo ex resurrectione Christi: ita resurrectione Christi non consistente, aufertur & mortuorum resurrectio. Atque ita inanis est & fides nostra, inanis est prædicatione Apostolorum. Inveniuntur autem etiam falsi testes Dei, quod testimonium dixerint, quasi resuscitaverit Christum, quem non resuscitavit. Et sumus adhuc in delictis. Et qui in Christo dormierunt, perierunt, sane resurrecturi, sed phantasmate forsitan, sicut & Christus.

9. In ista quæstione, qui putaveris opponendos esse nobis angelos creatoris, quasi & illi in phantasmate,

mate, putativæ utique carnis, egerint apud Abraham & Loth, & tamen vere sint & congressi, & pasti, & operati quod mandatum eis fuerat: primo non admit-  
teris ad ejus Dei exempla, quem destruis. Nam &  
quanto meliorem & perfectiorem Deum inducis, tan-  
to non competunt illi ejus exempla, quo nisi diversus  
in totum, non erit omnino melior atque perfectior. De-  
hinc scito, nec illud concedi tibi, ut putativa fuerit  
in angelis caro, sed veræ & solidæ substantiæ huma-  
næ. Si enim difficile non fuit illi, putativæ carnis  
veros & sensus & actus exhibere, multo facilius ha-  
buit veris & sensibus & actibus veram dedisse substan-  
tiam carnis, vel qua proprius autor & artifex ejus.  
Tuus autem Deus, eo quod carnem nullam omnino  
produxerit, merito fortasse phantasma ejus intulerit,  
cujus non valuerat veritatem. Meus autem Deus,  
qui illam de limo sumptam in hac reformavit quali-  
tate, nondum ex semine conjugali, & tamen carnem,  
æque potuit ex quacunque materia angelis quoque ad-  
struxisse carnem, qui etiam mundum ex nihilo in tot  
& talia corpora, & quidem verbo ædificavit. Et uti-  
que, si Deus tuus veram quandoque substantiam an-  
gelorum hominibus pollicetur, erunt enim, inquit,  
sicut angeli: cur non & Deus meus veram substantiam  
hominum angelis accommodarit, unde unde sumptam?  
Quia nec tu mihi respondebis, unde illa apud te an-  
gelica sumatur, sufficit mihi hoc definire, quod Deo  
congruit, veritatem scilicet ejus rei, quam tribus te-  
stibus sensibus objecit, visui, tactui, auditui: diffi-  
cilius Deo mentiri, quam carnis veritatem unde pro-  
ducere, licet non natæ. Cæterum & aliis hæreticis  
definientibus carnem illam in angelis ex carne nasci  
debuisse, si vere fuisset humana, certa ratione respon-  
demus, qua & humana vere fuerit, & innata, humana  
vere, propter Dei veritatem, a mendacio & fallacia  
extranei, & quia non possent humanitus tractari ab

hominibus, nisi in substantia humana. Innata autem, quia solus Christus in carnem ex carne nasci habebat, ut nativitatem nostram nativitate sua reformaret; atque ita etiam mortem nostram morte sua dissolveret resurgendo in carne, in qua natus est, ut & mori posset. Ideoque & ipse cum angelis tunc apud Abraham in veritate quidem carnis apparuit, sed nondum natæ, quia nondum morituræ, sed & discantis iam inter homines conversari. Quo magis angeli, neque ad moriendum pro nobis dispositi, brevem carnis commeatum non debuerunt nascendo sumfisse, quia nec moriendo deposituri eam fuerant, sed unde sumptam, & quoquo modo omnino dimissam, mentiti non sunt; si creator facit angelos spiritus, & apparitores suos ignem flagrantem: tam vere spiritus quam & ignem, idem illos vere fecit & carnem: ut nunc recordemur & hæreticis renunciemus, ejus esse promissum, homines in angelos reformandi quandoque, qui angelos in homines formarit aliquando.

10. Igitur non admissus ad consortium exemplorum creatoris, ut alienorum, & suas habentium causas, velim edas & ipse consilium Dei tui, quo Christum suum non in veritate carnis exhibuit, si aspernatus est illam ut terrenam, & (ut dicitis) stercoreibus inferfam, cur non & simulachrum ejus proinde despexit? Nullius enim dedignandæ rei imago dignanda est. Sequitur statum similitudo. Sed quomodo inter homines conversaretur, nisi per imaginem substantiæ humanæ? Cur ergo non potius per veritatem ut vere conversaretur, si necesse habebat conversari? Quanto dignius necessitas fidem, quam stropham administrasset? Satis miserum Deum instituis, hoc ipso, quod Christum suum non potuit exhibere, nisi in indignæ rei effigie, & quidem alienæ. Aliquantis enim indignis conveniet uti, si nostris sicut alienis non congruet uti, licet dignis. Cur enim non in aliqua

qua alia digniore substantia venit, & in primis sua, ne & indigna & aliena videretur eguisse? Si creator meus per rubum quoque & ignem, idem postea per nubem & globum cum homine congressus est, & elementorum corporibus in representationibus sui usus est: satis hæc exempla divinæ potestatis ostendunt, Deum non eguisse aut falsæ aut etiam veræ carnis paratura. Cæterum si ad certum spectamus, nulla substantia digna est, quam Deus induat. Quodcunque induerit, ipse dignum facit, absque mendacio tamen. Et ideo quale est, ut dedecus existimarit veritatem potius, quam mendacium carnis? Atquin honoravit illam fingendo. Quanta jam caro est, cujus phantasma necessarium fuit Deo superiori?

II. Totas istas præstigias putativæ in Christo corpulentia Marcion illa intentione suscepit, ne ex testimonio substantiæ humanæ nativitas quoque ejus defenderetur, atque ita Christus creatoris vindicaretur, ut qui nascibilis ac per hoc carneus annunciaretur. Stultissime & hic Ponticus, quasi non facilius crederetur caro in Deo non nata, quam falsa, præstuentibus vel maxime fidem istam angelis creatoris in carne vera conversatis, nec tamen nata. Nam & Philumene illa magis persuasit Apelli, cæterisque defertoribus Marcionis, ex fide quidem Christum circumtulisse carnem, nullius tamen nativitatis, utpote de elementis eam mutuatum. Quod si verebatur Marcion, ne fides carnis nativitatis quoque fidem induceret, sine dubio, qui homo videbatur, natus utique credebatur. Nam & mulier quædam exclamaverat: beatus venter, qui te portavit, & ubera quæ hausisti. Et quomodo mater & fratres ejus dicti sunt foris stare? Et videbimus de his capitulis suo tempore. Certe, cum & ipse se filium hominis prædicaret, natum scilicet profitebatur. Nunc ut hæc omnia ad Evangelii distulerim examinationem: tamen, quod supra

statui, si omni modo natus credi habebat, qui homo videbatur, vane nativitatis fidem consilio imaginariæ carnis expungendam putavit. Quid enim profuit, non vere fuisse, quod pro vero haberetur, tam carnem quam nativitatem? Aut si dixeris, viderit opinio humana. Jam Deum tuum honoras fallaciæ titulo, si aliud se sciebat esse, quam quod homines fecerat opinari. Jam tunc potuisti etiam nativitatem putativam illi accommodasse, ne in hanc quoque impigres questionem. Nam & mulierculæ nonnunquam prægnantes sibi videntur, aut sanguinis tributo, aut aliqua valetudine inflatæ. Et utique debuerat phantasmatis scenam decucurrisse, ne originem carnis non desultasset, qui personam substantiæ ipsius egisset. Plane nativitatis mendacium recusasti: ipsam enim carnem veram edidisti. Turpissimum scilicet Dei, etiam vera nativitas. Age jam, perora in illa sanctissima & reverenda opera naturæ, invehere in totum quod es, carnis atque animæ originem destrue; cloacam voca uterum tanti animalis, id est hominis producendi officinam, persequere & partus immunda, & pudenda tormenta, & exinde puerperii spurcos, anxios, ludicros exitus. Tamen, cum omnia ista destruxeris, ut Deo digna confirmes, non erit indignior morte nativitas, & cruce infantia, & natura pœna, & carne damnatio. Si vere ista passus est Christus, minus fuisset nasci. Si mendacio passus est, ut phantasma, potuit & mendacio nasci. Summa ista Marcionis argumenta, per quæ alium efficit Christum, satis opinor ostendimus, non consistere omnino; dum docemus magis utique competere Deo veritatem, quam mendacium ejus habitus, in quo christum suum exhibuit. Si veritas fuit, caro fuit: si caro fuit, natus est. Ea enim quæ expugnat hæc hæresis, confirmantur, cum ea, per quæ expugnat, destruuntur. Itaque, si carneus habebitur, quia natus, & natus quia carneus:



neus: quia phantasma non fuerit, ipse erit agnoscendus, qui in carne & ex nativitate venturus annuntiabatur a creatoris prophetis, utpote Christus creatoris.

12. Provoca nunc, ut soles, ad hanc Esaiæ comparisonem Christi, contendens illam in nullo convenire. Primo enim, inquis, Christus Esaiæ Emmanuel vocari habebit, dehinc virtutem fumere Damasci & spolia Samariæ, adversum regem Assyriorum. Porro iste, qui venit, neque sub ejusmodi nomine est editus, neque ulla re bellica functus est. At ego te admonebo, uti coherentia quoque utriusque capituli recognoscas. Subjuncta est enim & interpretatio Emmanuelis, nobiscum Deus, uti non solum sonum nominis spectes, sed & sensum. Sonus enim hebraeus, quod est Emmanuel, suæ gentis est. Sensus autem ejus, quod est Deus nobiscum, ex interpretatione communis est. Quære ergo, an ista vox, nobiscum Deus, quod est Emmanuel, exinde quod Christus illuxit, agitur in Christo. Et puto non negabis, utpote qui & ipse dicas, Deus nobiscum dicitur, id est Emmanuel. Aut si tam vanus es, ut quia *penes te nobiscum Deus* dicitur, non Emmanuel, idcirco nolis venisse illum, cujus proprium sit vocari Emmanuel, quasi non hoc sit & Deus nobiscum: invenies apud hebræos Christianos imo & Marcionitas, Emmanuelem nominare, cum volunt dicere nobiscum Deus: sicut & omnis gens quoquo sono dixerit, nobiscum Deus, Emmanuelem pronunciavit, in sensu sonum expungens. Quod si Emmanuel nobiscum Deus est, Deus autem nobiscum Christus est, qui etiam in nobis est, (quotquot enim in Christum tincti estis, Christum induistis:) tam proprius est Christus in significatione nominis, quod est nobiscum Deus, quam in sono nominis, quod est Emmanuel. Atque ita constat, vasisse jam illum, qui prædicabatur Emmanuel, quia

quod significat Emmanuel, venit, id est nobiscum Deus.

13. Aequè & sono nominum duceris, cum virtutem Damasci, & spolia Samariæ, & regem Assyriorum; sic accipis, quasi bellatorem portendant Christum creatoris; non animadvertens, quid scriptura promittat. Quoniam priusquam cognoscat vocare patrem & matrem, accipiet virtutem Damasci & spolia Samariæ adversus regem Assyriorum. Ante est enim, inspicias ætatis demonstrationem, an hominem jam Christum exhibere possit, nedum imperatorem? Scilicet vagitu ad arma esset convocaturus infans? Et signa belli, non tuba, sed crepitacillo daturus? Nec ex equo vel de curru vel de muro, sed de nutricis aut gerulæ suæ collo sive dorso hostem destinaturus? Atque ita Damascum & Samariam pro mammillis subactus? Aliud est, si penes Ponticos barbaricæ gentis infantes in prælium erumpunt, credo ad solem uncti prius, dehinc pannis armati, & butyro stipendiati, qui ante norint lanceare, quam lancinare. Enimvero, si nusquam hoc natura concedit, ante militare quam vivere, ante virtutem Damasci sumere, quam patris & matris vocabulum nosse, sequitur, ut figurata pronuntiatio videatur. Sed & virginem, inquit, parere natura non patitur, & tamen creditur prophetæ. Et merito; præstruxit enim fidem incredibili rei, rationem edendò, quod in signo esset futura. Propterea, inquit, dabit vobis dominus signum, Ecce virgo concipiet in utero, & pariet filium. Signum autem a Deo, nisi novitas aliqua monstruosa, tam dignum non fuisset. Denique & Judæi siquando ad nos dejiendos mentiri audent, quasi non virginem, sed *juvenculam* concepturam & parituram scriptura contineat, hinc revincuntur, quod nihil signi videri possit res quotidiana, juvenculæ scilicet prægnatus & partus. In signum ergo disposita

posita virgo & mater merito creditur: infans vero bellator, non æque. Non enim & hic signi ratio versatur; sed signo nativitatis novæ adscripto, exinde post signum alius ordo jam infantis edicitur, mel & butyrum manducaturi. Nec hoc utique in signum est; malitiæ non assentaturi, & hoc enim infantia est, sed accepturi virtutem Damasci & spolia Samariæ adversus regem Assyriorum. Serva modum ætatis, & quære sensum prædicationis: imo redde Evangelio veritatis, quæ posterior detraxisti, & tam intelligitur prophetia, quam renuntiatur expuncta. Maneant autem orientales illi Magi, in infantia Christum recentem auro & thure munerantes, & acceperit infans virtutem Damasci, sine prælio & armis. Nam præter quod omnibus notum est, orientis virtutem, id est vim & vires auro & odoribus pollere solitam, certe est creatori virtutem cæterarum quoque gentium aurum constituere, sicut per Zachariam, Et Judas prætetendit apud Hierusalem, & congregabit omnem valentiam populorum per circuitum, aurum & argentum. De illo autem tunc auri munere, etiam David, Et dabitur illi ex auro Arabiæ. Et rursus, Reges Arabum & Saba munera offerent illi. Nam & Magos reges habuit fere Oriens; & Damascus Arabiæ retro deputabatur, antequam transcripta erat in Syrophœnicen, ex distinctione Syriarum, cujus tunc virtutem Christus accepit, accipiendo insignia ejus, aurum scilicet & odores: spolia autem Samariæ, ipsos Magos: qui cum illum cognovissent, & muneribus honorassent, & genu posito adorassent, quasi Deum & regem sub testimonio indicis & ducis stellæ, spolia sunt facti Samariæ, id est idololatriæ, credentes videlicet in Christum. Idololatriam enim Samariæ nomine notavit, ut ignominiosæ ob idololatriam, qua desciverat tunc a Deo, sub rege Hieroboam. Nec hoc enim novum est creatori, figurate uti translatione nominum ex

comparatione criminum. Nam & archontas Sodomorum, appellat archontas Judæorum, & populum ipsum, populum Gomorræ vocat. Et idem alibi: Pater, inquit, tuus Amorrhæus, & mater tua Chetæa: ob consimilem impietatem, quos aliquando etiam suos filios dixerat, filios generavi & exaltavi. Sic & Aegyptus nonnunquam totus orbis intelligitur apud illum superstitionis & maledictionis elogio. Sic & Babylon etiam apud Joannem nostrum *Romana* urbis figura est, proinde magnæ & regnæ superbæ & sanctorum Dei debellatricis. Hoc itaque usu Magos quoque Samaritarum appellatione titulavit, despoliatos, quod habuerant cum Samaritis, ut diximus, idololatriam. Adversus regem autem Assyriorum, adversus Herodem intellige, cui utique adversati sunt Magi tunc non renunciando de Christo, quem intercipere quærebat.

14. Adjuvabitur hæc nostra interpretatio, dum & alibi bellatorem existimans Christum, ob armorum quorundam vocabula & ejusmodi verba, ex reliquorum quoque sensuum comparatione convinceris: Accingere, inquit David, ense super femur. Sed quid supra legis de Christo? Tempestivus decore præter filios hominum, effusa est gratia in labiis tuis. Rideo, si quem ad bellum ense cingebat, ei de tempestivitate decoris, & labiorum gratia blandiebatur: sic item subjungens, & extende & prosperare & regna, adjecit, propter veritatem & lenitatem & justitiam. Quis enim ense operabitur, & non contraria potius dolum & asperitatem & injustitiam, propria scilicet negotia præliorum? Videamus ergo an alius sit ensis ille, cujus alius est actus. Nam & Apostolus Joannes in Apocalypsi ensen describit ex ore Dei prodeuntem bis acutum, præacutum, quem intelligi oportet sermonem divinum, bis acutum, duobus testamentis legis & evangelii, acutum sapientia, infestum diabolo, arman-

armantem nos adversus hostes spirituales nequitiae, & concupiscentiae omnis, amputantem etiam a charissimis ob Dei nomen. Quod si Joannem agnitum non vis, habes communem magistrum Paulum, praecingentem lumbos nostros veritate & lorica iustitiae, & calciantem nos praeparatione Evangelii pacis, non belli, assumere jubentem scutum fidei, in quo possumus omnia diaboli ignita tela extinguere, & galeam salutaris, & gladium spiritus, quod est, inquit, Dei sermo. Hanc & dominus ipse machaeram venit mittere in terram, non pacem. Si tuus Christus est, ergo & ipse bellator est. Si bellator non est, machaeram intentans allegoricam, licuit ergo & Christo creatoris in psalmo sine bellicis rebus ense sermonis praecingi figurato, cui supradicta tempestivitas congruat, & gratia labiorum, quem tunc jam cingebatur super femur apud David, quandoque missurus in terram. Hoc est enim quod ait, & extende & prospere & regna. Extendens sermonem in omnem terram, ad universarum gentium vocationem, prosperaturus successu fidei, qua est receptus, & regnans exinde, qua mortem resurrectione devicit. Et deducet te, inquit, mirifice dextera tua. Virtus scilicet gratiae spiritualis, qua Christi agnitio deducitur. Sagittae tuae acutae, pervolantiae ubique praeepta, & minae traductiones cordis, compungentes & transfigentes conscientiam quamque. Populi sub te concident, utique adorantes. Sic bellipotens & armiger Christus creatoris: sic & nunc accipiens spolia, non solius Samariae, verum & omnium gentium. Agnosce & spolia figurata, cujus & arma allegorica didicisti. Figurata itaque & domino ejusmodi loquente, & Apostolo scribente, non temere interpretationibus ejus utimur, quarum exempla etiam adversarii admittunt, atque ita in tantum Esaiæ erit Christus, qui venit,  
in

in quantum non fuit bellator, quia non talis ab Esaia prædicatur.

15. De quæstione carnis, & per eam nativitatis, & unius interim nominis Emmanuelis huc usque. De cæteris vero nominibus, & in primis Christi, quid pars diversa respondebit? Si proinde commune est apud vos Christi nomen, quemadmodum & Dei, ut sicut utriusque Dei filium Christum competat dici, sic utrumque patrem dominum: certe ratio huic argumentationi refragabitur. *Dei* enim nomen quasi naturale divinitatis. potest in omnes communicari, quibus divinitas vindicatur, sicut & idolis, dicente Apostolo, Nam & sunt qui dicuntur Dii, sive in cælo, sive in terris. Christi vero nomen non ex natura veniens, sed ex dispositione, proprium ejus efficitur, a quo dispositum invenitur. Nec in communicationem alii Deo subjacet, maxime æmulo, & habenti suam dispositionem, cui & nomina privata debet. Quale est enim quod diversas dispositiones duorum commentati deorum, societatem nominum admittunt, in discordiam dispositionum? Quando nulla magis probatio assisteret duorum & æmulorum Deorum, quam si in dispositione eorum etiam diversitas nominum inveniretur. Nullus enim status differentiarum non nisi proprietatibus appellationum consignatur. Quibus deficientibus siquando, nunc græca *catachresis* de alieno abutendo succurrit: apud Deum autem deficere puto nihil debet, nec de alieno instrui dispositiones ejus. Quis hic Deus est, qui filio quoque suo nomina a creatore vendicat? Non dico aliena, sed vetera & vulgata, quæ vel sic non competerent Deo novo & incognito. Quomodo denique docet novam plagulam non ad sui veteri vestimento, nec vinum novum veteribus utribus credi, assutus ipse & indutus nominum senio? Quomodo abscidit evangelium a lege, tota lege vestitus? In nomine scilicet Christi.

Quis

Quis illum prohibuit aliud vocari, aliud prædicantem, aliunde venientem, cum propterea nec corporis suscepit veritatem, ne Christus creatoris crederetur? Vane autem noluit eum se videri, quem voluit vocari: quando & si vere corporeus fuisset, magis Christus creatoris non videretur, si non vocaretur. At nunc substantiam respuit, cujus nomen accepit, etiam substantiam probaturus ex nomine. Si enim Christus unctus est, ungui utique corporis passio est. Qui corpus non habuit, ungui omnino non potuit. Qui ungui omnino non potuit, Christus vocari nullo modo potuit. Aliud est, si & nominis phantasma affectavit. Sed quomodo, inquit, irreperet in Judæorum fidem, nisi per solemne apud eos & familiare nomen? Inconstantem aut subdolum Deum narras; aut diffidentiae aut malitiositatis consilium est, fallendo quid promovere. Multo liberius atque simplicius egerunt pseudoprophetae, adversus creatorem in sui Dei nomine venientes. Sed nec effectum consilii hujus invenio, cum facilius aut suum crediderint Christum, aut plenum potius aliquem, quam alterius Dei Christum, sicut Evangelium probabit.

16. Nunc si nomen Christi, ut sportulam furunculus, captavit, cur etiam Jesus voluit appellari, non tam expectabili apud Judeos nomine? Nec enim, si nos per Dei gratiam intellectum consecuti sacramentorum ejus, hoc quoque nomen agnoscimus Christo destinatum, ideo & Judæis, quibus adempta est sapientia, nota erit res. Denique ad hodiernum, Christum sperant non Jesum, & Heliam potius interpretantur Christum quam Jesum. Qui ergo & in eo nomine venit, in quo Christus non præsumebatur, potuit in eo solo nomine venisse, quod solum præsumebatur. Cæterum cum duo miscuit, speratum & insperatum, expugnatur utrumque consilium ejus. Sive enim ideo Christus, ut interim quasi creatoris irrepe-

irreperet, obrepit Jesus, quia non sperabatur Jesus, in Christo creatoris; sive ideo Jesus ut alterius haberetur: non finit Christus, quia non alterius sperabatur Christus quam creatoris. Quid horum constare possit ignoro. Constabit autem utrumque in Christo creatoris, in quo invenitur etiam Jesus. Quomodo inquis? Disce & hic cum partiaris erroris tui Judæis. Cum successor Moyse destinaretur Auses filius Nave, transfertur certe de pristino nomine, & incipit vocari Jesus. Certe, inquis. Hanc prius dicimus figuram futuri fuisse. Nam quia Jesus Christus secundum populum, quod sumus nos, nati in seculi desertis, introducturus erat in terram promissionis melle & lacte manantem, id est vitæ æternæ possessionem, qua nihil dulcius, idque non per Moysen, id est non per legis disciplinam, sed per Jesum, per Evangelii gratiam provenire habebat, circumcisis nobis petrina acie, id est Christi; petra enim Christus: ideo is vir, qui in hujus sacramenti imagine parabatur, etiam nominis dominiti inauguratus est figura, Jesus cognominatus. Hoc nomen ipse Christum suum, jam tunc esse testatus est, cum ad Moysen loquebatur. Quis enim loquebatur, nisi spiritus creatoris, qui est Christus? Cum ergo mandato diceret populo, Ecce ego mitto angelum meum ante faciem tuam, qui te custodiat in via, & introducat in terram, quam paravi tibi, intende illi & exaudi eum, ne inobaudieris eum. Non enim celabit te, quoniam nomen meum super illum est. Angelum quidem eum dixit ob magnitudinem virtutum, quas erat editurus, & ob officium prophetæ, nunciantis scilicet divinam voluntatem: Jesum autem, ob nominis sui futuri sacramentum. Identidem nomen suum confirmavit, quod ipse ei indiderat, quia non angelum, nec Ausen, sed Jesum eum jusserat exinde vocitari. Ergo, si utrumque nomen competit in Christum creatoris, tanto utrumque non



non competit in Christum non creatoris, sicut non reliquus ordo. Facienda est denique jam hinc inter nos certa ista & iusta præscriptio, & utrique parti necessaria, qua determinatum sit, nihil omnino commune esse debere alterius Dei Christo, cum Christo creatoris. Nam & a vobis proinde diversitas defendenda est, sicut a nobis repugnanda est: quia nec vos probare poteritis alterius Dei venisse Christum, nisi eum longe alium demonstraveritis a Christo creatoris: nec nos eum creatoris vindicare, nisi talem eum ostenderimus, qualis constituitur a creatore. De nominibus jam obduximus. Mihi vendico Christum, mihi defendo Jesum.

17. Reliquum ordinem ejus cum scripturis conferamus. Quodcunque illud corpusculum sit, quoniam habitum, & quoniam conspectum fuit, si inglorius, si ignobilis, si inhonorabilis: meus erit Christus; talis enim habitu & aspectu annunciabatur. Adest rursus Esaias: Annunciavimus, inquit, coram ipso velut puerulus, velut radix in terra sitienti, & non est species ejus neque gloria: & vidimus eum, & non habebat speciem neque decorem, Sed species ejus inhonorata, deficiens citra omnes homines. Sicut & supra, patris ad filium vox, Quemadmodum expavescent multi super te, sic sine gloria erit ab hominibus forma tua. Nam etsi tempestivus decore apud David citra filios hominum: sed in allegorico illo statu gratiæ spiritualis; cum accingitur ense sermonis, qui vere species & decor & gloria ipsius est. Cæterum habitu incorporabili apud eundem Prophetam, vermis etiam & non homo, ignominia hominis & nullificamen populi. Neque interiorem qualitatem ejus cujusmodi annuncias. Si enim plenitudo in illo spiritus constitit, agnosco virgam de radice Jesse. Flos ejus, meus erit Christus, in quo requievit secundum Esaiam spiritus sapientiæ & intellectus, spiritus consilii

consilii & vigoris, spiritus agnitionis & pietatis, spiritus timoris Dei. Neque enim ulli hominum diversitas spiritualium documentorum competeat, nisi in Christum; flori quidem ob gratiam spiritus adæquatum, ex stirpe autem Jesse deputatum, per Mariam inde censendam. Expostulo autem de proposito, si das ei omnis humilitatis & patientiæ & tranquillitatis intentionem, & ex his Eſaiæ erit Christus homo in plaga, & sciens ferre imbecillitatem: qui tanquam ovis ad victimam adductus est, & tanquam agnus ante tondentem non aperuit os. Qui neque contendit, neque clamavit, nec audita est foris vox ejus, qui arundinem contusam, id est quassam Judæorum fidem, non comminuit: qui linum ardens, id est momentaneum ardorem gentium, non extinxit. Non potest alius esse, quam qui prædicebatur. Oportet actum ejus ad scripturarum regulam recognosci, duplici, nisi fallor, operatione distinctum, prædicationis & virtutis. Sed de utroque titulo sic disponam, ut quoniam ipsum quoque Marcionis Evangelium discuti placuit, de speciebus doctrinarum & signorum illuc differamus, quasi in rem præsentem. Hic autem generaliter expungamus ordinem cœptum, docentes prædicatorem interim annunciari Christum, per Eſaiam: quis enim, inquit, in vobis qui Deum metuit, & exaudiet vocem filii ejus. Item medicatorem. Ipse enim, inquit, imbecillitates nostras abstulit, & languores portavit.

18. De exitu plane puto diversitatem tentatis inducere, negantes passionem crucis in Christum creatoris prædicatam, & argumentantes insuper, non esse credendum; ut in id genus mortis exposuerit creator filium suum, quod ipse maledixerat: Maledictus, inquit, omnis qui pependerit in ligno. Sed huius maledictionis sensum differo, dignæ, sola prædicatione crucis, de qua nunc maxime quaeritur, quia & alias antecedit rerum probatio rationem. De figuris  
prius

prius edocebo. Et utique vel maxime sacramentum istud figurari in prædicatione oportebat: quanto incredibile, tanto magis scandalo futurum, si nude prædicaretur: quantoque magnificum, tanto magis obumbrandum, ut difficultas intellectus gratiam Dei quæreretur. Itaque in primis Isaac, cum a patre in hostiam deditus, lignum sibi ipse portaret, Christi exitum jam tunc denotabat, in victimam concessi a patre, & lignum passionis suæ bajulantis. Joseph & ipse Christum figuratus, nec hoc solo (ne demorer eursum) quod persecutionem a fratribus passus est, ob Dei gratiam, sicut & Christus a judæis, carnaliter fratribus cum benedicatur a patre, etiam in hæc verba, Tauri decor ejus, cornua unicornis, cornua ejus, in eis nationes ventilabit pariter ad summum usque terræ. Non utique rhinoceros destinabatur unicornis, nec minotaurus bicornis, sed Christus in illo significabatur, taurus ob utramque dispositionem, aliis ferus ut judex, aliis mansuetus ut salvator. Cujus cornua essent crucis extrema. Nam & in antenna, quæ crucis pars est, extremitates cornua vocantur. Unicornis autem media stipitis palus. Hac denique virtute crucis, & hoc more cornutus, universas gentes & nunc ventilat per fidem, auferens a terra in cælum, & tunc per judicium ventilabit, deiciens de cælo in terram. Idem erit & alibi taurus apud eandem scripturam, cum Jacob in Simeonem & Levi, id est in scribas & pharisæos. Ex illis enim deducitur census istorum. Spiritualiter interpretatur, Simeon & Levi prefecerunt iniquitatem ex sua hæresi, qua scilicet Christum sunt persecuti. In concilium eorum ne venerit anima mea, & in stationem eorum ne incubuerint jecora mea, quia in indignatione sua interfecerunt homines, id est prophetas, & in concupiscentia sua ceciderunt nervos tauro, id est Christo, quem post necem prophetarum suffi-

gendo, nervos ejus clavis defævierunt. Cæterum vanum, si post homicidia, alicujus bovis illis exprobrat carnificinam. Jam vero Moyſes quid utique tunc tantum, cum Jeſus adverſus Amalech præliabatur, expaſis manibus orat reſidens, quando in rebus tam attonitis, magis utique genibus deſiſtis, & manibus cædentibus pectus, & facie humi volutante, orationem commendare debuiffet? Niſi quia illic ubi eſt nomen domini, dimicabat, dimicaturi quandoque adverſus diabolum, crucis quoque erat habitus neceſſarius, per quam Jeſus victoriam eſſet relaturus. Idem rurfus Moyſes poſt interdictam omnis rei ſimilitudinem, cur æreum ſerpentem ligno impoſitum pendentis habitu, in ſpectaculum ſalutare propoſuit? An & hic dominicæ crucis vim intentabat, qua ſerpens diabolus publicabatur, & læſo cuique a ſpiritibus colubris, intuenti tamen & credenti in eam, ſanitas morſuum peccatorum, & ſanitas exinde prædicabatur?

19. Age nunc, ſi legiſti penes David, dominus regnavit a ligno, exſpecto quid intelligas, niſi forte lignarium aliquem regem ſignificari Judæorum, & non Chriſtum, qui exinde a paſſione ligni, ſuperata morte, regnavit. Eſſi enim mors ab Adam regnavit uſque ad Chriſtum, cur Chriſtus non regnaſſe dicatur a ligno, ex quo crucis ligno mortuus regnum mortis excluſit? Proinde & Eſaias: quoniam, inquit, puer eſt natus nobis. Quid novi, ſi non de filio Dei dicit? Et datus eſt nobis, cujus imperium factum eſt ſuper humerum ipſius. Quis omnino regum inſigne poteſtatis ſuæ humero præfert, & non aut capite diadema, aut manu ſceptrum, aut aliquam propriæ veſtis notam? Sed ſolus novus rex novorum ævorum Chriſtus Jeſus, novæ gloriæ & poteſtatem & ſublimitatem ſuam humero extulit, crucem ſcilicet, ut ſecundum ſuperiorem prophetiam exinde dominus regnaret.

naret a ligno. Hoc lignum & Hieremias tibi insinuat, dicturis prædicans judæis. Venite injiciamus lignum in panem ejus, utique in corpus. Sic enim Deus in evangelio quoque vestro revelavit, panem corpus suum appellans, ut & hinc jam eum intelligas corporis sui figuram panis dedisse, cujus retro corpus in panem propheta figuravit, ipso domino hoc sacramentum postea interpretaturo. Si adhuc quæris dominicæ crucis prædicationem, satis jam tibi potest facere vigesimus primus psalmus totam Christi continens passionem, canentis jam tunc gloriam suam: foderunt, inquit, manus meas, & pedes, quæ propria atrocia crucis. Et rursus cum auxilium patris implorat: Salvum, inquit, fac me ex ore leonis, utique mortis, & de cornibus unicornis humilitatem, de apicibus scilicet crucis, ut supra ostendimus. Quam crucem nec ipse David passus est, nec ullus rex judæorum, ne putes alterius, alicujus, qui solus a populo tam insigniter crucifixus est. Nunc & si omnes istas interpretationes respuerit & irriserit hæretica duritia, concedam illi, nullam Christi crucem significatam a creatore: quia nec ex hoc probabit alium esse, qui crucifixus est, nisi forte ostenderit, hunc exitum ejus a suo Deo prædicatum, ut diversitas passionum, ac per hoc etiam personarum, ex diversitate prædicationum vindicetur. Cæterum, nec ipso Christo ejus prædicato, nedum cruce ipsius, sufficit in meum Christum solius mortis prophetia: ex hoc enim, quod non est edita qualitas mortis, potuit & per crucem evenisse, tunc alii deputanda, si in alium fuisset prædicatum: nisi si nec mortem volet Christi mei prophetatam, quo magis erubescat, si suum quidem Christum mortuum annunciat, quem negat natum: meum vero mortalem negat, quem nascibilem confitetur. Et mortem autem & sepulturam & resurrectionem Christi mei una voce Esaiæ volo ostendere, dicentis, sepultura ejus sublata de

medio est. Nec sepultus enim esset nisi mortuus, nec sepultura ejus sublata de medio, nisi per resurrectionem. Denique subjecit: propterea ipse multos hæreditati habebit, & multorum dividet spolia, pro eo quod tradita est anima ejus in mortem. Ostensa est enim causa gratiæ hujus, pro injuria scilicet mortis repensandæ. Pariter ostensum est, hæc illum propter mortem consecuturum, post mortem utique per resurrectionem consecuturus.

20. Sufficit, hucusque de his interim ordinem Christi decucurrisse, quo talis probatus qualiter annunciabatur, non alius haberi debeat, quam qui talis annuntiabatur; ut jam ex ista consonantia rerum ejus, & scripturarum creatoris, illis etiam restituenda sit fides ex præjudicio majoris partis, quæ ad diversas sententias vel in dubium deducantur, vel negantur. Amplius nunc superstruimus ea quoque paria ex scripturis creatoris, quæque post Christum futura præcinebantur. Nec enim dispositio expuncta inveniretur, si non ille venisset, post quem habebat evenire. Aspice universas nationes de voragine erroris humani exinde emergentes ad Deum creatorem, ad Deum Christum, & si audes, nega prophetatum. Sed statim tibi in psalmis promissio patris occurrit. Filius meus es tu, ego hodie generavi te. Postula de me & dabo tibi gentes hæreditatem tuam, & possessionem tuam terminos terræ. Nec poteris magis David filium ejus vindicare quam Christum: aut terminos terræ David potius promissos, qui intra unicam Judæorum gentem regnavit, quam Christo, qui totum jam orbem Evangelii sui fide cepit. Sic & per Esaiam: Ecce dedi te in dispositionem generis, in lucem nationum, aperire oculos cæcorum, utique errantium, exsolvere de vinculis vinctos, id est de delictis liberare, & de cella carceris, id est mortis, sedentes in tenebris, ignorantie scilicet. Quæ si per Christum eveniunt,  
non

non in alium erunt prophetata, quam per quem eveniunt. Item alibi: Ecce testimonium eum nationibus posui, principem & imperantem nationibus. Nationes, quæ te non sciunt, invocabunt te, & populi confugient ad te. Nec enim hæc in David interpretaberis quia præmisit, Et disponam vobis dispositionem æternam, religiosa & fidelia David. Atquin hinc magis Christum intelligere debebis, ex David deputatum carnali genere ob Mariæ virginis censum. De hoc enim promisso juratur in psalmo ad David: Ex fructu ventris tui collocabo super thronum tuum. Quis iste venter est? Ipsius David? Utique non. Neque enim pariturus esset David. Sed nec uxoris ejus. Non enim dixisset, ex fructu ventris tui, sed potius, ex fructu ventris uxoris tuæ. Ipsius autem dicendo ventrem, tupefactus est, ut aliquem de genere ejus ostenderit, cujus ventris futurus esset fructus caro Christi, quæ ex utero Mariæ floruit. Ideoque & fructum ventris tantum nominavit, ut proprie ventris, quasi solius ventris, non etiam viri: & ipsum ventrem ad David redegit, ad principem generis, & familiæ patrem: nam quia viro deputare non poterat virginis, eum ventrem patri deputavit. Itaque in Christo nova dispositio invenitur hodie: hæc erit, quam tunc creator pollicebatur, religiosa & fidelia David appellans, quæ erant Christi, quia Christus ex David, imo ipsa erit caro ejus religiosa & fidelia David, jam sancta religione, & fidelis ex resurrectione. Nam & Nathan propheta in prima Basilium professionem ad David facit: Semini ejus quod erit, inquit ex ventre ipsius. Hoc si in Salomonem simpliciter edifferes, risum mihi incuties. Videbitur enim David peperisse Salomonem. An & hic Christus significatur, ex eo ventre semen David, qui esset ex David, id est Mariæ? Quia & ædem Dei magis Christus ædifica-

ædificaturus esset, hominem scilicet sanctum, in quò potiore templo inhabitaret Dei spiritus, in Dei filium magis Christus habendus esset, quam Salomon filius David. Denique & thronus in ævum, & regnum in ævum, magis Christo competit, quam Salomoni, temporali scilicet regi: sed a Christo misericordia Dei non abcessit. Salomoni vero etiam ira Dei accessit post luxuriam & idololatriam. Suscitavit enim illi Satan, hostem Idumæum. Cum ergo nihil horum competat in Salomonem, sed in Christum, certa erit ratio interpretationum nostrarum, ipso etiam exitu rerum probante, quas in Christum apparet prædicatas: & ita in hoc erunt sancta & fidelia David. Hunc Deus testimonium nationibus posuit, non David: principem & imperantem nationibus, non David, qui soli Israël imperavit. Christum hodie invocant nationes, quæ eum non sciebant, & populi ad Christum hodie confugunt, quem retro ignorabant. Non potest futurum dici, quod vides fieri.

21. Sic nec illam injectionem tuam potes sistere ad differentiam duorum Christorum, quasi judæicus, quidem christus populo soli ex dispersione redigendo destinetur a creatore, Vester vero omni humano generi liberando collatus sit a Deo optimo: cum postremo priores inveniantur Christiani creatoris quam Marcionis, exinde vocatis omnibus populis in regno ejus, ex quo Deus regnavit a ligno, nullo adhuc Cerdone, nedum Marcione. Sed & revictus de nationum vocatione convertere jam in proselytos. Quæris qui de nationibus transeant ad creatorem, quando & proselyti diversæ & propriæ conditionis seorsum a Propheta nominentur? Ecce, inquit Esaias, proselyti per me accedent ad te, ostendens ipsos quoque proselytos per Christum accessuros ad Deum; & nationes, quod sumus nos, proinde suam habeant nominationem sperantes in Christum, Et in  
nomi-



nomine, inquit, ejus nationes sperabunt. Profelyti autem, quos in nationum prædicatione substituis, non in Christi nomine sperare solent, sed in Moyfi ordine, a quo institutio illorum est. Cæterum allectio nationum a novissimis diebus exorta est. Iisdem verbis Esaiás: Et erit, inquit, in novissimis diebus manifestus mons domini, utique sublimitas Dei, & ædes Dei, super summos montes, utique Christus, catholicum Dei templum, in quo Deus colitur, constitutum, super omnes enim eminentias virtutum, & potestatum. Et venient ad eum universæ nationes, & ibunt multi, & dicent: Venite ascendamus in montem domini, & in ædem Dei Jacob, & annuntiabit nobis viam suam, & incedemus in ea. Ex Sion enim exhibit lex, & sermo domini ex Hierusalem. Hæc erit via novæ legis, evangelium, & novi sermonis in Christo, jam non in Moyse: & judicabit inter nationes, de errore scilicet earum. Et revincet populum amplum, ipsorum in primis Judæorum & profelytorum. Et concident machæras suas in aratra, & sibynas in falces, id est animorum nocentium & linguarum infestarum, & omnis malitiæ atque blasphemæ ingenia convertent in studia modestiæ & pacis. Et non accipiet gens super gentem machæram, utique discordiæ, & non discant amplius bellare, id est inimicitias perficere, ut & hic discas Christum non bellipotentem, sed paciferum repromissum. Hæc aut prophetata nega, cum coram videntur, aut adimpleta, cum leguntur. Aut si non negas utrumque, in eo erunt adimpleta, in quem sunt prophetata. Inspice enim adhuc etiam ipsum introgressum, atque decursum vocationis in nationes, a novissimis diebus adeuntes ad Deum creatorem, non in profelytos, quorum a primis magis diebus allectio. Etenim fidem istam Apostoli induxerunt.

22. Habes & Apostolorum opus prædicatum, Quam tempestivi pedes evangelizantium pacem, evangelizantium bona, non bellum nec malum. Respondit & Psalmus: In omnem terram exivit sonus eorum, & in terminos terræ voces eorum, circumferentium scilicet legem ex Sion profectam, & sermonem domini ex Hierusalem, ut fieret quod scriptum est: Longe quique a iustitia mea, appropinquaverunt iustitiæ meæ & veritati. Cum huic negotio accingerentur Apostoli, renunciaverunt presbyteris, & archontibus, & sacerdotibus Judæorum. An non vel maxime, inquit, ut alterius Dei prædicatores? Atquin ipsius ejusdem, cujus scripturam cum maxime implebant, divertite, divertite, inclamat Esaias, excedite illinc, & immundum ne attigeritis, blasphemiam scilicet in Christum. Excedite de medio ejus, utique synagogæ; separamini, qui domini vasa portatis. Jam enim secundum supra scripta revelaverat dominus brachio suo sanctum, id est virtute sua Christum coram nationibus, ut viderint universæ nationes & summa terræ salutem, quæ erat a Deo. Sic & ab ipso Judaismo divertentes, cum legis obligamenta & onera evangelica jam libertate mutarent, psalmum exsequebantur, Disrumpamus vincula eorum, & abjiciamus a nobis jugum eorum: postea certe quam tumultuatæ sunt gentes, & populi meditati sunt inania, astiterunt reges terræ, & principes congregati sunt in unum, adversus dominum & adversus Christum ejus. Quæ dehinc passi sunt Apostoli? Omnem, inquis, iniquitatem persecutionum ab hominibus scilicet creatoris, ut adversarii ejus, quem prædicabant: ecquid creator, si adversarius erat Christi, non modo prædicat hoc passuros Apostolos ejus, verum & exprobrat? Nam neque prædicaret alterius Dei ordinem, quem ignorabat, ut vultis; neque exprobrasset, quod ipse curasset. Videte quomodo perit

perit justus, nec quisquam excipit corde, & viri justī auferuntur, nec quisquam animadvertit. A persona enim injustitiæ sublatuſ est justus, quis, nisi Christus? Venite, inquit, auferamus justum, quia inutilis est nobis. Præmittens itaque & subjungens proinde, passum etiam Christum, æque justos ejus eadem passuros, tam Apostolos quam & deinceps omnes fideles prophetavit signatos, illa nota, scilicet de qua Ezechiel: Dicit dominus ad me, Pertransi in medio portæ, in media Hierusalem, & da signa Thau in frontibus virorum. Ipsa est enim littera Græcorum Thau, nostra autem T. species crucis, quam portendebat futuram in frontibus nostris apud veram & catholicam Hierusalem, in qua fratres Christi, filios scilicet Dei, gloriam patri Deo relatuſ Pſalmus vigesimus primus canit, ex persona ipsius Christi ad patrem: Enarrabo nomen tuum fratribus meis, in medio ecclesiæ hymnum tibi dicam. Quod enim in nomine & spiritu ipsius hodie fieri habebat, merito a se futurum prædicabat. Et paulo infra: A te laus mihi in ecclesia magna. Et in sexagesimo septimo: In ecclesiis benedicite dominum Deum; ut pariter concurreret & Malachiæ prophetia: Non est voluntas mea, dicit dominus, & sacrificia vestra non accipiam: quoniam ab ortu solis usque in occasum nomen meum glorificatum est in nationibus, & in omni loco sacrificium nomini meo offertur, & sacrificium mundum; gloriæ scilicet relationis & benedictio & laus & hymni. Quæ omnia cum in te quoque deprehendantur, & signaculum frontium, & ecclesiarum sacramenta, & munditiæ sacrificiorum, debes jam erumpere uti dicas, spiritum creatoris tuo Christo prophetasse.

23. Nunc, quia cum Judæis negas venisse Christum eorum, recognosce & exitum ipsorum, quem post Christum relaturi prædicabantur ob impietatem, qua eum despexerunt & interemerunt. Primum enim,

ex die, qua secundum Esaïam projecit homo aspernamenta sua aurea & argentea, quæ fecerunt adorandis vanis & noctuis, id est, ex quo genus hominum, dilucidata per Christum veritate, idola projecit, vide, an quod sequitur expunctum sit: Abstulit enim dominus sabaoth a Judæa, & ab Hierusalem inter cætera, & prophetam, & sapientem architectum, spiritum scilicet sanctum, qui ædificat ecclesiam, templum scilicet & domum & civitatem Dei. Nam exinde apud illos destitit Dei gratia, & mandatum est nubibus, ne pluerent imbrem super vineam Sorech, id est cœlestibus beneficiis, ne provenirent domui Israël. Fecerat enim spinas, ex quibus dominum coronaverat: & non justitiam, sed clamorem, quo in crucem eum extorserat. Et ita subtractis charismatum roribus, lex & Prophetæ usque ad Joannem. Dehinc cum ea perseverantia furoris & nomen domini per ipsos blasphemaretur, sicut scriptum est: Propter vos blasphematur nomen meum in nationibus, ab illis enim cœpit infamia: & tempus medium a Tiberio usque ad Vespasianum, non pœnitentiam intellexissent, facta est terra eorum deserta, civitates eorum exustæ, regionem eorum sub ipsorum conspectu extranei devorant, derelicta filia Sion, & tanquam specula in vinea, vel in cucumerario casula, & quo scilicet Israel dominum non cognovit, & populus eum non intellexit, sed dereliquit, & in indignationem provocavit sanctum Israelis. Sic & machæræ conditionalis comminatio, Si volueritis nec audieritis me, machæra vos comedet, probavit Christum fuisse, quem non audiendo, perierunt. Qui & in psalmo quinquagesimo octavo dispersionem eis postulat a patre: Disperde eos in virtute tua. Qui & rursus per Esaïam in exustionem eorum perorans: propter me hæc, inquit, facta sunt vobis: in anxietate dormietis. Satis vane, si hæc non propter eum passi sunt, qui propter  
se

se passuros pronuntiarat, sed propter Christum Dei alterius. Atquin Christum, inquam, alterius Dei dicitis, a creatoris virtutibus & potestatibus, ut ab æmulis in crucem actum. Sed ecce defensio ostenditur a creatore, & dati sunt pessimi pro sepultura ejus, qui scilicet subreptum eum asseveraverant: & locupletes pro morte ejus; qui scilicet & a Juda traditionem redemerant, & a militibus falsum testimonium cada-veris subrepti. Igitur aut non propter illum acciderunt ista Judæis; sed revinceris conspirante & sensu scripturarum cum exitu rerum, & ordine temporum: aut si propter illum acciderunt, non potuit creator ulcisci, nisi suum Christum, remuneraturus potius Judam, si adversarium domini sui peremissent. Certe si nondum venit Christus creatoris, propter quem hæc passuri prædicantur, cum venerit ergo, patientur. Et ubi tunc filia Sion derelinquenda, quæ nulla hodie est? Ubi civitates exurendæ, quæ jam in tumultis? Ubi dispersio gentis, quæ jam extorris? Redde statum Judææ, quem Christus creatoris inveniatur, & alium contende venisse. Jam vero, quale est, ut per cælum suum admiserit, quem in terra sua esset interempturus, honestiore & gloriosiore regni sui regione violata, ipsa aula sua & arce calcata? An hoc magis affectavit? Plane zelotes, tamen vicit. Erubescere qui victo Deo credis. Quid sperabis ab eo, qui se protegere non valuit? Aut enim per infirmitatem oppressus est a virtutibus & hominibus creatoris, aut per malitiositatem: ut tantum illis sceleris patientia infingeret.

24. Imo, inquis, spero ab illo: quod & ipsum faciat ad testimonium diversitatis, regnum Dei æternæ & cœlestis possessionis. Cæterum vester Christus pristinum statum Judæis pollicetur, ex restitutione terræ, & post decursum vitæ apud inferos, in sinu Abrahamæ refrigerium. Deum optimum! si reddit placatus, quod  
&

& abstulerat iratus. O Deum tuum, qui & cædit & sanat: condit mala & facit pacem. O Deum etiam ad inferos usque misericordem. Sed de sinu Abrahamæ suo tempore. De restitutione vero Judææ, quam & ipsi Judæi ita, ut describitur, sperant, locorum & regionum nominibus inducti, quomodo allegorica interpretatio in Christum & ecclesiam, & habitum & fructum ejus spiritaliter competat: & longum est persequi, & in alio opere digestum, quod inscribimus *de spe fidelium*; & in præsentī vel eo otiosum, quia non de terrena, sed de cœlesti promissione sit quæstio. Nam & cōfitemur in terra nobis regnum repromissum; sed ante cœlum, sed alio statu, utpote post resurrectionem in mille annos in civitate divini operis, Hierusalem cœlo delata: quam & Apostolus matrem nostram sursum designat, & πολιτεια nostrum, id est municipatum in cœlis esse pronuncians, alicui utique cœlesti civitati eum deputat. Hanc & Ezechiel novit, & Apostolus Joannes vidit. Et qui apud fidem nostram est novæ prophetiæ sermo, testatur, ut etiam effigiem civitatis ante repræsentationem ejus conspectui futuram in signum prædicarit. Denique expunctum est Orientali expeditione. Constat enim, ethnicis quoque testibus, in Judæa per dies quadraginta matutinis momentis civitatem de cœlo pependisse, omni mœniorum habitu, evanescente de profectu diei, & alias de proximo nullam. Hanc discimus excipiendis resurrectione sanctis, & refovendis omnium bonorum utique spiritalium copia, in compensationem eorum, quæ in seculo vel despeximus vel amisimus, a Deo prospectam. Siquidem & justum & Deo dignum, illic quoque exultare famulos ejus, ubi sunt & afflicti in nomine ipsius. Hæc ratio regni cœlestis; post cujus mille annos, intra quam ætatem concluditur sanctorum resurrectio, pro meritis maturius vel tardius resurgentium, tunc & mundi destructione

ctione & iudicii conflagratione commissa, demutati in atomo in angelicam substantiam, scilicet per illud incorruptelæ superindumentum transferemur in celeste regnum, de quo nunc sic ideo retractatur, quasi non prædicato apud creatorem, ac per hoc alterius Dei Christum probante, a quo primo & solo sit revelatum. Disce jam hinc illud & prædicatum a creatore, & sine prædicatione credendum apud creatorem. Quid tibi videtur, cum Abrahæ semen post primam promissionem, quam in multitudinem arenæ repromittitur, ad instar quoque stellarum destinaturæ æonæ & terrenæ & cœlestis dispositionis auspicia sunt? Cum Isaac benedicens Jacob filium suum, det, ait, tibi Deus de rore cœli, & de opimitate terræ. Nomen utriusque indulgentiæ exempla sunt? Denique animadvertenda est hic etiam structura benedictionis ipsius. Nam circa Jacob, qui quidem posterioris & prælatioris populi figura est, id est nostri, prima promissio cœlestis est roris: secunda, terrenæ opimitatis. Nos enim primo ad cœlestia invitamur, cum a sæculo avelimur: & ita postea invenimur etiam terrena consecuturi. Et evangelium quoque vestrum habet: querite primum regnum Dei, & hæc adjicientur vobis. Cæterum ad Esau promittit benedictionem terrenam, & subjicit cœlestem, de opimitate terræ, dicens, Eris inhabitatio tua & a rore cœli. Judæorum enim dispositio in Esau priorum natu, & posteriorum affectu filiorum, a terrenis bonis imbuta, per legem postea ad cœlestia per evangelium credendo deducitur. Cum vero Jacob somniat scalas obfirmatas in terra ad cœlum, & angelos alios ascendentes, & alios descendentes, innixum desuper dominum; temere si forte interpretabimur, scalis his iter ad cœlum demonstrari, quo alii perveniant, unde alii decidant; domini constitutum esse iudicium. Cur autem ut evigilavit, & primum loci horrore concussus est, conversatur ad inter-

interpretationem somnii? Cum enim dixisset, quam terribilis est locus iste; non est, inquit, aliud, sed ædes Dei, & hæc porta cœli. Christum dominum enim viderat, templum Dei, & portam eundem, per quem aditur cœlum. Et utique portam cœli non nominasset, si cœlum non aditur apud creatorem. Sed est & porta quæ recipit, & quæ perducit, strata jam a Christo, de quo Amos: Qui ædificat in cœlum ascensum suum, utique non sibi soli, sed & suis, qui cum illo erunt. Et circumdabis enim illos tibi, inquit, tanquam ornamentum sponsæ. Ita per illum ascensum ad cœlestia regna tendentes miratur spiritus dicens: Volant velut qui sunt milvi, ut nubes volant, & velut pulli columbarum, ad me scilicet simpliciter ut columbæ. Auferemur enim in nubes obviam domino, secundum Apostolum, illo scilicet filio hominis veniente in nubibus, secundum Daniele: & ita semper cum domino erimus, eatenus dum & in terra & in cœlo, qui ob utriusque promissionis ingratos, ipsa etiam elementa testatur: Audi cœlum & in aures percipe terra. Et ego quidem, etiamsi nullam spei cœlestis manum mihi toties scriptura porrigente, satis haberem, hujus quoque promissionis præjudicium, quod jam terrenam gratiam teneam; expectarem aliquid & de cœlo, a Deo cœli sicut & terræ, ita crederem Christum sublimiora pollicentem, ejus esse, qui & humiliora promiserat: qui experimenta majorum de parvulis fecerat, qui hoc inauditi, si forte, regni præconium soli Christo reservaverat: ut per famulos quidem terrena gloria, cœlestis vero per ipsum Deum annunciaretur. At tu hinc quoque alium argumentaris Christum, quod regnum novum annunciet. Prius est, aliquod exemplum indulgentiæ proferas, ne merito dubitem de fide tantæ promissionis, quam sperandam dicis. Imo ante omnia est, ut, quem cœlestia prædicas repromittere, aliquod cœlum probes ejus.

At



At nunc vocas ad cœnam, nec domum ostendis: allegas regnum, nec regiam monstras. An quia Christus tuus cœleste regnum repromittit, non habens cœlum, quando & hominem præstitit non habens carnem? O phantasma omne: o præstigia magnæ etiam promissionis.

## LIBER QUARTUS.

I. **O**mnem sententiam, & omnem paraturam impii atque sacrilegi Marcionis, ad ipsum jam *evangelium ejus* provocamus, quod interpolando suum fecit. Et ut fidem instrueret, dotem quandam commentatus est illi, opus ex contrarietatum oppositionibus, *Antitheses* cognominatum, & ad separationem legis & evangelii coactum: qua duos Deos dividens, proinde diversos, alterum alterius instrumenti, vel (quod magis usui est dicere) *testamenti*, ut exinde evangelio quoque secundum Antitheses credendo patrocineretur. Sed & istas proprio congressu cominus, id est per singulas injectiones Pontici, cæcidissem, si non multo opportunius in ipso, & cum ipso evangelio, cui procurant, retunderentur: quanquam tam facile est præscriptive occurrere. Equidem, ut accepto eas faciam, ut rato habeam, ut nobiscum facere dicam, quo magis de cæcitate auctoris sui erubescant, nostræ jam Antitheses adversus Marcionem. Atque adeo confiteor, alium ordinem decucurrisse in veteri dispositione apud creatorem, alium in nova, apud Christum. Non nego distare documenta eloquii, præcepta virtutis, legis disciplinas; dum tamen tota diversitas in unum & eundem Deum competat, illum scilicet, a quo constat eam depositam sicut & prædicatam. Olim concionatur Esaias, prodituram ex Sion legem, & sermonem domini ex Hierusalem, aliam utique legem, aliumque sermonem: denique judicabit, inquit, inter nationes, & traducet  
popu-

opulum plurimum, scilicet non unius gentis Judæorum, ad nationum, quæ per novam legem evangelii, & novum sermonem Apostolorum judicantur & traducuntur apud semetipsas de pristino errore, simul crediderunt: atque exinde concidunt machæras suas in aratra, & sibynas, quod genus venabulorum est, in falces, id est feros & sævos quondam animos convertunt in sensus probos, & bonæ frugis operarios. Et rursum: Audite me, audite me, & populus meus & reges vestris intendite in me, quoniam lex prodibit a me, & iudicium meum in lucem nationum, quo judicaverat atque decreverat nationes quoque illuminandas per evangelii legem atque sermonem. Hæc erit lex & apud David invituperabilis, qua perfecta; convertens animas, utique ab idolis ad Deum, hic erit & sermo, de quo idem Esaias: Quoniam, inquit, desisum sermonem faciet dominus in terra. Competitum est enim novum testamentum, & a legis lachryosis oneribus expeditum. Sed quid pluribus, cum manifestius, & luce ipsa clarius novatio prædicetur a creatore per eundem. Ne rememineritis priorum, & antiqua ne recogitaveritis. Vetera transierunt, nova oriuntur. Ecce facio nova, quæ nunc orientur. Item per Hieremiam: Novate vobis novamen novum, & non everitis in spinas, & circumcidimini præputio cordis vestri. Et alibi: Ecce venient dies, dicit dominus, & perficiam domui Jacob & domui Judæ testamentum novum, non secundum testamentum, quod disposui patribus eorum, in die qua arripui dispositionem eorum, ad adducendos eos de terra Aegypti. Adeo pristinum testamentum temporale significat, dum mutabile ostendit, etiam dum æternum de postero pollicetur. Nam per Esaiam: Audite me & vivetis, & disponam vobis testamentum æternum, adjiciens sancta & fidelia David, ut id testamentum in Christo decursurum demonstraret. Eundem ex genere David, secundum Mariæ censum, etiam

etiam in virga ex radice Jesse processura, figurato prædicabat. Igitur, si alias leges aliosque sermones, & novas testamentorum dispositiones a creatore dixit futuras, ut etiam ipsorum sacrificiorum alia officia potiora, & quidem apud nationes destinaret, dicente Malachia: Non est voluntas mea in vobis, inquit dominus, & sacrificia vestra non excipiam de manibus vestris, quoniam a solis ortu usque ad occasum glorificatum est in nationibus nomen meum, & in omni loco sacrificium nomini meo offertur, & sacrificium mundum, scilicet simplex oratio de conscientia pura. Necesse est, omnis demutatio veniens ex innovatione, diversitatem ineat cum his quorum fit, & contrarietatem ex diversitate. Sicut enim nihil demutatum, quod non diversum, ita nihil diversum, quod non contrarium. Ejusdem ergo deputabitur etiam contrarietas ex diversitate, cujus fuerit demutatio ex innovatione. Qui disposuit demutationem, iste instituit & diversitatem. Qui prædicavit innovationem, iste prænuñciavit & contrarietatem. Quid differentiam rerum ad distantiam interpretaris potestatum? Quid Antitheses exemplorum distorques adversus creatorem, quas in ipsis quoque sensibus & affectionibus ejus potes recognoscere? Ego, inquit, percutiam, & ego sanabo: Ego, inquit, occidam, & ego vivificabo, condens scilicet mala & faciens pacem. Qua etiam soles illum mobilitatis quoque & inconstantiae nomine reprehendere, prohibentem quæ jubet, & jubentem, quæ prohibet. Cur ergo non & Antitheses ad naturalia reputasti contrarii sibi semper creatoris? Nec mundum saltem recogitare potuisti, nisi fallor, etiam apud Ponticos ex diversitatibus constructum æmularum invicem substantiarum. Prius itaque debueras alium Deum luminis, alium tenebrarum determinasse, ut ita posses alium legis, alium evangelii adseverasse. Ceterum præjudicatum est ex manifestis, cujus opera

& ingenia per Antitheses constant, eadem forma constare etiam sacramenta.

2. Habes nunc ad Antitheses expeditam a nobis responsionem. Transeo nunc ad evangelii sane non Judaici, sed Pontici interim adulterati demonstrationem, præstructuram ordinem, quem aggredimur. Constituimus in primis, evangelicum instrumentum Apostolos autores habere, quibus hoc munus evangelii promulgandi ab ipso domino sit impositum; si & *apostolicos*, non tamen solos, sed cum apostolis, & post apostolos: quoniam prædicatio discipulorum suspecta fieri posset de gloriæ studio, si non assistat illi autoritas magistrorum, imo Christi, quæ magistros Apostolos fecit. Denique nobis fidem *ex apostolis* Johannes & Matthæus insinuant, *ex apostolicis* Lucas & Marcus instaurant, iisdem regulis exorsi, quantum ad unicum Deum attinet creatorem & Christum ejus, natum ex virgine, supplementum legis & prophetarum. Viderit enim, si narrationum dispositio variavit; dummodo de capite fidei conveniat, de quo cum Marcione non convenit. Contra, Marcion evangelio scilicet suo nullum adscribit autorem, quasi non licuerit illi titulum quoque effingere, cui nefas non fuit ipsum corpus evertere. Et possem hic jam gradum figere, non agnoscendum contendens opus, quod non erigat frontem, quod nullam constantiam præferat, nullam fidem repromittat de plenitudine tituli, & professione debita auctoris. Sed per omnia congreddi maluimus, nec dissimulamus, quod ex nostro intelligi potest. Nam ex his commentatoribus, quos habemus, Lucam videtur Marcion elegisse, quem cæderet. Porro Lucas non apostolus, sed apostolicus: non magister, sed discipulus, utique magistro minor, certe tanto posterior, quanto posterioris apostoli sectator, Pauli sine dubio: ut etsi sub ipsius Pauli nomine evangelium Marcion intulisset, non sufficeret

ad fidem singularitas instrumenti, destituta patrociniis antecessorum. Exigeretur enim id quoque evangelium, quod Paulus invenit, cui fidem dedit, cui mox suum congruere gessit. Siquidem propterea Hierosolymam ascendit ad cognoscendos Apostolos, & consultandos, ne forte in vacuum cucurrisset, id est ne non secundum illos credidisset, & non secundum illos evangelizaret. Denique, ut cum autoribus contulit & convenit de regula fidei, dexteras miscuere, & exinde officia prædicandi distinxerunt, ut illi in Judæos, Paulus in Judæos & in nationes. Igitur, si ipse illuminator Lucæ auctoritatem antecessorum & fidei & prædicationi suæ optavit, quanto magis eam evangelio Lucæ expostulem, quæ evangelio magistri ejus fuit necessaria? Aliud est, si penes Marcionem, a discipulatu Lucæ, coepit religionis Christianæ sacramentum. Cæterum si & retro decurrit, habuit utique authenticam paraturam, per quam ad Lucam usque pervenit, cujus testimonio assistente Lucas quoque possit admitti.

3. Sed enim Marcion nactus epistolam Pauli ad Galatas, etiam ipsos Apostolos suggillantem, ut non recto pede incedentes ad veritatem evangelii, simul & accusantis pseudapostolos quosdam, pervertentes evangelium Christi, conmittitur ad destruendum statum eorum evangeliorum, quæ propria & sub Apostolorum nomine eduntur, vel etiam Apostolicorum, ut scilicet fidem, quam illis adimit, suo conferat. Porro etsi reprehensus est Petrus & Johannes & Jacobus, qui existimabantur columnæ, manifesta causa est. Personarum enim respectu videbantur variare convictum, & tamen cum ipse Paulus omnibus omnia fieret, ut omnes lucraretur, potuit & Petro hoc in consilio fuisse, aliquid aliter agendi, quam docebat. Proinde si & pseudapostoli irrepsent, horum quoque qualitas edita est, circumcisionem vindicantium & Judaicos fa-

flus: adeo non de prædicatione, sed de conversatione a Paulo denotabantur, æque denotaturo, si quid de Deo, creatore aut Christo ejus errassent. Igitur distinguenda erunt singula. Si Apostolos prævaricationis & simulationis suspectos Marcion haberi queritur usque ad Evangelii depravationem, Christum jam accusat, accusando quos Christus elegit. Si vero Apostoli quidem integrum Evangelium contulerunt, de sola convictus inæqualitate reprehensi, pseudapostoli autem veritatem eorum interpolaverunt, & inde sunt nostra digesta; quod erit germanum illud Apostolorum instrumentum, quod adulteros passum est, quod Paulum illuminavit, & ab eo Lucam? Aut si tam funditus deletum est, ut cataclysmo quodam, ita inundatione falsariorum oblitteratum, jam ergo nec Marcion habet verum. Aut si ipsum erit verum, id est Apostolorum, quod Marcion habet solus; & quomodo nostro consonat, quod non Apostolorum, sed Lucæ refertur? Aut si non statim Lucæ deputandum est, quo Marcion utitur, quia nostro consonat scilicet adulterato, etiam circa titulum cæterorum Apostolorum est, jam ergo & nostrum, quod illi consonat, æque Apostolorum est, sed adulteratum.

4. De titulo quoque funis ergo ducendus est contentiois, pari hinc inde nisu fluctuante. Ego meum dico verum, Marcion suum. Ego Marcionis affirmo adulteratum, Marcion meum. Quis inter nos determinabit, nisi temporis ratio, ei præscribens auctoritatem, quod antiquius reperietur, & ei præjudicans vitiationem, quod posterius revincetur? In quantum enim falsum corruptio est veri, in tantum præcedat necesse est veritas falsum. Prior erit res passione, & materia æmulatione. Alioquin quam absurdum, ut, si nostrum antiquius probaverimus, Marcionis vero posterius; & nostrum ante videatur falsum, quam habuerit de veritate materiam, & Marcionis ante credatur

datur æmulationem a nostro expertum, quam & editum; & postremo id verius existimetur, quod est serius, post tot ac tanta jam opera atque documenta christianæ religionis seculo edita, quæ edi utique non potuissent sine evangelii veritate, id est ante evangelii veritatem. Quod ergo pertinet ad evangelium interim Lucæ, quatenus communio ejus inter nos & Marcionem de veritate disceptat, adeo antiquius Marcione est, quod est secundum nos; ut & ipse illi Marcion aliquando crediderit, cum & pecuniam in primo calore fidei catholicæ ecclesiæ contulit, projectam mox cum ipso postea, quam in hæresim suam a nostra veritate descivit. Quid nunc, si negaverint Marcionitæ, primam apud nos fidem ejus, adversus epistolam quoque ipsius? Quid si nec epistolam agnoverint? Certe *Antitheses* non modo fatentur Marcionis, sed & præferunt: ex his mihi probatio sufficit. Si enim id evangelium, quod Lucæ refertur, penes nos (viderimus, an & penes Marcionem) ipsum est quod Marcion per *Antitheses* suas arguit, ut interpolatum a protectoribus Judaismi, ad concorporationem legis & prophetarum, qua etiam Christum inde confingerent: Utique non potuisset arguere, nisi quod invenerat. Nemo post futura reprehendit, quæ ignorat futura; emendatio culpam non antecedit. Emendator sane evangelii a *Tiberianis* usque ad *Antoniana* tempora everfi Marcion solus & primus obvenit, expectatus tam diu a Christo, pœnitente jam, quod Apostolos præmississe properasset sine præsidio Marcionis; nisi quod humanæ temeritatis, non divinæ auctoritatis negotium est hæresis, quæ sic semper emendat evangelia, dum vitiat: Cum & si discipulus Marcion, non tamen super magistrum; Et si Apostolus Marcion, sive ego, inquit Paulus, sive illi sic prædicamus; Et si prophetae Marcion, & spiritus prophetarum prophetis erunt subditi, non enim everflo-

nis sunt, sed pacis. Etiam si angelus Marcion, citius anathema dicendus, quam evangelizator, quia aliter evangelizavit. Itaque dum emendat, utrumque confirmat, & nostrum antea, id emendans quod invenit: & id posterius, quod de nostri emendatione constituens, suum & novum fecit.

5. In summa, si constat id verius quod prius, id prius quod & ab initio, ab initio quod ab Apostolis; pariter utique constabit, id esse ab Apostolis traditum, quod apud ecclesias Apostolorum fuerit sacrosanctum. Videamus, quod lac a Paulo Corinthii hauserint; ad quam regulam Galatæ sint recorrecti; quid legant Philippenfes, Thessalonicenses, Ephesi; quid etiam Romani de proximo sonent, quibus evangelium & Petrus & Paulus sanguine quoque suo signatum reliquerunt. Habemus & Johannis alumpas ecclesias. Nam, & si *Apocalypsin* ejus Marcion respuit; ordo tamen episcoporum ad originem recens, in Johannem stabit autorem. Sic & cæterarum generositas recognoscitur. Dico itaque apud illas, nec solas jam Apostolicas, sed apud universas, quæ illis de societate sacramenti confœderantur, id evangelium Lucæ ab initio editionis suæ stare, quod cum maxime tuemur. Marcionis vero plerisque nec notum; nullis notum, ut non eodem natum. Habet plane & illud ecclesias, sed suas, tam posteras quam adulteras, quarum si censum requiras, facilius apostaticum invenias quam Apostolicum; Marcione scilicet conditore, vel aliquo de Marcionis examine. Faciunt favos & vespe, faciunt ecclesias & Marcionitæ. Eadem autoritas ecclesiarum Apostolicarum cæteris quoque patrociniabitur evangelis, quæ proinde per illas & secundum illas habemus, *Johannis* dico & *Matthæ*: licet & *Marcus* quod edidit, Petri affirmetur, cujus interpretes Marcus. Nam & *Luca* digestum, Paulo adscribere solent; capit magistrorum videri, quæ discipuli



puli promulgarint. Itaque & de his Marcion flagitatus, quod omiſſis eis, Lucæ potius inſtiterit; quaſi non & hæc apud eccleſias a primordio fuerint, quemadmodum & Lucæ? Atquin hæc magis a primordio fuiſſe credibile eſt, ut priora, qua Apoſtolica, ut cum ipſis eccleſiis dedicata. Cæterum quale eſt, ſi nihil Apoſtoli ediderunt, ut diſcipuli potius ediderint; qui nec diſcipuli exiſtere potuiſſent ſine ullâ doctrina magiſtrorum? Igitur dum conſtet, hæc quoque apud eccleſias fuiſſe, cur non hæc quoque Marcion attingit, aut emendanda, ſi adulterata; aut agnoſcenda, ſi integra? Nam & competit, ut ſi qui evangelium pervertebant, eorum magis curarent perverſionem, quorum ſciebant autoritatem receptiorem. Ideo & pſeudapoſtoli, quod per falſum Apoſtolos imitarentur. In quantum ergo emendaſſet, quæ fuiſſent emendanda, ſi fuiſſent corrupta, in tantum confirmavit non fuiſſe corrupta, quæ non putavit emendanda. Denique emendavit, quod corruptum exiſtimavit. Sed nec hoc merito: quia non fuit corruptum. Si enim Apoſtolica integre decucurrerunt, Lucæ autem, quod eſt ſecundum nos, adeo congruit regulæ eorum, ut cum illis apud eccleſias maneat; jam & Lucæ conſtat integrum decucuriſſe uſque ad ſacrilegium Marcionis. Denique ubi manus illi Marcion intulit, tunc diverſum & æmulum factum eſt Apoſtolicis. Igitur dabo conſilium diſcipulis ejus, ut aut illa convertant, licet ſero, ad formam ſui, quo cum Apoſtolicis convenire videantur; (nam & quotidie reformant illud, prout a nobis quotidie revincuntur;) aut erubeſcant de magiſtro utrobique traducto, cum evangeliî veritatem nunc ex conſcientia tramittit, nunc ex impudentia evertit. His ſere compendiis utimur, cum de evangeliis adverſus hæreticos expedimur; defendentibus, & temporum ordinem poſteritati falſariorum præſcribentem, & autoritatem eccleſiarum traditioni Apoſtolorum patrocinantem.

tem: quia veritas falsum precedat necesse est, & ab eis procedat, a quibus tradita est.

6. Sed alium jam hinc inimus gradum, ipsum (ut professi sumus) evangelium Marcionis provocantes, sic quoque probaturj adulteratum. Certe enim, totum quod elaboravit etiam Antitheses præstruendo, in hoc cogit; ut veteris & novi testamenti diversitatem constituat, proinde Christum suum a creatore separatum ut Dei alterius, ut alienum legis & prophetarum. Certe propterea contraria quæque sententiæ suæ erasit, conspirantia cum creatore, quasi ab adsertoribus ejus intexta: competentia autem sententiæ suæ reservavit. Hæc conveniemus, hæc amplectemur, si nobiscum magis fuerint, si Marcionis præsumptionem percusserint. Tunc & illa constabit eodem vitio hæreticæ cæcitatæ erasa, quo & hæc reservata. Sic habebit intentio & forma opusculi nostri, sub illa utique conditione, quæ ex utraque parte condita sit. Constituit Marcion alium esse Christum, qui Tiberianis temporibus a Deo quondam ignoto revelatus sit in salutem omnium gentium; alium, qui a Deo creatore in restitutionem Judaici status sit destinatus, quandoque venturus. Intra hos magnam & omnem differentiam scindit, quantam inter justum & bonum, quantam inter legem & evangelium, quantam inter Judaïsmum & Christianismum. Hinc erit & nostra præscriptio, qua desigimus, nihil Christo Dei alterius commune esse debere cum creatore. Cæterum creatoris pronuntiandum, si administraverit dispositiones ejus, si impleverit prophetias ejus, si adjuverit leges ejus, si representaverit promissiones ejus, si restauraverit virtutes ejus, si sententias reformaverit, si mores, si proprietates expresserit. Hujus pacti & hujus præscripti, quæso te, lector memineris ubique, & incipe recognoscere aut Marcionis Christum aut creatoris.

7. *Anno quintodecimo principatus Tiberiani*, proponit eum descendisse in civitatem Galilææ Capharnaum, utique de cœlo creatoris, in quo de suo ante descenderat. Et quid ergo ordinis fuerat, ut prius de suo cœlo in creatoris descendens describeretur? Cur enim non & ista reprehendam, quæ non implent fidem ordinariæ narrationis, deficientis in mendacio semper. Planè semel dicta sint, per quæ jam alibi retractavimus, an descendens per creatorem, & quidem adversus ipsum, potuerit ab eo admitti, & inde tramitti in terram æque ipsius. Nunc autem, & reliquum ordinem descensionis exoptulo, tenens descendisse illum. Vidèrit enim sicubi apparuisse positum est. Apparere subitum, ex inopinato, sapit conspectum, qui semel impegerit oculos in id, quod sine mora apparuit. Descendisse autem, dum fit, videtur, & subit oculos; de facto etiam ordinem facit. Atque ita cogit exigere, quali habitu, quali suggestu, quonam impetu vel temperamento, etiam quo in tempore, diei noctisque descenderit. Præterea, quis viderit descendentem, quis retulerit, quis asseveraverit; rem utique nec asseveranti facile credendam. Indignum denique, ut Romulus quidem ascensus sui in cœlum habuerit Proculum affirmatorem, Christus vero Dei descensus de cœlo sui non invenerit annunciatorem, quasi non sic & ille ascenderit iisdem mendacii scalis, sicut & iste descendit. Quid autem illi cum Galilæa, si non erat creatoris, cui ista regio destinabatur ingressuro prædicationem, dicente Esaia. Hoc primum bibito, cito facito, regio Zabulon & terra Nephthalim, & cæteri, qui maritimam & Jordanis, Galilæa nationum, populus, qui sedetis in tenebris, videte lumen magnum, qui habitatis terram, sedentes in umbra mortis, lumen ortum est super vos. Bene autem, quod & Deus Marcionis illuminator vindicatur nationum, quo magis debuerit, vel de cœlo descendere, & si utique,

in Pontum potius descendere, quam in Galileam. Cæterum & loco & illuminationis opere secundum prædicationem occurrentibus Christo, jam eum prophetatum incipimus agnoscere, ostendentem in primo ingressu, venisse se, non ut legem & prophetas dissolveret, sed ut potius adimpleret. Hoc enim Marcion, ut additum erasit. Sed frustra negavit Christum dixisse, quod statim fecit ex parte; prophetiam enim interim de loco, adimplevit. De cælo statim ad synagogam? Ut dici solet. Ad quod venimus. Hoc age Marcion. Aufer etiam illud de evangelio, Non sum missus, nisi ad oves perditas domus Israël. Et non est, auferre panem filiis, & dare eum canibus, ne scilicet Christus Israëlitis videretur. Sufficiunt mihi facta pro dictis. Detrahe vocem Christi mei, res loquentur. Ecce venit in synagogam; certe ad oves perditas domus Israëlitis. Ecce doctrinæ suæ panem prioribus offert Israëlitis: certe, ut filios præferat. Ecce aliis eum nondum impertit: certe ut canes præterit. Quibus autem magis impertisset quam extraneis creatoris, si ipse in primis non fuisset creatoris? Et tamen quomodo in synagogam potuit admitti, tam repentinus, tam ignotus, cujus nemo adhuc certus, de tribu, de populo, de domo? De censu denique *Augusti*, quem testem fidelissimum dominicæ nativitatis *Romana archiva* custodiunt? Meminerant certe, nisi circumcissum scirent, non admittendum in sancta sanctorum. Sed etsi passim synagoga adiretur, non tamen ad docendum, nisi ab optime cognito, & explorato, & probato jam pridem in hoc ipsum, vel aliunde commendato cum hoc munere. *Stupebant autem omnes ad doctrinam ejus; plane, quoniam, inquit, in potestate erat sermo ejus.* Non quoniam adversus legem & prophetas docebat. Utique enim eloquium divinum & vim & gratiam præstabat, magis exstruens quam destruens substantiam legis & pro-

prophetarum. Alioquin non stuperent, sed horerent. Nec mirarentur, sed statim averfarentur destructorem legis & prophetarum; & utique in primis alterius Dei prædicatorem, quia nec potuisset adversus legem & prophetas docere, & hoc nomine adversus creatorem, non præmissa diversæ atque æmulæ divinitatis professione. Cum ergo nihil tale scriptura significet, nisi solam vim & potestatem sermonis admirationi fuisse; facilius ostendit, secundum creatorem docuisse illum, quia non negavit; quam adversus creatorem, quia non significavit. Atque ita aut ejus erit agnoscendus, secundum quem docuit; aut prævaricator judicandus, si secundum eum, adversus quem venerat, docuit. *Exclamat ibidem spiritus dæmonis: Quid nobis & tibi est Jesu? Venisti perdere nos, Scio qui sis, sanctus Dei.* Hic ego non retractabo, an & hoc cognomentum competierit ei, quem nec Christum vocari oporteret, si non creatoris. Alibi jam de nominibus expostulatum est. At nunc discepto, quomodo hoc eum vocari cognoverit dæmon, nulla unquam retro emissæ prædicatione in illum a Deo ignoto, & in id temporis muto, cujus nec sanctum eum contestari potuit, ut ignoti etiam ipsi suo creatori. Quid autem jam tale ediderat novæ divinitatis, per quod posset alterius Dei sanctus intelligi? Tantum quod synagogam introgreissus, & nec sermone operatus aliquid adversus creatorem? Sicut ergo, quem ignorabat, nullo modo poterat Jesum & sanctum Dei agnoscere, ita quem norat agnovit. Nam & prophetam meminerat sanctum Dei prædicasse, & Jesum nomen Dei esse in filio Nave. Hæc & ab angelo exceperat secundum nostrum evangelium. Propterea quod in te nascetur, vocabitur sanctum, filius Dei, & vocabis nomen ejus Jesum. Sed & habebat utique sensum aliquem dominicæ dispositionis, licet dæmon tamen magis quam

quam alienæ & nondum satis cognitæ; nam & præmisit, quid nobis & tibi? Non quasi in extraneum Jesu, ad quem pertinent spiritus creatoris. Nec enim dixit, quid tibi & nobis, sed quid nobis & tibi. Se deplorans & sorti suæ exprobrans, quam jam videns adjicit, Venisti perdere nos. Adeo judicis & ultoris, & ut ita dixerim, sævi Dei filium agnoverat Jesum, non optimi illius, & perdere & punire necessientis. Quorsum hunc locum præmisimus? Ut Jesum & a dæmone non alium doceamus agnitum, & a semetipso non alium confirmatum, quam creatoris. Atquin, inquis, *inrepsit illum Jesus*: plane, ut inviolosum, & in ipsa confessione petulantem, ut male adulantem: quasi hæc esset summa gloria Christi, si ad perditionem dæmonum venisset, & non potius ad hominum salutem; qui nec discipulos de subactione spirituum, sed de candida salutis gloriari volebat. Aut cur eum increpsit? Si quasi mentitum in totum: ergo non fuit Jesus, nec Dei sanctus omnino. Si quasi ex parte mentitum, quod eum Jesum quidem & sanctum Dei, sed creatoris existimasset: injustissime increpsit hoc sentientem, quod sciebat sentiendum, & hoc non æstimantem, quod ignorabat æstimandum, alium Jesum & alterius Dei sanctum. Quod si verisimiliorem statum non habet increpatio, nisi quem nos interpretamur, jam ergo & dæmon nihil mentitus est, non ob mendacium increpitus, ipse enim erat Jesus, præter quem alium dæmon agnovisse non poterat; & Jesus eum confirmavit, quem agnoverat dæmon, dum non ob mendacium increpat dæmonem.

8. Nazaræus vocari habebat, secundum prophetiam, Christus creatoris. Unde & ipso nomine nos Judæi Nazarenos appellant per eum. Nam & sumus, de quibus scriptum est: Nazaræi exalbati sunt super nivem; qui scilicet retro luridati delinquentiæ maculis, & nigrati ignorantiae tenebris. Christo autem  
appel-

appellatio Nazaræi competitura erat ex infantiae latebris, ad quas apud Nazareth descendit, vitando Archelaum, filium Herodis. Hoc propterea non omisi, qua Christum Marcionis oportuerat omne commercium egerasse etiam locorum familiarium Christi creatoris, habentem tanta Judææ oppida, non ita Christo creatoris per prophetas emancipata. Cæterum prophetarum erit Christus, ubicunque secundum prophetas invenitur. Et tamen apud *Nazareth* quoque nihil novi notatur prædicasse, *dum alio, merito unius proverbii, ejectionis refertur*. Hic primum manus ei injectas animadvertens, necesse habeo jam de substantia ejus corporali præfinire, quod non possit phantasma credi, qui contactum, & quidem violentia plenum *detentus & captus & ad precipitium usque protractus*, admiserit. Nam *et si per medios evasit*, sed ante jam vim expertus & postea dimissus, scilicet soluto, uti assolet, tumultu, vel etiam irrupto, non tamen per caliginem eluso, quæ nulli omnino tactui succidisset, si fuisset:

Tangere enim & tangi, nisi corpus, nulla potest res, etiam secularis sapientiæ digna sententia est. Ad summam, & ipse mox tetigit alios, quibus manus imponens utique sentiendas, beneficia medicinarum conferebat, tam vera, tam non imaginaria, quam erant, per quas conferebat. Ipse igitur est Christus Esaiæ, remediator valetudinum. Hic, inquit, imbecillitates nostras aufert, & languores portat. *Portare* autem Græci etiam pro eo solent ponere, quod est tollere. Sufficit interim mihi generalis repromissio. Quodcunque curaverit Jesus, meus est. Veniemus tamen & ad species curationum. Cæterum & a dæmoniis liberare, curatio est valetudinis. Itaque spiritus nequam, quasi ex forma jam prioris exempli, cum testimonio excedebant vociferantes, Tu es filius Dei. Cujus Dei, vel hic pareat: sed proinde increpaban-

pabantur & juebantur tacere. Proinde enim Christus ab hominibus, non a spiritibus immundis volebat se filium Dei agnosci. Ille Christus duntaxat, cui hoc congruebat, quia præmiserat, per quos posset agnosci, & utique digniores prædicatores. Illius erat, præconium immundi spiritus respuere, cui sancti abundabant. Porro, qui nunquam fuerat annuntiatus, (si tamen volebat agnosci, frustra autem venerat, si nolebat,) non esset aspernatus testimonium alienæ & cuiuscunque substantiæ, qui propriæ non habebat, qui in aliena descenderat. Jam nunc & qua destructor creatoris nihil magis gestisset, quam a spiritibus ipsius agnosci, & divulgari præ timore; nisi quod Marcion Deum suum timeri negat, defendens, bonum non timeri, sed judicem, apud quem sint materiæ timoris, ira, sævitia, judicia, vindicta, damnatio. Sed & dæmonia timore utique cedebant. Ergo timendi Dei filium confitebantur, occasionem habiturâ non ceden- di si non timendi. Et ille jussu & increpitu ea expellens, non suasu qua bonus, timendum se exhibebat. Aut nunquid ideo increpabat, quia timebatur nolens timeri? Et quomodo ea volebat excedere, quod nisi timore non facerent? Cecidit ergo in necessitatem, qua disparem se naturæ suæ ageret, cum posset ut bonus semel eis parcere. Cecidit & in aliam prævaricationis notam, cum se a dæmoniis quasi filium creatoris sustineret timeri, ut jam non propria potestate expelleret dæmonia, sed per creatoris auctoritatem, in *solitudinem procedit*. Solemnis & hujusmodi regio creatoris. Oportebat sermonem illic quoque videri in corpore, ubi egerat aliquando & in nube. Competebat & evangelio habitus loci, qui placuerat & legi. Capiat itaque jucunditatem solitudo, hoc Esaias promiserat. *Detentus a turbis, oportet me, inquit, & aliis civitatibus annuntiare regnum Dei.* Ostenderat jam alicubi Deum; suum? Non puto adhuc



adhuc usque. Sed de his loquebatur, qui alium quæ Deum noverant? Nec hoc credo. Ergo, si nesciret ille alium Deum ediderat, nec illi noverant præter creatorem, ejusdem Dei regnum portendebat, quem solum sciebat notum eis, qui audiebant.

9. De tot generibus operum. Quid utique ad predicaturam respexit, ut ab illa in Apostolos sumeret Simonem, & filios Zebedæi? Non enim simplex factus videri potest, de quo argumentum processurum erat dicens *Petro trepidanti de copiosa indagine piscium. Attente, ab hinc enim homines eris capiens.* Hoc enim dicto intellectum illis fuggerebat adimpletæ prophetiæ se eum esse, qui per Hieremiam pronunciarat. Ecce ego mittam piscatores multos, & piscabuntur illos homines scilicet. Denique, *relictis naviculis secuti sum eum*, ipsum intelligentes, qui cœperat facere, quod edixerat. Aliud est si affectavit de naviculariorum collegio allegere, habiturus Apostolum quandoque nauclerum Marcionem. Præstruximus quidem adversus Antitheses nihil proficere proposito Marcionis quam putat diversitatem legis & evangelii; ut & hæc a creatore dispositam, denique prædicatam in re promissione novæ legis, & novi sermonis, & novi testamenti. Sed quoniam attentius argumentatur apud illum suum, nescio quem *συνταλαίπωρον*, id est, commiseronem, & *συμμισημενον*, id est, coodibilem, in *leprosi purgationem*, non pigebit ei occurrere, & in primis figuratæ legis vim ostendere, quæ in exemplo leprosi non contingendi, imo ab omni commercio submovendi, communicationem prohibebat homini delictis commaculati, cum qualibus & Apostolus cibum quoque vetat sumere. Participari enim stigmatum delictorum, quasi ex contagione, si quis se cum peccatore miscuerit. Itaque Dominus volens altius intelligi legem, per carnalia spiritalia significantem, & hæc nomine non destruens, sed magis extruens, quam perti-

pertinentius volebat agnosci, *tetigit leprosum*, a quo etsi homo inquinari potuisset, Deus utique non inquinaretur, incontaminabilis scilicet. Ita non præscribitur illi, quod debuerit legem observare, & non contingere immundum, quem contactus immundi non erat inquinaturus. Hoc magis meo Christo competere, sic doceo, dum tuo non competere demonstro. Si enim ut æmulus legis tetigit leprosum, nihil faciens præceptum legis, per contemptum inquinamenti, quomodo posset inquinari, qui corpus non habebat quod inquinaretur? Phantasma enim inquinari non posset. Qui ergo inquinari non poterat ut phantasma, jam non virtute divina incontaminabilis erit, sed phantasmatis inanitate: nec contempsisse videri potest inquinamentum, cujus materiam non habebat. Ita nec legem destruxisse, qui inquinamentum ex occasione phantasmatis, non ex ostentatione virtutis, evaserat. Si autem Helisæus, propheta creatoris, unicum leprosum Naaman Syrum ex tot leprosis Israelitis emundavit, nec hoc ad diversitatem facit Christi, quasi hoc modo melioris, dum Israelitem leprosum emundat extraneus, quem suus dominus emundare non valuerat; Syro facilius emundato, significat per nationes emundationis, in Christo lumine earum, quæ septem maculis capitalium delictorum inhorrent, idolatria, blasphemia, homicidio, adulterio, stupro, falso testimonio, fraude. Quapropter septies, quasi per singulos titulos in Jordane lavit: simul & ut totius hebdomadis caneret expiationem. Et quia unius lavacri vis & plenitudo Christo soli dicabatur, facturo in terris, sicut sermonem compendiatum, ita & lavacrum. Nam & hoc opponit Marcion, Helisæum quidem materia eguisse, aquam adhibuisse, & eam septies; Christum vero verbo solo, & hoc semel functo, curationem statim repræsentasse; quasi non audeam & verbum ipsum in substantiam creatoris vindicare. Nul-  
lius

lius rei non ille potior autor, qui prior. Incredibile plane, ut potestas creatoris verbo remedium vitii unius operata sit, quæ verbo tantam mundi molem semel protulit? Unde magis dignoscitur Christus creatoris, quam ex verbi potestate? Sed ideo aliús Christus, quia aliter quam Helisæus, quia potentior Dominus famulo suo? Quid constituis Marcion, proinde res agi a servis, quemadmodum ab ipsis Dominis? Non times, ne in dedecus tibi vertat, si ideo Christum negas creatoris, quia potentior fuerit famulo creatoris, qui ad Helisæi pusillitatem major agnoscitur? Si tamen major. Par enim curatio, licet distet operatio. Quid amplius præstitit tuus Christus, quam meus Helisæus? Imo quid magnum præstitit tui Christi verbum? Cum id præstiterit, quod fluvijs creatoris. Secundum hæc cætera quoque occurrunt. Quantum enim ad gloriæ humanæ averfionem pertinebat, *ventus eum divulgare*. Quantum autem ad tutelam legis, iussit ordinem impleri. *Iade, ostende te sacerdoti, & offer munus, quod præcepit Moyses*. Argumenta enim figurata, utputa propheta legis, adhuc in suis imaginibus tuebatur, quæ significabant, hominem quondam peccatorem, verbo mox Dei emaculatum, offerre debere munus Deo, apud templum; orationem scilicet & actionem gratiarum, apud ecclesiam, per Christum Jesum, *catholicum patris sacerdotem*. Itaque adjecit, ut sit vobis in testimonium. Sine dubio, quo testabatur, se legem non dissolvere, sed adimplere. Quo testabatur, seipsum esse, qui morbos & valetudines eorum susceptorus annunciabatur. Hanc tam congruentem & debitam interpretationem testimonii adulator Christi sui Marcion sub obtentu mansuetudinis & lenitatis quærit excludere. Nam & bonus, inquit, præterea sciens omnem qui lepra esset liberatus, solemnia legis executurum, ideo ita præcepit. Quid tum? Perseveravitne in bonitate, id est, per-

missione legis, aut non? Si enim bonus perseveravit, nusquam destructor erit legis, nec Dei alterius habitur, cessante legis destructione, per quam alterius Dei vindicatur. Si non perseveravit bonus, destruendo postea legem, falsum ergo testimonium postea collocavit apud illos in curatione leprosi: deferuit enim bonitatem, dum destruit legem. Malus jam, quando legis everfor, si bonus, cum legis indultor. Sed & eo, quod indulsit legi obsequium, bonam legem confirmavit. Nemo enim malo obsequi patitur. Ergo & sic malus, si obsequium malæ legi indulsit: & sic deterior, si bonæ legis destructor advenit. Proinde, si ut sciens, omnem, qui lepra liberatus esset, ita facturum, ideo præcepit munus offerre, potuit & non præcepisse, quod sciebat ultro futurum. In vanum ergo descendit, quasi legem destructurus, cum cedit obsecutoribus legis. Atqui quasi sciens formam eorum, magis ab ea avertendos prævenire debuerat, si in hoc venerat. Cur enim non tacuit, ut homo solo suo arbitrio legi obediret? Tunc enim aliquatenus posset videri patientiæ suæ præstitisse. Sed adjicit etiam auctoritatem suam, exaggeratam testimonii pondere: cujus jam testimonii, nisi legis assertæ? Certe nihil interest, quomodo firmaverit legem, sive qua bonus, sive qua supervacuus, sive qua patiens, sive qua inconstans, dum te Marcion de gradu pellam. Ecce præcepit legem impleri. Quocunque modo præcepit, eodem potuit etiam illam præmisisse sententiam: Non veni legem dissolvere, sed adimplere. Quid ergo tibi fuit de evangelio erasisse, quod salvum est? Confessus es enim, præ bonitate fecisse illum, quod negas dixisse. Constat ergo dixisse illum, quia & fecit, & te potius vocem Domini de evangelio eradicasse, quam nostros injecisse.

10. *Curatur & paralyticus, & quidem in cætu, spectante populo. Videbit enim, inquit Esaias, populus subli-*

sublimitatem domini, & gloriam Dei. Quam sublimitatem, & quam gloriam? Convalescite manus dimissæ, & genua dissoluta: hoc erit paralyfis. Convalescite, nec timete. Non ociose iterans: convalescite, nec vane subjungens: nec timete; quoniam cum redintegratione membrorum, virium quoque representationem pollicebatur, *Exsurge, & tolle grabatum tuum*, simul & animi vigorem, ad non timendos, qui dicturi erant, *Quis dimittit peccata nisi solus Deus?* Habes itaque jam & specialis medicinæ dispunctam prophetiam, & eorum, quæ medicinam sunt secuta. Pariter & dimissorem delictorum Christum recognosce apud eundem prophetam, Quomodo, inquit, in plurimis dimittet delicta eorum: &: Delicta nostra ipse aufert. Nam & in priore ex ipsius domini persona: Et, si fuerint delicta vestra tanquam roseum, velut nivem exalbabo. Et si tanquam coccinum, velut lanam exalbabo. In roseo sanguinem ostendens prophetarum, in coccino, domini, ut clariorem. Etiam Micheas de venia delictorum: Quis Deus, quomodo tu? Eximens iniquitates & præteriens injustitias residuis hæreditatis tuæ, & non tenuit in testimonium iram suam, quia voluit: & misericordem avertet, & miserebitur nostri. Demerget delicta nostra, & demerget in profundo maris peccata nostra. Sed etsi nihil tale in Christum fuisset prædicatum, haberem hujus benignitatis exempla in creatore, promittentia mihi & in filio patris affectus. Video Ninivitas scelerum veniam consecutos a creatore: ne dixerim tunc quoque a Christo, quia a primordio egit in patris nomine. Lego & Nathan prophetam agnoscenti David delictum suum in Uriam, dixisse: Et dominus circumduxit delictum tuum, & non morieris. Proinde & Achab regem, maritum Iezabel, reum idololatriæ & sanguinis Nabuthæ, veniam meruisse, pœnitentiæ nomine. Jonathan, filium Saulis, resignati jejunii

culpam deprecatione deleſſe. Quid de ipſo populo retexam, totiens delictorum indulgentia reſtituto? Ab eo ſcilicet Deo, qui mavult miſericordiam, quam ſacrificium, & peccatoris pœnitentiam, quam mortem. Prius eſt igitur, neges creatorem indulſiſſe aliquando delicta. Conſequens eſt, ut oſtendas, nec in Chriſtum ſuum tale quid eum prædicafſe: & ita probabis novam iſtam Chriſti novi ſcilicet benignitatem, ſi probaveris, nec parem creatori, nec prædicatam a creatore. Sed & peccata dimittere, an ejus poſſit eſſe, qui negetur tenere: & an ejus ſit abſolvere, cujus non ſit etiam damnare: & an congruat, eum ignoſcere, in quem nihil ſit admiſſum, alibi jam congreſſi maluimus admonere quam retractare. De *filio hominis* duplex eſt noſtra præſcriptio; neque mentiri poſſe Chriſtum, ut ſe filium hominis pronuntiaret, ſi non vere erat: neque filium hominis conſtitui, qui non ſit natus ex homine, vel patre, vel matre: atque ita diſcutiendum, cujus hominis filius accipi debeat, patris an matris. Si ex Deo patre eſt, uti que non eſt ex homine. Si non & ex homine, ſuper eſt, ut ex homine ſit matre. Si ex homine, jam apparet, quia ex virgine. Cui enim pater non datur, nec vir matri ejus deputabitur. Porro, cui vir non deputabitur, virgo eſt. Cæterum duo jam patres habebuntur, Deus & homo, ſi non virgo ſit mater. Habebit enim virum, ut virgo non ſit; & habendo virum, duos patres faciet, Deum & hominem, ei, qui, & Dei, & hominis eſſet filius. Talem, ſi forte, Caſtori aut Herculi nativitatem tradunt fabulæ. Si hæc ita diſtinguuntur, id eſt, ſi ex matre filius eſt hominis, quia ex patre non eſt: ex matre autem virgine, quia non ex patre homine: hic erit Chriſtus Eſaiæ, quem concepturam virginem prædicat. Qua igitur ratione admittas filium hominis, Marcion, circumſpicere non poſſum: ſi patris hominis, negas Dei filium: ſi & Dei, Herculem de fabula facis

facis Christum: si matris tantum hominis, meum concedis: si neque patris hominis, ergo nullius hominis est filius: & necesse est, mendacium admiserit, qui se, quod non erat, dixit. Unum potest angustiis tuis subvehire, si audeas, aut Deum tuum patrem Christi hominem quoque cognominare: quod de æone fecit Valentinus: aut virginem hominem negare, quod nec Valentinus quidem fecit. Quid nunc si ipso titulo filii hominis censetur Christus apud Daniele? Nonne sufficit ad probationem prophetici Christi? Cum enim id se appellat, quod in Christum prædicabatur creatoris, sine dubio ipsum se præstat intelligi, in quem prædicabatur. Nominum communio simplex, si forte, videri potest, & tamen nec christum, nec Jesum vocari debuisset defendimus, diversitatis conditionem tenentes. Appellatio autem quod est filius hominis, in quantum ex accidenti obvenit, in tantum difficile est, ut & ipsa concurrat super nominis communionem. Ex accidenti enim proprio est, maxime cum causâ non convenit eadem, per quam deveniat in communionem. Atque adeo si & Christus Marcionis natus ex homine diceretur, tunc & ipse caperet appellationis communionem, & essent duo filii hominis, sicut & duo Christi, & duo Jesus. Ergo cum appellatio propria est ejus, in quo habet causam, si & alii vendicaretur, in quo est communio nominis, non etiam appellationis, suspecta jam fit communio nominis quoque in eo, cui vendicatur sine causâ communio appellationis: & sequitur, ut unus idemque credatur, qui & nominis, & appellationis capacior invenitur, dum alter excluditur, qui non habet appellationis communionem, carens causâ. Nec alius erit capacior utriusque, quam qui prior & nomen sortitus est Christi, & appellationem filii hominis, Jesus scilicet creatoris. Hic erat visus Babylonio regi in fornace cum martyribus suis quartus, tanquam filius hominis. Item ipse Danieli revelatus directo filius hominis veniens

eum cœli nubibus iudex, sicut & scriptura demonstrat. Hoc dixi sufficere potuisse de nominatione prophetica circa filium hominis. Sed plus mihi scriptura confert, ipsius scilicet domini interpretatione. Nam cum Judæi solummodo hominem ejus intuentes, nec dum & Deum certi, qua Dei quoque filium merito retractarent, non posse hominem delicta dimittere, sed Deum solum, cur non secundum intentionem eorum de homine eis *respondit*. *Habere eum potestatem dimittendi delicta*, quando & *filium hominis nominans* hominem nominaret? Nisi quia ideo ipsa voluit eos appellatione filii hominis ex instrumento Danielis repercutere, ut ostenderet Deum & hominem, qui delicta dimitteret, illum scilicet solum filium hominis apud Danielis prophetiam, consecutum judicandi potestatem, ac per eam utique & dimittendi delicta. Qui enim judicat, & absolvit. Ut scandalo isto discusso per scripturæ recordationem facilius eum agnoscerent, ipsum esse filium hominis ex ipsa peccatorum remissione. Denique nusquam adhuc professus est se filium hominis, quam in isto loco primum, in quo primum peccata dimisit, id est, in quo primum judicavit, dum absolvit. Ad hæc quodcumque diversa pars fuerit argumentata, quale sit inspice. Nam in illam necesse est amentiam tendat, ut & filium hominis defendat, ne mendacem eum faciat, & ex homine neget natum, ne filium virginis concedat. Quod si & autoritas divina, & rerum natura, & communis sapientia non admittunt in insaniam hæreticam, occasio est & hic, interpellandi quam brevissime de substantia corporis adversus phantasmata Marcionis. Si natus ex homine est, ut filius hominis, corpus ex corpore est. Plane facilius invenias hominem natum cor non habere vel cerebrum, sicut ipsum Marcionem, quam corpus, ut Christum Marcionis. Atque adeo inspice cor Pontici aut cerebrum.



II. *Publicanum adlectum a domino* in argumentum deducit, quasi ab adversario legis adlectum, extraneum legis & Judaismi prophanum. Excidit ei vel de Petro, legis homine, & tamen non tantum adlecto, sed etiam testimonium consecuto agnitionis præstitæ a patre. Nusquam legerat lumen, & spem, & expectationem nationum, prædicari Christum. Atquin probavit potius Judæos, dicendo, *Medicum sanis non esse necessarium, sed male habentibus*. Si enim male valentes voluit intelligi ethnicos & publicanos, quos adlegebat, sanos Judæos confirmabat, quibus medicum necessarium negabat. Hoc si ita est, male descendit ad legem destruendam, quasi ad malam valetudinem remediandam, in qua, qui agebant, bene valebant, quibus medicus necessarius non erat. Quale est autem, ut similitudinem medici proposuerit, nec impleverit? Nam sicut sanis medicum nemo adhibet, ita nec in tantum extraneis, quantum est homo a Deo Marcionis, suum habens & autorem & protectorem; & ab illo potius medicum Christum. Hoc similitudo præiudicat, ab eo magis præstari medicum, ad quem pertinent, qui languent. Unde autem & Johannes venit in medium? Subito Christus, subito & Johannes. Sic sunt omnia apud Marcionem, quæ suum & plenum habent ordinem apud creatorem. Sed de Johanne cætera alibi. Ad præsentem enim quosque articulos respondendum est. Nunc illud tuebor, ut demonstrem & Johannem Christo, & Christum Johanni convenire, utique prophetæ creatoris, qua Christum creatoris: atque ita erubescat hæreticus, Johannis ordinem frustra frustratus. Si enim nihil omnino administrasset Johannes, secundum Esaiam vociferator in solitudinem, & præparator viarum dominicarum per denuntiationem & laudationem poenitentiae; si non etiam ipsum inter cæteros tinxisset: *nemo discipulos Christi manducantes & bibentes ad formam discipulorum*

ram Johannis assidue jejunantium & orantium provocasset: quia, si qua diversitas staret inter Christum & Johannem, & gregem utriusque; nulla esset comparationis exactio, vacaret provocationis intentio. Nemo enim miraretur, & nemo torqueretur, si diversæ divinitatis æmulæ prædicationes, de disciplinis quoque inter se non convenirent, non convenientes prius de auctoritatibus disciplinarum: adeo Johannis erat Christus, & Johannes Christi: ambo creatoris, & ambo de lege & prophetis, prædicatores & magistri. Sed & Christus rejecisset Johannis disciplinam, ut Dei alterius, & discipulos defendisset, ut merito aliter incedentes, aliam scilicet & contrariam initiatos divinitatem. At nunc humiliter reddens rationem, *quod non possent jejunare filii sponsi, quam diu cum eis esset sponsus: postea vero jejunaturos promittens cum ablati ab eis sponsus esset: nec discipulos defendit, sed potius excusavit, quasi non sine ratione reprehensos: nec Johannis rejecit disciplinam, sed magis concessit tempori Johannis, eam præstans, ut tempori suo, eam destinans, si non ipsius fuisset, jamque erat. Teneo meum Christum etiam in nomine sponsi: de quo psalmus: Ipse tanquam sponsus egrediens de thalamo suo. A summo coeli profectio ejus, & deversio ejus ad summum usque ejus. Qui etiam per Esaïam gaudens ad patrem: Exultet, inquit, anima mea in domino: induit enim me indumentum salutaris, & tunicam jucunditatis, velut sponso, circumposuit mihi mitram, velut sponsæ. In se & ecclesiam deputat: de qua idem spiritus ad ipsum: Et circumpones tibi omnes eos, velut ornamentum sponsæ. Hanc sponsam Christus sibi per Salomonem ex vocatione gentium arcessit: Siquidem legisti, veni sponsa de Libano. Eleganter Libani utique montis mentione injecta, qui thuris vocabulo est penes Græcos: de idololatria enim sibi sponsabat ecclesiam. Nega te nunc dementissimum Marcion. Ecce legem*  
tui

tui quoque Dei impugnās, nuptias non conjungit, conjunctas non admittit: neminem tingit, nisi cœlibem, aut spadonem; morti aut repudio baptisma servat. Quid itaque Christum ejus sponsum facis? Illius hoc nomen est, qui masculum & fœminam conjunxit, non qui separavit. Errasti in illa etiam domini pronuntiatione, qua videtur *nova & vetera discernere*. Inflatu es utribus veteribus, & excerebratus es novo vino: atque ita veteri, id est priori evangelio pannum hæreticæ novitatis assuisti. In quo alter creator, velim discere, cum per Hieremiam præcepit: Novate novamen novum; nonne a veteribus avertit? cum per Esaiam edicit: Vetera transierunt, & ecce nova quæ ego facio, nonne ad nova convertit? Olim hanc statuiamus destinationem pristinorum a creatore potius repromissam a Christo exhiberi sub unius & ejusdem Dei autoritate, cujus sint & vetera & nova. Nam & vinum novum is non committit in veteres utres, qui & veteres utres non habuerit: & novum additamentum nemo injicit veteri vestimento, nisi cui non de fuerit vetus vestimentum. Ille non facit quid, si faciendum non est, qui habeat unde faciat, si faciendum esset. Itaque si in hoc dirigebat similitudinem, ut ostenderet se evangelii novitatem separare a legis vetustate, suam demonstrabat & illam a qua separabat, alienorum separatione non fuisse notandam; quia nemo alienis sua adjungit, ut ab alienis separare possit. Separatio per conjunctionem capit, de qua fit. Ita, quæ separabat, & in uno ostendebat fuisse; sicut & fuissent si non separaret. Et tamen sic concedimus separationem istam per reformationem, per amplitudinem, per profectum, sicut fructus separatur a semine, cum sit fructus ex semine: sic & evangelium separatur a lege, dum provehitur ex lege. Aliud ab illa, sed non alienum. Diversum, sed non contrarium. Nec forma sermonis in Christo nova, cum similitudines objicit,

cum quæstiones refutat; De septuagesimo venit *psalmus*: Aperiam, inquit, in parabolam os meum: id est, similitudinem: eloquar problemata, id est, edisseram quæstiones. Si hominem alterius gentis probare voluisses, utique de proprietate loquelæ probares.

12. De sabbato quoque illud præmitto, nec hanc quæstionem consistere potuisse, si non *Deum sabbati* circumferret Christus. Nec enim *disceptaretur cur destrueret sabbatum*, si destruere deberet. Porro destruere deberet, si alterius Dei esset: nec quisquam miraretur facientem, quod illi congruebat. Mirabantur ergo, quia non congruebat illi, Deum creatorem circumferre, & sabbatum ejus impugnare. Et ut prima quæque decidamus, ne eadem ubique novemus ad omnem argumentationem adversarii, ex aliqua nova Christi institutione nitentem: hæc jam definitio stabit. Ideo de novitate institutionis cujusque disceptatum, quia de novitate divinitatis nihil erat usque adhuc editum, sicuti nec disceptatum: nec posse retorqueri ex ipsa novitate institutionis cujusque, satis aliam a Christo demonstratam divinitatem, quando & ipsam novitatem pronunciatam a creatore constiterit, in Christo non esse mirandam. Et oportuerit utique prius alium Deum exponi, postea disciplinam ejus induci: quia Deus auctoritatem præstet disciplinæ, non Deo disciplina: nisi si & Marcion plane tam perversas non per magistrum literas didicit, sed per literas magistrum. Cætera de sabbato ita dirigo. Si sabbatum Christus intervertit, secundum exemplum fecit creatoris. Siquidem in obsidione civitatis Hierichuntis circumlata per muros arca testamenti octo diebus, etiam sabbato, ex præcepto creatoris sabbatum operatione destruxit, ut putant, qui hoc & de Christo existimant, ignorantes, neque Christum sabbatum destruxisse, neque creatorem, ut mox doce-

docebimus, & tamen per Jesum tunc quoque concussum est sabbatum; ut & hoc in Christum renunciaretur, etiam si odio insecutus est solemnissimum Judæorum diem, ut Christus non Judæorum. De odio quoque sabbati professus creatorem, ut Christus ipsius sequeretur, exclamantem ore Esaïæ: Neomenias & sabbata vestra odit anima mea. Sed & hæc quoquo modo dicta sint, scimus adhibendam tamen in hac specie etiam abruptam defensionem, adversus abruptam provocationem. Nunc & ipsam materiam disceptabo, in qua visa est destruere sabbatum Christi disciplina. *Esurierant discipuli*, ea die *spicas decerptas manibus effixerant*, cibum operati, ferias ruperant. *Excusat illos Christus*, & reus est sabbati læsi, *accusant pharisæi*; Marcion captat status controversiæ, ut aliquid cludam cum mei Domini veritate scripti, & voluntatis; de scriptura enim sumitur creatoris, & de Christi voluntate color, quasi *de exemplo David*, *introgressi sabbatis templum*, & *operati cibum*, *audenter fractis panibus propositionis*. Meminerat enim & ille hoc privilegium donatum sabbato a primordio, quo dies ipse comperitus est veniam, jejunii dico. Cum enim prohibuisset creator in biduum legi manna, solummodo permisit in parasceve, ut sabbati sequentis ferias pridiana pabuli paratura jejunio liberaret. Bene igitur, quod & causam eandem secutus est dominus, in sabbati, si ita volunt dici destructione: bene, quod & affectum creatoris expressit, in sabbati non jejunandi honore. Denique tunc demum sabbatum destruxisset etiam ipsum creatorem, si discipulos sabbato jejunare mandasset, adversus statum scripti & voluntatis creatoris. Sed quoniam discipulos non constanter tuebatur, sed excusat, quoniam humanam opponit necessitatem quasi deprecatricem: quoniam potio rem honorem sabbati servat non contristandi, quam vacandi: quoniam David comitesque ejus cum discipulis suis æquat in culpa

& in venia: quoniam placet illi quia creator indulgit: quoniam de exemplo ejus & ipse tam bonus est: ideo alienus est a creatore? *Exinde observant pharisæi, si medicinas sabbatis ageret, ut accusarent eum,* certe qua sabbati destructorem, non qua novi Dei professorem: fortasse enim hunc solum articulum ubique ingeram, alium Christum nusquam prædicatum. In totum autem errabunt pharisæi circa sabbati legem, non animadvertentes, conditionaliter eam indicentem ferias operum, sub certa specie eorum. Nam cum de die sabbati dicit, Omne opus tuum non facies in ea: dicendo tuum, de humano opere definiit, quod quisque ex artificio vel negotio suo exsequitur, non de divino. Opus autem salutis & incolumitatis, non est hominis, sed Dei proprium; sicut & rursus in lege: Non facies, inquit, omne opus in ea, nisi quod fiet omni animæ, id est, in causa animæ liberandæ. Quia opus Dei etiam per hominem fieri potest in salutem animæ, a Deo tamen, quod facturus fuerat & Christus homo, quia & Deus. In hunc ergo sensum legis inducere volens illos, per manus arefactæ restitutionem, interrogat, *Licetne sabbatis benefacere, an non? Animam liberare, an perdere?* Ut id operis promittens, quod pro anima facturus esset, admoneret eos, quæ opera sabbati lex prohiberet, humana scilicet. Et quæ præciperet, divina scilicet, quæ fierent animæ omni. Dominus sabbati dictus, quia sabbatum, ut rem suam, tuebatur. Quod etiam si destruxisset, merito, qua Dominus magis ille, qui instituit. Sed non omnino destruxit qua Dominus, ut hinc jam apparere possit, ne tum quidem in arcæ circumlacione apud Hierichuntem sabbatum a creatore destructum. Nam & illud opus Dei erat, quod ipse præceperat, & quod propter animas disposuerat hominum suorum in discrimine belli constitutas. Sed & si odium alicubi sabbatorum professus est, vestra sabbata dicendo, hominum ea depu-

deputans, non sua, quæ sine Dei timore celebrat populus, plenus delictis, labiis Deum diligens, non corde; suis sabbatis, id est quæcumque disciplina ejus agerentur, alium statum fecit, quæ per eundem postea prophetem vera & delicata, & non profananda pronuntiat. Ita nec Christus omnino sabbatum rescindit, cujus legem tenuit, & supra in causa discipulorum pro anima operatus. Esurientibus enim solatium cibi indulgit: & nunc *manum aridam curans*: factis ubique ingerens, Non veni dissolvere legem, sed adimplere, si Marcion hac voce os ei obstruxit. Adimplevit enim & hic legem, dum conditionem interpretatur ejus, dum operum differentiam illuminat, dum facit quæ lex de sabbati feriis excipit, dum ipsum sabbati diem benedictione patris a primordio sanctum, benedictione sua efficit sanctiorem; in quo scilicet divina præsidia ministrabat, quod adversarius aliis diebus præstitisset, ne sabbatum creatoris ornaret, ne opera debita sabbato redderet. In quo die si & Helisæus propheta Sunamitidis filium mortuum restituit in vitam, vides pharisæe, tuque Marcion, olim creatoris esse, sabbatis benefacere; animam liberare, non perdere: nihil Christum novi intulisse, quod non sit ex forma, ex lenitate, ex misericordia, ex prædicatione quoque creatoris. Nam & hic specialis medicinæ prophetiam repræsentat. Invalescunt manus dissolutæ, sicut & genua dissoluta in paralytico.

13. Certe evangelizat Sion & Hierusalem pacem, & bona omnia: certe *ascendit in montem*, & *illic pernoctat in oratione*, & utique auditur a patre. Evolve igitur prophetas, & ordinem totum recognosce. In montem excelsum, inquit Esaias, ascende, qui evangelizas Sion: extolle cum vigore vocem tuam, qui evangelizas Hierusalem. Adhuc in vigore obstupescabant in doctrina ejus; erat enim docens tanquam virtutem habens. Et rursus: Propterea cognoscet

noscet populus nomen meum in illa die. Quod nomen, nisi Christi? Quod? ego sum ipse, qui loquor. Tunc enim ipse erat, qui in prophetis loquebatur, sermo, filius creatoris. Adsum dum hora est, in montibus, ut evangelizans auditionem pacis, evangelizans bona. Item Naum ex duodecim, quoniam ecce veloces pedes in monte evangelizantis pacem. De voce autem nocturnæ orationis ad patrem manifeste psalmus: Deus meus clamabo per diem, & exaudies, & nocte, & non in vanitatem mihi. Et alibi de loco & voce eadem psalmus: Voce mea ad dominum exclamavi, & exaudivit me de monte sancto suo. Habes nominis repræsentationem, habes actum evangelizantis: habes locum montis, & tempus noctis, & sonum vocis, & auditum patris, habes Christum prophetarum. Cur autem *duodecim Apostolos elegit*, & non alium quemlibet numerum? Næ & ex hoc meum Christum interpretari possem, non tantum vocibus prophetarum, sed & argumentis rerum prædictum? Hujus enim numeri figuras apud creatorem deprehendo: Duodecim fontes Elim, & duodecim gemmas in tunica sacerdotali Aaronis, & duodecim lapides ab Jesu de Jordane electos, & in arcam testamenti conditos. Totidem enim Apostoli portendebantur, proinde ut fontes & amnes rigaturi aridum retro & desertum a notitia orbem nationum: sicut & per Esaiam: Ponam in terra inaquosa flumina. Proinde ut gemmæ, illuminaturi sacram ecclesiæ vestem, quam induit Christus pontifex patris. Proinde ut & lapides solidi fide, quos de lavacro Jordanis Jesus verus elegit, & in sacrarium testamenti sui recepit. Quid tale de numeri defensione competit Christo Marcionis? Non potest simpliciter factum ab illo quid videri, quod potest videri non simpliciter factum a meo. Ejus erit res, apud quem invenitur rei præparatura. *Mutat & Petro nomen, de Simone, quia & creator Abrahæ*

hæ



hæ & Saræ, & Aufeæ nomina reformavit, hunc vocando Jesum, illis syllabas adjiciendo. Sed & cur Petrum? Si ob vigorem fidei: multæ materiæ solidæque nomen de suo accommodarent. An quia & petra & lapis Christus? Siquidem & legimus positum eum in lapidem offendiculi, & in petram scandali. Omitto cætera. Itaque affectavit carissimo discipulorum, de figuris suis peculiariter nomen communicare, puto propius quam de non suis. *Conveniunt a Tyro & ex aliis regionibus multitudo etiam transmarina.* Hoc spectabat psalmus. Et ecce allophyli & Tyrus, & populus Aethiopum, isti fuerunt illic. Mater Sion dicet homo, & homo factus est in illa, quoniam Deus homo natus est, & ædificavit eam voluntate patris, ut scias ad eum tunc gentiles convenisse: quia Deus homo natus erat, ædificaturus ecclesiam ex voluntate patris, ex allophylis quoque. Sic & Esaias: Ecce isti veniunt de longinquo, isti autem veniunt ab Aquilone & mari: alii autem de terra Persarum. De quibus & rursus: Attolle per circuitum oculos tuos, & vide, omnes congregati sunt. De quibus & infra: Vides ignotos & extraneos, & dices cordi tuo, Quis istos genuit mihi? Porro hos, quis mihi educavit? At hi mihi ubi fuerunt? Hic erit Christus non prophetarum? Et quis erit Christus Marcionitarum? si perversitas placet: qui non fuerit prophetarum.

14 Venio nunc ad ordinarias sententias ejus, per quas proprietatem doctrinæ suæ inducit ad edictum (ut ita dixerim) Christi, *Beati mendici* (sic enim exigit interpretatio vocabuli quod in Græco est) *quoniam illorum est regnum Dei.* Jam hoc ipsum, quod a benedictionibus cœpit, creatoris est, qui universa, prout edidit, nulla alia voce quam benedictionis dedicavit. Eructavit, inquit, cor meum sermonem optimum. Hic erit sermo optimus, benedictionis scilicet, qui & novi quoque testamenti initiator agnoscitur de vete-

veteri exemplo. Quid ergo mirum, si & ab affectibus creatoris ingressus est per huiusmodi dictionem, semper mendicos, & pauperes, & humiles, ac viduas, & pupillos usque diligentis, consolantis, asserentis, vindicantis? ut hanc Christi quasi privatam benignitatem, rivulum credas de fontibus salvatoris. Revera quo dirigam nescio, in tanta frequentia ejusmodi vocum, tanquam in silva, vel in prato, vel in nemore, pomorum passim, prout incidit res, petenda est: inclamat psalmus: *Judicate pupillo & mendico, & humilem & pauperem juste tractate. Liberate pauperem, & mendicum de manu peccatoris eruite.* Item psalmus septuagesimus primus: *Justitia judicabit mendicos populi, & faciet salvos filios pauperum.* Et in sequentibus de Christo: *Omnes nationes servient ei.* David autem uni genti Judaicæ præfuit, ne quis in David putet dictum: quia & ille susceperat humiles, & necessitatibus laborantes. Quod liberaverit, inquit, a dynasta mendicum, parcat mendico & pauperi: & animas pauperum salvas faciet, ex usura, & injustitia redimet eorum animas: & honoratum nomen eorum in conspectu ipsius. Item: *Avertantur peccatores in inferos, omnes nationes quæ Dei obliviscuntur: quoniam non in finem oblivioni habebitur mendicus: tolerantia pauperum non peribit in finem.* Item: *Quis sicut Deus noster, qui habitat in excelsis, & humilia prospectat in cælo & in terra. Qui suscitavit mendicum de terra, & de stercore exaltavit pauperem: uti sedere eum faciat cum principibus populi, utique in regno suo.* Sic & retro in Basiliis, Anna mater Samvelis spiritu gloriam Deo reddens: *Qui, inquit, excitavit pauperem de terra, & mendicum, uti sedere eum faciat cum dynastis populi, & in thronis gloriæ, utique regalibus.* Per Esaiam vero quomodo invehitur in vexatores egenorum? *Vos autem ad quid incenditis vineam meam, &*  
*rapina*

rapina mendici in domibus vestris? Cur vos læditis  
 populum meum, & faciem mendicorum confunditis?  
 Et rursus: Væ qui scribunt nequitiam, scribentes enim  
 scribunt nequam, vitantes judicia mendicorum, & diri-  
 pientes judicata pauperum populi mei. Quæ judicia  
 pupillis quoque & viduis exigit, ut & ipsis egenis so-  
 latii. Judicate pupillo, & juste tractate viduam, &  
 venite, conciliemur, dicit dominus. Cui tantus af-  
 fectus in omnem conditionem humilitatis creatoris  
 est, ejus erit & regnum, quod a Christo repromittitur,  
 ad cujus affectum jam dudum pertinent ii, quibus re-  
 promittitur. Nam etsi putas creatoris quidem terrenas  
 promissiones fuisse, Christi vero cœlestes, bene quod  
 cœlum nullius alterius usque adhuc Dei apparet, nisi  
 cujus & terra. Bene quod creator vel minora pro-  
 misit, ut facilius illi & de majoribus credam, quam  
 qui nunquam de minoribus prius fidem liberalitatis suæ  
 struxit: *Beati esurientes, quoniam saturabuntur.* Possem  
 hunc titulum in superiorem transmississe, quod non  
 alii sunt esurientes, quam pauperes & mendici, si non  
 & hanc promissionem creator specialiter in Evangelii  
 scilicet sui præstructionem destinasset. Siquidem per  
 Esaiam de eis quos vocaturus esset a summo terræ,  
 vtiq; nationes, Ecce, inquit, velociter, leviter  
 advenient. Velociter, quia properantes sub finibus  
 temporum. Leviter, quia sine oneribus pristinæ le-  
 gis. Non esurient, neque sitient. Ergo saturabun-  
 tur. Quod utique nisi esurientibus & sitientibus non  
 promittitur. Et rursus: Ecce, inquit, qui serviunt  
 mihi, saturabuntur, vos autem esurietis. Ecce qui  
 serviunt mihi, bibent, vos autem sitietis. Videbi-  
 mus & contraria ista, an Christo præministrentur.  
 Interim quod esurientibus saturitatem repromittit,  
 Dei creatoris est. *Beati plorantes, quia ridebunt.* De-  
 curre sententiam Esaiæ: Ecce qui serviunt mihi, ob-  
 lestantur, vos autem confundemini. Ecce qui ser-  
 viunt

viunt mihi, exsultabunt in iucunditate, vos autem clamabitis præ dolore cordis. Et hæc contraria apud Christum recognosce. Certe oblectatio & exsultatio in iucunditate illis promittitur, qui in diversa conditione sunt, mœstis & tristibus & anxiis. Scilicet etiam psalmus cxxv Qui seminant, inquit, in lacrymis, in exsultatione metent. Porro tam exsultantibus & iucunditatem capientibus risus accedit, quam mœrentibus & dolentibus fletus. Ita creator materias risus & fletus prædicans, risuros plorantes prior dixit. Igitur qui a consolatione pauperum, & humilium, & esurientium, & flentium exorsus est, statim se illum repræsentare gestivit, quem demonstraverat per Esaïam: Spiritus domini super me, propter quod unxit me ad evangelizandum pauperibus, *Beati mendici, quoniam illorum est regnum cælorum.* Misit me, curare obtritatos corde: *Beati qui esuriunt, quoniam saturabuntur.* Advocare languentes: *Beati qui plorant, quoniam ridebunt.* Dare lugentibus Sionis gloriam, & pro cinere unguenti iucunditatem, & gloriæ habitum pro spiritu tædii. Hæc si statim admissus Christus administravit, aut ipse est, qui se ad hæc venturum prædicavit, aut si nondum venit qui prædicavit, ridicule, sed necessarie dixerim fortasse, mandaverit Christo Marcionis. *Beati eritis cum vos odio habebunt homines, & exprobrabunt, & ejicient nomen vestrum, velut malum, propter filium hominis.* Hac pronuntiatione sine dubio ad tolerantiam exhortatur. Quid minus creator per Esaïam? Ne metueritis ignominiam ab hominibus, & nullificatione eorum ne minuamini. Quæ ignominia, quæ nullificatio? Quæ futura erat propter filium hominis. Quem istum? Qui est secundum creatorem. Unde probabimus? Excidio in ipsum quoque prædicato: sicut per Esaïam ad autores Judæos: Propter vos blasphematur nomen meum in nationibus. Et alibi: *Sancite eum, qui circumscribit animam*

nam suam, qui aspernamento habetur a nationibus famulis & magistratibus. Si enim odium in illum filium hominis prædicabatur, qui secundum creatorem est, evangelium autem nomen Christianorum, utique a Christo deductum, odio futurum contestatur propter filium hominis, quod est Christus: eum filium hominis in causa odii constituit, qui erat secundum creatorem, in quem odium prædicabatur. Et utique si nondum venisset, non potuisset nominis odium, quod agitur hodie, personam nominis antecessisse. Nam & sancitur penes nos, & animam suam circumscribit, propter nos eam ponens, & aspernamento habetur a nationibus. Et qui natus est, ipse erit filius hominis, propter quem & nomen nostrum recusatur.

15. *Secundum hac, inquit, faciebant prophetis patres eorum.* O Christum versipellem! nunc destructorem, nunc assertorem prophetarum; destruebat ut æmulus, convertens discipulos eorum sibi asserebat, ut amicus, fugillans insectatores eorum. Porro, in quantum non congruisset Christo Marcionis assertio prophetarum, ad quorum venerat destructionem, in tantum congruit Christo creatoris fugillatio in insectatores prophetarum, quos in omnibus adimplebat. Vel quia magis creatoris est delicta patrum filiis exprobrare, quam ejus Dei, qui nec propria cujusque castigat. Sed non statim, inquis, prophetas tuebatur, si iniquitatem Judæorum affirmatam volebat, quod nec cum prophetis suis pie egissent. Atquin, nulla hic iniquitas exprobranda erat Judæis, laudandis potius & probandis, si eos figuraverunt, ad quorum destructionem, post tantum ævi, Deus optimus motus est. Sed puto jam & non optimus; jam aliquid & cum creatore moratus, nec in totum Epicuri Deus. Ecce enim demutat in maledictionem, & ostendit eum se esse, qui novit offendi & irasci: *Væ*

enim dicit. Sed fit nobis quæstio de verbi istius qualitate, quasi non tam maledictionis sit quam admonitionis. Et quid causæ interest, quando & admonitio non sit sine aculeo comminationis, maxime per væ amarior facta? Et admonitio autem & comminatio ejus erunt, qui norit irasci. Nemo enim admonēbit & nemo comminabitur, ne quid faciat, nisi qui factum vindicabit. Nemo vindicarit, nisi qui norit irasci. Alii agnoscunt quidem verbum maledictionis, sed volunt Christum sic væ pronuntiasse, non quasi ex sententia sua proprie, sed quod væ a creatore sit, & voluerit illis asperitatem creatoris opponere, quo suam supra in benedictionibus sufferentiam commendaret; quasi non creatori competat, qua utrumque præstanti, & bonum Deum & judicem, ut quia præmiserat in benedictionibus benignitatem, subjiceret etiam in maledictionibus severitatem, amplitudinem disciplinæ utriusque instruendæ, tam ad benedictionem sectandam, quam ad maledictionem præcavendam. Nam & ita præmiserat. Ecce posui ante vos benedictionem & maledictionem. Quod etiam in hanc evangelii dispositionem portendebat. Alioquin qualis est ille, qui ut suam insinueret bonitatem, creatoris opposuit asperitatem? Dei infirma commendatio est, quæ de alterius destructione fulcitur. Atquin opponens asperitatem creatoris, timendum eum confirmavit. Si timendum, magis utique obaudiendum, quam negligendum. Et incipit jam Christus Marcionis creatori docere: tunc, si væ creatoris est, quod in divites spectat, ergo Christus non est divitibus offensus, sed creator; & ratas habet Christus divitum causas, superbiam dico, & gloriam & seculi studia, & Dei incuriam, per quæ væ merentur a creatore. Sed quomodo non ejusdem sit divites reprobare, qui supra mendicos probavit? Nemo non contrarium ejus, quod probaverit, reprobavit. Itaque si creatori deputabitur

tabitur maledictio in divites, ejusdem defendetur benedictio in mendicos, & totum jam opus Christi, creatoris est. Si Deo Marcionis adscribetur benedictio in mendicos, ejusdem imponetur & maledictio in divites: & erit par jam creatoris, tam bonus quam & judex: nec erit jam discrimini locus, quo duo Deï sunt, sublatoque discrimine supererit, unum Deum renuntiari creatorem. Igitur vae, si & vox maledictionis est, vel alicujus austerioris inclamationis, & a Christo dirigitur in divites, debeo creatorem diuturnum quoque aspernatorem probare, sicut probavi mendicorum advocatorem, ut Christum in hac quoque sententia creatoris ostendam, locupletantis Salomonem. Sed quia permessa sibi optione maluit ea postulare, quæ sciebat Deo grata, sapientiam: & meruerat etiam divitias consequi, quas non magis voluit; quanquam & divitias præstare non incongruens Deo sit, per quas & divites solatio juvantur, & multa inde opera justitiæ & dilectionis administrantur. Sed accidentia vitia divitiis, illa in evangelio quoque *vae divitibus* adscribant: *Quoniam, inquit, recepistis advocatorem vestram.* Utique ex divitiis de gloria earum & secularibus fructibus; itaque in Deuteronomio, Moyses, ne, inquit, cum manducaveris, & repletus fueris; & domos magnas ædificaveris, pecoribus, & bubus tuis multiplicatis, & pecunia & auro exaltetur cor tuum, & obliviscaris domini Dei tui. Quemadmodum & Ezechiam regem thesauris inflatum, & de eis potius quam de Deo gloriatum apud illos, qui ex Perfide adveniant, infiluit per Efsaiam, Ecce dies veniunt & auferentur omnia, quæ in domo tua sunt, & quæ patres tui congegesserunt, in Babylonem transferentur: Sic & per Hieremiam quoque edidit. Ne gloriatur dives in divitiis suis, & qui gloriatur scilicet in Deo gloriatur. Sic & in filias Sionis invehitur per Efsaiam; cultu & divitiarum abundantia inflatas; comminabun-

das & alibi nobilibus & superbis: dilatavit Orcus animam suam, & aperuit os suum, & descendent inclyti, & magni, & divites. Hoc erit Christi vae super divites: & humiliabitur homo utique exaltatus divitiis, & inhonorabitur vir utique quod substantiam honorabilis. De quibus & rursus, Ecce dominus virtutum conturbabit gloriosos cum valentia, & elati comminuentur, & ruent gladio sublimes. Qui magis quam divites? Quia receperint scilicet advocacy suam, gloriam & honorem, sublimitatem ex divitiis. A quibus avertens nos & in psalmo XLVIII. Ne timearis, inquit, cum dives factus fuerit homo, & cum abundabit gloria ejus; quoniam cum morietur, non tollet omnia, nec descendet cum illo gloria sua. Item in LXI. Ne desideraveris divitias, & si relucet ne adjeceris cor. Id ipsum postremo verbum, Vae, olim per *Amos* in divites affluentes delitiis destinatur: Vae enim inquit, qui dormiunt in lectis eburneis, & delitiis fluunt in thoris suis; qui edunt hœdos de gregibus caprarum, & vitulos de gregibus bouum lactantes, complaudentes ad sonum organorum, tanquam perseverantia deputaverunt, & non tanquam fugientia, qui bibunt vinum liquatum, & unguentis primariis unguntur. Igitur & si tantummodo dehortantem a divitiis ostenderem creatorem, non etiam prædamnantem divites, etiam verbo ipso quo & Christus, nemo dubitaret ab eodem adjunctam in divites comminationem per vae Christi, a quo ipsarum materialium, id est divitiarum dehortatio præcucurrisset. Comminatio enim dehortationis accessio est. *Ingerit vae etiam saturatis, quia esurient: etiam videntibus nunc: quia lugebunt.* His respondebunt illa, quæ supra benedictionibus opposita sunt apud creatorem. Ecce qui mihi serviunt saturabuntur, vos autem esurietis; utique quia saturati estis. Et ecce qui mihi serviunt, oblectabuntur; vos autem confundemini, utique ploraturi, qui nunc ridetis. Sicut enim  
in



in psalmo: Qui seminant in lacrymis, in lætitia metent: ita in evangelio: qui in risu seminant, scilicet lætitia, in lachrymis metent. Hæc olim creator simul posuit, Christus solummodo distinguendo, non mutando, renovavit. *Va, cum vobis benedixerint homines; secundum hæc faciebant & pseudopphetis patres illorum:* Aequè creator benedictionis & laudis humanæ sectatores incusat per Esaïam: Populus meus, qui vos beatos dicunt, seducunt vos, & vias pedum vestrorum disturbant. Prohibet & alias fidere omnino in hominem, sic & in laudem hominis; ut per Hieremiam, Maledictus homo qui spem habet in homine. Nam & in psalmo cxvii. Bonum est fidere in dominum, quam fidere in hominem. Et bonum est sperare in dominum, quam sperare in principes. Ita totum, quod ab homine captatur, abdixit creator, nedum benedictionem. Pseudopphetas autem laudatos sive benedictos a patribus eorum, tam ejus est exprobrare, quam prophetas vexatos & recusatos: sicut injuriæ prophetarum non pertinuissent ad Deum ipsorum, ita nec gratiæ pseudopphetarum displicuissent, nisi Deo prophetarum.

16. *Sed vobis dico, inquit, qui auditis: ostendens hoc olim mandatum a creatore, Loquere in aures audientium. Diligite inimicos vestros, & benedicite eos, qui vos oderunt, & orate pro eis, qui vos calumniantur.* Hæc creator una pronuntiatione clusit per Esaïam: Dicite, fratres nostri estis, eis, qui vos oderunt. Si enim, qui inimici sunt & oderunt & maledicunt, & calumniantur, fratres appellandi sunt, utique & benedici odientes, & orari pro calumniatoribus jussit, qui eos fratres deputari præcepit. Novam plane patientiam docet Christus, etiam vicem injuriæ cohærens permissam a creatore, oculum exigente pro oculo, & dentem pro dente: contra ipse alteram amplius maxillam offerens jubens & super tunicam pallia quot

*que cedi.* Plane hæc Christus adiecerit, ut supplementa consentanea disciplinæ creatoris. Atque adeo hoc statim renunciandum est, an disciplina patientiæ prædicatur penes creatorem. Sic per Zachariam præcepit, ne unusquisque malitiæ fratris sui meminerit, sed nec proximi. Nam & rursus: Malitiam, inquit, proximi sui quisque ne recogitet. Multo magis patientiam indixit injuriæ, qui indixit oblivionem. Sed & cum dicit: Mihi vindictam. & ego vindicabo: proinde patientiam docet vindictæ expectatricem. Inquantum ergo fidem non capit, ut idem videatur, & dentem pro dente, oculum pro oculo, in vicem injuriæ exigere, qui non modo vicem, sed etiam ultionem, etiam recordationem & recogitationem injuriæ prohibet: intantum aperitur nobis, quomodo oculum pro oculo & dentem pro dente censuerit, non ad secundam injuriam talionis permittendam, quam prohibuerat interdicta ultione, sed ad primam coercendam, quam prohibuerat, talione, opposito, ut unusquisque respiciens licentiam secundæ injuriæ a prima semetipsum contineret. Facilius enim vim comprimi scit repræsentatione talionis, quam re-promissione ultionis. Utrumque autem constituendum fuit pro natura & fide hominum, ut qui Deo crederet, ultionem a Deo expectaret: Qui minus fideret, leges talionis timeret. Hanc legis voluntatem de intellectu laborantem, dominus & sabbati & legis, & omnium paternarum dispositionum, Christus, & revelavit & compotem fecit, mandans alterius quoque maxillæ oblationem, ut tanto magis vicem injuriæ extingueret, quam & lex per talionem voluerat impedisse, certe quam prophetia manifeste coercuerat & memoriam injuriæ prohibens, & ultionem ad Deum redigens. Ita si quid Christus intulit, non adversario, sed adjutore præcepto, non destruxit disciplinas creatoris. Denique si in ipsam ratio-

tionem patientiæ præcipiendæ, & quidem tam plenæ atque perfectæ considerem, non consistet, si non est creatoris, qui vindictam repromittit, qui iudicem præstat. Alioquin si tantum patientiæ pondus, non modo non reperiendi, sed & aliam maxillam præbendi: & non modo non remaledicendi, sed etiam benedicendi: & non modo non retinendi tunicam, sed amplius & pallium concedendi, is mihi imponit qui non sit me defensurus, in vacuum patientiam præcepit, non exhibens mihi mercedem præcepti, patientiæ dico fructum, quod est ultio, quam mihi permisisse debuerat, si ipse non præstat: aut si mihi non permittebat, ipse præstaret. Quoniam & disciplinæ interest injuriam vindicari; metu enim ultionis omnis iniquitas refrenatur. Cæterum passim emissâ libertate dominabitur, utrumque oculum effossura, & omnem dentem excitatura, præ impunitatis securitate. Sed hoc est Dei optimi & tantum boni, patientiæ injuriam facere, violentiæ januam pandere, probos non defendere, improbos non coercere. *Omni petenti te, dabo*; utique indigenti, vel tanto magis indigenti, si etiam & abundanti. Ne quis ergo indigeat, datorem imperatum habes in deuteronomio, formam creatoris: Non erit, inquit, in te indigens: uti benedicens benedicat te dominus Deus tuus. Datorem scilicet, qui fecerit non esse indigentem. Et plus hic, non enim petenti jubet dari: sed non sit, inquit, indigens in te; id est cura ultro, ne sit; quo magis petenti præjudicat dandum, etiam in sequentibus. Si autem fuerit indigens e fratribus tuis, non avertes cor tuum, nec constringes manum tuam a fratre indigente. Aperiens aperies illi manum, fœnus fœne-rabis illi quantum desiderat. Fœnus enim nisi petenti dari non solet, sed de fœnore postmodum. Nunc si qui voluerit argumentari, creatorem quidem fratribus dari jussisse, Christum vero omnibus petentibus,

ut hoc sit novum atque diversum, imo unum erit; ex his per quæ lex creatoris erit in Christo. Non enim aliud Christus in omnes præcepit, quam quod creator in fratres. Nam & si major est bonitas, quæ operatur in extraneos: sed non prior ea, quæ ante deberet in proximos. Quis enim poterit diligere extraneos? Quod si secundus gradus bonitatis est in extraneos, qui in proximos primus est, ejusdem erit secundus gradus, cujus & primus; facilius, quam ut ejus sit secundus, cujus non existit primus. Ita creator & secundum naturæ ordinem, primum in proximos docuit benignitatem, emissurus eam postea in extraneos; & secundum rationem dispositionis suæ, primo in Judæos, postea & in omne hominum genus. Ideoque quamdiu intra Israëlem erat sacramentum, merito in solos fratres misericordiam mandabat. At ubi Christo dedit gentes hæreditatem, & possessionem terminos terræ, & coepit expungi quod dictum est per Osee: Non populus meus, populus meus; & non misericordiam consecuta, misericordiam consecuta, natio scilicet, exinde Christus in omnes legem paternæ benignitatis extendit, neminem excipiens in miseratione, sicut in vocatione. Ita & si quid amplius docuit, hoc quoque in hæreditatem gentium accepit: *Et sicut vobis fieri vultis ab hominibus, ita & vos facite illis.* In isto præcepto utique alia pars ejus subauditur: & sicut vobis non vultis fieri ab hominibus, ita & vos ne faciatis illis. Hoc si novus Deus & ignotus retro, & nondum plane editus præcepit, qui me nulla ante hac institutione formaverit, qua prius scirem quid deberem mihi velle vel nolle: atque ita & aliis facere, quæ & mihi vellem; non facere, quæ & mihi nollem: passivitatem sententiæ meæ permisit, nec adstrinxit me ad convenientiam voluntatis & facti, ut id aliis faciam, quod mihi velim & id nec aliis faciam, quod mihi nolim. Non enim definiit quid mihi atque aliis debeam velle vel nolle,

nolle, ut ad legem voluntatis parem factum, & possim alii non præstare, quod ab alio mihi velim præstitum, amorem, obsequium, solatium, præsidium, & ejusmodi bona; proinde & alii facere quod ab alio mihi fieri nolum, vim, injuriam, contumeliam, fraudem, & ejusmodi mala. Denique hac inconvenientia voluntatis & facti, agunt ethnici, nondum ab eo instructi. Nam & si natura bonum & malum notum est, non tamen Dei disciplina; qua cognita, tunc demum convenientia voluntatis & facti ex fide, ut sub metu Dei, agitur. Itaque Deus Marcionis cum maxime revelatus sit, tamen revelatus non potuit hujus præcepti, de quo agitur, tam strictum, & obscurum, & cæcum adhuc, & facilius pro meo potius arbitrio interpretandum, compendium cmittere, cujus nullam præstrinxerat distinctionem. At enim creator meus olim & ubique præcepit indigentes, pauperes, & pupillos, & vi-  
duas, protegi, juvari, refrigerari: sicut & per Esaiam, infringito panem tuum mendicis: & qui sine tecto sunt, in domum tuam inducito, & nudum si videris, tegito. Item per Ezechielem de viro justo, Panem suum dabit esurienti, & nudum conteget. Satis ergo jam tunc me docuit ea facere aliis, quæ mihi velim fieri. Proinde denuntians, non occides, non adulterabis, non furaberis, non falsum testimonium dices: docuit, ne faciam aliis, quæ fieri mihi nolum; & ideo ipse erit præceptum in Evangelio, qui illud retro & præstruxit, & distinxit, & ad arbitrium disciplinæ suæ disposuit, & merito jam compendio substrinxit, quoniam & alias recisum sermonem factururus in terris dominus, id est Christus prædicabatur.

17. Hic nunc de fœnore cum interponit, *Et si fœneraveritis, a quibus speratis vos recepturos, qua gratia est vobis?* Percurre sequentia Ezechielis de eodem viro justo, Pecuniam, inquit, suam fœnori non dedit,

ait, & quod abundaverit, non sumet; fœnoris scilicet redundantiam, quod est usura. Prius igitur fuit, ut fructum fœnoris eradicaret, quo facilius adfaceret hominem, ipsi quoque fœnori, si forte, periendo, cujus fructum didicisset amittere. Hanc etenim dicimus operam legis fuisse, procurantis Evangelio; quorundam tunc fidem paulatim, ad perfectum disciplinæ Christianæ nitorem primis quibusque præceptis balbutientis adhuc benignitatis informabat. Nam & supra, & pignus, inquit, reddes, utique, si non sit solvendo; quia solutori utique pignus restituendum esse utrum homo scriberet? Multo manifestius in Deuteronomio, Non dormies super pignus ejus, Redditiōe reddes illi pallium circa solis occasum, & dormiet in pallio suo. Adhuc clarius supra, Dimittes omne debitum, quod tibi proximus debet, & fratrem tuum non reposes: quoniam remissio domini Dei tui invocata est. Porro cum debitum dimitti jubet, utique non exsoluturo. Plus enim est & si exsoluturo; cum reposci vetat, quid aliud docet, quam non exsoluturo fœneremus, qui tam detrimentum fœnori indixit? *Et eritis filii Dei.* Nihil impudentius, si ille nos sibi filios faciet, qui nobis filios facere non permisit, auferendo connubium: quomodo in id nomen allecturus est suos, quod jam erasit? Filius spadonis esse non possum, maxime cum patrem habeam eundem, quem & omnia. Nam tam pater omnium, qui conditor universitatis, quam spado, qui nullius substantiæ conditor, & si marem ac fœminam non miscuisset creator, & si non universis quoque animalibus filios concessisset, hoc eram ejus ante paradisum, ante delictum, ante exilium, ante duos, unum. Denuo factus filius fui, statim cum me manibus enixus est, cum de suo halitu movit. Ille me nunc rursus filium nuncupat, jam non in animam, sed in spiritum pariens: *quia ipse*, inquit, *suavis est adversus*

*versus ingratos & malos.* Euge, Marcion, fatis ingeniose detraxisti illi pluvias & soles, ne creator videretur. Sed quis iste suavis, qui ne cognitus quidem usque adhuc? Quomodo suavis, a quo nulla beneficia præcesserant. Hoc genus suavitatis, qua soles & imbres qui foeneraverat, non recepturus ab humano genere ut creator; qui pro tanta elementorum liberalitate facilius idolis, quam sibi debitum gratiæ referentes homines, usque adhuc sustinet. Vere suavis etiam spiritalibus commodis. Eloquia enim domini dulciora super mel & favos. Ille igitur & ingratos fugillavit, qui gratos experiri merebatur. Cujus solem & imbres, ut quoque Marcion ingratus habuisti. Cæterum tuus non poterat jam queri ingratos, qui non paraverat gratos. Misericordiam quoque præcipiens, *Estote, inquit, misericordes, sicut pater misertus est vestri.* Hoc erit, Panem infringito esurienti, & sine tecto in domum tuam inducito. Et nudum si videris, tegito, Et judicate pupillo, & justifyate viduam. Agnosco doctrinam ejus veterem, qui mavult misericordiam, quam sacrificium. Aut si alius nunc misericordiam præcepit, quia & ipse misericors sit, cur tanto ævo misericors mihi non fuit? *Nolite judicare, ne judicemini. Nolite condemnare, ne condemnemini. Dimittite, & dimittemini. Date, & dabitur vobis, mensuram bonam, pressam ac fluentem dabunt in sinum vestrum. Eadem, qua mensi eritis mensura, remetietur vobis:* Ut opinor hæc retributionem pro meritis provocatam sonant. A quo ergo retributio? Si ab hominibus tantum, ergo humanam docet disciplinam & mercedem, & in totum hominibus obediemus, si a creatore ut a judice, & dispunctore meritorum, ergo illi nostrum impellit obsequium, apud quem constituit retributionem captandam vel timendam, pro ut quisque judicaverit, aut condemnaverit, aut dimiserit, aut mensus fuerit. Si ab ipso, ergo & ille jam judicat, quod

Marcion

Marcion negat. Eligant itaque Marcionitæ, ne tanti sit, de magistri regula excidere, quam Christum aut hominibus aut creatori docentem habere. Sed *cacus cacum ducit in foveam*. Credunt aliqui Marcioni. Sed *non est discipulus super magistrum*. Hoc meminisse debuerat Apelles, Marcionis de discipulo emendator. *Eximat & de oculo suo trabem* hæreticus, *tunc in oculo christiani*, si quam putat *stipulam*, revincat: proinde & *arbor bona non proferat malum fructum*, quia nec veritas hæresim: *nec mala bonum*: quia nec hæresis veritatem. Sic nec Marcion *aliquid boni de thesauro* Cerdonis *malo protulit*, nec Apelles de Marcionis. Multo enim hæc congruentius in ipsos interpretabimur, quæ Christus in homines allegorizavit, non in duos Deos, secundum scandalum Marcionis. Puto me non temere huc usque adhuc lineæ insistere, qua definitio, nusquam omnino alium Deum a Christo revelatum. In hoc solo adulterium Marcionis manus stupuisse miror, nisi quod etiam latrones timent. Nul- lum maleficium sine formidine est, quia nec sine conscientia sui. Tam diu ergo & Judæi non alium Deum norant, quam præter quem neminem adhuc norant: nec alium Deum appellabant, quam quem solum norant. Si ita est, quis videbitur dixisse, *quid vocas domine domine?* Utrum ne qui nunquam hoc fuerat vocatus, ut nusquam adhuc editus? An ille, qui semper dominus habebatur, ut a primordio cognitus? Deus scilicet Judæorum. Quis item adjecisse potuisset, *& non facitis quæ dico?* Utrum ne, qui cum maxime edocere tentabat: an qui a primordio ad illos & legis & prophetarum elioquia mandaverat? Qui & inobaudientiam illis exprobrare posset, etiam si nunquam alias exprobrasset? Porro qui ante Christum, populus iste me labiis diligit, cor autem eorum longe absistit a me, concionatus est, veterem utique illis contumaciam imputabat. Alioquin quam absurdum,

ut



ut novus Deus novus Christus, novæ, tantæque religionis illuminator, contumaces & inobsequentes pronuntiaret, quos non potuisset experiri?

18. Proinde *extollenda fide Centurionis*, incredibile, si is *professus est, talem se fidem nec in Israele invenisse*, ad quem non pertinebat fides Israelis. Sed nec exinde pertinere poterat adhuc cruda, ut probaretur vel compararetur, ne dixerim adhuc nulla. Sed cur non licuerit illi alienæ fidei exemplo uti? Quoniam si ita esset, dixisset, talem fidem nec in Israele unquam fuisse. Cæterum, dicens talem fidem debuisset invenire in Israele, quique ad hoc venisset, ut eam inveniret, Deus scilicet & Christus Israelis, quam non fugillasset, nisi exactor & sectator eius? Aemulus vero, etiam maluisset eam talem inventam, ad quam infirmendam & destruendam magis venerat, non ad comprobendam. *Resuscitavit & mortuum filium viduæ*; non novum documentum. Hoc & prophetæ creatoris ediderant; quanto magis filius? Adeo autem in illud usque momenti nullum alium dominus Christus intulerat, ut omnes illic *creatori gloriam retulerint, dicentes, magnus propheta prodit in nobis, & respexit Deus populum suum*. Quis Deus? Utique cujus populus, & a quo Prophetæ. Quod si illi quidem creatorem glorificabant, Christus vero & audiens & sciens non corripbat, & quidem in tanto documento mortui resuscitati creatorem adhuc orantes, sine dubio aut non alium circumferebat Deum, quam quem in suis beneficiis atque virtutibus honorari sustinebat; aut quale est ut illos tam diu errantes sustineret, ad hoc veniens ut errori eorum mederetur? Sed *scandalizatur Joannes auditis virtutibus Christi*, ut alterius. At ego rationem scandali prius expediā, quo facilius hæretici scandalum explodam. Ipso jam domino, virtutum sermone & spiritu patris operante in terris, & prædicante, necesse erat portionem spiritus sancti, quæ

quæ ex forma prophetici moduli in Joanne egerat præparaturam viarum dominicarum, abscedere jam ab Joanne, redactam scilicet in dominum, in massalem suam summam. Itaque Joannes communis jam homo & unus de turba, scandalizabatur quidem qua homo; sed non qua alium Christum sperans, vel intelligens, qui neque eundem speraret, ut nihil novi docentem vel operantem. Nemo hæsitabit de aliquo, quem dum scit non esse, nec sperat nec intelligit. Joannes autem certus erat, neminem Deum præter creatorem, vel qua Judæus, etiam Prophetes; plane facilius quasi hæsitavit de eo, quem cum sciat esse, an ipse sit nesciat. Hoc igitur metu & Joannes, *Tu es, inquit, qui venis, an alium speramus?* Simpliciter inquirens an ipse venisset, quem exspectabat, es, qui venis, vel qui venturus est, an alium exspectamus? Id est an alius est, quem exspectamus, si non tu es quem venturum exspectamus? Sperabat enim sicut omnes opinabantur, ex similitudine documentorum, potuisse & prophetam interim missum esse, a quo alius esset, id est major, ipse scilicet dominus, qui venturus exspectabatur. Atque adeo hoc erat Joannis scandalum, quod dubitabat ipsum venisse, quem exspectabant; quem & prædicatis operationibus agnovisse debuerant, *ut dominus per easdem operationes agnoscendum se nuntiaverit Joanni.* Quæ cum constet prædicata in Christum creatoris, sicut ad singula ostendimus, satis perversum, ut Christum non creatoris per eas renuntiarit intelligendum, per quæ magis Christum creatoris agnosci compellebat. Multo perversius, si & *testimonium Joanni perhibet non Joannis Christus; prophetam eum confirmans, immo & supra ut angelum ingerens, etiam scriptum super illo, Ecce ego mitto angelum meum ante faciem tuam, qui præparet viam tuam:* eleganter ad superiorem sensum scandalizati Joannis commemorans prophetiam; ut confirmans præcur-

præcurforem, Joannem, jam advenisse, extingueret scrupulum interrogationis illius, Tu es qui venis, an alium exspectamus? Præcurfore enim jam functo officium, præparata via domini: ipse erat intelligendus, cui præcursor ministraverat, *major quidem omnibus natis mulierum.* Sed non ideo subiecto ei, qui minor fuerit in regno Dei, quasi alterius sit Dei regnum, in quo modicus quis *major erit Joanne*, alterius Joannes, qui omnibus natis mulierum major sit. Sive enim de quocunque dicit modico, per humilitatem, sive de semetipso, quia minor Joanne habebatur, omnibus scilicet in solitudinem concurrentibus ad Joannem potius quam ad Christum, (Quid existis videre in solitudinem?) Tantundem & creatori competit, & Joannem ipsius esse majorem natis mulierum, & Christum vel quemque modicum, qui major Joanne futurus sit in regno æque creatoris, & qui sit major tanto propheta, qui non fuerit scandalizatus in Christum, quod tunc Joannem minuit. Diximus de remissa peccatorum. Illius autem *peccatricis femina* argumentum eo pertinebit, ut cum *pedes domini osculis figeret, lachrymis inundaret, criminibus detergeret, unguento perduceret*, solidi corporis veritatem non phantasma inane tractaverit, & ut peccatricis pœnitentia secundum creatorem meruerit, veniam præponere solitum sacrificio. Sed & si pœnitentiæ stimulus ex fide acciderat, per pœnitentiam ex fide justificatam, ab eo audiit, fides tua te salvam fecit, qui per Abacuc pronuntiabat, justus ex fide sua vivit.

19. Quod *divites Christo mulieres adharebant, quæ & de facultatibus suis ministrabant ei*, inter quas & uxor regis procuratoris, de prophetia est. Has enim vocabat per Esaiam mulieres divites, exsurgite & audite vocem meam: ut discipulas primo, dehinc ut operarias & ministras ostenderet, filiæ in spe audite sermones meos. Dies anni mementote cum labore in spe.

*Tertull. Tom. I.*

G g

Cum

Cum labore enim, quo sequebantur, & ob spem ministrabant. Aequè de parabolis semel sufficit probatum, hoc genus eloquii a creatore promissum. At nunc illa quoque pronuntiatio ejus ad populum, Aure audietis & non audietis, dedit Christo frequenter inculcare, *qui habet aures audiat*. Non quasi ex diversitate auditum permetteret Christus, quem ademisset creator: sed quia comminationem exhortatio sequebatur. Primo, aure audietis & non audietis; dehinc, qui habet aures audiat, non enim audiebant ultio, qui aures habebant: sed ostendebat aures cordis necessarias, quibus illos audituros negarat creator. Et ideo per Christum adjicit, *Videte quomodo audiat* & *non audiat*: non corde scilicet audientes, sed aures. Si dignum sensum pronuntiationi accommodes, pro sensu ejus, qui auditui fuscitabat, etiam dicendo, *Videte quomodo audiat*, non audituris minabatur: sane nominatur mitissimus Deus, quia nec judicat, nec irascitur. Hoc probat etiam subjacens sensus. *Ei qui habet dabitur, ab eo autem qui non habet, etiam quod habere se putat auferetur ei*. Quid dabitur? Adjectio fidei, vel intellectus vel salus ipsa. Quid auferetur? Utique quod dabitur. A quo dabitur, & auferetur? Si a creatore auferetur, ab eo & dabitur. Si a Deo Marcionis dabitur, ab eo & auferetur; quoquo tamen nomine comminatur ablationem, non erit ejus Dei, qui nescit comminari, quia non novit irasci. Miror autem, cum *lucernam negat abscondi solere*, qui se tanto seculo absconderat majus & necessarius lumen; cum omnia de occulto in apertum repromittit, qui Deum suum usque adhuc obumbrat, expectans opinor nasci Marcionem. Venimus ad constantissimum argumentum omnium, qui domini nativitatem in controversiam deferunt. Ipse, inquit, contestatur, se non esse natum, dicendo, *Qua mihi mater, & qui mihi fratres?* Ita semper haeretici aut nuda-

das & simplices voces conjecturis quo volunt rapiunt; aut rursus conditionales & rationales simplicitatis conditione dissolvunt. Ut hoc in loco. Nos contrario dicimus, primo, non potuisse illi annuntiarī, quod *mater & fratres ejus foris starent, quarentes videre eum;* si nulla illi mater & fratres nulli fuissent, quos utique norat, qui annuntiarat, vel retro notos, vel tunc ibidem compertos, dum eum videre desiderant, vel dum ipsi nuntium mandant. Ad hanc primam propositionem nostram solet ex diverso responderi. Quid enim, si tentandi gratia nuntiatum est ei? Sed hoc scriptura non dicit, quæ quanto significare solet ex tentatione quid factum: (ecce legis doctor ad surrexit tentans eum, & de tributi consultatione, & accesserunt ad eum Pharisei tentantes eum,) tanto ubi non facit tentationis mentionem, non admittit tentationis interpretationem. Et tamen ex abundanti causas tentationis exoptulo, cui rei tentaverint illum per nominationem matris & fratrum? Si, ut scirent natæne esset, an non, quando de hoc fuit quæstio, quam ex ista tentatione discuterent? Quis autem dubitaret natum, quem videret hominem? Quem audisset filium se hominis professum? Quem de conspectu omnis humanæ qualitatæ dubitaret Deum, aut filium Dei credere? Propheten facilius existimantes, licet magnum aliquem, utique tamen natum. Etiam si in exploratione nativitatis tentandus fuisset, quodcunque aliud argumentum tentationi competisset, quam per earum personarum mentionem, quas potuit etiam natus non habere. Dic mihi, omnibus natis mater advivit? Omnibus natis adgenerantur & fratres? Non licet patres magis & sorores habere, vel & neminem? Sed & census constat actos sub Augusto nunc in Judæam per *Sentium Saturninum*, apud quos genus ejus inquirere potuissent. Adeo nullo modo constit ratio tentationis istius: & vere mater & fratres ejus

foris stabant. Superest inspicere sensum non simpliciter pronuntiantis, Quæ mihi mater aut fratres, quasi ad generis, & nativitatis negationem; sed & ex causæ necessitate & conditione rationali. Tam proximas enim personas foris stare, extraneis intus defixis ad sermones ejus, amplius & avocare eum a solemnî opere quærentes, merito indignatus est, non tam negavit, quam abdicavit. Atque adeo cum præmississet, quis mihi mater & qui mihi fratres? Subjungens, *nisi qui audiunt verba mea & faciunt ea*, transtulit sanguinis nomina in alios, quos magis proximos pro fide judicaret. Nemo autem transfert quid, nisi ab eo qui habet id, quod transfert. Si ergo matrem & fratres eos fecit qui non erant, quomodo negavit eos qui erant? Meritorum scilicet conditione, non ex proximorum negatione: in semetipso docens, qui patrem aut matrem aut fratres præponeret verbo Dei, non esse dignum discipulum. Cæterum ex hoc magis matrem & fratres confitebatur, quod illos nolebat agnoscere, quod alios adoptabat, confirmabat, quod ex offensa negavit, quibus non ut veriores substituit sed ut digniores. Denique nihil magnum, si fidem sanguini præposuit, quem non habebat.

20. Quis autem *iste est qui & ventis & mari imperat*? Nimirum novus dominator atque possessor elementorum, subacti jam & exclusi creatoris? Non ita est. Sed agnorant substantiæ autorem suum, quæ famulis quoque ejus obaudire consueverant. Inspice Exodum Marcion, Aspice mari rubro, vastiori super omnia stagna Judææ, virgam Moysei imperantem, ut, funditus profcissum, & pari utrinque stupore discriminis fixum, sicco populum pede, intestino itinere transmitteret, rursusque sub ejusdem virgæ nutu, redeunte natura, Aegyptium exercitum undarum concordia obrueret, in quod opus & austri servierunt. Lege & sorti famuli dirimendæ in transitum Jordanis mactentur  
riem

riem fuisse, cujus impetum atque decursum plane & Jesus docuerat, prophetis transmeantibus, stare. Quid ad hæc? Si tuus Christus est, non erit potentior famulis creatoris. Sed his solis exemplis usus essem, si non etiam prædicatio marinæ istius expeditionis Christum antecessisset. Nam cum transfretat: psalmus expungitur, Dominus, inquit, super aquas multas. Cum undas freti discutit, Abacuc adimpletur, Dispergens, inquit, aquas itinere. Cum ad minas ejus eliditur mare, Naum quoque absolvitur, comminans, inquit, mari & arefaciens illud, utique cum ventis quibus inquietabatur. Unde vis meum vindicem Christum? De exemplis, an de prophetis creatoris? Age nunc, qui militarem & armatum bellatorem prædicari putas, non figurate nec allegorice, qui bellum spiritale adversus spiritales hostes, spirituali militia, & spiritualibus armis, spiritualiter debellaturus esset. *Cum invenis in uno homine multitudinem demonum, legionem se professam*, utique spiritalem, discite & Christum expugnatorem spiritualium hostium, spiritualiter armatum; & spiritualiter bellicosum intelligendum; atque ita ipsum esse, qui cum legione quoque dæmonum erat dimicaturus. Ut & de hoc bello psalmus possit videri pronuntiasse. Dominus validus, dominus potens in bello. Nam cum ultimo hoste morte præliatus, per tropæum crucis triumphavit. Cujus autem *Dei filium Jesum legio testatus est?* Sine dubio, cujus tormenta & abyssum noverant & timebant, nec enim videntur posse ignorasse adhuc quod novi & ignoti Dei virtus operaretur in terris: quia verisimile non est creatorem ignorasse. Si enim alium supra se Deum ignoraverat aliquando, tamen jam infra cælum suum agentem, utique compererat. Quod autem dominus comperisset, jam & universæ familiæ innotuisset in eodem mundo & intra eundem ambitum cæli, quo peregrina divinitas conversaretur. In quan-

tum ergo & creator scisset eam, & substantiæ ejus, si fuisset, intantum, quia nulla fuit, non alium dæmones sciebant, quam Dei sui Christum. Non deperunt ab alio, quod meminissent petendum sibi a creatore, veniam scilicet abyssi creatoris. Denique impetraverunt; quo merito? Quia mentiti erant, quia sævi Dei filium eum fecerant? Et qualis erit, qui mentitos juvabat, qui infamantes sustinebat? Sed enim quia mentiti non erant, quia Deum abyssi & suum cognoverant, ita eum se & ipse confirmavit, quem cognoverunt dæmones Jesum, judicem & ultoris Dei filium. Ecce aliquid & de illis pusillitatibus & infirmitatibus creatoris in Christo. Ignorantiam enim & ego adscribere ei volo. Permittite mihi adversus hæreticum. *Tangitur a femina, qua sanguine fluitabat, & nescivit a qua. Quis me, inquit, tetigit? Etiam excusantibus discipulis, perseverat in ignorantie voce. Tetigit me aliquis, idque de argumento affirmat. Sensi enim virtutem ex me profectam.* Quid dicit hæreticus? Sciebatne personam? Et cur quasi ignorans loquebatur? Ut confessionem certe provocaret, ut timorem probaret. Sic & Adam aliquando quæsierat, quasi ignorans, Adam ubi es? Habes & creatorem cum Christo excusatum, & Christum creatori adæquatum. Sed & hoc, qui adversarius legis: ut quia lex a contactu fœminæ sanguinantis summovet, idcirco gestierit non tantum contactum ejus admittere, sed etiam sanitatem donare. O Deum non natura beneficum, sed æmulatione! At enim, si fidem mulieris invenimus ita meruisse, cum dicit: *Fides tua te salvam fecit*: quis es, ut æmulationem legis interpreteris in isto facto, quod ipse dominus ex fidei remuneratione editum ostendit? Sed hanc vis mulieris fidem constituere, qua contempserat legem. Et cui credibile, ut mulier nullius adhuc Dei conscia, nullius adhuc novæ legis initiata, legem irrumperet eam, cui adhuc tenebatur? Qua denique  
fide



fide irrupit? In quem Deum credens, quem spernens? Creatorem? Certe enim ex fide tetigit. Si ex fide creatoris, quæ alium Deum ignorabat: & quomodo legem ejus irrupit? Tam enim irrupit, si irrupit quam ex fide creatoris. Quomodo enim utrumque conveniet, ut & irruperit, & ex fide eam irruperit, propter quam irrupisse non debuit? Dicam: fides hæc fuit primo, qua Deum suum confidebat misericordiam malle quam ipsum sacrificium; qua eum Deum certa erat operari in Christo, qua sic eum tetigit, non ut hominem sanctum, nec ut prophetam, quem contaminabilem pro humana substantia sciret: sed ut ipsum Deum, quem nulla spurcitia pollui posse præsumperat. Itaque non temere interpretata est sibi legem, ea contaminari significantem, quæ essent contaminabilia: non Deum, quem in Christo confidebat. Sed & illud recogitavit, ordinarium & solemnem menstrui vel partialis sanguinis fluxum in lege taxari, qui veniat ex officio naturæ, non ex vitio valetudinis. Illa autem ex vitio valetudinis redundabat, cui non modum temporis, sed divinæ misericordiæ auxilium necessarium sciebat. Atque ita potest legem non irrupisse, sed distinxisse. Hæc erit fides, quæ contulerat etiam intellectum. Nisi credideritis inquit, non intelligetis. Hanc fidem probans Christus ejus femina, quæ solum credebat creatorem, ejus fidei se Deum respondit, quam probavit. Nec illud omit- tam, quod, dum tangitur vestimentum ejus, utique corpori non phantasmati inditum, corpus quoque demonstrabatur. Non quasi jam de hoc retractemus, sed quia ad præsentem conspirat quæstionem. Si enim non erat veritas corporis, phantasma utique contaminari qua res vacua non posset. Qui ergo non potest contaminari præ inanitate substantiæ, quomodo voluisset? Ut æmulus legis mentiebatur, qui non vere polluebatur?

21. *Dimittit discipulos ad pradicandum Dei regnum.* Nunquid vel hic edidit, cujus? *Prohibet eos victui aut vestitui quid in viam ferre.* Quis hoc mandasset, nisi qui & coryos pavit, & flores agri vestit? Qui bovi quoque terenti libertatem oris ad veniam pabuli ex opere summovendi ante præcepit: quia dignus operarius mercede sua. Hæc Marcion deleat, dum sensui salva sint. At cum jubet pulverem excutere de pedibus, in eos a quibus excepti non fuissent, & hoc in testimonium mandat fieri: nemo testatur, quod non iudicio destinatur: inhumanitatem qui in testationem redigi jubet, iudicem comminatur. Nullum Deum novum a Christo probatum, illa etiam opinio omnium declaravit: quia Christum Jesum, alii J hannem, alii Heliam, alii unum aliquem ex veteribus prophetis Herodi asseverabant. Ex quibus quicumque fuisset, non utique ob hoc est fuscitatus, ut alium Deum post resurrectionem prædicaret. *Pascit populum in solitudine,* de pristino scilicet more. Aut si non eadem & majestas, ergo jam minor est creatore, qui non uno die, sed annis quadraginta, nec de inferioribus materiis panis & piscis, sed de manna cœlesti, nec quinque circiter, sed sexcenta millia hominum protelavit. Adeo autem ea fuit majestas, ut & pabuli exiguitatem non tantum sufficere, verum etiam exuberare, de pristino voluerit exemplo. Sic enim & in tempore famis sub Helia viduæ Sareptensi modica & suprema alimenta, ex prophetæ benedictione per totum famis tempus redundaverant. Habes tertiam Basilidarum, si & quartam resolves, invenies totum hunc ordinem, Christi, circa illum Dei hominem, qui oblatos sibi decem hordeaceos panes cum populo distribui jussisset, & minister ejus proinde comparata multitudine & pabuli mediocritate respondisset, quid ergo hoc idem in spectum centum millibus hominum? Da, inquit, & manducabunt: quoniam hoc dicit dominus: manducabunt

cabunt & relinquent reliquias, secundum dictum domini. O Christum & in novis veterem! Hæc itaque, quæ viderat Petrus, & cum pristinis compararat, & non tantum retro facta, sed & in futurum jam tunc prophetantia, recognoverat: *interroganti domino, quisnam illis videretur, cum pro omnibus responderet: Tu es Christus*: non potest non eum sensisse Christum, nisi quem noverat in scripturis, quem jam recensabat in factis. Hoc & ipse confirmat usque adhuc patiens, imo & silentium indicens. Si enim Petrus quidem non poterat alium eum confiteri, quam creatoris: ille autem *præcepit, ne cui hoc dicerent*, utique id noluit provulgari quod Petrus senserat. Imo, inquis, quia non recte senserat, noluit mendacium disseminari. Sed aliam silentii causam edixit, *quia oporteret filium hominis multa pati, & reprobari a presbyteris & scribis & sacerdotibus, & interfici, & post tertium diem resurgere*. Quæ cum prædicata sint & ipsa in Christum creatoris, sicut suis locis implebimus: sic quoque ipsum se ostendit esse, in quem prædicabantur. Certe & si non essent prædicata, eam causam indicti silentii protulit, quæ non Petri errorem demonstraret, ob-eundarum passionum necessitatem. *Qui voluerit, inquit, animam suam salvam facere, perdet illam: & qui perdiderit eam propter me, salvam faciet eam*. Certe filius hominis hanc sententiam emisit. Perspice igitur & tu cum rege Babylonio fornacem ejus ardentem, & invenies illic tanquam filium hominis (nondum enim vere erat, nondum scilicet natus ex homine) jam tunc istos exitus constituentem. Salvas facit animas trium fratrum, qui eas pro Deo perdere conspiraverant: Chaldæorum vero perdidit, quas illi per idolatriam salvas facere maluerant. Quæ est ista nova doctrina, cujus vetera documenta sunt? Quanquam & prædicationes martyriorum tam futurorum, quam a Deo mercedem relatorum decucurrerunt. Vide,

inquit Esaias, quomodo perit justus, & nemo excipit corde. Et viri iusti auferuntur, & nemo considerat. Quando magis hoc fit, quam in persecutione sanctorum ejus? Utique non simplex, nec de naturæ lege communis; sed illa insignis & pro fide militaris: in qua qui animam suam propter Deum perdit, servat illam: ut & hic tamen judicem cognoscas, qui malum animæ lucrum perditione ejus, & bonum animæ detrimentum, salute ejus remuneraturus. Sed & zeloten Deum mihi exhibet, malum malo reddentem, *Qui confusus, inquit, me fuerit, & ego confundar ejus.* Quando nec confusionis materia conveniat, nisi meo Christo, cujus ordo magis pudendus, ut etiam hæreticorum conviciis pateat, omnem nativitatis & educationis fræditatem, & ipsius etiam carnis indignitatem, quanta amaritudine possunt, perorantibus. Cæterum quomodo ille erit obnoxius confusionis, qui eam non capit? Non vulva licet virginis, tamen fœminæ, coagulatus etsi non semine, tamen ex lege substantiæ corporalis, ex fœminæ humore: non caro habitus ante formam: non pecus dictus post figuram: non decem mensium cruciatu delibratus: non subita dolorum concussione, cum tanti temporis cœno per corporis cloacam effusus ad terram, nec statim lucem lachrymis auspicatus, & primo retinaculi sui vulnere, nec multum ablutus, nec sale & melle medicatus: nec pannis, jam sepulturæ involucrum initiatus: nec exinde per immunditias inter sinus volutatus, molestus uberibus, diu infans, vix puer, tardius homo: sed de cœlo expositus, semel grandis, semel totus, statim Christus, spiritus, & virtus, & Deus tantum. Cæterum ut non verus, qui non videbatur, ita nec de crucis maledicto erubescendus, cujus carebat veritate, carens corpore. Non poterat itaque dixisse: Qui mei confusus fuerit; noster hoc debuit pronuntiasse, minoratus a patre, modico citra angelos: ver-

mis,

nis, & non homo : ignominia hominis, & nullificamen-  
 populi : quatenus ita voluit, ut livore ejus sanaremur :  
 ut dedecore ejus salus nostra constaret. Et merito  
 se pro suo homine deposuit, pro imagine & similitu-  
 dine sua, non aliena : tunc, ut quoniam homo non  
 erubuerat, lapidem & lignum adorans, eadem con-  
 stantia, non confusus de Christo, pro impudentia  
 idololatriæ, *satis Deo faceret*, per impudentiam fidei.  
 Quid horum Christo tuo competit Marcion, ad me-  
 ritum confusionis? Plane pudere te debet, quod il-  
 lum ipse finxisti.

22. Nam & hoc vel maxime erubescere debuisti,  
 quod illum *cum Moyse & Helia in secessu montis conspici*  
*pateris*, quorum destructor advenerat. Hoc scilicet  
 intelligi voluit *vox illa de cælo : Hic est filius meus di-*  
*lectus, hunc audite* : id est, non Moysen, jam & He-  
 liam. Ergo sufficebat vox sola, sine ostentatione  
 Moyfi & Helix. Definiendo enim quem audirent,  
 quoscumque alios vetuisset audiri. Aut nunquid  
 Esaiam & Hieremiam, cæterosque, quos non osten-  
 dit, permisit audiri, si vetuit, quos ostendit? Nunç  
 & si præsentia illorum fuit necessaria, non utique in  
 colloquio ostenderentur, quod familiaritatis indicium  
 est, nec in consortio claritatis, quod dignationis &  
 gratiæ exemplum est : sed & in sordibus aliquibus,  
 quod destructionis argumentum est, imo in tenebris  
 creatoris, quibus discutiendis erat missus, longe etiam  
 discreti a claritate Christi, qui voces & literas ipsas  
 eorum ab Evangelio suo erat separaturus. Siccin  
 alienos demonstrat illos, dum secum habet? Sic re-  
 linquendos docet, quos sibi jungit? Sic destruit, quos  
 de radiis suis exstruit? Quid faceret Christus ipsorum?  
 Credo, secundum perversitatem, tales eos revelat-  
 set, quales Christus Marcionis debuisset : aut quos-  
 cumque alios secum, quam prophetas suos. Sed quid  
 tam Christus creatoris, quam secum ostendere præ-  
 dicato-

dicatores suos? Cum illis videri, quibus in revelationibus erat visus? Cum illis loqui, qui eum fuerant locuti? Cum eis gloriam suam communicare, a quibus dominus gloriæ nuncupabatur? Cum principalibus suis: quorum alter populi *informator* aliquando, alter *reformator* quandoque: alter initiator veteris testamenti, alter consummator novi. Igitur & Petrus meritum contubernium Christi sui agnoscens, individuitate ejus, suggerit consilium, *Bonum est nos hic esse. Bonum plane, ubi Moyses scilicet & Helias. Et faciamus hic tria tabernacula. Unum tibi, & Moyse unum, & Helia unum. Sed nesciens quid diceret.* Quomodo nesciens? Utrumne simplici errore an ratione, quam defendimus, in causa novæ prophetiæ, gratiæ *ecstasy*, id est amentiam convenire? In spiritu enim homo constitutus, præsertim cum gloriam Dei conspiciat, vel cum per ipsum Deus loquitur, necesse est excidat sensu, obumbratus scilicet virtute divina, de quo inter nos & *Psychicos* quæstio est. Interim facile est amentiam Petri probare. Quomodo enim Moysen & Heliam cognovisset, nisi in spiritu? Nec enim imagines eorum vel statuas populus habuisset & similitudines, lege prohibente; nisi quia in spiritu viderat: & ita quod dixisset in spiritu, non in sensu constitutus, scire non poterat. Cæterum si sic nescit quasi errans, eo quod putaret illorum esse Christum: ergo jam constat & supra Petrum interrogatum a Christo, quem se existimarent, ut de creatoris dixisset, Tu es Christus: quia si tunc alterius Dei illum cognovisset, hic quoque non errasset. Quod si ideo & hic erravit, quia & supra: ergo certus es in illum diem quoque nullam novam divinitatem a Christo revelatam, & usque adhuc non errasse Petrum, Christo usque adhuc nihil ejusmodi revelante: & tam diu non alterius deputandum Christum, quam creatoris, cuius omnem & hic ordinem expressit. *Tres de discipulis*

*bus arbitros futura visionis & vocis assumit.* Et hoc creatoris est, In tribus, inquit, testibus stabit omne verbum. *In mentem secedit:* agnosco formam loci. Nam & pristinum populum apud montem & visione & voce sua creator iniciarat. Oportebat in eo suggestu consignari novum testamentum, in quo conscriptum vetus fuerat. *Sub eodem etiam ambitu nubis,* quam nemo dubitavit de aere creatoris conglobatam, nisi & nubes suas illo deduxerat, quia & ipse per cælum creatoris viam ruperat: aut proinde & nubilo creatoris precario usus est. Itaque nec nunc muta nubes fuit, sed *vox solita de cælo,* & patris novum testimonium super filio, atque in primo psalmo, *Filius meus es tu: ego hodie genui te.* De quo & per Esaiam: *Quis Deum metuens? Audiat vocem filii ejus!* Itaque jam repræsentans eum, *Hic est filius meus,* utique subauditur, quem repromisit. Si enim repromisit aliquando, & postea dicit, *Hic est:* ejus est, exhibentis voce uti in demonstratione promissi, qui aliquando promisit; non ejus, cui possit responderi: Ipse enim tu quis es, qui dicas, *hic est filius meus?* De quo non magis præmisisti, quam te ipsum, quod prius erat revelasti. *Hunc igitur audite,* quem ab initio edixerat audiendum, in nomine prophetæ; quoniam & propheta exsistimari habebat a populo. *Prophe- tam,* inquit Moyses, suscitabit vobis Deus ex filiis vestris, (secundum carnalem scilicet censum:) *tanquam me audietis illum.* Omnis autem, qui illum non audierit, exterminabitur anima ejus de populo suo. Sic & Esaias. *Quis in vobis metuens exaudiat vocem filii ejus.* Quam & ipse pater commendaturus erat: *Sistens enim inquit verba filii sui, dicendo scilicet hic est filius meus dilectus, hunc audite.* Itaque & si facta translatio sit auditionis a Moyse & Helia in Christo: sed non ut ab alio Deo, nec ad alium Christum, sed a creatore in Christum eius, secundum decessio-

decessionem veteris, & successionem novi testamenti. Non legatus, inquit Esaias, nec nuntius, sed ipse Deus salvos eos faciet, ipse jam prædicans & implens legem & prophetas. Tradidit igitur pater filio discipulos novos, ostensis prius cum illo Moyse & Helia in claritatis prærogativa, atque ita dimissis, quasi jam & officio & honore dispunctis, ut hoc ipsum confirmaretur propter Marcionem, societatem esse etiam claritatis Christi cum Moyse & Helia. Totum autem habitum visionis istius habemus etiam apud Abacuc, ubi spiritus ex persona interdum Apostolorum, Domine audiavi auditum tuum & extimui. Quem magis, quam vocis coelestis illius, hic est filius meus dilectus, hunc audite? Consideravi opera tua & excidi mente. Quando magis, quam cum visa claritate eius, nesciit quid diceret Petrus? In medio duorum animalium cognosceris; Moyse & Heliae. De quibus & Zacharias vidit in figura duarum olearum, & duorum ramulorum oleae. Nam hi sunt, de quibus dictum est illi: duo filii opimitatis assistunt domino universæ terræ. Et rursus idem Abacuc: operuit cælos virtus, utique nubilo illo. Et splendor ejus ut lux erit: utique qua etiam *vestitus ejus resulsit*. Et si commemoremur promissionis Moyse, hic invenietur expuncta. Cum enim desiderasset conspectum domini Moyse, dicens, si ergo inveni gratiam coram te, manifesta te mihi, ut cognoscenter videam te, eum conspectum desiderans, in quo hominem esset acturus, quod Propheta sciebat; cæterum Dei faciem jam audierat: nemo homo videbit me & vivet. Et hunc, inquit, sermonem, quem dixisti, faciam tibi: & rursus Moyse. Ostende mihi gloriam tuam. Et dominus similiter de futuro: Ego præcedam in gloria mea; & reliqua. Et in novissimo: & tunc videbis posteriora mea, non lumbos nec furas, sed quam desideraverat, gloriam in posterioribus temporibus revelandam, in qua facie  
ad



ad faciem visibilem se ei repromiserat, etiam ad Aarōnem dicens, Et si fuerit Prophetes in vobis, in visione cognoscat illi, & in visione loquar ad eum, non quomodo ad Moysen, os ad os loquar, in specie utique hominis, quam erat gestaturus, non in enigmate. Nam & si Marcion noluit eum colloquentem domino ostensum, sed stantem, tamen, & stans os ad os stabat, & faciem ad faciem, cum illo, inquit, non extra illum in gloriam ipsius, nedum in conspectu: de qua gloria non aliter illustratus discessit a Christo, quam solebat, a creatore, proinde tunc oculos percutere filiorum Israelis, quemadmodum & nunc excæcati Marcionis, qui hoc quoque argumentum adversus se facere non vidit. Suscipio in me personam Israelis.

23. *Stet* Christus Marcionis & exclamet: *O gentilitas incredula, quousque ero apud vos?* Statim a me audire debet: Quisquis es *ἐπιχόρευς*, prius ede qui sis, & a quo venias, & quod in nobis tibi jus? Usque adhuc creatoris es totum apud: plane si ab illo venis, & illi agis, admittimus increpationem. Si vero ab alio, dicas velim, quid nobis unquam de tuo commisisti, quod credere debuissimus, ut exprobres incredulitatem, qui nec te ipsum aliquando nobis revelasti? Quam olim apud nos agere cœpisti? Ut tempus queraris. In quibus nos sustinuisti, ut patientiam imputes! Asinus de Aesopi puteo; modo venis, & jam exclamas. Suscipio adhuc & personam discipulorum, in quos insiliit. O natio incredula, quam diu ero vobiscum, quam diu vos sustinebo? Hanc eruptionem ejus, utique hoc modo iustissime repercuterem, quisquis es, *ἐπιχόρευς*, prius ede, qui sis, a quo venias, quod tibi jus sit in nobis? Usque adhuc puto creatoris es, & ideo secuti sumus recognoscentes omnia illius in te. Quod si ab illo venis, admittimus increpationem. Si vero alii agis: ore te, dicas, quid nobis aliquando commisisti duntaxat de tuo,

tuo, quod jam credidisse debuissimus, ut exprobrēs incredulitatem, qui nec auctorem tuum usque adhuc edis? Quam olim autem apud nos agere cœpisti? Ut tempus quoque opponas. In quibus autem nos sustinisti? Ut & patientiam jactes. Asinus de Aesopi puteo; modo huc apparuit, & jam exclamat: quis non ita injustitiam increpationis retudisset, si ejus eum credidisset, qui nondum queri debuisset: nisi quod nec ille eos insiliisset, si non olim apud illos in lege, in prophetis, in virtutibus & beneficiis deversatus, incredulos semper fuisset expertus. Sed ecce, *Christus diligit parvulos, tales esse docens debere, qui semper majores velint esse.* Creator autem urfos pueris immisit, ulciscens Helisæum propheten, convitia ab eis passum. Satis impudens *Antithesis*, cum tam diversa committit, parvulos & pueros: innocentem adhuc ætatem, & judicii jam capacem, quæ convitari poterat, ne dicam blasphemare. Qua ergo justus Deus, nec pueris impiis pepercit, exigens majori ætati honorem, & utique magis a minore. Qua vero bonus, adeo diligit parvulos, ut apud Aegyptum benefecerit obstetricibus protegentibus partus Hebræos periclitantes edicto Pharaonis. Ita & hæc affectio Christi cum creatore est. Jam nunc Deus Marcionis, qui connubium averfatur, quomodo videri potest parvulorum dilector, quorum tota causa connubium est? Quid semen odit, fructum quoque exsecretur necesse est. Næ ille sævior habendus Aegyptio rege. Nam Pharaon educari non sinebat infantes; iste nec nasci, auferens vitam illis, etiam decem mensum, in utero. At enim quanto credibilius, ut ejus deputetur affectio in parvulos, qui benedicendo connubium in propagationem generis humani, ipsum quoque fructum connubii benedicendo promisit, qui de infantia primus est? Repræsentat creator ignium plagam Helia postulante in illo pseudopropheta. Agnosco judicis severitatem. E contrario *Christi lenitatem,*

tatem, increpantis eandem animadversionem destinantes discipulos super illum viculum Samaritarum. Agnoscat & hæreticus ab eodem severissimo iudice promitti hanc Christi lenitatem, Non contendet, inquit, nec vox ejus in platea audietur. Arundinem quassatam non comminuet, & linum fumigans non extinguet. Talis utique multo magis homines non erat crematurus. Nam & tunc ad Heliam, non in igni, inquit, dominus sed in spiritu miti. At enim humanissimus Deus cur *recusat eum*, qui se tam individuum illi comitem offert? Si quia superbe vel ex hypocrisis *dixerat, sequar te quocunque ieris*, ergo aut superbiam aut hypocrisin recusandam judicando, iudicem gessit. Et utique damnavit, quem recusavit, non secuturum scilicet salutem. Nam sicut ad salutem vocat, quem non recusat, vel etiam quem ultro vocat: ita in perditionem damnat, quem recusat. Illi autem causato patris sepulturam cum *respondet*, *Sine mortui sepeliant mortuos suos, tu autem vade & annuntia regnum Dei*: utramque legem creatoris manifeste confirmavit, & de sacerdotio in Levitico, prohibentem sacerdotes supremis etiam parentum interesse: Super omnem, inquit, animam defunctam sacerdos non introibit, & super patrem suum non contaminabitur: Et de devotione in Arithmis, Nam & illic, qui se Deo voverit, inter cætera jubet, ne super ullam animam introeat defunctam, ne super patris quidem, aut matris, aut fratris. Puto autem & devotioni & sacerdotio destinabat, quem prædicando regno Dei imbuerat. Aut si non ita est, satis impius pronuntiandus, qui nulla ratione legis intercedente, sepulturas parentum despicere a filiis imperabat. Cum vero & tertium illum, prius suis valedicere parantem, prohibet retro respectare, sectam creatoris exsequitur. Hoc & ille noluerat fecisse, quos ex Sodomis liberarat.

24. *Allegit & alios septuaginta Apostolos super duodecim.* Quo enim XII. secundum totidem fontes in Elim, si non & septuaginta secundum totidem arbuta palmarum? Antitheses plurimum causarum diversitas fecit, non potestatum. Sed qui diversitatem causarum non respexit, facile eam potestatum existimavit. Professionem filiorum Israelis creator, etiam illis spoliis aureorum & argenteorum vasculorum, & vestium, præter oneribus consparisionum offarcinatam, eduxit ex Aegypto: *Christus autem nec virgam discipulis in viam ferre præscripsit.* Illi enim in solitudinem promovebantur, hi autem in civitates mittebantur. Considera causarum offerentiam, & intelliges unam & eandem potestatem, quæ secundum penuriam & copiam expeditionem suorum disposuit, proinde per civitates abundaturam circumcidens, sicut & egituram per solitudinem struxerat. Etiam *calciamenta portare vetuit illos.* Ipse enim erat, sub quo nec in solitudine per tot annos populus calciamenta detriverat. *Nem:nem, inquit, in via salutaveritis.* O Christum destructorem prophetarum, a quibus hoc quoque accepit Helisæus, cum Giezin, puerum suum, mitteret in viam, ad filium Sunamitidis resuscitandum de morte; puto sic ei præcepit: Accinge lumbos tuos, & fume bacillum meum in manum. & vade: quemcunque conveneris in via, ne benedixeris eum: id est, ne salutaveris. Et qui te benedixerit, ne responderis ei: id est, ne resalutaveris. Quæ est enim inter vias benedictio, nisi ex occursum mutua salutatio? Sic & dominus, *In quam introissent domum, pacem ei dicere:* exemplo eodem est. Mandavit enim & hoc Helisæus, cum introisset ad Sunamitin, diceret ei: Pax viro tuo, pax filio. Hæc erunt potius nostræ Antitheses, quæ comparant, non quæ separant Christum. *Dignus autem operarius mercede sua:* quis magis pronuntiarit, quam Deus iudex? Quia & hoc ipsum, judicare est, dignum  
facere

facere mercede operarium. Nulla retributio non ex  
 judicatione constitit. Jam nunc & hic lex configura-  
 tur creatoris, etiam boves operantes, dignos ope-  
 rarios mercede judicantis. Bovi, inquit, terenti os  
 non colligabis. Quis tam præstans in homines, nisi  
 qui & in pecudes? Quod si & Christus dignos pronun-  
 tiat mercede operarios, excusavit præceptum illud  
 creatoris de vasis aureis & argenteis Aegyptiorum au-  
 ferendis. Qui enim villas & urbes operati fuerant  
 Aegyptiis, digni utique operarii mercede, non ad  
 fraudem sunt instincti, sed ad mercedis compensatio-  
 nem, quam alias a dominatoribus exigere non po-  
 terant. *Regnum Dei* neque novum, neque inauditum,  
 sic quoque confirmavit: dum illud *jubet annuntiari ap-  
 propinquasse*. Quod enim longe fuerit aliquando, id  
 potest dici appropinquasse. Si autem nunquam retro  
 fuisset, antequam appropinquasset, nec dici potuisset  
 appropinquasse, quod nunquam longe fuisset. Omne  
 quod novum & incognitum est, subitum est. Omne  
 quod subitum est, cum annuntiatur, tunc primum  
 speciem inducens, tunc primum accipit tempus. Cæ-  
 terum nec retro tardasse poterit, quam diu non an-  
 nuntiabatur: nec ex quo annuntiari cœperit, appro-  
 pinquasse. Etiam *adjicit, ut eis qui illos non recepissent,*  
*dicerent: Scitote tamen appropinquasse regnum Dei:* si hoc  
 non & comminationis gratia mandat, vanissime man-  
 dat. Quid enim ad illos, si appropinquaret regnum?  
 Nisi quia cum judicio appropinquat; in salutem scili-  
 cet eorum, qui annuntiationem ejus recepissent. Quo-  
 modo, si comminatio non potest sine executione,  
 habes Deum executorem in comminatore, & judi-  
 cem in utroque. Sic & *pulverem jubet excuti in illos,*  
*in testificationem, & hærentiam terræ eorum, nedum*  
*communicationis reliquæ.* Si enim inhumanitas &  
 inhospitalitas nullam ab eo relaturæ sunt ultionem:  
 cui rei præmittit testificationem, minas utique por-  
 tenden-

tendentem? Porro cum etiam creator in Deuteronomio Ammonitas & Moabitas prohibeat recipi in ecclesiam, quod populum Aegypto profectum inhumane & inhospitaliter copiis defraudassent: ergo in Christum inde manasse constabit communicationis interdictum, ubi habet formam: *Qui vos spernit, me spernit.* Hoc & Moyse creator: Non te contempserunt, sed me. Tam enim Apostolus Moyses, quam & Apostoli Prophetæ. Aequanda erit autoritas utriusque officii ab uno eodemque domino Apostolorum & Prophetarum. Quis nunc *dabit potestatem calcandi super colubros & scorpios*? Utrumne omnium animalium dominus, an nec unius Deus? Sed bene, quod creator hanc potestatem etiam parvulis puerulis per Esaiam reponis, conjicere manum in cavernam aspidum, & in cubile natorum aspidum, nec omnino lædi. Et utique scimus, (salva simplicitate scripturæ; nam nec & ipsæ bestię nocere potuerunt, ubi fides fuerit) figurate, scorpios & colubros portendi spiritalia malitiæ, quorum ipse quoque princeps in serpentis & draconis, & eminentissimæ cujusque bestię nomine deputetur penes creatorem, largitum hanc potestatem priori Christo suo, sicut nonagesimus psalmus ad eum: Super aspidem & basiliscum incedes, & conculcabis leonem & draconem. Sicut etiam Esaias: Illa die superducet dominus Deus machæram sanctam, magnam & fortem, Christum scilicet suum, in draconem illum, colubrum magnum & tortuosum, & interficiet eum illa die. Sed cum idem via munda & via sancta vocabitur, & non transibit illic immundum, nec erit illic via immunda: qui autem dispersi erunt, vadent in ea, & non errabunt: & non erit iam illic leo, nec ex bestiis pessimis quicquam ascendet in eam, nec invenietur illic: cum via fidem demonstret, per quam ad Deum perveniemus: jam tunc eidem viæ, id est, fidei, hanc evacuationem & subjectionem bestiarum polli-

pollicetur. Denique & tempora promissionis congruere invenias, si quæ antecedunt, legas: Invaleſcite manus dimiſſæ & genua reſoluta. Tunc pateſcient oculi cæcorum, & aures exaudient ſurdorum. Tunc ſaliet claudus, ut cervus; & clara erit lingua mutorum. Igitur ubi medicinarum edidit beneficia, tunc & ſcorpious & ſerpentes ſanctis ſuis ſubdidit, ille ſcilicet, qui hanc poteſtatem, ut & aliis præſtaret, prior acceperat a patre: & ſecundum ordinem prædicationis exhibuit.

25. Quis dominus cœli invocabitur, qui non prius factor oſtenditur? *Gratias enim inquit ago, & confiteor, domine cœli, quod ea qua erant abſcondita ſapientibus & prudentibus, revelaveris parvulis.* Quæ iſta? Et cujus? Et a quo abſcondita? Et a quo revelata? Si a Deo Marcionis abſcondita & revelata, qui omnino nihil præmiſerat, in quo aliquid abſconditum eſſe potuiſſet, non prophetias, non parabolas, non viſiones, non ulla rerum, aut verborum aut nominum argumenta, per allegorias & figuras, vel ænigmatum nebulas obumbrata; ſed ipſam magnitudinem ſui abſconderat, quam cum maxime per Chriſtum revelabat: ſatis inique. Quid enim deliquerant ſapientes & prudentes, ut abſconderetur illis Deus? ad quem cognoscendum non ſuffecerat ſapientia atque prudentia illorum. Nulla via data ab ipſo per aliquam operum prædicationem, vel veſtigia, per quæ ſapientes atque prudentes deducerentur: quamquam etſi in aliquo deliquiſſent erga Deum ignotum, pone nunc notum, non tamen zeloten eum experiri debuiſſent, qui diſſimilis creatoris inducitur. Igitur, ſi nec materias præmiſerat, in quibus aliquid occultaeſſet; nec reos habuerat, a quibus occultaeſſet; nec debuerat occultaeſſe, etiam ſi habuiſſet: jam nec revelator ipſe erit, qui abſconditor non fuit; ita nec dominus cœli, nec pater Chriſti; ſed ille, in quem competunt omnia. Nam & abſcondit præmiſſo ob-

securitatis prophetice instrumento, cujus intellectum  
 fides mereretur: nisi enim credideritis, non intelli-  
 gitis; & reos habuit sapientes atque prudentes, ex  
 ipsis operibus tot ac tantis, intelligibilem Deum non  
 requirentes, vel perperam in illum philosophantes,  
 & ingenia hæreticis subministrantes: & novissime ze-  
 lotes est. Denique olim hoc per Esaiam concionaba-  
 tur, quod Christus gratulatur: Perdam sapientiam sa-  
 pientium, & prudentiam prudentium celabo. Sicut  
 & alibi tam abscondisse, quam revelaturum esse signi-  
 ficat: Et dabo illis thesauros absconditos, invisibiles  
 aperiam illis. Et rursus: Quis alius disjiciet signa  
 ventriloquorum, & divinationes ex corde: avertens  
 in posteriora sapientes, & cogitationes eorum infa-  
 tuans? Si autem Christum suum illuminatorem natio-  
 num designavit: posui te in lucem nationum, quæ  
 interpretatur in nomine parvulorum, sensu scilicet  
 retro parvas, & imprudentia infantes, jam vero &  
 humilitate fidei pusillas: facilius utique credemus,  
 eundem etiam parvulis revelasse per Christum, qui  
 & retro absconderit, & per Christum revelationem  
 repromiserit. Aut si Deus Marcionis ea, quæ a crea-  
 tore abscondita retro fuerant, patefecit: ergo jam  
 creatori negotium gessit, res ejus edisserens. Sed in  
 destructionem, inquis, uti traduceret eas. Ergo il-  
 lis traduxisse debuerat, quibus creator abscondidit  
 sapientibus & prudentibus. Si enim beniginitate fa-  
 ciebat, illis erat agnitio præstanda, quibus fuerat ne-  
 gata: non parvulis, quibus nihil creator inviderat.  
 Et tamen usque adhuc, puto, probamus destructio-  
 nem potius legis & prophetarum inveniri in Christo,  
 quam destructionem. *Omnia sibi tradita dicit a patre.*  
 Credas, si creatoris est Christus, cujus omnia, quia  
 non minori se tradidit omnia, filio, creator, quæ  
 per eum condidit, per sermonem suum scilicet. Cæ-  
 terum, si ἡμετέριος ille: quæ sunt omnia, quæ illi  
 a pa-



a patre sunt tradita? Quæ sunt creatoris. Ergo bona sunt, quæ pater filio tradidit: & bonus jam creator, cujus omnia bona sunt: & ille jam non bonus, qui in aliena bona invasit, ut filio traderet, docens alieno abstinere; certe mendicissimus, qui nec filium unde ditaret, habuit, nisi de alieno. Aut si nihil de creatoris traditum est ei a patre: & quomodo hominem creatoris sibi vendicat? Aut si solus homo ei traditus est, omnia homo non est. Scriptura autem omnium edicit traditionem filio factam. Sed & si omnia, ad hominum genera, id est, ad omnes nationes interpretaberis, & has filio tradidisse creatoris est, Dabo tibi gentes hæreditatem tuam, & possessionem tuam terminos terræ. Aut si habet & ipse aliqua sua, quæ omnia filio traderet, pariter cum homine creatoris, ostende unum aliquem, ex omnibus in fidem, in exemplum; ne tam merito non credam ejus esse omnia, cujus nihil video, quam merito credam, etiam quæ non video ejus esse, cujus sunt universa, quæ video, *Sed nemo scit, qui sit pater, nisi filius: & qui sit filius, nisi pater. Nemo enim scit patrem, nisi filius, & filium nisi pater, & cuicumque filius revelaverit.* Atque ita Christus ignotum Deum prædicavit. Hinc enim & alii hæretici fulciuntur, opposcentes creatorem omnibus notum, & Israeli secundum familiaritatem, & nationibus secundum naturam. Et quomodo ipse testatur nec Israeli cognitum se? Israel autem me non cognovit, & populus me non intellexit. Nec nationibus: Ecce enim nec de nationibus, inquit, nemo: propter quod & illas stillicidium situlæ deputavit. Et Sionem tanquam speculam in vinea dereliquit. Vide ergo, an confirmatio sit propheticæ vocis & exprobrantis ignorantiam in Deum humanam, quæ fuerit ad filium usque. Nam & ideo subtexuit ab eo cognosci patrem, cui filius revelaverit: quoniam ipse erat, qui positus a patre illuminatio nationum annunciabatur; utique de Deo illuminan-

darum, etiam Israelis, utique per agnitionem Dei pleniorē. Ita non proficiunt argumenta in fidem Dei alterius, quæ creatori competere possunt: quia quæ non competunt creatori, hæc poterunt in fidem proficere Dei alterius: si & sequentia inspicias. *Beati oculi, qui vident quæ videtis. Dico enim vobis, quia propheta non viderunt, quæ vos videtis*: de superiori sensu descendunt. Adeo neminem, ut decuit, Deum cognovisse, quando nec prophetae vidissent, quæ sub Christo videbantur. Nam si non meus esset Christus: nec prophetarum hoc in loco mentionem collocasset. Quid enim mirum, si non viderant res Dei ignoti, & tanto post ævo revelati? Quæ autem fuisset felicitas eorum, qui tunc videbant, quæ alii merito vidisse non poterant, si non erant consecuti repræsentationem eorum, quæ nunquam prædicarant, nisi quoniam qui poterant vidisse, qui Dei sui res, quas etiam prædicaverant, non tamen viderant? Hæc autem felicitas erit aliorum, qui videbant, quæ alii tantum prædicaverant. Denique ostendemus, & jam ostendimus, ea visa in Christo, quæ fuerant prædicata: abscondita tamen, & ab ipsis prophetis; ut absconderentur & a sapientibus & a prudentibus seculi. In Evangelio veritatis, *legis doctor dominum aggressus, quid faciens, inquit, vitam æternam consequar?* In hæretico vita solummodo posita est, sine æternæ mentione, ut doctor de ea vita videatur consuluisse, quæ in lege promittitur a creatore, longæva æterna. Et dominus, ideo illi secundum legem *responsum dedit: Diliges dominum Deum tuum ex toto corde tuo, & ex tota anima tua & totis viribus tuis*, quoniam de lege vitæ sciscitabatur. Sed sciebat utique legis doctor, quo pacto vitam legalem consequi posset, ut non de ea interrogasset, cujus regulas etiam docebat. Sed quia & mortui jam suscitabantur a Christo, exsuscitatus ad spem æternæ vitæ per exempla recidivæ, ne plus aliquid obser-

observationis exigeret sublimior spei: idcirco constituit de æternæ vitæ consecutione. Itaque dominus, ut nec ipse alius, nec aliud novum inferens præceptum, quam quod principaliter ad omnem salutem, & utramque vitam facit, ipsum caput ei legis opponit, omnifariam diligendi dominum Deum suum. Denique si de vita longæva & ille consuluit & Christus respondit, quæ sit penes creatorem, non de æterna, quæ sit penes Marcionis Deum: quomodo consequitur æternam? Non utique eodem modo quo & longævam. Pro differentia enim mercedum, operarum quoque credenda distantia est. Ergo non ex dilectione Dei tui consequetur vitam æternam Marcionites: sicut longævam dilector creatoris. Sed quale est, ut non magis diligendus sit, qui æternam pollicetur, si diligendus est qui longævam repromittit? Ergo ejusdem erit utraque vita, cum eadem est utrique vitæ capta disciplina. Quod creator docet, id & Christo opus est diligi, ut præstet, interveniente & hic illa præscriptione, qua facilius apud eum debeant credi majora, apud quem minora præcedunt, quam apud eum, cui nullam de majoribus fidem aliqua minora præparaverunt. Viderit nunc, si æternam nostri addiderunt. Hoc mihi satis est, quod Christus ille æternæ, non longæ, vitæ invitator, de longæva consultus, quam destruebat, non ad æternam potius exhortatus est hominem, quam inferebat. Quid, oro te, fecisset Christus creatoris, si, qui creatori diligendo ædificaverat hominem, non erat creatoris? Credo negasset diligendum creatorem.

26. *Cum in quodam loco orasset ad patrem, illum superiorem, satis impudentibus & temerariis oculis suspiciens ad cælum creatoris, a quo tam aspero & sævo, & grandine, & fulmine potuisset elidi, sicut & Hierusalem suffugi ab eo potuit. Aggressus eum ex discipulis quidam, Domine, inquit, doce nos orare, sicut &*

*Joannes discipulos suos docuit, scilicet, quia alium Deum aliter existimaret orandum. Hoc qui præsumpserat, prius est, probet alium Deum editum a Christo. Nemo enim ante voluisset orare nosse, quam didicisset, quem oraret. Igitur si didicerat, proba. Si nusquam usque adhuc probas: scito illum in creatorem formam orationis postulasse, in quem etiam discipuli Joannis orabant. Sed quia & Joannes novum aliquem ordinem orationis induxerat, ideo hoc & a Christo discipulus ejus expostulandum non immerito præsumpserat; ut & illi de proprio magistri sui instituto, non alium, sed aliter Deum orarent. Proinde nec Christus ante orationis notitiam discipulo contulisset, quam Dei ipsius. Ita & ipse in eum docuit orationem, quem discipulus usque adhuc noverat. Denique sensus orationis, quem Deum sapienter recognosce. Cui dicam *pater*? Ei, qui me omnino non fecit, a quo originem non traho, an ei qui me faciundo & instruendo generavit? *A quo spiritum sanctum postulem?* A quo nec mundialis spiritus præstatur? An a quo fiunt etiam angeli spiritus, cujus & in primordio spiritus super aquas ferebatur? *Ejus regnum optabo venire*, quem nunquam regem gloriæ audivi? An in cujus manu etiam corda sunt regum? *Quis dabit mihi panem quotidianum?* Qui nec milium mihi condit, an qui etiam de cælo panem angelorum quotidianum populo suo præstitit? *Quis mihi delicta dimittet?* Qui ea non judicando non retinet, an qui, si non dimiserit, retinebit ut judicet? *Quis non finet nos deduci in tentationem?* Quem poterit tentator non timere, an qui a primordio tentatorem angelum prædamnavit? Hoc ordine qui alii Deo supplicat & non creatori, non orat illum sed infamat. Proinde, a quo *petam, ut accipiam?* Apud quem *quæram, ut inveniam?* Ad quem *pulsabo, ut aperiatur mihi?* Quis habet petenti dare: nisi cujus omnia? Cujus sum-*

etiam

etiam ipse, qui peto. Quid autem perdidit apud Deum illum, ut apud eum quæram & inveniam? Si sapientiam atque prudentiam? Has creator abscondit; apud eum ergo quæram? Si salutem & vitam? & has apud creatorem. Nihil alibi quæretur, ut inveniatur, quam ubi latuit, ut appareat. Sic nec aliorum pulsabo, quam unde sum functus. Denique si accipere & invenire, & admitti, laboris & instantiæ fructus est, illi qui petiit, & quæsit, & pulsavit: intelligo hæc a creatore mandari & repromitti. Ille enim Deus optimus, ultro veniens ad præstandum non suo homini, nullum illi laborem, nec instantiam indixisset. Jam enim non optimus, si non ultro daret non petenti, & invenire præstaret non quærenti, & aperiret, non pulsanti. Creator autem potuit indicare ista per Christum, ut quia delinquendo homo offenderat Deum suum, laboraret, & instantia petendi acciperet; & quærendi inveniret; & pulsandi introiret. Sic & præmissa *similitudo nocturnum panis petitem amicum facit non alienum*, & ad *amicum pulsantem*, non ad ignotum. Amicus autem, etiam si offendit, magis creatoris est homo, quam Dei Marcionis. Itaque ad eum pulsat, ad quem jus illi erat; cujus januam norat, quem habere panes sciebat, *cubantem jam cum infantibus*, quos nasci voluerat. Etiam quod sero pulsatur, creatoris est tempus; illius & serum, cujus seculum & sæculi occasus. Ad Deum autem novum, nemo sero pulsasset; tantum quod lucescentem. Creator est, qui & januam olim nationibus cluserit, quæ olim pulsabatur Judæis; is & exsurgit, & dat; & si jam non quasi amico, non tamen quasi extraneo homini, sed quasi molesto, inquit; molestum autem tam cito Deus recens neminem pati potuit. Agnosce igitur & patrem, quem etiam appellas creatorem. Ipse est, qui scit, quid filii postulent. Nam & patrem petentibus, de cælo dedit manna, & carnem deside-

desiderantibus, emisit ortygometram; *non serpentem pro pisce, nec scorpionum pro ovo* Illius autem erit, *non dare malum pro bono*, cuius utrumque sit. Cæterum Deus Marcionis non habens scorpionum, non poterat id se dicere non daturum, quod non habebat. Sed ille, qui habens & scorpionum non dat. *Itaque & spiritum sanctum is dabit*, apud quem est & non sanctus. Cum surdum dæmonium expulisset, (ut & in ista specie curationis Esaiæ occurrisset,) *in Beelzebule dictus ejicere dæmonia, si ego, inquit, in Beelzebule ejicio dæmonia, filii vestri in quo ejiciunt?* Hac voce quid magis portendit, quam in eo ejicere se, in quo & filii eorum? In virtute scilicet creatoris. Nam si putas sic accipiendum, Si ego in Beelzebule, filii vestri in quo? Quasi illos fugillaret in Beelzebule ejicientes, resistet tibi prior sensus, *non posse Satanam dividi adversus semetipsum*. Adeo nec illi in Beelzebule ejiciebant, sed, ut diximus, in virtute creatoris, quam ut intelligi faceret, subjungit: Quod si ego in digito Dei expello dæmonia, ergone appropinquavit in vos regnum Dei? Apud Pharaonem enim venefici illi adhibiti adversus Moysen, virtutem creatoris digitum Dei appellaverunt. Digitus Dei est hoc, quod significaret etiam modicum, validissimum tamen. Hoc & Christus ostendens, commemorator non obliterator vetustatum scilicet suarum, virtutem Dei digitum Dei dixit non alterius intelligendum, quam ejus, apud quem hoc erat appellata. Ergo & regnum ipsius appropinquaverat, cuius & virtus digitus vocabatur. Merito igitur applicuit ad *parabolam fortis illius armati, quem validior alius oppressit*, principem dæmoniorum, quem Beelzebulem & Satanam supra dixerat, significans digito Dei oppressum, non creatorem ab alio Deo subactum. Cæterum, *quo modo, adhuc flaret regnum ejus in suis terminis, & legibus & officiis, quem, licet integro mundo, vel sic potuisset videri superasse,*

se, validior ille Deus Marcionis, si non secundum legem ejus etiam Marcionitæ morerentur, in terram defluendo sæpe, & a scorpio docti, non esse superatum creatorem. *Exclamat mulier de turba, beatum uterum, qui illum portasset, & ubera, quæ illum educassent: Et dominus, imo beati, qui sermonem Dei audiunt & faciunt.* Quia & retro sic rejecerat matrem aut fratres, dum auditores & obsecutores Dei præfert. Nam nec hic mater assistebat illi.\* Adeo nec retrò negaverat, ut nec tum, cum id rursus audit; rursus proinde felicitatem ab utero & uberibus matris suæ transtulit in discipulos; a qua non transtulisset, si eam non haberet.

27. Alibi malo purgare, quæ reprehendunt Marcionitæ in creatore. Hic enim sufficit, si ea in Christo reperiuntur. Ecce inæqualis & ipse inconstans, levis, aliud docens aliud faciens: Jubet omni petenti dare, & ipse signum petentibus non dat. Tanto ævo lucem suam ab hominibus abscondit, & negat lucem nam abstruendam, sed confirmat super candelabrum proponendam, ut omnibus luceat: vetat, remaledicere, multo magis utique maledicere. *Et va ingerit Pharisæis & doctoribus legis.* Quis est tam similis Dei mei Christus nisi ipse? Sæpe jam finimus, nullo modo potuisse illum destructorem legis denotari, si alium Deum promulgasset. Ideo & tunc Pharisæus, qui illum vocarat ad prandium, retrahabat penes se, cur non prius tinctus esset, quam retubuisse, secundum legem; qui Deum legis circumferret. *Iesus autem etiam interpretatus est ei legem, dicens, illos calicis & catinæ exteriora emundare, interiora autem ipsorum plena esse rapina & iniquitate;* ut significaret, vasculorum munditias hominum esse intelligendas apud Deum. Quia & Phariseus de homine, non de calice illoto, apud se tractaverat. Ideo exteriora, inquit, calicis lavatis, id est carnem: interiora autem vestra non emundatis,

datis, id est animam: adjiciens. *Nonne qui exteriora fecit, id est carnem; & interiora fecit, id est animam: quo dicto aperte demonstravit, ad eundem Deum pertinere munditias hominis exterioris, & interioris, cujus uterque sit; præponentis misericordiam non modo lavacro hominis, sed etiam sacrificio. Subjungit enim: Date qua habetis, elemosynam; & omnia munda erunt vobis. Quod si & alius potest Deus misericordiam mandasse, non tamen antequam cognitus. Porro & hic apparet, illos non de Deo increpitos, sed de ejus disciplina, a quo illis & figurate vasculorum munditiæ, & manifeste misericordiarum opera imperabantur. Sic & oluscula decimantes, vocationem autem & dilectionem Dei prætereuntes objurgat. Cujus Dei vocationem & dilectionem, nisi cujus & rutam & mentam, ex forma legis & de decimis offerebant? Totum enim exprobrationis hoc erat, quod modica curabant, ei utique, cui majora non exhibebant, dicenti, Diliges dominum Deum tuum, ex toto corde, & ex tota anima tua, & ex totis viribus tuis, qui te vocavit ex Aegypto. Caterum, nec tempus admisisset, ut Christus tam præcoquam, imo tam acerbam adhuc dilectionem expostularet novo, & recenti Deo, ne dixerim nondum palam facto. Primatum quoque captantes locorum, & honorem salutationum, cum incusat, sectam creatoris administrat, ejusmodi principes Sodomorum archentas appellantis, prohibentis etiam confidere in præpositos, imo & in totum, miserimum hominem pronuntiantis, qui spem habet in homine. Quod si propterea quis affectat principatum, ut de officiis aliorum gloriatur, quia officia vetuit ejusmodi sperandi, & confidendi in hominem, idem & affectatores principatum interepuit. Irvehitur & in doctores ipsos legis, quod onerarent alias importabilibus oneribus, quæ ipsi ne digito quidem aggredi audent; non legis onera sugillans, quasi detestator ejus.*

Quomo-



Quomodo enim detestator? Qui cum maxime potiora legis prætereuntes inculcabat, eleemosynam & vocationem & dilectionem Dei, ne hæc quidem gravia, nedum decimas rutarum & munditias catinorum. Cæterum excusandos potius censuisset, si importabilia portare non possent. Sed quæ onera taxat? quæ ipsi de suo exaggerabant, docentes præcepta, doctrinas hominum, commodorum suorum causa, jungentes domum ad domum, ut quæ proximi sunt auferrent, clamantes populum, amantes munera, sectantes retributionem, diripientes iudicata pauperum, uti esset illis vidua in rapinam, & pupillus in prædam. De quibus idem Esaias, vae qui valent in Israël. Et rursum. Qui vos postulant, dominantur vestri. Qui magis, quam legis doctores? Hi si & Christo displicebant, ut sui displicebant. Alienæ enim legis doctores non omnino pulsasset. Cur autem *vae audiunt etiam, quod edificarent prophetis monimenta, interemptis a patribus eorum*, laude potius digni, qui ex isto opere pietatis testabantur, se non consentire factis patrum, si non erat zelotes, qualem arguunt Marcionitæ, delicta patrum de filiis exigentem usque in quartam nativitatem? Quam vero *clavem habebant legis doctores*, nisi interpretationem legis? *Ad cuius intellectum neque ipsi adibant*, non credentes, scilicet. Nisi enim credideritis, non intelligetis, *Neque alios mittebant*, utique docebant præcepta potius & doctrinas hominum. Qui ergo nec ipsos introeuntes, nec aliis aditum præstantes, increpabat, obrectator habendus est legis auctor? Si obrectator, placere debebant & præcluseres legis. Si auctor, jam non & æmulus legis. Sed hæc omnia ad infuscandum creatorem ingerebat, ut sævum, erga quem delinquentes vae habituri essent. Et quis sævum non potius timeret provocare, deficiendo ab eo? tanto magis ergo demerendum docebat.

cebat, quem timendum ingerebat. Sic oportebat Christum creatoris.

28. Merito itaque non placebat illi hypocrisis Phariseorum, labiis scilicet amantium Deum, non corde. *Cavete, inquit discipulis, a fermento Phariseorum, quod est hypocrisis*, non prædicatio creatoris. Odit contumaces patris filius, non vult suos tales existere in illum, non in alium, in quem hypocrisis fuisset admixta, cujus exemplum a discipulis caveretur. Ita Phariseorum prohibet exemplum. In eum prohibebat illud admitti, in quem admittebant Pharisei. Igitur quoniam hypocrisin eorum taxarat, utique celantem occulta cordis, & incredulitatis secreta superficialibus officiis obumbrantem, quæ clavem agnitionis habens, nec in ipsa introiret, nec alios sineret: ideo adjicit, *Nihil autem opertum, quod non patefiet; & nihil absconditum, quod non dignoscetur*: ne quis existimet, illum Dei, ignoti retro & occulti, revelationem & adagnitionem intentare, cum subjiciat, etiam quæ inter se mussitarent vel tractarent, scilicet super ipso dicentes, Hic non expellit dæmonia, nisi in Beelzebul, in apertum processura, & in ore hominum futura, ex Evangelii promulgatione. Dehinc conversus ad discipulos, *Dico autem, inquit, vobis, amicis meis, nolite terreri ab eis, qui vos solummodo occidere possunt, nec post hoc ullam in vobis habent potestatem*. Sed iis erit Esaias prædicens: Vide, quomodo justus aufertur, & nemo advertit. *Demonstrabo autem vobis, quem timeatis. Timete eum, qui postquam occiderit, potestatem habet mittendi in gehennam, creatorem utique, itaque dico vobis, hunc timeate*. Et hoc in loco sufficeret mihi, si quem timeri jubet, offendi vetat: & quem offendi vetat, demereri jubet: & qui hæc mandat, ipsius est, cui timendo, & non offendendo, & demerendo procurat. Sed habeo & de sequentibus sumere. *Dico enim vobis, omnis qui confitebitur in me coram*

ram hominibus, confitebor in illo coram Deo. Qui confitebuntur autem in Christo, occidi habebunt coram hominibus, nihil utique amplius passuri post occisionem ab illis. Hi ergo erunt quos supra præmonet, ne timeant tantummodo occidi. Ideo præmittens non timendam occisionem, ut subjungeret sustinendam confessionem, *Et omnis, qui negaverit me coram hominibus, denegabitur coram Deo, ab eo utique, qui illum confitentem confessurus fuisset.* Si enim confessor confitebitur, ipse est qui & negatorem negabit. Porro, si confessor est, cui nihil timendum est post occisionem, negator crit, cui timendum est etiam post mortem. Itaque cum creatoris sit, quod timendum est post mortem, gehennæ scilicet pœna, & negator ergo creatoris est. Si autem & negator, & confessor, qui post occisionem nihil ab homine passurus est, a Deo plane passurus si negaret: atque ita Christus creatoris est, qui ostendit negatores suos creatoris gehennam timere debere. Post deterritam itaque negationem, sequitur & blasphemix formidandæ admonitio, *Qui dixerit in filium hominis, remittetur; illi autem qui dixerit in spiritum sanctum, non remittetur ei.* Quod si jam & remissio & retentio delicti judicem Deum sapiunt, cujus erit spiritus sanctus non blasphemandus? Non remissuri scilicet blasphemiam, sicut & supra non negandus, occisuri scilicet etiam in gehennam. Quod si & blasphemiam Christus a creatore avertit: quomodo adversarius ei venerit non scio. Aut si & per hæc severitatem ejus infuscat, non remissuri blasphemiam, & occisuri etiam in gehennam: superest, ut & illius diversi Dei impune & spiritus blasphemetur, & Christus negetur, & nihil intersit de cultu ejus deye contemptu: Et sicut de contemptu nulla pœna, ita de cultu nulla speranda sit merces. *Perductos ad poenitentiam, prohibet ad interrogationem cogitare de responsione. Sanctus enim, inquit, spiritus docebit*

*vos ipsa hora, quid eloqui debeatis. Si ejusmodi documentum creatoris est, ejus erit & præceptum, cujus præcessit exemplum. Balaam Prophetes in Arithmis, arcessitus a rege Balach, a maledicendum Israelem, tum quo prælium inibat, simul spiritu implebatur, non ad quam venerat maledictionem, sed quam illi ipsa hora spiritus suggerebat, benedictionem pronuntiabat, ante professus apud nuntios regis, mox etiam apud ipsum, id se pronuntiaturum, quod Deus oris ejus indidisset. Hæ sunt novæ doctrinæ novi Christi, quas olim famuli creatoris initiaverunt. Ecce plane diversum exemplum Moysei & Christi. Moyses rixantibus fratribus ultro intercedit, & injuriosum increpat. Quid proximum tuum percutis? Et rejicitur ab illo: Quis te constituit magistrum aut judicem super nos? Christus vero postulatus a quodam, ut inter illum & fratrem ipsius dividenda hæreditate componeret: sperans suam, & quidem tam probæ causæ, denegavit. Jam ergo melior Moyses meus Christo tuo, fratrum paci studens, injuriæ occurrens. Sed enim optimi & non judicis Dei Christus; quis me, inquit, judicem constituit super vos? Aliam vocem excusationis invenire non potuit, ne ea uteretur, qua improbus vir, & impius frater assertorem probitatis atque pietatis excusserat. Denique probavit malam vocem, utendo ea, & malum factum, pacis inter fratres componendæ declinatione. Aut nunquid indigne tulerit, hoc dicto fugatum Moysen? Ideoque in causa pari disceptantium fratrum, voluit illos commemoratione ejusdem dicti confudisse? plane ita. Ipse enim tunc fuerat in Moyse, qui talia audierat, spiritus scilicet creatoris. Puto jam alibi satis commendasse nos, divitiarum gloriam damnari a Deo nostro, ipsos dynastas detrahente de folio, & pauperes allevante de vilino. Ab eo ergo erit & parabola divitis blandienti sibi de proventus agrorum suorum, cui Deus dicit: Stulte, hac nocte ani-*

*nam tuam reposcent. Quæ autem parasti, cujus erunt?* Sic denique rex de gazis & apothecis deliciarum suarum apud Persas gloriatus, per Esaiam male audivit.

29. Quis *nollet, curam nos agere anima de victu, & corpori de vestitu*, nisi qui ista homini ante prospexit, & exinde præstans merito curam eorum, tanquam æmulam liberalitatis suæ prohibet? Qui & *substantiam ipsius anima accommodavit potiore escæ, & materiam ipsius corporis figuravit potiore tunica*, cujus & *corvi non ferunt, nec metunt, nec in apothecas condunt, & tamen aluntur ab ipso; Cujus & lilia & fœnum non texunt, nec nent, & tamen vestiuntur ab ipso. Cujus & Salomon gloriosissimus, nec ullo tamen fosculo cultior. Cæterum nihil tam abruptum, quam ut alius præstet, alius de præstantia ejus securos agere mandet, & quidem derogator ipsius. Denique si quasi derogator creatoris, non vult de ejusmodi frivolis cogitari; de quibus nec corvi, nec lilia laborent, ultro scilicet pro sua vilitate subjectis, paulo post parebit. Interim cur illos *modica fidei incusat*, id est cujus fidei? Ejusne quam nondum poterant perfectam exhibere Deo: tantum quod velato, cum maxime discentes eum: atque hoc ipso titulo debebant creatori, uti crederent, hæc illum ultro generi humano subministrare, nec de eis cogitarent? Nam & cum subjicit: *Hæc enim nationes mundi quarunt*, non credendo scilicet in Deum, conditorem omnium & probatorem: quos pares gentium nolebat in eundem Deum, modicos fidei increpabat, in quem gentes incredulas notabat. Porro cum & adjicit, *scit autem pater opus esse hæc vobis*, prius quæram, quem patrem intelligi velit Christus? Si ipsorum: creatorem demonstrat, & bonum confirmat, qui scit quid filiis opus sit. Sin illum alium Deum, quomodo scit, necessarium esse homini victum atque vestitum, quorum nihil præstitit? Si enim scisset, præstitisset. Cæterum si scit quæ sunt ho-*

mini necessaria, nec tamen præstitit: aut malignitate aut infirmitate non præstitit. Professus autem necessaria hæc homini, utique bona confirmavit. Nihil enim mali necessarium, & non erit jam depreciator operum & indulgentiarum creatoris; ut, quod supra distuli, expunxerim. Porro si quæ necessaria scit homini alius, & prospexit & præstat: quomodo hæc ipse promittit? An de alieno bonus est? *Quærite enim inquit regnum Dei, & hæc vobis adjicientur.* Utique ab ipso. Quod si ab ipso, qualis est, qui aliena præstabit? Si a creatore, cujus & sunt: quis est qui aliena promittat? Ea si regno accedunt secundo gradu restituenda: ejus est secundus gradus cujus & primus. Ejus victus atque vestitus, cujus & regnum. Ita tota promissio creatoris est; parabolarum status, similitudinum peræquatio, si nec in alium spectant, quam cui per omnia pariaverint; id sumus, servi. Dominum enim habemus Deum. *Succingere debemus lumbos*, id est expediti esse ab impedimenti laciniôsæ vitæ & implicitæ. Item *lucernas ardentes habere*, id est mentes a fide accensas, & operibus veritatis relucentes, *atque ita expectare dominum*, id est Christum. Unde *redeuntem*? si a nuptiis: creatoris est, cujus nuptiæ. Si non creatoris, nec ipse Marcion invitatus ad nuptias isset; Deum suum intuens, detestatorem nuptiarum. Defecit itaque parabola in persona domini; si non esset, cui nuptiæ competunt. In sequenti quoque parabola satis errat, qui *furem illum*, cujus *horam si pater familia scires, non fineret suffodi domum suam*, in personam disponit creatoris. Fur enim creator quomodo videri potest, dominus totius hominis? Nemo sua furatur aut suffodit, sed ille potius, qui in aliena descendit, & hominem a domino ejus alienat. Porro cum furem nobis diabolum demonstret, cujus horam etiam in primordio, si homo scisset, nunquam ab eo suffossus esset,

esset, propterea jubet, ut parati simus, quia qua non putamus hora, filius hominis adveniet: non quasi ipse sit fur, sed iudex scilicet eorum, qui se non paraverint nec caverint furem. Ergo si ipse est filius hominis, iudicem teneo, & in iudice creatorem defendo. Si vero Christum creatoris, in nomine filii hominis hoc loco ostendit, ut eum furem portendat, qui quando venturus sit ignoremus: habes supra scriptum, neminem rei suæ furem esse; salvo & illo, quod in quantum timendum creatorem ingerit, in tantum illi negotium agens, creatoris est. Itaque interroganti Petro, in illos an & in omnes parabolam dixisset; ad ipsos & ad universos, qui ecclesiis præfuturi essent proponit actorum similitudinem; quorum, qui bene tractaverint conservos absentia domini, reverso eo omnibus bonis præponitur. Qui vero secus egerit, reverso domino qua die non putaverit, hora qua non scierit, illo scilicet filio hominis Christo creatoris, non fure, sed iudice, segregabitur, & pars ejus cum infidelibus ponetur. Proinde igitur aut & hic iudicem dominum opponit, & illi catechizat: aut si Deum optimum, jam & illum iudicem affirmat, licet nolit hæreticus. Temperare enim tentant hunc sensum, cum Deo ejus vindicatur, quasi tranquillitatis sit & mansuetudinis, segregare solummodo & partem ejus cum infidelibus ponere, ac si non sit vocatus, ut statui suo redditus, quasi non & hoc ipsum iudicato fiat. Stultitia. Quis erit exitus segregatorum? Nonne amissio salutis? Si quidem ab eis segregabuntur, qui salutem consequentur. Quid igitur infidelium status? Nonne damnatio? Aut si nihil patientur segregati & infideles, æque ex diverso nihil consequentur retenti & fideles. Si vero consequentur salutem retenti & fideles, hanc amittant necesse est, ex diverso segregati & infideles. Hoc erit iudicium, quod qui intendit, creatoris est. Quem alium intelligam eandem servos paucis aut multis plagis, &

prout commisit illis, ita & exigentem ab eis, quam retributorem Deum? Cui me decet obsequi, nisi remuneratori? Proclamat Christus tuus, *Ignem veni mittere in terram.* Ille optimus, nullius gehennæ dominus, qui paullo ante discipulos, ne ignem postularent inhumanissimo viculo, coercuerat, quando iste Sodomam & Gomorram nimbo igneo exussit, quando cantatum est, ignis ante ipsum procedet, & cremabit inimicos ejus, quando & per Osee comminatus est, ignem emittam in civitates Judææ, vel per Esaïam, Ignis exarsit ex indignatione mea. Non mentiatur, si non est ille, qui de rubo quoque ardenti, vocem suam emisit: videris quem ignem intelligendum contendas. Etiam si figura est: hoc ipso quod de meo elemento argumenta sensui suo sumit, meus est, qui de meis utitur. Illius erit similitudo ignis, cujus & veritas. Ipse melius interpretabitur ignis istius qualitatem, adjiciens, *Putatis venisse me pacem mittere in terram? non, dico vobis, sed separationem.* *Machæram*, quidem scriptum est. Sed Marcion emendat, quasi non & separatio opus sit machæræ. Igitur & ignem everisionis intendit, qui pacem negavit. Quale prælium, tale & incendium. Qualis machæra, talis & flamma, neutra congruens domino. Denique, *dividetur, inquit, pater in filium, & filius in patrem: & mater in filiam, & filia in matrem: & nurus in socrum, & socrus in nurum.* Hoc prælium inter parentes si in ipsis verbis tuba cecinit prophetæ, vereor ne Micheas Christo Marcionis prædicarit. Et ideo *hypocritas pronuntiabat, celi quidem & terra faciem probantes, tempus vero illud non dinoscetes.* Quo scilicet adimplens omnia, quæ super ipsos fuerunt prædicata, nec aliter docens debuerat agnosci. Cæterum, quis posset ejus tempora nosse, cujus, per quæ probaret, non habebat. Merito *exprobrat etiam, quod justum non a semetipsis judicarent.* Olim hoc mandat, per Zachariam, *Justum judicium*  
&



& pacatorium judicate. Per Hieremiam, facite iudicium & iustitiam. Per Esaiam, judicate pupillo & iustificare viduam, imputans etiam vineæ Sorech, quod non iudicium fecisset sed clamorem. Qui ergo docuerat, ut facerent ex præcepto, is exigebat ut facerent & ex arbitrio. Qui seminaverat præceptum, ille & redundantiam ejus urgebat. Jam vero, quam absurdum, ut ille mandaret iuste judicare, qui Deum iudicem iustum destruebat? Nam & iudicem, qui mittit in carcerem, nec ducit inde, nisi soluto etiam novissimo quadrante, in persona creatoris obtreftationis nomine differunt. Ad quod necesse habeo eodem gradu occurrere. Quotiescumque enim severitas creatoris opponitur, totiens illius est Christus, cui per timorem cogit obsequium.

30. *Questionem* rursus, de curatione sabbato facta, quomodo *discussit*? *Unusquisque vestrum sabbatis non solvit asinum aut bovem suum a præsepi, & ducit ad potum?* Ergo secundum conditionem legis, operatus legem, confirmavit, non dissolvit, jubentem nullum opus fieri, nisi quod fieret omni animæ, quanto potius humanæ? Parabolarum congruentiam ubique recognoscere exigere. *Simile est regnum Dei, inquit, grano sinapis, quod accepit homo, & seminavit in horto suo.* Quis in persona hominis intelligendus? Utique Christus: Quia licet Marcionis, filius hominis est dictus, qui accepit a patre semen regni, sermonem scilicet Evangelii, & seminavit in horto suo, utique in mundo, puta nunc in homine. Sed cum in suo horto dixerit, nec mundus autem, nec homo illius sit, sed creatoris: ergo, qui in suum seminarit, creator ostenditur. Aut si (ut hunc laqueum evadant) converterint hominis personam, in personam, a Christo, in hominem accipientem semen regni, & seminantem in horto cordis sui: nec ipsa materia alii conveniet, quam creatori. Quale est enim, ut lenissimi Dei regnum,

quod etiam iudicii fervor lachrymosa austeritate subsequitur? De sequenti plane similitudine, vereor, ne forte alterius Dei regno portendat. *Fermento enim comparavit illud*, non azymis, quæ familiariora sunt creatori. Congruit & hæc conjectura mendicantibus argumenta. Itaque & ego vanitatem vanitate depellam, fermentationem quoque congruere dicens regno creatoris, quia post illam clibanus vel furnus gehennæ sequatur. Quoties adhuc se iudicem ostendit, & in iudice creatorem? Quoties utique ejecit & damnat reiciendo? Sicut hic quoque, *cum surrexerit, inquit, pater familia*. Quo? nisi quo dixit Esaias, *Cum surrexerit comminuere terram, & cluserit ostium*, utique excludendis iniquis, *quibus pulsantibus respondebit, nescio unde sitis*. Et rursus enumerantibus, *quod coram illis aderint, & biberint, & in plateis eorum docuerint, adjiciet, Recedite a me omnes operarii iniquitatis, illic erit fletus & frendor dentium*. Ubi? foris scilicet, ubi erunt exclusi, ostio cluso ab eo. Ergo erit pœna, a quo fit exclusio in pœnam, *cum videntur justos introeuntes in regnum Dei, se vero detineri foris*. A quo? Si a creatore? Quis erit ergo intus recipiens justos in regnum? Deus bonus. Quid ergo illuc creatori, ut foris detineat in pœnam, quos adversarius ejus exclusit, suscipiendos a se utique, magis in adversarii bilem? Sed & ille exclusurus iniquos, sciat utique creatorem illos detenturum in pœnam. aut non sciat oportet. Ergo, aut nolente eo detinebuntur, & minor est illo, qui detinet, cedens ei nolens: aut si vult ita fieri, ipse ita faciendum judicavit, & non erit melior creatore ipse auctor infamiæ creatoris. Hæc si nulla ratione consistunt, ut alius punire, alius liberare credatur: unus erit tam iudicium quam & regnum; & dum unus est utrumque, qui & iudicat, creatoris est.

31. *Ad prandium vel ad cœnam quales vocari jubet?*  
 Quales ostenderat per Esaiam, *Confringe panem tuum*

tuum esurienti, & mendicos, & qui sine testo sunt; induc in domum tuam, qui scilicet humanitatis istius vicem *retribuere non possint*. Hanc si Christus captari vetat, *in resurrectione eam repromittens*, creatoris est forma, cui non placent amantes munera, sectantes retributionem. Etiam invitatoris parabola, cui magis parti occurrat expendo. *Homo quidam fecit cœnam & vocavit multos*: utique cœnæ paratura, vitæ æternæ saturitatem figurat. Dico primo extraneos & nullius juris affines invitari ad cœnam non solere, certe facilius solere domesticos & familiares. Ergo creatoris est invitasse, ad quem pertinebant, qui invitabantur, & per Adam qua homines, & per patres, qua Judaici; non ejus, ad quem neque natura pertinebant neque prærogativa. De hinc, si is mittit ad convivas, qui cœnam paravit; sic quoque creatoris est cœna, qui misit ad convivas admonendos, ante jam vocatos per patres, admonendos autem per Prophetas; non qui neminem miserit ad monendum, nec qui nihil prius egerit ad vocandum, sed ipse descenderit subito. Tantum quod innotescens, jam invitans: tantum quod invitans, jam in convivium cogens, eandem faciens horam cœnandi & ad cœnam invitandi. *Excusant se invitati*. Si ab alio Deo, merito; quia subito invitati. Si non merito, ergo nec subito. Si autem non subito invitati, ergo a creatore, a quo olim: cujus denique declinaverant vocationem, tunc primo dicentes ad Aaronem, fac nobis Deos, qui præeant nobis. Atque exinde aure audientes & non audientes, vocationem scilicet Dei, qui pertinentissime ad hanc parabolam per Hieremiam, audite, inquit, vocem meam, & ero vobis in dominum & vos mihi in populum, & ibitis in omnibus viis meis quascunque mandavero vobis. Ecce invitatio Dei. Et non audierunt, inquit, & non adverterunt aurem suam. Ecce recusatio populi. Sed abierunt

in iis quæ concupierunt corde suo malo. *Agrum emi, & boves mercatus sum, & uxorem dæxi.* Et adhuc ingerit, & emisi ad vos omnes famulos meos Prophetas. Hic erit spiritus sanctus, admonitor convivarum, die & ante lucem. Et non audit populus meus, & non intendit auribus suis. Et obduravit collum suum. *Hoc ut patrifamilia renuntiatum est, motus tunc,* (Bene quod & motus. Negat enim Marcion moveri Deum suum, ita & hoc meus est;) *mandat de plateis & vicis civitatis facere sublectionem.* Videamus, an eo sensu, quo rursus per Hieremiam, numquid solitudo factus sum domui Israël? aut terra in incultum derelicta? Id est, numquid non habeo, quos allegam, aut unde allegam? Quoniam dixit populus meus, non venimus ad te. Itaque misit ad alios vocandos, ex eadem adhuc civitate. *Dehinc loco abundante, præcepit etiam de viis & sepibus colligi,* id est nos jam de extraneis gentibus, illa scilicet æmulatione, qua in Deuteronomio, Avertam faciem meam ab eis, & monstrabo, quid illis in novissimis, id est alios possessuros locum eorum: quoniam genitura perversa est, filii in quibus fides non est. Illi obæmulati sunt me in non Deo, & provocaverunt me in iram in idolis suis: & ego obæmulabor eos in non natione, in natione infipienti: provocabo eos in iram, in nobis scilicet, quorum spem Judæi gerunt: *de qua illos gustaturos negat dominus,* derelicta Sione, tanquam specula in vinga & in cucumerario casula, posteaquam & novissimam in Christo invitationem recusavit. Quid ex hoc ordine secundum dispositiones & prædicationes creatoris recensendo, competere potest illi, cujus nec ordinem habet nec dispositionem ad parabolæ conspirationem, qui totum opus semel fecit? Aut quæ erit prima vocatio ejus, & quæ secundo actu admonitio? Ante debent alii excusare, postea alii convenisse.

Nunc

Nunc autem pariter utramque partem invitare venit, de civitate, de sepibus, adversus speculum parabolæ: nec potest jam fastidiosos judicare, quos nunquam retro invitavit, quos cum maxime aggreditur. Aut si de futuro eos judicat, contempturos vocationem: ergo & sublecionem loco eorum ex gentibus de futuro portendit. Plane ad hoc secundo venturus est, ut gentibus prædicet. Et si venturus, (est autem,) puto non quasi vocaturus adhuc convivæ, sed jam collocaturus. Interea qui cœnæ istius vocationem in cœleste convivium interpretaris spiritualis saturitatis, & incunditatis, memento & terrenas promissiones vini & olei & frumenti & ipsius civitatis æque in spiritualia figurari a creatore.

32. *Ovem & Drachmam perditam quis requirit?* Nonne qui perdidit? Quis autem perdidit? Nonne qui habuit? Qui vero habuit? Nonne cujus fuit? Si igitur homo non alterius est res, quam creatoris, is eum habuit, cujus fuit. Is perdidit, qui habuit. Is requisivit, qui perdidit. Is invenit, qui quæsit. Is exsultavit, qui invenit. Ita utriusque parabolæ argumentum vacat circa eum, cujus non est ovis neque drachma, id est homo. Non enim perdidit, quia non habuit: nec requisivit, quia non perdidit: nec invenit, quia nec requisivit: nec exsultavit, quia non invenit. Atque adeo exsultare illius est de pœnitentia peccatoris, id est de perditionis recuperatione, qui se professus est olim, malle peccatoris pœnitentiam quam mortem.

33. *Quibus duobus dominis neget posse serviri, quia alterum offendi sit necesse, alterum defendi, ipse declarat, Deum proponens & Mammonam.* Deinde Mammonam quem intelligi velit, si interpretem non habes, ab ipso potes discere. Admonens enim nos, de secularibus suffragia nobis prospicere amicitiarum, secundum servi illius exemplum, qui ab actu summotus, dominicos debitores diminuit cautionibus, relevat in subsidium sibi,

Et

*Et ego, inquit, dico vobis, facite vobis amicos de Mammona injustitia, de nummo, scilicet de quo & servus ille. Injustitiæ enim autorem & dominatorem totius sæculi nummum scimus omnes, cui famulatam videns Phariseorum cupiditatem, amentavit hanc sententiam, Non potestis Deo servire & Mammonæ. Irridebant denique Pharisei pecunia cupidi, quod intellexissent scilicet Mammonam de nummo dictum. Ne quis existimet in Mammona creatorem intelligendum & Christum a creatoris illos servitute revocasse. Quin nunc potius ex hoc discite, unum a Christo Deum ostensum. Duos enim dominos nominavit, Deum & Mammonam, creatorem & nummum. Denique non potestis Deo servire; utique ei cui servire videbantur, & Mammonæ, cui magis destinabantur. Quod si ipse alium se ageret, non duos dominos, sed tres demonstrasset. Et creator enim dominus, quia Deus. Et utique magis dominus, quam mammonas: magisque observandus, qua magis dominus. Quale est enim, ut qui mammonam dominum dixerat, & cum Deo junxerat, vere ipsorum dominum taceret, id est, creatorem? Aut numquid tacendo eo concessit, serviendum ei esse, si solummodo sibi & mammonæ negavit posse servire? Ita cum unum Deum ponit, nominaturus & creatorem, si alius esset ipse; creatorem nominavit, quem dominum sine alio Deo non posuit. Et illud itaque relucebit, quomodo dictum, si in mammona injusto fideles non existitis: quod verum est, quis vobis credet? In nummo scilicet injusto, non in creatore: quem & Marcion justum facit. Et si in alieno fideles inventi non estis, meum quis dabit vobis? Alienum enim debet esse a servis Dei, quod injustum est. Creator autem quomodo alienus erat phariseis, proprius Deus Judaicæ gentis? Si ergo hæc non cadunt in creatorem, sed in mammonam, quis vobis credet, quod verius est? et, quis vobis dabit, quod meum est:*

est: Non potest quasi alius dixisse de alterius Dei gratia. Tunc enim videretur ita dixisse, si eos in creatorem, non in mammonam infideles notando, per creatoris mentionem distinctiones fecisset Dei alterius, non commissuri suam veritatem infidelibus creatoris. Quomodo tunc alterius videri potest, si non ad hoc proponatur, ut a re de qua agitur separetur? Si autem & *justificantes se coram hominibus pharisæi* spem mercedis in homine ponebant, illo eos sensu increpabat, quo & propheta Hieremias: Miser homo, qui spem habet in homine. Si & adjicit: *Scit autem Deus corda vestra*, illius Dei vim commemorabat, qui lucernam se pronuntiabat, scrutantem renes & corda. Si superbiam tangit, *quod elatum est apud homines, perosum est Deo*, Eesaiam ponit ante oculos: Dies enim domini Sabaoth in omnem contumeliosum & superbum, in omnem sublimem & elatum, & humiliabuntur. Possum jam colligere, cur tanto ævo Deus Marcionis fuerit in occulto. Expectabat, opinor, donec hæc omnia disceret a creatore. Didicit ergo usque ad Johannis tempora, atque ita exinde processit annuntiare regnum Dei, dicens: *Lex & propheta usque ad Johannem, ex quo regnum Dei annuntiatur*: quasi non & nos limitem quendam agnoscamus Johannem constitutum, inter vetera & nova, ad quem desineret Judæismus, & a quo inciperet Christianismus: non tamen ut ab alia virtute facta sit sedatio legis & prophetarum, & initiatio Evangelii, in quo est Dei regnum, Christus ipse. Nam etsi probavimus, & vetera transitura, & nova successura, prædicari a creatore, si & Johannes antecursor & præparator ostenditur viarum domini, evangelium superducturi, & regnum Dei promulgaturi: & ex hoc jam, quod Johannes venit, ipse erit Christus, qui Johannem erat subsequiturus, ut antecursorem: & si desierunt vetera, & cœperunt nova interstitio Johanne, non erit

erit mirum, quod ex dispositione est creatoris: ut unde magis probetur, quam ex legis & prophetarum in Johannem occasu, & exinde ortu, regnum Dei. *Transcat igitur celum & terra citius*, sicut & lex & prophetæ, *quam unus apex verborum domini*. Verbum enim, inquit Esaïas, Dei nostri manet in ævum. Nam, quoniam in Esaïa jam tunc Christus, sermo scilicet & spiritus creatoris, Johannem prædicarat, vocem clamantis in deserto parare viam domini, in hoc venturum, ut legis & prophetarum ordo exinde cessaret, per adimpletionem, non per destructionem, & regnum Dei a Christo annuntiaretur: ideo subtexuit, facilius elementa transitura, quam verba sua; confirmans, hoc quoque, quod de Johanne dixerat, non præterisse.

34. Sed Christus divortium prohibet, dicens: *Qui dimiserit uxorem suam & aliam duxerit, adulterium committit. Qui dimissam a viro duxerit, aque adulter est*: ut sic quoque prohibeat divortium, illicitum facit repudiatae matrimonium. Moyse vero permittit repudium in Deuteronomio: Si sumserit quis uxorem, & habitaverit cum ea, & evenerit non invenire eam apud eum gratiam, eo quod inventum sit in illa impudicum negotium: scribet libellum repudii, & dabit in manu ejus, & dimittet illam de domo sua. Vides diversitatem legis & evangelii, Moyse & Christi? Plane: non enim recepisti illud quoque *Evangelium ejusdem veritatis*, & ejusdem Christi, in quo prohibens divortium, propriam quæstionem ejus absolvit: Moyse propter duritiam cordis vestri præcepit libellum repudii dare: a primordio autem non fuit sic: quia scilicet, qui marem & fœminam fecerat, erunt duo, tulerat, in carne una. Quod Deus itaque junxit, homo disjunxerit? Hoc enim responso, & Moyse constitutionem protexit, ut sui: & creatoris institutionem direxit, ut Christus ipsius. Sed quatenus ex his re-  
vincen-



vincendus es, quæ recepisti; sic tibi occurram, ac si meus Christus. Nonne & ipse prohibens divortium, & patrem tamen gestans eum, qui matrem & foeminam junxit, excusaverit potius quam destruxerit Moyfi constitutionem? Sed ecce sic tuus sit iste Christus, contrarium docens Moyfi, & creatori: ut si non contrarium ostendero, meus sit. Dico enim, illum conditionaliter nunc fecisse divortii prohibitionem, si ideo quis dimittat uxorem & aliam ducat. Qui dimiserit, inquit, uxorem, & aliam duxerit, adulterium commisit. Et qui a marito dimissam duxerit, æque adulter est, ex eadem utique causa dimissam, qua non licet dimitti, ut alia ducatur: illicite enim dimissam pro indimissa ducens; adulter est. Manet enim matrimonium, quod non rite diremptum est. Manente matrimonio, nubere adulterium est. Ita si conditionaliter prohibuit dimittere uxorem, non in totum prohibuit. Et quod non prohibuit in totum, permisit. Alias ubi causa cessat, ob quam prohibuit: etiam contrarium Moyfi docet, cujus præceptum alitubi conservat. Nondum dico confirmat: aut si omnino negas permitti divortium a Christo, quomodo tu nuptias dirimis, nec jungens marem & foeminam; nec alibi conjunctos *ad sacramentum baptismatis & eucharistia* admittens, nisi inter se conjuraverint, adversus fructum nuptiarum, ut adversus ipsam creatorem. Certe quid facit apud te maritus, si uxor eius commiserit adulterium? Habebit ne illam? Sed nec tuum Apostolum sinere conjungi prostitutæ, membra Christi. Habet itaque & Christum assertorem justitia divortii. Jam hinc confirmatur ab illo Moyses, ex eodem titulo prohibens repudium, quo & Christus, si inventum fuerit in muliere negotium impudicum. Nam & in Evangelio Matthæi: Qui dimiserit, inquit, uxorem suam, præter causam adulterii, facit eam adulterari, atque adulter censetur & ille, qui dimissam

missam a viro duxerit. Cæterum præter, ex causa adulterii, nec creator disjungit, quod ipse scilicet conjunxit; eodem alibi Moyse constituyente, eum, qui ex compressione matrimonium fecerat, non posse dimittere uxorem in omne tempus. Quod si ex violentia coactum matrimonium stabit, quanto magis ex convenientia voluntarium? Sicut & prophetæ autoritate, uxorem juventutis tuæ non dimittes. Habes itaque Christum ultro vestigia ubique creatoris inuentem, tam in permittendo repudio, quam in prohibendo. Habes etiam nuptiarum, quoquo velis latere, prospectorem, quas nec separari vult, prohibendo repudium; nec cum macula haberi tunc, permittendo divortium. Erubescere, non coniungens, quos tuus quoque Christus conjunxit. Erubescere, etiam disjungens, sine eo merito, quo disjungi voluit & tuus Christus. Debeo nunc & illud ostendere, unde hanc sententiam deduxerit dominus, quodve direxerit. Ita enim plenius constabit, eum non ad Moysen destruendum spectasse, per repudii propositionem subito interpositam: quia nec subito interposita est, habens radicem ex eadem Johannis mentione. Johannes enim retundens Herodem, quod adversus legem uxorem fratris sui defuncti duxisset, habentis filiam ex illa, non alias hoc permittente, imo & præcipiente lege: quam si frater illiberis decesserit, ut a fratre ipse & ex costa ipsius suppararetur semen illi, coniectus in carcerem fuerat ab eodem postmodum & occisus. Facta igitur mentione Johannis dominus, & utique successus exitus ejus, illicitorum matrimoniorum & adulteri figura jaculatus est in Herodem, adulterum pronuntians, etiam qui dimissam a viro duxerit: quo magis impietatem Herodis oneraret: qui non minus morte quam repudio dimissam a viro duxerat; & hoc, fratre habente ex illa filiam, & vel eo nomine illicite ex libidinis, non ex legis instinctu: ac propterea pro-

propheten quoque assertorem legis occiderat. Hoc mihi differuisse proficiet, etiam ad subsequens argumentum *divitis apud inferos dolentis, & pauperis in sinu Abrahæ requiescentis*. Nam & illud quantum ad scripturæ superficiem, subito propositum est, quantum ad intentionem sensus, & ipsum cohæret mentioni Johannis male tractati, & fuggillati Herodis male meritati, utriusque exitum deformans, Herodis tormenta, & Johannis refrigeria, ut jam audiret Herodes: *Habent illic Moysen & prophetas, illos audiant*. Sed Marcion aliorum cogit; scilicet ut utramque mercedem creatoris, sive tormenti, sive refrigerii apud inferos, determinet eis positam, qui legi & prophetis obedierint; Christi vero & Dei sui cœlestem definiat sinum & portum. Respondebimus, & hac ipsa scriptura revincente oculos ejus, quæ *ad inferos discernit Abrahæ sinum pauperi*. Aliud enim inferi, ut puto, aliud quoque Abrahæ sinus. Nam & *magnum ait intercidere regiones istas profundum, & transitum utrimque prohibere*. Sed nec *allevasset dives oculos & quidem de longinquo*, nisi in superiora, & de altitudinis longinquo, per immensam illam distantiam sublimitatis & profunditatis. Unde apparet sapienti cuique, qui aliquando Elysios audierit, esse aliquam localem determinationem, quæ sinus dicta sit Abrahæ ad recipiendas animas filiorum ejus, etiam ex nationibus; patris scilicet multarum nationum in Abrahæ censum deputandarum, & ex eadem fide, qua & Abraham Deo credidit, nullo sub jugo legis, nec in signo circumcisionis. Eam itaque regionem, sinum dico Abrahæ, etsi non cœlestem sublimiorem tamen inferis, interim refrigerium, præbituram animabus justorum, donec consummatio rerum, resurrectionem omnium, plenitudine mercedis expungat: tunc apparitura cœlesti promissione, quam Marcion suo vendicat, quasi non a creatore promulgatam. Ad quam ascensum suum Christus ædificat in

cælum, secundum Amos: utique suis, ubi est & locus æternus, de quo Esaias: Quis annuntiabit vobis locum æternum, nisi scilicet Christus incedens in iustitia, loquens viam rectam, odio habens injustitiam & iniquitatem? Quod si æternus locus repromittitur, & ascensus in cælum ædificatur a creatore, promittente etiam semen Abrahæ velut stellas cæli futurum, utique ob cælestem promissionem: salva ea promissione, cur non capiat finem Abrahæ dici, temporale aliquod animarum fidelium receptaculum, in quo jam deliniatur futuri imago, ac candida quædam utriusque iudicii prospiciatur. Admonens quoque vos hæreticos, dum in vita estis, Moysem & prophetas unum Deum prædicantes creatorem, & unum Christum prædicantes ejus, & utrumque iudicium pænæ & salutis æternæ apud unicum Deum positum, qui occidat & vivificet. Imo, inquit, nostri Dei monela de cælo, non Moysem & prophetas iussit audiri, sed Christum: hunc audite. Merito. Tunc enim Apostoli satis jam audierant Moysem & prophetas, qui secuti erant Christum, credendo Moyse & prophetis. Nec enim accepisset Petrus dicere: Tu es Christus, antequam audisset & credidisset Moyse & prophetis, a quibus solis adhuc Christus annuntiabatur. Hæc igitur fides eorum mœruerat, ut etiam voce cælesti confirmaretur, iubente illum audiri, quem agnoverant evangelizantem pacem, evangelizantem bona, annuntiantem locum æternum, ædificantem illis ascensum suum in cælum. Apud inferos autem de eis dictum est: Habent illic Moysem & prophetas, audiant illos: qui non credebant, vel qui nec omnino sic credebant, esse post mortem superbix divitiarum, & gloriæ delictiarum, supplicia annunciata a Moyse & prophetis: decreta autem ab eo Deo, qui de thronis deponit dynastas, & de sterquiliniis elevat inopes. Ita cum utrinque pronuntia-

tionis

tionis diversitas competat creatori, non erit divinitatum statuenda distantia, sed ipsarum materialium.

35. Conversus ibidem ad discipulos, *Va dicit auctori scandalorum, expe lisse ei si natus non fuisset, aut si molino saxo ad collum deligato præcipitatus esset in profundum, quam unum ex illis modis utique discipulis ejus scandalizasset.* Aestima quale supplicium comminetur illi. Nec enim alius ulciscetur scandalum discipulorum ejus. Agnosce igitur & judicem, & illo affectu pronuntiantem de cura suorū, quo & creator retro: Qui tetigerit vos, ac si pupillam oculi mei tangat. Idem sensus ejusdem est: *Peccantem fratrem jubet corripi:* quod qui non fecerit, utique deliquit, aut ex odio volens fratrem in delicto perseverare, aut ex acceptione personæ, parcens ei: habens Leviticum: Non odies fratrem tuum in animo tuo. Traductione non traduces proximum tuum, utique & fratrem, & non fumes propter illum delictum. Nec mirum si ita docet, qui pecora quoque fratris tui, si errantia in via inveneris, prohibet despicias: quo minus ea reducas fratri, nedum ipsum sibi. Sed *U veniam des fratri in te delinquenti, jubet etiam septies.* Parum plane. Plus est enim apud creatorem, qui nec modum statuit, in infinitum pronuntians, Fratris malitiæ memor ne sis, nec petenti eam præstes mandat, sed & non petenti. Non enim donec offensam vult, sed obliviscaris. Lex leprosorū quantæ sit interpretationis erga species ipsius vitii, & inspectionis summi sacerdotis, nostrum erit scire; Marcionis, morositatem legis opponere, ut & hic Christum æmulum ejus affirmet, prævenientem solemnia legis etiam in curatione decem leprosorū, quos tantummodo ire jussus, ut se ostenderent sacerdotibus, in timere purgavit, sine tactu jam & sine verbo tacita potestate, & sola voluntate: quasi necesse sit semel re-mediatore languorum & vitiorum annuntiato Christo, & de effectibus probato, de qualitatibus curationum

retractari: aut creatorem in Christo ad legem provocari: si quid aliter quam lege distinxit, ipse perfecit: cum aliter utique dominus per semetipsum operetur, sive per filium, aliter per prophetas, famulos suos, maximæ documenta virtutis & potestatis, quæ ut clariora & validiora qua propria, distare a vicariis fas est. Sed ejusmodi & alibi jam dicta sunt in documento superiore. Nunc etsi præfatus est, multos tunc fuisse leprosos apud Israël, in diebus Helisæi, prophetæ, & neminem eorum purgatum nisi Neeman Syrum: non utique & numerus faciet ad differentiam. Deorum, in destructionem creatoris, unum remediantis, & prælationem ejus, qui decem emundavit: Quis enim dubitabit plures potuisse curari ab eo, qui unum curasset, quam ab illo decem, qui nunquam retro unum? Sed hac cum maxime pronuntiatione diffidentiam Israël vel superbiam pulsat: quod cum multi essent illic leprosi, & propheta non deesset, etiam edito documento, nemo decucurrisset ad Deum operantem in prophetis. Igitur quoniam ipse erat authenticus pontifex Dei patris, inspexit illos secundum legis arcanum, significantis Christum esse verum, disceptatorem & elimatorem humanarum macularum. Sed & quod in manifesto fuit legis, præcepit: *Ite ostendite vos sacerdotibus.* Cur, si illos ante erat emundaturus? An quasi legis illusor, ut in itinere curatis ostenderet, nihil esse legem cum ipsis sacerdotibus? Et utique: viderit si cui tam opiniosus videbitur Christus. Imo digniora sunt interpretanda, & fidei iustiora. Ideo illos remediatis, qua secundum legem jussi abire ad sacerdotes obaudierant: neque enim credibile est emeruisse medicinam, a destructore legis, observatores legis. Sed cur pristino leproso nihil tale præcepit? Quia nec Helisæus Syro Neeman: & tamen non idcirco non erat creatoris. Satis respondi, sed qui credidit, intelligit etiam altius aliquid. Disce  
igitur

igitur & causas. In *Samaría regionibus* res agebatur, unde erat & *unus interim ex leprosis*. Samaria autem desciverat ab Israele, habens schisma illud ex novem tribubus, quas avulsas per Achiam prophetam, collocaverat apud Samariam Hieroboam. Sed & alias semper sibi placentes erant Samaritani de montibus & puteis patrum: sicut in Evangelio Johannis Samaritana illa in colloquio domini apud puteum, Ne tu major sis, & cætera. Et rursus: Patres nostri in isto monte adoraverunt, & vos dicitis, quia Hierosolymis oportet adorare. Itaque qui & per Esaïam: Væ dixerit eis, qui confident in monte Samariæ, jam & ipsum restituere dignatus, de industria, jubet ostendere se sacerdotibus; utique, qui non erant, nisi ubi & templum; subjiciens Samaritam Judæo, quoniam ex Judæis salus, licet Israelitæ & Samaritæ: tota enim promissio tribui Judæ Christus fuit; ut scirent, Hierosolymis esse & sacerdotes & templum, & matricem religionis, & fontem, non puteum salutis. Et ideo ut vidit agnovisse legem illos Hierosolymis expungendam, ex fide jam justificandos, sine legis ordine, remediavit. Unde & unum illum solum ex decem, memorem divinæ gratiæ, Samariten, miratus: non mandat offerre munus ex lege, quia satis jam obtulerat, *gloriam Deo reddens*: hoc & domino volente interpretari legem. Et tamen cui Deo gratiam reddidit Samarites, quando nec Israelites alium Deum usque adhuc didicisset? Cui alii, quam cui omnes remediati retro a Christo? Ideo *fides tua te salvum fecit*, audiit: quia intellexerat veram se Deo omnipotenti oblationem, gratiarum scilicet actionem, apud verum templum & verum pontificem ejus, Christum, facere debere. Sed nec pharisæi possunt videri de alterius *Dei regno consuluisse dominum, quando venturum sit*, quam diu alius a Christo editus Deus non erat: nec ille de alterius regno respondisse, quam de

cujus consulebatur. *Non venit, inquit, regnum Dei cum observatione, nec dicunt: Ecce hic, ecce illic. Ecce enim regnum Dei intra vos est, quis non ita interpretabitur, intra vos est, id est, in manu, in potestate vestra: si audiat, si faciat Dei præceptum? Quod si in præcepto est Dei regnum, propone igitur contra, secundum nostras antitheses, Moysen, & una sententia est. Præceptum, inquit, excelsum non est, nec longe a te. Non est in cælo, ut dicas, quis ascendit in cælum, & deponit nobis illud, & auditum illud faciemus. Nec ultra mare est, ut dicas, quis transfretabit & sumet illud nobis, & auditum illud faciemus. Prope te est verbum, in ore tuo, & in corde tuo, & in manibus tuis facere illud. Hoc erit, non hic, nec illic: ecce enim intra vos est regnum Dei. Et ne argumentetur audacia hæretica, de regno creatoris, de quo consulebatur, non de suo respondisse eis dominum: sequentia obsistunt, *dicens enim filium hominis ante multa pati, & reprobari oportere, ante adventum suum, in quo & regnum substantialiter revelabitur, suum ostendit & regnum, de quo responderat, quod passiones & reprobationes ipsius expectabat. Reprobari autem habens & postea agnosci, & assumi, & extolli, etiam ipsum verbum reprobari, inde deeerpsit, ubi in lapidis ænigmate utraque revelatio ejus apud David canebatur. Prima recusabilis, secunda honorabilis. Lapis inquit, quem reprobaverunt ædificantes, iste factus est in caput anguli. A domino factum est hoc. Vanum enim, si credidimus Deum, de contumelia aut gloria scilicet alicujus, prædicasse: non ut eum portenderet, quem & in lapidis & in petrae & in montis figura portenderat. Sed si de suo loquitur adventu, cur eum diebus Noe & Loth comparat tetrīs & atrocibus, Deus & lenis & mitis? Cur admonet meminisse uxoris Loth, quæ præceptum creatoris non impune contempsit, si non cum judicio venit**



venit vindicandorum præceptorum suorum? Etiam si vindicat, ut & ille, si judicat me, non debuit per ejus documenta formare, quem destruit, ne ille me formare videatur. Si vero & hic non de suo loquitur adventu, sed de Judæi Christi: expectemus etiam nunc, ne quid de suo prædicet, illum interim esse credentes, quem omni loco prædicat.

36. Nam & *orandi perseverantiam & instantiam mandans*, *parabolam* judicis ponit, *coacti* audire *viduam*, *instantia & perseverantia interpellationum* ejus. Ergo judicem Deum ostendit orandum, non se, si non ipse est judex: sed subjunxit, *facturum Deum vindictam electorum suorum*. Si ergo ipse erit judex, qui & vindex: creatorem ergo meliorem Deum probavit, quem electorum suorum *clamantium ad eum die & nocte* vindicem ostendit. Et tamen cum templum creatoris *inducit*, & *duos adorantes* diversa mente describit, *Pharisæum in superbia*, *publicanum in humilitate*; *ideoque alterum reprobatum*, *alterum justificatum descendisse*: utique docendo, qua disciplina sit orandum, eum & hic orandum constituit, a quo relaturi essent eam orandi disciplinam, sive reprobatricem superbiæ, sive justificatricem humilitatis. Alterius Dei nec templum, nec oratores, nec judicium invenio penes Christum, nisi creatoris. Illum jubet adorare in humilitate, ut *allevatorem humilium*: non in superbia, ut *destructorem superbiorum*. Quem alium adorandum mihi ostendit, qua disciplina, qua spe? Neminem opinor. Nam & quam docuit orationem, creatori probavimus convenire. Aliud est, si etiam adorari, qua Deus optimus & ultro bonus, non vult. Sed *quis optimus, nisi unus, inquit, Deus?* Non quasi ex duobus Diis unum optimum ostenderit, sed unum esse optimum Deum solum, qui sic unus sit optimus, qua solus Deus. Et utique optimus, qui pluit super justos & injustos, & solem suum ortui facit super bonos & malos: sustinens

& alens & juvans etiam Marcionitas. Denique *interrogatus ab illo quodam, praeceptor optime, quid faciens vitam aeternam possidebo: de praeceptis creatoris an ea sciret, id est, faceret, exposulavit: ad contestandum, praeceptis creatoris vitam acquiri sempiternam. Cumque ille principatiora quaque affirmasset observasse se ab adolescentia, unum, inquit, tibi deest. Omnia, quaecumque habes, vende, & da pauperibus, & habebis thesaurum in caelo, & veni sequere me. Age Marcion, omnesque jam commiserares & coedibiles ejus haeretici, quid audebitis dicere? Reseiditne Christus priora praecepta, non occidendi, non adulterandi, non furandi, non falsum testandi, diligendi patrem & matrem? An & illa fervavit, & quod deerat adjecit? Quanquam & hoc praeceptum largitionis in egenos ubique diffusum sit in lege & prophetis, uti gloriosissimus ille observator praeceptorum, pecuniam multo cariorum habiturus traducere-tur. Salvum est igitur & hoc in Evangelio: Non veni dissolvere legem & prophetas, sed potius adimplere. Simul & cetera dubitatione liberavit, manifestando unius esse & Dei nomen & optimi, & vitam aeternam & thesaurum in caelo, & semetipsum, cujus praecepta supplendo & conservavit & auxit: secundum Michæam quoque hoc loco recognoscendus, dicentem: Si annuntiavit tibi homo, quid bonum? Aut quid a te dominus exquirat, quam facere judicium, diligere misericordiam, & paratum esse sequi dominum Deum tuum? Et homo enim Christus annuntians, quid sit bonum, scientiam legis, praecepta, inquit, facis? facere judicium. Vende inquit, quae habes: dilige misericordiam, & da, inquit, egenis. Paratum se, inquit, ira, cum domino, & Veni, inquit, sequere me. Tam distincta fuit a primordio Judæa gens per tribus & populos & familias, & domos, ut nemo facile ignorari de genere potuisset, vel de recentibus Augustianis censibus adhuc, tunc fortasse pendentibus;*

bus; Jesus autem Marcionis & natus non dubitaretur, qui homo videbatur: utique qua non natus, nullam potuerat generis sui in publico habuisse notitiam; sed erat unus aliquis deputandus ex iis, qui quoquo modo ignoti habebantur. *Cum igitur prateerentem illum cæcus audisset, cur exclamavit, Jesu, fili David, miserere mei: nisi quia filius David, id est, ex familia David, non temere deputabatur, per matrem & fratres, qui aliquando, ex notitia utique, annuntiati ei fuerant? Sed antecedentes increpabant cæcum, uti taceret.* Merito, quoniam quidem vociferabatur, non quia de David filio mentiebatur. Aut doce increpantes illos scisse, quod Jesus non esset filius David: ut idcirco silentium cæco indixisse credantur. Sed etsi doceres, facilius illos ignorasse præsumeretur, quam dominum falsam in se prædicationem sustinere potuisse. Sed patiens dominus; non tamen confirmator erroris, imo etiam detector creatoris: ut non prius hanc cæcitatem hominis illius enubilasset, ne ultra Jesum filium David existimaret. Atqui ne patientiam ejus infamaretis, nec ullam rationem dissimulationis illi affingeretis, ne filium David negaretis: manifestissime confirmavit cæci prædicationem, & ipsa remuneratione medicinæ, & testimonio fidei. *Fides, inquit, tua te saluum fecit.* Quid vis cæcum credidisse? Ab illo Deo descendisse Jesum ad detectionem creatoris, ad destructionem legis & prophetarum, non illum esse, qui ex radice Jesse, & ex fructu lumborum David destinabatur, cæcorum quoque remunerator. Sed nondum puto ejusmodi tunc cæci erant, qualis Marcion, ut hæc fuerit cæci illius fides, qua crediderit in voce, Jesu fili David: qui hoc se & cognovit, & cognosci ab omnibus voluit. Fidem hominis etsi melius oculatam, etsi veri luminis compotem, exteriore quoque visione donavit, ut & nos regulam simulque mercedem fidei disceremus: Qui vult videre Jesum David filium,

credat per virginis censum. Qui non ita credet, non audiet ab illo; Fides tua te saluum fecit. Atque ita cæcus remanebit ruens in antithesim, ruentem & ipsam antithesim. Sic enim cæcus cæcum deducere solet. Nam si aliquando Davidem in recuperatione Sionis offenderant cæci resistentes, quo minus admitteretur, in figuram populi proinde cæci, non admissuri quandoque Christum filium David: ideo Christus ex diverso cæco subvenit, ut hinc se ostenderet non esse filium David, & ex animi diversitate bonus cæcis, quos ille iusserat cædi. Et cur fidei, & quidem pravæ præstitisse se dixit? Atquin & hoc filius David, antithesim de suo retundendam. Nam & qui David offenderant, cæci. Nunc vero ejusdem carnis homo supplicem se obtulerat filio David, idcirco ei satisfaciendi quodammodo placatus filius David, restituit lumina; cum testimonio fidei, qua hoc ipsum crediderat, exorandum sibi esse filium David: & tamen David audacia hominum, puto, offenderat, non valetudo.

37. Consequitur & *Zachai domus salutem*. Quo merito? Nunquid vel ille crediderat Christum a Marcione venisse? Atquin adhuc in auribus erat omnium vox illa cæci, Misere mei Jesu fili David: & *omnis populus laudes referebat Deo*: non Marcionis, sed David. Enimvero Zachæus etsi allophylus, fortasse tamen aliqua notitia scripturarum ex commercio judaico afflatus: plus est autem, & ignorans Esaiam, præcepta ejus impleverat. Confringito, inquit, panem tuum esurienti: & non habentes tectum, in domum tuam inducito. Hoc cum maxime agebat, *exceptum domo sua pascens dominum*. Et nudum si videris, contegito, Hoc cum maxime promittebat, in omnia misericordiæ opera *dimidium substantiæ offerens*; dissolvens violentiorum contractuum obnoxiiis, & dimittens conflictatos in laxamentum, & omnem conscriptionem.

tionem iniquam dissipans, dicendo: *est qui quid per calamitatem eripui, quadruplum reddo. Itaque dominus: Hodie, inquit, salus huic domui.* Testimonium dixit, salutaria esse, quæ præceperat prophetae creatoris. Cum vero dicit, *Venit enim filius hominis saluum facere quod perierat.* Jam non contendo eum venisse, ut saluum faceret, quod perierat, cujus fuerat, & cui perierat, quod saluum venerat facere: sed in alterius quæstionis gradum dirigo. De homine agi nulla dubitatio est; hic, cum ex duabus substantiis constet, ex corpore & anima: quærendum est, ex qua substantiæ specie periisse videatur. Si ex corpore, ergo corpus perierat, anima non. Quod perierat, saluum facit filius hominis: habet igitur & caro salutem. Si & anima perierat, animæ perditio saluti destinatur: caro quæ non periit, salva est. Si totus homo perierat ex utraque substantia: totus homo saluus fiat, necesse est; & elisa est sententia hæreticorum negantium carnis salutem. Jam & Christus creatoris confirmatur, qui secundum creatorem totius hominis salutem pollicebatur. *Servorum quoque parabola, qui secundum rationem fœnerata pecunia dominica dijudicatur, judicem ostendit Deum, etiam ex patre severitatis: non tantum honorantem, verum & auferentem, quod quis videatur habuisse.* Aut si & hic creatorem finxerit austerum, tollentem quod non posuerit, & mentem quod non severit: hic quoque me ille instruit, cujus pecuniam ut fœnorem edocet.

38. Sciebat Christus *baptisma Johannis unde esset, & cur quasi nesciens interrogabat?* Sciebat non responsuros sibi pharisæos, & cur frustra interrogabat? An ut ex ore ipsorum judicaret illos, vel ex corde? Refer ergo & hæc ad excusationem creatoris, & ad comparisonem Christi: & considera jam, quid secuturum esset, si quid pharisæi ad interrogationem renuntiassent. Puta illos *renuntiassent humanum Johannis baptisma:*

*me: statim lapidibus elisi fuissent.* Existeret aliquis Marcion adversus Marcionem qui diceret: O Deum optimum, o Deum diversum a creatoris exemplis! Sciens præceptis ituros homines, ipse illos in præruptum imposuit. Sic enim & de creatore in arboris lege tractatur. *Sed de cælis fuit baptisma Johannis. Es quare, inquit Christus, non credidistis ei?* Ergo, qui credi voluerat Johanni, increpaturus quod non credidissent: ejus erat, cujus sacramentum Johannes administrabat. Certe nolentibus renuntiare quid saperent, cum & ipse vicem opponit: *& ego non dico vobis, in qua virtute hæc facio, malum malo reddidit. Reddite qua Cæsaris Cæsari, & qua sunt Dei Deo.* Quæ erunt Dei? Quæ similia sunt denario Cæsaris, imago scilicet & similitudo ejus. Hominem igitur reddi jubet creatori, in cujus imagine & similitudine & nomine & materia expressus est. Quærat sibi monetam Deus Marcionis; Christus denarium hominis suo Cæsari jubet reddi, non alieno: nisi quod necesse est, qui suum denarium non habet. Justa & digna præscriptio est in omni quæstione, ad propositum interrogationis pertinere debere sensum responsionis. Cæterum aliud consulenti, aliud respondere dementis est. Quo magis absit a Christo, quod ne homini quidem convenit. *Sadducaei resurrectionis negatores, de ea habentes interrogationem, proposuerant domino ex lege materiam mulieris, qua septem fratribus ex ordine defunctis, secundum præceptum legale nupisset, cujus viri deputanda esset in resurrectione.* Hæc fuit materia quæstionis, hæc substantia consultationis. Ad hoc respondisse Christum necesse est. Neminem timuit, ut quæstiones aut declinasse videatur: aut per occasionem earum, quod alias palam non docebat subostendisse. *Respondit igitur. Hujus quidem avi filios nubere.* Vides quam pertinenter ad causam. Quia de ævo venturo quærebat, in quo neminem nubere definiturus præstruxit: hic quidem nubi,

nubi, ubi sit & mori. *Quos vero dignatus sit Deus illius ævi possessione & resurrectione a mortuis, neque nubere, neque nubi, quia nec morituri jam sint, cum similes angelorum flant, Dei & resurrectionis filii facti.* Cum igitur sensus responsionis non ad aliud sit dirigendus, quam ad propositum interrogationis: si hoc sensu responsionis propositum absolvitur interrogationis: non aliud responsio domini sapit, quam quo quæstio absolvitur. Habes & tempora permissarum & negatarum nuptiarum, non ex sua propria, sed ex resurrectionis quæstione. Habes & ipsius resurrectionis confirmationem, & totum quod Sadducæi sciscitabantur, non de alio Deo interrogantes, nec de proprio nuptiarum jure quærentes. Quod si ad ea facis respondere Christum, de quibus non est consultus, negas eum, de quibus interrogatus est, respondere potuisse, Sadducæorum scilicet sapientia captum. Ex abundanti nunc & post præscriptionem retractabo ad versus argumentationes cohærentes. Nacti enim scripturæ textum, ita in legendo decucurrerunt: quos autem dignatus est, Deus illius ævi ideo adjungunt, quo alium Deum faciant illius ævi. Cum sic legi oporteat: *Quos autem dignatus est Deus;* ut facta hic distinctione, post Deum, ad sequentia pertineat *illius ævi:* id est, quos dignatus sit Deus, illius ævi possessione & resurrectione. Non enim de Deo, sed de statu illius ævi consulebatur, cujus uxor futura esset, post resurrectionem, in illo ævo. Sic & de ipsis nuptiis responsum subvertunt: ut, filii hujus ævi nubunt, & nubuntur, de hominibus dictum sit creatoris, nuptias permittentis: se autem, quos Deus illius ævi, alter scilicet, dignatus sit resurrectione, jam & hic non nubere: quia non sint filii hujus ævi, quando de nuptiis illius ævi consultus, non de hujus, eas negaverat, de quibus consulebatur. Itaque qui ipsam vim & vocis & pronuntiationis & distinctionis exceperant:

nihil

nihil aliud senserunt, quam quod ad materiam consultationis pertinebat. Atque adeo *scriba*, *Magister*, *inquunt*, *bene dixisti*. Confirmaverat enim resurrectionem, formam ejus edendo adversus Sadducæorum opinionem. Denique testimonium eorum, qui ita eum respondisse præsumserant, non recusavit. *Si autem scriba Christum filium David existimabant, ipse autem David dominum eum appellat*, quid hoc ad Christum? Non David errorem scribarum obtundebat, sed honorem Christo David procurabat: quem dominum Christum magis, quam filium David, confirmabat? Quod non congrueret destructori creatoris. At ex nostra parte quam conveniens interpretatio! Nam, qui olim a cæco illo filius David fuerat invocatus, quod tunc reticuit, non habens in præsentia scribas, nunc ultro coram eis de industria protulit; ut se, quem cæcus secundum scribarum doctrinam, filium tantum David prædicarat, dominum quoque ejus ostenderet, remunerata quidem fide cæci, qua filium David crediderat illum: pulsata vero traditione scribarum, qua non & dominum eum norant: quodcumque ad gloriam spectaret Christi creatoris, sic non alius tueretur, quam Christus creatoris.

39. Olim constitit de nominum proprietate, ei illam competere, qui prior & Christum suum in homines annuntiaret, & Jesum transnominaret. Constabit itaque & de impudentia ejus, *qui multos dicat venturos in nomine ipsius*: quod non sit ipsius, si non Christus & Jesus creatoris est, ad quem proprietates nominum pertinet; amplius, & *prohibeat eos recipi*, quorum & ipse par sit; ut qui proinde in nomine venit alieno, si non ipsius erat, a mendacio nominis prævenire discipulos, qui per proprietatem nominis possidebat veritatem ejus. *Veniens denique illi, dicentis: Ego sum Christus*. Recipies eos, qui consimilem recepisti. Et hic enim in nomine suo venit. Quid

• nunc



nunc, quod & ipse veniet nominum dominus Iesus creatoris? Rejicies illum? Et quam iniquum, quam injustum, & optimo Deo indignum, ut non recipias eum, in nomine suo venientem, qui alium in nomine ejus recepisti! Videamus & quæ signa temporibus imponat. *Bella opinor & regnum super regnum, & gentem super gentem, & pestem, & fames terræque motus, & formidines, & prodigia de cælo: quæ omnia severo & atroci Deo congruunt. Hac cum adjicit etiam oportere fieri, quem se præstat, destructorem, an probatorem creatoris? Cujus dispositiones confirmat impleri oportere, quas ut optimus tam tristes, quam atroces abstulisset potius, quam constituisset, si non ipsius fuissent. Ante hac autem persecutiones eis prædicat, & passiones venturas, in martyrium, utique & in salutem: accipe prædicatum in Zacharia: Dominus, inquit, omnipotens proteget eos & confument illos, & lapidabunt lapidibus fundæ, & bibent sanguinem illorum velut vinum, & replebunt pateras quasi altaris: & salvos eos faciet dominus illo die, velut oves, populum suum, qui lapides sancti volutant. Et ne putes hæc in passiones prædicari, quæ illos tot bellorum nomine ab Allophylis manebant, respice ad species. Nemo in prædicatione bellorum legitimis armis debellandorum, lapidationem enumerat popularibus cœtibus magis & inermi tumultui familiarem. Nemo tanta in bello sanguinis flumina paterarum capacitate metitur, aut unius altaris cruentatione adæquat. Nemo oves appellat eos, qui in bello armati & ipsi eadem feritate certantes, cadunt, sed qui in sua proprietate atque patientia dedentes potius semetipsos, quam vindicantes trucidantur. Denique qui lapides, inquit, sancti volutant: non quia milites pugnant. Lapidēs enim sunt & fundamenta, super quæ nos ædificamur, extructi secundum Paulum, super fundamentum Apostolorum, qui lapides sancti*  
oppo-

oppositi omnium offensui volutabant. *Et hic igitur ipse vetat cogitari, quid responderi oporteat apud tribunal, qui & Balæ, quod non cogitaverat, imo contra quam cogitaverat, suggessit: & Moyfi causato lingue tarditatem os repromisit: & sapientiam ipsam, cui nemo resisteret, per Esaiam demonstravit. Hic dicet, ego Dei sum, & clamabit in nomine Jacob, & alius inscribetur in nomine Israël. Quid enim sapientius & incontradicibilis confessione simplici & exserta in martyris nomine cum Deo invalescentis: quod est interpretatio Israël. Nec mirum, si is cohibuit præcogitationem, qui & ipse a patre excepit pronuntiationis tempestive subministrationem. Dominus mihi dat linguam disciplinæ, quando debeam proferré sermonem, nisi Marcion Christum non subiectum patri infert. A proximis quoque persecutiones & nominis ex odio utique blasphemiam predicatam, non debeo rursus ostendere. Sed per tolerantiam, inquit, salvos facietis vosmetipsos, de qua scilicet psalmus, Tolerantia, inquit, iustorum non periet in finem. Quia & alibi. Honorabilis mors iustorum: ex tolerantia sine dubio, quia & Zacharias: Corona autem erit eis qui toleraverint. Sed ne audeas argumentari Apostolos, ut alterius Dei præcones, a Judæis vexatos: memento Prophetas quoque eadem a Judæis passos, tamen non alterius Dei Apostolos fuisse, quam creatoris. Sed monstrato dehinc tempore excidii cum cepisset vallari exercitibus Hierusalem, Signa jam ultimi finis enarrat, solis & luna syderumque prodigia. Et in terra angustias nationum, obstupescantium velut a sonitu maris fluctuantis, præexpectatione imminentium orbi malorum. Quod & ipsæ vires celorum concuti habeant, accipe Joëlem. Et dabo prodigia in cælo, & in terra sanguinem & ignem & fulmi vaporem. Sol convertetur in tenebras & in sanguinem luna, priusquam adveniat dies magnus & illustris domini, Habes & Abacum, Fluminibus disrumpe-*  
tur

tur terra: videbunt te & parturient populi, dispersa  
gens aquas gressu. Dedit abyssus sonum suum: sub-  
limitas timoris ejus elata est: Sol & luna constitit in  
suo ordine, in lucem coruscationis tuæ ibunt in ful-  
gorem, fulgur scutum tuum, in comminatione tua  
diminues terram, Et in indignatione tua depones na-  
tiones. Conveniunt opinor & domini pronuntiatio-  
nes & prophetarum de concussionibus mundi, & or-  
bis elementorum, & nationum. Post hæc quid do-  
minus? *Et tunc videbunt filium hominis venientem de  
cælis cum plurima virtute. Cum autem hæc fieri, erige-  
tis vos, & levabitis capita, quoniam appropinquabit re-  
demptio vestra* In tempore scilicet regni, de quo sub-  
jecta erit ipsa parabola. *Sic & vos cum videritis omnia  
hæc fieri, scitote appropinquasse regnum Dei.* Hic erit  
dies magnus domini & illustris, venientis de cælis fi-  
lii hominis secundum Danielem, Ecce cum cæli nubi-  
bus tanquam filius hominis adveniens &c. Et data est  
illi regia potestas, quam in parabola postulaturus exie-  
rat, relicta pecunia servis, quæ fœneraretur, & uni-  
versæ nationes, quas promiserat ei in psalmo pater.  
Postula de me & dabo tibi gentes hæreditatem tuam,  
Et gloria omnis serviens illi, & potestas ejus æterna,  
quæ non auferetur, & regnum ejus quod non cor-  
rumpetur, quia nec morientur in illo, nec nubent,  
sed erunt sicut angeli. De eodem adventu filii homi-  
nis & fructu ejus apud Abacuc. Existi in salutem po-  
puli tui, ad salvos faciendos Christos tuos; erectu-  
ros scilicet se & capita levaturos in tempore regni,  
redemptus. Igitur cum & hæc, quæ sunt promissio-  
num, proinde convenient sicut & illa, quæ sunt con-  
cussionum ex consonantia propheticarum & dominica-  
rum pronuntiationum, nullam hic poteris interstruere  
distinctionem, ut concussionem quidem referas ad crea-  
torem, sævitiam scilicet Deum, quas nec sinere nedum  
expectare deberet Deus optimus. Promissiones vero

Deo optimo deputēs, quas creator, ignorans illum, non prophetasset. Aut si suas prophetavit, non distantes a promissionibus Christi, par erit in libertate optimo Deo: nec plus videbitur a Christo tuo repro-mitti, quam a meo filio hominis. Ipsum decursum scripturæ evangelicæ ab *interrogatione discipulorum usque ad parabolam fici*, ita invenies contextu sensus, filio hominis hinc atque illinc adhærere: ut in illum conpingat, & tristitia & læta, & concussiones, & promissiones: nec possis separare ab illo alteram partem. Unius enim filii hominis adventu constituto inter duos exitus, concussionum & promissionum, necesse est ad unum pertineant filium hominis, & incommoda nationum, & vota sanctorum, qui ita positus est in medio, ut communis exitibus ambobus, alterum concludens adventu suo, id est incommoda nationum, alterum incipiens, id est vota sanctorum: ut siue mei Christi concefferis adventum filii hominis, quo mala imminetia ei deputes, quæ adventum ejus antecedunt, cogaris etiam bona ei adscribere, quæ ab adventu ejus oriuntur, cogaris mala quoque ei deputare, quæ adventum ejus antecedunt. Tam enim mala cohærent adventui filii hominis antecedendo, quam & bona subsequendo. Quære igitur, quem ex duobus Christis constituas in persona unius filii hominis, in quam utraque dispositio referatur. Aut & creatorem optimum, aut & Deum tuum, asperum dedisti natura. In summa, ipsius parabolæ considera exemplum, *aspice ficum & arbores omnes, cum fructum protulerint; intelligunt homines astatem appropinquasse. Sic & vos cum videritis hæc fieri, scitote in proximo esse regnum Dei.* Si enim fructificationes arbuscularum signum æstivo tempori præstant, antecedendo illud; proinde conflictationes orbis signum prænotant regni præcedendo illud. Omne autem signum ejus est, cujus est res, cujus est signum. Et omni rei ab

eo imponitur signum, cujus est res. Ita si conflictationes signa sunt regni, sicut fructificationes æstatis, ergo & regnum creatoris est, cujus conflictationes deputantur, quæ signa sunt regni. Præmiserat, oportere hæc fieri, tam atrocia, tam dira, Deus optimus, certe a prophetis & a lege prædicata, adeo legem & prophetas non destruebat, cum quæ prædicaverant confirmat perfici oportere. Adhuc ingerit *non transiturum cælum ac terram, nisi omnia peragantur.* Quænam ista? Si quæ a creatore sunt, merito sustinebunt elementa domini sui ordinem expungi. Si quæ a Deo optimo, nescio an sustineat cælum & terra perfici, quæ æmulus statuit. Hoc si patietur creator, zelotes Deus non est. Transeat age nunc terra & cælum. Sic enim dominus eorum destinavit, dum verbum ejus maneat in ævum. Sic enim & Esaias prænuntiavit. *Admoneamur & discipuli, ne quando graventur corda eorum crapula & ebrietate & secularibus curis, & insistat eis repentinus dies ille velut laqueus; utique oblitis Deum ex plenitudine & cogitatione mundi.* Moyfi erit admonitio. Adeo is liberabit a laqueo diei illius, qui hanc admonitionem retro intulit. Erant & loca alia apud Hierusalem ad docendum, erant & extra Hierusalem ad secedendum. Sed enim *per diem in templo docebat*, ut qui per Osee prædixerat, in templo meo me invenerunt, & illic disputatum est ad eos: *ad noctem vero in elæonem secedebat.* Sic enim Zacharias demonstrarat. Et stabunt pedes ejus in monte elæone. Erant horæ quoque auditorio competentes. Diluculo conveniendum erat, quia per Esaiam cum dixisset dominus, dat mihi linguam disciplinæ, adiecit, apposuit mihi mane aurem ad audiendum. Si hoc est prophetias dissolvere, quid erit adimplere?

40. Proinde scit & quando pati oporteret eum, cujus passionem lex figurat. Nam & tot festis Judæorum *Pascha diem egit.* In hoc enim sacramentum pro-

nuntiarat Moyses, Pascha est domini. Ideo & affectum suum ostendit, *Concupiscentia concupivi Pascha dedere vobiscum ante quam patiar.* O legis destructorem, qui concupierat etiam Pascha servare! Nimirum vervecina illum Judaica delectaret? An ipse erat, qui tanquam ovis ad victimam adduci habens, & tanquam ovis coram tondente, sic os non aperturus, figuram sanguinis sui salutaris implere concupiscebat? Poterat & ab extraneo quolibet *tradi*, ne dicerem & in hoc psalmum expunctum, qui mecum panem edit levabit in me plantam. Poterat & sine præmio tradi. Quanta enim opera traditoris circa eum; qui populum coram offendens, nec tradi magis potuisset quam invadi? Sed hoc alii competisset Christo, non qui prophetias adimplebat. Scriptum est enim, Pro eo quod venumdedere justum. Nam & quantitatem & exitum pretii, postea Juda pœnitente, revocati & in emptionem dati agri figuli, sicut in Evangelio Matthæi continetur, Hieremias præcanit, Et acceperunt triginta argentea, pretium apreciati vel honorati, & dederunt ea in agrum figuli. Professus itaque se concupiscentia concupisse edere pascha ut suum, (indignum enim, ut quid alienum concupisceret Deus) *acceptum panem & distributum discipulis, corpus suum illi fecit, hoc est corpus meum dicendo*; id est figura corporis mei. Figura autem non fuisset, nisi veritatis esset corpus. Cæterum vacua res, quod est phantasma, figuram capere non posset. Aut si propterea panem corpus sibi finxit, quia corporis carebat veritate: ergo panem debuit tradere pro nobis. Faciebat ad vanitatem Marcionis, ut panis crucifigeretur. Cui autem panem corpus suum appellat, & non magis perponem, quem Marcion cordis loco habuit? Non intelligens, veterem fuisse istam figuram corporis Christi, dicentis per Hieremiam: Adversus me cogitaverunt cogitatum, dicentes, *Venite conjicimus lignum*

*in panem ejus*, scilicet crucem in corpus ejus: itaque illuminator antiquitatum quid tunc voluerit significasse panem, satis declaravit, corpus suum vocans panem. Sic & *in calicis mentione testamentum constituens sanguine suo obsignatum*, substantiam corporis confirmavit. Nul-  
 lius enim corporis sanguis potest esse, nisi carnis. Nam & si qua corporis qualitas non carnea opponetur nobis, certe sanguinem nisi carnea non habebit. Ita consistit probatio corporis de testimonio carnis, probatio carnis de testimonio sanguinis. Ut autem & sanguinis veterem figuram in vino recognoscas, aderit Esaias. Quis, inquit, qui advenit ex Edom? Rubor vestimentorum ejus ex Bosor? Sic decorus in stola violenta cum fortitudine? Quare rubra vestimenta tua? Et indumenta sicut de foro torcularis pleno conculcato? Spiritus enim propheticus velut jam contemplabundus dominum ad passionem venientem, carne scilicet vestitum, ut in ea passum, cruentum habitum carnis, in vestimentorum rubore designat, conculcatæ & expressæ vi passionis tamquam in foro torcularis, quia exinde quasi cruentati homines de vini rubore descendant. Multo manifestius Genesis in benedictione Judæ, ex cujus tribu, carnis census Christi processurus, jam tunc Christum in Juda declinabat, Lavabit, inquit, in vino stolam suam, & in sanguine uvæ amictum suum; stolam & amictum carnem demonstrans, & vinum sanguinem. Ita & nunc sanguinem suum in vino consecravit, qui tunc vinum in sanguine figuravit.

41. *Væ ait, per quem traditur filius hominis.* Ergo jam *væ* constat imprecationis & comminationis inclamationem intelligendam, & irato & offenso deputandam, nisi si Judas impune erat tantum sceleris relicturus. Aut si impune, vacat *væ*. Si non impune, utique ab eo puniendus, in quem scelus traditionis admisit. Porro si sciens passus est, hominem, quem

ipse comitatu suo asciverat, in tantum scelus ruere, noli jam de creatore circa Adam retractare, quæ in tuum quoque Deum retorquentur: aut ignorasse illum, qui non ex providentia obstitit peccaturo: aut obsistere non potuisse, si ignorabat: aut noluisse, si & sciebat & poterat: atque ita malitiosum judicandum, qui passus sit hominem suum ex delicto perire. Suadeo igitur agnoscas potius & in isto creatorem, quam parem illi Deum optimum, adversus sententiam tuam facias. Nam & Petrum præsumptorie aliquid elocutum, negationi potius destinando, zelotem Deum tibi ostendit. *Debuit etiam osculo tradi; Propheticus scilicet Christus, ut ejus scilicet filius, qui labiis a populo diligebatur. Perductus in confessum an ipse esset Christus, interrogatur.* De quo Christo Judæi quæfissent nisi de suo? Cur ergo non vel tunc alium eis prodidit? Ut pati posset, inquis, id est ut ille optimus ignorantes adhuc in scelus mergeret. Atquin, & si dixisset, passurus esset. *Si dixero enim, inquit, vobis, non creditis.* Porro non credituri, perseverassent in necem ejus. Et cur non magis passurus esset, si alterius Dei, ac per hoc adversarium creatoris manifestasset? Ergo non ut pateretur, alium se tunc quoque supersedit ostendere; sed quomodo ex ore ejus confessionem extorquere cupiebant, nec confesso tamen credituri, qui eum ex operibus scripturas adimplentibus agnovisse debuerant: ita ejus fuit occultasse se, cui ultro debebatur agnitio. Et tamen adhuc eis manum porrigens, *Abhinc, inquit, erit filius hominis sedens ad dexteram virtutis Dei.* Suggestebat enim se ex Danielis prophetia filium hominis, & e psalmo David, sedentem ad dexteram Dei. Itaque est isto dicto & scripturæ comparatione illuminati, quem se vellet intelligi, *ergo inquirunt, tu Dei filius es?* Cujus Dei, nisi quem solum noverant? Cujus Dei, nisi quem in psalmo meminerant, dixisse filio suo, Sede



Sede ad dexteram meam. Sed respondit, vos dicitis : quasi non ego. Atquin confirmavit id se esse, quod illi dixerant, dum rursus interrogant. Unde autem probabis interrogative, & non ipsos confirmative pronuntiasse, *Ergo tu filius Dei es?* Ut quia oblique ostenderat se per scripturas filium Dei intelligendum, sic senserint, ergo tu Dei es filius, quod te non vis aperte dicere : atque ita & ille, vos dicitis, confirmative respondit : & adeo sic fuit pronuntiatio ejus, ut perseveraverit in eo, quod pronuntiatio faciebat.

42. *Perductum enim illum ad Pilatum onerare ceperunt, quod se regem diceret Christum, sine dubio Dei filium, sessurum ad Dei dexteram. Cæterum alio eum titulo gravassent, incerti an filium Dei se dixisset; si Vos dicitis, sic pronuntiasset, hoc se esse, quod dicerent. Pilato quoque interroganti, tu es Christus? Præinde tu dicis, ne metu potestatis videretur amplius respondisse. Constitutus est igitur dominus in judicio. Et statuit in judicio populum suum. Ipse dominus in judicium venit cum presbyteris & archontibus populi, secundum Esaïam. Atque exinde omne scriptum passionis suæ implevit, Tumultuatæ sunt ibidem nationes, & populi meditati sunt inania. Astiterunt reges terræ, & archontes congregati sunt in unum adversus dominum & adversus Christum ejus. Nationes, Romani, qui cum Pilato fuerant. Populi, tribus Israelis. Reges, in Herode; Archontes, in summis sacerdotibus. Nam & Herodi velut munus a Pilato missus, Osee vocibus fidem reddidit; de Christo enim prophetaverat: & victum eum ducent xenium regi. Delectatus est denique Herodes viso Jesu, nec vocem ullam ab eo audivit. Tanquam agnus enim coram tondente, sic non aperuit os suum, quia dominus dederat illi linguam disciplinæ, ut sciret quomodo eum oporteret proferre sermonem. Illam scilicet*

linguam, quam in psalmo adglutinatam gutturi suo tunc probabat non loquendo. *Et Barrabas quidem nocentissimus, vita, ut bonus, datur, Christus vero iustissimus, ut homicida morti expostulatur. Sed & duo scelesti circumfiguntur illi, ut inter iniquos scilicet deputaretur. Vestitum plane ejus a militibus divisum, partim forte concessum* Marcion abstulit, respiciens psalmi prophetiam, Dispersi tibi sunt vestimenta mea, & in vestitum meum fortem miserunt. Aufer igitur & crucem ipsam. Idem tamen psalmus de eo non tacet, Foderunt manus meas & pedes: totus in illo exitus legitur. Circumdederunt me canes, synagoga malefactorum circumvallavit me. Omnes qui spectabant me, naso irridebant me. Locuti sunt labiis, & capita moverunt; Speravit in Deum, liberet eum. Quo jam testimonium vestimentorum habe falsi tui prædam? Totus psalmus vestimenta sunt Christi. *Ecce autem & elementa concutiuntur.* dominus enim patiebatur ipforum. Cæterum adversario læso cælum luminibus floruisset, magis sol radiis insultasset, magis dies stetisset, libenter spectans pendentem in patibulo Christum Marcionis. Hæc argumenta quoque mihi competissent, & si non fuissent prædicata. Cælum, inquit Esaias, vestiam tenebris. Hic erit dies de quo & Amos, Et erit illa die, dicit dominus, occidet sol meridie. Habes & *hora sexta* significationem; & contenebrabit super terram. *Scissum est & templi velum,* angeli eruptione, dereliquentis filiam Sionis, tanquam in vinea speculam, & in cucumerario casulam. O quantum perseveravit etiam xxx. psalmo Christum ipsum redere, *Vociferatur ad patrem, ut & moriens ultima voce prophetas adimpleret. Hoc dictum expiravit.* Quis? Spiritus semetipsum, an caro spiritum? Sed spiritus semetipsum expirare non potuit. Alius est, qui expirat, alius qui expiratur. Si spiritus expiratur, ab alio expiretur necesse est. Quod si solus spiritus fuisset,

fuiſſet, diſceſſiſſe potius diceretur quam exſpi-  
raſſe. Quis igitur exſpirat ſpiritum niſi caro? Quæ & ſpirat  
quando illum habet, & ita eum, cum amittit, exſpi-  
rat. Denique ſi caro non: phantaſma carnis. Phan-  
taſma autem ſpiritus fuit: Spiritus autem ſemetipſum  
exſpiravit, & exſpirando diſceſſit. Sine dubio phan-  
taſma diſceſſit, cum ſpiritus, qui erat phantaſma,  
diſceſſit, & nuſquam comparuit phantaſma cum ſpiritu.  
Nihil ergo *remanſit in ligno*. Nihil pependit etiam poſt  
exſpirationem. Nihil de *Pilato poſtulat*. Nihil de  
*patibulo detractum*. Nihil *ſindone involutum*. Nihil *ſepulchro novo conditum*. Atquin, non nihil. Quid igi-  
tur illud fuit, ſi phantaſma? Adhuc ergo inerat &  
Chriſtus. Si diſceſſerat Chriſtus, ergo abſtulerat  
phantaſma. Superest impudentiæ hæreticæ, dicere  
phantaſma illic phantaſmatis remanſiſſe. Sed ſi & *Jo-  
ſeph corpus fuiſſe noverat*, quod tota pietate *tractavit*?  
*Ille Joſeph qui non conſenſerat in ſcelere Judæis*, Beatus  
vir qui non abiit in conſilio impiorum, & in via pec-  
catorum non ſtetit, & in cathedra peſtium non ſedit.  
Oportuerat etiam ſepultorem domini prophetari, ac  
jam tunc merito benedici.

43. Si nec *mulierum illarum officium* præterit pro-  
phetia, *qua ante lucem convenerunt ad ſepulchrum cum*  
*odorum paratura*? De hoc enim per Oſee, ut quærant,  
inquit, faciem meam, ante lucem vigilabunt ad me  
dicentes, Eamus & convertamur ad dominum, quia  
ipſe eripuit, & curabit nos, percuffit, & miſerebitur  
noſtri, ſanabit nos poſt biduum, in die tertia reſur-  
gemus. Quis enim hæc non credat *in recogitatu mulie-  
rum* illarum volutata, inter dolorem præſentis deſti-  
tutionis, qua percuffæ ſibi videbantur a domino, &  
ſpem reſurrectionis ipſius, qua reſtitui rite arbitran-  
tur? *Corpore autem non invento*, ſublata erat ſepultura  
ejus de medio, ſecundum Eſaiam. Sed & *duo ibidem*  
*angeli apparuerunt*: Tot fere laterenſibus uti ſolebat,

in duobus testibus consistens Dei sermo. *Revertentē quoque a sepulchro mulieres, & ab illa angelorum visione prospiciebat Esaias: Mulieres, inquit, Venientes a visione, venite, ad renuntiandam scilicet domini resurrectionem. Bene autem, quod incredulitas discipulorum perseverabat, ut in finem usque defensio nostra consisteret, Christum Jesum non alium se discipulis edidisse, quam prophetarum. Nam cum duo ex illis iter agerent, & dominus eis adhæsisset, non comparens, quod ipse esset, etiam dissimulans de conscientia rei gestæ: Nos autem putabamus, inquit, ipsum esse redemptorem Israelis; utique suum Christum, id est creatoris; adeo nec alium se ediderat illis. Cæterum non existimarent eum creatoris. Et cum creatoris existimaretur, non sustinisset hanc de se existimationem, si non is esset, qui existimatur. Aut ipse erit auctor erroris, & prævaricator veritatis, adversus Dei optimi titulum. Sed nec post resurrectionem alium se eis ostendit, quam quem existimatum sibi dixerant. Plane investus est in illos, O insensati & tardi corde in credendo omnibus, quæ locutus est ad vos. Quænam locutus? Alterius se Dei esse probat, & minus de Deo? An eadem & angeli ad mulieres? rememoramini, quæ locutus sit vobis in Galilæa dicens, quod oportet tradî filium hominis & crucifigi, & tertia die resurgere. Et quare oportebat? Nisi quia ita a Deo creatore scriptum. Igitur increpavit illos, ut de sola passione scandalizatos, & ut dubios de fide resurrectionis, annuntiatæ sibi a feminis, per quæ non crediderant ipsum fuisse, quem existimarent. Itaque quod existimaverant id volens credi se, eum se confirmabat, quem existimaverant; creatoris scilicet Christum, redemptorem Israelis. De corporis autem veritate quid potest clarius? Cum hesitantibus eis ne phantasma esset, imo phantasma credentibus: quid turbati estis? inquit, quid cogitationes subeunt in corda vestra? Videte manus meas & pedes,*

*des, quia ego ipse sum, quoniam spiritus ossa non habet, sicut me videtis habere.* Et Marcion quædam, contraria sibi illa, credo industria, eradere de Evangelio suo noluit; ut ex his, quæ eradere potuit nec erasit, illa, quæ erasit, nec negetur erasisse, aut merito erasisse dicatur. Nec parcit nisi eis, quæ non minus aliter interpretando, quam delendo, subvertit. Vult itaque sic dictum, quasi, spiritus ossa non habet, sicut me videtis habentem, ad spiritum referatur; sicut me videtis habentem, id est non habentem ossa, sicut & spiritus. Et quæ ratio tortuositatis istius? Cum simpliciter pronuntiare potuisset, quia spiritus ossa non habet, sicut me videtis non habentem. Cur autem inspectui eorum manus & pedes suos offert, quæ membra ex ossibus constant? Si ossa non habebat, cur adjicit, & scitote quia ego sum, quem scilicet corporeum retro noverant? Aut si phantasma erat usque quaque, cur illos phantasma credentes increpabat? Atquin *adhuc eis non credentibus*, propterea *cibum desideravit*; ut se ostenderet etiam dentes habere. Implevimus, ut opinor, sponfionem; exhibuimus Jesum Christum prophetarum doctrinis, sentiis, affectibus, sensibus, virtutibus, passionibus; etiam resurrectione, non alium quam creatoris. Si quidem & *Apostolos mittens ad prædicandum universis nationibus*, in omnem terram exire sonum eorum, & in terminos terræ voces eorum, psalmum adimplendo, præcepit. Misereor tui Marcion, frustra laborasti, Christus enim Jesus in Evangelio tuo, meus est.

## LIBER QUINTUS.

I. **N**ihil sine origine nisi Deus solus. Quæ quantum præcedit in statu omnium rerum, tantum præcedat necesse est etiam in retractatu earum, ut constare de statu possit. Quia nec habeas dispicere, quid quale sit, nisi certus an sit, cum cognoveris unde sit. Et ideo ex opusculi ordine ad hanc materiam devolutus, Apostoli quoque Pauli originem a Marcione desidero; novus aliqui discipulus, nec ullius alterius auditor, qui nihil interim credam, nisi nihil temere credendum: temere porro credi, quodcumque sine originis agnitione creditur: quique dignissime ad sollicitudinem redigam istam inquisitionem, cum is mihi adfirmatur Apostolus, quem in albo Apostolorum apud Evangelium non deprehendo. Denique audiens postea eum a domino allectum, jam in cælis quiescente; quasi improvidentiam existimo, si non ante scivit, illum sibi necessarium Christus, sed jam ordinato officio Apostolatus & in sua opera dimisso, ex incurfu, non ex prospectu, adjiciendum existimavit; necessitate, ut ita dixerim, non voluntate. Quamobrem Pontice nauclere, si nunquam furtivas merces vel illicitas in acatos tuas recepisti, si nullum omnino onus avertisti vel adulterasti, cautior utique & fidelior in Dei rebus: edas velim nobis quo symbolo susceperis Apostolum Paulum, quis illum tituli caractere percusserit; quis trans miserit tibi, quis imposuerit, ut possis eum constanter exponere; ne illius probetur, qui *omnia* Apostolatus *eius instrumenta* protulerit. Ipse se, inquit, Apostolum est professus, & quidem non ab hominibus, nec per hominem, sed per Jesum Christum. Plane profiteri potest semetipsum quivis. Verum professio ejus alterius autoritate confi-

conficitur: alius scribit: alius subscribit, alius obfig-  
nat, alius actis refert. Nemo sibi & professor & testis  
est. Præter hæc utique legisti, multos venturos, qui di-  
cant, ego sum Christus. Si est, qui se Christum mentia-  
tur, quanto magis qui se Apostolum prædicet Christi?  
Adhuc ego in persona discipuli & inquisitoris conversor,  
ut jam hinc & fidem tuam obtundam, qui unde eam  
probes, non habes; & impudentiam suffundam, qui vin-  
dicas; & unde possis vindicare, non recipis. Sit Chri-  
stus, sit Apostolus, ut alterius dum non probantur,  
nisi de instrumento creatoris. Non mihi paulum etiam  
Genesis olim repromisit? Inter illas enim figuras &  
propheticas super filios suos benedictiones, Jacob  
cum ad Benjamin dixisset, Benjamin, inquit, lupus  
rapax ad matutinum comedet adhuc, & ad vesperam  
dabit escam. Ex tribu enim Benjamin oriturum Pau-  
lum providebat, lupum rapacem, ad matutinum co-  
medentem; id est prima ætate vastaturum pecora do-  
mini, ut persecutorem ecclesiarum, dehinc ad vespe-  
ram escam daturum, id est devertente jam ætate oves  
Christi educaturum, ut doctorem nationum. Nam  
& Saulis primo asperitas insectationis erga David, de-  
hinc pœnitentia & satisfactio, bona pro malis reci-  
pientis, non aliud portendebat, quam Paulum in Sau-  
le secundum tribus, & Jesum in David secundum  
virginis censum. Hæc figurarum sacramenta si tibi  
displicent, certe *Acta Apostolorum* hunc mihi ordinem  
Pauli tradiderunt, a te quoque non negandum. Inde  
Apostolum ostendo persecutorem, non ab homini-  
bus, neque per hominem: inde & ipsi credere indu-  
cor: inde te a defensione ejus expello, nec timeo  
dicentem, Tu ergo negas Apostolum Paulum? Non  
blasphemo, quem tueor. Nego, ut te probare com-  
pellam. Nego, ut meum esse convincam. Aut si  
ad nostram fidem spectas, recipe, quæ eam faciunt.  
Si ad tuam provocas, ede quæ eam præstruunt: aut  
proba

proba esse, quæ credis: aut si non probas, quomodo credis? Aut qualis es, adversus eum credens, a quo solo probatur esse, quod eredis? Habe nunc tam apostolum de meo sicut & Christum: tam & meum apostolum, quam & Christum. Iisdem & hic dimicabimus lineis: in ipso gradu provocabimus præscriptionis; oportere scilicet & apostolum, qui creatoris negetur, imo & aduersus creatorem proferatur, nihil docere, nihil sapere, nihil velle secundum creatorem. Et in primis tanta constantia alium Deum edicere, quanta a lege creatoris abruptit. Neque enim verisimile est, ut avertens a Iudaismo, non pariter ostenderet, in cuius Dei fidem averteret: quia nemo transire posset a creatore, nesciens ad quem transeundum sibi esset. Sive enim Christus jam alium Deum revelaverat, sequebatur etiam Apostoli testatio, vel ne non ejus Dei Apostolus haberetur, quem Christus revelaverat, & quia non licebat abscondi ab Apostolo, qui jam revelatus fuisset a Christo: sive nihil tale de Deo Christus revelaverat, tanto magis ab Apostolo debuerat revelari, qui jam non posset ab alio; non credendus sine dubio, si nec ab Apostolo revelatus. Quod idcirco præstruximus, ut jam hinc profiteamur nos proinde probaturos, nullum alium Deum ab Apostolo circumlatum, sicut probavimus nec a Christo, ex ipsis utique epistolis Pauli, quas proinde mutilatas etiam de numero, forma jam hæretici Evangelii præjudicasse debebit.

2. Principalem adversus Iudaismum epistolam nos quoque confitemur, quæ Galatas docet. Amplectimur etenim omnem illam legis veteris abolitionem, ut & ipsam de creatoris venientem dispositione; sicut sæpe jam in isto ordine tractavimus, de prædicata novatione a prophetis Dei nostri. Quod si creator quidem vetera cessura promisit, novis scilicet orituris, Christus vero tempus distinctionis istius, (lex & prophetæ usque ad Joannem) terminum in Joanne statuens, inter  
utrum-



utrumque ordinem, desinentium exinde veterum & incipientium novorum: necessarie & Apostolus in Christo post Joannem revelato, vetera infirmat, nova vero confirmat: atque ita non alterius Dei fidem curat, quam creatoris, apud quem & vetera decessura prædicabantur. Igitur & legis destructio, & Evangelii ædificatio, pro me faciunt, in ista quoque epistola, ad eam Galatarum præsumtionem pertinentes, qua præsumebant Christum, utputa creatoris (salva creatoris lege) credendum: quod adhuc incredibile videretur legem a suo autore deponi. Porro, si omnino alium Deum ab Apostolo audissent, ultro utique scissent abscedendum sibi esse a lege ejus Dei, quem reliquissent, alium secuti. Quis enim exspectaret diutius discere, quod novam deberet sectari disciplinam, qui novum Deum recepisset? Imo quia eadem quidem divinitas prædicabatur in evangelio, quæ semper nota fuerat in lege, disciplina vero non eadem: hic erat totus quæstionis status, an lex creatoris ab evangelio deberet excludi, in Christo creatoris. Denique aufer hunc statum, & vacat quæstio. Vacante autem quæstione, ultro omnibus agnoscentibus, discedendum sibi esse ab ordine creatoris per fidem Dei alterius: nulla Apostolo materia competisset, id tam presse docendi, quod ultro fides ipsa dictasset. Igitur tota intentio epistolæ istius nihil aliud docet, quam legis decessionem, venientem de creatoris dispositione, ut adhuc suggeremus. Si item nullius novi Dei exerit mentionem, quod nusquam magis fecisset, quam in ista materia, ut rationem scilicet ablegendæ legis, unica hac & sufficientissima definitione proponeret novæ divinitatis: apparet quomodo scribat: *miror vos tam cito transferri ab eo, qui vos vocavit in gratiam, ad aliud Evangelium; ex conversatione aliud, non ex religione; ex disciplina, non ex divinitate.* Quoniam quidem evangelium Christi a lege evoca-

evocare deberet ad gratiam, non a creatore ad alium Deum. Nemo enim illos moverat a creatore, ut viderentur sic ad aliud evangelium transferri, quasi dum ad creatorem transferuntur. Nam & adjiciens, quod aliud evangelium omnino non esset creatoris: confirmat id, quod esse defendit. Si enim & creator evangelium repromittit, dicens per Esaïam: Ascende in montem excelsum, qui evangelizas Sioni, extolle vocem in valentia tua, qui evangelizas Hierusalem. Item ad Apostolorum personam: Quam tempestivi pedes evangelizantium pacem, evangelizantium bona, utique & nationibus evangelizantium, quoniam & in nomine ejus, inquit, nationes sperabunt, Christi scilicet, cui ait, Posui te in lumen nationum. Est autem evangelium etiam Dei novi, quod vis, tunc ab Apostolo defensum. Jam ergo duo sunt evangelia apud duos Deos, & mentitus erit Apostolus dicens, *quod aliud omnino non est*, cum sit & aliud: cum sic suum Evangelium defendere potuisset, ut potius demonstraret, non ut unum determinaret. Sed fortasse, ut fugias hinc, & ideo, dices, subtexuit, *licet angelus de cælo aliter evangelizaverit, anathema sit*, quia & creatorem sciebat evangelizaturum. Rursus ergo te implicas. Hoc est enim, quo adstringeris. Duo enim Evangelia confirmare, non est ejus, qui aliud jam negarit. Tamen lucet sensus ejus, qui suam præmisit personam. *Sed & si nos aut angelus de cælo aliter evangelizaverit.* Verbi enim gratia dictum est. Cæterum, si nec ipse aliter evangelizaturus, utique nec angelus. Ita angelum ad hoc nominavit, quo multo magis hominibus non esset credendum, quando nec angelo, nec Apostolo: non angelum ad Evangelium referret creatoris. Exinde decurrens ordinem conversionis suæ, de persecutore in Apostolum, scripturam *Apostolicorum* confirmat, apud quam ipsa etiam epistolæ istius materia recognosci-

agnoscitur; intercessisse quosdam, qui dicerent circumcidi oportere, & observandam esse Moyſi legem; tunc Apoſtolos de iſta quæſtione conſultos, ex autoritate ſpiritus renuntiaſſe, non eſſe imponenda onera hominibus, quæ patres ipſi non potuiſſent ſuſtinere. Quod ſi & ex hoc congruunt Paulo Apoſtolorum Acta, cur ea reſpuatis jam apparet: ut Deum ſcilicet non alium prædicantia, quam creatorem, nec Chriſtum alterius, quam creatoris, quando nec promiſſio ſpiritus ſancti aliunde probetur exhibita, quam de inſtrumento Actorum. Quæ utique veriſimile non eſt, ex parte quidem Apoſtolo convenire, cum ordinem ejus ſecundum ipſius teſtimonium oſtendunt, ex parte vero diſſidere, cum divinitatem in Chriſto creatoris annuntiant, ut prædicationem quidem Apoſtolorum non ſit ſecutus Paulus, qui formam ab eis dedocendæ legis accepit.

3. Denique ad patrocinium Petri caterorumque Apoſtolorum aſcendiſſe Hieroſolymam, poſt annos XIII. ſcribit, ut conferret cum illis de Evangelii ſui regula, ne in vacuum tot annis cucurriſſet, aut curreret, ſi quid ſcilicet citra formam illorum evangelizaret: adeo ab illis probari & conſtabiliri deſiderarat. Quod ſi quando vultis Judaïſmi magis adfines ſubintelligi: cum vero nec Titum dicit circumciſum, jam incipit oſtendere, ſolam circumciſionis quæſtionem, ex deſenſione adhuc legis concuſſam ab eis, quos propterea falſos & ſuperduſtictios fratres appellat, non aliud ſtatuerre pergentes, quam perſeverantiam legis, ex fide ſine dubio integra creatoris, atque ita pervertentes evangelium, non interpolatione ſcripturæ, qua Chriſtum creatoris eſſingerent, ſed retentione veteris diſciplinæ, ne legem creatoris excluderent. Ergo propter ſuperinductios, inquit, falſos fratres, qui ſubintraverant ad ſpeculandam libertatem noſtram, quam habemus in Chriſto, ut nos ſubigerent ſervituti, nec ad horam ceſſante ſubjeſtione,

Intendamus enim & sensui ipsi, & causæ ejus, & apparet vitiatio scripturæ. Cum præmittit, *sed nec Titus, qui mecum erat, cum esset Græcus, coactus est circumcidi*: dehinc subjungit, propter superinductos falsos fratres, & reliqua: contrarii utique facti incipit reddere rationem, ostendens propter quid fecerit, quod nec fecisset, nec ostendisset, si illud, propter quod fecit, non accidisset. Denique dicas velim, si non subintroissent falsi illi fratres ad speculandam libertatem eorum, cessissent subjectioni? non opinor. Ergo cesserunt, quia fuerunt, propter quos cedere-tur. Hoc enim rudi fidei & adhuc de legis observa-tione suspensæ compete-bat, ipso quoque Apostolo hæ in vacuum cucurrisset aut curre-ret suspecto. Ita-que frustrandi erant falsi fratres, speculantes liberta-tem Christianam, ne ante eam in servitutem abduce-rent Judaismi, quam Paulus sciret se non in vacuum cucurrisse, *quam dexteræ ei darent antecessores, quam ex censu eorum in nationes prædicandi munus subivet*. Ne-cessario igitur cessit ad tempus, & sic ei ratio constat, Timotheum circumcidendi, & rasos introducendi in templum, quæ in Actis edicuntur; adeo vera, ut Apostolo consonent, profitenti factum se Judæis Ju-dæum, ut Judæos lucrifaceret, & sub lege agentem propter eos, qui sub lege agerent, sic & propter su-perinductos illos, & omnibus novissime omnia factum, ut omnes lucraretur. Si hæc quoque intelligi ex hoc postulant, id quoque nemo dubitabit, ejus Dei & Christi prædicatorem Paulum, cujus legem, quamvis excludens interim, tamen pro temporibus admiserat, statim amoliendam, si novum Deum protulisset. Be-ne igitur quod & dexteras Paulo dederunt Petrus & Ja-cobus, & Joannes, & de officii distributione pepigerunt, ut Paulus in nationes, illi in circumcisionem, tantum ut meminissent egenorum. Et hoc secundum legem crea-toris, pauperes & egenos fovendis, sicut in Evangelii vestri

vestri retractatu probatum est. Adeo constat, de lege sola fuisse quæstionem, dum ostenditur, quid ex lege custodiri convenerit. Sed reprehendit Petrum non recto pede incedentem ad Evangelii veritatem. Plane reprehendit, non ob aliud tamen, quam ob *incon-*  
*stantiam* victus, quem pro personarum qualitate varia-  
 bat, *timens* eos, qui erant ex *circumcisione*: non ob ali-  
 quam divinitatis perversitatem, de qua & aliis in fa-  
 ciem restitisset, qui de minore causa conversationis  
 ambiguae, Petro ipsi non pepercit: sed quomodo  
 Marcionitæ volunt credi, de cætero pergat Aposto-  
 lus, *negans* ex *operibus legis* justificari hominem, sed ex  
*fide*; ejusdem tamen Dei cujus & lex. Nec enim labo-  
 rasset fidem a lege discernere, quam diversitas ipsius  
 divinitatis ultro discrevisset, si fuisset. Merito non  
 reedificabat, quæ destruxit. Destrui autem lex ha-  
 buit, ex quo vox Johannis clamavit in eremo, Pa-  
 rate vias domini, ut fierent rivi & colles, & montes  
 repleti & humiliati, & tortuosa & aspera in rectitudi-  
 nem & in campos, id est, legis difficultates in Evan-  
 gelii facilitates. Meminerat jam & psalmi esse tempus:  
 Dirumpamus a nobis vincula eorum, & abjiciamus a  
 nobis jugum ipsorum, ex quo tumultuatæ sunt gentes,  
 & populi meditati sunt inania: astiterunt reges terræ,  
 & magistratus congregati sunt in unum, adversus do-  
 minum, & adversus Christum ipsius; ut jam ex fidei  
 libertate justificetur homo, non ex legis servitute:  
 quia justus ex fide vivit. Quod si propheta Abacum  
 prænumtiavit, habes & Apostolum prophetas confir-  
 mantem, sicut & Christus. Ejus ergo Dei erit fides,  
 in qua vivet justus: cujus & lex, *in qua non justifica-*  
*tur operarius*. Proinde, si in lege *maledictio* est, in fide  
*vero benedictio*: utrumque habes propositum apud crea-  
 torem: Ecce posui, inquit, ante te maledictionem  
 & benedictionem. Non potes distantiam vindicare;  
 quæ etsi rerum est, non ideo autorum, quæ ab uno

auctore proponitur. Cur autem *Christus factus sit pro nobis maledictio*, ipso apostolo edocente manifestum est, quam nobiscum faciat, id est, secundum fidem creatoris. Neque enim quia creator pronuntiavit, Maledictus omnis in ligno suspensus: ideo videbitur alterius Dei esse Christus, & idcirco a creatore jam tunc in lege maledictus. Et quomodo præmaledixisset eum creator, quem ignorat? Cur autem non magis competat creatori filium suum dedisse maledictioni suæ, quam illi Deo tuo subdidisse maledictioni? Et quidem pro homine alieno? Denique si atrox videtur hoc in creatore circa filium, proinde tuo in Deo. Si vero rationale, & in tuo: proinde & in meo, & magis in meo. Facilius enim crederetur ejus esse, per maledictionem Christi, benedictionem prospexisse homini, qui & maledictionem aliquando & benedictionem proposuerit ante hominem: quam qui neutrum unquam sit apud te professus. *Accepimus igitur benedictionem spiritalem.* Per fidem, inquit, ex qua scilicet vivet justus, secundum creatorem. Hoc est ergo, quod dico ejus Dei fidem esse, cujus est forma gratiæ fidei. Sed & cum adjicit, *Omnes enim filii estis fidei*, ostenditur, quid supra hæretica industria eraserit, mentionem scilicet Abrahæ, qua nos Apostolus *filios Abrahæ per fidem affirmat*: secundum quam mentionem hic quoque filios fidei notavit. Cæterum quomodo filii fidei? Et cujus fidei, si non Abrahæ? Si enim *Abraham Deo credidit, & deputatum est iustitia*: atque exinde pater multarum nationum meruit nuncupari, nos autem credendo Deo, magis proinde *justificamur, sicut Abraham*, & vitam proinde consequimur, sicut justus ex fide vivit. Sic fit, ut & supra filios nos Abrahæ pronuntiarit, qua patris fidei, & hic filios fidei, per quam Abraham pater nationum fuerat repromissus. Ipsum quod fidem a circumcissione revocabat, nonne Abrahæ filios constituit?

quære-

quererebat, qui in carnis integritate crediderat? Denique alterius Dei fides ad formam Dei alterius non potest admitti, ut credentes iustitiæ deputet, ut justos vivere faciat, ut nationes filios fidei dicat: totum hoc ejus est, apud quem ante jam notum est, sub eadem Abrahæ mentione, dum ipso sensu revincatur.

4. *Adhuc, inquit, secundum hominem dico, dum es semus parvuli, sub elementis mundi eramus positi, ad deferendum eis.* Atquin non est hoc humanitus dictum, non enim exemplum est, sed veritas. Quis enim parvulus, utique sensu, quod sunt nationes, non elementis subjectus est mundi, quæ pro Deo suspicit? Illud autem facit, quod cum secundum hominem dixisset, *tamen testamentum hominis namq. spernit aut superordinat.* Exemplo enim humani testamenti permanentis divinum tuebatur. *Abraha dicta sunt promissiones & semini ejus.* Non dixit *seminibus*, quasi pluribus, sed *semini* tanquam uni, quod Christus est. Erubescat spongia Marcionis! Nisi quod ex abundanti retracto, quæ abstulit; cum validius sit illum ex his revinci, quæ servavit. *Cum autem evenit impleri tempus, misit Deus filium suum;* utique is qui etiam ipsorum temporum Deus est, quibus seculum constat: qui signa quoque temporum ordinavit, soles, & lunas, & sydera, & stellas: qui filii denique sui revelationem in extremitatem temporum & disposuit & prædicavit. In novissimis diebus erit manifestus mons domini; &, in novissimis diebus effundam de spiritu meo in omnem carnem, secundum Joelem. Ipsius erat sustinuisse tempus impleri, cujus erat etiam finis temporis, sicut initium. Cæterum Deus ille otiosus, nec operationis, nec prædicationis ullius, atque ita nec temporis alicujus; quid omnino egit, quod efficeret tempus impleri, etiam implendum sustineri? Si nihil: satis vanum est ut creatoris tempora sustinuerit serviens creatori. Cui autem rei *misit filium suum?* ut eos, qui

*sub lege erant, redimeret: hoc est, ut efficeret tortuosa in viam rectam, & aspera in vias lenes, secundum Esaiam, ut vetera transirent, & nova orirentur. Lex nova ex Sion, & sermo domini ex Hierusalem: & ut adoptionem filiorum acciperemus; utique nationes, quæ filii non eramus. Et ipse enim lux erit nationum, & in nomine ejus nationes sperabunt. Itaque ut certum esset, nos filios Dei esse: misit spiritum suum in corda nostra, clamantem, Abba, pater. In novissimis enim, inquit, diebus effundam de nemo spiritu in omnem carnem. Cujus gratia, nisi ejus & promissio gratiæ? Quis pater, nisi qui & factor? Post has itaque divitias, non erat revertendum ad infirma & mendica elementa. Elementa autem apud Romanos quoque etiam primæ literæ solent dici. Non ergo per mundialium elementorum derogationem a Deo eorum avertere cupiebat: & si dicendo supra, si ergo his, qui natura sunt Dei, servitis, physicæ, id est, naturalis superstitionis, elementa pro Deo habentis, sugillat errorem, nec sic tamen elementorum Deum taxans. Sed quæ velit intelligi elementa, primas scilicet literas legis, ipse declarat. Dies observatis & menses, & tempora, & annos, & sabbata; ut opinor, & cœnas puras, & jejunia, & dies magnos. Cessare enim ab his quoque, sicut & circumcissione, oportebat, ex decretis creatoris: qui & per Esaiam, Neomenias vestras, & sabbata, & diem magnum non sustinebo, jejunium, & ferias, & cerimonias vestras odit anima mea. Et per Amos: Odi, rejeci cerimonias vestras, & non adorabor in frequentis vestris. Item per Osee: Avertam universas jucunditates ejus, & cerimonias ejus, & sabbata, & neomenias ejus, & omnes frequentias ejus. Quæ ipse constituerat, inquis, erasit? Magis, quam alius. Aut si alius, ergo ille adjuvit sententiam creatoris, auferens, quæ & ille damnaverat. Sed non hujus loci quæstio, cur leges suas creator infregerit. Sufficit,*



cit, quod infracturum probavimus; ut confirmetur, nihil Apostolum adversus creatorem determinasse, cum & ipsa amolitio legis a creatore sit. Sed ut furibus solet aliquid excidere de praeda in indicium: ita credo & Marcionem novissimam Abraham mentionem dereliquisse; nullam magis auferendam, etsi ex parte convertit. Si enim *Abraham duos liberos habuit, unum ex ancilla, & alium ex libera; sed qui ex ancilla, carnaliter natus est; qui vero ex libera, per repromissionem; qua sunt allegorica, id est, aliud portendentia; hæc sunt enim duo testamenta, sive duæ ostensiones, sicut invenimus interpretatum; unum a monte Syna in synagogam Judæorum, secundum legem, generans in servitutem; alium super omnem principatum generans, vim, dominationem, & omne nomen, quod nominatur: non tantum in hoc ævo, sed & in futuro, qua est mater nostra, in quem repromissimus sanctam ecclesiam: ideoque adjicit; propter quod, fratres, non sumus ancilla filii, sed libera: utique manifestavit & Christianismi generositatem in filio Abraham ex libera nato; allegoriæ habere sacramentum, sicut & Judaismi servitutem legalem in filio ancillæ. Atque ita ejus Dei esse utramque dispositionem, apud quem invenimus utriusque dispositionis deliniationem. Ipsum quod ait, qua libertate Christus nos manumisit, nonne eum constituit manumissorem, qui fuit dominus? Alienos enim servos ne Galba quidem manumisit, facilius liberos soluturus. Ab eo igitur præstabitur libertas, apud quem fuit servitus legis. Et merito, non decebat manumissos rursus jugo servitutis, id est legis astringi, jam psalmo adimpleto: Disrumpamus vincula eorum, & abjiciamus a nobis jugum ipsorum. Postquam archontes congregati sunt in unum, adversus dominum & adversus Christum ipsius. De servitute igitur exemptos, ipsam servitutis notam eradere perseverabat; circumcisiorem; ex prædicationis scilicet propheticæ auto-*

sitate, memor dictum per Hieremiam: Et circumcidimini præputia cordis vestri. Quia & Moyses: Circumcidetis duricordiam vestram: id est, non carnem. Denique si circumcisionem ab alio Deo veniens excluderat, cur etiam *præputiationem negat quicquam valere in Christo, sicut & circumcisionem*: præferre enim debebat æmulam ejus, quam expugnabat, si ab æmulo circumcisionis Deo esset. Porro quia & circumcisio & præputiatio uni Deo deputabantur: ideo utraque in Christo vacabat, propter fidei prælationem; illius fidei de qua erat scriptum: Et in nomine ejus nationes credent: illius fidei, quam dicendo *per dilectionem perfici*, sic quoque creatoris ostendit. Sive enim dilectionem dicit, quæ in Deum: & hoc creatoris est: Diliges Deum ex toto corde tuo, & ex tota anima tua, & ex totis viribus tuis: sive quæ in proximum: & proximum tuum tanquam te, creatoris est. *Quæ autem turbat vos, judicium feret.* A quo Deo? Ab optimo? Sed ille non judicat. A creatore? Sed nec ille damnabit adsertorem circumcisionis. Quod si non erit alius qui judicet nisi creator: jam ergo non damnabit legis defensores, nisi, qui ipse eam cessare constituit. Quid nunc, si & confirmat illam ex parte, qua debet. *Tota enim, inquit, lex in vobis adimpleta est: Diliges proximum tuum tanquam te.* Aut si sic vult intelligi, adimpleta est, quasi jam non adimplenda: ergo non vult, ut diligam proximum tanquam me, ut & hoc cum lege cessaverit. Sed perseverandum erit semper in isto præcepto. Ergo lex creatoris etiam ab adversario probata est: nec dispendium, sed compendium ab eo consecuta est, redacta summa in unum jam præceptum. Sed nec hoc alii magis competit quam auctori. Atque adeo cum dicit, *Onera vestra invicem sustinete, & sic adimplebitis legem Christi*: si hoc non potest fieri, nisi quis diligat proximum sibi tanquam se, apparet: diliges proximum tibi tanquam te:

per

per quod auditur, *invicem onera vestra portate*, Christi esse legem, quæ sit creatoris: atque ita Christum creatoris esse, dum Christi est lex creatoris. *Erratis, Deus non deridetur.* Atquin derideri potest Deus Marcionis, qui nec irasci novit, nec ulcisci? *Quod enim feverit homo, hæc & metet.* Ergo retributionis & iudicii Deus intentat. *Bonum autem facientes non fatigemur & dum habemus tempus, operemur bonum.* Nega creatorem bonum facere præcepisse, & diversa doctrina sit diversæ divinitatis. Porro si retributionem prædicat, ab eodem erit & corruptionis messis & vitæ. *Tempore autem suo motemur*, quia & Ecclesiasticus, *Tempus, inquit, erit omni rei.* Sed & mihi, famulo creatoris, *mundus crucifixus est*; non tamen Deus mundi. *Est ego mundo*, non tamen Deo mundi. Mundum enim, quantum ad conversationem ejus posuit, cui renuntiando, mutuo transfigimur, & invicem morimur, persecutores vocat Christi. Cum vero adjicit *stigmata Christi in corpore suo gestare se*, utique corporalia competent: jam non putativam, sed veram & solidam carnem professus est Christi, cujus stigmata corporalia ostendit.

5. Præstructio superioris epistolæ ita duxit, ut de titulo ejus non retractaverim, certus & alibi retractari eum posse, communem scilicet & eundem in epistolis omnibus; quod non utique salutem præscribit eis, quibus scribit, sed *gratiam & pacem*; non dico quid illi, cum Judaico adhuc more, destructori Judaismi. Nam & hodie Judæi in *pacis* nomine appellant, & retro in scripturis sic salutabant. Sed intelligo illum defendisse officio suo prædicationem creatoris, Quam maturi pedes evangelizantium bona, evangelizantium pacem. Evangelizator enim bonorum, id est, gratiæ Dei paci eam præferendam sciebat. Hæc cum a Deo patre nostro & domino Jesu annuntians, communibus nominibus utatur, competentibus nostro quoque

sacramento: non puto dispici posse, quis Deus pater & dominus Jesus prædicetur, nisi ex accedentibus; cui magis competant. Primo quidem patrem dominum præscribo, non alium agnoscendum, quam & hominis & universitatis creatorem & institutorem. Porro patri etiam domini nomen accedere ob potestatem, quod & filius per patrem capiat. Dehinc gratiam & pacem, non solum ejus esse, a quo prædicabantur, sed ejus qui fuerit offensus. Nec gratia enim fit, nisi offensæ: nec pax, nisi belli. Et populus autem per disciplinæ transgressionem, & omne hominum genus per naturæ dissimulationem, & deliquerat, & rebellaverat adversus creatorem. Deus autem Marcionis, & quia ignotus, non potuit offendi, & quia nescit irasci: quæ ergo gratia a non offenso? Quæ pax a non rebellato? Ait *crucem Christi, stultitiam esse perituris: virtutem autem & sapientiam Dei, salutem consequenturis*. Et ut ostenderet, unde hoc eveniret aliquid. *Scriptum est enim: Perdam sapientiam sapientium, & prudentiam prudentium irritam faciam*. Si hæc creatoris sunt, & ad causam crucis pertinent, stultitiam deputat: ergo & crux, & per crucem Christus ad creatorem pertinebit, a quo prædicatum est, quod ad crucem pertinet. Aut si creator qua æmulus idcirco sapientiam abstulit, ut crux Christi scilicet adversarii stultitia deputetur: & quomodo potest aliquid ad crucem Christi, non sui, creator pronuntiasse, quem ignorabat cum prædicabat? Sed & cur apud dominum optimum & profusæ misericordiæ, alii salutem referunt, credentes crucem virtutem & sapientiam Dei esse: alii perditionem, quibus Christi crux stultitia reputatur, si non creatoris est aliquam & populi & humani generis offensam, detrimento sapientiæ atque prudentiæ multasse? Hoc sequentia confirmabunt, cum dicit: *Nonne infatuavit Deus sapientiam mundi*. Cumque & hic adjicit, quare? *Quoniam*

*niam in Dei sapientia non intellexit mundus per sapientiam dominum, boni duxit Deus, per stultitiam prædicationis salvos facere credentes. Sed prius de mundo disceptabo, quatenus subtilissimi hæretici hic vel maxime mundum per dominum mundi interpretantur; nos autem hominem qui fit in mundo intelligimus, ex forma simplici loquelæ humanæ, qua plerumque id quod continet ponimus pro eo quod continetur. Circus clamavit, & forum locutum est, & basilica fremuit: id est, qui in his locis rem egerunt. Igitur, quia homo, non Deus mundi, in sapientia non cognovit Deum, quem cognoscere debuerat, & Judæus in sapientia scripturarum, & omnis gens in sapientia operum: ideo Deus idem, qui in sapientia sua non erat agnitus: statuit sapientiam hominum stultitia repercutere, salvos faciendo credentes quosque, in stultam crucis prædicationem. Quoniam Judæi signa desiderant, qui jam de Deo certi esse debuerant: & Græci sapientiam quarunt, qui suam scilicet, non Dei, sapientiam sistunt. Cæterum si novus Deus prædicaretur, quid deliquerant Judæi, signa desiderantes quibus crederent? Aut Græci sapientiam sectantes, cui magis crederent? Ita & remuneratio ipsa in Judæos & Græcos, & zeloten Deum confirmat & judicem, qui ex retributione æmula & judice, infatuaverit sapientiam mundi. Quod si ejus sunt & causæ, cujus adhibentur scripturæ, ergo de Deo tractans Apostolus non intellecto, de creatore utique docet intelligendum. Etiam quod scandalum Judæis prædicat Christum: prophetiam super illo consignat creatoris, dicentis per Esaïam: Ecce posui in Sion lapidem offensionis, & petram scandalum: petra autem fuit Christus; etiam Marcion servat. Quid est autem stultum Dei, sapientius hominibus, nisi crux & mors Christi? Quid infirmum Dei, fortius homine, nisi nativitas & caro Dei? Cæterum, si nec natus ex virgine Christus, nec carne constructus, ac per*

per hoc neque crucem, neque mortem vere perpeffus est, nihil in illo fuit stultum & infirmum: nec jam *stulta mundi elegit Deus, ut confundat sapientiam*: nec *infirmi mundi elegit Deus, ut confundat fortia*: nec *inhonesta & minima & contemptibilia, qua non sunt*, id est, quæ non vere sunt, *ut confundat, qua sunt*, id est, quæ vere sunt. Nihil enim a Deo dispositum, est vere modicum & ignobile & contemptibile. Sed quod ab homine, apud creatorem autem etiam vetera, stultitiæ, & infirmitati, & inhonestati, & pusillitati, & contemptui deputari possunt. Quid stultius, quid infirmius, quam sacrificiorum cruentorum, & holocaustorum nidorosorum a Deo exactio? Quid infirmius, quam vasculorum & grabatorum purgatio? Quid inhonestius, quam carnis jam erubescens alia dedecoratio? Quid tam humile, quam talionis inditio? Quid tam contemptibile, quam ciborum exceptio? Totum, quod sciam, vetus testamentum omnis hæreticus irridet. Stulta enim mundi elegit Deus, ut confundat sapientiam. Marcionis Deus nihil tale, quia nec æmulatur contraria contrariis redarguere; *ne gloriatur omnis caro: ut quemadmodum scriptum est: Qui gloriatur, in domino gloriatur*. In quo? Uti que in eo, qui hoc præcepit: nisi creator præcepit, ut in Deum Marcionis gloriatur.

6. Igitur per hæc omnia ostendit, cuius *Dei sapientiam loquatur inter perfectos*: ejus scilicet, qui sapientiam sapientium abstulerit, & prudentiam prudentium irritam fecerit: qui infatuaverit sapientiam mundi, stulta eligens ejus & disponens in salutem; *hanc dicit sapientiam in occulto fuisse*, quæ fuerit in stultis & in pusillis & inhonestis: quæ latuerit etiam sub figuris, allegoriis, & ænigmatibus revelanda postmodum in Christo; posito in lumen nationum, a creatore promittente per Esaiæ vocem, patefacturum se thesauros invisibiles & occultos. Nam ut absconderit aliquid in  
Deus,

Deus, qui nihil egit omnino, in quod aliquid abscondisse existimaretur, satis incredibile. Ipse si esset, latere non posset, nedum aliqua ejus sacramenta. Creator autem tam ipse notus, quam & sacramenta ejus, palam scilicet decurrentia apud Israel, sed de significantiis obumbrata, in quibus sapientia Dei delitescibat, *inter perfectos* narranda suo in tempore: *proposita vero in proposito Dei, ante secula*. Cujus & secula, nisi creatoris? Si enim & secula temporibus structa sunt, tempora autem diebus & mensibus & annis compinguntur, dies porro & menses, & anni, solibus & lunis & syderibus creatoris signantur, in hoc ab eo positus: & erunt enim, inquit, in signa mensium & annorum, apparet & secula creatoris esse, & omne, quod ante secula propositum dicatur, non alterius esse, quam ejus & secula. Aut probet Dei sui secula Marcion: ostendat & mundum ipsum, in quo secula deputentur, vas quodammodo temporum, & signa aliqua, vel ortaneorum. Si nihil demonstrat, revertor ut & illud dicam: cur autem *ante secula* creatoris *proposuit gloriam nostram*? Posset videri eam ante secula proposuisse, quam introductione seculi revelasset. At cum id facit pene jam totis seculis creatoris productis: vane ante secula proposuit, & non magis intra secula, quod revelaturus erat pene post secula. Non enim ejus est festinasse in proponendo, ejus & retardasse in revelando. Creatori autem competit utrumque & ante secula proposuisse, & in fine seculorum revelasse: quia & quod proposuit, & revelavit medio spatio seculorum, in figuris & ænigmatibus & allegoriis præministravit. Sed quia subjicit *de gloria nostra*, quod eam nemo ex principibus hujus ævi scierit: *ceterum si scissent, nunquam dominum gloria crucifixissent*: argumentatur hæreticus, quod principes hujus ævi, dominum, alterius scilicet Dei, Christum, cruci confixerint: ut & hoc in ipsum redigat creatorem. Porro,

cui

cui supra ostenderimus, quibus modis gloria nostra a creatore sit deputanda: præiudicatum esse debebit, eam, quæ in occulto fuerit apud creatorem, merito ignotam etiam ab omnibus virtutibus & potestatibus creatoris: quia nec famulis liceat consilia nosse dominorum, nedum illis apostatis angelis, ipsique principi transgressionis, diabolo, quos magis extraneos fuisse contenderim ob culpam, ab omni conscientia dispositionum creatoris. Sed jam nec mihi competit, principes hujus ævi virtutes & potestates interpretari creatoris: quia ignorantiam illis adscribit apostolus: Jesum autem & secundum nostrum Evangelium diabolus quoque in tentatione cognovit: & secundum commune instrumentum, spiritus nequam, sciebat eum sanctum Dei esse, & Jesum vocari, & in perditionem eorum venisse. Etiam parabola fortis illius armati, quem alius validior oppressit, & vasa ejus occupavit, si in creatoris accipitur apud Marcionem, jam nec ignorasse ultra potuit creator Deum gloriæ, dum ab eo opprimitur: nec in cruce eum figere, adversus quem valere non potuit: & superest, ut, secundum me quidem, credibile sit, scientes virtutes & potestates creatoris Deum gloriæ, Christum suum, crucifixisse, qua desperatione & malitiæ redundantia servi quoque scelestissimi dominos suos interficere non dubitant. Scriptum est enim apud me, Satanam in Judam introisse. Secundum autem Marcionem, nec Apostolus hoc loco patitur ignorantiam adscribi virtutibus creatoris in gloriæ dominum, quia scilicet non illas vult intelligi principes hujus ævi. Quod si non videtur de spiritualibus dixisse principibus, ergo de secularibus dixit, de populo principali, utique non inter nationes, de ipsis Archontibus ejus, de rege Herode, etiam de Pilato, & quo major principatus hujus ævi, Romana dignitas, præsidebat. Ita & cum destruantur argumentationes diversæ partis,  
nostræ



nostræ expositiones ædificantur. Sed vis adhuc gloriam nostram Dei tui esse, & apud eum in occulto fuisse, & quare adhuc eodem & Deus instrumento & Apostolus nititur. Quid illi cum sententiis prophetarum ubique? Quis enim cognovit sensum domini, & quis illi consiliarius fuit. Esaias est: Quid illi etiam cum exemplis Dei nostri? Nam quod *architectum se prudentem* affirmat, hoc invenimus significari depalato-rem disciplinæ divinæ a creatore, per Esaiam: Aufe-ram enim inquit, a Judæa inter cætera & sapientem architectum. Et numquid ipse tunc Paulus destinaba- tur, de Judæa, id est, de Judaismo, auferri habens in ædificationem Christianismi, *positurus unicum funda- mentum, quod est Christus*. Quia & de hoc per eundem prophetam creator: Ecce ego, inquit, injicio in funda- menta Sionis lapidem pretiosum honorabilem & qui in eum crediderit, non confundetur: nisi si structorem se terreni operis Deus profitebatur, ut non de Chri- sto suo significaret, qui futurus esset fundamentum credentium in eum, *super quod, prout quisque superstru- xerit, dignam scilicet vel indignam doctrinam, si opus ejus per ignem probabitur: si merces illi per ignem repende- tur*, creatoris est: quia per ignem judicatur vestra su- perædificatio, utique sui super fundamenti, id est, sui Christi. *Nescitis quod templum Dei sitis, & in vobis inhabitet spiritus Dei?* Si homo & res, & opus, & imago & similitudo, & caro per terram, & anima per æflatum creatoris est: totus ergo in alieno habitat Deus Marcionis, si nos creatoris sumus templum. Quod si templum Dei quis vitiauerit, vitiabitur; utique a Deo templi. Ultorem intentans, creatorem inten- tabis. *Stulti estote, ut sitis sapientes*. Quare? Sa- pientia enim hujus mundi, stultitia est penes Deum. Penes quem Deum? Si nihil nobis & adhuc fer- rum pristina præjudicaverunt: bene quod & hic astringit; *Scriptum est enim: Degrahander sapientes in ne- quitia*

*quiritia illorum. Et rursus: Dominus scit cogitationes sapientium, quod sint supervacua.* in totum enim præscriptum a nobis erit, nulla illum sententia uti potuisse ejus Dei, quem destruere deberet, si non illi doceret. *Ergo, inquit, nemo gloriatur in homine.* Et hoc secundum creatoris disciplinam, miserum hominem, qui spem habet in hominem, & bonum est fidere in Deo, quam fidere in hominibus: ita & gloriari.

7. *Et occulta tenebrarum ipse illuminabit,* utique per Christum, qui Christum illuminationem repromisit, se quoque lucernam pronuntiavit, scrutantem corda & renes. Ab illo erit & laus unicuique, a quo & contrarium laudis, ut a judice. Certe, inquis, vel hic mundum, Deum mundi interpretatur, dicendo: *Spectaculum facti sumus mundo, & angelis & hominibus.* Qui si mundum homines mundi significasset, non etiam homines postmodum nominasset. Imo ne ita argumentareris, providentia spiritus sancti demonstravit; quomodo dixisset, *Spectaculum facti sumus mundo,* dum angelis, qui mundo ministrant, & hominibus, quibus ministrant: Verebatur nimirum tantæ constantiæ vir, ne dicam spiritus sanctus, præsertim ad filios scribens, quos in *Evangelio generaverat*, libere Deum mundi nominare, adversus quem, nisi exerte, non posset videri prædicare. Non defendo secundum legem creatoris displicuisse illum, qui mulierem patris sui habuit: communis & publicæ religionis secutus sit disciplinam. Sed cum eum damnat *dedendum Satana*, damnatoris Dei præco est. Viderit & quomodo dixerit, *in interitum carnis,* ut spiritus salvus sit in die domini, dum & de carnis interitu, & de salute spiritus judicarit: & auferri jubens malum de medio, creatoris frequentissimam sententiam commemoraverit. *Expurgate vetus fermentum, ut sitis nova. conspersio, sicut estis azymi.* Ergo azymi figuræ erant nostræ apud creatorem. Sic & pascha nostrum immolatus est

*est Christus.* Quare pascha Christus, si non pascha figura Christi? Per similitudinem sanguinis salutaris, & pecoris Christi? Quid nobis & Christo imagines imbuunt solemnium creatoris, si non erant nostræ? *Avertens autem nos a fornicatione,* manifestat carnis resurrectionem. *Corpus,* inquit, *non fornicationi, sed domino, & dominus corpori,* ut templum Deo, & Deus templo. Templum ergo Deo peribit, & Deus templo. Atquin vides, *qui dominum suscitavit, & nos suscitabit;* in corpore quoque suscitabit: quia corpus domino, & dominus corpori. Et bene quod aggerat. *Nescitis corpora vestra membra esse Christi?* Quid dicet hæreticus; membra Christi non resurgent, quæ nostra jam non sunt. *Enti enim sumus magna.* Plane nullo si phantasma fuit Christus, nec habuit ullam substantiam corporis, quam pro nostris corporibus dependeret, ergo, & Christus habuit quo nos redimeret: etsi aliquo magno redemit hæc corpora, in quæ eadem committenda fornicatio non erit, ut in membra jam Christi, non nostra; utique sibi salva præstabit, quæ magno comparavit. Jam nunc quomodo *honorabimus,* quomodo *tollemus Deum in corpore perituro?* Sequitur de nuptiis congregari, quas Marcion, constantior Apostolo, prohibet. Etenim Apostolus, *et si bonum continentia præfert, tamen conjugium & contrahi permittit, & usui esse, & magis retineri, quam disjungi suadet.* Plane Christus vetat divortium, Moyses vero permittit. Marcion totum concubitus auferens fidelibus (videant enim catechumeni ejus,) repudium ante nuptias jubens, cujus sententiam sequitur, Moyse an Christi? Atquin & Christus cum præcipit *mulierem a viro non discedere: aut si discesserit, manere innuptam: aut reconciliari viro:* & repudium permittit, quod non in totum prohibuit, & matrimonium confirmavit, quod primo vetuit disjungi: &, si forte disjunctum, voluit reformari. Sed & continentia quas ait causas? *Quis*

*tempus in collecto est*, putaveram quia Deus alius in Christo: & tamen a quo est collectio temporis, ab eo erit, & quod collectioni temporis congruit. Nemo alieno tempori consulit. Pusillum Deum affirmas tuum Marcion, quem in aliquo coangustat tempus creatoris. Certe præscribens *tantum in domino esse nubendum*, ne qui fidelis ethnicum matrimonium contrahat: legem tuetur creatoris, allophylosum nuptias ubique prohibentis. *Sed etsi sunt, qui dicuntur Dei, sive in caelis, sive in terris*, apparet quomodo dixerit; non, quasi vere sint, sed quia sint qui dicantur, quando non sint. De idolis enim cepit de idolothytis disputaturus: *Scimus quod idolum nihil sit*. Creatorem autem & Marcion Deum non negat: ergo non potest videri Apostolus creatorem quoque inter eos posuisse, qui Dei dicantur, & tamen non sint, quando, etsi fuissent, *nobis tamen unus esset Deus pater, ex quo omnia. Nobis nisi, cujus omnia?* Quænam ista? Habes in præteritis, *omnia vestra sunt*, sive Paulus, sive Apollo, sive Cephæ: sive mundus, sive vita, sive mors, sive præsentia, sive futura: adeo omnium Deum creatorem facit: a quo & mundus, & vita, & mors, quæ alterius Dei esse non possunt. Ab eo igitur inter omnia & Christus. *Ex labore suo unumquemque docens vivere oportere*: satis exempla præmiserat militum, pastorum, rusticorum, sed divina illi autoritas deerat. *Legem igitur apponit* creatoris, ingratis, quam destruebat: sui enim Dei nullam talem habebat. *Bovi, inquit, terenti es non obligabis*, & adjicit: *Nunquid de bubus pertinet ad dominum*, etiam de bubus propter homines benignum: *propter nos enim scriptum est*, inquit. Ergo & legem allegoricam secundum nos probavit, & de *Evangelio viventibus* patrocinantem, ac propter hoc non alterius esse evangelizatores, quam cujus lex, quæ prospexit illis, cum dicit: *propter nos enim scriptum est*. Sed noluit uti legis potestate, quia ma-

luit.

fuit gratis laborare. Hoc ad *gloriam suam* retulit, quam *negavit* quenquam *evacuaturum*, non ad legis destructionem, qua alium probavit usurum. Ecce enim & in *petram* offendit cæcus Marcion, *de qua bibebant in solitudine patres nostri*. Si enim petra illa Christus fuit: utique creatoris, cujus & populus. Cui rei figuram, extranei sacramenti interpretatur? An ut hoc ipsum doceret, figurata fuisse vetera in Christum, ex illis recensendum? Nam & reliquum exitum populi decursurus præmittit: *Hæc autem exempla nobis sunt facta*. Dic mihi, a creatore alterius quidem ignoti Dei hominibus exempla sunt facta, an alius Deus ab alio mutuatur exempla, & quidem æmulo? De illo me terret tibi, a quo fidem meam transfert? Meliorem me illi adversarius faciet? Jam *si deliquero eadem qua & populus, eademne passurus sum*, an non? Atquin si non eadem, vane mihi timenda proponit, quæ non sum passurus. Passurus autem a quo ero? Si a creatore, qualia insignere ipsius est? Et quale erit, ut peccatorem æmuli sui puniat magis, quam e contrario foveat Deus zelotes. Si ab illo Deo? Atquin punire non novit. Ita tota ista propositio Apostoli, nulla ratione consistit, si non ad disciplinam creatoris est. Denique & in clausula præfationi respondet. *Hæc autem quemadmodum evenerunt illis, scripta sunt ad nos commonendos, in quos fines avorum decurrerunt*. O creatorem & præscium jam & admonitorem alienorum Christianorum! Prætereo, si quando paria eorum, quæ retractata sunt, quædam, & breviter expungo. Magnum argumentum Dei alterius, *permissio omnium obsequiorum, adversus legem*: quasi non & ipsi confiteamur legis onera dimissa: sed ab eo, qui imposuit, qui novationem repromisit: ita & cibos qui abstulit, reddidit, quod & a primordio præstitit. Cæterum, si quis alius Deus fuisset destructor Dei nostri, nihil magis suos prohibuisset, quam de copiis adversarii vivere.

8. *Caput viri Christus est.* Quis Christus, qui non est viri auctor? Caput enim ad auctoritatem posuit: auctoritas autem non alterius erit, quam auctoris. Cujus denique viri caput est? Certe de quo subjicit: *Vir enim non debet caput velare, cum sit Dei imago.* Igitur si creatoris est imago, ille enim Christum, sermonem suum, intuens, hominem futurum: Faciamus, inquit, hominem ad imaginem & similitudinem nostram, quomodo possum alterum habere caput, non eum, cujus imago sum? Cum enim imago sim creatoris, non est in me locus capitis alterius. Sed & quare mulier potestatem super caput habere debet? Si quia ex viro, & propter virum facta est secundum institutionem creatoris, sic quoque ejus disciplinam apostolus curavit, de cujus institutione causas disciplinæ interpretatur. Adjicit etiam, *propter angelos.* Quos? id est, cujus? Si creatoris, apostatas, merito, ut illa facies, quæ eos scandalizavit, notam quandam referat de habitu humilitatis & obscuracione decoris. Si vero propter angelos Dei alterius, quid veretur, si nec ipsi Marcionitæ fœminas appetunt. Sæpe jam ostendimus, *hæreses apud Apostolum inter mala ut malum poni, & eos probabiles intelligendos, qui hæreses, ut malum fugiant.* Proinde panis & calicis sacramenta jam in Evangelio probavimus, corporis & sanguinis dominici veritatem adversus phantasma Marcionis. Sed & omnem *judicii* mentionem creatori competere, ut Deo judici, toto pene opere tractatum est. Nunc de *spiritualibus* dico, hæc quoque in Christum a creatore promissa, sub illa præscriptione justissima opinor, qua non alterius credenda sit exhibitio, quam cujus probata fuerit repromissio. Pronuntiavit Esaias: Prodi-bit virga de radice Jesse, & flos de radice ascendet, de virga, & requiescet super eum spiritus domini. Dehinc species ejus enumerat. Spiritus sapientiæ & intelligentiæ, spiritus consilii & valentiæ, & spiritus agnitio-

agnitionis, & religionis. Spiritus eum replebit timoris Dei. Christum enim in floris figura ostendit futurum, ex virga, profecta de radice Jesse, id est, virgine generis David, filii Jesse; in quo Christo consistere haberet tota substantia spiritus, non quasi postea obventura illi, qui semper spiritus Dei fuerit, ante carnem quoque, ne ex hoc argumenteris prophetiam ad eum Christum pertinere, qui ut homo tantum ex solo censu David, postea consecuturus sit Dei sui spiritum. Sed quoniam exinde, quo floruisse in carne, sumta ex stirpe David, requiescere in illo omnis haberet operatio gratiæ spiritualis, & concessare & finem facere quantum ad Judæos: sicut & res ipsa testatur; nihil exinde spirante penes illos spiritu creatoris, ablato a Judæa sapiente & prudente architecto & consiliario & propheta, ut hoc sit, lex & propheta usque ad Johannem. Accipe nunc quomodo & a Christo in cælum recepto *charismata obventura* pronuntiarit. *Ascendit in sublimitatem*, id est, in cælum, *captivam duxit captivitatem*, id est, mortem vel humanam servitutem, *dedit data filiis hominum*, id est, donativa quæ charismata dicimus. Eleganter filiis hominum ait; non passim hominibus, nos ostendens filios hominum, id est, vere hominum, Apostolorum. In Evangelio enim, inquit, ego vos generavi. Et filii mei, quos parturio rursus. Jam nunc & illa promissio spiritus absolute facta per Joelem: In novissimis temporibus effundam de meo spiritu, in omnem carnem & prophetabunt filii filiæque eorum. Et super servos & ancillas meas de meo spiritu effundam. Et utique si in novissimos dies gratiam spiritus creator repromisit, Christus autem spiritualium dispensator in novissimis diebus apparuit, dicente Apostolo: At ubi tempus expletum est, misit Deus filium suum, & rursus: Quia tempus jam in collecto est: apparet & de temporum ultimorum prædicatione, hanc gratiam spi-

ritus, ad Christum prædicatoris pertinere. Compara-  
denique species Apostoli & Esaïæ: *Alii*, inquit, *da-*  
*tur per spiritum, sermo sapientiæ.* Statim & Esaïas spi-  
ritum sapientiæ posuit. *Alii sermo sci-entia.* Hic erit  
sermo intelligentiæ & consilii: *alii fides in eodem spiritu.*  
Hic erit spiritus religionis & timoris Dei. *Alii donum*  
*curationum, alii virtutum.* Hic erit valentiæ spiritus.  
*Alii prophetia, alii distinctio spirituum, alii genera lin-*  
*guarum, alii interpretatio linguarum* Hic erit agnitio-  
nis spiritus. Vides Apostolum & in distributione fa-  
cienda unius spiritus, & in specialitate interpretanda  
prophetæ conspirantem. Possum dicere, ipsum qui  
corporis nostri per multa & diversa membra, unitatem,  
charismatum variorum compagini adequavit, eundem &  
corporis humani & spiritus sancti dominum ostendit,  
qui meritum charismatum, noluerit esse in corpore  
spiritus, quæ nec in corpore humano collocavit, qui  
de dilectione quoque omnibus charismatibus præsonenda,  
Apostolum instruxerit principali præcepto, quod pro-  
bavit & Christus, Diliges dominum de totis præcor-  
diis, & totis viribus, & tota anima tua, & proxi-  
mum tibi tanquam te. Quod etsi in lege scriptum esset,  
commemorat in aliis linguis, & in aliis labiis locuturum  
creatorem. Cum hac commemoratione charisma lin-  
guarum confirmat, nec hic potest videri alienum cha-  
risma creatoris prædicatione confirmasse: æque præ-  
scribens silentium mulieribus in ecclesia, ne quid discendi  
duntaxat gloria loquantur. Cæterum prophetandi jus  
& illas habere, jam ostendit, cum mulieri etiam pro-  
phetanti velamen imponit. Ex lege accipit subjicienda  
fœmina auctoritatem, quam, ut semel dixerim, nosse  
non debuit, nisi in destructionem. Sed ut jam a spi-  
ritalibus recedamus, res ipsæ probare debebunt, quis  
nostrum temere Deo suo vindicet, & a nostræ parti  
possit opponi. Hæc & si creator repromisit in suum  
Christum nondum revelatum, ut Judæis tantum desti-  
natum,



matum, suas habitura in suo tempore, in suo Christo, & in suo populo operationes: exhibeat itaque Marcion Dei sui dona, aliquos prophetas, qui tamen non de humano sensu, sed de Dei spiritu sint locuti, qui & futura prænuntiarint & cordis occulta traduxerint.

*Edat aliquem psalmum, aliquam visionem, aliquam orationem, duntaxat spiritalem, in ecstasi, id est amentia, si qua lingue interpretatio accessit.* Probet etiam mihi mulierem apud se prophetasse, ex illis suis sanctioribus fœminis, magnificam. Si hæc omnia facilius a me proferuntur, & utique conspirantia regulis & dispositionibus & disciplinis creatoris: sine dubio Dei mei erit & Christus, & spiritus, & Apostolus. Habet professionem meam, qui voluerit eam exigere.

9. Interim Marcionites nihil hujusmodi exhibebit, qui timet jam pronuntiare, cujus magis Christus nondum sit revelatus: sicut meus exspectandus est, qui a primordio prædicatus est, illius idcirco non est, quia non a primordio sit. Melius nos credimus in Christum futurum, quam hæreticus in nullum. *Mortuorum resurrectionem quomodo quidam tunc negarint*, prius dispiciendum est. Utique eodem modo, quo & nunc. Si quidem semper resurrectio carnis negatur. Cæterum animam & sapientium plures divinam vindicantes salvam repromittunt, & vulgus ipsum ea præsumptione defunctos colit, qua animas eorum manere confidit. Cæterum corpora aut ignibus statim aut feris, aut etiam diligentissime condita, temporibus tamen aboleri, manifestum est. Si ergo carnis resurrectionem negantes, Apostolus retundit: utique adversus illos tuetur, quod illi negabant, carnis scilicet resurrectionem. Habes compendio responsum. Cætera jam ex abundantia. Nam & ipsum quod mortuorum resurrectio dicitur, exigit defendi proprietates vocabulorum. Mortuum non est, nisi, quod amisit animam, de cujus facultate vivebat. Corpus est, quod

amittit animam, & amittendo fit mortuum: ita mortui vocabulum, corpori competit. Porro si resurrectio mortui est, mortuum autem non aliud est quam corpus: corporis erit resurrectio. Sic & resurrectionis vocabulum, non aliam rem vindicat, quam quæ cecidit. Surgere enim potest dici, & quod omnino non cecidit; quod semper retro jacuit. Resurgere autem, non est nisi ejus, quod cecidit. Iterum enim surgendo, quia cecidit, resurgere dicitur. Re enim syllaba iterationi semper adhibetur. Cadere ergo dicimus corpus in terram, per mortem, sicut & res ipsa testatur, ex Dei lege; corpori enim dictum est, Terra es & in terram ibis. Ita quod de terra est, ibit in terram. Hoc abit, quod in terram ibit, hoc resurgit quod cadit. *Quia per hominem mors, & per hominem resurrectio.* Hic mihi & Christi corpus ostenditur, in nomine hominis, qui constat ex corpore, ut sæpe jam docuimus. Quod si sic in Christo vivificamur omnes, sicut mortificamur in Adam: quando in Adam corpore mortificamur, sic necesse est & in Christo corpore vivificemur. Cæterum similitudo non constat, si non in eadem substantia mortificationis in Adam, vivificatio concurret in Christo. Sed interposuit adhuc aliquid de Christo, & propter præsentem disceptationem non omittendum. Tanto magis enim probabitur carnis resurrectio, quanto Christum ejus Dei ostendero, apud quem creditur carnis resurrectio. Cum dicit, *oportet enim regnare cum, donec ponat inimicos ejus sub pedes ejus*: jam quidem & ex hoc ultorem Deum edicit, atque exinde ipsum, qui hoc Christo repromiserit, sede ad dexteram meam donec ponam inimicos tuos scabellum pedum tuorum; virgam virtutis tuæ emittet dominus ex Sion, & dominabitur in medio inimicorum tuorum, tecum. Sed necesse est ad meam sententiam pertinere. Defendam eas scripturas, quas & Judæi nobis avocare conantur.

Dicunt

Dicunt denique hunc psalmum in Ezechiam cecinisse; quia is sederit ad dexteram templi, & hostes ejus averterit Deus & absumerit; propterea igitur & cætera, Ante luciferum ex utero generavi te, in Ezechiam convenire; & in Ezechiae nativitatem. Nos edimus Evangelia, de quorum fide aliquid, utique jam in tanto opere, istos confirmasse debemus, nocturna nativitate declarantia dominum, ut hoc sit ante luciferum, & ex stella Magis intellecta, & ex testimonio angeli, qui nocte pastoribus annuntiavit, natum esse cum maxime Christum: & ex loco partus: in diversorium enim ad noctem convenitur. Fortasse an & mystice factum sit, ut nocte Christus nasceretur, lux veritatis futurus ignorantiae tenebris. Sed nec generavi te edixisset Deus, nisi filio, puero. Nam & si de toto populo ait, filios generavi: sed non adjecit ex utero. Cur autem adjecit ex utero, tam vane? Quasi aliquis hominum ex utero natus dubitaretur. Nisi quia curiosius voluit intelligi in Christum, ex utero generavi te, id est ex solo utero sine viri semine, carni deputans, ex utero spiritus, quod ex ipso. Huc accedit, Tu es sacerdos in ævum. Nec sacerdos autem Ezechias, nec in ævum, etsi fuisset. Secundum ordinem, inquit, Melchisedec, quid Ezechias ad Melchisedec altissimi sacerdotem, & quidem non circumcisum? Qui Abraham circumcisum jam accepta decimarum oblatione benedixit? At in Christum conveniet ordo Melchisedec, quoniam quidem Christus proprius & legitimus Dei antistes, præputiati sacerdotii pontifex, tum in nationibus constitutus, a quibus magis suscipi habebat; & cognituram se quandoque circumcisionem, & Abrahæ gentem cum ultimo venerit, acceptatione & benedictione dignabitur. Est & alius psalmus ita incipiens, Deus judicium tuum regi da, id est Christo regnatura, & justitiam tuam filio regis, id est populo Christi. Filii enim ejus

N n §

sunt,

sunt, qui in ipso renascuntur. Sed & hic psalmus Salomoni canere dicitur. Quæ tamen soli competunt Christo: docere non poterunt, etiam cætera, non ad Salomonem, sed ad Christum pertinere? Descendit; inquit, tanquam imber super vellus, & velut stillæ destillantes in terram: placidum descensum ejus & insensibilem describens de cælo in carnem. Salomon autem & si descendit alicunde, non tamen sicut imber, quia non de cælo. Sed simpliciora quæque proponam: Dominabitur, inquit, a mari ad mare, & a flumine usque ad terminos terræ. Hoc soli datum est Christo. Cæterum Salomon uni & modicæ Judææ imperavit. Adorabunt illum omnes reges; quem omnes, nisi Christum? Et servient ei omnes nationes; cui omnes, nisi Christo? Sit nomen ejus in ævum. Cujus nomen in æternum, nisi Christi? Ante solem manebit nomen ejus. Ante solem enim, sermo Dei; id est Christus. Et benedicentur in illo universæ gentes. In Salomone nulla natio benedicitur: in Christo vero omnis. Quid nunc, si & Deum eum iste psalmus demonstrat, & beatum eum dicent. Quoniam benedictus dominus Deus Israelis, qui facit mirabilia solus. Benedictum nomen gloriæ ejus, & replebitur universa terra gloria ejus. Contra Salomon (audeo dicere,) etiam quam habuit in Deo gloriam, amisit; per mulierem in idololatriam usque pertractus. Itaque cum in medio psalmo illud quoque positum sit, inimici ejus pulverem lingent, subjecti utique pedibus ipsius: ad illud pertinebit, propter quod hunc psalmum & intuli & ad meam sententiam defendi; ut confirmaverim & regni gloriam, & inimicorum subjectionem, secundum dispositionem creatoris, consecuturum, non alium credendum, quam creatoris.

ro. Revertamur nunc ad resurrectionem, cui & alias quidem *proprio volumine* satisfecimus, omnibus hæreticis resistentes; sed nec hic desistimus, propter  
eos,

eos, qui illud opusculum ignorant. *Quid, ait, facient qui pro mortuis baptizantur, si mortui non resurgunt?* Viderit institutio ista; calendæ, si forte, Februarie, (respondebunt illi) pro mortuis peterent. Noli ergo Apostolum novum statim autorem aut confirmatorem ejus denotare, ut tanto magis sisteret carnis resurrectionem, quanto illi, qui vane pro mortuis baptizarentur, fide resurrectionis hoc facerent. Habemus illum alicubi unius baptismi definitorem. Igitur & pro mortuis tingui, pro corporibus est tingui; mortuum enim corpus ostendimus. Quid facient, qui pro corporibus baptizantur, si corpora non resurgunt? Atque adeo recte hunc gradum figimus, ut & Apostolus secundam disceptationem æque de corpore induxerit. Sed dicent quidam: *Quomodo mortui resurgent? Quo autem corpore venient?* Defensa etenim resurrectione, quæ negabatur, consequens erat de qualitate corporis retractare, quæ non videbatur. Sed de ista cum aliis congrédi convenit. Marcion enim in totum carnis resurrectionem non admittens, & soli animæ salutem repromittens, non qualitatis, sed substantiæ facit quæstionem. Porro & ex his manifestissime obducitur, quæ Apostolus ad qualitatem corporis tractat, propter illos qui dicunt, *Quomodo resurgent mortui? Quo autem corpore venient?* Jam enim prædicavit resurrecturum esse corpus, id de corporis qualitate tractavit. Denique si proponit exempla *granitritici, vel alicujus ejusmodi vel quibus det corpus Deus pro ut velit, si unicuique seminum proprium ait esse corpus, ut aliam quidem carnem hominum, aliam vero pecudum & volucrum, & corpora cælestia atque terrena & aliam gloriam solis, & luna aliam, & stellarum aliam, nonne carnalem & corporalem portendit resurrectionem, quam per carnalia & corporalia exempla commendat, nonne etiam ab eo Deo eam spondet a quo sunt & exempla? Sic & resurrectio inquit. Quomodo? Sicut & granum*

granum. *corpus feritur, corpus resurgit.* Seminationem denique vocavit dissolutionem corporis in terram, quia *feritur in corruptela, resurgit in honestatem, & virtutem*, cujus ille ordo in dissolutione ejus, & hic in resurrectione corporis scilicet, sicut & granum. Cæterum si auferas corpus resurrectioni, quod dedisti dissolutioni: ubi consistet diversitas exitus? Proinde, & *si feritur animale, resurgit spiritale.* Et si habet aliud quod proprium corpus anima vel spiritus, ut possit videri corpus animale, animam significare, & corpus spiritale spiritum: non ideo animam dicit in resurrectione spiritum futuram, sed corpus, quod cum anima nascendo & per animam vivendo, animale dici capit, futurum spiritale, dum per spiritum surgit in æternitatem. Denique, si non anima sed caro seminatur in corruptela, dum dissolvitur in terram; jam non anima erit corpus animale, sed caro, quæ fuit corpus animale. Siquidem de animali efficitur spiritale, sicut & infra dicit: *Non primum quod spiritale.* Ad hoc enim & de ipso Christo præstruit, *factus primus homo Adam, in animam vivam, novissimus Adam in spiritum vivificantem*; licet stultissimus hæreticus noluerit ita esse. Dominum enim posuit novissimum, pro novissimo Adam; veritus scilicet, ne si & dominum novissimum haberet Adam, & ejusdem Christum defenderemus in Adam novissimo, cujus & primum. Sed falsum relucet. Cur enim primus Adam, nisi quia & novissimus Adam? Non habent ordinem inter se, nisi paria quæque, & ejusdem vel nominis vel substantiæ vel auctoris. Nam & si potest in diversis quoque esse aliud primum aliud novissimum: sed unius auctoris. Cæterum si & autor alius, & ipse quidem potest novissimus dici. Quod tamen intulerit primum est, novissimum autem, si primo par sit. Par autem primo non est, quia non ejusdem auctoris est. Eodem modo & in nomine hominis revincetur. *Primus, inquit,*  
*homo*

*homo de humo terrenus, secundus dominus de cælo.* Quare secundus, si non homo, quod & primus? Aut nunquid & primus dominus, si & secundus? Sed sufficit, si in Evangelio filium hominis adhibet Christum & hominem, & in homine Adam, eum negare non poterit. Sequentia quoque eum comprimunt. Cum enim dicit Apostolus, *qualis qui de terra*, homo scilicet, *tales & terreni*, homines utique. Ergo & *qualis qui de cælo* homo, *tales & qui de cælo* homines. Non enim poterat hominibus terrenis non homines cœlestes opposuisse, ut statum ac spem studiosius distingueret in appellationis societate. Statu enim ac spe dicit terrenos atque cœlestes homines, tamen ex pari, qui, secundum exitum, aut in Adam aut in Christo deputantur. Et ideo jam ad exhortationem spei cœlestis, *sicut portavimus*, inquit, *imaginem terreni*, *portemus & imaginem cœlestis*, non ad substantiam ullam referens resurrectionis, sed ad præsentis temporis disciplinam. Portemus enim, inquit, non portabimus, præceptive, non promissive; volens nos sicut ipse incessit ita incedere, & a terreni, id est veteris hominis imagine abscedere, quæ est carnalis operatio. Denique quid subjungit? *Hoc enim dico, fratres, quia caro & sanguis regnum Dei non possidebunt*: Opera scilicet carnis & sanguinis. Quibus & ad Galatas scribens, abstulit Dei regnum, solitus & alias substantiam pro operibus substantiæ ponere, ut cum dicit, eos, qui in carne sunt, Deo placere non posse. Quando enim placere Deo poterimus, nisi dum in carne hac sumus? Aliud tempus operationis, nullum opinor est. Sed si in carne quamquam constituti, carnis opera fugiamus, tum non erimus in carne, dum non in substantia carnis non sumus, sed in culpa. Quod si in nomine carnis, opera non substantiam carnis, jubemur exponere: operibus ergo carnis, non substantiæ, carnis in nomine, denegatur Dei regnum. Non enim id damna-  
tur,

tur, in quo male fit, sed id, quod fit. Venenum dare scelus est, calix tamen, in quo datur, reus non est. Ita & corpus carnalium operum vas est, anima est autem, quæ in illo venenum alicujus mali facti temperat. Quale est autem, ut si anima auctrix operum carnis merebitur Dei regnum, per expiationem eorum, quæ in corpore admisit: corpus ministrum, solummodo in damnatione permaneat? Venefico absoluto calix erit puniendus? Et tamen non utique carni defendimus Dei regnum, sed resurrectionem substantiæ suæ; quasi januam regni, per quam aditur. Cæterum aliud resurrectio, aliud regnum. Primo enim resurrectio, dehinc regnum. Resurgere itaque dicimus carnem, sed mutatam consequi regnum. *Resurgent enim mortui, incorrupti*; illi scilicet qui fuerant corrupti dilapsis corporibus in interitum. *Et nos mutabimur, in atomo, in oculi momentaneo motu.* Oportet enim corruptivum hoc, tenens utique carnem suam dicebat Apostolus, *induere incorruptelam, & mortale hoc, immortalitatem*; ut scilicet habilis substantia efficiatur regno Dei. Erimus enim sicut angeli. Hæc erit demutatio carnis, sed resuscitatæ. Aut si nulla erit, quomodo induet incorruptelam, & immortalitatem? Aliud igitur facta per demutationem, tunc consequetur Dei regnum, jam non caro nec sanguis, sed quod illi corpus Deus dederit. Et ideo recte Apostolus, *Caro & sanguis regnum Dei non consequentur*, demutationi illud adscribens, quæ accedit resurrectioni. Si autem tunc fiet verbum, quod scriptum est apud creatorem, *Ubi est mors victoria vel contentio tua? Ubi est mors aculeus tuus*; verbum autem hoc, creatoris est, per Prophetam: ejus erit & res, id est regnum, cujus & verbum fiet in regno: nec alii Deo gratias dicit, quod nobis victoriam, utique de morte referre præstiterit, quam illi, a quo verbum insultatorium de morte & triumphatorium accepit.



II. Si *Deus* commune vocabulum factum est, vitio erroris humani, quatinus plures Dei dicuntur atque creduntur in seculo, *benedictus* tamen *Deus domini nostri, Jesu Christi* non alius, quam creator, intelligetur, qui & universa benedixit: habes Genesim: Et ab universis benedicitur: habes Danielelem: proinde, si pater potest dici sterilis, Dei nullius magis nomine quam creatoris, *miserickordiarum* tamen pater idem erit, qui misericors & miserator & misericordiae plurimus est dictus. Habes apud Jonam cum ipso misericordiae exemplo, quam Ninivitis exorantibus praestitit facilis, & Ezechiae fletibus flecti, & Achab, marito Jezabel, deprecanti sanguinem ignoscere Nabuthae, & David agnoscenti delictum, statim indulgere, malens scilicet poenitentiam peccatoris, quam mortem, utique ex misericordiae affectu. Si quid tale Marcionis Deus edidit vel edixit, agnoscam patrem misericordiarum. Si vero ex eo tempore hunc titulum ei adscribit, quo revelatus quasi, exinde sit pater misericordiarum, quo liberare instituit genus humanum: atquin & nos ex eo tempore negamus illum, ex quo dicitur revelatus, non potest igitur aliquid ei adscribere, quem tunc ostendit, cum aliquid ei adscribit. Si enim prius constaret eum esse, tunc & adscribi ei potest. Accidens enim est, quod adscribitur: accidentia autem antecedit ipsius rei ostensio, cui accidunt; maxime, cum jam alterius est quod adscribitur ei, qui prius non sit ostensus. Tanto magis negabitur esse, quanto per quod affirmatur esse, ejus est, qui jam ostensus est. Sic & testamentum novum non alterius erit, quam qui illud repromisit: & si non litera, at ejus spiritus, hoc erit novitas. Denique, qui literam tabulis lapideis inciderat, idem & de spiritu edixerat, Effundam de meo spiritu in omnem carnem. Et si litera occidit, spiritus vero vivificat, ejus utrumque est, qui ait, Ego occidam & ego vivificabo, percutiam

&

& sanabo. Olim duplicem vim creatoris vindicamus & iudicis & boni, litera occidentis per legem, & spiritu vivificantis per Evangelium. Non possunt duos Deos facere, qui & si diversa, apud unum recenseri prævenerunt. Commemorat & *de velamine Moyfi, quo faciem tegebat, inconstemplabilem filiis Israel. Si ideo, ut claritatem majorem defenderet novi testamenti, quod manet in gloria, quam veteris, quod evacuari habebat: hoc & meæ convenit fidei præponenti Evangelium legi; & vide ne magis meæ.* Illic enim erit superponi quid, ubi fuerit & illud, cui superponitur. At cum dicit, *sed obtusi sunt, sensus mundi*, non utique creatoris, sed populi, qui in mundo est. De Israel enim dicit, *ad hodiernum usque, velamen; id ipsum in corde eorum, figuram ostendit fuisse velamen faciei in Moyse, velaminis cordis in populo, quia nec nunc apud illos perspicitur Moyse corde, sicut nec facie tunc.* Quid est ergo adhuc velatum in Moyse, quod pertineat ad Paulum? Si Christus creatoris a Moyse prædicatus nondum venit, quomodo jam operta & velata adhuc denotantur corda Judæorum, nondum exhibitis prædicationibus Moyfi, id est de Christo, in quo eum intelligere deberent? Quid ad Apostolum Christi alterius, si Dei sui sacramenta Judæi non intelligebant? nisi quia velamen cordis illorum ad cæcitatem, qua non perspexerant Christum Moyfi, pertinebat? Denique quod sequitur? *Cum vero converterit ad Deum, auferetur velamen*, hoc Judæo proprie dicit, apud quem & est velamen Moyfi, qui cum transierit in fidem Christi, intelligit Moysem de Christo prædicasse. Cæterum, quomodo auferetur velamentum creatoris in Christo Dei alterius, cujus sacramenta velasse non potuit creator? Ignoti videlicet ignota? Dicit ergo: *nos jam aperta facie*, utique cordis quod velatum est in Judæis, *contemplantur Christum, eadem imagine transfigurari a gloria, qua scilicet & Moyse transfigurabatur,*

tur, a gloria domini *in gloriam*: ita corporalem Moyſi illuminationem de congreſſu domini, & corporale velamen de infirmitate populi proponens, & ſpiritualem revelationem & ſpiritualem claritatem in Chriſto ſuperducens; *tanquam a domino*, inquit, *ſpirituum*, totum ordinem Moyſi, figuram ignorati apud Judæos, agniti vero apud nos, Chriſti fuiſſe teſtatur. Scimus quorundam ſenſus ambiguitatem pati poſſe, de ſono pronuntiationis, aut de modo diſtinctionis, cum duplicitas earum intercedit. Hanc Marcion captavit ſic legendo, *in quibus Deus ævi hujus*: ut creatorem oſtendens Deum hujus ævi, alium ſuggerat Deum, alterius ævi. Nos contra ſic diſtinguendum dicimus, *In quibus Deus*. Dehinc ævi hujus *excæcavit mentes infidelium*: in quibus, Judæis infidelibus, in quibus opertum eſt aliquibus Evangelium adhuc ſub velamine Moyſi. Illis enim Deus labiis diligentibus eum, corde autem longe abſiſtentibus ab eo, minatus fuerat, *Aure audietis, & non audietis. Oculis videbitis & non videbitis, Et niſi credideritis, nec intelligetis, Et auferam ſapientiam, & prudentiam prudentium irritam faciam*. Hæc autem non utique de Evangelio, Dei ignoti, abſcondendo minabatur. Ita & ſi hujus ævi Deus, ſed infidelium hujus ævi excæcat cor, quod Chriſtum ejus non ultro recognoverint, de ſcripturis intelligendum. Et poſitum in ambiguitate diſtinctionis hætenus tractaſſe, ne adverſario prodeſſet, contentus victoriæ, næ ultro poſſum & in totum contentionem hanc præteriſſe. ſimpliciori reſponſo præ manu erit, hujus ævi dominum, diabolum interpretari, qui dixerit, *Propheta referente, Ero ſimilis altiſſimi, ponam in nubibus thronum meum: ſicut & tota hujus ævi ſuperſtitio illi mancipata eſt, qui excæcet infidelium corda, & in primis apoſtatae Marcionis. Denique non vidit occurrentem ſibi clauſulam ſenſus, quoniam Deus qui dixit ex tenebris lucem luceſcere, relaxit in cordibus noſtris ad illuminationem agnitionis ſue, in perſona*

*Tertull. Tom. I. O o Chriſti.*

*Christi.* Quis sic dixit fiat lux? Et de inluminacione mundi quis Christo ait? Posui te in lumen nationum, sedentium scilicet in tenebris, & in umbra mortis. Cui respondet spiritus in psalmo, ex providentia futuri: Significatum est, inquit, super nos lumen personæ tuæ domine. Persona autem Dei, Christus dominus. Unde & Apostolus supra, *Qui est imago*, inquit, *Dei*. Igitur si Christus persona creatoris, dicentis, fiat lux, & Christus & Apostoli, & Evangelium, & velamen & Moyses, & tota series secundum testimonium clausulæ creatoris est: Dei hujus ævi, certe non ejus, qui nunquam dixit, fiat lux. Prætereo hic & de alia epistola, quam nos *ad Ephesios* præscriptam habemus, hæretici vero *ad Laodicenos*. Ait enim meminisse nationes, quod illo in tempore, cum essent sine Christo, alieni ab Israele, sine conversatione & testamentis, & spe promissionis, etiam sine domino essent; in mundo utique, etsi de creatore. Ergo si nationes, sine Deo dixit esse, Deus autem illis diabolus est, non creator: apparet dominum ævi hujus eum intelligendum, quem nationes pro Deo receperunt, non creatorem, quem ignorant. Quale est autem, ut non ejusdem habeatur *thesaurus in fictilibus vasis nostris*, cujus & vasa sunt? Nam si gloria Dei est, in fictilibus vasis tantum thesauri haberi, vasa autem fictilia creatoris sunt: ergo & gloria creatoris est, cujus vasa eminentiam virtutis Dei sapiunt, & virtus ipsa. Quia propterea in vasa fictilia commissa sunt, ut eminentia ejus probaretur. Cæterum jam non erit alterius Dei gloria, ideoque nec virtus, sed magis dedecus & infirmitas, cujus eminentiam fictilia & quidem aliena ceperunt. Quod si hæc sunt *fictilia vasa*, in quibus tanta nos pati dicit, in quibus etiam mortificationem circumferimus Dei, satis ingratus Deus & injustus, si non & hanc substantiam resuscitaturus, in qua pro fide ejus tanta tolerantur, in qua & mors Christi circumfertur,

fertur, in qua & eminentia virtutis consecratur. Sed enim proponit, *ut & vita Christi manifestetur in corpore nostro*, scilicet sicut & mors ejus circumfertur in corpore. De qua ergo Christi vita dicit? Qua nunc vivimus in illo? Et quomodo in sequentibus non ad visibilia nec ad temporalia, sed ad invisibilia & ad æterna, id est non ad præsentia, sed ad futura exhortatur? Quod si de futura vita dicit Christi, in corpore eam dicens apparituram, manifeste carnis resurrectionem prædicavit; exteriorem quidem hominem nostrum corrumpi dicens, & non quasi æterno interitu post mortem: verum laboribus & incommodis, de quibus præmisit adjiciens, *& non deficiemus*. Nam & interiorem hominem nostrum renovari de die in diem dicens, hic utrumque demonstrat: & corporis corruptionem, ex vexatione tentationum; & animi renovationem, ex contemplatione promissionum.

12. *Terreni domicilii nostri*, non sic ait *habere nos domum æternam, non manu factam, in cælo*, quia quæ manu facta sit creatoris intereat, in totum dissoluta post mortem. Hæc enim ad mortis metum & ad ipsius dissolutionis contristationem consolandam, retractans etiam per sequentia manifestius, cum subjicit, *ingemere nos de isto tabernaculo corporis terreni, quod de cælo est superinduere cupientes*. Siquidem *& despoliati non inveniemur nudi*, id est recipiemus quod despoliati sumus, id est corpus. Et rursus. *Etenim qui sumus in isto tabernaculo corporis, ingemimus quod gravemur, nolentes exui, sed superindui*. Hic enim expressit, quod in prima epistola strinxit, Et mortui resurgent incorrupti, qui jam obierunt: & nos mutabimur, qui in carne fuerimus deprehensi a Deo. Et illi enim resurgent incorrupti, recepto scilicet corpore: & quidem integro, ut ex hoc sint incorrupti, & hi propter temporis ultimum jam momentum, & propter merita vexationum *antichristi*, compendium mortis: sed mu-

tati consequentur superinduti magis quod de cœlo est; quam exuti corpus. Ita si hi super corpus induent cœleste illud, utique & mortui recipient corpus super quod & ipsi induant incorruptelam de cœlo: quia & de illis ait, *neceſſe eſt corruptivum iſtud induere incorruptelam, & mortale iſtud immortalitatem.* Illi induunt cum receperint corpus, iſti ſuperinduunt, quia non amiferint corpus: & ideo non temere dixit, nolentes exui corpore, ſed ſuperindui, id eſt nolentes mortem experiri, ſed vita præveniri: *uti devoretur mortale hoc a vita*, dum eripitur morti per ſuperindumentum demutationis. Ideo quia oſtendit *hoc melius eſſe*, ne contriſtemur mortis, ſi forte, præventu, & arrabonem nos ſpiritus dicit a Deo habere; quaſi pignoratos in eandem ſpem ſuperindumenti: & *ab eſſe a domino, quam diu in carne ſumus, ac propterea debere boni ducere, ab eſſe potius a corpore & eſſe cum domino*, ut & mortem libenter excipiamus: atque adeo omnes, ait, *nos oportere manifeſtari ante tribunal Chriſti, ut recipiat unusquiſque, quæ, per corpus, amiſit ſive bonum ſive malum.* Si enim tunc retributio meritorum: quomodo jam aliqui cum Deo poterunt deputari? Et tribunal autem nominando, & diſpunctionem boni ac mali operis, utriuſque ſententiæ iudicem oſtendit, & corporum omnium repræſentationem confirmavit. Non enim poterit quod corpore amiſſum eſt, non corpore iudicari. Iniquus enim Deus, ſi non per id punitur quis aut juvatur, per quod operatus eſt. Si qua ergo conditio nova in Chriſto, vetera tranſierunt, ecce nova facta ſunt omnia, impleta eſt Eſaiæ prophetia. Si etiam jubet *ut mundemus nos ab inquinamento, carnis & ſanguinis*, non ſubſtantiam capere regnum Dei, ſi & *virginem ſanctam deſtinat eccleſiam assignare Chriſto*, utique ut ſponſam ſponſo: non poteſt imago conjungi inimico veritatis rei ipſius. Si & *pſeudapoſtoloſ dicit operarios dololoſ tranſfiguratoſ ſui*, per hypocriſin ſcilicet, conver-

conversationis non prædicationis adulteratæ reos taxat: adeo de disciplina non de divinitate diffidebatur. *Si transfiguratur Satanas in angelum lucis*, non potest hoc dirigi in creatorem. Deus enim, non angelus creator, in Deum lucis, non in angelum transfigurare se dictus esset, si non eum Satanan significaret, quem & nos & Marcion angelum novimus. De paradiso; suus stilus est ad omnem, quam patitur, quæstionem. Hic illud forte mirabor, si proprium potuit habere *paradisum* Deus, nullius terrenæ dispositionis, nisi si etiam paradiso creatoris precario usus est, sicut & mundo. Et tamen hominem tollere ad cælum creatoris, exemplum est in Helia. Magis vero mirabor dominum optimum, percutiendi & sæviendi alienum, nec proprium saltem sed creatoris *angelum*, *Satanæ*, *colaphizando Apostolo suo applicuisse*, & *ter ab eo observatum non concessisse*. Emendat igitur & Deus Marcionis, secundum creatorem, elatos æmulantem; ut deponentem scilicet de solio dynastas. Aut nunquid ipse est, qui & in corpus Job dedit Satanæ potestatem, *ut virtus in infirmitate comprobaretur*? Quid & formam legis adhuc tenet Galatarum castigator, *in tribus testibus præficiens statutum omne verbum*? Quid & *non parsurum se peccatoribus comminatur*, lenissimi Dei prædicator? Imo & *ipsam durius agendi in præsentia potestatem a domino datam sibi affirmat*. Nega nunc hæretice, timeri Deum tuum, cujus Apostolus timebatur!

13. Quanto opusculum profligatur breviter, jam retractanda sunt, quæ rursus occurrunt, quædam vero & tramittenda, quæ sæpius occurrerunt. Piget de lege adhuc congregi, quoties probaverim concessionem ejus, nullum argumentum præstare diversi Dei, in Christo prædicatam scilicet, & repromissam in Christum apud creatorem, quatinus & ipsa epistola legem plurimum videtur excludere. Sed & judicem Deum ab Apostolo circumferri, sæpe jam ostendimus, &

in iudice ultorem, & creatorem in ultore. Itaque & hic, cum dicit: *non enim me pudet Evangelii. Virtus enim Dei est in salutem omni credenti, Judæo & Græco, quia iustitia Dei in eo revelatur, ex fide in fidem: sine dubio & Evangelium & salutem iusto Deo deputat non bono, ut ita dixerim secundum hæretici distinctionem; transferenti, ex fide legis in fidem Evangelii, suæ utique legis, & sui Evangelii. Quoniam & iram dicit revelari de cælo super impietatem, & iniustitiam hominum, qui veritatem in iniustitia detineant. Cujus Dei ira? Utique creatoris. Ergo & veritas ejus erit, cujus & ira, quæ revelari habet in ultionem veritatis. Etiam adjiciens, scimus autem iudicium Dei secundum veritatem esse, & iram ipsam probavit, ex qua venit iudicium pro veritate; & veritatem rursus ejusdem Dei confirmavit, cujus iram probavit, probando iudicium: Aliud est, si veritatem Dei alterius, in iniustitia detentam creator iratus ulciscitur. Quantas autem foveas in ista vel maxime epistola Marcion fecerit, auferendo, quæ voluit, de nostri instrumenti integritate parebit. Mihi sufficit, quæ proinde eradenda non vidit, quasi negligentias & cæcitates ejus accipere. Si enim iudicabit Deus occulta hominum, tam eorum, qui in lege deliquerunt, quam eorum, qui sine lege, quia & hi legem ignorant, & natura faciunt, quæ sunt legis: utique is Deus iudicabit, cujus sunt & lex, & ipsa natura, quæ legis est instar ignorantibus legem. Iudicabit autem. Quomodo? Secundum Evangelium, inquit, per Christum. Ergo & Evangelium & Christus illius sunt, cujus & lex & natura, quæ per Evangelium & Christum vindicabuntur, a Deo; illo iudicio Dei, quod & supra, secundum veritatem. Ergo, quæ defendenda reveletur de cælo ira, non nisi a Deo iræ: ita & hic sensus pristino coherens, in quo iudicium creatoris edicitur, non potest in alium Deum referri, qui nec iudicat nec irascitur, sed in illum, cujus dum hæc sunt, iudicium di-*



eo & ira : etiam illa ipsius sint necesse est , per quæ hæc habent transigi , evangelium & Christus. Et ideo *vehitur in transgressores legis , docentes non furari & furantes* , ut homo Dei legis ; non ut creatorem ipsum his modis tangens , qui & furari vetans fraudem mandaverit in Aegyptios auri & argenti , quemadmodum & cætera in illum retorquent. Scilicet Apostolus verebatur convitium Deo palam facere , a quo non verebatur divertisse ? Adeo autem Judæos inceserat , ut ingesserit propheticam increpationem , *Propter vos nomen Dei blasphematur*. Quam ergo perversum , ut ipse blasphemaret eum , cujus blasphemandi causa malos exprobrat ! *Præfert & circumcisionem cordis præputiationi* : apud Deum legis , est facta circumcisio *cordis non carnis , spiritu non littera*. Quod si hæc est circumcisio Hieremiæ , & circumcidemini præputia cordis : sicut & Moyse , circumcidemini duricordiam vestram : ejus erit spiritus , circumcidens cor , cujus & littera metens carnem ejus : *& Judæus , qui in occulto , cujus & Judæus in aperto* : quia nec Judæum nominare vellet Apostolus , non Judæorum Dei servum. *Tunc lex , nunc justitiæ Dei , per fidem Christi*. Quæ est ista distinctio ? Servivit Deus tuus dispositioni creatoris , dans ei tempus & legi ejus : an ejus tunc cujus & nunc ? ejus lex , cujus & fides. Christi distinctio dispositionum est , non deorum ; *monet justificatos ex fide Christi , non ex lege , pacem ad Deum habere*. Ad quem ? Cujus nusquam fuimus hostes : an cujus legi & naturæ rebellavimus ? Nam si in eum competit pax , cum quo fuit bellum , ei & justificabimur , & ejus erit Christus , ex cujus fide justificabimur , ad cujus pacem competit redigi , hostes ejus aliquando. *Lex autem , inquit , subintroivit , ut abundaret delictum*. Quare ? *ut superabundaret* , inquit , *gratia*. Cujus Dei gratia , si non cujus & lex ? Nisi si creator ideo intercalavit , ut negotium procuraret gratiæ Dei alterius & quidem æmuli

li, ne dixerim ignoti; ut *quemadmodum, apud ipsum, regnauerat peccatum in mortem, ita & gratia regnaret in iustitia, in vitam per Iesum Christum* adversarium ipsius. Propter hoc omnia concluderat lex creatoris sub delictum, & totum mundum deduxerat in reatum, & omne os obstruxerat, ne qui gloriaretur per illam: ut gratia fervaretur in gloriam Christi, non creatoris, sed Marcionis. Possum & hic de substantia Christi præstruere, ex prospectu quæstionis subsecuturæ. *Mortuos enim nos, inquit, legi.* Ergo corpus Christi & potest corpus contendere, non statim caro. Sed & quæcumque substantia sit, cum ejus nominat corpus, quem subijcit, *ex mortuis resurrexiss:* non potest aliud corpus intelligi, quam carnis, in quam lex mortis est dicta. Ecce autem & testimonium perhibet legi, & causa delicti eam excusat. *Quid ergo dicemus? Quia lex peccatum? Absit.* Erubescere marcion. Absit. Abominatur apostolus criminationem legis. *Sed ego delictum non scio nisi per l.g.m.* O summum ex hoc præconium legis, per quam licuit delictum latere. *Non ergo lex seduxit sed peccatum per præcepti occasionem.* Quid Deo imputas legis, quod legi ejus Apostolus imputare non audet? Atquin & accumulatur: *lex sancta, & præceptum ejus justum & bonum.* Si taliter veneratur legem creatoris, quomodo ipsum destruat nescio. Quis discernit duos Deos, justum alium, bonum alium, cum is utrumque debeat credi, cujus præceptum & bonum & justum est? *Si autem & spiritalem confirmat legem, utique & propheticam, utique & figuratam.* Debeo enim & hinc constituere Christum in lege figurate prædicatum, quo nec a Judæis omnibus potuerit agnosci.

14. Hunc si pater misit in similitudinem carnis peccati, non ideo phantasma dicetur caro, quæ in illo videbatur. Peccatum enim carni supra adscripsit, & illam fecit legem peccati habitantem in membris suis, & adversantem legi sensus: ob hoc igitur missum filium

in similitudinem carnis peccati, ut *peccati carnem simili substantia redimeret*, id est carnea, quæ peccatrici carni similis esset, cum peccatrix ipsa non esset. Nam & hæc erit Dei virtus in substantia pari perficere salutem. Non enim magnum, si spiritus Dei, carnem remediaret, sed si caro consimilis peccatrici, dum caro est, sed non peccati. Ita similitudo ad titulum peccati pertinebit, non ad substantiæ mendacium. Nam nec addidisset, peccati, si substantiæ similitudinem vellet intelligi, ut negaret veritatem. Tantum enim carnis posuisset, non & peccati. Cum vero tunc sic struxit carnis peccati, & substantiam confirmavit, id est carnem, & similitudinem ad vitium substantiæ retulit, id est ad peccatum. Puta nunc similitudinem substantiæ dictam, non ideo negabitur substantiæ veritas. Cur ergo similis vera? Quia vera quidem, sed non ex semine, de statu similis, sed vera de censu, non vero dissimilis. Cæterum similitudo in contrariis nulla est. Spiritus non diceretur carnis similitudo, quia nec caro similitudinem spiritus caperet. Sed phantasma diceretur, si id quod non erat videbatur. Similitudo autem dicitur, cum est, quod videtur. Est enim, dum alterius par est. Phantasma autem qua hoc tantum est, non est similitudo. Et hic autem, ipse edisserens, quomodo *nolit esse nos in carne, cum simus in carne*, ut scilicet non simus ex operibus carnis: ostendit hac ratione scripsisse, caro & sanguis regnum Dei consequi non possunt, non substantiam dampnans, sed opera ejus, quia possunt non admitti a nobis in carne adhuc positis: non ad reatum substantiæ, sed ad conversationis pertinebunt. Item: si *corpus quidem mortuum propter delictum*, (adeo non animæ, sed corporis mors est;) *spiritus autem vita, propter justitiam*, ei utique obveniet vita propter justitiam: cui mors obvenit propter delictum, id est corpori. Non enim alicui restituitur quid, nisi qui illud

amist, & ita erit resurrectio mortuorum, dum est corporum. Nam subjungit, *Qui suscitavit Christum a mortuis vivificabit & mortalia corpora vestra*. Adeo & carnis resurrectionem confirmavit, absque qua nec corpus aliud dici capit, nec mortale aliud intelligi, & christi substantiam corporalem probavit. Siquidem proinde vivificabuntur & mortalia corpora nostra, quemadmodum & ille resuscitatus est, non alias proinde nisi quia in corpore. Salio & hic, amplissimum abruptum intercisæ scripturæ, sed apprehendo *testimonium perhibentem Apostolum Israeli, quidem zelam Dei habeant, sui utique, non tamen per scientiam; Deum enim, inquit ignorantes, & suam justitiam sistere quærentes, non subjecerunt se justitia Dei*. Finis enim legis Christus, in justitia omni credenti. Hic erit argumentatio hæretici, quasi Deum superiorem ignoraverint Judæi, qui adversus eum justitiam suam, id est legis suæ constituerint, non recipientes Christum, finem legis. Cur ergo & zelo eorum erga Deum proprium testimonium perhibet, si non & inscientiam erga eundem Deum eis exprobrat? quod zelo quidem Dei agerentur, sed non per scientiam, ignorantes scilicet eum, dum dispositiones ejus in Christo ignorant, consummationem legi statuturo, atque ita suam justitiam tuentur adversus illum. Atque adeo ipse creator & ignorantiam erga se eorum contestatur, Israel me non agnovit & populus meus me non intellexit. Et quod justitiam suam magis sisterent, docentes doctrinas præcepta hominum, nec non & congregati essent adversus dominum & adversus Christum ipsius, ex inscientia scilicet. Nihil igitur potest in alium Deum exponi, quod competit in creatorem, quia & alias immerito Apostolus Judæos de ignorantia sugillasset, erga Deum ignotum. Quid enim deliquerant, si justitiam Dei sui adversus eum sistebant, quem ignorabant? Atquin exclamat, *O profundum divitiarum & sapientia Dei,*

*Dei, & ininvestigabiles via ejus. Unde illa eruptio? Ex recordatione scilicet scripturarum, quas retro revolverat, ex contemplatione sacramentorum, quæ supra differuerat in fidem Christi, ex lege venientem. Hæc si Marcion de industria erasit, quid Apostolus ejus exclamat, nullas intuens divitias Dei, tam pauperis & egeni, quam qui nihil condidit, nihil prædicavit, nihil denique habuit, ut qui in aliena descendit? Sed enim & opes, & divitiæ creatoris olim absconditæ; nunc referatæ. Sic enim repromiserat: Et dabo illis thesauros occultos, invisibiles aperiam eis. Inde ergo exclamatum est: O profundum divitiarum & sapientiæ Dei! cujus jam thesauri patebant. Id Esaiæ, & sequentia, de ejusdem prophetæ instrumento. *Quis enim cognovit sensum domini, aut quis consiliarius ejus fuit? Quis porrexit ei, & retribuetur illi?* Qui tanta de scripturis ademisti, quid ista servasti, quasi non & hæc creatoris? Plane novi Dei præcepta; videamus. *Odio, inquit, habentes malum, & bono adhaerentes.* Aliud est enim apud creatorem: Auferte malum de vobis, & declina a malo & fac bonum? *Amore fraternitatis invicem affectuosi*: non enim id ipsum est, Diliges proximum tanquam te? *Spe gaudentes*, utique Dei. Bonum est enim, sperare in domino, quam sperare in magistratus. *Pressuram sustinentes*: Exaudiet enim te dominus in die pressuræ. Habes psalmum. *Benedicite, & nolite maledicere.* Quis hoc docebit, quam, qui omnia benedictionibus condidit? *Non altum sapientes, sed humilibus assentantes, ne fitis apud vos sapientes.* Væ enim audiunt per Esaiam. *Malum pro malo nemini retribueritis.* Et malitiæ fratris tui ne memineritis. *Nec vosmetipsos ulciscentes*: Mihi enim vindictam & ego vindicabo, dicit dominus. *Pacem cum hominibus habetote*: ergo & legalis talio non retributionem injuriæ permittebat, sed inceptionem metu retributionis compri-mebat. Merito itaque totam creatoris disciplinam*

*princi-*

*principali praecepto ejus conclusit: Diliges proximum tanquam te. Hoc legis supplementum, si ex ipsa lege est: quis sit Deus legis, jam ignoro. Metuo, ne Deus Marcionis. Si vero Evangelium Christi hoc praecepto adimpletur, Christi autem non est creatoris, quo jam contendimus. Dixerit Christus, an non ego non veni legem dissolvere, sed implere. Frustra de ista sententia neganda Ponticus laboravit, si Evangelium legem non adimplevit. Ecce lex Evangelium adimplevit. Bene autem, quod & in clausula *tribunal Christi comminatur*, utique judicis & ultoris, utique creatoris, illum certe constituens promerendum, quem intentat timendum, etiam si alium praedicaret.*

15. Brevioribus quoque epistolis non pigebit intendere. Est sapor & in paucis. *Occiderant Judaei prophetas suos.* Possum dicere, Quid ad Apostolum Dei alterius, & quidem optimi, qui nec suorum delicta damnare dicatur: quique & ipse prophetas eosdem destruendo quodammodo perimat? Quid mali admisit apud illum Israel, si occidit, quos & ille reprobavit? Si prior inimicam in eos sententiam statuit? Deliquit autem apud Deum ipforum. Is & exprobravit iniquitatem, ad quem pertinet laesus. Certe quis alius quam adversarius laesi. Sed nec onerasset illos, imputando etiam domini necem, *qui & dominum interfecerunt*, dicendo, *& prophetas suos*: licet *suos* adjectio sit haeretici. Quid enim tam acerbum, si alterius Dei praedictorem Christum interemerunt, qui sui Dei prophetas contrucidaverunt? Status autem exaggerationis, quod & dominum & famulos ejus peremissent. Denique si alterius Dei Christum, alterius prophetas peremerunt: aequavit impietates, non exaggeravit. Aequanda autem non fuit, ergo exaggerari non potuit, nisi in eundem dominum commissa, ex utroque titulo: ergo ejusdem Dei, Christus & propheta. Quam autem *sanctitatem nostram*,  
volum-

*voluntatem Dei dicat, ex contrariis, quæ prohibet, agnoscere. Abstine* enim, inquit, *a stupro, non a matrimonio. Scire unumquemque suum vas in honore tractare.* Quomodo? dum non in libidine, qua gentes. Libido autem nec apud gentes matrimonio adscribitur, sed extraordinariis, & non naturalibus & portentosis. Sanctitas, luxuriæ est turpitudini quoque & immundiciæ contraria: quæ non matrimonium excludat, sed libidinem: quæ vas nostrum in honore matrimonii tractet. Hunc autem locum salva alterius, id est, plenioris sanctitatis prælatione, tractaverim: continentiam & virginitatem nuptiis anteponeans, sed non prohibitis: destructores enim Dei nuptiarum, non sectatores castitatis retundo. Ait eos, *qui remaneant in adventu Christi, cum eis qui mortui in Christo primi resurgent, quod in nubibus auferentur in aere obviam domino.* Agnosco his jam tunc prospectis mirari substantias cœlestes ipsam Hierusalem, quæ sursum est: & per Esaïam pronuntiare, quoniam huc velut nubes volant, tanquam columbæ cum pullis ad me. Hunc ascensum si Christus nobis præparavit, illis erit Christus de quo Osee, qui ascensum suum ædificat in cœlos, utique sibi & suis. Exinde a quo sperabo nunc, nisi a quo hæc audiui? Quem *spiritum prohibet extingui, & quas prophetias vetat nihil haberi?* Utique non creatoris spiritum, nec creatoris prophetias, secundum Marcionem. Quæ enim destruxit, ipse jam extinxit, & nihili fecit, nec potest prohibere, quæ nihil fecit. Ergo incumbit Marcioni exhibere hodie apud ecclesiam suam exinde spiritum Dei sui, qui non sit extinguendus, & prophetias, quæ non sint nihili habendæ. Et si exhibuit, quod putat: sciat nos quodcumque illud ad formam spiritualis & propheticæ gratiæ atque virtutis provocaturos, ut & futura prænuntiet, & occulta cordis revelet, & sacramenta edisserat. Cum nihil tale protulerit ac probarit:

nos

nos proferemus & spiritum & prophetias creatoris, secundum ipsum prædicantes: atque ita constabit Apostolus de quibus dixerit, de eis scilicet, quæ futura erant in ecclesia ejus Dei, qui dum est, spiritus quoque eis operatur, & promissio celebratur. Age nunc, qui salutem carnis abnuitis, etsi quando corpus in hujusmodi prænominatur, aliud nescio quid interpretamini illud, quam substantiam carnis: quomodo Apostolus omnes in novis substantiis certis nominibus distinxit: & omnes in uno voto constituit salutis, *optans ut spiritus noster & corpus & anima sine querela in adventu domini & salutificatoris nostri Christi conserventur.* Nam & animam posuit & corpus, tam duas res quam diversas: licet enim & animæ corpus sit aliquod, suæ qualitatis, sicut & spiritus: cum tamen & corpus & anima distincte nominantur, habet anima suum vocabulum proprium, non egens communi vocabulo corporis, id relinquitur carni quæ non nominata proprio, communi utatur necesse est. Et enim aliam substantiam in homine non video, post spiritum & animam, cui vocabulum corporis accommodetur: præter carnem. Hanc totiens in corporis nomine intelligens, quotiens non nominatur: multo magis hic, cum, quæ dicitur corpus, suo nomine appellatur.

16. Cogimur quædam identidem iterare, ut coherentia eis confirmemus. Dominum & hic retributorem utriusque meriti, dicimus circumferri ab Apostolo, aut creatorem, aut, quod nolit Marcion, parem creatoris, *apud quem justum sit afflictatoribus nostris reponere afflictationem: & nobis, qui afflictemur requiem, in revelatione domini Jesu venientis a caelo cum angelis virtutis suæ, & in flamma ignis. Sed flammam & ignem delendo hæreticus extinxit, ne scilicet nostratam Deum faceret.* Lucet tamen vanitas lituræ. Cum enim ad ultionem venturum scribat Apostolus dominum, exigendam



nam de eis, qui Deum ignorent, & qui non obaudiant Evangelio, quos ait penam luituros exitialem, aeternam, a facie domini, & a gloria valentia ejus: sequitur, ut flammam ignis inducat, scilicet veniens ad puniendum: ita & in hoc, nolente Marcione, crematoris Dei Christus, & in illo creatoris est, quod etiam de ignorantibus dominum ulciscitur: id est, de ethnicis. Seorsum enim posuit, Evangelio non obaudientes, sive Christianos peccatores, sive Judæos. Porro de ethnicis exigere pœnas, qui Evangelium forte non norint: non est Dei ejus, qui naturaliter sit ignotus: nec usquam nisi in Evangelio sit revelatus, non omnibus scibilis. Creatori autem etiam naturalis agnitio debetur, ex operibus intelligendo, & exinde in pleniorē noticiam requirendo. Illius est ergo, etiam ignorantes Deum plectere, quem non liceat ignorare. Ipsum, quod ait a facie domini & a gloria valentiæ ejus: verbis usus Esaiæ: ex ipsa causa eundem sapit dominum, consurgentem, ut comminuat terram. Quis est autem *homo delicti, filius perditionis, quem revelari prius oportet ante domini adventum; extollens se super omne, quod Deus dicitur, & omnem religionem, confessus in templo Dei, & Deum se jacturus?* Secundum nos quidem *Antichristus*, ut docent veteres & novæ prophetiæ: ut Johannes, apostolus, qui jam Antichristos dicit processisse in mundum, præcursores Antichristi spiritus; negantes, Christum in carne venisse: & solventes Jesum, scilicet in Deo creatore. Secundum vero Marcionem nescio, ne sit Christus creatoris. Nondum venit apud illum. Quisquis est autem ex duobus? Quæro, cur *veniat in omni virtute & signis & ostentis mendacii?* Propterea, inquit, *quod dilectionem veritatis non susceperint, ut salvi essent: & propter hoc erit eis instinctum fallacia, ut judicentur, omnes, qui non crediderunt veritati, sed consenserunt iniquitati.* Igitur si Antichristus & secundum creatorem, Deus erit

erit Creator, qui eum mittit ad impingendos eos in errorem, qui non crediderunt veritati, ut salvi fierent: ejusdem erit veritas & salus, qui ex summissu erroris ulciscitur, id est, creatoris: cui & competit zelus ipse, errore decipere, quos veritate non cepit. Si vero non est Antichristus, secundum nos: ergo Christus est creatoris, secundum Marcionem. Et quale erit, ut ad ulciscendam veritatem suam Christum creatori summittat? Sed & de Antichristo consentit: proinde dixerim, quale est, ut illi *Satanas*, angelus creatoris, sit necessarius, & *occidatur ab eo*, habens fallaciæ operatione fungi creatori? In summa, si indubitatum est, ejus esse & *angelum*, & *veritatem*, & *salutem*, cujus & ira & æmulatio, & fallaciæ immissio adversus contemtores & desultores, etiam adversus ignorantes: ut jam & Marcion de gradu cedat, Deum quoque suum zeloten concedens, quis dignius irasceatur? Puto, qui a primordio rerum naturam, opibus, beneficiis, plagis, prædicationum testibus, ad agnitionem sui præstruxit, nec tamen agnitus est: an qui semel unico Evangelii instrumento, & ipso incerto, nec palam alium Deum prædicante, productus est? Ita cui competit vindicta, ei competet materia vindictæ: Evangelium dico, & veritas, & salus. *Jubere autem operari, eum, qui velit manducare*, ejus disciplina est, qui bovi trituranti os liberum jussit.

17. Ecclesiæ quidem veritate, epistolam istam ad *Ephesios* habemus emissam, non ad *Laodicenos*, sed Marcion ei titulum aliquando interpolare gestiit: quasi & in isto diligentissimus explorator. Nihil autem de titulis interest, cum ad omnes Apostolus scripserit, dum ad quosdam: Certe tamen, eum Deum prædicans in Christo, cui competunt, quæ prædicantur. Cui ergo competent, *secundum boni existimationem quam proposuerit in sacramento voluntatis suæ, in dispensationem adimplationis temporum* (ut ita dixerim, sicut verbum

verbum illud in Græco sonat) *recapitulare*, id est, ad initium redigere, vel ab initio recensere *omnia in Christum, quæ in cælis, & quæ in terris*: nisi cujus omnia erunt ab initio: etiam ipsum initium, a quo & tempora & temporum adimpletiones: dispensatio, ob quam omnia ad initium recensentur in Christo? Alterius autem Dei quod initium, id est, unde: cujus opus nullum? quæ tempora sine initio? quæ adimpletio, sine temporibus? quæ dispensatio, sine adimpletionem? Denique, quid in terris egit jam olim, ut longa aliqua temporum adimplendorum dispensatio reputetur, ad recensenda omnia in Christo, etiam quæ in cælis? Nec in cælis autem res ab altero actas existimabimus, quæcunque sunt, quam ab eo, a quo & in terris acta omnibus constat. Quod si non capit, alterius omnia ista deputari ab initio, quam creatoris: quis credet, ab alio ea recenseri in Christum alium, & non a suo autore, & in suum Christum? Si creatoris sunt, diversa sunt necesse est, a diverso Deo. Si diversa, utique contraria. Quomodo ergo contraria recenseantur in eum, a quo denique destruuntur? Nam & sequentia, quem renuntiant Christum, cum dicit: *Ut simus in laudem gloriae nos, qui præsperavimus in Christum*. Qui enim præsperasse poterunt, id est, ante sperasse in Deum, quam venisset, nisi Judæi, quibus Christus prænuntiabatur ab initio? Qui ergo prænuntiabatur, ille & præsperabatur. Atque adeo hoc ad se, id est, ad Judæos, refert, ut distinctionem faciat, conversus ad nationes: *in quo & vos, cum audissetis sermonem veritatis, Evangelium, in quo credidistis & signati estis spiritu promissionis ejus sancto*. Cujus promissionis? Factæ per Joelem: In novissimis diebus effundam de meo spiritu in omnem carnem: id est, & in nationes. Ita & spiritus & Evangelium in eo erit Christo, qui præsperabatur, dum prædicabatur. Sed & *pater gloria* ille est, cujus Christus rex gloriæ canitur in psalmo, ad-

scendens: Quis est iste, rex gloriæ? Dominus virtutum, ipse est rex gloriæ. Ab illo *spiritus sapientiæ optatur*: apud quem hæ quoque spiritualium species enumerantur, inter septem spiritus per Esaïam. *Ille dabit illuminatos cordis oculos*, qui etiam exteriores oculos luce ditavit; cui displicet cæcitas populi: Et quis cæcus, nisi pueri mei: & excæcati sunt famuli Dei. *Apud illum sunt & divitiæ hæreditatis in sanctis*, qui eam hæreditatem ex vocatione nationum repromisit: Postula de me, & dabo tibi gentes hæreditatem tuam. *Ille inoperatus est in Christum valentiam suam*, suscitando eum a mortuis, & collocando eum ad dexteram suam, & subiuciendo omnia, qui & dixit: Sede ad dexteram meam, donec ponam inimicos tuos scabellum pedum tuorum. Quia & alibi spiritus ad patrem de filio: Omnia subjecisti sub pedibus ejus. Si ex his alius Deus, & alius Christus infertur, quæ recognoscuntur in creatore: quæramus jam creatorem. Plane puto invenimus, cum dicit, *illos delictis mortuos, in quibus ingressi erant, secundum ævum mundi hujus, secundum principem potestatis aeris, qui operatur in filiis incredulitatis*. Sed mundum non potest & hic pro Deo mundi Marcion interpretari. Non enim simile est creatum creatori, factum factori, mundus Deo. Sed nec princeps potestatis aeris dicetur, qui est princeps potestatis seculorum. Numquam enim præses superiorum de inferioribus notatur, licet & inferiora ipsi deputentur. Sed nec incredulitatis operator videri potest, quam ipse potius a Judæis & a nationibus patitur. Sufficit igitur, si hæc non cadunt in creatorem. Si autem & est, in quem magis competat, utique magis hoc Apostolus sciit. Quis iste? Sine dubio ille, qui ipsi creatori filios incredulitatis obstruit, aere isto potitus, sicut dicere eum propheta refert: Ponam in nubibus thronum meum, ero similis altissimo. Hic erit diabolus, quem & alibi, si tamen ita & Apostolum legi volunt, Deum

Deum ævi hujus agnoscemus. Ita enim totum seculum mendacio divinitatis implevit. Qui plane si non fuisset, tunc hæc in creatorem spectasse potuissent. Sed & in Judaismo conversatus fuerat Apostolus. Non, quia interposuit de delictis, *in quibus & nos omnes conversati sumus*: ideo delictorum dominum, & principem aeris hujus, creatorem præstat intelligi, sed quia in Judaismo unus fuerat de filiis incredulitatis, diabolum habens operatorem, cum persequeretur ecclesiam & Christum creatoris: propter quod & *iracundiæ filii fuimus, inquit, sed natura*. Ne quia filios appellavit Judæos creator, argumentetur hoc hæreticus dominum iræ creatorem. Cum enim dicit: *Fuimus natura filii iracundiæ*: creatoris autem non natura sunt filii Judæi, sed allectione patrum: iræ filios ad naturam retulit, non ad creatorem, ad summam subjungens: *sicut & ceteri*, qui utique filii Dei non sunt. Apparet communi naturæ omnium hominum & delicta & concupiscentias carnis, & incredulitatem & iracundiam reputari, diabolo tamen captante naturam, quam & ipse infecit, delicti semine illato. *Ipsi, inquit, sumus factura, conditi in Christo*. Aliud est facere, aliud condere. Sed utrumque uni dedit. Homo autem factura creatoris est. Idem ergo condidit in Christo, qui & fecit. Quantum enim ad substantiam, fecit: quantum ad gratiam, condidit. Inspice & coherrentia: *Memores, vos aliquando nationes in carne, quæ appellabamini præputium, ab ea, quæ dicitur circumcisio in carne, manu facta, quod essetis illo in tempore sine Christo, alienati a conversatione Israelis & peregrini testamentorum & promissionis eorum: spem non habentes, & sine Deo in mundo*. Sine quo autem Deo fuerunt nationes, & sine quo Christo? Utique eo, cujus erat conversatio Israelis, & testamenta, & promissio. *At nunc, inquit, in Christo vos, qui eratis longe, facti estis prope in sanguine ejus*. A quibus erant retro longe? A quibus

supra dicit: A Christo creatoris, a conversatione Israelis, a testamentis, a spe promissionis, a Deo ipso. Si hæc ita sunt, ergo his prope fiunt nunc nationes in Christo: a quibus tunc longe fuerant. Si autem conversationi Israelis, quæ est in religione Dei creatoris, & testamentis, & promissioni, & ipsi Deo eorum, proximi sumus facti in Christo: ridiculum fatis, si nos alterius Dei Christus de longinquo admovit creatori. Meminerat Apostolus ita prædicatum de nationum vocatione, ex longinquo vocandarum. Qui longe erant a me, appropinquaverunt justitiæ meæ. Tam enim justitia, quam & pax creatoris, in Christo annuntiabatur, ut sæpe jam ostendimus. *Itaque ipse est, inquit, pax nostra, qui fecit duo unum, Judaicum scilicet populum & Gentilem. Quod prope & quod longe, soluto medio pariete inimicitia, in carne sua.* Sed Marcion abstulit, *sua*: ut inimicitia daret carnem, quasi carnali vitio, non Christo æmulæ. Sic ubi alibi dixi, & hic, non Marrucine, sed Pontice, cujus supra sanguinem confessus es, hic negas carnem. Si *legem præceptorum sententiis vacuum fecit*, adimplendo certe legem (vacat enim jam, non adulterabis, cum dicitur, nec videbis ad concupiscendum: vacat non occides, cum dicitur, nec maledices) adversarium legis, de adjutore, non potes facere; *ut duos conderet in semetipso*, qui fecerat idem condens. Secundum quod & supra, ipsius enim factura sumus conditi in Christo, *in unum novum hominem, faciens pacem*. Si vere novum, vere & hominem, non phantasma: novum autem & nove natum, ex virgine, Dei spiritu: *ut reconciliet ambos Deo, & Deo, quem utrumque genus offenderat*. Et Judaicum & Gentilem populum *in uno corpore*, inquit, *cum interfecisset inimicitiam in eo per crucem*. Ita & hic caro corpus in Christo, quod crucem pati potuit. *Hoc itaque annuncians pacem eis, qui prope, & eis qui longe, accessum capsecuti simul ad patrem.*

*tyem. Jam non sumus peregrini, nec advena, sed concitaves sanctorum, sed domestici Dei: utique ejus, a quo supra ostendimus alienos fuisse nos, & longe constitutos. Superadificati super fundamentum Apostolorum. Abstulit hæreticus, & prophetarum, oblitus dominum posuisse in ecclesia, sicut apostolos, ita & prophetas. Timuit scilicet, ne & super veterum prophetarum fundamenta, ædificatio nostra constaret in Christo, cum ipse apostolus ubique nos de prophetis extruere non cesset. Unde enim accepit, summum lapidem angularem dicere Christum, nisi de psalmi significatione: Lapis quem reprobaverunt ædificantes, iste factus est in summo anguli. De manibus hæretici præcidentis: non miror, si syllabas subtrahit, cum paginas totas plerumque subducit.*

18. *Datam, inquit, sibi apostolus gratiam novissimo omnium, illuminandi omnes: qua dispensatio sacramenti, occulti ab ævis in Deo, qui omnia condidit; rapuit hæreticus in præpositionem, & ita legi fecit, occulti ab ævis Deo, qui omnia condidit. Sed emicat falsum. Infert enim Apostolus, ut nota fiat principatibus & potestatibus, in supercaelestibus, per ecclesiam, multifaria sapientia Dei. Cujus dicit principatibus & potestatibus? Si creatoris? Quale est, ut principatibus & potestatibus ejus ostendi voluerit Deus ille, sapientiam suam, ipsi autem non? Quando nec potestates sine suo principe potuissent quid cognoscere: aut si ideo Deum non nominavit hic, quasi in illis & princeps ipse reputetur, ergo & occultatum sacramentum principatibus & potestatibus ejus, qui omnia condidit, pronuntiasset: proinde in illis deputans ipsum. Quod si illis dicit occultatum, ille debebat dixisse manifestum: ergo non Deo erat occultatum, sed in Deo, omnium conditore, occultum autem principatibus & potestatibus ejus. Quis enim cognovit sensum domini, aut quis consiliarius ei fuit? Hic captus hæretici*

cus fortasse mutavit uti dicat, Deum suum suis potestatibus, & principatibus notam facere voluisse dispensationem sui sacramenti, quam ignorasset Deus conditor omnium. Et quo competebat prætere ignorantiæ creatoris, extranei & longa separatione discreti? Cum domestici quoque superioris Dei nescissent: tamen & creatori notum erat futurum. An non utique notum, quod sub cælo & in terra eius habebat revelari? Ergo ex hoc confirmatur, quod supra straximus: si enim creator cogniturus erat quandoque occultum illud Dei superioris sacramentum: & ita scriptura habebat, occulti Deo, qui omnia condidit; sic inferre debuerat, ut nota fiat illi multifaria sapientia Dei, tunc & potestatibus & principatibus cujuscunque Dei, cum quibus sciturus esset creator. Adeo subtractum constat, quod & sic veritati suæ salvum est. Volo nunc & ego tibi de allegoriis Apostoli controversiamnectere, quas novus in prophetis habuisset formas? *Captivam*, inquit, *duxit captivitatem*. Quibus armis? Quibus præliis? De cujus gentis vastatione? De cujus civitatis everfione? Quas feminas, quos pueros, quosve regulos catenis victor inseruit? Nam & cum apud David Christus canitur succinctus gladio super femur: aut apud Esaiam, spolia accipiens Samariæ & virtutem Damasci: vere eum & visibilem excondis præliatorem; agnosce igitur jam & armaturam & militiam ejus spiritalem, si jam didicisti esse captivitatem spiritalem, ut & hanc illius agnoscas: vel quia & captivitatis hujus mentionem de prophetis Apostolus sumfit, a quibus & mandata, *deponentes mendacium, loquimini veritatem ad proximum quisque*: Et *irascimini & nolite delinquere*, ipsis verbis quibus psalmus exponeret sensus ejus, *sol non occidat super iracundiam vestram. Nolite communicare operibus tenebrarum*. Cum justo enim justus eris, & cum perverso perverteris. *Et auferte malum de medio vestrum*. Et exite de medio eorum:



eorum: & immundum ne attigeritis. Separamini, qui fertis vasa domini. Sic & *inebriari vino, dedecori inde est*, ubi sanctorum inebriatores increpantur. Et potum dabatis sanctis meis vinum, quod prohibitus erat potare & Aaron sacerdos, & filii ejus, cum adirent ad sancta & *psalmis & hymnis Deo canere*: docere illius est, qui cum tympanis potius & psalteriis vinum bibentes incusari a Deo norat. Ita, cujus invenio præcepta & semina præceptorum vel augmenta, ejus Apostolum agnosco. Cæterum *mulieres viris subjeetas esse debere*, unde confirmat? *quia vir, inquit, caput est mulieris*. Dic mihi Marcion: de opere creatoris Deus tuus legi suæ astruit auctoritatem? Hoc jam plane minus est, cum & ipsi Christo suo & ecclesiæ ejus inde statum sumit; *sicut & Christus caput est ecclesiæ*. Similiter & cum dicit: *Carnem suam diligit, qui uxorem diligit, sicut & Christus ecclesiam*. Vides, comparari operi creatoris Christum tuum, & ecclesiam tuam: quantum honoris carni datur in ecclesiæ nomine! Nemo, inquit, *carnem suam odio habet*, nisi plane Marcion solus: *sed & nutrit & fovet eam, sicut & Christus ecclesiam*. At tu solus eam odisti, auferens illi resurrectionem: odisse debbis & ecclesiam, quia proinde diligitur a Christo. At enim Christus amavit & carnem sicut ecclesiam. Nemo non diligit imaginem quoque sponsæ, imo & servabit illam, & honorabit, & coronabit: habet similitudo cum veritate honoris consortium. Laborabo ego, nunc eundem Deum probare masculi, & Christi; mulieris & ecclesiæ, carnis & spiritus: ipso Apostolo sententiam creatoris adhibente, imo & differente. *Propter hac relinquet homo patrem & matrem, & erunt duo in carne una. Sacramentum hoc magnum est*. Sufficit inter ista, si creatoris magna sunt apud Apostolum sacramenta; minima, apud hæreticos. *Sed ego autem dico, inquit, in Christum & ecclesiam*. Habet interpretationem, non separationem sa-

cramenti. Ostendit figuram sacramenti, ab eo præministratam, cujus erat utique sacramentum. Quid videtur Marcioni? Creator quidem ignoto Deo figuras præministrare non potuit, etiam quia adversario. Si noto, Deus superior ab inferiore, & ad destruendum potius mutuari nihil debuit. *Obaudiunt & parentibus filiis.* Nam etsi Marcion abstulit: *hoc est enim primum in promissione præceptum, lex loquitur: honora patrem & matrem; & parentes enutrite filios in disciplina & correptione domini.* Audisti enim & veteribus dictum: Narrabitis hæc in auribus filiorum vestrorum, & filii vestri æque in aures filiorum suorum. Quo jam mihi duos Deos, si una est disciplina? Et si duo sunt, illum sequar, qui prior docuit. Sed *adversus munditenentes luctatio si nobis*, o quanti jam Dii creatores! Cur enim non & hoc, vindicem unum munditenentem nominari debuisse, si creatorem significabat, cujus essent, quas præmisit potestates? Porro cum supra quidem *inluere nos jubeat armaturam, in qua stemus ad machinari nos diaboli*: Jam ostendit diaboli esse, quæ diabolo subjungit, *potestates & munditenentes tenebrarum istarum*, quæ & nos diabolo deputamus. Aut, si diabolus creator est, quis erit diabolus apud creatorem? An si duo Dii, ita & duo diaboli, & pluraliter potestates & munditenentes? Sed quomodo creator, & diabolus & Deus idem? Cum diabolus, non idem & Deus & diabolus. Aut enim ambo & Dei, si jam diaboli: aut qui Deus hic & non diabolus, sicut nec diabolus Deus. Ipsum vocabulum *diaboli*, quæro ex qua delatura competat creatori? Fortasse detulit aliquam Dei superioris intensionem, quod ipse ab archangelo passus est, & quidem mentito. Non ideo enim interdixerat illius arbusculæ gustum, ne Dei fierent: sed ne de transgressione morerentur. Nec *spiritalia* autem *nequitia* ideo creatorem significabunt, quia

quia adiecit *in cælis*. Sciebat enim & Apostolus in cælis operata esse spiritalia nequitiae, angelorum scandalizatorum in filias hominum. Et quale erat, ut ambiguitatibus & per ænigmata, nescio quæ, creatorem taxaret, qui in cæteris jam constitutus, ob libertatem prædicationis constantiam manifestandi sacramenti, in apertione oris, quam ibi expostulare a Deo mandabat, ecclesiæ utique præstabat.

19. Soleo in præscriptione adversus hæreses omnes, de testimonio temporum compendium figere, priorem vindicans regulam nostram omni hæretica posteritate. Hoc nunc probabit & Apostolus, dicens: *De spe reposita in cælis, quam audistis in sermone veritatis Evangelii, quod pervenit ad vos, sicut & in totum mundum*. Nam si jam tum traditio evangelica ubique manaverat, quanto magis nunc? Porro, si ostra est, quæ ubique manavit, magis quam omnis hæretica, nedum *Antoniniani* Marcionis, nostra erit apostolica. Marcionis autem, cum totum impleverit mundum, ne tunc quidem se defendere poterit de apostolica. Eam enim & sic constabit esse, quæ prior mundum replevit, illius scilicet Dei Evangelio: qui & hæc cecinit de prædicationibus ejus: In omnem terram exiit sonus eorum, & in terminos orbis verba eorum. *Invisibilis Dei imaginem ait Christum*. Sed nos enim invisibilem dicimus patrem Christi, scientes filium semper retro visum, si quibus visus est, in Dei nomine, ut imaginem ipsius: ne quam & hinc differentiam scindat Dei visibilis & invisibilis, cum olim Dei nostri sit definitio: Dominum nemo videbit, & vivet. Si non est *Christus primogenitus conditionis*, ut sermo creatoris, per quem omnia facta sunt, & sine quo nihil factum est: si non *in illo condita sunt universa in cælis & in terris, visibilia & invisibilia, sive throni, sive dominationes, sive principatus, sive potestates*, si non cuncta per illum & in illo sunt condita, (hæc enim Marcioni displicere oportebat): non

utique tam nude posuisset Apostolus. *Et ipse est ante omnes.* Quomodo enim ante omnes, si non ante omnia? Quomodo ante omnia, si non primogenitus conditionis, si non sermo creatoris? Unde ante omnes probabitur fuisse, qui post omnia apparuit? Quis scit priorem fuisse, quem esse nesciit? Quomodo autem *boni duxit omnem plenitudinem in semetipso habitare?* Primo enim, quæ est ista plenitudo, nisi ex illis, quæ Marcion detraxit: *conditis in Christo, in cælis & in terris*, angelis & hominibus: nisi ex illis invisibilibus & visibilibus, nisi ex thronis & dominationibus, & principatibus, & potestatibus? Aut si hæc pseudapostoli nostri & Judaici evangelizatores de suo intulerint, & ad plenitudinem Dei sui Marcion, qui nihil condidit: cæterum quale est, ut plenitudinem creatoris, æmulus & destructor ejus, in suo Christo habitare voluerit? Cui denique *reconciliat omnia, in semetipsum, pacem faciens per crucis sue sanguinem*, nisi quem offenderant universa? Adversus quem rebellaverant per transgressionem, cujus novissime fuerant? Conciliari enim extraneo possent; reconciliari vero, non alii, quam suo. Ita & *nos quondam alienatos & inimicos sensu, malis operibus creatori redigit in gratiam*, cujus admiseramus offensam, colentes conditionem adversus creatorem. Sicubi autem & ecclesiam corpus Christi dicit esse, ut hic ait, *adimplere se reliqua pressurarum Christi in carne, pro corpore ejus, quod est ecclesia*: non propterea & in totum mentionem corporis transferes a substantia carnis. (Nam & supra reconciliari nos ait in corpore ejus morte, quod est ecclesia, sed non prospere & in totum mentionem corporis transferes a substantia carnis.) Nam & supra *reconciliari nos ait in corpore ejus, per mortem* utique in eo corpore, in quo mori potuit per carnem. Mortuus est, non per ecclesiam, plane propter ecclesiam; corpus commutando pro corpore, carnale pro spiritali. At cum monet, *cavendum a subtililoquentia, & philosophia, ut inani seductione, qua fit secundum elementa mundi*: non  
secun-

secundum cœlum aut terram dicens, sed secundum literas seculares, & secundum traditionem, scilicet *h. m. n. u. m.* subtililoquorum & philosophorum: longum est quidem & alterius operis ostendere, hac sententia omnes hæreses damnari, quod omnes ex subtililoquentiæ viribus & philosophiæ regulis constent. Sed Marcion principalem suæ fidei terminum de *Epicuri* schola agnoscat, dominum inferens hebetem, ne timeri dicat eum; collocans & cum Deo, creatore, materiam, de porticu *Stoicorum*, negans carnis resurrectionem, de qua proinde nulla philosophia consentit. Cujus ingeniis tam longe abest veritas nostra, ut & in iram Dei excitare formidet, & omnia illum ex nihilo protulisse confidat, & carnem eandem restitutum repromittat, & Christum ex vulva virginis natum non erubescat, ridentibus philosophis & hæreticis & ethnicis ipsis. Stulta enim mundi elegit Deus, ut confundat sapientes: ille sine dubio, qui ex respectu hujus suæ dispositionis, perditurum se sapientiam sapientium præminabatur. Hac simplicitate veritatis contraria subtililoquentiæ & philosophiæ, nihil perversi possumus sapere. Denique, si *nos Deus cum Christo vivificat, donans delicta nobis*, non possumus credere ab eo delicta donari, in quem admissa non fuerint, ut retro ignotum. Age jam cum dicit: *Nemo nos judicet in cibo & potu & in parte diei festi, & Neomenia, & sabbati, qua est umbra futurorum: corpus autem Christi*, quid tibi videtur Marcion? De lege jam non retractamus, nisi quod & hic quemadmodum exclusa sit edocet, dum scilicet de umbra transfertur in corpus, id est, de figuris ad veritatem, quod est Christus. Ergo & umbra ejus cujus & corpus, id est, & lux ejus & Christus. Segrega alii Deo legem, & alii Deo Christum, si potes aliquam umbram ab eo corpore, cujus umbra est, separare. Manifeste legis est Christus, si corpus est umbræ. Si autem & aliquis taxat, qui ex visionibus angelicis dicebant, *cibis abstinentium, ne attigeris, ne gustaveris, volentes in humilitate sensus*

*sensus incedere, non tenentes caput*: non ideo legem & Moysen pulsat, quasi de angelica superstitione constituerit interdictionem quorundam edulium. Moysen enim a Deo accepisse legem constat. Denique hanc disciplinam *secundum praecepta*, inquit, & *doctrinam hominum*, deputavit in eos, qui caput non tenerent: id est, ipsum, in quo omnia recensentur, in Christum, ad initium revocata, etiam indifferentia esearum, *cetera praeceptorum*: ut eadem satis sit jam alibi docuisse quam a creatore manarint: qui, cum vetera praeedicaret transitura, nova facturus universa: mandans etiam: Novate vobis novamen novum, jam tum docebat deponere veterem hominem, & novum induere.

20. Cum prae-dicationis enumerat varietatem, quod alii ex *fiducia vinculorum ejus*, *audentius sermonem enuntiarent*, alii *per invidiam & contentionem*: quidam *vero & per sermonis exsistimationem*, plerique ex *dilectione*, nonnulli ex *amulatione*: jam aliqui & ex *simultate Christi* prae-dicarent, erat utique vel hic locus taxandae ipsius prae-dicationis, de diversitate sententiae, quae tantam efficeret etiam animorum varietatem. Sed causas solas animorum non regulas sacramentorum in diversitate proponens, unum tamen Christum, & unum ejus Deum, quocunque consilio prae-dicatum confirmat: & ideo *nihil mea*, inquit, *sive causatione, sive veritate Christus annuntiatur*: quia unus annuntiabatur, sive ex causatione, sive ex veritate fidei. Ad fidem enim prae-dicationis, retulit mentionem veritatis, non ad regulam ipsius, quia una quidem erat regula: sed fides prae-dicantium quorundam vera: id est, simplex, quorundam nimis docta. Quod cum ita sit, apparet eum Christum prae-dicatum, qui semper annuntiabatur. Nam si alius longe ab Apostolo induceretur, fecisset diversitatem novitas rei. Nec enim defuissent, qui prae-dicationem evangelicam nihilominus in Christum creatoris interpretarentur, cum & hodie major pars sit omnibus in locis sententiae nostrae

stræ quam hæreticæ: quo nec hic Apostolus de diversitatis denotatione & increpatione tacuisset: ita cum diversitas ne taxatur quidem, novitas non probatur. Plane de substantia Christi putant & hic Marcionitæ suffragari apostolum sibi, quod phantasma carnis fuerit in Christo, cum dicit, quod *in effigie Dei constitutus, non rapinam existimavit parari Deo. Sed exhaustit semetipsum, accepta effigie servi*, non veritate, & *in similitudine hominis*, non in homine, & *figura inventus homo*, non substantia: id est, non carne, quasi non & figura & similitudo & effigies substantiæ quoque accedant. Bene autem quod & alibi Christum imaginem Dei invisibilis appellat. Nunquid ergo & hic qua in effigie eum Dei collocat, æque non erit Deus Christus vere, si nec homo vere fuit in effigie hominis constitutus? Utrobique enim veritas necesse habebit excludi, si effigies, & similitudo, & figura phantasmati vindicabitur. Quod si in effigie & in imagine, qua filius, patris, vere Dei, præjudicatus est: etiam in effigie & imagine hominis, qua filius hominis, vere hominem inventum, nam & inventum, ratione posuit; id est, certissime hominem: quod enim invenitur, constat esse: sic & Deus inventus est per virtutem, sicut homo per carnem: quia nec morti subditum pronuntiasset, non in substantia mortali constitutum. Plus est autem, quod adjecit, & *mortem crucis*. Non enim exaggerat atrocitatem, extollendo virtutem collectionis, quam imaginariam phantasmate scisset, frustrato potius eam, quam experto, nec virtute functo in passione, sed lusu. *Qua autem retro lucri duxerat*, quæ & supra numerat gloriam carnis, notam circumcisionis, generis Hebræi, ex Hebræo censum, titulum tribus Benjamin, pharisææ candidæ dignitatem: *hac modo detrimento sibi deputat*, non Deum, sed stuporem Judæorum. *Hac ac si stercora existimat, præ comparatione agnitionis Christi*, non præ rejectione Dei creatoris, *habens justificationem*.

*scitiam, non suam jam, quæ ex lege, sed quæ per ipsum, scilicet Christum, ex Deo. Ergo, inquis, hac distinctione lex non ex Deo erat Christi. Subtiliter satis. Accipe itaque subtilius. Cum enim dicit, non quæ ex lege, sed quæ per ipsum, non dixisset per ipsum, de alio quam cujus fuit lex. Noster, inquit, munus ipse in cælis. Agnosco veterem ad Abraham promissionem creatoris: Et faciam semen tuum, tamquam stellas in cælo. Ideo & stella a stella differt in gloria. Quod si Christus adveniens de cælis, transfigurabit corpus humilitatis nostræ, conformale corpori gloria sua: resurget ergo corpus hoc nostrum, quod humiliatur in passionibus, & in ipsa lege mortis in terram dejectum. Quomodo enim transfigurabit, si nullum erit? Aut si de eis dictum, qui in adventu Dei deprehensi, in carne, deputari habebunt, quid facient qui primi resurgent? Non habebunt, de quo transfigurentur. Atqui, cum illis, dicit, simul rapiemur in nubibus obviam domino. Si cum illis sublatis, utique cum illis & transfigurati.*

21. Soli huic epistolæ brevitatis sua profuit, ut falsarias manus Marcionis evaderet. Miror tamen, cum ad unum hominem literas factas receperit, quod ad Timotheum duas, & unam ad Titum, de ecclesiastico statu compositas, recusaverit. Affectavit, opinor, etiam numerum epistolarum interpolare. Memento inspector, quod ea, quæ prætractata sunt retro, de apostolo, quoque probaverimus: & si qua in hoc opus dilata erant, expunxerimus: ne aut hic supervacuam existimes iterationem, qua confirmavimus spem pristinam: aut illic suspectam habeas dilationem, qua erui-mus tempora ista. Si totum opusculum inspexeris, nec hic redundantiam, nec illic dissidentiam judicabis.



## VARIETATES QUÆDAM TEXTUS TERTULLIANEI.

In locis juxta Hallensem recensionem obscurioris sensus, dubiæque aut suspectæ lectionis:

### IN LIBRO AD MARTYRES.

- §. 2. fol. 2. loco: catenas imbuit *habet mea Parisina: induit &c.*  
mundus.  
§. 4. fol. 6. loco: cessit carnificis &c. *habet mea: carnifici &c.*

### IN LIBRO DE SPECTACULIS.

- §. 5. fol. 14. loco: qui quotque per ordinem &c. *habet mea: & cæteri quoque per ordinem.*  
§. 8. fol. 16. loco: Murtias quoque idolum fecit: *legit latinus Latinus: Murtia quoque id olim fecit.*  
§. 9. fol. 17. loco: aurigis coloribus idololatriam vestierunt, nam ab initio Deo soli fuerunt &c. *legunt Wouwerius: & aurigas coloribus idololatriæ vestierunt; & Rigalsius: nam equi initio &c.*  
§. 10. fol. 18. loco: de gestu, & corporis fluxu. Nam molitiam veneri &c. *legit Rigal. de gestu, & flexu corporis molitiae veneris & liberi &c.*  
§. 15. fol. 21. loco: viderit ergo, ut diximus &c. *legit Junius: hic erit ergo &c.*  
*ibidem fol. 21. & 22. loco: contra Dei omnes &c.* *habet mea: contrariis omnes.*  
§. 16. fol. 23. loco: an fors fit sine causa amare &c. *habet mea: & forsitan sine causa &c.*  
§. 18. fol. 24. loco: dispungunt. Quod si tragædiæ & comædiæ scelera, & libidinum auctrices &c. *habet mea: dispungunt: quod sint &c. auctrices.*  
§. 21. fol. 26. loco: confectum oris spectaculo &c. *habet mea: amoris spectaculo.*

- §. 22. fol. 26. loco: quid mirum *babet mea*: de inæquata ista &c.  
inæquata ista &c.  
*ibidem* fol. 27. loco: quibus viri *babet mea*: quibus viles animas  
animas, fæminæ &c. fæminæ, &c.  
§. 23. fol. 28. loco: muliebri- *babet Codex MS. Wouwerii*:  
bus curatur. uratur.  
*ibidem* loco: aurium fungos &c. *legit Latin.* rudium fungos &c.

## IN LIBRO DE IDOLOLATRIA.

- §. 4. fol. 36. loco: omnem mun- *legunt Jun. & Ciacconius*: cen-  
di sensum. sum.  
§. 6. fol. 39. loco: diligentia tua *babet mea*: Numen &c.  
nomen illorum &c.  
§. 10. fol. 42. loco: quis ludi *babet mea*: si non tabularia ido-  
Magister sine tabula VII. ido- lorum &c.  
lorum &c.  
*ibidem* fol. 43 loco: flore scho- *babet mea*: flore.  
le coronandæ, &c.  
*ibidem* loco: si dudum sapit. *babet mea*: nondum.  
§. 11. fol. 44. loco: de negotia- *babet mea*: degenerabimus &c.  
tionibus, si cætera &c.  
§. 14. fol. 49. loco: Judæis dies *babet mea*: festos &c.  
suos fastos &c.  
§. 16. fol. 52. loco: sed quo- *babet mea*: item malis.  
niam ita malus &c.  
§. 21. fol. 57. ad quid enim in- *interferit MS. Wouw.* maledi-  
digneris &c. ctus &c.  
*ibidem* loco: & erit idololatriæ *legit Latin.* Idololatria.  
professio timoris &c.  
§. 23. fol. 58. loco: contendere *babet mea*: potes.  
potest.  
*ibidem* loco: & es tam in fa- *legit Latin.* hæres &c.  
cto &c.  
*ibidem* loco: levioze crimine *legunt Lat. & Jun.* majus &c.  
manua &c.

## IN APOLOGETICO ADVERSUS GENTES.

- §. 1. fol. 61. loco: iniquitatis *babet mea*: iniquitatis, odium  
odii erga nomen &c. &c.  
§. 2. fol. 64. loco: sed opinor *babet mea*: sed opinor non vul-  
non vultis perire, quos pes- tis perire, quos pessimos cre-  
simos creditis. Sic enim so- ditis (sic enim soletis dicere.)

letis dicere homicidæ, nega,  
laniari jubere sacrilegum &c.  
*ibidem loco* : quæstioni tempe-  
ratur.

§. 3. fol. 66. post : bonus vir Ca-  
jus Sejus &c.

§. 6. fol. 71. loco : instructu,  
censu,

*ibidem loco* : de quo maxime er-  
ravit antiquitas,

§. 7. fol. 72. loco : lenones sci-  
licet tenebrarum & libidinum  
inverecundia procurent,

*ibidem loco* : cum semper etiam  
piæ initiationes &c.

§. 9. fol. 75. loco : licet parrici-  
dium homicidio intersit.

*ibidem loco* : *ἡλως* &c.

*ibidem loco* : possunt alicubi  
ignari &c.

§. 11. fol. 81. loco : quem ne-  
minem.

§. 12. fol. 82. loco : quam matre  
sorores esse &c.

*ibidem fol.* 83. loco : quod non  
est, nihil ab eo patitur, qui  
non est.

§. 13. fol. 84. ardes proinde,  
aras proinde idem habitus &  
insignia in statuis.

§. 16. fol. 87. loco : quia nec ve-  
rebat extraneos arbitros  
quanquam vana cultura.

*ibidem fol.* 88. loco : cantabro-  
rum.

§. 19. fol. 91. loco : historiarum  
canas, & memoriarum &c.

§. 20. fol. 92. loco : frequentiæ  
pleraque mortium.

*ibidem loco* : providentiæ scripta  
sunt.

Tertull. Tom. I.

homicidas. Negatis laniari  
jubere sacrilegum &c.

*legis Rigal.* temperantur.

*addit mea* : sed malus, tantum  
quod Christianus.

*babet mea* : sensu &c.

*legis Jun.* curavit &c.

*legis Havercamp, & Wom.* len-  
ones scilicet tenebras, tum  
& libidinum impiarum inve-  
recundiam &c.

*babet mea* : impiæ &c.

*legis Rigal.* licet de parricidio  
intersit.

*babet mea* : *ἡλως* : *Rigal.* *ἡλως*  
*ὡς τῇ ματρὶ.*

*babet Paris.* ignari.

*babet Paris.* hominem.

*babet mea* : quam materias so-  
rores &c.

*babet mea* : nihil ab ullo pati-  
tur, quia non est.

*mea sic habet* : aras proinde.  
Idem habitus, & insignia in  
statuis.

*babet mea* : quia verebatur ex-  
traneos arbitros vana cul-  
tura.

*suspiciatur Pamelias in mea, legi*  
*posse* : labororum.

*babet mea* : historiarum causas  
&c.

*babet mea* : frequentiæ plerum-  
que mortium &c.

*babet mea* : providenter &c.

- §. 21. fol. 93. loco: derivantes legit Junius: deviantes.  
a disciplina.  
*ibidem* fol. 93-94. loco: ob disciplinæ auctoris &c.  
*ibidem* loco: Jovis enim ista sunt numina vestra.
- §. 21. fol. 97. loco: multum est si eos adhibeam, ut credatis Christiani, propter quos non creditis Christianis.
- §. 22. fol. 99. loco: venefici plane &c.
- §. 23. fol. 99. loco: infamant animas &c.
- ibidem* loco: si pueros in eloquium oraculi elidunt.
- ibidem* fol. 100. loco: nihil suspicari licebit. Magia aut aliqua ejusmodi fallacia fieri dicetis?
- ibidem* fol. 101. loco: *hujus interpolationis*: dæmonas: verum utrobique. Jam Deos &c.
- ibidem* loco: si non in cælis, ocius & inde &c.
- ibidem* post: Platonis & Poetarum &c.
- §. 24. fol. 102. post: expugnando in verum &c.
- ibidem* fol. 103. loco: Faliscorum in honorem Patris curis &c.
- §. 25. fol. 104. loco: a Romanis Diis &c.
- ibidem* loco: si ad ultores &c.
- §. 27. fol. 108. loco: & hoc magis proditos.
- §. 30. fol. 110. loco: reprobis bovis &c.
- §. 34. fol. 112. post: quod non potest credi.
- habet Paris.* ob disciplinæ auctoris &c.
- habet mea:* Jovis ista sunt, & numina vestra. *forſan in priorī lectione:* nomina: *ſubſtituendum.*
- habet mea:* multum est, si eos adhibeam, ut credatis Christianis.
- habet mea:* benefici &c.
- habet mea:* incitant.
- habet mea:* eliciunt.
- habet mea:* nihil suspicari licebit, magia aut aliqua ejusmodi fallacia fieri. Dicis non stetit, si oculi vestri &c.
- habet mea:* dæmonas. Verum utrobique jam Deos &c.
- habet mea:* si non in cælis potius, & inde &c.
- addit mea:* hoc esse fortitos:
- addit mea:* Deum.
- habet mea:* in honore est Patris curis &c.
- habet mea:* Romanis a Diis.
- habet mea:* ad eos ultra.
- habet mea:* perditos.
- habet mea:* hominis.
- continuat mea:* nisi non modo &c.

- §. 35. fol. 113. loco : insculpta *habet mea* : apparerent. apparerent &c.
- §. 37. fol. 115. loco : largiter ultionis posset operari. *legit Rigal. & habet Codex fuld.* in largitatem ultionis &c.
- §. 42. fol. 124. loco : libentius de propriis locis sumamur. *habet mea* : sumantur.
- §. 45. fol. 126. loco : ex involuntate, vel necessitate &c. *habet mea* : ex voluntate.
- §. 46. fol. 126. loco : quod usui jam & commercio &c. *legit. Rigal.* quod usu &c.
- ibidem* fol. 127. loco : in quantum odium flagrat &c. *habet mea* : odio &c.
- ibidem* fol. 129. post : & rerum ædificator, & destructor. *continuat mea sic* : amicus, & inimicus erroris ? veritatis interpolator & integrator ?
- §. 48. loco : cæstibus a populo exigetur &c. *habet mea* : cædibus &c.
- ibidem* loco : quis in quam bestiam reformari videretur. *habet mea* : reformari vidit.
- ibidem* fol. 132. loco : & per ipsum humanæ &c. *habet mea* : signatum & ipsum &c.
- ibidem* loco : ingratis experire conditionis &c. *putat Haverc. legendum* : in gratiis.
- §. 49. fol. 134. post : sed in ejusmodi &c. *addit mea* : error sit utique, &c.
- §. 50. fol. 135. loco : in exemplum piissanæ &c. *habet mea* : in exitium &c.

IN LIBRO DE TESTIMONIO ANIMÆ.

- §. 1. fol. 195. loco : in sugillationem, & originem &c. *legunt Jun. & Latin.* in sugillationem & originum, & traditionum, & sententiarum argumenta &c.
- §. 2. fol. 197. loco : plane ea dicis, sed homo malus scilicet, contraria &c. *legit Rigal.* plane adjicis : sed homo malus, scilicet contraria &c.
- ibidem* loco : cum id maledictum convertis &c. *legunt Jun. & Rig.* cum in maledictum convertis benedictionem.
- ibidem* fol. 198. loco : unde animadversio, nisi de Dei judicio. *delet Rigal.* Dei.

- ibidem loco*: Deæ Iſidis linteata &c. *legit Jun.* lino teſta &c.  
*ibidem ante*: teſtem efficit chriſtianorum &c. *addit Jun.* te &c.  
 §. 4. fol. 200. *loco*: ſi nihil tibi eſt timendum poſt mortem &c. *mauult Hallenſis editor*: ſi nihil eſt? tibi timendum poſt mortem?  
*ibid. loco*: unde anima affectare aliquid &c. & tantopere præparare &c. *babet mea*: affectaret, &c. præpararet &c.  
 §. 5. fol. 202. *loco*: in quorum oleaſtro &c. *legunt Latin. & Rigalt.* in quorum olea ex oleaſtro.  
 §. 6. fol. 203. *loco*: omnium gentium unus homo nomen eſt. *legunt Jun. & Rigalt.* unus homo varium nomen eſt.  
*ibidem poſt*: nihil habens dicere, *addit Jun.* ſed audiens dicere Deum &c.

IN LIBRO DE CORONA MILITIS.

- §. 1. fol. 204. *loco*: proxime factum eſt, liberalitas &c. *babet mea*: facta eſt &c.  
*ibidem loco*: vulgato jam & iſta diſciplina chriſtiano &c. *babet mea*: vulgata jam & iſta diſciplina chriſtianorum &c.  
 §. 4. fol. 208. *loco*: legem habitui requiro. *babet mea*: legem habitus &c.  
*ibidem loco*: quod non obſervanda ſit tibi conſuetudo &c. *babet mea*: cur nam obſervanda ſit &c. *veneta vero editio finem §. quarti cum initio §. quinti ira jungit*: tunc diſcas, quod non obſervanda ſit &c. ſed cur &c.  
 §. 12. fol. 218. *loco*: cum & olea militia coronatur, ad Mineruam eſt Idololatia armorum æque Deam. Sed & paci cum Neptuno inita ex hac arbore coronatam. *babet mea*: quin & olea militiam coronari a Minerva, non ſolum artium, ſed armorum quoque Dea, & pacem cum Neptuno iniſſe ex hac arbore coronatam.  
 §. 13. fol. 220. *loco*: quod ſpectare debet, *babet mea*: ſpectare non debeat.

IN LIBRO DE HABITU MULIEBRI.

- §. 2. fol. 224. *loco*: quibus lanæ colorantur, *legit Jun.* genæ.

- ibidem fol. 225. loco* : sed ut de-  
vestum de &c.
- §. 5. *fol. 227. loco* : adiut neces-  
se est, unde sunt &c.
- ibidem loco* : de sua vice accom-  
modent &c.
- §. 6. *fol. 228. loco* : aliquid in-  
trinssecus postulat &c.
- §. 8. *fol. 229. loco* : sic ego & cir-  
ca actum materiarum census  
a Deo descendens, propterea  
excusatus, Deo extraneum ut  
reum scilicet gloriæ sæcula-  
ris &c.
- §. 9. *fol. 229. loco* : unam quam-  
que regionem materis &c.
- ibidem fol. 230. loco* : non tanto  
major &c.
- ibidem loco* : in sinistra per sin-  
gulos digitos &c.
- habet mea* : devestæ &c.
- legit Latin* id sint, necesse est  
&c.
- legunt Jun. & Rig.* de suo vi-  
cem &c.
- legit Rigal.* postulat.
- habet mea* : sic ergo & circa  
actum materiarum census a  
Deo descendens propterea  
excusatus. Deo extraneum  
ut reum scilicet gloriæ sæ-  
culum.
- habet veneta* : maris &c.
- legunt Rhen. Latin. Rigal.* nam  
tanto major.
- habet mea* : sinistra per singu-  
los &c.

IN LIBRO DE CULTU FÆMINARUM.

- §. 1. *fol. 231. loco* : eandem sui  
circumferentes,
- ibidem fol. 232. post* : inconti-  
ditam constat &c.
- ibidem loco* : propter veritatem  
gentilium &c.
- ibidem loco* : attamen velle, &c.
- ibidem loco* : mirum : perversa  
&c.
- §. 2. *fol. 233. loco* : ut animæ  
aliqua vestitus bona &c.
- §. 4. *fol. 234. loco* : gentiles com-  
munium præceptis &c.
- ibidem loco* : neque vestrum &c.
- ibidem fol. 235. loco* : oculos fu-  
ligrine colligunt.
- legit Jun.* formam nitoris ean-  
dem sui &c. *Wouw. Rhen.*  
*Latin.* eandem sui speciem,  
*Rigal.* eandem sui superfi-  
ciem.
- habet mea* : ut, licet &c.
- legit Rig.* pro perversitate &c.
- legit Jun.* non delinquere vel-  
le, vel etiam nolle.
- legit Rig.* quid mirum perversa  
&c.
- habet mea* : vestis urbana.
- legit Rigal.* gentili & communi  
omnium præcepto &c.
- habet mea* : neque.
- habet mea* : collinunt.

- §. 5. fol. 235. loco: quibus alienum abstinendam in specie exercere &c.  
*ibidem* fol. 236. loco: credite benedictæ &c.  
 §. 6. fol. 236. loco: pro temeritate &c.  
*ibidem* loco: occasio pravitatis interpolatur.  
*ibidem* loc. hanc incorruptibilem habemus semper induere &c.  
*ibid.* loc. quibus in fine appropinquare &c.  
 §. 7. fol. 236-237. loco: non bona simplicitate, custoditis. Præterea &c.  
*ibidem* loco: subtilium atque textilium &c.  
*ibidem* loco: capiti sappareas.  
 §. 9. fol. 239. loco: satis dotum vestrarum fructum cæcidistis. Unde notitia &c.  
 §. 10. fol. 239. loc. concharum alveis &c.  
*ibidem* loco: contemplandis & distinguendis lapillis.  
*ibidem* fol. 240. post: demonstrata sunt.  
*ibidem* post: preclocitatis faminarum.  
*ibidem* loco: quod idem Angeli &c.  
*ibidem* post: iram & animadversionem &c.  
*ibidem* loco: uti nunc esset &c.  
*ibidem* loco: an æqualiter.  
 §. 11. f. 241. loc. propter ipsum enim conventus.
- habet mea*: quibus alienum abstinendum: speciem exercere, quibus &c.  
*habet mea*: edite &c.  
*habet mea*: pro temeritatem!  
*legunt alii*: gravitatis &c.  
*legit Rigal.* hanc incorruptibilitatem habemus superinduere.  
*legit Rigal.* ad finem propinquari.  
*habet mea*: non bona simplicitate. Affigitis præterea &c.  
*habet mea*: sutilium.  
*legunt Jun. & Rigal.* supparetia.  
*legit Latin.* satis dotum vestrarum fructu; an excidistis de notitia &c. *Rig. autem* dotium vestrarum fructum excidistis ante notitiam &c.  
*legit Rigal.* salivis &c.  
*legit Rigal.* complectendis &c.  
*addis mea*: qui & ipsas &c.  
*habet Cod. Womw. & Rig. legit*: excitavit.  
*legit Rig.* quodsi idem &c. — auri dico, & lapidum illius trium opera.  
*addis Rig.* Dei &c.  
*legit Jun.* essent.  
*legunt alii*: an, & qualiter.  
*habet mea*: conventum: alii legunt ipsos conventus &c.



*ibidem loco* : quamvis horum  
gravitatis negotium & si cui.

§. 12. fol. 241. *loco* : impudica-  
rum libidinum victimæ &c.

§. 13. fol. 242. *loco* : aliqua for-  
san dicam.

*ibidem post* : ad quid ? nisi &c.

*ibid. loc.* in tenebris relictæ &c.

*ibidem fol. 243. loco* : & spiritus  
taciturnitate &c.

*habet mea* : quodvis &c. & cui  
&c.

*habet mea* : publicarum.

*habet mea* : dicat.

*addit mea* : ut &c.

*legit Rig.* derelicta &c.

*legit Rig.* & os taciturnitatē.

### IN LIBRO DE FUGA IN PERSECUTIONE.

§. 2. fol. 246. *loc.* quatenus nec  
persecutio potest &c.

*ibidem loco* : in tentationem vi-  
soricem.

*ibidem fol. 248. loco* : ex causa  
cohabitationis &c.

§. 3. fol. 248. *loco* : aut vitam  
auferunt aut &c.

*ibidem post* : dicitis enim &c.

§. 4. fol. 249. *loco* : duplex ra-  
tio dependit &c.

*ibidem loco* : sed dat sensui &c.

*ibidem loc.* status in toto &c.

§. 9. fol. 256. *loco* : nam quod  
omnes pene &c.

§. 11. fol. 257. *loc.* si quem gra-  
dus &c.

§. 12. fol. 259. *loco* : imo de pre-  
cio & mercedem ejus &c.

*ibidem loco* : abnegatorem sper-  
natur ?

*habet mea* : est ;

*habet mea* : intentatione &c.

*habet mea* : cohibitionis &c.

*legit Latin.* adferunt &c.

*delet mea* : inquis &c.

*legit Latin.* defendit.

*habet mea* : & dat sensui.

*habet mea* : status in tuto.

*habet mea* : namque &c.

*habet mea* : si quem gradum &c.

*habet mea* : imo deprecia-  
tur ; & mercedem ejus &c.

*habet mea* : spernat ?

### IN LIBRO CONTRA GNOTICOS.

§. 1. fol. 265. *loco* : tot venena,  
quot ingenia.

*ibidem loco* : id vulnus & vi-  
rus &c.

*ibidem loco* : Austro, & Africo  
sævitia velificat in remediis

*legit Rig.* tot venena, quot &  
genera.

*habet mea* : in vulnus, & vi-  
rus.

*habet mea* : Austro, & Africo  
sævitia velificat, in remediis

- naturalium plurimum, aliquid &c.  
*ibidem fol. 266. loco:* pro Deo mori, ut qui me salvum faciat, si is occidit, quis &c.  
*ibidem fol. 267. loco:* nos ipsius lepores &c.  
 §. 3. *fol. 270. loco:* ita nec illud expectabit &c.  
*ibidem fol. 271. loco:* postquam instituit super illos &c.  
 §. 4. *fol. 272. loco:* si illis manus dederō &c.  
 §. 5. *fol. 273. loco:* periculosa quæque medicamina vitare.  
 §. 6. *fol. 275. loco:* quæ vocaverat in salutem.  
*ibidem loco:* gaudeamus liberati.  
*ibidem loco:* nonnulla sunt vulnera &c.  
*ibidem loco:* sed quantum livoris &c.  
 §. 8. *fol. 278. loco:* quæ in ipso auditur ex &c.  
 §. 10. *fol. 281. loco:* nostrates enim inquirunt, nec ipsi eadem jurgiis constantes homines probabit &c.  
 §. 13. *fol. 292. loco:* Thessalonicensibus vero &c.  
 §. 15. *fol. 293. loc.* Apostolorum litteræ nobiles?  
*ibidem fol. 294. loc.* non in terris esse conandum &c.
- naturalia plurimum; aliquid &c.  
*habet Codex Wouw,* pro Deo mori. Et quis me salvum faciat, si is occidit, qui salvum facere debet?  
*legit Rigal.* nos ipsi ut lepores &c.  
*habet Codex Wouw.* expectabitur &c.  
*habet mea:* post quæ &c.  
*legit Latin.* nisi illis &c.  
*legunt alii:* periculosa quære, medicamina vitare.  
*legit Latin.* quos &c. *Rigal.* aurem & *Wouw.* qui &c.  
*legit Jun.* gaudemus &c.  
*legit Latin.* nulla sunt vulnera &c.  
*habet mea:* livores &c.  
*habet mea:* aditur &c.  
*habet mea:* nostrates enim, inquirunt, nec ipsi. Eadem jurgiis constanter probabat homines veros non esse, quos &c.  
*habet mea:* Philippenſibus.  
*legit Jun.* nobile? *Wouw.* nobiles.  
*habet mea:* confitendum.

## IN LIBRO I. ADVERSUS MARCIONEM.

- §. 3. *fol. 298. loco:* iidem definiamus esse.  
 §. 12. *fol. 309. loco:* non habens rei causam res ipsa.
- habet mea:* idem &c.  
*habet mea:* rem ipsam,

§. 13. fol. 310. loco: appellat. *Hallenfis suspicatur, legi debere:*  
Cum de mundo &c. cur de mundo? vel: cur?

de mundo &c. *apud alios au-*  
*tem legit: appellat, cum de*  
*mundo.*

*ibidem fol. 311. loco: sic & ofi-*  
*ris &c.*

*habet mea: ofirin.*

§. 14. fol. 312. loco: despiciis  
terram plane inimicæ &c.

*habet mea: inimice &c.*

*ibidem loco: hypocrita, muta*  
*apocarteresi &c.*

*habet mea: hypocrita, ut apo-*  
*carteresi &c. &: nam hæc*  
*apud vos &c. usque ad. dis-*  
*pliceret: ut paventibesi inter-*  
*jectam a sequenti nullo puncto*  
*distinguat: forsetiam ad Hal-*  
*lensis conjecturam legi posset:*  
*hypocritam! ut &c.*

*habet mea: deducto &c.*

§. 17. fol. 315. loco: nunc in  
isto articulo ab ignoti Dei  
quæstione deducta &c.

§. 19 fol. 317. post: quæ conan-  
tur discordia &c.

*addis mea: Evangelii &c.*

§. 21. fol. 320. loco: nam fuisset  
hæc quoque &c.

*habet mea: nam si fuisset &c.*

§. 22. fol. 323. loco: voluit one-  
ratum operationibus ejus ad-  
mistiis &c.

*substituit Rben. honoratum, &*  
*mea: admistiis &c.*

§. 23 fol. 323. loco: id est inde-  
bita. Prior igitur &c.

*interpungit Junius: indebita*  
*prior. Igitur.*

*ibidem fol. 324. post: secundam*  
*ei rationem referri.*

*addit mea: scilicet juvando*  
*aliud.*

§. 25. fol. 327. loco: & sibi per  
sensum.

*habet mea: per Jesum.*

*ibidem fol. 328. loco: concupis-*  
*cet, & non curavit?*

*habet mea: curabit?*

*ibidem loco: conciliario Mar-*  
*cione.*

*habet mea: Marcionis &c.*

§. 26. fol. 329. loco: ut vane  
non moveri &c.

*habet mea: & vane &c.*

§. 29. fol. 334. loco: non erit  
humanior &c.

*habet mea: immanior &c.*

## EX LIB. II. CONTRA MARCIONEM.

- §. 4. fol. 339. loco: bonitas inflavit in animam &c. *habet mea: inflavit animam &c.*
- §. 5. fol. 340. loco: præeunte definitione etiam ipsius Christi, ex operibus ineundæ probationis. *habet mea: Christi. Ex operibus ineundæ probationes.*
- ibidem* fol. 341. loco: id est animam &c. *habet mea: animæ &c.*
- §. 6. fol. 342. loco: oportebat Deum cognosci bonum; hoc utique &c. *habet mea: oportebat Deum cognosci; bonum hoc utique & rationale.*
- ibidem* fol. 343. loc. ex libertate scilicet arbitrii, non favente institutioni, non serviente &c. *habet mea: ex libertate scilicet arbitrii non favente, institutionis non serviente.*
- ibidem* loc. proinde ut & contra malum. Nam & illud &c. *habet mea: proinde ut & contra malum (nam & illud utique Deus providebat) fortior &c.*
- §. 8. fol. 346. loc. cum definitione mortis convenisset. *legit Rig. eum &c.*
- §. 9. fol. 347. loc. ideo erit spiritus, ipsum quod anima; vocitatus est status. *habet mea: spiritus. Ipsum, quod anima, vocitatus est status.*
- §. 10. fol. 348. loc. sed si non ab homine in diabolum transcripseris &c. *habet mea: sed si ab homine &c. Junius autem loco: non: substituit: nunc.*
- ibidem* fol. 349. loc. læsit hominem ejectum a Dei obsequio. *habet mea: electum. Latin. legit electum ad Dei obsequium. Junius legendum conjicit: elisit hominem ejectum a Dei obsequio.*
- §. 12. fol. 351. loc. separatione earum non potes carere &c. *legit Rig. separationem earum non potest capere.*
- §. 13. fol. 353. loc. si non & nocentis speciem. *habet mea: si non & nocentis speciem.*
- §. 14. fol. 354. loc. impedit & ipsum populum. *legit Rigal. impendit. Junius autem conjicit legendum: impetit &c.*
- §. 16. fol. 357. loc. ita & illas species prædico & exasperationes &c. *habet mea: ita & illas species, iræ dico, & exasperationis &c.*

- §. 17. fol. 358. loc. exempla, notans &c. *habet mea: exempla. Nota &c.*
- §. 19. fol. 361. loc. & non comminuetur. *habet mea: & unum ex ipsis non comminuetur.*
- §. 22. fol. 363. loc. quæ substantiam cohibentes. *vel delendum in uri mea: quæ vel hoc retento ad conjecturam Rhenani, legendum: cohibent.*
- ibidem loco: avocanti scilicet ab idolis &c.* *habet mea: avocante &c.*
- §. 24. fol. 366. loc. & delictum vindicandæ &c. *habet mea: & delictui vindicandæ.*
- ibidem loco: ex malo, & merito & passionis &c.* *delet mea ultimum: &c.*
- §. 25. fol. 369. loco: negationis ejus oneratum. *habet mea: negationis exemplo oneratum.*
- §. 26. fol. 369. loc. jurantis hoc cum maxime &c. *legit Wouw. jurans &c.*
- ibidem fol. 370. post: non facies enim istud.* *interferit mea: inquit &c.*
- §. 27. fol. 370. post: hæreticis non multo &c. *addit mea: diversa congestio stet*
- ibidem fol. 372. loc. quid si non eadem &c.* *legunt Rig. Jun. quid si nunc eidem &c.*
- §. 29. fol. 373. loc. & nihil aliud præstare &c. *habet mea: præstat.*
- ibidem fol. 374. post: quam excludit.* *addit Rig. cum præsertim &c.*
- ibidem loco: bona ut rationali &c.* *habet mea: & rationali.*

IN LIBRO III. CONTRA MARCIONEM.

- §. 3. fol. 376. loco: & non aliter præfato &c. *valr. Jun. nominaliter præfato &c.*
- ibidem loco: fidem cludet:* *volunt alii: eludet.*
- ibidem loco: quo posterior est agnitus.* *habet mea: quod &c.*
- §. 6. fol. 381. loco: sicut Propheta testatur, Persona spiritus nostri, Christum Dominum &c. *habet mea: sicut Propheta testatur, spiritus personæ ejus, Christus Dominus, qui &c.*
- ibidem fol. 382. loco: provocastis sanctum Israel vero si &c.* *habet mea: provocastis sanctum Israel si vero non &c.*

- §. 7. fol. 382. loco: in eandem *habet mea*: deductus foveam.  
decidit foveam.
- §. 8. fol. 386. loco: si Christus *habet mea*: non resurrexit.  
non valebit &c.
- §. 13. fol. 393. loco: & hoc enim *Wouw. legit*: & hoc enim in-  
infantia est &c. *fantia* est.
- ibidem loco*: maneat. autem *vult. Jun.* mantant enim, vel  
orientales &c. *mantant* &c.
- ibidem loc.* est creatori --- *habet mea*: est Creatoris ---  
constituere, sicut per Zacha-  
riam, & Judas prætetendit &c. *constituere*, sicut per Zacha-  
riam dicit, & Judas pertendet &c.
- §. 14. fol. 395. loc. & minæ tra- *habet mea*: minantes traductio-  
ductiones cordis &c. *nem* cordis.
- §. 17. fol. 399. loc. neque interio- *habet mea*: ejuscemodi &c.  
riorem qualitatem ejus, cu-  
jusmodi annuntias.
- ibidem fol. 400. post*: non ex-  
tinxit.
- §. 18. fol. 401. loc. Joseph & *addit mea*: sed lucernam magis  
ipse --- *usque* --- ad: Tauri de- *fecit* ortu luminis sui.  
cor ejus. *habet mea*: Joseph & ipse (Ri-  
galt. & Wauwerii Codex in-  
terferunt: in.) Christum figu-  
ratus nec hoc solo (ne demo-  
rer cursum) quod persecutio-  
nem a fratribus passus est, &  
venundatus in Egyptum ob  
Dei gratiam, sicut & Chri-  
stus a Judæis carnaliter fra-  
tribus venundatus, a Juda  
cum traditur, nam & bene-  
dicitur in hæc verba &c.
- ibidem post*: Simeonem. & Le- *habet mea*: exporrigens bene-  
vi &c. *ditionem*, in scribas & Pha-  
risæos (ex illis enim deduci-  
tur census istorum) spiritali-  
ter interpretatur: Simeon,  
& Levi &c.
- ibidem & fol. 402. post*: necem *habet mea*: interfecerunt: & sic  
prophetarum &c. *continuat*: & suffigendo ner-  
vos ejus clavis, desævierunt.
- ibidem loco*: nisi quia illic, ubi *habet mea*: nisi quia illic, ubi  
est &c. *nomen Domini Jesu dimica-*  
bat, &c.

*ibidem post* : in spectaculum salutare &c.

*ibidem loc.* & sanitas exinde &c.  
§. 19. fol. 403. loc. figuram panis dedisse.

*ibidem post* : ne putes alterius alicujus &c.

*ibidem fol.* 404. *post* : per resurrectionem consecuturus.

§. 20. fol. 404. loc. David filium ejus &c.

§. 24. fol. 414. *post* : strata jam.

*habet mea* : Israeli proposuit eo tempore, quo a serpentibus exterminati sunt, nisi quod & hic Dominicæ crucis &c.

*habet mea* : filius.

*habet mea* : pani.

*addit mea* : prophetari passionem, quam ejus &c.

*habet mea* : consecuturum.

*habet mea* : eum &c.

*adjuvit Lat. probante Jun. via* &c.

IN LIBRO IV. ADVERSUS MARCIONEM.

§. 4. fol. 421. loco : qua etiam Christum inde confingerent.

§. 5. fol. 422. loc. nullis notum, ut non eodem natum.

§. 7. fol. 425. loco : descendisse autem, dum sit &c.

§. 9. fol. 433. loc. ut puta propheta legis &c.

§. 10. fol. 435. loc. quia voluit : & misericordem avertet, & miserebitur nostri.

*ibidem fol.* 436. loc. cui enim Pater non datur.

*ibidem fol.* 437. loco : si neque Pater hominis &c.

*ibidem loco* : nominum communio simplex &c.

*ibidem fol.* 438. loco : admittunt in insaniam &c.

§. 14. fol. 449. loc. & ipsis egenis solatii &c.

§. 16. fol. 459. loco : præstrinxerat distinctionem.

§. 20. fol. 471. loco : atque ita potest legem non irrumpisse &c.

*habet mea* : confingerent.

*habet mea* : nullis autem notum, ut non eo damnatum.

*habet mea* : dum it.

*habet mea* : ut puta prophetatæ legis Junius autem : prophetæ legis.

*habet mea* : quia voluit misericordiam. Avertet, & miserebitur nostri.

*habet mea* : cui enim homo Pater non datur.

*emendat Jun. matris.*

*vult idem* : duplex.

*delent. Rit. Latin. & Jun. in.*

*volunt Ciaccon. & Jun. solatii.*

*habet mea* : præstruxerat &c.

*habet mea* : atque ita potest videri legem &c.

- §. 21. fol. 472. loco: quid ergo. *habet mea*: quid ergo hoc demum in conspectum &c.
- ibidem* fol. 473. post: errorem demonstraret &c. *addit mea*: sed &c.
- ibidem* fol. 474. loc. involucrum initiatus. *habet Codex Woum.* involucrum.
- §. 23. fol. 479. loco: usque adhuc Creatoris es totum apud. *habet mea*: usque adhuc creatoris est totum apud te: *Semleri conjectura est*: totum aperi Deum; *vel*: totum *απερθε*, *vel*: totum *αποθε*. Joan. 3. 2.
- §. 24. fol. 484. post: an nec unius. *addit mea*: Lacertæ - Deus?
- §. 25. fol. 487. post: a patre sunt tradita? quæ sunt creatoris. *apposit mea* interrogandi finum:?
- §. 26. fol. 491. loco: quam unde sum functus. *habet Paris.* fugatus.
- §. 28. fol. 498. post: inter illum, & fratrem ipsius &c. *addit mea*: de hæreditate &c.
- §. 29. fol. 499. loco: conditorum omnium, & probatorum &c. *habet mea*: præbitorem.
- §. 30. fol. 503. loc. recognoscor exigere. *legit Latin.* probatque *Jun.* recognosco te &c.
- ibidem* loco sensus forsan mendose expressi sic: converterint hominis personam, in personam, a Christo in hominem accipientem &c. *habet mea*: converterint hominis personam a Christo in hominem accipientem &c.
- §. 34. fol. 511. loc. æque alter est ex eadem utique causa dimissam &c. *habet mea*: ex eadem utique causa, qua non licet dimittere &c.
- ibidem* ad. sed nec tuum apostolum finire &c. *addit Codex Woum.* scilicet &c.
- ibidem* fol. 518. loco: hoc mihi disseuissæ proficiet etiam ad subsequens &c. *delet mea*: ad &c.
- ibid.* loco: sagillati Herodia &c. *legit Rigal.* sagillatus.
- ibidem* loco: quæ ad inferos discernit &c. *habet mea*: ab inferis.
- §. 35. fol. 517. loco: habens schisma illud ex novem tribubus. *habet mea*: ex decem.



- ibidem loco* : itaque qui & per *habet mea* : Amos &c.  
Isaiam &c.
- ibidem loco* : jam & ipsum resti- *habet mea* : ipsam &c.  
tuere dignatus ; quod forte  
mendose legitur , cum Hal-  
lensis editor nullam variantem  
addiderit.
- §. 36. fol. 521. *loco* : ab illo Deo *legunt Rigal. & Woun.* ab alio  
descendisse &c. &c.
- ibidem loc.* ad detectionem crea- *legunt iidem* : ad dejectionem  
toris &c. &c.
- §. 37. fol. 522. *loc.* contractuum *habeat mea* : obnexus &c.  
obnoxiiis &c.
- §. 38. fol. 525. *loco* : decucurre- *habet mea* : quos autem dignatus  
runt : quos autem dignatus  
est , Deus illius ævi ideo ad-  
jungunt &c. est Deus illius ævi ; illius ævi  
Deo adjungunt &c.
- ibidem fol.* 526. quodcumque ad *omittendum putat Junius* : Chri-  
gloriam spectaret Christi crea-  
toris. sti &c.
- §. 39. fol. 529. *loco* : dispergens *habet mea* : disperges.  
aquas gressu &c.
- ibidem loc.* in tempore regni , re- *habet mea* : redemptos &c.  
demptus.
- ibidem fol.* 530. *post* : ab adven- *habet mea* : siue tui malueris quo  
tu ejus oriuntur &c. bona ei adscribas , quæ ab  
adventu ejus oriuntur , co-  
garis &c.
- §. 40. fol. 531. *loco* : paschæ *habet mea* : nam e tot festis &c.  
diem egit. elegit.
- ibidem fol.* 533. *loco* : jam tunc *habet mea* : delinabat.  
Christum in Juda declinabat.
- §. 41. fol. 535. *loc.* perseverave- *habet mea* : perseveraverint &c.  
rit in eo &c.
- §. 42. fol. 535. *loc.* si vos dicitis , *habet mea* : nisi vos dicitis ,  
sic pronuntiasset &c. sic &c.
- ibidem fol.* 537. *add.* denique *addit mea* : fuisse.  
si caro non.
- §. 43. fol. 538. *loco* : quænam *habet mea* : quæ locutus non al-  
locutus ? Alterius se Dei esse  
probat , & minus de Deo ?  
an eadem &c. terius se Dei esse probat , sed  
ejusdem Dei. Nam &c.